

რ-68

10423-4



საბ. სსრ სახელმწიფო ლიტერატურული მუზეუმი

514

1942

7



ლიტერატურის მატიანე

~~656~~

3922 B 154

პნფ. რედაქტორი

გიორგი ლეონიძე

40860

3-4

Отв. редактор Георгий Леонидзе


„ЛИТЕРАТУრИС МАТნანე“

(Летопись литературы)

Книга 3—4

Государственный литературный музей Грузии

Тбилиси—1942 г.



საქართველოს

ნახ. უჩა ჯაფარიძისა

ს ა რ ჩ ი მ ი

1. რედაქციისაგან	5
2. აკაკის მშობლიურ კუთხეში (საქ. საზ. ლიტერატურული მუზეუმის ექსპე- დიციის მასალებიდან)	7

მ ო გ ო ნ ე ბ ა ნ ი ა პ ა კ ი ე შ

3. ანასტასია ერისთავ-მოსტარია—დაუფიწყარი შეხვედრები აკაკისთან	61
4. დომენტი თომასვილი—აკაკის შესახებ	65
5. ილია ხურაბიშვილი—მოგონებანი აკაკიზე	70
6. რუსუდან ნიკოლაძე—როინის პირას	101
7. იაკობ თანცხავა—ჩემი მოგონება	117
8. მოსეთ თოძე—როგორ დაეხატე აკაკი წერეთელი	120
9. არტემ ხანზაროვი—ერთი ეპიზოდი აკაკის ცხოვრებიდან	123
10. ნ. ახიანი—რამდენიმე შეხვედრა აკაკისთან	125
11. ნიცა ბაგრატიონი—წერეთლისა—აკაკი	132
12. თამარ წერეთელი—აკაკი წერეთელი ჩემს ხსოვნაში	136
13. ვასილ წერეთელი—ძია აკაკი	138
14. პაპუნა წერეთელი—პოეტის სამშობლო სოფელში	143
15. კონსტანტინე ნიკოლაძე—მოგონებანი აკაკიზე	148
16. ვარინკა წერეთელი—„სულიკოს“ ავტორი ჩემს ხსოვნაში	150
17. ნინო ელიაშვილი—აკაკი და ბავშვები	153
18. ნიკო გვარაძე—აკაკი ქართულ თეატრში	155
19. ვასილ ალდადანოვი—მომჯადოებელი მოსაუბრე	160
20. ხაქარია ფორაქიშვილი—აკაკი ქართული ლექსიკონის შესახებ	164
21. ილარიონ ქლდნტი—აკაკი და ახალგაზრდობა	169
22. პოლინა მამინაიშვილი—ჩემი ძველი დღიურიდან	172
23. იონა მეთუნარგია—აკაკის ცხოვრებიდან (პუბლიკაცია ს. ლ. ცაიშვილისა)	179
24. ესეველოდ ჩაგოვეცი—სამი შეხვედრა პოეტთან	186
25. ნ. ლენდერი—მამა-პაპათა ბუდეში (პუბლიკაცია თამარ ოჭროშიძისა)	191

დ ლ ი უ რ ა მ ი ღ ა მ ი მ ა უ რ ა მ ი

26. იონა მეთუნარგიას დღიურები (პუბლიკაცია ს. ცაიშვილისა)	195
27. ალექსანდრე ყიფშიძის (ფრონელის) დღიურები (პუბლიკაცია გ. ნათაძისა)	291
28. ხაქარია ტიჭინაძე—ალექსანდრე ყაზბეგი—(პუბლიკაცია გიორგი ლეო- ნიძისა)	289
29. შიო არაგვისპირელი ს. ავტობიოგრაფიული ნაწყვეტი	303
30. მარია მარჯავიძე—ალექსანდრე ორბელიანის ცხოვრებიდან	314

გ ა მ ო კ მ ლ ე მ ე ბ ი

31. აკად. კ. კეკელიძე—მცხეთის დოქუმენტი მე-11 საუკუნისა და მისი ცნობები ქარ- თული მწერლობის შესახებ	321
32. ს. ლ. იორდანიშვილი—რუსთველის ჩვენამდე არსებული პოემა-რომანის შესახებ	333
33. გიორგი ლეონიძე—ბესიკი (მონოგრაფია)	341

რ ე ლ ა ქ ც ი ი ს ა ზ ა ნ

„ლიტერატურის მატთანეს“ მორიგი ტომი, რედაქციის თავდაპირველი გეგმით, მთლიანად აკაკი წერეთლის ცხოვრებისა და შემოქმედებისადმი უნდა ყოფილიყო მიძღვნილი, პოეტის დაბადებიდან ასი წლის იუბილესთან დაკავშირებით. ტექნიკური მიზეზებით გამოწვეულ შეგვიანების გამო, რედაქციამ თავისი განზრახვა მხოლოდ ნაწილობრივ განახორციელა. ზოგი შესაფერი მასალა (აკაკის პოეტური ტექსტები, აკაკის კერძო მიმოწერა, ნარკვევები აკაკის შემოქმედებისა და ბიოგრაფიული საკითხების შესახებ) შემდეგ დროისათვის გადასდო და ამ ხანად, მხოლოდ საბიოგრაფიო მასალების გამოქვეყნებით დაკმაყოფილდა.

პირველ რიგში, რედაქცია ჰბეჭდავს საქ. სახ. ლიტერატურული მუზეუმის ექსპედიციის მასალებს, რომელიც შეგროვილ იქნა 1939 წლის ზაფხულში აკაკის სამშობლო კუთხეში, ადგილობრივ კოლმეურნე გლეხობაში და პოეტის ნათესავეებსა და მეზობლებს შორის.

აკაკი უპირველესად ხალხის ყოველდღიურობის ცხოვრების პოეტი იყო, მისი ცხოვრების მონაწილე. აქედან, გასაგებია — „ხალხში ჩამდგარი“ აკაკის პოპულარობა და ის დიდი სიყვარული, რომლითაც ხალხი ისე უხვად აჯილდოებდა თავის პოეტს. ბუნებრივია, რომ აკაკის მრავალი ნაცნობი და მეგობარი ჰყავდა, განსაკუთრებით დემოკრატიულ ფენებში, რომელთაც კარგად იცოდნენ პოეტის ცხოვრების ასავალ-დასავალი. კერძოდ, ეს უნდა ითქვას მის მეზობელ გლეხობაზე, რომელთა შორის არიან პოეტის ბავშვობისა და ყრმობის მომსწრენი და ამხანაგებიც.

საქართველოს სახ. ლიტერატურული მუზეუმი, რომლის ორგანოა ქურნ. „ლიტერატურის მატანეს“, შეეცადა დროზე შეეკრიბა, ჩაეწერა და დაეიწყებინათ გან ვადაერჩინა ბიოგრაფიული ცნობები და მოგონებანი აკაკი წერეთლის შესახებ პოეტის მცნობთა შორის, რომელთა რიცხვი მათი ხანდაზმულობის გამო დღითი-დღე მცირდება.

ეს ძვირფასი მასალა შეგვებული ჩვენი მწერლებისა და საზოგადო მოღვაწეთა მოგონებებით, რაც წინამდებარე ტომში ასევე უხვად არის წარმოდგენილი, ვიმედოვნებთ, საკმაოდ შეაესებს აკაკის ბიოგრაფიის თვალსაჩინო ხარვეზს (უნდა დაესძინოთ, რომ ერთი მოგონება აკაკის უკრაინელი მეგობრის ვ. ჩაოვეცისა ჩვენ მივიღეთ 1941 წ. ქ. კიევიდან).

გარდა აკაკი წერეთელზე გამოქვეყნებულ მასალებისა, კრებულში დაბეჭდილია დღიურები იონა მეთუნარგიასი და ალ. ფრონელისა (ყიფშიძის), სადაც ყოველდღიურობით აწერილია 1870-იან და 1880-იანი წლების ქართველ მოსწავლე ახალგაზრდობის ყოფაცხოვრება და სულისკვეთება მაშინდელ სასულიერო სემინარიის რეჟიმის ფონზე. ორივე დღიური მნიშვნელოვანი ლიტერატურ-

რულ-ისტორიული დოკუმენტია, მით უმეტეს, ჩვენი მწერლობა მეტად ლარიბი-ასეთი მასალით.

ახალ, საინტერესო ცნობებს იძლევა ზაქარია ჭიჭინაძის მიერ შედგენილი ალექსანდრე ყაზბეგის დღემდე უცნობი ბიოგრაფია.

შოთარაგვისპირელის ავტობიოგრაფიული ნაწყვეტი და მოგონება ალექსანდრე ორბელიანზედ უსათუოდ ერთგვარი შენამატია ჩვენი მწერლობისათვის საბიოგრაფიო-კვლევითი მუშაობის დარგში.

კრებულში მოთავსებული აკად. კ. ქეკელიძის საყურადღებო ნაშრომი ეხება ძველ-ქართულ სასულიერო მწერლობის საკითხებს.

დასასრულ, გამოქვეყნებულია ს. იორდანიშვილის ნარკვევი რუსთველის ჩვენამდე არმოღწეულ პოემა-რომანის შესახებ და გიორგი ლეონიძის მონოგრაფია „ბესიკი“.

კრებულში მოთავსებული ილუსტრაციები პირველად ქვეყნდება.

**

დღეს, სამამულო ომის დღეებში, როდესაც ჩვენი სოციალისტური სამშობლო უმაგალითო გმირულ ბრძოლას აწარმოებს გერმანელ ფაშისტ დამპყრობელებთან, თავისი სუვერენობისა, ღირსებისა და თავისუფლების დასაცავად, არაჩვეულებრივ მტკიცეა და ერთობილი საბჭოთა ფრონტი და საბჭოთა ზურგი. ლენინ-სტალინის დროშის ქვეშ საბჭოთა ხალხი არა მარტო ვაეცაკურად ებრძვის ბარბაროსულ-ფაშისტურ ურდოებს, არამედ შეუპოვრად განაგრძობს კულტურულ მშენებლობას ყველა უბნებზე.

ქართველი ხალხის სახელოვანი შვილები, მოძმე საბჭოთა რესპუბლიკების შვილებთან ერთად, სტალინგრადთან, რევეთან, ლენინგრადთან, კავკასიის მთებთან, შეუდრეკელი გმირობით და თავდადებით იცავენ დამოუკიდებლობასა და თავისუფლებასთან ერთად, თავის კერას, თავის სამაყო კულტურას, თავის მწერლობას, რომელიც ყოველთვის იყო გამომაკლინებელი ქართველი ხალხის გმირული ტრადიციებისა. არა ერთი, ბრძოლის ცეცხლში მყოფი ქართველი მებრძოლი სიყვარულით იგონებს თავის საყვარელ მწერლებს, არა ერთს აფრთოვანებს მათი პოეტური სიტყვა მამულის სიყვარულზე, სამშობლოსათვის თავდადებაზე.

ჩვენი ვაეცაკური წითელი არმია დიდი მხედართმთავრისა და ბელადის სტალინის გენიალური ხელმძღვანელობით დღითი-დღე სჭედავს გამარჯვებას ფაშისტ ავაზაკებზე და დიდი ხანი არ დარჩენილა იმ დრომდე, როდესაც გამარჯვებული საბჭოთა ხალხი თავის სოციალისტურ სამშობლოში, მთელი თავისი ენერგიით და მხარგამლილობით შეუდგება მისთვის ჩვეულ-კულტურის დიად მშენებლობას უფრო მეტი გაორკეცებით, ვიდრე დღემდის იყო.

საბაის მფობლიურ კუთხეში

(საპარტემლოს სახ. ლიტერატურული მუზეუმის მასპიდინის მასალებიდან)

1939 წ. აკაკი წერეთლის დაბადებიდან 100 წლისთავის შესრულების წინ, საქ. სახ. ლიტერატურულმა მუზეუმმა (ლიტერატორი გიორგი ლენინიძე) აკაკის სამშობლოში, საჩხერესა, სხვიტორში და მათ ახლო-მახლო მდებარე სოფლებში მიაგლინა მუზეუმის მეცნიერ-მუშაკებისაგან შემდგარი ლიტერატურულ-სამეცნიერო ექსპედიცია: თამარ ოპროშიძის, თინათინ ქავთარაძის, დავით შულღიაშვილის, გრიგოლ ინასარიძის შემადგენლობით. ექსპედიციას ხელმძღვანელობდა მუზეუმის სწავლული მდივანი გიორგი აბზიანიძე. ექსპედიციამ აღმოაჩინა დაპყრობითი და შეგროვდა მნიშვნელოვანი მასალა აკაკი წერეთლის ცხოვრებისა და შემოქმედების შესასწავლად. ექსპედიციის მიერ შეგროვილ მასალის ნაწილი ქვეყნდება წინამდებარე კრებულში.

რედაქცია

მარიამ მიხეილის ასული ციციშვილი - წერეთლისა — (ს. სხვიტორის მცხოვრები, 84 წლის, აკაკის ძმის დავით წერეთლის მეუღლე) ჩასწერა გ. აბზიანიძე მ.

წერეთლები ქართლში ხშირად გადმოდიოდნენ და იქაურ ოჯახებს ემოყვებოდნენ. აკაკის ძმა დავითიც, — ჩემი მეუღლე, — ქართლში წამოსულიყო ახალგაზრდობისას საციოლეს მოსაძებნად. დავითს პირველად უნდა შეერთო ციციშვილის ქალი, ნინო. ერთხელ ქართლში ვიყავით დაპატივებული იასონ ციციშვილთან. იქ გავარდა ხმა: ამა და ამ ქალს წერეთელი ირთავსო. ის ქალი — ნინო, დავითს არ მოსწონებია. შემდეგ იასონ ციციშვილმა მოიპატიოვა დავითი. ის იქ გავიცანთ პირველად; იმ დროს მე ვათხოვებდა ფიჭინადაც არ მქონდა. საზღვარგარეთ მინდოდა წასვლა. ეს იყო 1877 წელს. მაშინ დაბრუნდნენ საზღვარგარეთიდან მაშვიკო წერეთელი, ოლიმპიადა წერეთელი, ოლგა გურამიშვილი, კატო ნიკოლაძე, ბოკია ზემიანსკაია და სხვები. მეც იმათი გავლენით მინდოდა წასვლა საზღვარგარეთ. იქ, ქართლში, დავითის მეგობარი იყო ბარონ კლეისტი, მისი ამხანაგი პოლკიდან. იქ გადაწყდა ჩემი გათხოვება და მეორე დღეს დამწერეს ჯვარი, ჩემი სურვილის წინააღმდეგ. მაშინ ხომ გათხოვების საქმეს მშობლები წყვეტდნენ. ჩვენ ხმა არა გვქონდა.

გათხოვების შემდეგ, სხვიტორში წამომიყვანეს, აქ დამხვდა ჩემი დედამთილი ეკა, ანა ჩემი მული და ანეტა — აკაკის დისწული. მაშინ აკაკი არ მინახავს. აკაკი მგონი იმ დროს რუსეთში იყო. ეცხოვრობდით როსტომ წერეთლის სასახლეში. როსტომი ერთი წლის მკვდარი იქნებოდა, მე როცა მოვედი, მგლოვიარედ იყვნენ, მაშინ მოურავად ჰყავდათ სასახლეში გომართელი, მაგრამ დავითმა დაითხოვა, — „შეუფერებელი ქალის თხოვა მირჩიე ქართლშიო“. ამის შემდეგ მოურავად იყო წერეთელი (ექვთიმე წერეთლის ნათესავი).

ჩემ დროს, მთელი სასახლე ანა იყო — აკაკის უფროსი და. მას ძალიან უყვარდა წამლობა. ჩემმა დედამთილმა ასწავლა. დედამთილისათვის პატარებს ესწავლებინათ. სულ უფასოდ ექიმობდა. როდესაც გაიგებდა ჩემი დედამთილი, რომ სადმე მძიმე ავადმყოფი იყო, ჯორზე შეგდებოდა და ავადმყოფთან მივიღოდა. კარგად გამოკითხავდა და უწამლებდა. მერე ანაც დადიოდა; ის კი

ცხენზე ჯდებოდა. ისე მძიმე იყო ჯორი ვერ ზიდავდა. ანა ძალიან ლამაზი იყო, დიდტანოვანი, ახოვანი, მშვენიერი სახისა, ქერა იყო, თვალები ლურჯი ჰქონდა, თმები ღია წაბლისფერი. დიდი ოხუნჯი იყო, მოსწრებული სიტყვის პატრონი; მის გვერდით სულ უნდა გეცინა. ანა, აკაკი და ჩემი ქმარი რომ დაჯდებოდნენ და ხუმრობას მოჰყვებოდნენ, სიცილი და კისკისი გაუთავებელი იყო. ერთხელ, ვზივართ აივანზე აკაკისთან ერთად. იქ იყვნენ აგრეთვე გიორგი წერეთელი, ნიცა წერეთელი, ტასო მანაბელი და ჩემი მეუღლე. რალაც სერიოზული საუბარი იყო. მაგრამ შიგადაშიგ ოხუნჯობდნენ. სალამო ხანი იყო. ჩვენს ეზოში უამრავი ვარდი იყო და ამიტომ ბუღბუღებუც ხშირი სტუმრები იყვნენ. ამ სიცილს აჰყენებ ბუღბუღები. აკაკის ისე უყვარდა ბუღბუღის ხმა, რომ პირდაპირ გადაიარეოდა ხოლმე, როცა გაიგონებდა. მაშინ ველარც ხმას ამოიღებდა და ვერც ხმას ვასცემდი. აკაკიმ ინატრა, ნეტა ერთი ეს ბუღბუღი დამანახაო. ამის თქმა იყო და ერთი ბუღბუღი შემთხვევით შემოაფრთხილა და აკაკის ხუჭუჭ თმებში დააჯდა. აკაკის ხელის წაბანება უნდოდა, მაგრამ მერე გაჩერდა, განძრევის შეეშინდა, არ გაფრინდესო. ჩვენ ყველანი გავოცდით და გავირინდით, ბუღბუღმა ერთი დაიპახუხა, დაიფრთხილა და გაფრინდა. აკაკი სიხარულით ცას ეწია, აღარ იცოდა რა ექნა: ვინატრე და აკი ვნახეო, მაგრამ როგორ ვნახე ზედ თავზე დამაჯდაო. გიორგი წერეთელმა უთხრა, ნამდვილად ჰიპნოზი ჩიტებზედაც მოქმედებსო.

ახლა დაუბრუნდეთ აკაკის დედას. აკაკის დედა ძალიან ჰკვიანო იყო. აღვილად ვერ ააჩქარებდით იმას ვერც სიტყვაში, ვერც პასუხში, მხნე და ღვთის მოყვარე იყო. როსტომს მე არ მოვსწრებოვარ და ვერაფერს ვიტყვი, აკაკის ცხოვრებამ კი სხვიტორში ჩემ წინ გაიარა. ბევრი რამ მახსოვს მისი ცხოვრებიდან, ბევრი რამ წერილმანაც.

აკაკის პოეტობა და სახელი ჩვენ გვაბამაყებდა. მისი ნაწერი არასოდეს არ გამიშვია წაუკითხავი. უმეტესად სხვიტორში უყვარდა წერა.

როდესაც აკაკი მუზაზე იყო—უცნაური სახე დაედებოდა, თმა აებურძგნებოდა, თვალები უბრწყინავდა ცეცხლივით, გეგონებოდად მზე აღვიაო, რალაც აღელვებული იყო, მიდიოდა და მოდიოდა, ის არასოდეს არ დაჯდებოდა, როცა „თორნიკე ერისთავს“ წერდა მაშინ შეუსწარი. სამი თვე წერდა ამ პოემას. ნახევარი რომ დასწერა, დაგვიძახა ჩემს ქმარსა და მე, სხვები აქ არ იყვნენ (ეს ზამთარში მოხდა) და წაგვიკითხა. ჩვენ ძალიან გავვიხარა, მოუწონეთ.

ერთ ნაწარმოებში ისე ჰქონდა გამოყვანილი აკაკის, რომ გიორგობის-თვეში ჰქუხდა, მე ვუთხარი, გიორგობისთვეში როდის იცის ქუხილი-მეთქი. კი, იცისო, და მართლაც იმ წაშში დაიქუხა.

როცა ჩვენ „თორნიკე“ წაგვიკითხა, აღტაცებაში მოვედით. შევაქეთ თვითონ კვებნა არ იცოდა, ვერც შეატყობდით, რომ რალაც შესანიშნავი რამ დაუწერიაო, ძალიან მორცხვი იყო თავის ქებაში. დედამ ჩამინერგაო, რომ დიდი წარმოდგენის არ იყო შენს თავზეო, დედის შთავგონებით კუხიანიც კი მეგონა ჩემი თავიო.

ვთხოვო. გლეხებმა უთხრეს: ჩვენ ეგ არ გვეკირიაო, ჩვენ გვინდა საბუთები, რომ ამით დამშვიდებული ვიყოთ, ან რაც ვნებათ გადაგვახდევინეთო. აკაკიმ უთხრა, თქვენ მხოლოდ საბუთის შედგენის საფასური მიეცით და თავისუფალი ხართო და მართლაც განათავისუფლა.

მეტად უყვარდა გლეხებთან საუბარი, განსაკუთრებით აფასებდა ძველ გლეხებს, მოღმესებს, ძველი ამბების მომსწრეებს. იმას უფრო აინტერესებდა ზღაპარი და ძველი ლექსები. მოიყვანდა გლეხებს და აამბობინებდა ხოლმე. მთელი მისი ნაწერი გლეხების ნაამბობზე არის აშენებული. მე მახსოვს, იყო ერთი გლეხი კიკოლა ტალახაძე და მისი ნაამბობის მიხედვით დასწერა კიკოლას ნაამბობი. მახსოვს, „კიკოლას ნაამბობი“ რომ დაიწერა, კიკოლა ცოცხალი იყო. ეს ტალახაძე ძველი კაცი იყო და ლექსებს გამოთქვამდა ხოლმე. ძველი ამბები იცოდა.

აკაკის გატაცებით უყვარდა ბავშვები. ბავშვს რომ დანიახავდა, სიხარულით აღარ იყო. გლეხებს ყოველთვის რაიმე დახმარებას აღმოუჩენდა. იყო შემთხვევა, აკაკიმ არ მიიღო ჯრუჭის ეპისკოპოსი გაბრიელ აბაშიძე (აკაკის არ მოსწონდა იგი), და იმავე წუთში კი გლეხი არჩაძე მიიღო.

აკაკი ოჯახში მშვიდი კაცი იყო, ოღონდ ძალიან აწუხებდა ცოლ-შვილის დიდი მოთხოვნები. აკაკის არ შეეძლო მათი დაკმაყოფილება. ცოლ-შვილი ზაფხულობით ჩამოდიოდა სხვიტორში. ორჯერ მოვიდნენ ჩემსას. ერთხელ შვილს ჩამოჰყვა ამხანაგი, მგონი ვასკრესენსკი. აკაკის არაფერი საშუალება არ ჰქონდა, აქ ღარიბად ცხოვრობდა. მაშინ სათავად-ახნაურო ბანკმა დაგირაგებული მამული სხვიტორში სახლიანად უკანვე დაუბრუნა, მაგრამ აკაკიმ მეორეჯერაც და მესამეჯერაც დააგირავა. მისი ცოლი მიჩვეული იყო ფუფუნებას. მოსამსახურეებიც რუსეთიდან მოიყვანა. რის გამო აკაკი უკმაყოფილო იყო. ცოლი ყოველდღე ბანაობდა, მოსამსახურე ქალები წელში წყდებოდნენ წყლის ზიდვით და უკმაყოფილება განაცხადეს. ეს აკაკის ყურამდე მივიდა. აკაკიმ ამაზე ცოლს უსაყვედურა: რატომ აწუხებ ხალხს ამდენი წყლის ზიდვითაო? ცოლმა უპასუხა: ეს სისუფთავეაო. აკაკიმ ნაღვლიანად ჩაილაპარაკა: თუ ეს სისუფთავეს წარმოადგენს, მაშინ ბაყაყები უფრო სუფთა იქნებიანო. ქალს ეწყინა და ხელი ჩააქნია. მას შემდეგ ამ ქალს არ უცხოვრია სამ დღეს, უკანვე წავიდა. ცოლმა ქართული არ იცოდა. არც შვილმა. შვილი სადა და გულკეთილი კაცი იყო.

აკაკის ქალებთან მეგობრობა უყვარდა. მეგობრობდა ნიცა წერეთელს და ნანო წერეთელს (ბაგრატიონის ქალს). ძალიან გატაცებით უყვარდა ტასო მაჩაბელი. თბილისში, როცა მე მას ვახლდი, აღექსანდროვცს ბალის წინ რომ სასტუმრო იყო (მაჭავარიანს ეკავა), იქ ჩამოვხტით იქ მოვიდა ტასო. ჩანდა რომ აკაკის და ტასოს სატრფიალო განწყობილება ჰქონდათ.

აკაკის თავისი მოგვარე წერეთლები არ მოსწონდა. არ უყვარდა ბეჟან წერეთელი (ტასოს სიძე). მისი მეუღლე—ნიცა წერეთელი ძალიან სწამდა.

აკაკი პატივისცემით უყურებდა ფრიდონ და ამირიდონ წერეთლების ოჯახს. გლეხები, საერთოდ ყველა უყვარდა, გლეხებიდან აკაკისთან დაახლო-

აკაკის ცოლი, ჩემი შეხედულებით, პატიოსანი ქალი იყო. აკაკის ოჯახისა კი იმას არაფერი არ სწამდა, არაფერი არ აინტერესებდა. ქართული არც იმან იცოდა სრულიად. დიდკაცურად აღზრდილი იყო. ტანად მოსული ქალი ვახლდათ, როგორც აკაკის ცოლს, ღმერთივით უყურებდა სუყველა. მაგრამ ქართული რომ არ იცოდა, არ მოსწონდათ და გულს არ იკარებდნენ, ანასთან მუსაიფიც კი არ შეეძლოთ. ანამ ერთი სიტყვა არ იცოდა რუსული. ნატალია პეტროვნა იწვეა გვერდის ოთახში (ეხლა რომ ანიკო აბდუშელიშვილი დგას), დედა-შვილი ძალიან ესიყვარულებოდნენ ერთმანეთს. უერთმანეთოდ პურს არ სჭამდნენ. დედა ლოლიას მზეს იფიცავდა. ჩხუბი არასოდეს არ უმოსდიოდათ ცოლ-ქმარს. ცოლი და შვილი ზაფხულობით მოდიოდნენ. ჩემს ხელში ორჯერ მეტად არ ყოფილან.

როსტომი არ მახსოვს. გავიწყობოდათ კი როსტომზე მხოლოდ ცუდი გამოიგონია თვითონ აკაკისავან. აკაკი ასე იტყოდა: ჩვენს შთამომავლობაში კარგი არავინ შეგვეჩვენაო, სულ გაწყდება მამაჩემის ცოდვითო. იაპონიის ომის დროს 1904 წ. აკაკის ძმისწულს ოტო წერეთელს პარაკლისი გადუხადეთ, დავლოცეთ და ომში გავისტუმრეთ. დავბრუნდით იქიდან აკაკი, მე და ანა. ცოტა რომ გამოვიარეთ, აკაკიმ უთხრა ანას, ხომ მოგეწონა პარაკლისი, როგორ დალოცე შენი ძმისწულიო. ათასი რომ დალოცო არც ეგ, არც თათკა და არც საშა არ გადარჩებიანო (აკაკის დისწულეები) ანამ უპასუხა: რატომ გაქვს აკაკი ასეთი მწარე ენაო? აკაკიმ უთხრა: მამაშენს იმდენი დანაშაული მიუძღვის, რომ მისი ცოდვა უწყევთო. ამ სიტყვებზე ანა დაფიქრდა. მართლა ოტო მოკვდა, მეორე თვეზე მკვდარი მოვიტანეთ, ეს ორი ძმა დადემშექლიანები 1914-ში გერმანიის ფრონტზე დაიღუპნენ.

აკაკის დედა ეკატერინე აბაშიძის ქალი იყო. სახლში ეწინა ეკატერინეს ეძახოდნენ. ჩემს სასახლეში ყოფნისას ეკატერინე აღარ იყო ცოცხალი, მარა იქამდე ვიცნობდი. ეკატერინე თურმე ხალხს ეხმარებოდა ექიმობით, იმავე დროს იყო სოფლის დიდი მეურნე. დღესაც მოიპოვება კვერთხში და გაბევთში მისგან გაშენებული ას ძირამდე კაკალი, თავის ხელით დარგული. ჯორზე იჯდა, ისე დადიოდა და ბაღს აკეთებდა. ერთი საინტერესო ბალია კიდევ მისი ხელით გაკეთებული.—კოტე წერეთლის ბაღად წოდებული. ექიმობა ნასწავლი ჰქონდა ფრანგი პატრებისგან, რომლებიც დიდ ოჯახებში ძველად განგებ იკალათებდნენ, გლეხობას წამლებს აძლევდა, მისგან ისწავლა ექიმობა მისმა ქალიშვილმა ანამ.

ანა თვითონ ხალისიანი ქალი იყო. თავის სიცოცხლე ქალწულობაში გაატარა. იყო დილა-სალამოს მლოცველი. ამავე დროს ასრულებდა ექიმობას. ხალხის ძალიან მოყვარული იყო და მიმღები.

აკაკი მე გავიცანი, როგორც ვთქვი, ჯერ კიდევ ჩემი ბავშობისას, 1889 წელს. 1897 წლიდან კი, როცა სასულიერო სწავლა დავამთავრე ჯრუჭის მონასტერში და სხვიტორში ჩამოვედი, უფრო დავუახლოვდი აკაკის. ამავე წლიდან მისი სასახლის გამგებელი ვიყავი; მოძღვარი 1904-დან შევიქენი.

აკაკის ამბების აღწერას დიდი ძალა უნდა. აკაკი ძალიან თავმდაბალი იყო, მასთან გულჩვილი. ჩემი მასთან სამსახურის დროს თითქმის ამ 15—წლის განმავლობაში მე არ შემხვედრია, რომ აკაკის გული მოსვლოდეს, ბევრი შეხვედრია ძალიან გულდამწყვეტი საქმე, მაგრამ ხელს ჩაიქნევდა და ის იყო მისი პასუხი, სიტყვით არაფერს არ იტყოდა. მაღალ წოდებაში მეზობლებს აკაკი არ უყვარდათ. ხშირი იყო შემთხვევა, რომ მეუბნებოდნენ: ნეტა ჩვენთან არ ჩამოხტებოდესო. ჩემი შეხედულებით, თავადებს იმიტომ არ უყვარდათ აკაკი, რომ მათზე მათრახულ ნაწერებს წერდა. გლებობა აკაკის მოსვლას რომ ვაიგებდა, ვაბამდა აქ სიარულს. აკაკი თვითუფლად ისე ეკითხებოდა მათ, თითქოს მოწაფე ეკითხება მასწავლებელსო. ბევრს სწავლობდა მათგან, ეკითხებოდა როგორ ცხოვრობთო, უძველად გვერდში მოისვამდა; თუ კი გლებებში იყო რამე ზღაპარი, ლექსები და სხვა, ყველაფერს იწერდა. თავის დათიასაც ხშირად მოაყოლებინებდა. ტანს რომ დაიბანდა, გული ჰქონდა სუსტი, და მე იქ უნდა ვყოფილიყავი. დათია ზღაპარს მოუყვებოდა ხოლმე აკაკის. 1905 წელს აღიხანოვმა რომ საჩხერე დაარბია, განკარგულება იყო, ყოველ გლებს მებატონისათვის უნდა გადაეხადა ორი წლის ნადელი ფული. აკაკიმ კი ქვითრებზე წინ და წინ მომიწერა ხელი, ვითომ მიიღო ფული და კაპიკი კი არ მოატანია გლებებს. აკაკი შვილივით ექცეოდა გლებს. აკაკის ჰყავდა ყოფილი ნაყმევი გლებები: ეთოში, ორღულში, კორბოულში, და მერჯევში. იყო შემთხვევა, რომ აკაკის ტყეში გლებმა ყარამან მაქარაშვილმა დახერხა ფიცარი გასასყიდად; ჩვენ ჩამოვართვით, მაგრამ აკაკიმ უკანვე დაუბრუნა.

სხეიტორში აკაკი ყოველ ზაფხულს ჩამოდიოდა. უფრო ივლისში და რჩებოდა სექტემბრამდე. მაგრამ ხშირად მიდიოდა ხოლმე უკანვე ხან ქუთაისში, ხან თბილისში.

აკაკი გარეგნულად ძალიან სასიამოვნო შესახედავი იყო. რაც უნდა ცუდ გუნებაზე ყოფილიყო, მაინც მცინარი სახე ჰქონდა. თვალები სანდომიანი, თაფლისფერი ჰქონდა; სიბერე რომ ეტყობოდა, იმდენი ხნის არ იყო. კბილები ჰქონდა უნაკლულო, გაღიმება უხდებოდა ძალიან; ბოლო დროს ცოტათი თვალის ქუთუთოები დაუხიანდა, მაგრამ არ აღუწიებდა. კაი შესახედავი კაცი იყო. სავეს მთვარეს ჰგავდა.

აკაკიმ ძილი იცოდა მაშინ, როცა მას დალაღავდა კითხვა და წერა. როცა აკაკი წერდა, უყვარდა რამდენიმე ხანს ფეხზე სიარული და ფიქრი, იცოდა ამ დროს ბუტბუტი. ხშირად თავის დაწერილ ლექსს იმეორებდა ზეზე მოსიარულე. მარტო უყვარდა წერა. უფრო თავის ოთახში. ხშირად ავიანხედაც სთხავდა. ქაღალდს მოითხოვდა, წერის გუნება რომ მოუვიდოდა. ერთხელ თავის სახლის წინ ხალიჩა ეგო; მე ბავშვი ვიყავი; ბნელი ღამე იყო; ამ დროს ამოატანა მთვარემ სერზე და გაანათა მიდამოები. აკაკიმ მოითხოვა საწერ-კალამი და ლექსად აღწერა ეს მიდამო:

ბნელით მოსილი საჩხერის არე
 განისვენებდა ტკბილისა ძილით,
 როს მთის წვერიდან გამოჩნდა მთვარე
 და გადმოხვდა კორდსა სიცილით.

შეხედა ცასა მან მყუდროებით,
რა ვერ შენიშნა მასხედ ღრუბელი,
მოსცურდა ნახად, თავმოწონებით
და გადაკარგა მთებს იქით ბნელი.

მეტი აღარ მახსოვს.

ჩემთან აქვს მის დაწერილი „მამლის ყვილი“ (ეგ უნდა ყოფილიყო 1905—ან უფრო 1906 წ.). სხვიტორში დასწერა, თავის ოთახში, ჩემი იქ ყოფნისას. 1906, 1907-ში მე სულ მის ოთახში მეძინა. გულსუსტი კაცი იყო და არეულობა რომ დაიწყო, ცოტათი ეშინოდა. იყო შემთხვევა, რომ არეულობის დროს ახალთაობის სახელით ზოგიერთი გარეწარი აკვაცობდა. აკაკი ასე იტყოდა: მე გლებებს ძალიან ვუყვარვარ და არაფერს მავნებენ, მაგრამ სხვები ისარგებლებენ და გლებებს დააბრალებენო. ამ ლექსის წერას ბარე ოთხი დღე მოუწინა. შიგ ათას ცხრაას ხუთი წლის რევოლუციას გამოყვანილი. 1905 წლის რევოლუცია ახარებდა, მაგრამ ამბობდა: „არ უნდა ავჩქარდეთ და ძალიან წინადახედულად უნდა ვიბრძოლოთ“. რევოლუციის დიდი იმედი ჰქონდა: საქართველო განათვისუფლდებაო, როცა 1905 წელს შეიხებოდა, აკაკი ყოველთვის ამბობდა:—მე ვერ ვიღებ სათანადო მონაწილეობასო, და ამაზე სწუხდა. „მამლის ყვილიში“ თავის-თავი ჰყავს გამოყვანილი აკაკის. ნაძალადეგში ეთქვა ერთ უმაწვილს მისთვის შეუფერებელი სიტყვა: „ჰქუას ნუ გვასწავლი მოხუცოო“, და ეს უმაწვილი გამოიყვანა „გადაპრებილი“ ახალგაზრდად თავის ლექსში („წინ წამოიდა ახალგაზრდა, უღვაშები გადიპრება...“).

ბევრი ლექსი გადამიწერია აკაკისათვის. ლექსებს იშვიათად გადაშლ-გადმოშლიდა.

აკაკი ქალის დიდი პატივისმცემელი იყო საერთოდ. უყვარდა მათთან საუბარი, ქალადის თამაში. ტასო მაჩაბლის სახლში ხშირად ცხოვრობდა და იმ ქალსაც უყვარდა აკაკისთან მოსვლა სხვიტორში. აკაკი ეტრფოდა ტასოს. ეს უმკველია. თუ მაჩაბლისას არ გაჩერდებოდა აკაკი, მაშინ სასტუმრო „ფრანციაში“ ჩამოხტებოდა (ძველად რომ სემინარია იყო). იქ ტასო მოდიოდა ხშირად და მარტო რჩებოდაცნენ.

ერთხელ, სხვიტორში მოვიდა ტასო თავისი ამალით—კენინებით. აკაკის არ ჰქონდა შესაძლებლობა ტასოსთან საუბრისა. აკაკიმ მოიწყინა და დაიწყო აივანზე სიარული. ტასო მშვენიერი ქალი იყო, ძალიან სანდომიანი სახისა. ტკბილი მოსაუბრე. აკაკის იმასთან ყოფნა ერთი საუკუნე არ მოწყინდებოდა. პატივისცემით ახსენებდა ხოლმე.

სხვათა შორის, აკაკი ეტრფოდა ერთს, ძალიან ლამაზ სოფელელ ქალს. ახალგაზრდა ქალი იყო. სახლშიც იღვა ჩვენთან სხვიტორში თითქოს მოახლედ. შემდგომ იმ ქალს ვილაძის ტრფიალი შევნიშნეთ და სასახლეს მოვაცილეთ. ეს იქნებოდა ოთხმოცდაათიან წლებში.

აკაკი გულით უსაზღვრო კაცთმოყვარე იყო. ჩიტის გული ჰქონდა. ყოველი დაჩაგრული ეცოდებოდა. გაგიკებთ უყვარდა ბავშვები. ბავშვებში მთელი საათობით თამაშობდა და ალერსობდა, თვითონაც გაბავშვდებოდა სულ პირი უღიმოდა.



აბელ სადუნიშვილი (104 წლისა, სოფ. ტყემლოვანის მცხოვრები, გარდაიცვალა 1940 წ. დეკემბერში). ჩასწერა თ. თქ რ ო შ ი ძ ე მ.

მე და აკაკი ერთად გავიზარდეთ სოფელ სავანეში. მე აკაკიზე უფროსი ვიყავი ოთხი წლით. მე და აკაკი მისი ძიძის მანო სადუნიშვილის სახლში ვიზრდებოდით. მანოს სახლი ედგა სავანის ეკლესიის გვერდით, აკაკის განსხვავება სოფლის ბიჭებისაგან არ შეიძლებოდა, ჩვენთან ერთად დარბოდა და თამაშობდა, ერთად დადიოდათ სათევზაოდ. თამაშის თავი იყო, ძალიან ცქვიტი და ცოცხალი ბავშვი იყო, თავისი ძიძა მანო გეჟდებოდა აკაკიზე. მახსოვს ერთხელ, როცა აკაკის იუბილე იყო 1908 წელს თბილისში, აკაკიმ გამახსენა ჩვენი ბავშვობის ამბები.—“გახსოვსო მითხრა, ჩოტი რომ ჩამარტყი თავშიო“. მართლაც მეც გავიხსენე, რომ აკაკის ჩოტი ჩავრტყი თავში ხუთი-ექვსი წლის იქნებოდა ის, მე ცხრა-ათი წლისა. სადუნიშვილები ღარიბად ცხოვრობდნენ, პატარა ღარიბული ქოხი ჰქონდათ, მაგრამ აკაკის არაფერს არ აკლებდნენ, თავზე ევლებოდნენ. მახსოვს რამდენჯერმე საჩხერიდან ჩამოვიდნენ აკაკის მშობლები დიდის ამალით. ჩვენ ბავშვები ჩირგვებში ვიმალებოდით და იქედან ვიყურებოდით. მშობლებს საჩუქრები ჩამოჰქონდათ აკაკისთვის, როცა ისინი უკან გაბრუნდებოდნენ, აკაკი ყველაფერს ჩვენ დაგვირეგებდა—სოფლის ბავშვებს.

ხშირად გვიყვარდა თამაშობა სავანეს ეკლესიის ეზოში. „ხშირად ვთამაშობდით „ქორაობას“, „დანა-სობიას“ თამაშში აკაკის არავინ სჯობდა, ძალიან ფეხმარდი იყო. აკაკი პატარა-პატარა ლექსებს ამბობდა ხოლმე, ყველას რამე საკვიმატო სახელს შეგვარქმევდა. მე მისზე უფროსი ვიყავი და ისე გაფრინდებოდა, რომ ვერ ვეწვოდი.

აკაკის ბავშვობის მეგობრები იყვნენ აგრეთვე მისი ძიძის შვილები: ამბაკო და გაიანე. ამბაკო სულ მისი კბილა იყო, ერთ ძუძუს სწოვდნენ, ძალიან უყვარდა აკაკის. გაიანე კი ცოტა უფროსი იყო. გაიანე აკვანს ურწევდა ამბაკოს და აკაკის ხელითაც კი ატარებდა.. აკაკიმ ძალიან შეინახა მათი სიყვარული. ხშირად მოიგონებდა ხოლმე, ძღვენსაც გამოუგზავნიდა. გაიანეც ხშირად ჩადიოდა საჩხერეში აკაკისთან.

თავისი ძიძა მანო აკაკის დედაზე ნაკლებ არ უყვარდა. როცა წამოიზარდა ნახულობდა ხოლმე. გულში ჩაიკრავდა. დაასაჩუქრებდა. თავისი ბავშვობის ამბებს ათასჯერ გაამეორებინებდა.

როცა აკაკის იუბილე იყო 1908 წელს, აკაკისთან თბილისში ჩავიდა გაიანე და სხვასთან ერთად მისი აკვანი ჩაუტანა.

ამბაკო სადუნიშვილი უდროვოდ დაიკარგა. მღვდლის ცოლს ჰყვარობდა და ამისათვის გადაასახლეს. ახალგაზრდა ვაჟკაცი მოკვდა ვადასახლებამში. სავანე მერე მოშენდა, აკაკის ღროს არ იყო ასე დასახლებული.

ხოჯანა საღარიძე (85 წლისა, სოფ. სხვიტორის მცხოვრები, წერა-კითხვის უცოდინარი). ჩასწერა თ. თქ რ ო შ ი ძ ე მ

16—17 წლის ვიყავი როცა როსტომთან დავიწყე სამსახური. როსტომი ავი კაცი იყო, რამდენი კაცი დაუგლახაჯებია იმას. ბატონ-ყმობა რომ გაყრილა,

მანძინ დაებადებულვარ. მანამდე როზგს ურტყამდა თურმე გლეხებს, ბოქა-
ულს ან „სტრაქს“ აცემინებდა.

აკაკის დედა კიდევ მეტი ავი იყო როსტომზე. მოსამსახურეებს ხშირად
ლახავდა, ასე ეუბნებოდა თავის ქმარს: „შენ აწვებული გაყავს ხალხიო, მაგრე
არ უნდაო, მაღლა უნდა ჩამოკიდოო, ტყავი უნდა გააძროო“

ვიმსახურე 11 წელიწადი. მოსამსახურედ, ლაქიად. უბრალო მოახლეები
როსტომის სახლში ვერ შემოვიდოდნენ. ჩემს მახსოვრობაში ორი მოურავი იყო:
საჩინო ცქიტიშვილი, თომა წერეთელი. თომა რადგანაც თავადი არ იყო წერე-
თელას ეტყოდით. ისინი უბრალოდ ვერ შემოვიდოდნენ. იკითხავდნენ, ბატონს
დრო აქვს თუ არაო?

როცა ძღვენს მოუტანდა გლეხი, მოშორებით გაჩერდებოდა სახლიდან;
მე გავიდოდი, ან მოახლე გავიდოდა ფოდნოსით, ზედ დავალაგებდით ძღვენს
და ისე შემოუტანდით ბატონს. როსტომი ერთს აწვედა თავს, არც მადლობას
იტყოდა და არც არაფერს.

ძღვენად მოიტანდნენ ცხრა ხაქაპურს; ქვევით ფიცარი ჰქონდა და ზევით
ფიცარი და ზედ შემოკრული იყო თოკი. დიდი ხაქაპურები იყო და უფიც-
როდ დატყდებოდა. ხაქაპურებს გარდა იყო ცხრა გომიჯი (ხშიადად გაკეთე-
ბული), ბუმბულივით თეთრი იყო, რგვალები, ძალიან სქელი და პატარა, ერთ
კვირას არ გახმებოდა. ძღვენში კიდევ უნდა ყოფილიყო ან ცხვიარი, ან ინ-
დოური. ხილი არ მოჰქონდათ.

აკაკი ეჩხუბებოდა მამას: „მამა, ნუ აწვალებ ამ ხალხსაო, ეს ხუთი სასი-
მინდე სიმინდი რად გინდაო, ამ მეოთხედებს რატომ იღებ ხალხისაგანო, შენ
ორი პური გეყოფა დღეშიო, მე გარჩენო“.

მამა ეტყოდა: „რავა გეკადრება, შენ, ყმაწვილო მაგისთანა ლაპარაკი,
ჩემს საქმეებში ნუ ერევიო“. აკაკი სულ მაგას ჩხუბობდა. სხვას არაფერს.

ძალიან ავი კაცი იყო როსტომი, ქვეყანას ეშინოდა მისი. დიდი მამული
რომ ჰქონდა, ქვეყანა დაკრეფილი ჰყავდა, დაპყრობილი. როსტომზე მდიდარი
თავადიშვილი არ ყოფილა აქ. სამი თავადი იყო მაგის მენახევერე: ნიკო, ასლან
და გიორგი წერეთლები. იმ სამს რომ ბევრი ჰქონდა, იმ სამთავეს ნახევარი
ჰქონდა როსტომს. აბა იფიქრეთ, რამდენი ექნებოდა? თერთმედ სოფელში
ჰყავდა ყმები: სხვიტორში, ეთოში, ეხვევში, მერჯვევში, საირხეში, ორლულში,
ბტინევეში, ლუნდეეთში, ქორეთში, წირქვალში და თავასაში. თავასა ქუთაისთან
ახლო არი და მეოთხედი იქვე მიჰქონდათ და ჰყიდდენ ბაზარში.

ჩვენს დროს მეოთხედები მოჰქონდათ ნადელებიდან. თუ დაავგიანდებო-
დათ, ან დააკლდებოდათ მოურავი ბოქაულს გაუგზავნიდა და გლეხს ტყავს
აძრობდნენ.

სული კი ვერ შეეხებოდა ბატონის და გლეხის უთანხმოებას.

„მიროვოი პოსრედნიკად“ ჩემს დროს იყო რაჰველი იარაპოტიმე მანა-
ბელი. ბოლო დროს ილარიონ გამყრელიძემ წამიყვანა ყმასავით. როსტომს
მისი ვალი ემართა და იმას გადამცა როსტომმა. ავი კაცი იყო ის გამყრე-
ლიძე,—სამი თათარი ჰყავდა მცველებად. 1905 წლის შემდეგ ამ თავადებს

და აზნაურებს, მემამულე ვინც იყო, მცველებად ჰყავდათ 4—5 კაცი, ზოგს 3—ქობულეთელი თათარი.

ჩემმა ახალმა ბატონმა, პირველად შარი. მომდვა, მეოთხედი ყურძნად მომიტანეო. „მიროვოი პოსრედნიკს“ ეწერა კანონში, რომ ეს არ შეიძლებოდა. უნდა მიგვეტანა ტკბილი. მე ყურძნით არ მიუტანე, მერე თათრები შემომისია და გალახვის მიპირებდნენ, იმათ გავექეცი, „მიროვოი პოსრედნიკთან“ ვუჩიველე და აღარაფერი არ მისცა იმ მაშულიდან, სულ მე დამრჩა. ეს სანადელო მამული იყო. სანადელო მამული ისე გამოდიოდა, რომ თავადისაც იყო და გლეხისაც, თავადი ვერ გაყიდა და გლეხს კი შეეძლო შეესყიდა თავადისაგან. ამას ეტყოდნენ თავდახსნას, „დოლოვორს“ მიროვოი პოსრედნიკი გააკეთებდა. ამ ნადელიდან მეოთხედს აძლევდნენ თავადს ან აზნაურს. ჩამონაკერი ეკუთვნოდა მარტო ბატონს, მარა ხანდახან ნადელში მოაქცევდა. ზამთრობით როსტომი ქუთაისში ცხოვრობდა, იქ სხვის სახლებში იღვა. ზაფხულში რა დააყენებდა! როსტომი გლეხის ქალს, არც თავადისას სხვანაირად არ შეხედავდა; თუ ვინმეს რამეს ამისთანას გაუგებდნენ, სულ დაკარგავდნენ. ის რომ მოკვდა მას უკან კი ხდებოდა ხოლმე გოგობიკების ეშმაკობა.

ბატონ-ყმობის დროს მოახლე ყოლოდათ ერთი, თამარა. როცა როსტომი ქუთაისში წასულა, მაშინ მოურავს თომა სადუნიშვილს შეუტყდენია თამარა. მაშინ ლექსი გამოუთქვამთ.

რომ შეწყრა ბატონი თომა გაიქცა, დასაჭირავად დაადევნა ბოქაული, მერე მიიწვევდიეს სახლში და დაიჭირეს. დაიწყო ტირილი, ძმებს შეეცოდათ და კეტებით გამოიჭრენ (ორმა ძმამ ნიკომ და გიორგიმ), ბოქაულები დალახეს. მაშინ სამივე ძმა დაიჭირა „ნაჩალიკმა“. სამივე ისე დალახეს, რომ მორჩენა გაუჭირდათ. აყარა თავის ცოლშვილით სამივე და მთის ადგილს დაასახლა—მერჯევიდან კორბოულის ტყეში.

როსტომი არ იყო ცუდი შესახედავი, მაღალი ტანის იყო და დიდი სახე ჰქონდა (აქ, ვასილი აკაკის ძმისწული იმას ჰგავს სულ). როსტომს სამი ვაჟი ჰყავდა: დავითი, ილიკო, აკაკი. ილიკო აღრე მოკვდა, მიაგაზე უკეთესი კაცი წერეთლებში არ იყო. ილიკო აკაკიზე უფრო ლამაზი და უფრო ნასწავლი იყო, ჩერქეზულად იცვამდა. როსტომიც ჩერქეზულად იცვამდა. სწავლა არ ჰქონდა, ძიგძივით მოაწერდა ხელს. ეხლა რომ კანტორაა, იქ ბალი ჰქონდა, შუაში ალზი იყო თევზებით სავსე, იქ ზარს რომ დაკრავდნენ თევზები შემოიკრიბებოდა მაშინვე, ძალიან მოწყობილი იყო, ყველას უკვირდა მისი თევზები.

წირქვალურ პურს სახლში არ შემოატანინებდა, იქავე ხსნიდა (პყიდდა), უგემური იყო, სხვა ადგილებიდან ბევრი პური მოსდიოდა. ბიჭებს როსტომი ჰუდს აქმევდა, ამაზე მოდიოდა გული აკაკის: „ამდენი პური გაქვს, პური აქამე ბიჭებსო“. ერთხელ როსტომს ფეხი ეტყინა, ქუთაისიდან ექიმი მოიყვანეს, მაგრამ არაფერმა უშველა, მოკვდა.

აკაკი სტუმრად მოდიოდა მამისთან, მე ვემსახურებოდი, ლოჯინს დაუგებდი, ჩაის მივართმევდი. სულ ყოველ მეხუთე დღეს ებანდი ტანს, მისთანა იყო აკაკი ტანზე, როგორც რომ თეთრი თოვლი. მსუქანი იყო. დამეს აკაკის ვუთქვედი ოთახში, ცეცხლი უნდა მენთო. იგი სულ წერდა გათენებამდე. აღგებოდა, მიივლიდა, მიივლიდა, ცეცხლთან მივიდოდა და წერდა ისევ.



გაიანე ყანჩაველი. აკაკი წერეთლის ძიძის შვილი.

გათენებისას დაწვებოდა და იღვიძებდა გვიან, გლეხიკაცის სადილობას რომ ვიტყვით ჩვენ,—მაშინ გაიღვიძებდა. მაგისთანა კაცი არ დაიბადება, ოქროსავეთ კაცი იყო, აცხონოს ღმერთმა.

დაილაპარაკებდა ნელა, სიტყვას იტყოდა ღრმას, ხშირად ხუმრობდა. რომ გაიცინებდა, წარბებს გაშლიდა—დიდი სანახავი იყო, თავი მალლა ეჭირა, გაწყრომა იმან არ იცოდა.

აკაკის დიდი სიყვარულით ჰხვდებოდნენ გლეხები, მიდიოდნენ მასთან, ელაპარაკებოდნენ; რჩევას ეკითხებოდნენ. დიდ პატივს სცემდა, სადილზე მიიპატიჟებდა, არ შეიძლებოდა უსადილოდ გაეშვა. პატარა ბავშვსაც ამხანაგურად ელაპარაკებოდა, შაირები უყვარდა.

აკაკი თავადიშვილებს ყველას სძულდა, რომ გლეხის მხარეზე იყო, გლეხი ებრალებოდა, იმას დაადგეს ნათელი.

აკაკი სათევზაოდ ხშირად დადიოდა, დაჰკირავდა წყალს, ჩიხურას ზემოთ აჰყვებოდა ხოლმე. წერის დროს ადგებოდა, ბაღში ჩავიდოდა, მერე დაჯდებოდა და დაწერდა. ქიათურის მადანი აკაკიმ აღმოაჩინა: სამი დღის მოსული იყო რუსეთიდან სხვიტორში. ქიათურას თავზე ერთი თავადი ესახლა, დავითიშვილს ეძახდნენ, თავადიშვილები დაჰპატიჟა, მათთან აკაკიც. იქაურ ვაფრინდაშვილებს შავი ქვის პლასტები გაეკეთებიათ ყორედ. აკაკიმ რომ დაინახა, მივიდა, მოტეხა. მოტეხილი მზეზე ბრჭყენავდა. აკაკი გადაირობა: რა ვნახე და რა ვნახეო! თავადებმა თქვეს:—ნამდვილად ჭკუზე შეიშალაო, ერთი სადილი მიინც მოგვესწროო! აკაკიმ ისადილა, მასპინძელს ცხენი გამოართვა და ქალაქში წაიღოს შავი ქვა. მერე იტალიანები ჩამოიყვანა. ფრანკუზებიც ჩამოვიდნენ, გზები გაიყვანეს და წარმოება დაიწყო.

აკაკიმ ერთი გლეხის შვილი აკურთხებინა მღვდლად, მასთან ბაზრელი მღვდელი დადიოდა ხშირად; იმან უთხრა ერთხელ: მადლობასა გწირავთ, ბატონო, რომ გლეხის შვილი მღვდლად აკურთხეთო.—გაგებარდათ, ერთი „მაშენიკი“ შემოგემატათო—უთხრა აკაკიმ („მაშენიკებად“ მონათლა მღვდლები).

ერთი იოსებ მოსიაშვილი იყო, როსტომის ყმა, ხშირად აბრაზებდა ბატონს. დაწერა როსტომმა ქალადი და ამ მოსიაშვილის ხელით გაუგზავნა ნაჩაღნიკს—ეს ყმა მაწვალესო! ჰო და მიუტანა ნაჩაღნიკს. წაიკითხა და უთხრა; გაგწვალეზნა ბატონისო. გადმოაბრუნეს ეს კაცი და სცემეს და სცემეს. თავისი გასალახი ქალადი თითონ მიიტანა.

ნატალია მაქარაშვილი (120 წლისა, ს. სხვიტორის მცხოვ. წერა-კითხვის უცოდინარი).
 ჩასწერა თ. ოქროშიძემ.

მე აბრამიშვილის ქალი ვარ სოფ. სარეკიდან. სამი დღის მოყვანილი ვიყავი რძლად, როცა აკაკის სახლში წამიყვანეს. აკაკი ჩემი დედამთილის ძუძუს ნაწოვარი იყო, იმიტომ მიმსახურეს მე.

აკაკი ახლად დაბადებული სავანეში გავაბარეთ, სოფელში უნდოდათ რომ გავზარდათ, ამიტომაც იყო რომ აკაკის სოფელი საოცრად უყვარდა.

აკაკის მშობლები მდიდარი მებატონეები იყვნენ: ბევრი მამულები ჰქონდათ, ბევრი ყმა ჰყავდათ ლუღეთში, წირქვალში და სხვ.

კვერეთის სასაფლაოზე სამოცი ძირი კაკალი იყო მისთანა, რომ იტყოდი, რა ამბავია ესო. ავიდოდით, მუშას წაიყვანდით: მომრეკებს, მზოქებს, დავბერტყდით კაკლებს. ერთხელ სამოცი კოდი კაკალი ჩამოვიტანეთ, ურმეებით ჩამოვხიდეთ.

ერთხელ ეკამ ცხრა ქალი დაგვატიჟა, ერთი ბეღელი პური გამოყარა. ეს პური დავცხრილეთ, ერთი ძროხა დაგვიკლეს და ბოლოს ნაცხრილავი პური ქათმისათვის გამოგვატანა შინ. ვისაც პურის ნაკლებობა გვქონდა იმას თითო კოდი პური დაგვირიგა.

კოლექტივის სახლი რო დგას ახლა, იქ აუზი ჰქონდათ, ოთხნაირი თევზი იყო შიგ. რო დაკლავდნენ ცხვარს, შიგნულს თევზებს ჩაუყრიდნენ, კარგი სანახავი იყო. მერე წყალმა მორეშა აქაურობა. ეკას აუზის გვერდით წამლის ბაღახები ჰქონდა დათესილი. კაი ექიმობა იცოდა.

მოტყეირობას მთელი თავადების ჯალაბობას ხორავი უნდა მოეტანათ საყდარზე. გლეხები მოვიდოდნენ სვამდნენ და სკამდნენ, ღვინო გობიდან უნდა დაეღათ. ერთი კირვალძე იყო, ფქვილი მოქონდა გულით; გულიანად დაეყუდა ღვინოთ სავსე გობს, გულიდან ფქვილი გადმოიყარა და გობი აივსო. აკაკი ხშირად დადიოდა მოტყეირობაზე.

როსტომი არ დაიარებოდა თავადებში, ეხარებოდა სიარულა. კაკლის ქვეშ ერთი ბრტყელი ქვა იდგა, იქ ჩავიდოდა. წიგნის კითხვა უყვარდა. დაიდებდა წიგნს და კითხულობდა.

ეკა დიდი მორწმუნე ქალი იყო. სულ ლოცულობდა. ანა კარგი მკითხველი იყო, სამლო წერილი იცოდა კაოგად. დიაკონი როცა არ იყო, ის კითხულობდა წიგნს ეკლესიაში. ქალაქიდან რომ მოვიდოდა აკაკი სასახლეში—ნაცარდაყრილი მქადი გამომიცხვეთო—მეტყოდა. ძალიან მხიარული ბავშვი იყო, თან ნიჭიერი, სწავლისაკენ ჰქონდა გულისყური. თევზობა უყვარდა. ჩიხურა ახლოს ჰქონდა, როცა ჩავიდოდა წყლიდან აღარ ამოვიდოდა. აკაკი ზამთრობით ამოდიოდა სხვიტორში, გაატანდა ასე ორ კვირას, სამ კვირას.

აკაკიმ სტუმრიანობა იცოდა მალმალე. ქალაქიდან მოდიოდა ხალხი, წერეთლობაც ხშირად დადიოდა, სულ ქალაქს და ნარდს თამაშობდნენ.

აკაკის ლობიოსავით არაფერი უყვარდა,—რაც გინდა გაეკეთებინათ სხვა, ლობიოს ამჯობინებდა! ლობიოს პარკი რომ შექცნებოდა, მიმაყენებდა, გამარჩევიებდა. ფხალეულობაც ძალიან უყვარდა. ხილიდან ვაშლი, მსხალი, ბია და ყურძენი ერჩინა.

დილით ან რძეს მიირთმევდა, ან ჭიქა ჩაის, ყველს კაკალი ერჩია, გამარჩევიებდა, მომახარშვინებდა და იმას მიირთმევდა. ღვინოს ბევრს არ დაღევდა, ერთი სამი ჭიქა იქნებოდა თუ ოთხი. არაყს სულ არ მიიკარებდა. მთვრალს როგორ ნახავდით!

კამპანია რომ ჰქონდათ სხვაგან, იქ არ მიდიოდა. ელისაბედ წერეთელი და აკაკი კარგად იყვნენ ერთმანეთში, ხანდახან მასთან წავიდოდა.

ერთხელ ელისაბედმა დაჰპატიჟა. გუბერნატორი ჰყავდა სტუმრად და თავადები. მივიდა აკაკი, ცოტახანს იჯდა, არც პური ჭიმა, ლანძღვის წერილი დატოვა, თითონ წამოვიდა.

ტასო მაჩაბელი ხშირად დადიოდა სტუმრად, ბიქს წამოყვებოდა, ღიბანს საუბრობდნენ ის და აკაკი. ერთხელ ბეკან წერეთელი ადგილს ყიდულობდა. აკაკიმ უთხრა: რათ გინდა ადგილს რო ყიდულობო, მიწა ვინც მუშაობს იმისიაო. მე და შენ სათოხნად ხომ ვერ წავალთ, პირის გემოს მიყვევი, ისა სჯობიაო.

კოტე წერეთელმა გააფრთხილა:—„აკაკი, აქ გლეხები ყიდულობენ ალაგს და რად გინდა შენს ახლოს გლეხები დასახლდნენო“.

— მე და შენ კოტე რო დაებერდით, ჰკუა გამოგველიაო, შენ რა გენაღვლება, ხალხი მომრავლდესო, უწინ 9 მილიონი ვყოფილვართ ქართველები, ეხლა სამიცი არა ვართო.

კობახუმიდან ერთხელ ალექსი ბასილიძე მოვიდა, სამი ბათმანი პური მოეკიდა ზურგზე და მოიტანა.

— შე დალოცვილო!—უთხრა,—წისკვილები აღარ იყო თქვენშიო, ვერ დაფქვი და ბავშვებს ვერ აჭამეო? მერე დამიძახა:—ნატალია, პატივი ეცი ამას, სადილი აჭამეო! მერე ის პური მოჰკიდა ზურგზე და უკანვე გაატანა.

ერთხელ, მელა შესულიყო საქათმეში, დაევიჭირეთ ჩვენ და ოთახში დავამწყვდიეთ. აკაკიმ გაიგო:—რა ჰქენი, დათია, მოჰკალი ის მელაო?

— არა, არ მომიკლავს ჯერ ბატონო!

— თუ კაცი ხარ გაუშვიო!—შემოგვეხვეწა ძალიან.

— როგორ გაუშვა ბატონო, ქვეყანა ამოგდო ქათმები გამიწყვიტაო!—უარობდა დათია, მარა აკაკი იმდენი ეხვეწა, რომ ბოლოს გააშვებინა მელა.

სააღდგომო ღორი გვყავდა დასაკლავი:—ერთი მაჩვენეთ ის ღორი.—საღორეში ჩამოვიდა, დასაკლავმა ღორმა თავი ასწია და შერტუტუნა.

— უიმე! ეს ღორი არ დაკლათო! რა ქნა თუ იცით ახლა მავანო. შემომებეწეწა, არ დამკლათო!—აღარც დაგვიკლავს ის ღორი.

როცა ჩამოვიდოდა, სულ წერდა, მისი ხელი არ გაჩერდებოდა. დაჯდებოდა, მეც დამსვამდა, მკითხავდა: რა მცენარეს რა სახელი ჰქვიაო, რა სოკოს რა სახელი ჰქვიაო, დაწერდა ყველაფერს.

აკაკის დაი ანა ღვინის მოყვარული იყო ძლიერ. იმან ითავა: ცხრა კაცი მოაყვანიდა და ვენახი ვადააბრუნეს, იმათ სადილს სულ მე ვამხადებდი.

ანას თუ მე არ მოვკიდებდი ხელს, ისე ვერ ვაივლიდა, ეკლესიაზე ურმით მიგვყავდა, მერე ქუთაისში წავიდა, წელის და მუხლის აპარატი გაუკეთეს და იმითი ნელნელა დადიოდა, სახლში ვაივლიდა.

ანა ლექსებს წერდა, აკაკის მოეწონებოდა ხოლმე. ანას უმცროს დას მატა ერქვა, ის უფრო მეღვქმე იყო. მატა გათხოვილი იყო სამეგრელოში, დადიანზე, ერთი შვილი დარჩა.

აკაკი მეტად ჯავრობდა იმის სიკვდილს. სამეგრელოში წავედი ყველანი; აკაკიც იყო, როსტომიც და ეკაც, იქიდან წამოვასვენეთ საწყალი.

ჩვენ კორკოტობა ვიცოდით, რო გავაკეთეთ, აკაკის მიუტანე ერთხელ ერთი თევზი. მითხრა: ჩაი რომ დალიონ, მერე მომიტანე, თორემ არ მაქმევენ, გაწყენსო. მეც, რო დაღამდა, ჩაის მერე, მოვრეცხე ტაფა, კორკოტი გავათბე

და მივართვი. ჭამა, ძალიან ეამა. იმ ღამეს დამბლა დაეცა. მაინც იმედი ჰქონდა რომ აღგებოდა, მითხრა: მღვდელმა უჩემოდ არ სწიროსო. 'მორწმუნე იყო.

როგორც მამის შვილი ისე მითვისებული ვყავდი. ექვსი კვირა სკამზე ვიჯექი, ტანისამოსი არ გამიხდია. ექიმები რომ მოვიდნენ და ბჭობა ჰქმნეს: ვინ დავეჯინოთ ახლა აქაო,—

— ჩემი ნატალია მომიყვანეთო—სთქვა აკაკიმ.

წურბლები მოკიდეთო—სთქვეს. შემეხვეწა:—არ მომილო შენ გენაცვალე, იმ წამსვე მოვკვდებო.

გვეხვეწებოდა სიკვდილის წინ: ჩემი საყდრის წინ დამმარხეთო, ჩემს ეზოშიო,—ხალხმა არ დაგვანება.

ამ დროს მონატრული იყო. იტყოდა თავისუფლების დრო მოვაო. კაცი თავისუფლებისთვის არის გაჩენილიო.

ზაქარია იაკობაშვილი (80 წლის, ს. ჩიხაში მცხოვრები, წერა-კითხვის მცირე მცოდნე) ჩასწერა თ. თქროშიძემ.

როსტომ წერეთელი ძალიან მაგარი კაცი იყო, ყმებს მკაცრად ექვევოდა. ყმებს ზოგს ხელზე მოსამსახურეობა ემართა, ზოგს ღვინო, ზოგს პური, ზოგს ფული, ზოგს გზის კეთება და სხე. ყველა ამ თავის ბეგარას იხდიდა და ასრულებდა, არც მეტს ვააკეთებდნენ და არც ნაკლებს.

ერთხელ, როსტომმა ერთ ყმას ჭურის გარეცხვა უბრძანა, ყმამ უთხრა: არ მმართებს ვალადაო და არც გავრეცხავო. როსტომი ძალიან გაბრაზდა: ჩააგდეთ ჭურშიო—ბრძანა. ჩააგდეს ყმა ჭურში და თავი მოგლისეს, კინალამ ჩაიღრო შიგ. მერე მოხადეს ჭურს თავი, ნახეს, ყმა გაშეშებულია, ამოიყვანეს და როსტომმა როზვი დაარტყმევინა.


მდიდარი თავადი იყო როსტომი, კარგად ცხოვრობდა. აუზი ჰქონდათ ერთი, ისეთი სანახავი იყო, რომ ქალაქშიაც ვერ ნახავდით იმისთანა სანახავს. თევზებს ხან დაჩეხილ თხას უყრიდნენ, ხან ძროხას. ჩიხურას დააშრობდნენ სათევზაოდ, თევზს ხელით იჭერდნენ, ზოგს ბადით, თუნგში ჩაჭყრიდნენ და იმით მოიტანდნენ და აუზში გაუშვებდნენ, თანდათან უმატებდნენ. მებაღე იქვე ცხოვრობდა, პატარა სახლი ედგა ეზოში. ის რომ ზარს დაკრავდა, თევზები ზევით ამოხტებოდნენ. კურდღელიც ჰყავდათ იმ ეზოში, ფარშავანგებიც, ციცრებიც. როსტომს თავის სახლობით ძალიან უყვარდა იმ აუზის დათვალიერება და ხშირად ჩამოვიდოდნენ ხოლმე. აკაკის კარგად ვიცნობდი. ისე მიმიღებდა, როცა მივიდოდი, როგორც კაი საყვარელი მამა მიიღებს შვილს. დაჯდებოდა, დამიწყებდა საუბარს. აკაკი იყო გაჭირვებული ხალხის მოჭირანახულე. მამას ეჩხუბებოდა: გლეხებს ნუ აწუხებო. ბავშვებს სულ ეუბნებოდა: ისწავლეთ, შვილო, ისწავლეთ, კარგი დრო დაგიდგებათო, მუდამ არიგებდა.

აკაკის ერთი ყმა ჰყავდა ორღულში, კიკოლა კალმახელიძე. დაიბარა თურმე სხვიტორში: მოვიდეს კიკოლა ჩემთანო. კიკოლა მივიდა, დაუჯრა თავი ბატონს.

— დაბრძანდი კიკოლაო, — დაჯდა.

— რამდენი წლის ბრძანდებიო? —

— 100 წლის მეტის ვიქნებო.



აბელსადუნიშვილი. აკაკი წერეთლის ძიძის ძმისწული, რომელთან ერთად
იზრდებოდა პეტეი.

იხებე მაჰავარიანი (90 წლის, ს. სხვიტორის მცხოვრები, წერა-კითხვის მცირე-მცოდნე)
ჩასწერა თ. ოქროშიძემ.

ჩვენში სანამ რკინიგზას გაიყვანდნენ, ცხენებით მიდიოდნენ სადგურამდე. თბილისში როცა დააპირებდა აკაკი წასვლას, შემომითვლიდა: კაი მარჯვე ბიჭი ხარ და დოღლაურში (ხაშურისკენ) წამიყვანეო.—მამაჩემს ორი ცხენი ჰყავდა, ერთ ცხენზე მე შევეჯდებოდი, მეორეზე აკაკი და წავიდოდით.

მოწყენას რომ შემატყობდა, დამიწყებდა ლაპარაკს: ეს მდინარე საიდან მოდის, ან რატომ ეძახიან ყვირილასო?

— ეს მდინარე ქალის მთიდან მოდის, კლდეებზე გადმოდის დიდი ხმაურით და იმიტომ დაერქვა ყვირილა-მეთქი—ვუპასუხე.

— ჩვენში რო პატარა ლეღე ჩამოდის იმას კვერეთულას რად ეძახიანო?

— კვერეთი რო გაქვთ თქვენ აღგილი, იქიდან გამოდის და მიტომ ჰქვია კვერეთულა-მეთქი.

მერე შემოჰყვა ამ ჩიხურას.

— აბა, ჩიხურა საიდან მოდის, რატომ ჰქვია ჩიხურა?

— ჩიხურა ჩიხის მთიდან მოდის, თან ჩხრიალი გააქვს და იმიტომ ეძახიან-თქო.

გაციინებდა ხოლმე ასე რო ვუპასუხებდი.

მერე გონჯურაზე მკითხავდა:

— ესეც თქვენი მთიდან გონჯიხევიდან მოდისთქვა.

იმას კითხვა რათ უნდოდა, ქე იცოდა თითონ, მარა, მე რომ არ მომწყენოდა.

მაშინ 20 წლის ვიქნებოდი.

დოღლაურამდე კაი ცხენით ერთი დღის სასიარულოა, როგორც აქედან შორაპანი ესეა. გზაში დავისვენებდით, ვადმოვტებოდით ჩეროში. საქმელი აქედანა მიგვქონდა და გზებშიაც იყო დუქნები. მიესალმებოდა მედუქნიებს, ხელს ჩამოართმევდა, სადილს შეუკვთავდა.

თბილისიდან როცა დაბრუნებას დააპირებდა, შემოთვლიდა, ცხენები დამახვედრეთო. თუ სოფელში ვიყავი, მე დავახვედრებდი ცხენებს, თუ არა და-სხვა ვინმე, ან იქვე დოღლაურში იქირავებდა.

მარიამ აბაშიძე (77 წლისა, ს. სავანეს მცხოვრები, წერა-კითხვის მცოდნე).

ჩასწერა თ. ოქროშიძემ.

აკაკი ჩემი გულითადი და საყვარელი ძმა და მეგობარი იყო. აქ გაზრდილია სავანეში. იმასთან ლაპარაკი ძალიან საინტერესო იყო.

მე უსწავლელი ქალი ვიყავი, მაგრამ ყველაფერი მაინტერესებდა. ხშირად მესაუბრებოდა აკაკი ცოდნაზე, სწავლაზე, სამშობლოზე, ქართველ ქალებზე, ევროპაზე.

აკაკი ახალი აზრის კაცი იყო, ამიტომ წერეთლები ცივად უყურებდნენ. ერთმა გერმანელმა, გიორგი სტენკოვმა საჩუქრად გამომიგზავნა ალბომი, ზედ წარწერად ჰქონდა ოთხსტრიქონიანი ლექსი. აკაკიმ ეს ლექსი ქართულად შითარგმნა.

სხვიტორიდან ჩამოდიოდა სავანეში და თითო კვირაობით რჩებოდა ჩემთან. მისგან მონაწერი წერილები სულ დავკარგე. ზოგიერთის შინაარსი მახსოვს, მწერდა: მოვდივარ შენთან, ბანქო დამახვედრე, ლობიო დამახვედრე. ერთი კვირა დავრჩებო.

იუბილეს დროს სადღესღველების ოჯახში ვიყავი, აკვანი ენახე. ბიკოლა-ჩემი მაკრინე ჟღენტის ქალი, ხნიერი იყო; შევეკითხე და იმან მითხრა: ამ აკვანში იზრდებოდა აკაკიო. გაიანე ყანჩაველიც ამასვე ამტკიცებდა: ამ აკვანში იწვაო. მე და ჩემმა ძმამ წამოვიღეთ ეს აკვანი. სოფლები დავიარეთ, თითო კაპეიკი შევაგროვეთ, ჩვენც ჩვენი წვლილი დავადეთ და ამ ფულით გავაქეთებინეთ საჩუქრად ჯოხი და აკვანზე მიკრული ფირფიტა წარწერთ.

აკაკის ისე გავხარდა, რომ კინაღამ შეიშალა: ამაზე უკეთესი საჩუქარი არ მომივაო! შორაპნის საზოგადოება დამეჯიბრა, აკვნის წართმევას მიპირებდნენ, მაგრამ მე არავის დავანებე.

ანიკო (ანა) გიორგის ასული თარხნიშვილი-აბღუშელიშვილი (70 წ. ს. სხვიტორის მცხოვრები, აკაკის სახლის გამგე. წერა-კითხვის მცოდნე) ჩასწერა თ. ქ ა ვ თ ა რ ა ძ მ ე .

მე გაზრდილი ვარ ნინო ორბელიანთან. იქ ხშირად დადიოდა აკაკი. ერთხელ, მოხსოვს, ჩვენთან მოვიდა აკაკი. მე პატარა ვიყავი. იმ დღეს ლიზა თულაშვილიც იყო ჩვენთან. ოთახში რომ შემოვიდა, გახსნა საფულე და მსახურს მისცა ფული, ეტლი რომ გაესტუმრებინა. ამ დროს საფულედან აბაზი დაუვარდა იატაკზე, — „აბა ანეტო, იპოვეთ ეგ აბაზიანი და მერე მე ვიციო“. — ჩვენ დავიწყეთ ძებნა. აქეთ ვეცით, იქით ვეცით, გვეგონა, ეს აბაზიანი ჩვენი იქნებოდა. აკაკი და ნინო კი ჩუმად გვიყურებდნენ და იცინოდნენ. ჩვენ საშინელი შეწუხებულები ვიყავით, ფული რომ ვერ ვიპოვეთ. აკაკიმ გვითხრა, გულს ნუ გაიტეხთო, და ექვსი შაური მე მაჩუქა და ექვსი შაური ლიზას. ჩვენ სიხარულს საზღვარი არა ჰქონდა.

ამის შემდეგ დიდი ხანი გავიდა და აკაკის შეეხვედი, როცა კოტე აბღუშელიშვილის მეუღლე გავხდი. ეს იყო 1912 წელს.

კოტეს და აკაკის მშობლები დაახლოვებულები ყოფილან ერთი მეორესთან. პირადად ჩემი მეუღლეს ძალიან კარგად იყო აკაკისთან. აკაკისაც იგი ძალიან უყვარდა.

აკაკი სხვიტორში უმეტესად ზაფხულობით და უქმეებზე ჩამოდიოდა. დიდხანს გაჩერება არ უყვარდა. მე აქ ვდიასახლისობდი, რადგან ანა (აკაკის და) უკვე მწოლიარე იყო. ბავშვობის დროს თურმე ანა ხშირად ყურს მიუღებდა, როცა მოსამსახურეები ლაპარაკობდნენ, მერე ამოვიდოდა და დედას ეტყოდა შებრუნებულად. შეიქნებოდა დიდი ალიაქოთი. ამის გამო აკაკი ჯავრობდა თურმე. სხვათა შორის, აკაკის ცოლს ნატალიას სიყვარულით არ ეპყრობოდა ანა. ნატალია რომ მოვიდოდა, ანა ქვემო სართულში ჩავიდოდა ხოლმე.

აკაკი გლეხების დიდი თანამგრძობი იყო.

სასახლეში მიაბმეს ერთხელ: ერთ გლეხს ფული უნდა მოეტანა. არ ვიცი, მწერილი ჰქონდა, თუ ვალი იყო, გლეხს ფული ვერ ეშვებოდა და მას მაგივრად

ერთი კალათი ატამი მოეტანა. ამის გამო გლეხისათვის ჩხუბი დაუწყიათ მოჯამაგირეებს. აკაკი თურმე თავის ოთახში მუშაობდა. ეს ალიაქოთი შემოსმენია და გაერთ გამოსულა. როცა გაუგია საქმის მდგომარეობა, გლეხისთვის ეს ატამიც დაუბრუნებია და სამი მანეთიც ურქებია. მოჯამაგირეები კი ძალიან დაუტუქსავს.

სულ სხვა ყოფილა აკაკის მამა—როსტომ წერეთელი. ერთმა გლეხმა მითხრა შარშან: ერთხელ როსტომ წერეთელს უნატრია—ნეტა ბევრი სიმინდი მომივიდოდეს და მერე შიმშილობა დაიწყებოდესო.

აკაკის ჩვეულება ჰქონდა, ნასადილევს აუცილებლად უნდა წამოწოლილიყო. გაიხდიდა მხოლოდ პიჯაკს. ვაღვიძების შემდეგ კი დაიწყებდა მუშაობას. მუშაობა უყვარდა უფრო ღამით. ხშირად გამოვიდოდა დიდ აივანზე, გაივლ-გამოივლიდა; ხელები უკან ჰქონდა დაწყობილი; ვინმე რომ ყოფილიყო აივანზე, ხშირად ხმასაც არ გასცემდა, და ისევ შებრუნდებოდა თავის ოთახში. რომ გათენდებოდა, მერე დაწვებოდა და მხოლოდ სადილობის დროს გამოიღვიძებდა.

აკაკის არც თუთუნე უყვარდა, არც ღვინო, მხოლოდ ბანქოს თამაშს ვერ ელეოდა. არ მახსოვს კი, რომ აკაკის ოდესმე მოკვას ქალაღლში. მაგრამ რაც უნდა ბევრი წაეგო, სახზე ვერაფერს ვერ შეატყობდით. ძალიან ხშირად ღამეც ვაუთენებია ბანქოს თამაშში.

ხილში აკაკის განსაკუთრებით ყურძენი უყვარდა. საქმელებში კი,—გუფთალობიო, ღომი, საცივი. სხვათა შორის საქმელს ყოველთვის ხელით სჭამდა. თევზუღლიდან ირჩევდა დოშსა და ზუთხს. ძალიან უყვარდა აგრეთვე ხაპოჭინა, გომიჯი და კვახიანი (კვახიანი-პურის ცომში გახვეული დანაყული კვახის მარცვალი) და სხვ.

აკაკის ექიმებისაგან ნათქვამი ჰქონდა, რომ ყოველ-დღე უნდა გაეკეთებინა 500-ნაბიჯი. მართლაც, ამას აკაკი ყოველთვის ასრულებდა. კარგი ამინდი რომ იყო, სახლის წინ მოღზე დაიწყებდა სიარულს; მერე წამოწებოდა ნოხზე; ჩვენ ყველა დაუხსნდებოდით ახლო; თუ ვინმე გლეხი გაივლიდა, იმასაც დაუძახებდა და დაიწყებოდა აკაკის ხუმრობა და სხვადასხვა ამბერის მოყოლა. როდესაც ცუდი ამინდი იყო, აკაკი ამ 500-ნაბიჯს აივანზე გააკეთებდა.

შინაურებითან აკაკი სიამოვნებით ლაპარაკობდა. ერთხელ ნატალია მაქარა-შვილისათვის ეთქვა აკაკის ხუმრობით:—ნატალია, რას იტყვი შენ ამ პარტიების ბრძოლაზეო—რას ვიტყვი, ბატონო, და საით უკეთესი იქნება, იქით ვადავლო. იმაზე აკაკიმ ბევრი თურმე იცინა.

ერთ ზაფხულს აკაკის სანახავად მოულოდნელად მოვიდა 25 სტუდენტი. მთელი ღამის მუშაობით დაღლილს აკაკის ეძინა. ვაღვიძებაც ვერავინ ვერ გაბედა. სტუდენტები იძულებული გახდნენ უკან გაბრუნებულიყვნენ.

ათი წუთი არ იქნებოდა გასული, აკაკის რომ გამოეღვიძა. კოტე შევიდა აკაკისთან და უთხრა:—ნეტა ცოტა ადრე გამოგვღვიძებოდათ, თქვენთან სტუდენტები იყვნენო.—აკაკიმ დიდი საყვედური უთხრა კოტეს,—როგორ არ გამოვღვიძეთო.—აკაკის ბრძანებით მაშინვე აფრინეს კაცი და სტუმრები დააბრუნეს. აკაკიმ თავის ოთახში მიიღო ყველა, ძალიან თავაზიანად და გულთბილი საუბარი გაუმართა. საუბრის შემდეგ სტუმრებმა მოინდომეს წასვლა, მაგრამ აკაკიმ არ გაუშვა და გაუმასპინძლდა. სტუმრები აღტაცებული იყვნენ. აკაკის გამაწყვინებელი სახით შეჰყურებდნენ.

ერთხელ აკაკი და კოტე მოემზადნენ ბორჯომში წასასვლელად. აკაკის ეხურათ ერთი პანამა, რომელიც ერთ აღვილას აბაზიანის ოდენად ვახეული იყო. მე ძალიან შეეწუხდი და კოტეს ვუთხარი,—ხომ იცი აკაკის თავის თავზე ზრუნვა არ უყვარს, აუცილებლად ახალი ქუდი უყიდე-მეთქი. აკაკიმ სთქვა:—ის კი არ იცის ხალხმა ამ ქუდ ქვეშ როგორი თავი არისო. მერე მომიბრუნდა და მითხრა:—Попа и в рогоже узнают!—

აკაკის ცოლი და შეილი ზაფხულობით ჩამოდიოდნენ ხოლმე სხვიტორში. მე არ ვიცნობდი აკაკის მეუღლე ნატალიას. ისინი რომ ჩამოდიოდნენ, მე ყოველთვის სოფელში წავიდოდი. ნატალიას უნდოდა ჩემი გაცნობა და სთხოვა კოტეს, რომ ჩამოესულიყავი. მართლაც, ჩამოვედი სხვიტორში, მივედი ბაგრატიონის ქალთან, კოტე წერეთლის ცოლთან, იქიდან კი სუყველანი ერთად ამოვედით აკაკის სახლში. აკაკიმ თავის ოთახში მიგვიღო, შემდეგ გამოვედით აივანზე და იქ გავიცანი კნენა ნატალია და მისი ვაჟი.

გავანილი მქონდა, რომ კნენა ნატალიას სძულდა ქართველი ქალები, მაგრამ მე ძალიან კარგად მიმიღო და დიდი მადლობა გადამიხადა, სახლი რომ ასე კარგად და სუფთად დავახვედრე.

აკაკის მეუღლეს ძალიან უყვარდა ცივი წყლის ვანების მიღება. ყოველ დღე უნდა ებანა ან ჩახურის წყლით. ამისათვის უნდა მოეტანათ 15—16 ჩაფი წყალი, რითაც ძალიან შეწუხებული იყვნენ მოსამსახურეები, რადგან 15—16 ჩაფის მოტანა სახუმრო საქმე არ იყო, მით უმეტეს, რომ ჩახურა საკმაოდ შორს იყო. მოსამსახურეებმა სთხოვეს კოტეს, ეს საქმე მოეგვარებინა. კოტე დაჰპირდა. კოტესათვის უხერხული იყო, პირდაპირ ნატალიასთან ეშუამდგომლა; ამისათვის გადაწყვიტა, ჯერ აკაკისათვის ეთქვა:—ეგება ბატონო, თქვენ მოახსენოთ კნენა ნატალიას, მოსამსახურეების თხოვნა, რომ კვირაში სამჯერ მოატანოს წყალი და არა ყოველ დღეო. აკაკი შეეწუხდა:—როგორ შეიძლება ყოველ-დღე წყლის ზიდვაო,—და დაჰპირდა კოტეს ამ საქმის მოგვარება. ვახშმის დროს, სუყველა რომ მაგიდასთან, ვისხედით აკაკიმ უთხრა თავის ცოლს:—Дорогая Наталья, не надо каждый день купаться, людям трудно носить 15—16 кувшинов воды, — Акаша дорогой,—უბასუხა ცოლმა—это и ты знаешь, чистота, чистота!—ამაზე დიდებულმა მგოსანმა უთხრა ნატალიას:—Милая Наталья, значит все лягушки чистые?—ყველას სიცილი წასკდა აკაკის მოსწრებულ პასუხზე. ნატალიამაც ბევრი იცინა და შემდეგში მართლაც თავი დაანება ყოველდღე ვანების მიღებას.

აკაკის ეგაერებოდა თავად-აზნაურობა. თავად-აზნაურობას უყურებდა, როგორც ხალხის მზაგერელს, ცხოვრების ზედმეტ ბარგად მიაჩნდა.

აკაკის ზშირად ჰქონდა ჩხუბი სოსიკო მერკვილაძესთან.

ერთხელ აკაკი სოსიკო მერკვილაძეს ისე გამოუყვანია მოთმინებიდან, რომ აკაკის იგი სახლიდან გაუგვია. აკაკი საშინლად აღელვებული მიწოლილა ლოგინზე. სოსიკო პირდაპირ წასულა ექიმთან და ლთქვამს, აკაკი შეიშალაო. ექიმი მაშინვე გამოქცეულა, რომ დაუნახავს პირმოღმარი აკაკი, მიმხვდარა რაშიც იყო საქმე, მერე კი ჩემის ქმრისათვის უამბნია სუყველაფერი.

აკაკი რომ ჩამოვიდოდა, ყველა ეპატიებოდა, მაგრამ არავისთან არ მიდიოდა. ელისაბედ წერეთელმა დიდი წვეულება იცოდა. გუბერნატორისაც კი მოიპატიებდა ხოლმე, მაგრამ იქაც აკაკი ძალიან იშვიათად წავიდოდა.

აკაკი ხშირად დადიოდა ბეჟან წერეთელთან, ხშირად თბილისიდან პირდაპირ იქ ჩამოხტებოდა, ასე რომ აქაც არ ამოვიდოდა. განსაკუთრებით უყვარდა ნიცა წერეთელთან ყოფნა და საუბარი.

აკაკი ქალების დიდი პატივისცემელი იყო. მე სანამ აქ მოვიდოდი გავონილი მქონდა ტასოს და აკაკის რომანი.

ერთხელ მახსოვს ქუთაისიდან ერთად მოვდიოდით. კოტე, მე, აკაკი, ტასო და სხვები. მაშინ შევამჩნიე, რომ აკაკი ტასოზე ეკვიანობდა. ტასო გავიდა ვავონიდან, აკაკიმ ეკვიანად გააყოლა თვალი, მერე კი კოტეს ჰკითხა:

— ტასო, იმ ვაჟს ხომ არ გაჰყოლიაო?—

ერთხელ თბილისის თეატრში ესხედვართ: ნინო ორბელიანი, მე და კოტე. მიდის პიესა „ლალატი“. კოტე გარეთ გავიდა. ამ დროს შემოვიდა ჩვენს ლოჯიაში აკაკი. ნინო ორბელიანი მიუბრუნდა აკაკის და უთხრა:—შენ გენაცვალე ჩემო აკაკი, ერთი მითხარი ეს „ლალატი“ აქ პირველად იდგმებაო?—

— აბა, რას ამბობ ქალო, პირველად კი არა, ყოველ ღამეს არის ლალატია!.

— როგორ ყოველ ღამეს?—

— როგორ და ქალები ყოველ ღამეს ლალატობენ თავიანთ ქმრებსო.

როცა აკაკი ქუთაისში ჩამოვიდოდა, აუცილებლად მივიდოდა ნიკოლაძეების ოჯახში, ნიკო ნიკოლაძის დებთან—ანიკოსა და კატოსთან. ერთ დღეს ჩვეულებრივად მივიდა თურმე აკაკი. ჩაი, რომ გააწყყეს, აკაკიმ შაქარი ხელით ჩაავლო თავის ჭიქაში. ნიკოლაძის ქალმა ეს რომ დაინახა, აიღო და მთელი შაქარი გადაყარა ფანჯრიდან. აკაკიმ არაფერი არა სთქვა. ჩაი რომ ვაათავეს, აკაკი ადგა და თავის სკამი გადაისროლა ფანჯრიდან. ყველას გაუკვირდა. ამაზე აკაკიმ სთქვა:—თუ ერთი შაქრის ალებით, მთელი შაქარი შეიბილწა, მითუმეტეს ჩემ ნაჯდომ სკამზე არავინ არ დაჯდებოდაო.

აკაკის მზართვის ირმის ტყავის ქუდი საჩუქრად.

ერთხელ, ამ ქუდით აკაკი გოლოვინის პროსპექტზე მიდიოდა. გზაზე ნაცნობები შეხვდნენ:—აკაკი, ირმის თავი გამოგზმნიაო.“

— თქვე ოჯახ-ქორებო, უპასუბა აკაკიმ, —მე ირმის თავი გამომზმნია, მაგრამ თქვენ რომ ვირის თავები გაბიათ—მე ხომ არაფერი არა მითქვამსო.

1915 წლის გაზაფხულზე აკაკი თავის ცოლშვილით ჩამოვიდა აქ, სხვატორში. აკაკის ვაჟმა მოიხმო კოტე და უთხრა:—*Коте дорогой, мы должны поехать в Тифлис и нанять квартиру, и папочку туда отвезем, он будет зимовать у нас.*—მართლაც, კოტე და ლოლია წავიდნენ. იქირავეს მშვენიერი სახლი და სუყველანი ერთად გაემგზავრნენ თბილისში. მთელი ბარგიც წაიღეს.

გავიდა რამდენიმე ხანი და კოტემ გაიგო, რომ აკაკი ქუთაისშია. ეს იყო 22 დეკემბერს. კოტე მაშინვე წავიდა სასტუმროში და ნახა აკაკი იწვა ავადმყოფი. კოტემ იმ საღამოსვე აქ წამოიყვანა. მაშინვე დაეიბარეთ ექიმები. თბილისში დღეებში გაგზავნეთ.

24 დეკემბერს რომ დაწვა აკაკი, ამის შემდეგ არ ამდგარა. ძალიან მალე წაერთვა ხელი და ფეხი. ექიმებმა ვადასწყვიტეს, თუ უკეთესობა დაეტყობოდა, აკაკი თბილისში უნდა წაეყვანათ, მაგრამ ავადმყოფობა თანდათან ძლიერდებოდა. მალე ენაც წაერთვა. ექიმებმა ვადასწყვიტეს, ყურის უკან წურბელები დაესვათ. მაგრამ, ამის შესრულება რომ მოვინდომე წურბელებმა არ მოიკიდეს პირი. მაშინ გადავწყვიტეთ, რომ აკაკი უკვე არ მორჩებოდა.

უკანასკნელ ხანებში, აკაკის ექიმი სევერიან კოლოშვილი გყურნალობდა. აკაკი ძალიან ენდობოდა მას.

აკაკი რომ ავად გახდა, მითხრა:—ანიკო, დამიჯერე, ჩემი მორჩენა არ შეიძლებაო. იძალეთ, რომ აქ დამასაფლაონ, ჩემს სამშობლო სხვიტორს უკეთესი სახელი ექნება და ჩემს საფლავზე ბავშვები მოვლენ და ითამაშებენო.

როცა ენა წაერთვა, ხელით მანიშნებდა ეზოსაკენ:

— იქ დამასაფლავეთო! —

მთელი გლახობა უზომოდ შეაწუხა აკაკის სიკვდილმა. ყველას ცრემლით ჰქონდა თვალი საესე,

ბაგრატ ზაზახიძე—(60) წლისა, ს. სხვიტორში მცხოვრები. წერა-კითხვის მცოდნე.

ჩასწერა თ. ქ ა ვ თ ა რ ა ძ ე მ.

ერთხელ, მახსოვს აკაკი მიდიოდა თბილისში და მეც ვაცილებდი სად-გურამდე.

აკაკი არასდროს ეტლში არ ჩაჯდებოდა. ძალიან უყვარდა ქართული ურემი. გზაში რომ მივიდიოდით, აკაკიმ ხეზე ჩიტის ბუდე შენიშნა. მკითხა—რისი ბუდეაო,—მე უთხარი ქორის არის-მეთქი,—არა, ქორისა არ არის,—მითხრა აკაკიმ,—ეგ ურწყული ფრინველია, წიფობელას რომ ეძახიან, იმისააო. ეს ჩიტი ორ თვეს წყალს არა სვამსო,—თან ლაპარაკობდა, თან ქალაქში რაღაცას იწერდა. ამ დროს დაგვეწია გლეხი გიგო გოგიტაშვილი, აკაკის დაუკრა თავი, მერე კი პურები მიაწოდა და თან უთხრა: ეგ მეოთხედი არისო. აკაკის ძალიან გაუკვირდა და მაშინვე ჰკითხა:—ანა, ხომ არ გვაგლებთ ამ მეოთხედების გა-მოგზავენასო?

გლეხი წახდა და უარის თქმა ვერ მოახერხა: აკაკიმ ათი მანეთი აჩუქა. პურებიც დაუბრუნა და უთხრა, რომ მეორეჯერ არ ვაგებდნა ეს საქმე.

1905 წელს, აკაკი ჩამოვიდა, შეგვეყარა ყველანი და გვითხრა:—მეზობ-ლებო, მეგობრებო, შევიღებო: ნიკოლოზმა პირი იბრუნა, რეაქციამ გაიმარჯვა, მეფე აღარ დაგვხოვავს, მაგრამ არ შეშინდეთო, ჯერჯერობით ფრთხილად იყავით, ერთმანეთი შეინახეთ, ერთმანეთი გაიტანეთ და მტერი ვერაფერს გი-ზამითო. ძალიან დაარიგა ხალხი და იმედი მისცა. მონობას აღრე თუ გვიან ბო-ლო მოედებო. დიდხანს ელაპარაკა გლეხებს.

ერთხელ ჩემმა ძმამ სთხოვა აკაკის, რომ შვილი მოენათლა. იმ დღეს ძა-ლიან ვაგადარდა. რომ გათენდა, მე მივედი აკაკისთან და ვთხოვე გამოსულიყო. აკაკიმ მითხრა:—ენლა გზები ატალახიანებულია, წამოსვლა არა ღირს, უკეთესი იქნება ჩემს სახლში გავმართოთ ნათლობა, ოღონდ გლეხები დამიპატივებთო.

მართლაც ერთი ძროხა დავკალით და ბევრი კიი ხალხი დავპატივეთო.

აკაკი ძალიან კარგი კაცი იყო. ის ხშირად იყო აქ სანამ აკაკი პატარა იყო, დედ-მამა ასწავლიდა წერა-კითხვას. მერე წავიდა სასწავლებლად. სანამ დედ-მამა ცოცხალი ჰყავდა, ჩამოვიდოდა, მიიხედავდა-მოიხედავდა და ისევ წავიდოდა. დედ-მამა რო მოუკვდა, მერე ისე ხშირად აღარ ჩამოდიოდა.

აკაკი რომ ქალაქიდან მოვიდოდა, ეტლით ზედ კარებამდე ამოვიდოდა. სხვა თავადებთან სტუმრად იშვიათად დადიოდა, თავადებს სძულდათ, რადგან გლეხებისაკენ იყო. როცა ჩამოვიდოდა, მაინც ჰპატივობდნენ, ქალაქს მოწერდნენ, მაგრამ აკაკი არ მიდიოდა.

ყველაზე უფრო ბეჯან წერეთელთან უყვარდა სიარული. ხშირად ქალაქიდან პირდაპირ იქ მივიდოდა. ბეჯანის ცოლი ნიცა, ნათლიდენა იყო აკაკისა. აკაკი დიდად პატივს სცემდა ნიცას, ხშირად მინახავს აკაკი და ნიცა ბაღში, მარტო დიდხანს ლაპარაკობდნენ.

აკაკი ხშირად მოაყვანიებდა კორბოულელ მელექსე ტალახაძეს და ათქმე-ვინებდა ლექსებს. ბეგრსაც ჩაიწერდა.

ერთხელ, მახსოვს, აკაკი მარტო ავიდა მოდინახეზე და იქიდან დიდხანს არ ჩამოსულა. კოტე წერეთელი იყო ასლანის შვილი, როსტომის ბიძაშვილი. ერთხელ კოტემ სთხოვა აკაკის სამოსახლოდ ნახევარი იმ ადგილისა, სადაც წინეთ აუზები ჰქონდათ და ფული შესთავაზა, მაგრამ აკაკიმ ფული არ გამოართვა და ისე მისცა ნახევარი ადგილი.

რამდენიმე ხნის შემდეგ აკაკიმ მეორე ნახევარიც გადასცა კოტეს. ამაში კი მიიღო ფული.

როცა აკაკი ავად ვახდა, ჩვენ, გლეხებმა, სუყველამ ვინახულეთ. აკაკიმ ასე გვითხრა:

— ამისთანა ავადმყოფობა ჯერ არ გამომივლიაო.

აკაკის უნდოდა, რომ აქ სხვიტორში, მის ეზოში დაემარხათ. ჩვენც ყველას გვინდოდა, მაგრამ საზოგადოებამ არ დაგვანება.

ანტონ მაჰარაშვილი (64 წლისა, ს. სხვიტორის მცხოვრები, წერა-კითხვის უცოდინარი) ჩასწერა თ. ქავთარაძემ.

აკაკი ჩემზე უფროსი იყო. მე აკაკის მეზობელი ვარ. ჩემი სახლი აკაკისგან ასი მეტრით არ იქნება დაშორებული.

აკაკი დიდი, ძვირფასი კაცი იყო. პატარა ბავშვს რომ შეხედებოდა, როგორც მთავარს—ისე დაუწყებდა ლაპარაკს. ერთი პატარა ძმისწული მყავდა, სულ ტოლივით ელაპარაკებოდა და ეთამაშებოდა.

გლეხებს ხშირად დიბარებდა ხოლმე თავისთან, ესაუბრებოდა. ვინც წიგნი იტოდა, თავის ლექსებსაც აჩუქებდა.

სიკო წერეთელთან იყო ერთ დღეს და მთელი ღამე გაათენა ბანქოს თამაშით. ვისაც ცხენით უნდა წამოეყვანა, იმ კაცმა ჰკითხა:

— კნიაზო, წააგე თუ მოიგეო.— შე კაცო, რომ მომეგო, ხომ ჯაერით დაწყდებოდნენ თავადებო, მე წაგება არაფრად მიმაჩნია, სულ ვაგებო.

გლეხებისათვის აკაკი დაუფასებელი იყო. რამე გაუჭირდებოდათ, იმასთან მიდიოდნენ, რჩევა-დარიგებას მისგან იღებდნენ. აკაკი გლეხის იმედი იყო. თავა-

დები არ უყვარდა. გლეხებს ეტყოდა:—ადგილის საყიდლად როცა მიდინართ თავადთან, ვაჭრობას კი ნუ დაუწყებთ, ფული დაინახეთ და დარდისაგან არ დაეძინებათო.

აკაკის ცოლი და შვილი ჩამოდიდონენ საჩხერეში, არც ერთმა ქართული არ იცოდა.

როც შორაპნიდან კიათურაში პირველი მატარებელი მოვიდა, აკაკი ამოვიდა სხვიტორში და დიდხანს გველაპარაკა ჩვენს გასაქირზე.

აკაკი საჩხერიდან თავის სახლში ხან ურმით, ხან ცხენით ამოდოდა. მისი მოსვლა ყველას გულს გვინათებდა ხოლმე.

მარიამ წერეთელი (63 წლის, ს. სხვიტორის მცხოვრები, წერა-კითხვის მცოდნე)

ჩასწერა თ. ქავთარაძემ

აკაკის სახელი ისე იყო გავრცელებული ჩვენს მხარეში, რომ ბავშვსაც კი, ენა თუ ჰქონდა ამოდგმული, არ შეიძლებოდა მისი სახელი არ სცოდნოდა. დედები სულ ცდილობდნენ, მათ ბავშვს აკაკი ენახა. ბავშვების ოცნებაც ხომ ეს იყო და ეს.

ჩემ ქალიშვილს არასდროს არ ენახა აკაკი. მისი გაცნობა ნატვრად ჰქონდა გადაქცეული.

იმ ხანად ჩვენ ქუთაისში ვცხოვრობდით.

ერთხელ, მივდივართ მე და ჩემი ქალიშვილი. მე თვალი მოვკარი აკაკის, დიდებული შესახედავი იყო, მაღალი, მხარბეჭიანი, თეთრი თმით, თავი მაღლა ჰქონდა აწეული. ყველა ჩურჩულობდა ქუჩაში: აკაკი, აკაკიო.

ჩემ ქალს ვუთხარი, ეს აკაკი იყო-მეთქი. ჩემი ქალი კინალამ გადაირია სიხარულით. მთხოვა, რომ დავწოდიო. რომ მიუახლოვდიო, მე უთხარი აკაკის, ჩემს ქალს ნატვრად აქვს გადაქცეული შენი გაცნობა-თქო. აკაკიმ, როცა გაიგო რომ ეს ჩემი ქალი იყო, ტკბილად გაუღიმა და შუბლზე აკოცა. საღამოს კი გვთხოვა, მასთან სასტუმროში მივსულიყავით.

მართლაც, საღამოს მივედიო. აკაკიმ დაგვახვედრა გაწყობილი მაგიდა ტკბილეულობით. ძალიან კარგი დრო გავეატარეთ, ბევრი ვიცინეთ. ჩემმა ქალმა იცოდა სიმღერა და აკაკიმ დაუწერა ლექსი გიტარაზე სამღერლად.

საუბედუროდ, ის ლექსი უკვე აღარ მახსოვს. ჩემი ქალიც ვარდამეცვალა.

შემდეგ აკაკის რამდენიმეჯერ შევხვედრივარ. ყოველ შეხვედრაზე გამომკითხავდა ამბებს, არაფერი არ დაავიწყებოდა.

ივანე ცქიტიშვილი (98 წლისა, სოფ. სხვიტორის მცხოვრები, წერა-კითხვის მცოდნე)

ჩასწერა გრ. ინასარაძემ

ძველად ვინც კი ითვლებოდა შეძლებულ თავადად, ყველას უნდა ჰყოლოდა მოურავი; ერთგული უნდა ყოფილიყო ბატონისა; სხვები დაეჩაგრა, თვარა ისე არ გააჩრებდა იმას ბატონი. გლეხი ამას ვერ შესძლებდა და ამიტომაც იყო, მაშინ მოურაგებად უფრო ზნაურები იყვნენ. იმ ძველ დროს ჯერ კიდევ ბავშვი ვიყავი, როცა გამიყვანა მამაჩემმა როსტომის ოჯახში. პირველად შინაურ საქმეებს უკეთებდი, სანამ წამოვიზრდებოდი.

როსტომი მე არ შემემაწვესო. აიღო წყნელი დიდი ძამ და უთაქა და უთაქა წინამძღოლს. როსტომი უყურებდა ამ ამბავს. სწორედ აღდგომის შაბათი იყო იმ დღეს. მეორე დღეს აღდგომა გათენდა და როსტომიც მობრძანდა საყდარზე, დაუძახა ყმებს: გააძვრეთ ამ უფროს ძმას ტანისამოსიო. გააძვრეს ტანისამოსი.—მოიტანეთ როზგი და ტიტველ ტანზე მაგრათ ურტყითო! მართლაც, ისე ურტყეს, ისე, რომ ძლივსღა სუნთქავდა.—ააყენეთ ესლა და მიაკარით ცაცხვზეო.—მიაკრეს ეს დალურჯებული კაცი. ქვეყანა მისჩერებოდა, მარა გლეხკაცი იმას ვერ ახსნიდა როსტომის შიშით. ბოლოს. დიდი თხოვნით, ზოგიერთი თავადიშვილიც ჩაერთა ამ თხოვნაში, და ცოცხალმკვდარი, ტიტველ-შიშველი აიყვანეს გლეხებმა და წაიყვანეს სხვის ოჯახში. სიკვდილით კი არ მომკვდარა, მარა აღარც ცოცხლებში ეწერა. ის იყო და ის, აღარც მისულა როსტომის სახლში საწყალი, საღდაც გადიკარგა.

როსტომს ბევრი ყმა ჰყავდა. თითონ შინაყმებს, როგორც მოურავი, მე ვანაწილებდი სხვადასხვა საქმეზე. შვიდი კაცი განუწყვეტლივ შეშაზე დადიოდა. გათენდებოდა დილა თუ არა, ადგებოდნენ, ცოტა რამეს შეჭამდნენ და გაუდგებოდნენ გზას. იმ მთას ეძახდნენ „გონჯიხევს“. ავიდოდნენ, შეჭკრავდნენ შვიდ კონა ფირჩხს და ჩამოიტანდნენ. სადილს რომ ჰჭამდნენ, კიდევ წავიდოდნენ, ესე იგი ორჯერ მაინც აუცილებელი იყო თოთხმეტი კონის ჩამოტანა. ერთხელ, ჩამოიტანეს ერთი გზობა, წავიდნენ კიდევ და მეორეთ რომ ჩამოიტანეს, ექვსი კონა იყო, ამ შვიდ კაცში ერთი ერთი კაცი, გვარად კენქოშვილი, ამ კაცმა ფირჩხი ვერ იშოვნა, თუ იშოვნა და დაეზარა კონის წამოღება, აღარ მახსოვს, მხოლოდ ეს კი ვიცი, რომ ჩამოვიდნენ და ექვსი კონა ჩამოიტანეს, ე. ი. თითოთითო კონა კაცის თავზე, ხოლო ამ კენქოშვილს ორი მსხვილი მუხის მოგარძო ლპარები ეჭირა აქეთ-იქით ილღის ქვეშ და მოიტანა. ეს დაინახა როსტომის წყუღმა ქალიშვილმა ანამ, მივიდა როსტომთან და უთხრა: ამ კენქოშვილმა რაღაცა ცუდლუტობა დაიწყოვო, სხვებმა კონები ჩამოიტანესო და მეგან ორი ღერი მუხა ჩამოათრიაო. როსტომი, როგორც მოგახსენეთ, ისედაც არ იყო კაცის შემბრალე და, თუ კი რაიმე მიზეზს იშოვნებდა, მაშინ ხომ კაცს სიკვდილის პირს მიაცენებდა. ადგა როსტომი, ერთი დიდი საბიჯგი ჯოხი ჰქონდა, თავზე კომბალი ჰქონდა ამ ჯოხს (ასეთ ჯოხს ხშირად მეცხვარეები ატარებენ ცხვარში); ხოლო როსტომის ჯოხი უფრო დიდი იყო. მიეპარა ნელა ამ კენქოშვილს, დამჯდარს ამ დროს, და ზეიდან დაჭკრა თავში. როგორც კი დაჭკრა, გაუსკდა თავი საწყალს და გადმოეშვა სისხლი ხალათზე და, როგორც გარეტიანებული ქათამი, ისე აქნევდა თავს მიწაზე; მაგრამ ეს მოუწითლავი როსტომი მაინც ურტყამდა საღდაც კი მოხვდებოდა. წამოტნენ ყმები და დიდი ხეწმით და ვაი უბედურებით გამოვამორეთ საწყალი კაცი. იმდენად ავი იყო როსტომი, არა მგონია ამ წერეთლებში იმაზე უფრო ავი და ურწმუნო კაცი ყოფილიყოს ვინმე. არც ეყოლებოდა იმას ათას კაცში ერთი მაქებარი. არა მგონია, თორემ სხეიდანაც გაგონილი გეჭნებათ მისი კაი კაცობა. ესლა ანას ამბავს თუ იკითხავთ: ანა შესანიშნავი თვალად-ტანადი ქალი იყო; ცალი კარი რომ გაგელო, თუ მეორესაც არ გააღებდი, ვერ შემოეტეოდა სახლში, ისე მსუქანი ქალი იყო. უყვარდა სამღეთო სჯულის კითხვა, დღე და ღამე სულ

იმასა კითხულობდა, ეკლესიაშიაც ყოველ კვირას დადიოდა. მთხოვნელი ბევრი ჰყავდა, მაგრამ არა შეგებოდა გათხოვებას. მახე უმცროსი და მატაც ძალიან ლამაზი ქალი იყო, ანაზე ბევრად კაი ზნის ქალი და მალეც გათხოვდა დადიანზე. ანას ჰქონდა საშინელი ჩვეულება: რომ დაინახავდა ყმებს, ცალკე სადმე რომ ყოფილიყვნენ საწყლები, მიეპარებოდა ფეხბაკრფით და უგდებდა ყურს, თუ რამეს გაიგონებდა, მაშინ ხომ იმ ყმებს აღარავინა ჰყავდა მშველელი, მიუტანდა როსტომს ამ ამბავს და ვაი მათ დღეს, მაშინ ისინი რომ ჩაცვივდებოდნენ. ერთი სიტყვით, უყვარდა ენის ტანტალი, თვითონ კი როგორც ამბობდნენ სატრფოდ ჰყავდა დათია ბოჭოიძე. ძალით უნდოდა რაიმე გაეყო თავის თავზე და ამაზე გადაჭიდებდა ხალხს ერთმანეთს.

როსტომს ჰყავდა ერთი მეტად შესანიშნავი, ძალზე კარგი, თვალად-ტანადი შვილი, ილიკო. არა მგონია რომ იმისთანა კარგი კაცი თუ სადმე იქნებოდა. მე ხომ ყველა წერეთლებს ვიცნობ, როგორები იყვნენ და როგორები დარჩნენ. არავინ არ იყო იმისთანა, ის რომ იყო, მხოლოდ ქალაქის თამაში უყვარდა.

როსტომს, აკაკის გარდა, ჰყავდა შვილი დავითიც, მარა არაფრით არა ჰგავდა ილიკოს. ილიკო აკაკისთანა კჳუიანი არ იყო, მარა ისე თვალს მოგჭრიდა, რო გენახა.

ვინ არ იცნობდა აკაკის?! თვითონ როსტომის შვილებსაც ძალიან უყვირდათ აკაკის მშვერმეტყველება. როცა როსტომ წერეთელს სტუმრები ეწვეოდნენ, თუ აკაკი შინ დაუხვდებოდათ, შეატყობდით სახეზე მათ, რომ არ ესიაზოვნებოდათ აკაკის შინ დახვედრა. ესენი გახლდათ თავადები. გლეხები რომ ყოფილიყვნენ, მათ ძალიან გაეხარდებოდათ კიდევაც, მარა გლეხებს როსტომისობას ვინ დაიპატიებდა. იმიტომსა სწყინდათ თავადებს აკაკის შინ დახვედრა, რომ იცოდნენ მისი გესლიანი სიტყვა. მათ არ გაუშვებდა ისე, თუ კარგად არ შეახურებდა.

ერთხელ, მე და აკაკი ვიჯექით აივანზე და ეკლესიისაკენ ვიცქირებოდით. აკაკიმ მითხრა:—ჩემო ივანე, მე ყველას ამას ვეუბნები და შენც ამას ვეტყვი, ძალიან ვთხოვ ყველას, აქედან მკედარს ნურსად წამიღებნო, აგერ იმ ტყემლის ძირში დამასაფლავეთო. მერე მე ვუთხარი: ჩემო აკაკი, დასაფლავება ადვილია, მარა მღვდელი აქ არ მოვა და ვინ გაკურთხებს მეთქი. მობრუნდა ჩემსკენ და მითხრა:—მაგაზე მეტი ჰქუა არა გაქვს. მღვდელიც მოვა და დიაკონიცო.

აკაკიმ მითხრა: ეს ტყეები ბევრი გვაქვს და ადი, ზოგს, ვისაც ფული არ ექნეს, უფულოდ მივიცი და ზოგსაც ცოტაოდენი სახარჯო გამოართვიო. არა მაქვს კარგად საქმეო, ე. ი. ფული არა მაქვსო, თვარა არც ის სახარჯო მინდაო. ზოგს სულ არა აქვს ტყე და ჩვენ ველარ გავგვივია, რომელი რა ადგილას არისო, —იტყოდა ხოლმე აკაკი. ხშირად გამიგონია აკაკისაგან როსტომთან საუბრის დროს:—მამაჩემო, გეყო რაცა ჰამე, და ესლა დროა სხვამაც ისარგებლოს ამ ტყითა და ველითო.

როსტომმა იცოდა, ჰურების სარეცხად თავის შინაყმას მოაყვანიდებდა კაცებს და რომ ჩავიდოდნენ ეს გლეხები ჰურებში, არა ნაკლებ სამი დღე მაინც უნდა ერეცხათ; დღეში სამ აბაზად მუშაობდნენ ეს კაცები. ერთხელ გამოვიდა აკაკი და ჩააჩერდა ერთ დიდ ჰურს ზევიდან და ჩასძახა ჰურის მრეცხაეს: გამარჯობა შენო!

ამოხედა მრეცხავმა ზევით აკაკის და ამოსძახა: ვაგიმარჯოს, ჩემო აკაკიო.—რას გაძღვეთ მაშინემი ამ ქურების დასარეცხსო?—ააშენოს ღმერთმა მიგის ოჯახი, სამ დღეს მოუნდებითო და ოროლ მანეთს მიინც მოგვეცემსო! მერე ცოტა არ არისო?—არა, ბატონო, ბევრიცააო. როცა ვათავოთ, ჩემი უნახავი არ წახეიდეთო. მართლაც, რომ მორჩნენ, მივიდნენ აკაკისთან, კარგი პატრივიცა სცა, თითოს ხუთ-ხუთი მანეთიც მისცა და ისე გაისტუმრა, თანაც ასე უთხრა: მაშაქემს არაფერი არ უთხრათო, იმისგანაც მიიღეთ, რაც გექუთებითო. ასეთი კაცი ვანა იქნებოდა მთელ საწერეთლოში? არა, არა მგონია.

აღდგომისათვის ყველამ იცოდა წითელი კვერციხი და ჩვენც ჩვეულების მიხედვით, ბევრი კვერციხი შევალეზინეთ ჩვენს ყმებს. ეს კვერციხები დალაგებული ჰქონდათ ორ დიდ ფიცარზე. ჩამოვიდა აკაკი პალატში; რომ დაინახა ხვავად ეს კვერციხები, მიუბრუნდა იმას, ვინც შეღება და უთხრა: ეს შელებლი-კვერციხი რათ გინდათ, შეულებავი არ შეიქმება? ეს სალებაი უნდა მოისპოს, როგორც დრომოქმული ჩვეულებაო. როგორც ქირი, ისე ეჯავებოდა აკაკის წითელი კვერციხი. თითო მოჯამაგირეს ხუთ-ხუთი მანეთი მისცა, რახან აღდგომა იყო მერე დღეს, ხოლოდ მე კი მაჩუქა ოქროს თუმნიანი.

როსტომი ეტყოდა აკაკის: დღეს მობრძანებულხარ და ხვალ ისევ წაბრძანდებიო, ორ დღეში გინდა შენ კვერციხის შეღება ვადავადოვო? აკაკი სიტყვას აღარ შეუბრუნებდა, იცოდა როსტომის სიკერავე.

მე თითქმის 40 წლისა ვიქნებოდი იმ დროს, როცა აკაკის ოჯახში მოურავად ვიყავი. შემოგვეჩვია ერთი მელა და ყოველ სამ დღეში ერთხელ ოროლ-სამ-სამი დედალი მიჰყავდა. ხანდახან ჩაუსაფრდებოდიო, მაგრამ ვერას ვხვდებოდიო მე და ჩემი მეგობარი ბოჭოიძე. ამ ბოჭოიძემ მითხრა: ეგება ახლოს არის ისეთი ადამიანი, რომელიც გვპარავს დედლებსო; ერთხელ დაბინდებავე ეს ჩემი მეგობარი საქათმესთან იდგა მოშორებით. მოსულა თურმე ერთი დედა-მელა, შესულა ამ საქათმეში და რომ ჩაუვლია პირი დედლისათვის, ატკრიციალებულან ქათმები; ეს გაუგია ბოჭოიძეს, მივარდნილა და დაუეტნია საქათმის კარი. არიქა, ივანე, მელა დავემწყვდიე საქათმეშიო. დამიძახა მე. მივეარდი მეც. რა თქმა უნდა, მელა დავიპირეთ. გამოვიყვანეთ საქათმიდან და ჩვენა ვთქვით, აკაკისაც ვაჩვენოთ ეს ჩენი ქათმებით ვასუქებული ქურდი-თქვა. მიუყვანეთ აკაკის, დაინახა თუ არა მომამახა: რა უნდა უყოთ მაგასო? რა და უნდა მოვკლათ, ბატონო-მეთქი. აკაკიმ გვითხრა: თუ გიყვარდეთ, არ მოკლათ, გაუშვითო. რავე შეიძლება, აკაკი, ამის გაშვება, სულ გაგვცალა ქათმებიდანო, უთხრა ბოჭოიძემ.—თქვენ გააკეთეთ კარგად ეს საქათმე და თუ კიდევ წაიღოს ქათმები, მაშინ კი ნულარ გაუშვებთ ცოცხალსო.—რაღას ვიზამდით?! სანამ არ გაუშვით, არ მოგვეშვა. ამ ამბის შემდეგ გაიარა ორმა კვირამ და გზაში წამოვეწიე მონადირეებს, რომლებიც გაფაციცებული ელოდებოდნენ რაღაცას; თურმე ძაღლები ჰყავდათ ტყეში გაშვებული, შველი უნდა გამოეგდოთ ამ გზისკენ და სწორედ იმას უყურებდნენ. მე წამოვედი ჩემთვის. ცოტა ხნის შემდეგ ატყდა ყფა ძაღლებისა. მივიხედე უკან და ვხედავ, მშვენიერი მშველი მორბის ჩემსკენ, უკან ძაღლები მოსდევენ. მე ვიფიქრე, ჩემთვის გავიწიე გზის ნაპირზე და ჩაუსაფრდები, იქნება ან დავარტყა რამე ან და ეგება დავიპირო.

კიდევ-მეთქი. უცებ ჩავიმაღლე გზის პირზე თუ არა, მოაწია ჩემამდის. თვითონ ვერ დამინახა. ცოტა გაწყდა, კინალამ ძალღებმაც მოავლეს პირი. ამ დროს უცბად უკანა ფეხებში მოვატანე ხელი და დაეკვირე. მოკვინდნენ მონადირეები, შეგვექნა ერთი ამბავი, მარა მინც ვეღარ წამართვეს. წამოვიყვანე ეს მშველი და მოუყვანე აკაკის. გაეხარდა, დიდხანს უსვა თავზე ხელი. ეხლარა უნდა უყოთო ივანე ამ შეფელსო,—შემეკითხა აკაკი. მე უპასუხე: თქვენთვის მომიყვანია და რაცა გნებავთ ის უქენით მეთქი. გადამეკიდა—გაუშვი და გაუშვიო. ამ დროს ამ ლაპარაკზე აკაკის და ანა გვესწრებოდა, იმან თვალთ მანიშნა, მოდი რა უნდა გითხრაო.—ჩემ ძმას უთხარი, გაუშვებ მაგ შეფელსაქო, მხოლოდ მართლა კი არ გაუშვა, ჩაიყვანე ბოსელში, დაამწყვდე და ამალამ დაგვალათო. საღამოზე დაგვალათ ეს მშველი და მშვენიერი ხორცი ჰქონდა, მაგრამ აკაკის ვინ გაუბედავდა იმ ხორცის მიტანას. ისე შეიკამა ეს ვიებერთელა მშველი, რომ აკაკის არც გაუგავა.

აკაკი რომ გულკეთილი ადამიანი იყო, ეს გამოიხატებოდა იმის საქციელში, თუ როგორ ეყვრობოდა ყმას. აკაკის სოფელ ორღულში ჰყავდა ნაყმევი ბერი-კილაძე. ამ ბერიასათვის აკაკის გამოერთია ოთხასი მანეთი იმ პირობით, რომ აკაკის ამ ფულში ადგილი უნდა მიეცა. მაგრამ რატომღაც აკაკის ხელი შეეშალა და ვეღარც ფული გაისტუმრა და ვეღარც ადგილი მისცა. ბეროს წაერთმია აკაკისთვის რაც საუკეთესო ადგილები იყო, რომელშიაც მოდიოდა ასი ურემი სიმინდი და სხვ. თანაც მთავრობაში გამოეცხადებია, აკაკი წერეთელმა ოთხასი მანეთი გამომართვა და აღარ დამიბრუნაო. ერთ მშვენიერ დღეს გაუგზავნია კაცი ბეროსათვის აკაკის და დაუბარებია, აუცილებლად ამოდი ჩემთანო. მართლაც, მისულა ეს გაგზავნილი კაცი კილაძესთან, მაგრამ იგი არ ასულა აკაკისთან. შეშინებული ყოფილა: მას ჰგონებია, რადგან მე აკაკის ადგილი წავართვი, აუცილებლად დამატუსაღებსო. კიდევ გაუგზავნია კაცი აკაკის ბეროსთან. ბოლოს, როგორც იქნა, ვაბედა და მივიდა ცახცახით აკაკისთან ბერო. შეუყვანია სახლში, დაუჯენია სკამზე, გაუშლიათ სადილი და გხლებიან საჭმელს. სწორედ ამ დროს შევედი მეც სახლში. დამინახა თუ არა აკაკიმ, დამიძახა: ივანე, გადი ჩემს ოთახში და ჩემი პალტო გამომიტანე ამ წუთშიო. სიმართლე მოგახსენოთ, კი გამოვიკირდა, რათ უნდა ამ შუასადილის ჭამაზე ეს პალტო-მეთქი. მივეუტანე და მივაწოდე აკაკის.—მოახურე ბეჭებზე ბეროსო. აი, ეს შენი ოთხასი მანეთი, რომელიც სესხადა მქონდა აღებულთო. ის ადგილებიც შენაო და ეგ პალტოც შენი ფეშქაში იყოსო. ეს კაცი ბერო კინალამ ჭკუაზე შეიშალა მეტი სიხარულით: კაცი დატუსაღებას ელოდა და იმის მაგიერ დასაჩუქრებული გაისტუმრა.

აკაკის ძალიან კარგი ხასიათი ჰქონდა. ვინც უნდა ყოფილიყო, ბავში იქნებოდა თუ დიდი, თუ კი შევიდოდა იმის ოთახში, იმ წუთში წამოდგებოდა აკაკი ფეხზე და თავისი ხელით მიუტანდა სკამს. გარდა ამისა, არ შეიძლებოდა იმას ცალკე პური ეჭამა, თუ კი გლეხი იქნებოდა მათ ოჯახში, ან მუშა თუ ეყოლებოდათ, ეტყოდა ხოლმე ანას აკაკი,—ცალკე არ დააჯინო მუშებო, ეგენიც ისეთივე ადამიანებია, როგორც ჩვენა ვართო.

ზიდოს იმ ვირით წყალიო.—ეს სიტყვა ძალიან სწყენია ბეენს:—ჩემმა შვილმა რათ უნდა ზიდოს ვირით წყალი, მე მოჯამაგირეებს ვერ დავახვედრებ სახლშიო?—ესეთი დრო დევბა, ჩემო ბეენს, მოჯამაგირეები კი არა, ის ვირიც აღარ ეყოლებბა და თითონაც კარგად მოიტანს წყალსო.

აკაკის რგანში ჰყავდა ნაყმეები სამყურაშვილები. დაიბარა ისინი და უთხრა: ერთი საბალნე კარგი პლასტის ქვა აიღეთ და ცხენებით ჩაიტანეთ ზესტაფონში ბლალონის ღამბაშიძისასო. ამ ერთი საბალნის ჩატანა დაუჯდათ თორმეტი აბაზი. ზესტაფონში რომ ენახათ ეს ქვა, მოსწონებოდათ.

მეორედ რომ წაელოთ, თითონ აკაკიც თან გაჰყოლოდა. ამ ქვის ნაწილი წაელოთ მარსელში. იქ ეთქვათ, ამ ქვის ღირსება დიდიაო. მარსელში გაუტყდნენ აკაკის და უთხრეს: ამაში გამოდის ოქრო, ვერცხლი, საღებავი, სპილენძი და სხვაო. თითქმის რვა თავიო.

მე დიდხანს ვიყავი აკაკის ოჯახში და არასდროს აკაკი ისე გაჯავრებული არ მინახავს, როგორც ერთ დღეს იყო გაჯავრებული. აი რაზე გაჯავრდა აკაკი: ძველად თავადებს კანონად მიაჩნდათ, რომ საწყავი თვითონ უნდა ვაეგზავნათ ყმებისათვის ნამუშევრის აღებაზე. აგრეთვე ღვინისათვის ტიკებს თითონ ვაუგზავნიდნენ და ისინი ამ საწყავით მიუწყამდნენ ნამუშევარს, ამავე ტიკებით ღვინოს მოუტანდნენ ბატონებს. ერთ ასეთ შემთხვევას მეც დავვსწარი როსტომის სიცოცხლეში: თვით როსტომის შინაყმებს ვაეგზავნათ ტიკი ერთი ყმისათვის. გაუესია ეს ტიკი ამ ყმას და სიმინდთან და პურთან ერთად მიუტანია ერთ საღამოს. იმ დროს იქ სხვა ყმებსაც მოუტანიათ გადასახადი. ამ საწყალი ყმის ტიკი თურმე დაზიანებული ვაუგზავნით როსტომის სახლიდან და რომ შეუნახავთ როსტომის სახლში, ღამე სულ გასვლია ღვინო. ეს ყმებიც იქ დარჩენილან როსტომის ოჯახში იმ ღამეს. ამდგარა დილაზე როსტომის წყეული ქალიშვილი ანა, და უნახავს რომ ეს ტიკი სულ დაცლილია, გამოსულა და მიუტანია ენა როსტომისათვის: დახეულ ტიკში ჩაუსხამს ღვინო და სულ დაცლილათ. როსტომს უთქვამს: მოიყვანეთ აქ საჩქაროდ ის კაციო. როსტომს უბრძანებია: წადი ეხლავე და მოიტანე იმ ღვინოს სამაგიეროო, თორემ ცოცხალს არ ვაგიშვებო! დაიჩოქა ღვინის მომტანა და უთხრა: ბატონო, საიდან მოვიტანო სამაგიერო ღვინო, რომ წვეთი აღარ გამიჩნია, რაცა მქონდა სულ მოვართვით თქვენი გამოგზავნილი ტიკითო. ტარიდა ეს ყმა და ევედრებოდა როსტომს, მაგრამ როსტომი იმის ტირილს ყურადღებას არ აქცევდა. ამ დროს აკაკიც იქ იყო. უყურა მამის ასეთ საქციელს აკაკიმ, რომ არ ეზოგებოდა ადამიანის შვილი მამამისს, ვეღარ მოითმინა და მივიდა როსტომთან ახლოს, დაუდგა წინ და უთხრა: მამაჩემო, რას ერჩი ამ საწყალ ადამიანს? შენი ტიკი დაზიანებული ყოფილა, ამ საწყალ კაცს რაც ღვინო ჰქონია სულ შენთვის წამოუღია და ეხლა კიდევ მეორეთა სთხოვ? საიდან მოვიტანოს, არ ფიქრობ ამასო? როსტომმა ყურადღება არ მიაქცია აკაკის სრულიად მამის აკაკიმ დაუძახა მზარეულს, რომელიც როსტომის ოჯახში მსახურობდა დიდხანს.—გლახუკა, გლახუკა, მოდი და დაკალი ეს ყმა, მოხარშე ამის ხორცი და სადილად მამაჩემს მიართვი საკუთრივ, იქნება გაძღეს მავის გულიო!—ეს სიტყვა თქვა და კიდევ გავიდა გარეთ და წავიდა თბილისში ძალიან გაჯავრებული. ასეთ ცუდ ხასიათზე აკაკი მე არასოდეს არ მინახავს.

ლაიანში. წირვის დამთავრების შემდეგ როსტომ წერეთელს გიორგი წერეთლისათვის მიუწოდებია წითელი კვერცი—ქრისტე აღდგა გიორგო. გიორგი წერეთელს უთქვამს—გადი, გადი! შენ რომ კარგი კაცი იყო ამ კაცს ცაცხვზე არ ააკრავდიო, ეგეც აღამიანდაო! დაუძახნია თავის ყმებისათვის გიორგი წერეთელს—მოხსენით გოგია ზაბახიძე ცაცხვიდანო, ნუ გეშინიათ როსტომ წერეთლისა, მე გავცემ თქვენს სამაგიერო პასუხსო, მართლაც, მოუსხნიათ ცაცხვიდან გოგია ზაბახიძე.



აკაკი წერეთელი და მისი დისწული ანეტა დადეშქელიანი.

შენ ძალიან ცუდად ეკიდები ყმებსო, ეგენიც ხომ აღამიანები არიანო, შენ ისეთი ცუდი საქმე გაქვს დათესილი ყმებში, ჩვენ რომ დავიხოცებით ჩვენს მომავალ შვილებს და შვილიშვილებს ჩვენი ყმები ტანზე ხორცს აათლიანო,—უთხრა გიორგი წერეთელმა.

ისეთივე მკაცრი იყო აკაკის დედა ეკა, როგორც როსტომში. ეკა ეტყოდა როსტომს: მამაჩემი ქუთაისში რომ ვაგზავნიდა ყმას, ფეხის გულელებს დაუსერავდა და შიგ მარილს ჩააყრიდა, შენც ისე უნდა მოიქცეო.

გარსია კირვალძე (98 წ., სოფ. კვერეთში მცხოვრები, წერა-კითხვის უცოდინარი).
ჩასწერა გ. ინასარიძემ

აკაკის მამა როსტომი მამაჩემის ბატონი იყო. მამაჩემს ერქვა ბერია. როსტომმა დაიბარა მამაჩემი და უთხრა: შენ, როგორც ჩემი ყმა, შენი ცოლ-შვილი უნდა ჩამოხვიდე ჩემთან სხეიტორში და მემსახურო. ეს მამაჩემმა არა ჰქნა, მე მთელი ოჯახით ვერჩამოვალ და ვერ გემსახურებო, რადგან მე თავიდან კვერეთის მცხოვრები ვარო. ამ დროს მე ვიქნებოდი თხუთმეტი წლისა. ჩავედი როსტომთან და დავიწყე ხელზე სამსახური. ვემსახურე სამი წელიწადი. ჩემს მახსოვრობაში არაფერს ვაფარებ და მანამდის რას უშვებოდა ყმებს არ ვიცი. როსტომს ხშირად მოსდიოდა სტუმრები, თითონ როსტომი წირვაზე კი დადიოდა, ხოლო ვარდა წირვისა, სულ შინ იჯდა. სხვაგან სიარული არ უყვარდა. საკმაოდ მოხუცებული იყო, მე რომ იმას ვემსახურებოდი. როსტომს ხელპირს გაბანინებდი და წყალს უზიდავდი. სანამ მზე დიდზე არ ამოვიდოდა, არ ადგებოდა ლოგინიდან. სადილს რომ მიირთმევდა, ისე ძალიან უყვარდა ძილი, კიდევ წამოწებოდა ტახტზე და დაიძინებდა. როსტომის ცოლი ეკაც მოხუცებული იყო ჩემსობას, ისიც სულ შინ იყო. მეზობლებში სიარული არც იმას უყვარდა. როსტომს, ჩემს ვარდა, სხვებიც ბევრი ჰყავდა ოჯახში, თვრამეტ სულამდე: ხაბაზები, ხელოსნები, მეფინიბები, ფარეშები მაგრამ როსტომი მაინც არ იყო კმაყოფილი. ერთხელ, მამაჩემს ძღვენი მიჰქონდა სოფ. გუნთაში მოყვარესთან. როსტომს რომ დაენახა ჩამოვლილი, დახვედროდა წინ, წაერთმია ძღვენი და ღელეში გადაეყარა, — რატომ შენი ცოლშვილით არ მემსახურებო? მაგრამ მამაჩემი მაინც არა შევბოდა მთელი ოჯახით სამსახურს. გაუგზავნა როსტომმა მამაჩემს კაცები. მიჰპაროდნენ ჩუმად, თავში დაეკრათ და წაეჭკიათ და ისე წაეყვანათ ქუთაისის ციხეში, სადაც, აღარ მახსოვს, რამდენ ხანს იჯდა.

სოფ. სხეიტორში იცოდნენ დღესასწაული „მოტყეირობა“. ამ დღეს თავადობა დიდ დროს ატარებდა. მოიტანდნენ ქეიფობაზე პურის გობებს, გაავსებდნენ ღვინით, დაემხოზოდნენ ამ გობებს ზევიდან და ისე სვამდნენ. ბოლოს ეს დღესასწაული გადაადგეს, რადგან ხალხი გაალარბა ხარჯში.

სანდრო არჩვაძე (62 წლისა, სოფ. სხეიტორის მცხოვრები, წერა-კითხვის უცოდინარი)
ჩასწერა გ. ინასარიძემ

აკაკის ვიცნობდი როგორც კარგ მეზობელს. მასთან ხშირად მისაუბრია და ამავე დროს ხშირადაც მოვხმარებდით ოჯახის საქმეებზედაც. აკაკი ჩემი ბატონი არა ყოფილა და არც სხვა წერეთლები. ჩემი ბატონი იყო ქავთარაძე. აკაკის უყვარდა გლეხობა და გლეხებსაც უყვარდა ის.

პატარა ბავშვი რომ შესულიყო აკაკის სახლში, სკამს თვითონ მოუტანდა, ისე თავდაბალი იყო. დაისვიამდა გვერდით და ალაპარაკებდა, თვითონ კი იწერდა ბავშვის ნალაპარაკებს.

აკაკი თავადებთან არ დადიოდა, არ უყვარდა ისინი. გლეხსა და თავადი-
შვილს შორის რომ საჩივარი ყოფილიყო ადგილმამულზე ან სხვა რამეზე, თვი-
თონ წაედიოდა სამართალში და მოსპობდა ამ საჩივარს.

ერთხელ, მე კარგად მახსოვს, ნიკო წერეთელი ჰყვიდა ადგილს. ყმები
იმას აღარ ჰყავდა და თვითონ მუშაობა არ ემარჯვებოდა. ეს ადგილი გვინდოდა
გლეხობას, რადგან მიწის ნაკლებობას განვიცდიდით, მაგრამ არ გვანებებდნენ
წერეთლები, კერძოდ კოტე წერეთელი. ამ ადგილების შესახებ კოტე შეეკითხა
აკაკის:—ნიკო წერეთლის ადგილში გლეხებს უნდათ შემოძვრენო, მაგრამ მე არ
ვამძღვე უფლებასო.—აკაკიმ უთხრა კოტე წერეთელს:—ჩვენ რომ მოვხუცდით,
თმაში თეთრი გამოგვერიაო, ცოტა ხანს უკან თავში ქუაუც გამოგველევიო; ხომ
ხედავ, ჩემო კოტე, ეს გლეხები როგორ მრავლდებიანო, სად უნდა წავიდნენ,
ეგერი ხალხი არ არიანო?! ჩვენს სათქმელ სიტყვებს თვითონ, აკაკი ეუბნებოდა
წერეთლებს.

ერთხელ, მე და ჩემმა მეზობლებმა ტყეში შემთხვევით დავიპოვეთ ძალიან
ლამაზი არჩვი. გადავწყვიტეთ საჩუქრად მიგვერთოთ აკაკისათვის. ნასადილევს
აკაკი გამოსულიყო თავის სახლის წინ და დასეირნობდა. შევედით ეზოში, მივე-
სალმეთ და ვუთხარით აკაკის: ეს არჩვი თქვენთვის მოგვიერთმეგია ჩემო ბა-
ტონოთქო. აკაკიმ დიდი მადლობა გადაგვიხადა მე და ჩემს ამხანაგებს. კარგა
ხანმა გაიარა აკაკისთან საუბრის დროს. წამოვდექით ამხანაგები წამოსასვლე-
ლად. ამ დროს აკაკიმ გვითხრა, გაუშვით ეგ არჩვი ამ ეზოში. თუ სამჯერ მოი-
ხედა უკან, მაშინ აღარსად წავაო და თუ ერთხელ-მეტად არ მოიხედა უკან,
მაშინ კი აღარ დაბრუნდება და გაიქცევა ნამდვილადო. ჩვენ რასაკვირველია,
ვიცოდით აკაკის კეთილი გულის ამბავი, იმას ყველა სულდგმული ეცოდებოდა
ისე, როგორც ადამიანი; ისიც ვიცოდით, თუ არჩევს გაუშვებდით ხელიდან, ის
უკან აღარ დაბრუნდებოდა და იმ წუთშივე გადაიშალებოდა. გაუშვით არჩვი,—
ერთი კი მოიხედა უკან და ისე მოჰკურცხლა, რომ მისი ასავალ-დასავალი ვე-
ლარ ვავიგეთ.

მე ვიცნობდი აკაკის დედას ეკას, დას ანას. ეკა იმ დროს საკმაოდ მოხუცე-
ბული იყო. ანას კი სულ ერთავად ეპირა ხელში საღეთო სჯულის წიგნი და ლო-
ცულობდა. აკაკი ბევრჯერ გამახსარაგებია ანას, გათხოვდიო, თუ შენ ვერ მო-
ნახე საქმრო მე მაინც მოგიძებნიო. მაგრამ ანა მაინც გაუთხოვარი მოკვდა.

მე გამოვიჩინა, რომ კვერეთში უცხოვრიათ წინათ ბერებს, შემდეგ, როცა
ბერები დახოცილან, როსტომსა და ეკას კვერეთის ეკლესიის გალავანში ორ-
მოცდა-ხუთი ძირი ნიგოზი დაურგავთ. ეკა ძალიან მოყვარული იყო ხეხილისა
და სასაფლაო წინასწარ ჰქონდათ სხვადასხვა ხილებით ავსებული.

ვანო გელმახიანი (95 წ., სოფ. კალეათის მცხოვრები, წერა-კითხვის მცირე-მცოდნე).
ჩასწერა გ. რ. ივანსარიძემ

მე ვიცნობდი აკაკის, როგორც ერთ ქუედიანს და ნასწავლს, ადგილისა და
მთების ბატონს. აკაკი თავადებს ეუბნებოდა, განათავისუფლეთ გლეხებიო;
ამიტომ თავადებს სძულდათ ის. ვიცნობდი არა მარტო აკაკის, არამედ მის
ძმას დავითსა და მის დას ანას. იმ დროს მე ხელმძივით ვიყავი მჭიდელი. აკაკი

გამომიგზავნიდა თავისი მოსამსახურის ხელით წალდსა და ნაჯახს, გაუყუტებდი, როგორც საქირო იყო, და გაუგზავნიდი ისევ. აკაკი ჯერ წავიდოდა ქუთაისში და იქიდან როცა დაბრუნდებოდა, ეტლით გამოივლიდა ჩემი სამკედლოს წინ. ამოიღებდა ჯიბიდან ფულს ვაღმომიგდებდა და დამიძახებდა:—იქვეფე ჩემი მოცემული ფულითო!

აკაკი, ყველა შეუძლებელი, საწყალი ხალხისათვის კარგი კაცი იყო. ერთი სიტყვით, იმაზე უკეთესი აქ არაიან დაბადებულა, მასზე ცუდს ვერავინ იტყვის, აკაკიმ ძალიან ღრმა სიტყვების თქმა იცოდა.

აკაკი თავადებს რომ ეტყოდა, გლეხებს ნუ აწვალბო, ვანთავისუფლებ, გეყოთ რაც აწვალბო, მაშინ თავადები უპასუხებდნენ—გლეხები ხორციანად რომ შევკამოთ, ჩვენ ამის ნება გვაქვსო.

სოფელ კორბოულში როსტომს ჰყავდა ყმები, რომელთაც მოჰქონდათ ნამუშევრის მეოთხედი ნაწილი, შემდეგ კი აკაკის დარჩენენ ეს ყმები, მარა როგორც როსტომი სტანჯავდა იმათ ისე არ ექცეოდა აკაკი, თითქმის სულ უბატონოდ, თავისუფლად გრძობდნენ ეს ყმები თავს. რამდენიც უნდა მოეტანა აკაკისათვის კორბოულელ ყმას ნამუშევარი, ის არაფერს ცუდს არ ეტყოდა, გინდა ბევრი გინდა ცოტა.

ანტონ კირვალიძე (83 წლისა, ს. სხვიტორის მცხოვრები, წერა-კითხვის უცოდინარი)
ჩასწერა გრ. ივანსარიძემ

კაი და კაი მიეცეს აკაკის სულსა და ხორცს, რომ აკაკი ყველასათვის ძალიან კაი კაცი იყო. ის ისეთი კაცი იყო, რომ ბრალიანსა და უბრალოს არ გამოარჩევდა ერთმანეთში. ესე იგი—გლეხები იმის მეტს არავის უყვარდა და სხვა თავადები კი გლეხების სისხლსა სვამდნენ. რაბა შორს წავიდეთ თვითონ როსტომი შხამიანი კაცი იყო, მარა აკაკი კი არა ვავდა იმას, სულ სხვა იყო. აკაკი ვადახვევდა გლეხებს კისერზე ხელებს, დაუწყებდა მათ გემრიელად საუბარსა, თქვენ ნუ გაიტეხავთ გულსაო. ეს ადგილ-მამული, რომელიც წერეთლების ხელშია, მალე მტერი მოგიკვდეთ, მალე ამათ ეს ჩამოგართვათ და სულ გლეხების ხელში გადავიდესო.

მამაჩემი, კიკო, დიმიტრი და აკაკი ერთი კბილები იყვენ, ჩამოჯდებოდნენ ჩიხურას პირზე და შუღლამემდის ლაპარაკობდნენ. აკაკი ეტყოდა: ეს ქვეყანა, ეს ეს მთები, ეს ვენახები, სუყველა გაერთიანდებო. ამოვიდოდა მამაჩემი და გვეტყოდა ჩვენ სახლში: აკაკის სიტყვა-პასუხი საწყალ კაცს პირდაპირ გულში შეუვაო. სულ გლეხების კეთილდღეობაზე ლაპარაკობსო.

შავი ქვა აკაკიმ აღმოაჩინა პირველად. აკაკი ხუმრობდა: ჩემი გლეხი ჩემზე უფრო მდიდარიო. ჩემს სამოსახლოს უბრალო ქვის ყორე აქვსო და გლეხებს კი სულ ძვირფასი ქვებით აქვთ ყორე აშენებულიო. ეს ქვა რომ თავის ადგილზე მიიტანოს ვინმეო, მგონი მილიონი ელიროსო.

აკაკის ჰყავდა ნაყმევი გლეხები წირქვალში და ჭიათურის თავზე. იქაურმა გლეხებმა ჩამოუტანეს აკაკის შავი ქვის ნამტკრევეები. წაიღო საზღვარზე. გამოირკვა, რომ ეს ნამტკრევეი ქვები უბრალოდ ვადასაყრელი არ იყო.

იმ დროს მატარებელი არ იყო. მამაჩემს ჰყავდა გასაქირავებელი ცხენი. შემოუთვლიდა აკაკი მამაჩემს, აბა ჩემო კიკო, ხეალ თბილისში მიგდივარო და შენი ცხენით გომამდის გამაცილეო, მართლაც შეკაზმავდა ცხენს და გააცილებდა გომამდის, კარგ პატივს სცემდა მამაჩემს, ფულსაც მისცემდა. მამაჩემი გახარებული ბრუნდებოდა შინ.

მე კარგად მახსოვდა, როსტომი იმ დროს ბებერი იყო, როცა მე მითხრა— ბეჭე გადაგდებ ხელს და ამ ჩემი ეზოს ბოლოზე ჩამატარეო. მართლაც გადამდვა ხელი და ჩამოვიყვანე ეზოს ბოლოზე, დავჯინე. მაშინ როსტომმა თქვა— მეც და სხვა თავადები რომ მკაცრად არ მოვექცეთ ყმებს, არა ვცემოთ, პირდაპირ თავზე დაგვაჯდებიანო, ველარ მოვიხმარ ვერავისო, ამისათვის არის, რომ ვტანჯავთო. მე ისიც ვიცო, იტყოდა როსტომი, ჩემი შვილები ველარც იყიდიან რამეს და ველარც გაჰყიდიან, ისეთი დრო დადგებაო.

გარსევან კირვალიძე (84 წლისა, ს. სხვიტორის მცხოვრები, წერა-კითხვის უცოდინარი) ჩასწერა გ. ინასარიძემ.

აკაკის კარგად ვიცნობდი, როგორც კარგ მეზობელს. ნეტავი ეხლაც ცოცხალი იყოს, ისეთი კარგი სახელიანი კაცი იყო. ჩემს მახსოვრობაში აკაკი ხშირად არ მოდიოდა შინ. როცა კი მოვიდოდა, ყველა ვნახულობდით, ყველას ძალიან გვიყვარდა. ის ისეთი თავმდაბალი იყო, რომ პატარასაც კი გამარჯობას ეტყოდა ხოლმე.

აკაკი ძალიან ებრძოდა თავადიშვილებს ჩვენისთანა გლეხების წვალები-სათვის.—ნუ აწვალუბთ გლეხებს, გეგნიც ღვთისაგან გაჩენილი არიანო და ჩვენცაო. იმ დროს წერეთლებმა იცოდნენ „მეოთხედობა“, აუცილებლად ყმებს უნდა ეძლიათ ბატონებისათვის მეოთხედი,—ღვინო იქნებოდა, პური თუ სიმინდი, სულ ერთი იყო.

ერთხელ, სოფელ კორბოულიდან ყმებმა მოუტანეს ნამუშევრის „მეოთხედი“ ბეჟან წერეთელს. სწორედ ამ დროს აკაკი შინ გახლდათ, გამოსული იყო თავის ეზოდან და გარეთ გლეხებს ესაუბრებოდა ჩვეულებრივ, როგორც იცოდა.—მალე სულ თქვენი იქნება ეს ადგილებიო, აღარც „მეოთხედობა“ იქნება და აღარც „მესამედობა“. სწორედ ამ დროს იყო, რომ მოაყენეს ბეჟანს სავსე ურმები და მაშინ უთხარი მე აკაკის: როდის უნდა მოისპოს, ბატონო, ბეჟანმა ახლა დაიწყო „მეოთხედი“ ნამუშევრის მიღება-მეთქი. მიუბრუნდა ბეჟანს აკაკი და უთხრა: ბეჟან, ხომ გაიგე რომ „მეოთხედობა“ მოისპო, ყმები შენ აღარ გეკუთვნის. რათ ართმეგ მაგ საწყალ ხალხს ნამუშევარსო, ველარ გაიგო შენმა ყურებმა ნამუშევარი ხან ცოტა მოდის ხან ბევრიო. დანებე თავი მაგ ჩვეულებასო, თორემ შენს სერისაც მალე ვნახამო. ამ სიტყვებმა ძალიან გააბრაზა ბეჟანი და ერთი მაგრად შემოჰკრა ხელი აკაკის, „როგორ მარცხვენ შენ ყველგანო, ამ ხალხს შეტი კი არ უნდა, ხელად დაიჯერებენო“.

ოქრუა ზაბახიძე (99 წ., ს. სხვიტორის მცხოვრები, წერა-კითხვის უცოდინარი) ჩასწერა გ. ინასარიძემ.

აკაკისათვის დედაჩემს ბევრჯელ უწოვებია ჩემი წილი ძუძუ. რახან ჩემი კბილა იყო აკაკი, მისი დედა ხშირად იწვევდა ხოლმე დედაჩემს ძუძუს გულის-

თვის. ეს—ჯერ სანამ სავანეში წაიყვანდნენ. იქიდან რომ მოიყვანა როსტომმა აკაკი, დედაჩემი მეტყობდა: აი ამ თავადიშვილს ბევრჯელ წაურთმევია შენი წილი რძეო. მართლაც, აკაკი გლეხის ოჯახში რომ იზრდებოდა პირველად, ამიტომ თავადიშვილებს კი არ ეკარებოდა, სულ ჩვენთან იყო ხოლმე.

აკაკი რომ წამოიზარდა და სწავლა დაიწყო, იშვიათად მოდიოდა სხეთორში. იმან კარგად იცოდა, რომ როსტომი ძალიან აწვალებდა თავის შინაყმებს. ერთი სიტყვით, მათი ყვირილი, როსტომი რომ დაუწყებდათ ლახვას, მაღლა ღმერთს ეყურებოდა. მე თვითონ ვიყავი სიმონ წერეთლის ნაყმევის შვილი, მარა ისე კი არ გვექცეოდა სვიმონ წერეთელი, როგორც როსტომი თავის ყმებს. როსტომს სულ არ ებრალებოდა საწყალი კაცი, ისე კერპი იყო. სწორედ ამიტომ იყო, რომ აკაკი სოფელში ძვირად დადიოდა. რცხენოდა, როგორც ნასწავლ კაცს მამის ასეთი საქციელი. ხოლო, როცა მოხუცდა აკაკი, მაშინ კი მოშინაურდა, იჯდა თავის ოთახში და წერდა თავის ლექსებს სულ წერეთლების საწინააღმდეგოდ და ამიტომ იყო, რომ აკაკი ძალიან სძულდათ თავადიშვილებს. ისაო, იტყოდნენ თავადიშვილები, ჩვენდა საუბედუროდ დიბადა აქაო.

ალექსანდრე ხაბულიანი (63 წლისა, ქ. ქიათურის მცხოვრები, წერა-კითხვის მკოდნე ჩასწერა დ. შუღლიაშვილმა.

მე შევხვდი პირველად აკაკი წერეთელს სოფ. ქალაში (საჩხერის რაიონი) პავლე აბაშიძისას. აკაკი, ვარდენ ღვანკითელი და ორი ქალი მოვიდნენ ურმით სატირალში.

აკაკის ხელში ეკავა თემომზრილი მსხვილი ჯოხი,—აკაკისთან დასახმარებლად მოვიდნენ ურმიდან ვადმოსაყვანად. აკაკიმ ფიცხლად უთხრა: მართალია მოხუცებული ვარ, მაგრამ თქვენისთანა ახალგაზრდებს კიდევ ვაჯობებო, და თამამად ვადმოვიდა ურმიდან.

აკაკი მივიდა მიცვალებულთან, რამდენიმე გრძნობიერი სიტყვა უთხრა. შემდეგ გამოვიდა ეზოში და ხის ქვეშ ჩამოჯდა სკამზე, თავზე სახაფხულო ცილინდრი ეხურა, ჟილეტი გახსნილი ჰქონდა.

ქიათურაში შავი ქვის აღმოჩენის შესახებ ასე გამოგონია: აკაკი ეტლით მოდიოდა ზესტაფონიდან საჩხერეში. აკაკიმ ეტლი შეაჩერა ქიათურაში ერთ-ერთ წვალვარდნილ ღელესთან; აილო ნაყარი ქვის ნატეხები და უჩვენა მის თანამგზავრ უცხოელს: აი, ასეთი ძვირფასი განძი მოიპოება დიდი რაოდენობით, მაგრამ ჩვენთვის გამოუსადეგარიაო.—უცხოელი დაინტერესდა და უკან დაბრუნების დროს რამდენიმე გირვანქა წაიღო უცხოეთში გამოსარკვევად. შემდეგ მოვიდა ცნობა აკაკისთან, რომ ეს მაღანი რამდენიმე ასეული ფუთობით გაეგზავნათ ზესტაფონში. ეს იყო დაახლოებით 1876—78 წლებში. ამის შემდეგ მიიღო მადნებმა ფართო წარმოების ხასიათი, მაგრამ აკაკის კი იქიდან არაფერი უსარგებლია.

აკაკი რომ გარდაიცვალა, მე დამკრძალავ კომისიაში გამომყვეს ქიათურიდან, მაგრამ, რადგან მე დრო არა მქონდა თბილისში წასაყოლად, სხვას დავავალეთ თბილისში გაყოლა და დასაფლავებაზე სიტყვის თქმა.

მე საჩხერიდან გამოვაცილე ცხედარი ჭიათურამდე. ჭიათურის საზოგადოება ღირსეულად შეხვდა. წარმოითქვა მრავალი სიტყვა და მათ შორის ჩემი ლექსი საზოგადოებას წაუკითხა ჩემმა ქალიშვილმა წელს ჭიათურის სადგურზე.

სარიღონ ზაბახიძე (65 წლისა, სოფ. სხეიტორის მცხოვრები, წერა-კითხვის მცოდნე-მცოდნე)
ჩასწერა დ. შუღლიაშვილმა

აკაკის დედა ეკა კარვად მახსოვს. იგი რომ მოკვდა, ასე ათი წლის ბავშვი ვიქნებოდი. აკაკის დედას ერთი ჭრელი ფარშავანგი ჰყავდა. ბავშვები რომ გავიდოდით ბეოლაზე, — ეკა ეტყოდა თავის მზარეულს: აბა, გლაზუნა, ფარშავანგი აუშვი ბავშვები არიან ბეოლაზეო. — ჩვენ შეგვეშინდებოდა და გამოვიქცევოდით. აკაკის ოჯახს თავიანთი სახლის გასწვრივ ჩიხურას პირად მშვენიერი ბაღი ჰქონდა. მამაჩემი მებაღედ ჰყავდათ. ამ ბაღში აუზები იყო. აუზებში თევზები ჰყავდათ თითქმის ორმოც ფუთამდე. ამ აუზებში ჩიხურის წყალი შედიოდა, ყველა აუზში ნაწილდებოდა, შემდეგ ერთად იყრიდა თავსა და ფაქერში გამოდიოდა, რომ თევზი არ წასულიყო.

ერთხელ, ბაღში მებაღური შემოპარულა, დიდ აუზში დაუკრავს სასროლი ბაღე და თევზი მოუპარია. მამაჩემს შეუმჩნევია, ეკასათვის მოუხსენებია. ეკას ძალიან სწყენია და მამაჩემისათვის უთქვამს: ყველა აუზში ჩანგლები ჩაარქეთ, რომ ბაღე დაეხას, როცა ესერისო. ეს მებაღური თევზის მოსაპარად რო მოვიდა და ბაღე დაჰკრა, — ბაღე ჩანგლებმა დაიჭირა. მებაღურმა ბაღე იქ დასტოვა და თვითონ გაიპარა.

აკაკის დას ანას ერთი კვინტიანი ცხენი ჰყავდა, თავს თუ არ ჩამოუკრავდით, ისე, ვერ შეეკაზმავდით. ამ ცხენით უყვარდა სიარული. ნადიმზე წერეთლებისას თუ წავიდოდა, თორემ ისე არსად არ დადიოდა.

აკაკი ხუმრობით ეტყოდა ხოლმე ანას: რო ბუტუნობ და ლოცულობ, — გათხოვდი, ერთი კაცი მოიმაღლიერე, თორემ მაგისთანა ლოცვებით სულს ვერ იცხონებო.

აკაკის ბავშვობიდან ვიცნობდი. მამაჩემი მათთან იყო და მეც მათ ოჯახში ხშირად ვიყავი. აკაკი დამიძახებდა თავისთან და ლექსებს მათქმევინებდა.

ერთი საჩხერელი ებრაელი კოკოზაშვილი შეხედვით სულ აკაკის ჰგავდა. მე მივიდიოდი ცხენით საჩხერეში, იქიდან აკაკი მოდიოდა ცხენით. შემომხვდა მაცხოვრის ეკლესიასთან. მე „ის“ ებრაელი მეგონა და სალამი არ მივეცი. აკაკიმ შემჩერა და დამიძახა: — ვისი ხარო? — კაციასი ვარ-მეთქი. — რომელ კაციასიო — მკითხა. — ზაბახიძისა ბატონო-მეთქი. — მერე ვერ მიცანი, მე აკაკი ვარო. — მე ბოდიში მოვიხადე: ვერ გიცანი, ბატონო, აკაკი-მეთქი და ცხენიდან გადმოხტომას ვაპირებდი. აკაკიმ არ გამიშვა, ხოლო მითხრა: სადამოზე რომ ამოხვიდე ჩემთან მოდიო, რომ მივედი აკაკისთან, — აკაკიმ ლექსები მათქმევინა და ჩაიწერა.

როცა აკაკი საჩხერეში მოვიდოდა, — დარჩებოდა ასე ორ სამ თვეს.

ილია ოშიაძე (75 წლისა, სოფ. სხეიტორის მცხოვრები, წერა-კითხვის უცოდინარი)
ჩასწერა დ. შუღლიაშვილმა

აკაკი სულ ახალგაზრდა მახსოვს.

აკაკი მამას ეუბნებოდა: მამა, ისეთი საქმე მოიქმედე, რომ ამ ქვეყნად როცა აღარ ვიყოთ, თქვენი ხსენება დიდხანს დარჩესო. აკაკის მამა როსტომი

კი თავის ყმებს სცემდა როზგით, გულს რომ მოაყვანიებდნენ. როზგი ბეოლის წნელისა იყო, კონად შებრული.

მამა აკაკის უჯავრდებოდა, რაკი ყმების გალახვას უშლიდა.

შემდეგ აკაკი გავიდა და გავიდა რუსეთში და დაიწყო თავისი საქმე. პოეტობას და ახალთაობის საქმეს დიდად მისდევდა. მისთანა ლექსებს გამოიყვანდა, რომ უყუფე მოგიყვანდა კაცს.

მე რომ იმათთან ორი წელი ვმსახურობდი, აკაკის სწავლა დათავებული ჰქონდა, მაგრამ ასე ერთი-ორი კვირით ჩამოვიდოდა და ისევ მალე წავიდოდა. აკაკი ძალზე თავმდაბალი და კეთილი იყო. ერთი არ გამოვა რომ მაზე ცუდი თქვას.

აკაკის უყვარდა გლეხებთან ლაპარაკი, მათ ლექსებსაც ეტყოდა ხოლმე.

ეს ლექსი მახსოვს გლეხებთან რომ უთქვამს:

ქრისტეს იქით ხურო ვიყავ,
 მშენებელი კიდობნისა;
 აკუნის მარწებელი ვიყავ
 ილიას და ენუქისა;
 ნატუსალას მეძახოდნენ
 წვერი მქონდა განა ხისა.

აკაკი ძალიან ხუმარა იყო. ლაპარაკს რომ დაიწყებდა, თუ არ გაციინებინე, ისე არ გაგიშვებდა.

ბატონყმობის შემდეგ აკაკის მამა როსტომი კიდეც დიდხანს ცხოვრობდა და ყმებს მკაცრად ეკიდებოდა.

ასე რომ, ყმებს არ უყვარდათ როსტომი.

სამი ძმანი იყვნენ: აკაკი, დავითი და ილიკო. ერთი და ჰყავდათ სახელად ანა. დავითი პირ-ბაგშვი კაცი იყო. ილიკო ადრე მოკვდა აკაკიზე და დიდი ნასწავლი კაციც იყო. მეტად ლამაზი იყო და არც აკაკიზე ნაკლები ყოფილა განათლებით.

აკაკის სიკვდილსა და გასვენებასაც დავესწარი. დარია ბოქოძისა და გიორგი მღვდლისაგან შევიტყუეთ აკაკის მძიმე ავადმყოფობა, მივედით სანახავად, აკაკიმ გადმოგვხედა და სთქვა: ოხ, მეზობლებო, მოხვედითო.

ბესარიონ არჩვაძემ ჰკითხა: რას შერებდი, აკაკი, როგორა ხარო. აკაკიმ უბასუხა: გულზე სინედლე აღარ არი და, ალბათ, მალე მოგვედებიო, ერთი ჩემი ცოლის სახე დამანახვა მაინცო.

მეორე დილას რომ ჩამოვედით, აკაკი მკვდარი დაგვხვდა. მთელი სოფელი გამოვედით, აქ უნდა დაგვემარხა. აკაკის აქ სურდა დამარხვა თავის ანდერძით. მაგრამ მოთავე კაცებმა არა ქნეს: ევა და ილია ჭაქვაძე ერთად უნდა დაეასაფლაოთო.

საჩინო გოშაძე (75 წლისა, ს. სხვიტორის მცხოვრები წერა-კითხვის მცირე-მცოდნე)

ჩასწერა დ. შუღლიაშვილმა.

მე ვემსახურებოდი აკაკის ძმას დავითს. დავითი და აკაკი ახლო-ახლო ცხოვრობდნენ ერთმანეთთან. როცა აკაკი მობრძანდებოდა ხოლმე, თავისთან დაგვიბარებდა მე, ხოჯია სალარიძეს და იოსებ გოშაძეს, რიგ-რიგობით მოგვა-



აკაკი წერეთელი ნათესავებში (ს. სვიტიორი), პეტრის და ანა წარბოლო, დისწულა ანტა დაფშქელიანი
 და მისი შვილები (მარჯვნივ).

მიუტანია, ეკას ბრძანებით ამ ბიქს გამომცხვარ პურში ღველფი გაუხვიეს და ძალით შეაქამეს,—საწყალ ბიქს პირი სულ გამოუწვეს.

როსტომი შედარებით უფრო ლმობიერი იყო ეკაზე. მახსოვს, ერთხელ ეკამ როსტომს უთხრა: მამაჩემს გული რომ მოუვიდოდა შინამოსამსახურე ბიქებზე, ფეხის გულეებს გაუქრიდა და მარილს დააყრიდა ხოლმეო,—შენ კი ლმობიერად ეპყრობი შენს შინაყმებსო.

ბოლო დროს აკაკის ღედას ენა დაეკარგა. წელიწადზე მეტი მუნჯად იარა გარდაცვალებამდე, მაგრამ თავის სიმკაცრეს მაინც არ იშლიდა.

როსტომს ხშირად წითელი ფოსტლები ეცვა ფეხზე, ტანზე ჩოხას იცვამდა და ხელში კი ჯოხი ეკავა ხოლმე.—როცა გული მოუვიდოდა,—ისიც ძალზე ავი იყო—ამ ჯოხს მოუქნევდა კაცს. როსტომმა მამაჩემი იმსახურა უჯამაგიროდ 25 წელიწადს. ერთხელ მამაჩემს ჩამოველო და დაენახა, რომ სათევზაოდ წყალი დაეკირა ასლანიშვილსა და შიუკა გოჩაშვილს. ეს ამბავი შეუტყობინებია როსტომისათვის. როსტომი გაჯავრებულა და უბრძანებია თავის ბიჭებისათვის, რომლებთან ბაბუაჩემიც ყოფილა,—წადით ახლავე და შიუკა გოჩაშვილს, რომელიც კარგი ხარი ჰყავს, ის ჩამოიყვანეთო. ბიჭებმა მართლაც ჩამოუყვანეს ხარი, მაგრამ როსტომს არ მოსწონებია, გაბოროტებულა და ბიჭებისათვის ერთი ამბავი დაუწევია: „ამაზე კარგი ხარი არ ჰყავსო?“ ბიჭებს უკანვე წაუყვანიათ ეს ხარი და მართლაც. ყველაზე უკეთესი ხარი მოუყვანიათ როსტომისათვის. როსტომს ეს კარგი ხარი სამ თუმნათ მიეყიდა თავასელ კაცისათვის. აკაკის დიდი საყვედური უთქვამს ამაზე მამისათვის.

როსტომის გარდაცვალების შემდეგ მოხდა დავითისა და აკაკის გაყოფა, ილიკო კი ადრე გარდაიცვალა. ილიკო კარგი, ლამაზი ვაჟკაცი იყო, ქაღალდის თამაში უყვარდა და ხშირად იგებდა, აკაკი კი უფრო აგებდა.

აკაკის ჰყავდა აგრეთვე და ანა,—გაუთხოვრად დაბერდა. აკაკი რომ ჩამოვიდოდა, მას ემსახურებოდა ხოლმე. ამ დას ჰყავდა ხელზე მოსამსახურე კაცი,—დათია ბოქოიძე და ქალი—ნატალია აბრამიშვილი, კიდევ ჰყავდათ ერთი მოსამსახურე ბიჭი იოსებ გოშაძე.

ერთხელ, აკაკი რომ მოვიდა, ამ იოსებმა უთხრა: ერთი სიტყვა უნდა მოგახსენოვო. სიტყვიო,—უთხრა აკაკიმ—სახლში უნდა წავიდეო, ისინი, დათია და ნატალია, ისეთ საქმეს ჩადაან, რომ მათი ყურება აღარ შემიძლია, ბატონოო. აკაკიმ სრულიად არ მიაქცია ყურადღება, თავისთვის ჩაიციანა. ამის შემდეგ იწუხა იოსებმა, ნეტა არ მეტქვა ეს ამბავიო და დარჩა ისევ აკაკისთან.

აკაკის ცოლი ძვირად მოდიოდა ოჯახში, სუფრაზე ღვინოს არ სვამდა,—ფეხით დაწურულიაო, მაგრამ ატყუებდნენ ხოლმე ცალკე ჭურჭლით მიტანილი ღვინით, ვითომ იგი ხელით დაწურული იყო და ისიც სვამდა.

იოსებ ლილუაშვილი (97 წლისა, სოფ. ქორეთის მცხოვრები, წერა-კითხვის უცოდინარი) ჩასწერა დ. შუღლიაშვილმა.

მე საჩხერეში ვმსახურობდი თუთხმეტ წელიწადს გიგო წერეთელთან. გიგო წერეთელი კუტი იყო და ზემდეტ სახელს გიგო კუტს ეძახდნენ. გიგო წერეთლის ოჯახში აკაკი წერეთელი მოდიოდა ყოველ საღამოს და ქაღალდს თამაშობ-

მ გ ლ ე ბ ა ნ ი

ანანსტასია ერისთავ-ხოზარია

დაუპიწყარი შეხვედრები ამაჰისტან

გორის საქალბო პროგიმნაზიის დასრულების შემდეგ, ნაცვლად იმისა, რომ სწავლის გასაგრძელებლად თბილისს წავსულიყავი, მომიხდა ჩემს აღმზრდელ სწულ მოხუცებულლებთან სოფელში დაბრუნება... ერთად ერთ ნუგეშად, სულის მასაზრდოებელ, დაუშრეტელ წყაროდ გადამექვა მოგონებანი სასწავლებელში განვლილ დროიდან ძვირფასი მასწავლებლების მიხეილ ყიფიანისა და ნიკო ლომოურის დაუვიწყარი გაკვეთილები, მათ მიერ ჩანერგილი სიყვარული როგორც ქართული, ისე რუსული და უცხო ქვეყნის ლიტერატურისადმი.

გასწავლიდი საყვარელ მგოსნის ლექსებს ლარიზ გლეხის შვილებს და ვიგსებოდი კმაყოფილების გრძნობით, როდესაც ვხედავდი, ჩემი ამაგი უქმად არ იკარგებოდა, თვალბ-გაბრწყინებული ბეჯითი მოწაფის წკრილა ხმით გამეორებული სიტყვები:

„ცა ფირუხ, ხმელეთ ზურმუხტო,
ჩემო სამშობლო მხარეო,
შენი ვარ, შენთვის მოგვკვდები,
შენხედვე მგლოვიარეო“...

ერთი-ორად თვალწარმტაცად მეჩვენებოდა, რადგანაც დიდებული მგოსნის აზრები და ლექსების კეთილხმოვანება ჩემის დახმარებით მისაწვდომი გამხდარიყო დაჩაგრულ ბავშვებისათვის. თვითონაც დასჯილი სწავლის გაგრძელების ამაო წყურვილით სულიერ სიმშვიდეს დახშული გონების განვითარებაში ვპოვებდი.

ჩემს სოფლურ კარჩაკეტილ ცხოვრებას შუქსა ჰტენდა თბილისში ჩასვლის იშვიათი შემთხვევა.

განსაკუთრებულად ჩამრჩა გულში თბილისში გამგზავრება 1887 წელს... მახსოვს ახალ შთაბეჭდილებებს დახარბებულმა, დაუნანებლად მივატოვე საგაზაფხულო დღესასწაულისათვის კეკელუცად აფერადებული სოფლის ბუნება და გაეჩნდი თბილისში. რალაც უჩვეულო ამბის მოლოდინში შევიღე ძალუა—ამატა ბაზილევსკაიას (ბიძაჩემის ელიზბარ ერისთავის ცოლის) სახლის კარი და, მართლაც, იმედებმა არამითუ არ მიღალატეს, ყოველგვარ მოლოდინს გადააპარბეს. ამატას ისეც მომხიბვლელი სათნო სახე, დღეს ბედნიერ ღიმილს უზომოდ დაემშვენებინა.

— Душечка Тасо!—შენ ნამდვილად ბედის ვარსკვლავს ჩამოუყვანიხარ ჩემთან—შეპყვირა აღტაცებულმა ამატამ და საჩქაროდ შემიყვანა სასტუმრო ოთახში.

— აკაკი, იცნობდე ჩემს მავლის წულს. ეს არის ეხლა ჩამოვიდა სოფლიდან. მხოლოდ შენს ნახვაზე ოცნებობდა, შენი ლექსები კი თითქმის ყველა ზეპირად იცის.

აკაკიმ აღერსიანი ღიმილით გამომიწოდა ხელი... „მოკვდავსა სიტყვას არ ძალუძს უკვდავზე ქების გამოთქმა“—ვიგრძენი სიდიადე წამისა. მოწიწებით შევეყურებდი საყვარელ მგოსანს, რომელიც განაგრძობდა ჩემს პატარა ბიძაშვილებთან გართობას. როგორ თავისუფლად ნებივრობდა ხუთი წლის ბიჭი მის მუხლებზე, რა სიამოვნებით ეელურტულებოდა მგოსანს მისი აღერსით გათამამებული სამი წლის გოგონა. განა ძალუა ამატას განმარტება საჭირო იყო? განა საკმაო არ იყო ერთი შეხედვა, რომ მეცნო მასში უდიდესი მგოსანი, საზოგადოების გამომაცოცხლებელი, ქართველი ხალხის სიამაყე!

ღრმე განვლო... ჩემს ირგვლივ ისევ სოფლის მოწყენილობა, გლახეცობის გაჭირებული ცხოვრება.

მივეყვები საკუთარ ფიქრთა დენას და ხშირად ვემორჩილები სურვილს, გავანდო ქალაქს ჩემი აზრები.

აკაკის სახე წარუშლელად აღბეჭდილია ჩემს გონებაში და თითქოს მამხნევებს, მომიწოდებს აუყვე გულის თქმას, გაბედულად მოგვიდო ხელი კალამს, და მეც ვუჯერებ ამ იღუმალ ხმას: ბავშვებთან მეცადინეობისაგან თავისუფალ დროს ვანდომებ კითხვას და წერას.

ერთხელ სამწერლო მაგიდასთან გართულს თავს წამომადგა ჩემი სიყრმის მეგობარი და მეზობელი დათა ბაგრატიონი.

— ტასო! მიანებე ყველაფერს თავი და წამოდი, აკაკი ჩამოვიდა, ჩვენთან არის, ვიცი შენზე ძალიან არავის გაეხარდება მისი ნახვა,—აღტაცებული ამბობდა ის და სულს ძლივს ითქვამდა. მე უტბად ავენთე და დათაზე არა ნაკლებად აღფრთოვანებული, გავეყვი გარეთ, მაგრამ რალაც მომაგონდა.

— დათა! შე ნახეყარ საათში მოვალ, მინდა ჩემი მოწათეებიც მოვიყვანო.— დათამ მომიწონა აზრი.

ჩემს მისასვლელად უკეთეს საათს განგებ ვერ შევარჩევდი, საზოგადოება, ის იყო მოხერხებულად მოეწყო საუზმის შემდეგ დროს გასატარებლად. აკაკი, როგორც ყოველთვის, ბავშვებშემოხვეული ყველაზე მეტად მხიარულობდა, თავისებურად ხუმრობდა.

ჩემმა რაზმმა საერთო ყურადღება მიიპყრო, სუფთად, თითქო სადღესასწაულად გამოწყობილი გლახების ბავშვები მორცხვად თავდახრილები ჩამომწყრიდნენ მგოსანის წინ. მათთან ერთად განეიცადე მოკრძალებული თაყვანისცემის ნეტარება, გამოწვეული დიდი პიროვნების საზოგადოებაში ყოფნით.

პირველი წუთების უხერხულობა ჩემს ბავშვებში მალე წრფელი მხიარულებით შეიცვალა და, თითქოს ერთმანეთთან შეჯიბრებულები, ცდილობდნენ ეთქვათ რაც შეიძლება მეტი ლექსები და რაც შეიძლება უკეთესად. ბავშვების სიმღერით და ლექსებით აკაკი ძალიან კმაყოფილი დარჩა.

ყოჩად ტასო!—მეგობრულად გამომიწოდა ხელი აკაკიმ, როდესაც უკანასკნელ ბავშვს აღერსიანად გამოეთხოვა.

— ჩემს პატივცემულ ცოლის-დას—შენს საყვარელ ძალუა ამატას არა-ერთხელ ჩამოუვლია ჩემთან ლაპარაკი შენს შესახებ, მაგრამ დღევანდლამდე არ შეგონა, შენი წრის ახალგაზრდა ქალი ასე გულდადებით მოეკიდებოდა ამ საქ-მეს და ბრწყინვალედ დააგვირგვინებდა.

უსახლერო იყო ჩემი ალტაცება, მაგრამ არა ნაკლებად გახარებულმა და-თამ მოინდომა ჩემი კიდევ უფრო მეტად ამოღლება აკაკის თვალში და გა-შოაცხადა: ტასო ლექსებსაც მშვენიერად წერსო. ხმის ამოღება ვერ მოვასწა-რი, რომ უკვე გადასცა აკაკის ჩემი ორი ლექსი. აკაკიმ ლექსი იქვე გადაიკით-ხა და მზიარულად მომმართა:

— არ გიორჩევ ლექსების წერას, ისევ სოფლის ბავშვებთან მუშაობას დაუ-დე გული. დღევანდელმა მამამ გამოსვლამ თვალსაჩინო გახადა ყველასთვის, რამდენი გამოუმჯლადებელი ნიჭი იკარგება ჩვენს ხალხში.—უხერხულობა ვი-გრძენი. ეწუხდი, რომ დათამ ჩემივე უხერხო ლექსებით გამიფუჭა ასეთი ბედ-ნიერი დღე. დათამ კიდევ ვერ მოისვენა.

— აკაკი, ტასო მოთხრობებსაცაა წერს, დარწმუნებული ვარ, მოგეწონე-ბა—აკაკის გაელიმა და რომ შემატყო დაჯავრიანება გულის გასაკეთებლად მიიხრა:

შესაძლებელია მოთხრობა უკეთესად დასწერო და თუ მართლაც ასეა, მე პირველი მოგიმართავ ხელს გზის გაკვალვაში.

ერთმანეთის საწინააღმდეგო გრძობების განცდამ დამიკარგეს სალი აზ-როვნების უნარი. აღუვებელი გამოვემშვიდობე აკაკის. საღამოს ჩემი მოთხ-რობა „ბატონებმა არ დაიწუნეს“ დათამ აკაკის წაულო. მთელი ღამე არ დამ-ძინებია. სწყდებოდა ჩემი სიციცხლის ბედი. რას მომიტანს მზის ამოსვლა. ნა-თელ დღეს თუ სამუდამოდ მომიკლავს გულს და სათაყვანებელ ადამიანს ათქ-მევენებს: ვანა აუცილებლად ყველა მწერალი უნდა გახდეს? დრო ბევრი იკარ-გება უქმად, საქმე კი მოუვლელი რჩება.

დაუსრულებლად გაგრძელდა ღამე. რამდენი მუდარა, რამდენი ლელვა გავეუზიარე მას. როგორ მენატრებოდა მზის სხივის დანახვა და ამავე დროს მე-შინოდა მისი...

— რამ მოიყვანა ასე ადრიანად დათა? ან კი რა უხარია? მისი თვალების ელვარება არ ეწყობა ნაძალადევად გულგრილად წარმოთქმულ სიტყვებს:

— აკაკი ვიბარებს საჩქაროდ! ნუ თუ?! იმედმა ელვასავეთ დამიარა მთელ სხეულში. აკაკიმ აივანზე მიმილო. ეტყობოდა მზის ამოსვლას აქვე შეხვედრო-და საეარძელში მჯდარი.

— ტასო, შენი მიზნებით წუხელის მთელი ღამე ვერ დავიძინე! კარებშივე შემომავება სიტყვა აკაკიმ,

— ძილი თავიდანვე გამიტყდა. ამ დროს გამახსენდა შეპირება და დავი-წყე შენი მოთხრობის კითხვა. სანამ არ გავათავე ველარ შეფუჭვიტე. ძალიან მომეწონა, გადავწყვიტე წავიღო თან და თბილისში ჩასვლისთანავე „კვალში“ დავაბეჭდებინო ანასტასია თუმანიშვილს. ვიდრე და უსიტყვოდ შევეყურებდი აკაკის, თვალწინ მედგა მზის სხივებით გაბოწყინებული სახე თმის შევერცხლილი ხეულებით მოვარაყებული. გადაშლილი შუბლი, აწულე წარბებ ქვეშიდან მულამ ალერსიანად გადმოწყურე თვალები. განვიცდიდი ჩემი ცხოვრების უბედ-ნიერეს წუთებს. ჩემი „ბატონებმა არ დაიწუნეს“ არც დიდებულმა და ყველა-სათვის საყვარელმა აკაკიმ დაიწუნა.

დომენტი თომაშვილი

აკაკის უსასხე

აკაკის დავლილი ჰქონდა მთელი თავისი სამშობლო. იგი ახლო იცნობდა ხალხის ცხოვრებას. პოეტს მუდმივი ბინაც კი არ ჰქონია, თუ სხვიტორს არ ჩავთვლით. სხვიტორის სახლიც აკაკის მისმა მეგობრებმა ვალეზში არა ერთხელ დაუგირავეს.

ქუთაისში აკაკი ხშირად იყო ბეჟან წერეთლისას, ანასტასია და კატო ნიკოლაძეების ოჯახში, ექ. გ. გოკიელისას, სერგო ბახტაძისას და ცნობილი პედაგოგის ალექსი ტიქინაძის ბინაზე. ხონში აკაკი ბინადებოდა ადგილობრივი საზოგადო მოღვაწის ივანე შარაშიძისას და უფრო ხშირად, იმავე სერგო ბახტაძის ოჯახში. თბილისში პოეტი უმეტესად სასტუმროში იღვა.

მუდამ მოძრავსა და ერთფეროვნებას შეუგუებელ, პოეტს ერთ ადგილას გაჩერება ხანდაზმით არ შეეძლო, ეს მისთვის ჯოჯოხეთი იყო, ამიტომ დღეს რომ თბილისში იყო, ხვალ—თელავში, შემდეგ ქუთაისში, კიდევ ქუთაისში, ზესტაფონში, ქიათურაში, ამ დროს სხვიტორშიაც შეიხედავდა, და ასე... კაბინეთში ჯდომა აკაკისთვის სასჯელი იყო.

აკაკის მეტყველებასა და გრძნულ საუბარს რაღაც ჯადოსნური ზედმოქმედება ჰქონდა მსმენელზე. ტკბილი, ხავერდოვანი და მეტად მოქნილი კილო მეტყველებისა, რომელსაც ერთი ბეწვის ოდენა წაბოროძიებაც არსად შეემჩნეოდა, საოცრად იზიდავდა ადამიანს—და, როცა პოეტი საუბარს დაასრულებდა, გული დაგწყდებოდათ; ნეტავ ერთხანს კიდევ ესაუბრაო.

აკაკი ტანად საკმაოდ ახოვანი კაცი იყო. ამშვენებდა შავი, დიდრონი, ნაპერწკლის მტყორცნელი თვალები, ოდნავ მოხრილი ქართული ცხვირი; კლასიკური შუბლი; მაღალი აქოჩრილი თმა; ზომიერად განფენილი წვერულვაში; გაბადრულ სახეზე დასთამაშებდა ღიმილი, რომელიც ხშირად ნაღვლისა და ვარამის ნიშანი იყო. ხან—ულმობეღი დაცინვის გამომეტყველი, ხან კიდევ—მაღალი, პოეტური ზესთაგონებისა და აღმაფრენის ანარეკლი. ამ დროს პოეტი ცისკენ მიპყრობილი თვალებით ხან საყვედურს გამოხატავდა, რომელიც მხოლოდ აკაკის პოეტურ კუთვნილებას შეადგენდა; ხან კიდევ—მგზნებარე სურვილს,—სწვდომოდა იმავე ცას, რომ რაც სიკეთე გააჩნდა, მოეტაცნა და, ქვეყნისათვის გადაეცა.

საოცარი იყო ამ დროს ეს თვალები; მიმზიდველი ცეცხლით სავსენი.

აკაკის პირადი ნაცნობობა მე მქონდა 1898 წლიდან. ამ წლის „კვალის“ სახალწლო №-ში დაიბეჭდა ჩემი ლექსი „განთიადი“. ახლა არაფრად მომწონს

მაგრამ მაშინ უყურადღებოდ არ დარჩენილა და აკაკისაც რედაქციაში ეთქვა, ამ ყმაწვილს ყურადღება მიაქციეთო. ასე იყო თუ ისე, „კვალის“ რედაქციის— მიერ უყურადღებოდ არ ვყოფილვარ და ჩემ მიერ მიწოდებული მასალა, რაც გარეშე ძალას გადაურჩა, თითქმის უკლებლად იბეჭდებოდა.

1897 წელს აკაკი თავის „კრებულის“ გამოცემა დაიწყო. პირველ წლებში „კრებულში“ მხოლოდ აკაკის ნაწერები იბეჭდებოდა ხალხური შემოქმედების დართვით, რომელსაც ჟურნალში ცალკე განყოფილება ჰქონდა განკუთვნილი.

„კრებულის“ რედაქცია და სტამბა ზესტაფონში იყო; რედაქციის გამგედ მოწვეული ჰყავდა თედო კიკვაძე. თვითონ აკაკი რედაქციისა და გამომცემლობის საქმიანობის გამო ხშირად მოგზაურობდა.

ერთი ასეთი მუშაობის დროს პოეტი მძიმე ავად შეიქმნა ქუთაისში. გამოჩენილი საშისონ თოფურია მკურნალობდა თავისსავე სავადმყოფოში. პოეტი ისე იყო დაავადებული, რომ მნახველებს არ უშვებდნენ. საქართველოს ყოველ კუთხიდან მოდიოდა დეპუტები: „პარაკლისი გადავიხადეთო“—და პოეტს მალე განკურნებას უსურვებდნენ. აკაკი შემდეგ იტყოდა ხოლმე, პარაკლისებისა რა მოგახსენო და, ალბათ, ხალხის სიყვარულმა კი იმოქმედაო.

მთელმა „დიდმარხვამ“ განვლო. აღდგომის წინაღვლებში მიტროფანე ლალიძემ მომწერა (სოფლად ვიყავი)—აკაკის შენი ნახვა უნდა და ჩამოდიო. ერთი კი ვაჟოცდი, უცნაურად ავტოკდი... არ ვიცი, რა დავარქვა ასეთ მღვთმარებას... მეორე დღესვე წავედი აკაკისთან.

ძნელია გადმოვიცე ის ანგარიშმიუწვდომელი მღელვარება, რომელსაც იმ წუთებში განვიცდიდი.—თრთოლვა და აღტაცება, კანდიერება და მოკრძალება ყოველივე ერთმანეთს შეექსოვა...

— ნაბრძანები მაქვს, ავადმყოფთან არაფერ შევეუშვა ექიმის უკითხავად,— გვითხრა მე და მიტროფანეს მეკარემ,

— ჩვენ კი თვით ავადმყოფმა გვიბრძანა, შემოდიეთო, როგორ მოვიტყუო? მცირე ხნის შემდეგ აკაკის წინ ვიდექი. პოეტს სასთუმალზე თავი მალლა ეჭირა. პირველი, რაც მე აკაკის სახეზე დავინახე, ეს იყო მისი უკვდავი ლიმილი.

— დაბრძანდი ყმაწვილო!—მითხრა პოეტმა და თვალი გადმომაველო. რაზე მუშაობ, სწერ რასმე?—მე პასუხი ვერ მოვაწარი, პოეტმა განაგრძო—იკითხე ბევრი იკითხე... სწერე ყველაფერზე, რაც გულმა გიჩურჩულოს და გონებაშაც გიჩრიოს. სწერე უბრალოდ, სადაც, ნაძალადეობა მაშინვე დაეტყობა ნაწერს და აღარ ივარგებს. კალამი მომარჯვებული გაქვს, ლექსსაც არა უშავს, გემარჯვება, მომავალში კიდევ უფრო გააუმჯობესებ. ქართული ლექსის წერა ადვილია, მაგრამ იმდენადვე ძნელი, თუ აზრის უბრალოდ გამოთქმა გინდა და არა მისი გაბუნდოვანება... სწერე, სწერე, როცა ხალხის გექნეს. აი, ევლოშვილი: ის სახელმძღვანელო მწერალია, მაგრამ მის ლექსებს ზოგჯერ ნაძალადეობა ნიშანდობლივად ეტყობა. ალბათ, შეკვეთით ბევრი რამ დაუწერია. აი, ყველაფერი ეს რომ ჩამოვაშორათ, შესაძლოა ბევრი აღარა დარჩეს რა, მაგრამ მოიგებს, როგორც პოეტი...

აუადმყოფი ამას რომ ამბობდა, თანდათან მხნევედობდა, თვლები და სახე თანდათან უბრწყინდებოდა და კვლავ საოცარი ღიმი ბაგეზე დასთამაშებდა.

— მსახურობ?

— არა, ბატონო, მაგრამ ვაპირებ...

შევატყე, არ იამა...

— რა ექნა ბატონო, ღარიბი კაცის შვილი ვარ და სხვა გზა არა მაქვს...

— მთავრობის სამსახურში მაინც არ შეხვიდე, სადმე კერძოდ მოეწყე, თუ მოვეგობინდი, მოგვხმარები, მაგრამ სამსახური საზოგადოდ ლუპავს კალმის მუშაკს. ეგაა ჩვენი უბედურება, რომ უსახსრონი ვართ და ბევრი საინფლო ახალგაზრდა იღუპება სამსახურის ჭაობში. კალმის მუშაკისათვის სამსახური ნამდვილი ტყვეობაა იმ განსხვავებით, რომ ტყვეს შეიძლება ექნეს მოცალეობა კალამს ემსახუროს და დღიურად უკეთესი წუთები ამ საქმეს მოახმაროს; სამსახური კი ამის ნებას არავის მისცემს. აი, ცახელი მეტად ნაზი და გრძნობიერი პოეტია, მისგან ბევრი რამ კარგი იყო მოსალოდნელი და კიდევაც მოგვცა, სანამ არ ჩაება; მაგრამ რადღი წყალწითელას ჭალა გაუჩნდა საჭირ-ბოროტოდ, კიდევაც დაიღუპა, როგორც მწერალი.¹ შენ მაინც გულის ნუ გაიტეხ, დადგება დრო და თავს იხსნი მაგ ტყვეობიდან“...

— აბა ახლა ცოტა წავიმუშაოთ. „კრებულისთვის“ მასალა უნდა დავამზადო...

კედელთან მიდგმული პატარა მაგიდა პოეტის საწოლთან მიეწვიე. ფანქრით მოვემზადე.

აკაკი კარნახობდა. ეწერდი გამალებული. თაბახი რომ აივებოდა მკითხავდა, აბა რომელ ფრაზაზე შეეჩერდი და უმალ განაგრძობდა. სიტყვა სიტყვას მისდევდა, ფრაზა ფრაზას და სჩქელდა საოცარი შადრევანი.

ეს დღე „ღიდი ოთხშაბათი“ იყო.

პოეტი დაიღალა, სამუშაო მეორე დღისთვის გადავდეთ და მეც გამოვეთხოვე.

მეორე დღეს—ხუთშაბათს, ამგვარადვე გაგრძელდა მუშაობა. პარასკევს („წითელი პარასკევი“) სამუშაო დასრულდა, წამაკითხვინა, აქა-იქ შესწორება შეიტანა და მთხოვა, ვისმე გადაამწერინეო, ესეც მე ვიკისრე.

ამ დღეებში დაიწერა: „წმინდა გიორგის რაზმი“—იმერეთის მეფის სოლომონ 1-ის ძმის „არჩილ გივად“ წოდებულის—მიერ მოწყობილი რაზმების თავდასხმები ოსმალთა მომხრეების ოჯახებზე იმერეთში; „მოტყუებული ტერტერა“ და ზოგი რამ სხვა.

ამ დღეს, ექ. თოფურის განკარგულებით, აკაკის საუზმედ შემწვარი ბატკნის ხორცი და ნახევარი კიქა „ხვანჭკარა“ მოართვეს. პოეტმა გადახედა საუზმეს, თეთრი პურის ნაჭერი აიღო და ორიოდ ლუკმა შეჭამა, ღვინოსა და ხორცს კი ხელი არ ახლო და უკანვე გააბრუნა.

— რატომ არ მიირთვით, ბატონო, იქნებ კაი გაკეთებული არ იყო?

¹ 3. ცახელი სწორედ ამ მამულის მსხვერპლი გახდა.

მოეხურა თავისი ციმბირული ქურქი და ლექსსა წერდა. ახალი წელიწადი მივლოცეთ, ვაშლები მივართვით და ეთხოვეთ ჩვენთან გადმოსულ იყო მთაწმინდაში.—მოყინულზე იქ ამოსვლას ვერ შეეძლებ, ეტლი კი არ იმუშავებს და როგორ წამოვიდეთ. ჩვენც ველარაფერი ვთქვით. დარჩა იქვე.

1907 წლ. 30 აგვისტოს ტრაგედია აკაკი მწარედ შეაძრწუნა.

ილიას დაკრძალვის დღეს აკაკი შეუძლოდ იყო, მაინც გამოვიდა სასახლის ქუჩაზე და ქვითინით გამოეთხოვა ძვირფას ცხედარს.

ილიას ვერაგული მკვლელობით შეურაცხყოფილმა ქართველმა ერმა 1908 წ. მზურვალე სიყვარულით აღსავეს იუბილე გადაუხადა თავის დიდ პოეტს, თავის ჭირისა და ვარაშის მღერაღს. ეს იყო რაღაც არაჩვეულებრივი აღფრთოვანება მთელი ერისა, ანგარიშმიუწვდომელი, გაუზომელი და აუწონელი.

მაშინ ძველი სენაკის ქართულ სკოლაში ვმუშაობდი. წ. კ. საზოგადოების დავალებით აკაკის იუბილე მოვაწყეთ ჯერ ძველ სენაკში, შემდეგ ახალ სენაკში უფრო ფართოდ და ვრცლად. სკოლის მასწავლებლები ნიკო ჯანაშია, პოლ, ლორთქიფანიძე და ანდ. შობლაძე აქტიურად ჩაებნენ ამ სასიქადულო საქმიანობაში და აკაკის შემოქმედება და დიდი მნიშვნელობის მოღვაწეობა ფართოდ გავაცანით საზოგადოებას.

იმავე წლის 14 დეკემბერს ქუთაისში გაიმართა გრანდიოზული საიუბილეო ზეიმი, რაც ვრცლად არის აწერილი იმ დროინდელ პრესაში.

მე აქაც წილად მხვდა აკაკისთვის მიმელოცა შესაფერი ლექსით.

1910 წლებში ქუთაისში გამოდიოდა ყოველდღიური, უპარტიო-პროგრესული გაზეთი „კოლხიდა“. რედაქციაში მუშაობდნენ: სილოვანი, ვას. წერეთელი, დავით მესხი, გრიგოლ გველესიანი და სხვანი. ვთანამშრომლობდი მეც. ერთ საღამოს, გვიან, გრიგოლთან შევიკრიბეთ რედაქციის საქმეების გამო. გავიდა ხანი და ვილაქამ დარეკა. აკაკი შემოვიდა. მივესალმეთ. სილოვანი აიშრინდა და სალაში თავის დაკვირით მისცა. პოეტი ცოტა ხანს ჩვენთან დაჯდა, შემდეგ გრიგოლი ოთახში გაიწვია. იქიდანაც მალე გამოვიდა და გამოგვემშვიდობა.—კობეზე ჩავაცილებ, ბატონო, უთხრა გრიგოლმა, ბნელა და სახიფათოაო—არა მიწავსო, —მიუგო პოეტმა, —ნუ შეწუხდებით, უთქვენოდაც ჩავივლიო, —ჩვენ აივანზე გადმოვდექით და თვალს ვადევნებდით, აკაკი ქვაფენილზე გავიდა და დაიძახა:

— მშვიდობით!

— მშვიდობით, მშვიდობით! — უპასუხა გრაგოლმა ზევიდან. პოეტი მაშინვე შეეკითხა, მე მემშვიდობები, თუ იმანო?

— როგორც გნებავთო—მიუგო გრიგოლმა.

— მაშ, ერთი მე, ერთიც იმასო. — გადიხარხარა თავისებურად და წავიდა. გრიგოლს შემოვესიეთ შეკითხვებით. მაგრამ მისი ღიმილი უსიტყვოდაც გვიპასუხებდა, რაშიც იყო საქმე.

ორიოდე სიტყვა იმაზედაც მინდა ვთქვა, თუ როგორ კითხულობდა აკაკი. ჯერ იყო და აკაკის საუბარი ყოველთვის მოსჩქეფდა სადღად, უბრალოდ, ყოველგვარი ძალდატანებისა და შერჩეული სიტყვების გარეშე. მაგრამ ყოველ ხალხურ ფრანას თუ სიტყვას პოეტი შესაფერი ლიტერატურული სამოსლით

მოჰკაზმავდა და ისე გადმოგვცემდა. ზედვე ეტყობოდა, რომ სიტყვის მარაგის ზღვა იყო. ხალხური მეტყველებით დაგანძულს უცხო და, მით უმეტეს, მიუღებელი სიტყვების ხმარება ევაგრებოდა. ასეთი სიტყვებით დატვირთული საუბარი ჰირის ოფლს მოაწურვინებს მოქმელსაც და გამგონესაცო და პოეტისთვის ეს ნაკლია და არა ღირსებაო. პოეტს ფართო გასაქანი აქვს შექმნას ახალი შესიტყვება, ახალი სიტყვებიც, მაგრამ უთუოდ დედა-ენის საფუძველზეო.

„დიდსა, მაღალსა, ბრწყინვალე მშენსა,
მცირე ღრუბელი შეუცვლის ზნესა“

და ეს უადგილოდ და ნაძალადევად ჩაჩხირული ფრაზა თუ სიტყვა იგივე ღრუბელია, რომელიც ბრწყინვალე მეტყველებას ჩრდილს მიაყენებსო.

ლექსს აკაკი კითხულობდა სადაღ, თითქო გვესაუბრებო. მსახიობურ კითხვას გაურბოდა: სახიობა ლექსსაც და თხრობასაც დამაჯერებლობას უკარგავსო. გადაჭარბება არ ვარგაო, მაგრამ ეს იმას სრულიადაც არ ნიშნავს, რომ მხატვრული ნაწარმოების მხატვრულად წაკითხვა საკირო არ იყოსო.

ილია ზურაბიშვილი

მ ო გ ო ნ ე ბ ა ნ ი ა კ ა კ ი ა

აკაკის იმდენად კარგად ვიცნობდი, რომ, თუ ეან ბრუსონს მივბაძე, რომელიც ანატოლ ფრანსს „დილის ხალათში“ აგვიწერს, ე. ი. შინაურ ცხოვრებაში, თამაზად შემოძლიან ვთქვა, აკაკის პერანგას ვიცნობდი-მეთქი.

მართალია, თვით მე ვერ გავებდავდი ასევე ხალვათად ვჩვენებოდი, ვინაიდან ყოველთვის მახსოვდა, რომ ჩემწინ დიდი აკაკია.

* * *

ჩემს თვალში აკაკი მზესავით მანათობელი ადამიანი იყო. ამიტომ ძალიან გულთ დამწყდებოდა, ვინიკობაა ამ მანათობელში ისეთ ლაქებს შევნიშნავდი, რასაც შეეძლო ჩრდილი მიეყენებინა მისი ელვარებისათვის, ჩემს თვალში მიინც.

მე რასაკვირველია, ვცდილობდი ჩვენი ურთიერთობა იმ ფარგალს არ გადასცილებოდა, სადაც ერთის მხრით უნდა ყოფილიყო თაყვანისცემა უდიდესი მგონისადმი და უღრმესი პატივისცემა მხცოვანი ადამიანისა და დიდად დამსახურებული საზოგადო მოღვაწისადმი, მაგრამ მეორეს მხრით—მხოლოდ იმის რწმენა, რომ ყოველივე ეს სრულიად გულწრფელია, უანგარო და ბუნებრივი. მაგრამ აკაკისთან ასეთი მოკრძალებული მანძილის შენარჩუნება ძნელი საქმე იყო.

მეტისმეტი გულხალვათობა სჭირდა დალოცვილს და, თუ გინდათ, სწორედ ეს იყო მისი დიდი ნაკლი. იგი ძალიან ადვილად გადადიოდა მეგობრობის პოზიციებზე იმათთანაც, ვინც არც თუ ისე დაახლოებული უნდა ყოფილიყო მასთან.

გვრძნობდი, რომ პოეტი, სიმპათიით ნიყურებდა, გულახდილი იყო ჩემთან, „შენობით“ მომმართავდა, მთელი საათობით შაშს მეთამაშებოდა (მანვე მასწავლა ეს თამაშობა), ერთი—სიტყვით, მიყურებდა როგორც მახლობელ ადამიანს.

სხვანაირადაც, მგონია, არ შეიძლებოდა: ჯერ კიდევ სულ პატარას მიცნობდა, ხშირად მხედავდა თეატრში, რომლის ავან-ჩაგანიც მე ვიყავი. ჩვენს ოჯახშიაც დაიარებოდა და შემდეგ ხშირად ვხვდებოდი საზოგადოებაშიაც. და, ბოლოს, წელიწად-ნახევარი ერთ პერქვეშ ეცხოვრობდით მარიამ საფაროვ-აბაშიძის სახლში, სადაც, როდესაც აკაკი შინ იყო ხოლმე, სადილ-ჩაიზე ერთად ვიყავით. სადამოობით კი იშვიათად იყო შინ, კლუბში თითქმის რეგულარულად დაიარებოდა. ხოლო, როცა შინა რჩებოდა, რაც იშვიათი ამბავი იყო, მაშინ ვიცოდით, რომ აკაკი უფულოდაა, ან შეუძლოდ გრძნობს თავს. აკაკის მეუღლეს და შეილსაც კარგად ვიცნობდი და, როდესაც ისინი თბილისში იყვნენ, აკაკის ოჯახშიაც საკმაოდ ხშირად ვყოფილვარ. მაშინ იგი სხვა ბინაში იდგა.

ერთი სიტყვით, აკაკისა და ჩემი ურთიერთობა სრულ საშუალებას მძლევდა, თვალყური მედევნებინა მისთვის, ასე ვთქვათ. ცხოვრების მუდამდლიურობაში და შეგენიშნა „შის ის ლაქები“—ე. ი. მისი ადამიანური ხასიათის ის უსწორმასწორობა, რაზედაც ბევრნი აშკარად ლაპარაკობდნენ.

I

დავიწყეთ თუნდაც იქიდან, რომ ვითომ აკაკის ავი ენა ჰქონდა, არავის დაინდობდა, არაფერზე კეთილ სიტყვას არ იტყოდა, პირში ქება იცოდა, ზურგს უკან კი—კილვა.

განსაკუთრებით კი იმას აღნიშნავდნენ ჭარბამულად, რომ აკაკის ილია არ უყვარდა, მძულვარება რომ არა ვთქვა, და ყოველთვის ავად იხსენიებდა მას, როგორც პოეტს და როგორც საზოგადო მოღვაწეს.

იმას, რასაც მკითხველი ქვევით წაიკითხავს, დამტკიცებზე თუ მიდგა საქმე, რასაკვირველია, დოკუმენტებით ვერ დავამტკიცებ, რადგანაც საამისო დოკუმენტების ქონა შეუძლებელია, გარდა ზოგიერთი ციტატისა წიგნებიდან და ჟურნალ-გაზეთებიდან. ამიტომ, აქ წაიკითხული ცნობების სინამდვილე ჩემს კეთილსინდისიერებასა და მეხსიერებაზე უნდა მიაგდოს მკითხველმა. პირველზე რა მეთქმის? ხოლო მეხსიერება ჯერჯერობით არა მღალატობს.

სხვებზე არას ვიტყვი, ვინაიდან არავისი კილვა აკაკისაგან არასოდეს არ გამიგია, და პირდაპირ ილიაზე გადავალ, რადგანაც ეს უფრო საგულისხმიეროა და დამახასიათებელი.

იმის მტკიცებას არ მოყვები, აკაკის ილია თვალისჩინად შიანდა და გაგიყვებით უყვარდა-მეთქი. ამას ვერც მოსთხოვდნენ აკაკის, ისე როგორც ილიას აკაკის მიმართ. ქვეყნის საქმეში თანამოსაგრის სიყვარული არავისათვის საიღალ-

დებულო არ არის, განსაკუთრებით, როდესაც ეს თანამოსაგრენი ძირითადად განსხვავდებიან ერთმანეთისაგან თავიანთი ადამიანური ბუნებით.

საქმე ის არის, აფასებდა თუ არა აკაკი ილიას მოღვაწეობას, როგორც დიდ ადამიანსა და მართლა ჰქირდავდა და ჰკილავდა მას თუ არა?.

სხვებისა არ ვიცი და ჩემდათავად, სიმართლის წინაშე სრული პასუხისმგებლობის შეგნებით ვიტყვი, არასოდეს აკაკისაგან ძვირი სიტყვა ილიაზე არ გამიგია, თუმცა საკმაოდ ხშირად მქონია მისთან საუბარი საერთოდ ქართულ ლიტერატურაზე და, რასაკვირველია, ილიაზედაც—კერძოდ.

რაც უნდა უარყოფითი აზრისა ყოფილიყო, საერთოდ, აკაკი ილიაზე, ისეთი დიდი პოეტური ალღოს ადამიანს, როგორც აკაკი იყო არ შეიძლებოდა ილია დიდ ქართველ მწერლად და დიდ საზოგადო მოღვაწედ არ ეცნო.

და თუ იყო რამე აკაკის გამოთქმაში ამ საერთო დებულების საწინააღმდეგო, უმეველია, ყოველივე ეს კერძობითი შენიშვნის ხასიათს ატარებდა და სრულიადაც არ არყევდა მის ზოგად წარმოდგენას ილიაზე, როგორც დიდ შემოქმედზე და დიდ ქართველ ადამიანზე.

აი, ამ „კერძობითი შენიშვნების“ სათანადოდ აწონ-დაწონას და შეფასებას თვით მსმენელისაგან, ჩემის აზრით, ძალიან დიდი მნიშვნელობა ჰქონდა იმისათვის, რათა მას წარმოედგინა, თუ რა აზრისა იყო აკაკი ილიაზე საერთოდ, პ რ ი ნ ც ი პ უ ლ ა დ .

მოგეხსენებათ,—კარგ მთქმელს კარგი გამგონი უნდა,—და ვეცვობ, რომ აკაკის ამ მხრივ ხშირად ხედებოდა კარგი გამგონი; ან იმიტომ, რომ ამ გამგონს განგებ უნდოდა მოესმინა აკაკისაგან უარყოფითი რამ ილიაზე—და ასეთები, მგონია, უმრავლესობას შეადგენდნენ—ან კიდევ იმიტომ, რომ იგი ჯგეროვანად ვერ აფასებდა აკაკის ნათქვამს, ვერ განსაზღვრავდა კერძობის მთავარისაგან და, თავისდა უნებურად, ზეზეურ დასკვნას ადგენდა აკაკის ნალაპარაკებზე.

აი, ამ მოკლედ გამოთქმული „საეგებისო“ მოსაზრების საილუსტრაციოდ შემიძლიან მოვიყვანო ერთი ჩემი საუბარი აკაკისთან ილიას „განდევილზე“. ეს საუბარი ძალიან კარგად დამმახსოვრდა და შემიძლიან თითქმის სიტყვა-სიტყვით აღვადგინო.

აკაკი იმ აზრისა იყო, რომ „განდევილი“ ილიას საუკეთესო ნაწარმოებია და თავისთავადაც შესანიშნავი. მხოლოდ—ამბობდა აკაკი—ადგილ-ადგილ იგი გაზვიადებულიაო. ავიღოთ თუნდაც შესავალი ნაწილიო „სადაც დიდებულ მთსა მყინვარსა ორბნი, არწიენი ვერ შეხებიან—გამოუქვაბავთ მუნ მონასტერიო“. ვინ დაიჯერებს ამასაო?

როდესაც მე ვუპასუხე ეს პოეტური ჰიპერბოლაა, როგორც, მავალითად, თქვენა გაქვთ „თორნიკე ერისთავში—ვინ დასთვალოს ზღვაში ქვიშა და ან ცაზე ვარსკვლავები“—მეთქი,—აკაკიმ სამართლიანად მიპასუხა—ნახტომი შეგეშალა, ყმაწვილო, მე სწორედ უარყოფი იმას, რასაც ილია ამტკიცებს: ისე, როგორც ზღვაში ქვიშა და ცაზედ ვარსკვლავები არ დაითვლება, იმგვარადვე—საცა ორბი და არწიეი ვერ მისწვდება, იქ მონასტერი ვერ გამოიქვაბებაო.

ვიგრძენი, აკაკი მართალი იყო მხოლოდ ჩემ მიერ მოყვანილი უსაბუთოების გამო. მაგრამ მართალი არ იყო, როდესაც ილიას მყენვარის მშვენიერ აწერილობას იწუნებდა. მე კვლავ განვიმეორე ჩემი მოსაზრება „პოეტურ ჰიპერბოლაზე“, რაზედაც აკაკიმ მიპასუხა—ჰიპერბოლა-სინამდვილის გაზვიადებაა, გადაჭარბება, მაგრამ იქ, სადაც სინამდვილე არ არის, იმის გადაჭარბებაც არ შეიძლებაო. ყოველ შემთხვევაში მე ასე არ დავწერდიო.

რასაკვირველია, არ დასწერდა... არ დასწერდა ფიტომ, რომ მისი მხატვრული წარმოდგენა თვით ბუნების ძალთა ბუმბერაზობაზე სულ სხვაგვარი იყო, ვიდრე ილიასი. მის პოეტურ ხილვას ესა თუ ის მოვლენა იტაცებდა მეტისმეტად „მსუბუქ ფრთითა“ და ამიტომ ამ ხილვის ნაყოფი ყოველთვის უფრო ჰაეროვანი იყო, უფრო რეალური.

მაშინდელი ჩვენი საუბარი ამით არ გათავებულა. მე ვცადე დამემტკიცებინა აკაკისათვის, რომ ილიას, ზავითიანობასთან ერთად „განდევილში“ ულამაზესი და უნაზესი ხილვაც მდიდარი აქვს და მავალითისათვის მოვიყვანე შემდეგი სტრიქონები:

„...არაიენ იყო...ხოლო ცეცხლა-პირს

ქალს დაღალულსა მისძინებოდა,“ და სხვ.

მშვენიერიაო—სთქვა აკაკიმ.—განა მე კი არ ვიცი, როცა ილიკო მონიღომებს, ყველაფერს ლამაზად იტყვისო. მაგრამ დამეთანხმე, აქაც, ცოტა არ იყოს, ჭკუით დამძიმებული სინაზეაო.

რასაკვირველია, არ დავეთანხმე აკაკის და არც ახლა ვეთანხმები, რომ აქ „ჭკუით დამძიმებული სინაზე“ იყოს, მაგრამ ის კი შემოძლიან აშკარად ვთქვა, რომ იგი მაშინ სრულიად გულწრფელი იყო და თავის აზრს გამოსთქვამდა, თავისი საკუთარი პოეტური ბუნების მიდრეკილებით და გამოთქმის უნარის თვალსაზრისით. მის ჰაეროვან მუსიკალურ სმენას, რაღა თქმა უნდა, ემძიმებოდა „იგი სიტურფე, იგი შვენება“, იგი სულ სხვა კილოკავს იყო ჩვეული და თვით უღრმეს აზრსაც ხშირად მსუბუქი მეტაფორული გამოთქმით იძლეოდა.

* * *

იმას ვერ დავიჭაღებ, ამრიგობაზე აკაკის „კარგი გამგონი“ ჰყავდა-მეთქი, მაგრამ არც მის მიერ გამოთქმულ აზრებში, არც კილოში, როგორითაც ეს აზრები იყო გამოთქმული, მე არ შემინიშნავს არავითარი გულძვირობა და უარყოფითი დამოკიდებულება ილიასადმი. პირიქით, ჩემზე მშვენიერი შთაბეჭდილება მოახდინა იმ გარემოებამ, რომ აკაკიმ უნებურად ილიას „ილიკო“ უწოდა, რაც არც მისგან სხვა დროს, არც სხვა ვისგანმე არასოდეს არ გამიგია. რაღაც საფუთით რამ, რაღაც ინტიმური გრძნობა გამომისმოდა ამ „ილიკოში“ და თითქო ამქვადენებდა, რომ ახლა თუ არა, ოდესღაც მისთვის ილია მართლაც „ილიკო“ ყოფილა.

ახლა წარმოვიდგინოთ ისეთი „გამგონი“, რომელიც ამათუმი მიზეზის გამო წინასწარ განწყობილი იყო, სიამოვნებით თუ არა, არც თუ გულისტკივილით მოესმინა აკაკისაგან ილიას ძაგება, ან ისეთი „გამგონი“, რომელსაც წინასწარ აკვიატებული ჰქონდა ის აზრი, რომ აკაკი ილიაზე თავის დღეში

კარგს არას იტყოდა,— და ვის არა ჰქონდა მაშინდელ საზოგადოებაში ეს აზრი აკეიტებულო?

დარწმუნებული ვარ, პირველი მათგანი კმაყოფილებით ჩაიკენქავდა ყველაფერს, რაც აკაკიმ ვითომ „უარყოფითი“ წარმოსთქვა ილიას „განდევილზე“, მისცემდა ამ „უარყოფითს“ „თავისებურ განმარტებას“, ბევრს თავისასაც წაუმატებდა და თუ ილიამდე პირველად ვერ მიიტანდა აკაკისაგან გამოთქმულ „კილვას“, გავრცელებით ხომ ისე გაავრცელებდა, რომ უშუველილ ილიას ყურომდე მიედწვია.

და თუ იმასაც ვივარაუდებთ, რომ აკაკი ჩვეულებრივ ცხოვრებაში ილიასავით პირმოკუმული კაცი არ იყო, თანაც „ორლესული“ სიტყვის დიდი მწყალობელიც გახლდათ, რომ ეს „ორლესული“, თავისი მხრით, დიდად სწყალობდა მას, რომ იმას არ დაგიდევდათ, ვინ რა მიზნით ელაპარაკებოდა, ვის რა გუშინი ჰქონდა გულში, ერთი სიტყვით, გულდიად და, თუ გინდათ, „პოეტურად“ საკმაო პირლიაც იყო. ადვილად წარმოიდგენთ, რა იოლად იქმნებოდა ის ლეგენდა, რომ აკაკი ძირიანფესვიანად სთხრის ილიასო.

*
*
*

ყველამ ვიცოდით, რომ სადგომამულო ბანკის გარშემო გაჩაღებულ ბრძოლაში აკაკი ივანე მაჩაბლის მხარეზე იყო, თუმცა კრებებში არავითარ მონაწილეობას არ იღებდა, როგორც ბანკის არა წევრი.

ამიტომ ყველას გვეგონა, აკაკი მაჩაბლის მხარეს იმიტომ იჭერს, რომ ილია სძულსო. ის კი გვეიწყებოდა, რომ მაჩაბლის ბევრი მომხრე იმავე დროს ილიას თაყვანისმცემელიც იყო, როგორც დიდი მწერლისა და დიდი ქართველი საზოგადო მოღვაწისა. ხოლო ამ შემთხვევაში, ე. ი. ბანკის საქმეში არ იზიარებდა ილიას პოზიციას.

მაშინ მე ჯარის კაცი ვიყავი, მაშასადამე, სულ ახალგაზრდა, 22 წლისა; თბილისში ვმსახურობდი და ქურდულად ბანკის წევრთა საერთო კრებებზე დავიარებოდი, რასაკვირველია ვალერეაზე.

კრებებზე აკაკი ყოველთვის ლოქაში იჯდა ხოლმე, უმეტეს შემთხვევაში ნიკო დიასამიძის სახლობსთან ან ივანე მაჩაბლის მახლობლებთან. მე ვალერეაზე ვიყავი და ამიტომ კრების დარბაზში მას არასდროს არ შევხვედრივარ.

ერთ საღამოს (ალბათ, როდესაც კრება არ იყო დანიშნული) აკაკის მაკო საფაროვი-აბაშიძისას შევხვდი. იქვე იყო ჩემი დაც (ქეთევან ანდრონიკაშვილისა). ლაპარაკი, რაღა თქმა უნდა, ბანკის ბრძოლასაც შეეხო. ლაპარაკობდნენ უფრო ქალები. აკაკი თითქმის არავითარ მონაწილეობას არ იღებდა და მხოლოდ ღიმილით ყურს უვადებდა ბანკის „საქმეებით დაინტერესებულ“ ქალებს. საკითხი შეეხო, სხვათა შორის იმას, თუ რომელ პარტიას („მაჩაბლისტებს“ თუ „ქავ-ქვაძისტებს“) მეტი შანსი ჰქონდა გამარჯვებისა არჩევნებში.

მე რატომღაც წამომცდა—რა გასაკვირველია „მაჩაბლისტებმა“ გაიმარჯვონ, იმოდენა ამომრჩევლები სულ ტივებით ჩამოუზიდნიათ. მე თქი ქართლიდან.

აკაკიმ გულთანად გაიცინა.

სამაგიეროდ, ჩემი და გამოიმეხაურა. მისი სიმპათიები, ცოტა არ იყოს, მაჩაბლისაყენ იხრებოდა. მე კი პირწმინდად „ილიელი“ ვიყავი.

— ახლა რაო! — სთქვა ჩემმა დამ. — კახელებმა კიდევ ამომრჩევლები დილი-
ქნებით ჩამოზიდეს!

აკაკიმ უფრო გულთანად გაიცინა და ამ სიცილითვე მომმართა.

— ხომ ხედავ, ალაზანი რომ მტკვარით თბილისში მოდიოდეს ალბათ,
ტივს არც კახელები დაიწუნებდით...

ეს იყო და ეს, მთელი სალამოს განმავლობაში აკაკის კრინტი არ დაუძრავს
არც ბანკზე, არც ილიაზე, არც მის მომხრეებზე თუ მოწინააღმდეგეებზე.

აკაკის ეს სრულიად უმანკო შენიშვნა მე, წინასწარ „აზრაკვიატებულს“,
იმის ნიშანდობლივ საბუთად მეჩვენა, რომ აკაკი მართლა მტრულად იყო გან-
წყობილი ილიასადმი და, აკაკი რომ წაეიდა, ჩემს დას წავეჩხუბე, რად მიეცი
აკაკის საბაბი მთელ ქვეყანას მოსდოს ვითომ ილიას მომხრეები სავანებოდ
დილიქნებით ჩამოჰყავთ-მეთქი.

ეს უშინშენილო ებიზოდი აქ ამიტომ მომეყავს, რომ, ჯერ ერთი, დავადას-
ტურო: აკაკის სიტყვაც არ უთქვამს ილიაზე და ბანკზე, იმ უქვეყლად სამარ-
თლიანი რეპლიკის გარდა, თუმცა ამის საბაბი სრული ჰქონდა და თუ გულში
ღარღლი უტრიალებდა ილიას წინააღმდეგ, რაღა თქმა უნდა, თავის წამახვილ
ენას ისეთ-ისეთ „კვიმატ“ და „ორლესულ“ აზრებსა და სიტყვებს წარმოათქმე-
ვინებდა, რომ თქვენი მოწონებული.

მეორე: მე რომ მე ვიყავი, ე. ი. გუშინდელი ღლაპი, რომელსაც საზოგადო
საქმეებისა არა გამეგებოდა რა, მით უფრო ბანკისა, მეც კი აკაკის ისე ვუყუ-
რებდი, როგორც ილიას ნამდვილ მტერს და მის წინაშე ილიას პარტიის საი-
დუმლოების (თუ კი იყო ასეთი საიდუმლოება) გამკლავება დიდ დანაშაულად
მიმაჩნდა ჩემი დისგან. აა, რამდენად იყო მოწამლული მაშინდელი საზოგადო-
ების აზრი და საერთო ატმოსფერო ამ საზიზღარი ლეგენდით აკაკისა და ილიას
მტრულ ურთიერთობაზე.

* * *

ბოლოს და ბოლოს, საიდან წარმოიშვა ეს საზიზღარი ლეგენდა, რომლის
კვლიც იმდენად გრძელია, რომ ხანდახან ჩვენ დრომდეც აღწევს, რა რეალური
საფუძველი აქვს ამ ლეგენდას?

მე მგონია, არავითარი რეალური საფუძველი არა აქვს! იგი მოგონილია
ბუნებით მახინჯი, მეკორე ადამიანებისაგან. იგი ეწყარება პირად მძულვარებას
აკაკისადმი და არც თუ დიდ სიყვარულს ილიასადმი.

მართლაც და... რა ჰქონდათ სადავო და საცილო ილიას და აკაკის? სად
და რაში გადაჯვარდინებულა მათი გზები?

მხოლოდ ერთში. სამშობლო ქვეყნის სიყვარულში, მისთვის მტლედ დად-
ბაში! გარნა, ამას თუ მკიდრო შეკავშირება არ შეეძლო სხვადასხვა ბუნების
ადამიანებისა, იქამდე ხომ არ განაწვითებდა მათ, რომ ერთიერთისადმი პატი-
ვისცემა დაეკარგათ?!

არასოდეს ილია აკაკის და აკაკი ილიას არ შესცილებია საპირადო საქ-
მეში, არსად ისინი ერთმანეთის მოწინააღმდეგედ არ გამოსულან არც პირად არც
საზოგადოებრივ საქმეში.

ყველამ ვიცით, ილია ჯუროს ფართო მასშტაბის საზოგადო მოღვაწე იყო, ვიდრე აკაკი: მწერალი, რედაქტორი, გამოცემელი, ბანკირი და თითქმის ყველა ჩვენი საზოგადოებრივი დაწესებულების თავმჯდომარე—აი, ილიას საერთო საზოგადოებრივი ფიგურა, მეტად სააშკარაოზე გამომდგარი.

მაგრამ ჩვენ ისიც ვიცით, რომ აკაკი არც ერთ ამა „დიდებმა“ არ ეტანებოდა, გარდა მწერლობისა, დაიწყო თავისი საზოგადო მოღვაწეობა მწერლობით და დარჩა იგი მარტოოდენ მწერლად. ამავე ხარისხით ჩავიდა საფლავში. აკაკი ხომ ერთადერთი ნამდვილი პროფესიონალი მწერალი იყო მაშინ.

ხოლო თუ მწერლობას ავიღებთ, იმას ხომ ვერაფერი ვერ უარაყოფს, რომ აკაკი ილიაზე თუ უფრო პოპულარული და საყვარელი პოეტი არ იყო საქართველოში, ნაკლები ზაინც არ ყოფილა.

მართალია, ისინი სხვადასხვა ჯურის შემოქმედნი იყვნენ. ერთი თუ ვიოლინოსავით გამჭვირვალედ წყრიალებდა, მეორე ვიოლონჩლოსავით მდორედ ჟღერდა. ერთი თუ წუხილით ოხრავდა, მეორე ღრმად შფოთავდა. მაგრამ ერთის საოხრავიც და მეორის საშფოთველიც ერთიდაიმავე მაღალი გოძინობილას მომდინარეობდა—სამშობლოს ქემშარიტი სიყვარულიდან. და ეს ორივე შესანიშნავი ზმა, სხვადასხვა ტემბრისა, კეთილშოვნანად და ძლიერად გაისმოდა მათ ქვეყანაში, ვით სხვადასხვა დროის და სხვადასხვა ხასიათის დიდებული ნუსიკა მოცარტისა და ბეთოვენისა მთელ მსოფლიოში.

და ქართული ხალხის დიდი უმრავლესობა ისე უყურებდა ილიას და აკაკის, როგორც საქვეყნო საქმეში თანამებრძოლთა სინონიმებს, თითქო მათ შორის არავითარი განსხვავება არა ყოფილიყოს, მის თვალში ილია და აკაკი თითქო განუსყოფელი ტუქი ძმა იყო, ერთი დედის მუცლით ნაშობი. სადაც ილია იტყოდნენ, უშეკველად ზედა აკაკიც უნდა დაეყოლებინათ და პირიქით.

ვთქვათ, რაიმე საღამო იყო გამართული საქველმოქმედო მიზნით. თუ ვინმე იტყოდა—ილიამ ესა და ეს ლექსი წაიკითხაო, მსმენელი უშეკველად შეეკითხებოდა—აკაკიმ რაღა წაიკითხაო, იმის მიუხედავად, იღებდა აკაკი ამ საღამოში მონაწილეობას თუ არა. მას ვერცკი წარმოედგინა, რომ იქ, სადაც ილია იყო, შეიძლება აკაკი არა ყოფილიყო.

გულშართალ ხალხს სურდა, რომ ილია და აკაკი ყველაფერში თანამდგომელნი და თანამყოფელნი ყოფილიყვნენ და მის წარმოდგენაში ეს სურველი თითქო განხორციელებულიც იყო. მისთვის არავითარი მნიშვნელობა არა ჰქონდა იმას, რომ ამათუიმ საზოგადოებრივ მოვლენას, შეიძლება, ილია და აკაკი სულ სხვადასხვა საზომით უღვებოდნენ. მისთვის ერთი რამ იყო ნიშანდობლივი, —რომ საერთო წუხილი თუ სიხარული თანაბარ გამოაძახილს ჰპოებდა ორივე მგოსნის გულში, ხოლო რა სახით აირეკლებოდა ეს მათ შემოქმედებაში—თათუოულის ნიჟისა და უნარის საქმე იყო. თანაც ისიც სწამდა ხალხს, რომ რა სახისაც უნდა ყოფილიყო იგი, —ორივე ტურფა და მომზიბლავი იქნებოდა, ხალხისათვის თანასწორად სანუკვარი და სასარგებლო.

გეჰკობ, სხვა მაგალითი კიდევ მოიპოვებოდეს არამც თუ ჩვენში, არამედ სხვაგანაც, რომ ორი თანამედროვე მგოსანი, ესოდენ თავისთავადი და თავისებური ადამიანური ბუნებითაც და პოეტური მეტყველებითაც, ასე გაერთიანებული ყოფილიყოს ხალხის წარმოდგენაში.

* * *

მაგრამ იყვნენ ადამიანები... არა, ადამიანები კი არა, კაცუნები. ადამიანის ანაფხეკები, — ზოგი აკაკისაგან ნაწიკბურტკევი, ზოგი ილიასაგან ნაქიმუნჯევი. ზოგიც ბუნებით „მაამებლად“ და „ენატანიად“ დაბადებული და ამით მღვრიე წყალში თევზის მჭერავი, — რომელთაც არაფერი დაზოგეს, რათა ცხოვრებაში მაინც განეთავითონებინათ ეს ორი დიდი შეაიდუმლე ჩვენი ქვეყნისა და თუმცა ხალხის წარმოდგენა მათზე ვერ შესცვალეს, მაგრამ თვით ილიას და აკაკის თავზე მოახვიეს ის აზრი, რომ ისინი მტრები არიან ერთმანეთისა.

იმას ვერაყენ ვერ უარპყოდეს, რომ ილიასაგან ძვირი სიტყვა აკაკიზე ვისმე გაეგონოს, ვარდა ეროი მოსწრებული თქმისა, რომელშიაც გულისტკივილი უფრო გაისმის, ვიდრე სარკაზმი.

როგორღაც ერთხელ, თუ არა ვცდებ, ანტონ ფურცელაძეს უთქვამს ილიასათვის, — რა არის, კაცო, შენ სულ აკაკის ქებაში ხარ, ის კი ზეზეურად გთხრისო, ან რაღაც ამის მსგავსი. ამაზე ვითომ ილიას უპასუხნია — შეიძლება ორივენი ვცდებითო.

ღარწმუნებულნი ვარ, ეს მახვილი სიტყვა აკაკიმდე რომ უმანკო სახით მისულყო და მზითვად ბევრი ნართაული რამ არ მიჰყოლოდა, სულ სხვა გვიარსა და სხვა მნიშვნელობისა. აკაკის ძალიან მოეწონებოდა, როგორც მოსწრებული თქმის ფასის მცოდნე ადამიანს.

აკაკი სიცილით თვითვე გვიამბობდათ, ილიას ჩემზე ასე უთქვამსო, ისე როგორც თავისი კუჭკუჭა სიცილით სიამოვნებით გვიამბობდა ხოლმე ერთი მისი ნათესავი ქალის უნებურ, მაგრამ მეტად ორღესულ პასუხს.

ამისთანებში, რაღა თქმა უნდა, აკაკი უფრო მოურიდებელი იყო და, ალბათ, საოხუნჯოს ილიაზე არაერთხელ იტყოდა რასმე, რასაკვირველია, არა მტრობით და არა ძულვით, არამედ იმიტომ, რომ როგორც ბედოვლათი კაცი ფულს, იგი ბუნებათი აზნევედა თავის მახვილ სიტყვას, რომელშიაც ხშირად ალბათ, ოხუნჯობის მარგალიტების გვერდით, კვიმატი და მკენწლავი ბევრი რამ იყო. ყველას თუ არა, ბევრს ეხსომება ილიას შესანიშნავი წერილი აკაკისადმი.

ხსენებულ წერილს, მგონია, განმარტება არ ესაჭიროება და არც საგულისხმიერო გამოთქმების კურსივით აწყობა, ვინაიდან იქ ყველაფერი საგულისხმიეროა.

ვიცნო ილია ჰაევაძეძეს იცნობს, იცის მისი მტკიცე ხასიათი და პრინციპულობა საქმეში, განსაკუთრებით კერძო ხასიათის მიწრმოწერაში (ეს მე სთანადლო ებიზოდით დავასურათე ჩემს მოგონებაში ილიაზე), ის უუკველად და-



აკაკის ძმა დავითი

მეთანხმება, რომ ამისთანა წერილს იგი არავის არ მიაწერდა, მით უფრო აკაკის, თუ კი მისდამი იმ გრძნობას არ განიცდიდა, რაც ამ წერილში ნათლად ღალადებს.

მოგუსმინოთ ახლა აკაკის.

ჰუმორულ ამბავში „სიკვილი“—აკაკი აგვიწერს თავის სიკვილს, სიზმარში ნახულს და გვიხატავს საზოგადოების სხვადასხვა წრის წარმომადგენელთა გამობზაურებას ამ სიკვილის გამო. მისი სული ჯერ საიქიოს არ გადასახლებულა და უჩინარი ამ ქვეყნად დაძრწის. ბევრ სასაცილო და სავალალო გარემობას წააწყდება იგი, ბევრ ნაღველმწარ სიტყვას მოისმენს თავისთავზე. მიჯნურის ღალატი თვით მასზე ვაგებს მომენტში, მეგობრების მიერ ვითომ დანაწება და ამავე დროს თავისმოკატუნებით მისი ქირღვა და კილვა, მიცვალებულის გარშემო გამეფებული ტყუილი და ცილისწამება, ერთი სიტყვით გაუტანლობისა და „საზოგადოების“ ზნეობრივი ვაზრწის მწვავე სურათია მოცემული.

სხვათა შორის, აკაკის სული თავისი მოწინააღმდეგე რედაქტორის ოთახშიაც ამოჰყოფს თავს. აქ აშკარად აკაკი ილიას გულისხმობს.

„მომწყინდა მათი ყურისგდება (თანამშრომლების კამათი—ი. ზ.) და შეეძვერი რედაქტორის ოთახში. რედაქტორი მოწყენილი მარტოდმარტო თავის თავს ესაუბრებოდა: რამდენი ხანი ვიცნობდი და ჩემს დღეში მისგან პირადი წყენა არ მახსოვს. საზოგადოდაც, მართალია, ერთი მიზანი გვქონდა, მაგრამ ის სულ სხვა გზით მიდიოდა და მე სხვით. ჩემი გზა იმას არც ერთხელ არ დაუქოლავს, და მაშ რათ მძულდა, რათ მეგუაკრებოდა. მაგრამ ენის მიტან-მოტანა რა საძაგლობა რამ არის. მუშას რომ გადაატანინო რამე ერთი სახლიდან მეორემდის, განა იმას გზაში მტვერი არ ეყრება და არ ჩირქიანდება? ასეთივეა გადატანილი სიტყვა: სულ სხვა ფერად გადადის და სხვა ხორცად. მოგონებამ ეს ყველაფერი იცის, მაგრამ გული კი უსამართლო ენის ამყოლია. ეჰ, ვინ დაიჯერებს, რომ მისმა სიკვილიმა მე ასე გული მატკინა?...“

აკაკიმ ამ მოკლე მხატვრული ეპიზოდით ნათლად გვიჩვენა, რომ სიძულვილისათვის მას და ილიას შორის არავითარი საბაზი არ იყო და არც თვით სიძულვილი არსებობდა, არამედ იგი არსებობდა ვილაყების წარმოდგენაში.

და, თუ მხედველობაში იმ გარემობას მივიღებთ, რომ „სიკვილი“ დაწერილია 1894—1895 წლებში, ე. ი. იმ დროს, როდესაც ქართველი საზოგადოება ორ მებრძოლ ბანაკად იყო გაყოფილი „ბანკობანას“ გამო, როდესაც ერთმანეთის დანდობა და განკითხვა აღარ იყო, ხოლო აკაკი ერთ ბანაკს ეკუთვნოდა თავისი სიმპათიებით, ილია კი სათავეში ედგა მეორე ბანაკს,—ასეთი დახასიათება ილიასი იმის მიჩვენებელია, რომ აკაკის არა სწამდა თვისდამი მტრობა და სიძულვილი ილიას მხრით, თუმცა, ალბათ, ბევრი უჩიზინებდა ამაზე.

ღირსშესანიშნავია აგრეთვე აკაკის სიტყვა, წარმოთქმული თელავში 1897 წელს, რომელშიაც, სხვათა შორის, ილიაზე შემდეგს ამბობს:

„... საკვირველია, მესამოცე წლებშიაც, როდესაც მამათა სქესის ახალთაობა გამოფხიზლებას აპირებდა, ის პატარა ცისარტყელა კახეთში გამოჩნდა

და ის ღრუბლის ნაგლეჯიც აქეთ დაეინახეთ. რასაკვირველია, მიხედვით, რომ აქ იგულისხმება თქვენივე შვილი ბ-ნი ილია კეკელიძე... სწამს, რომ ეს საქართველოს ყოველ კუთხეზე მეტად წამებული კახეთი ჩვენთვის ბეთლემად დაუნისწავს განგებას“...

ალარას ვამბობ აკაკის ლექსზე ილიას გარდაცვალების გამო, მაგრამ არ შემიძლიან არ მოვიყვანო აქ ერთი ადგილი, ილიას დაკრძალვის დღეს წარმო-თქმული აკაკის სიტყვიდან:

“...თუ საქართველოს სიკვდილი არ უწერია, მაშინ იმასთან ერთად შენც უკვდავი იქნები და თუ სასიკვდილოა, როგორც ზოგიერთებს სურთ და ჰგონიათ, მაშინ ნეტავი შენ, რომ მაგ შენი სიკვდილით წინა-უსწარ მის სიკვდილს და თვალით ვეღარ ნახავ!”

აღსანიშნავია, რომ იმ სამგლოვიარო დღეებში და ადრედაც აკაკი მძიმე ავადმყოფი იყო, ლოგინად მიტყეული. არც გვეგონა თუ ადგომას შესძლებდა. მაგრამ მან დასძლია თავისი ავადმყოფობა და მოისურვა სიტყვის თქმა. ხოლო, რადგანაც სიარული არ შეეძლო, სამგლოვიარო პროცესია სპეციალურად სასახლის ქუჩის შუაგულს გაჩერდა და აკაკი ჩამოიყვანეს იქვე სასტუმროდან, სადაც იგი იღვა „წერაკითხვის“ საზოგადოების სადგომის პირდაპირ. აქ წარმოსთქვა მან სიტყვა, რომელსაც თანა სდევდა გულისგამსჭვალავი საერთო ქვითინი.

შეიძლება, ამ ორი დიდი ადამიანის ხანგრძლივ სიცოცხლეში ეს ერთადერთი წამი იყო, ნამდვილი ტრაგიზმით აღსავსე, როდესაც ავი გესლით გაქლენთილი ენაც კი ვერა ბედავდა შეებლალა რაიმე ეჭვით ეს უკანასკნელი შეხედრდა მათი სიკვდილ-სიცოცხლის გზაჯვარედინზე.

* * *

საკურადლებოა კიდევ ის, რომ არსად აკაკისა და ილიას პოლემიკაში ფარგალი ლიტერატურული კილოს ზომიერებისა და ურთიერთისადმი თავაზიანობისა გადაცილებული არ შემხვედრია. მაშინ, როდესაც ერთიც და მეორეც სხვებისადმი ხშირად მიმართავდა მოწინააღმდეგის გამაწბილებელ სიტყვა-პასუხს.

ამ მხრივ განსაკუთრებით მაჩვენებელია მათი პოლემიკა აკაკის ლექციებზე „ვეფხისტყაოსნის“ გამო,

როგორც ვიცით, ილია ამ ლექციებს დიდის უარყოფით შეხვდა, მაგრამ მის წერილში ვერსად ნახავთ, ვერც დაცინვას, ვერც აგდებას და რაიმე ორღესულ გამოთქმას. ყველაფერში აქ დატულია პრინციპულობა და თავაზიანი კილო.

აკაკიზე იმასაც ამბობდნენ, ფულის სესხებაში დაღუზარელია და ჩასესხებაში კი ზარმაცია. ამასთანავე, არ დავიდევთ, ვის ესესხება და რამდენსაო, ე. ი. ათასობითაც შეუძლიან სესხება, ასობითაც და მანეთობითააცაო.

ჩემი პირადი დაკვირვებით, ამგვარ კორებს ავრცელებდნენ სწორედ ისეთები, აკაკის რომ თავის „სიკვდილში“ ჰყავს აწერილი: „ერთმა მათგანმა ააესო ქიქა, წაუქცია თავი და თქვა: „ღმერთმა საუკუნო განსვენება მისცეს... სამასი

მანეთი კი გაჰყვა ჩემი საიქიოს, მაგრამ შენდობილი იყოს!“ შეეხებდე თვალბე-
 ში ურცხვად მოტრიაბახეს, მაგრამ რაღას ვიტყვადი? ღმერთმა ხომ იცოდა,
 თვითონ გამომართვა ერთხელ სამი მანეთი და აღარ დაუბრუნებია“.

იმას როგორ დავიფიქვავ, ვითომ აკაკი ფულს არა სესხულობდა ვისგან-
 მე, მაგრამ იმაზე კა დარწმუნებული ვარ, თუ სესხულობდა, თვითონაც ასესხებ-
 და ხოლმე და უფრო ხშირადაც, ვიდრე თვითონ სესხულობდა.

პირადად ჩემგან, ჩვენი კარგი დამოკიდებულების მიუხედავად, აკაკის კა-
 პიკი რა არის? ერთი კაპიკი არ უსესხნია არასდროს. ეს პირდაპირ გასაკვირ-
 ველი ამბავია, თუ მართლა აკაკი ისე იოლად მიმართავდა სესხს.

რად არის გასაკვირველი?

აი, მოვახსენებთ, როდესაც მე და აკაკი ერთ სახლში ვიდექით და ხში-
 რად ვხვდებოდით ერთმანეთს, საკმაოდ კარგი ჯამაგირი მჭონდა, ასე რომ
 სულ ადვილად შემიძლო მისთვის ხელი გამემართა უამსა გაქირავებისასა. და
 ასეთი უამი მის ყოფა-ცხოვრებაში ძალიან ხშირი იყო, როგორც ქალაქის და
 ნარდის თამაშობის მოყვარული ადამიანისა. ზევით უკვე აღვნიშნე, აკაკი რომ
 საღამოობით კლუბში არ მიდიოდა, შინაურობაში ვიცოდით, აკაკი უფულოდ
 იყო-მეთქი.

მაშასადამე, აკაკი თუ მართლა ის აკაკი იყო, რომლისთვისაც, როგორც
 ბევრი ლაყბობდა, ვალის აღება, ვისგანაც უნდა ყოფილიყო, ჩვეულებრივ რა-
 მეს შეადგენდა, ჩემთან რა მორიდება სჭირდა? ისიც ხომ კარგად იცოდა, რომ
 დიდი სიამოვნებით გაეუმართავდი, შეძლებისადაგვარად ხელს, დარწმუნებუ-
 ლი, რომ პირველსავე შემთხვევაში უკანვე მივიღებდი ვალს. და თუნდაც არ
 მიმელო, გული არ დამწყდებოდა, ვინაიდან აკაკის დახმარება საპატიო მოვა-
 ლეობად მიმაჩნდა. ჩემდათავად კი ვერ ვუხედავდი სესხის შეძლევას, მეშინოდა
 რა, სითამამედ არ ჩამომართვას-მეთქი.

ამიტომ, სრული დაბეჯითებით შემძლიან ვთქვა: აკაკი თუ ვისმე მიმარ-
 თავდა, ალბათ, იმისთანას, ვინც თვით დავალებული ჰყავდა, ან ვისთანაც რაი-
 მე სააღებმიცემო ანგარიში ჰჭონდა, მისი ნაწერების გამოცემა იქნებოდა, თუ
 ქალაქის თამაშის დროს დარჩენილი ვალი, ან და სხვა ამისთანა რამ.

აკაკიმ რომ ვალის დაბრუნება იცოდა და დიდრონი ვალისაც, მაგალი-
 თად რამდენიმე ათასისა, ამისთანა შემთხვევა სხვებმაც იციან. მე მხოლოდ ერთ
 ეპიზოდს აღვნიშნავ, რომლის პირდაპირი მოწმეც მე ვიყავი.

1900 წელს თბილისში მყოფი აკაკი დიდ გასაქირში ჩაეარდნილიყო: ქუ-
 თაისიდან დეპეშა მიეღო—სახლ-კარი ბანკში გეყიდებოა. საჭირო იყო სამასი
 მანეთი. თანხა თუ დიდი არ იყო, მაინც იმ დროისათვის საკმაო ფულად ჩაი-
 თვლებოდა. ბევრ თავის ნაცნობისათვის მიემართნა, მაგრამ უნაყოფოდ. ბო-
 ლოს, მაკოსათვის ეთხოვნა—შენს მახლობლებში მიშოვნე სადმეო. მაკომ თავის
 ძმას შაქრო საფაროვს (თეატრის მოღვაწეს) მიმართა, რადგანაც იცოდა, რომ
 იმ რიგობაზე მას ფული ჰჭონდა. შაქრო იოლად დათანხმდა.

როდესაც აკაკიმ თამასუქი შეიძლია, შაქრომ ეს ძალიან შორს დაიჭირა
 და იწყინა კიდევ, თქვენ თამასუქს როგორ ჩამოგართმევთო. აკაკი მაინც არ
 მოეშვა, უამისოდ სესხის აღებაზე უარს ამბობდა. შაქრო იძულებული გახდა

დათანხმებულიყო, თანაც ამბობდა—რა მნიშვნელობა აქვს თამასუქს, სასამართლოში ხომ არ წარვადგენ, თუნდა ვალი სულაც არ დამიბრუნოთო. ხოლო აკაკი უპასუხებდა,—ცალი ფეხი სამარეში მიდვას, ვინ იცის დღეს რა მოაქვს, ღამეს რა მოაქვს, რაზე უნდა დაგეკარგოს ეს ფული, რა მდიდარი შენა ხარო.

აღარ მახსოვს, ეს ვალი აკაკიმ ვადაზე დაუბრუნა შაქროს, თუ დაგვიანებით ან ვადაზე უფრო ადრე. დაბრუნებით კი დაუბრუნა და სარგებლითაც. აქაც შაქრო დიდ უარზე იყო, მაგრამ აკაკიმ თავისი გაიტანა და სარგებელი მიაღებინა.

ეს ამბავი აკაკის აწერილი აქვს თამასუქის მეორე გვერდზე. აი, როგორ ათავეხს აკაკი თავის გაჭირვებისა და ფულის ძებნის ამბავს:

„... ეს ამბავი ვაგეო როგორღაც საფაროვის ქალს. დაეგირავებინა რაც რამ გააჩნდა, ზოგიც ძმისაგან ესესხნა და მომიტანა სამასი მან. თქვენგან ბევრი შემწეობა მახსოვს და ახლა ჩემგანაც მიიღეთ სამაგიეროო. გამიკვირდა, მაგრამ ბოლოს გამახსენდა, რომ ის თანამედროვე ქართველი არ არის“.

ძალიან საყურადღებოა წარწერა აქვს ამ თამასუქს შაქრო საფაროვისა: „სრულად მივიღე, რისთვისაც დიდად ვმადლობ კნ. აკაკი წერეთელს“.

თამასუქი სალიტერატურო მუზეუმში ინახება.

აკაკის აწერილობიდან გამოდის, ვითომ ფული მისთვის მაკოს ესესხებინოს. ეს სწორე არ არის. მე ავწერე ისე, როგორც ფაქტი მოხდა. მაკო ცოცხალია და შეუძლია დაამოწმოს ჩემი სიტყვები. აკაკი, ალბათ, ერთმანეთში ჟრევს ამ ფაქტსა და სხვა შემთხვევას. როდესაც როგორც მისგანაც და მაკოსაგანაც ვამიგონია, მაკოს, რათა აკაკისათვის ფული ეშოვნა, თავისი საკუთარი ნივთები დაეგირავებინა. მაგრამ ეს აწერილ შემთხვევაზე კარგა ხნით ადრე მომხდარა, ამრიგობაზედ აკაკის პირნათლად დაუბრუნებია ვალი. რასაკვირველია, ამ შემთხვევაში არავითარ თამასუქზე და სარგებელზე კრიტიკის დაძვრაც არ შეიძლებოდა.

ყოველივე ამის შემდეგ მაქვს თუ არა უფლება არ დავიჯერო, რასაც აკაკის უპირობაზე ლაპარაკობდნენ ფულის საქმეში?

სრულიად დარწმუნებული ვარ, ყოველ ამგვარ თქმას მარტო საპირე კი არა, სარჩულიც რომ გეესინჯოს, უეჭველად აღმოჩნდება, რომ სიმართლე იქი არა ძვეს, რასაც მთქმელი ამბობს, არამედ იქ, რასაც იგი არ ამბობს ამათლიმ მიზნების გამო. თორემ რომელი კაცური კაცობის ღირსების მქონე ადამიანი, თუ არა ზნე-ხასიათით ნამდვილი კაცუნა, დაიტრაბახებდა აკაკის ფული ვასესხე და არ დამიბრუნაო?!

თვით აკაკი რომ ამხრივ ხელგაშლილი იყო და გაჭირვებულს უარს არ ეტყოდა, თუ კი იმ წმას დახმარება შეეძლო, ამას ამოწმებს მაკოს მიერ არა ერთხელ ნათქვამი სიტყვები: რამდენი გაჭირვებული ხალხი დადის აკაკისთან, ან როგორ აუღის ამოდენა მთხოვნელებსაო? და როდესაც იგი შეეკითხა აკაკის ამის თაობაზე, აკაკიმ ღიმილით თურმე უპასუხა—შე ქალო, აბა ჩემთან ვინ მოვა, თუ არა გაჭირვებულიო. ის მაწუხებს მხოლოდ, რომ თვით ხელმოკლე ვის რა იარაღ ვაგუშმთვლებო.

მაკოს ეთქვა, ბიქს ეუბრძანებ—ალარ მიიღოს თქვენი შემწეობები—
 არა, ლეთის გულისათვის, ეგ არა ქნა... აბა, რა საკადრისია, კარზე გაკირვე-
 ბული მოგადგეს და იმის ნაცვლად, რომ დაეხმარო, შენ არც კი გინდა მიიღო
 და თანაგრძობის სიტყვა მაინც უთხრა.—უპასუხა თურმე აკაკიმ.

ეს მაკოსაგან წინადაც გამიგია და ამ დღეებშიაც განიმეორა აკაკიზე რომ
 ვლაპარაკობდით. მაკოს აზრით, აკაკი იშვიათი კეთილი გულის პატრონი იყო
 და არასოდეს გაკირვებულს დახმარებაზე უარს არ ეტყოდა, თუ კი გარემოება
 ხელს უწყობდა. თითონ გაკირვებდა და სხვას განიკთხავდა.

ძალიან საგულისხმოა აგრეთვე მაკოს ცნობა აკაკის განსაკუთრებულ დე-
 ლიკატობაზე მის მიმართ.

ქართული თეატრის აღორძინებისას, პირველ წლებში, დიდ გაკირვებაში
 ვიყავით მე და ჩემი ქმარიო. აკაკიმ, რასაკვირველია, ეს კარგად იცოდა, რად-
 ვანაც თეატრთან ახლო იდგაო. რადგანაც პირდაპირ დახმარების გაწევას ვერ
 გამიბედავდა, ხშირად შემოვიდოდა ჩვენსა და ღიმილით მეტყოდა—აბა, ქალო,
 რა იქნება, დღეს რომ შენებური გემრიელი სადილი ვკაზოო. მე ვგრძობდი,
 რასაც ნიშნავდა ეს გემრიელი სადილი, როდესაც აკაკი გადმომცემდა 15—25
 მანეთს სადილისათვის, მაგრამ იმდენად გულწრფელი იყო და თავაზიანი მისი
 საქციელი, რომ არ მეთაკილებოდა მიმელო სასადილოდ შემოდგეული ფულიო.
 „ჩემებური გემრიელი სადილი“ ბევრი-ბევრი 2—3 მან. მიჯდებოდა და
 დანარჩენზე ხომ ანგარიშის წარდგენას ვერ ვავებდავდი, რაკი ვიცოდი ამ
 „დანარჩენის“ პირდაპირი დანიშნულება, ე. ი. რამდენიმე დღით ხელი მოე-
 ნაცვლებინა ჩვენს პატარა ოჯახსაო. ასეთი მცირე, მაგრამ მოკრძალების საბუ-
 რავში გახვეული დახმარება უფრო ძვირფასი იყო ჩემთვის, ვიდრე ის, აკაკის
 რომ ჩემთვის განძი მოეჩანაო.

რალა აკაკიზე იყო ასეთი მოთქმა-მოთქმა, რატომ სხეებზე არა ლაპარა-
 კობდნენო ასე?—იკითხავს ვინმე.

იმიტომ რომ, ზევითაც აღვნიშნე, აკაკი მეტისმეტად ადვილად მისადგომი
 იყო, ადვილად უახლოვდებოდა ადამიანს, სწორედ და მრუდვად ადვილად იგნებდა
 გზას მისკენ და ხშირად მისი კეთილი გულისაკენაც. და ამოდენა გარემოცუ-
 ლობაში ისეთებიც იქნებოდნენ, ვის თვალშიაც აკაკის სახელსა და ღირსებას
 არავითარი საზოგადოებრივი მნიშვნელობა არა ჰქონდა, ან სწორედ ამ სახე-
 ლის გასატეხად და ღირსების დასამცირებლად განგებ თხზავდნენ უხამს
 ამბებს,

ალბათ, სხეებზედაც ლაპარაკობდნენ, მაგრამ თუ სხვაზე ნათქვამს თოფის
 ჭახანის ხმაიც ძლივსა ჰქონდა, სამაგიეროდ აკაკიზე ნათქვამი ზარბაზნის
 ბათქივით გაისმოდა, ვინაიდან სხეები სხვანი იყვნენ და აკაკი—ერთადერთი
 აკაკი იყო.

3.

აკაკის სახელი განსაკუთრებით ქალებმა გაუტეხეს.

აკაკის არაფერი დაეჯერება—არც ქება ქალისა, არც ძაგება. პირშიშქა-
 თინაურებს გეუბნება, სიტურფის სარკვე შენა ხარ, გონების საწყაულიც შენა

ხარ, ერთი სიტყვით, ცამდე აპყევხარ, ხოლო გაგეცლება თუ არა, ისეთ რამეს იტყვის შენზე, რომ ან თავი მოგეპრება საქეყენოდ, ან სასაცილო გახდებო დროებით მაინც.

ასე გამიგონია არა თვით ქალებსაგან, არამედ მამაკაცებისაგან, ვითომ ქალების ნალაპარაკევი, თორემ მე პირადად აკაკისაგან არცერთ ქალზე არავითარი კილეა და დაცინვა არა მსმენია. ქება კი მრავალი,

ამავე დროს მე ის მაკვირებდა, რომ თუმცა ქალები ასეთი უარყოფითი აზრისანი იყვნენ აკაკიზე, მაინც ჩვენს საზოგადო მოღვაწეთა შორის არავის ჰყოლია ქალებში იმდენი თაყვანისმცემელი და მეგობარი, როგორც აკაკის.

თაყვანისცემა—ეს ადვილი გასაგებია,—მისი პოეტური ნიჭი, მისი მახვილი სიტყვა, მისი საზოგადოებრივი მდგომარეობა ვის არ მოხიბლავდა? მათ უფრო ქალებს, თუ მათ განსაკუთრებულ ექსპანსიობას მივიღებთ მხედველობაში.

აკაკის ზოგჯერ ქალების საზოგადოებაში—ჩვეულებრივი საუბრის დროს, რასაკვირველია—სიყვარულზე ორაზროვნად, ავდებით უყვარდა ლაპარაკი. ამისთანა დროს მან მორიდება არ იცოდა, ხუმრობაში. ამათუიმ სიტყვაზე კილოს გამობმა, მოსწრებული, მაგრამ ცოტა არ იყოს, იკლიკანტური ზმის თქმა ხომ მისი სტიქიონი იყო. ეს საყოველთაოდ ცნობილია და აკაკის ბეგრი ანგვარი ორღესული თქმა გამოქვეყნებულიც არის სამეფარო ლიტერატურაში.

* *

ერთერთ ჩემს ახლო ნათესავ ქალს ვკითხე: გულახდილად მითხარ, აკაკი გეარშიყებოდა თუ არა—მეთქი.

მეარშიყებოდა—მიპასუხა მან ღიმილით და გამომწვევი კილოთი.

—მერე და... რითი გათავდა თქვენი ფლირტი?

—არაფრით.

—ვითომ დავიჯერო, რომ არაფრით?

—დასაფიცარი რა მაქვს? შენ ჩემი ცხოვრება კარგად იცი... ისიც იცი, რომანები მქონია... რაღა აკაკიზე გადავთქვამდი? ისიც შენთან...

—ხომ მოგწონდა?

—აკაკი ვის არ მოსწონდა? როგორც აკაკი...

—არა, მე პოეტობაზე არ გეუბნები... ისე... როგორც სამიჯნურო მამაკაცი?

—ჯერ ერთი აკაკი ოცდახუთი წლით ჩემზე უფროსი იყო (აქ მე ანგარიში გაუღსწორე—ოცდაორი წლით—მეთქი)... თუნდაც აგრე იყოს... მაგრამ ხანს დიდი მნიშვნელობა არა ჰქონდა: აკაკი იმ ხანში ჩემზე ახალგაზრდებსაც მოსწონდა... შენ რომ მეკითხები—სამიჯნუროდო, აი, ასე აკაკი არ მოსწონდა. ვერც კი წარმომედგინა იგი ჩემ მიჯნურად... მეტისმეტად დიდი ვინმე იყო ჩემს თვალში.

—შე დალოცვილო, შენი რომანის გმირებს ხომ სჯობდა? ყველაფრით...

—ახლა რა ვუყოთ? ვანა იმიტომ გვიყვარს ვინმე, რომ დიდი ვინმეა?! საქმე ის არის, რომ არა მწამდა მისი გულწრფელობა... ვგრძნობდი, უბრალოდ იმნი იყო,—იმ დროს, როდესაც სიყვარულს მეფიცებოდა, მძლავრი იერიშები

ჩემს მეგობარ ქალბუნებაც მიჰქონდა, ხოლო უნაყოფოდ. შენ იცი, ვისზედაც აკაკი მარწმუნებდა, ვითომ ჩემი მეგობარი მას მოსვენებას არ აძლევდა თავისი სიყვარულით. მე კი შენ მიყვარხარო...

— მერე, რა იცოდი რომ აკაკი მართალს არ ამბობდა შენს მეგობარზე?

— მე და... არ ვიცოდი?! ერთმანეთის საიდუმლოება განდობილი გექონდა. მაშ, რის მეგობრები ვიყავით? ამასთანავე, ქალს სხვა უყვარდა გაგიჟებით...

— ჰო და... როგორ დაუსხლტი ხელიდან?

ჩემმა ნათესავმა გულიანად გაიცინა.

— ქალი ყოველთვის მოახერხებს დასხლტომას, თუ გულს არ ერჩის... ისეთი რამ ვუთხარი, რომ...

— რა, რა?

— ბატონო აკაკი, მე ყოველთვის ისე გიყურებდით, როგორც ღვიძლ მამას-შეთქი. არ ეჭაშნიკა. მაგრამ აბრუ არ გაიტეხა... ვადაიკასკასა თავისებურად და სიცილითვე მიპასუხა—მაგისტვისაც ვმადლობო.

— მერე?

— ეს იყო და ეს... აკაკის იერიშები აღარ მოუტანია ჩემზე... კეკემალულობია რომ გამემართა, დარწმუნებული ვარ, ველარ მოვიშორებდი.

— ცუდი არა უთქვამსრა შენზე?

— არ ვიცი... არა მგონია.. შეიძლება რაიმე წაიმახვილა.

— ბოლოს ხომ აკაკი დიდი მეგობარი გახდა შენი ამხანაგი ქალისა?

— დიდი... წინადაც მეგობრულად იყო. აკაკი ხომ ყოველთვის დიდი პატივისმცემელი იყო მისი ნიჟისა და კუჩისა.

* * *

აი, კიდევ საუბარი ერთ ჩემ კარგ ნაცნობ, უფრო მეტიც, მეგობარ ქალთან. იგი მუდამ დიდო მეგობარი იყო აკაკისა. ხოლო ეს ის ქალი არ არის, ჩემი ნათესავი რომ გულისხმობდა ჩვენს დიალოგში.

ხშირად გექონია მე და იმ ქალს ლაპარაკი აკაკიზე.

ერთბელ გაგბედე და ვკითხე შორიდან მოვლით.

— მითხარით, შეეძლო თუ არა აკაკის, თქვენის დაკვირვებით, სერიოზული ხანგრძლივი სიყვარული?

ქალმა გაიღიმა მნიშვნელობით. იგი მიმიხვდა ხეაშიადს.

— კეკემალულობიას რას მეთამაშებით... პირდაპირ ვკითხეთ, ვუყვარდი მე აკაკის და მიყვარდა მე აკაკი თუ არა? ჩვენზე განა ცოტანი ლაპარაკობდნენ? ამას ისე მიეჩევიე, რომ ლამის თვით მე დავიჯერო ის, რაც არ ყოფილა...

— მე ზოგადად გკითხეთ... თქვენი ურთიერთობა არა მქონია მხედველობაში. გკითხეთ იმიტომ, რომ დიდი მეგობარი იყავით აკაკისა... კარგად იცოდით მისი ხასიათი.

— ღობე-ყორეს ნუ ედებით... ზოგადი შესხედულება ხომ კონკრეტული ფაქტების ჯამია. არა, თქვენ გაინტერესებთ სწორედ ჩემი და აკაკის ურთიერთობა და მორიდებით პირდაპირობას გაუბრბით... მე კი სრულიადაც არ მეხამუშება საკითხის პირდაპირ დაყენება. მე თქვენ კარგად მიცნობთ, იცით თით-

ქმის ჩემი ცხოვრებისა და ხასიათის წვრილმანი. იცით ისიც, რომ თუ მრავალი არა, ბევრი უგულთაღდესი მეგობარი მყავს, უპირატესად მამაკაცთა შორის, აკაკი მათ შორის. მაგრამ, თუ ჩემსა და სხვა მამაკაცთა მეგობრობაზე ცუდი არა თქმულა რა ჩვენს საზოგადოებაში სამაგიეროდ, ჩემი და აკაკის ურთიერთობა თითქმის ყბადასაღები გახდა.—რატომო-იკითხავთ თქვენ. იმიტომ, რომ აქ აკაკი ერია, ე. ი. კაცი, რომელსაც ვითომ უანგარო მეგობრობა არ შეეძლო. იმას არ დავფარავ, ჩემთვის საწყენი არ იყო მეტი ეს დავღავი, მაგრამ ნუთუ იმის გულისათვის, თუ რას ამბობდნენ თავადები პეტრე და ივანე, ან კნინები ბარბარე და სოფიო, მე მეგობრული კავშირი უნდა გამეწყვიტა იმისთანა კაცთან, როგორც აკაკი იყო? მით უფრო, რომ ამით საქმეს არა ეშველებოდა რა. ხომ მოგახსენებთ, ტაშტი გატყდა, ხმა გავარდაო.

ვიმეორებ, თქვენ მიტომბთ და იცით რომ, ცოტად თუ ბევრად, თავისუფალი ვარ ბევრ რამეში, რასაც საზოგადოებრივი ცრურწმენა ეწოდება. მერე, ესეც ვიცოდი, ბოლოს, გულს რომ მოიჯერებდნენ, მოსწყინდებოდათ ჩვენზე ლაპარაკო და იოლად შეურიგდებოდნენ ამ ფაქტს, როგორც უცილობელ რამეს.

ახლა შეკითხებით, მიყვარდა თუ არა აკაკი?.. ჰო, კარგი... თქვენ არ შეკითხებით... მე ვეკითხები ჩემს თავს თქვენი თანდასწრებით.—გაიცინა ქალმა, როდესაც შევნიშნე—ასეთი კითხვის უფლება არა მაქვს-მეთქი.

მიყვარდა!.. მიყვარდა ისე, როგორც ყველა ჰეშმარიტ ქართველს, ქალი იქნებოდა იგი თუ კაცი. მთლად მისი ნაკლით და ღირსებით... როგორც მაგალითად, გიყვარდათ თქვენ... გახსოვთ, რა მწარედ ქვითინებდით ჩვენთან ერთად ამას წინეთ, აკაკის დასაფლავების მეოთხე დღეს, როდესაც გრამაფონით ვისმენდით აკაკის ხმას, ლექსს რომ კითხულობს და ბავშვებს სიტყვით მიმართავს. რათა ქვითინებდით? რა იყო თქვენთვის აკაკი? თქვენ მიპასუხებთ—საქართველოს დიდი პოეტი, მისი დიდებო... ეს ხომ თავისთავად იგულისხმება, მაგრამ ეს არ იყო მიზეზი თქვენი ცრემლებისა. არამედ ის, რომ თქვენი მახლობელი იყო სულიერად, პირადი მეგობარი, თქვენი გულშემატკივარი, თქვენი ავისა და კარგის თანამოზიარე ნათესაურად და არა მარტო პოეტურად. ჩემთვისაც ეგ იყო. ნუთუ მარტო მამაკაცების ხედვრია ასეთი მახლობლობა!

მაგრამ ლეულ ეს არ გაინტერესებთ. თქვენ გაინტერესებთ, მიყვარდა თუ არა აკაკი ქალურად? თუ ამას ისე გავიგებთ, რომ ჩვენს ურთიერთობაში უფრო მეტი ეგზალტაცია იყო, ვიდრე მამაკაცთა მეგობრობაშია, ჰო, შეიძლება, ასე იყოს... ხოლო, თუ უფრო შორს წახვალთ და მკითხავთ, მიყვარდა მე აკაკი ინტიმური ქალური გრძნობით, რომელშიაც ურევია გულის ჩქოროღვა და ბუნების აღძვრა,—აი, ამაზე გადაჭრით გიპასუხებთ—არა-მეთქი. თქვენ არ დაიჯერებთ და... არასდროს ამაზე არც კი დავფიქრებულვარ... მაშინაც კი, როდესაც ჩემს ყურამდე აღწევდა მითქმა-მოთქმა ჩვენს ურთიერთობაზე. ეს არც შემეძლო, არ შემეძლო იმიტომ, რომ თავიდანვე ჩვენს შორის ისეთი დამოკიდებულება დამყარდა, რომ მისი ინტიმურ სიახლოვედ გარდაქმნა წარმოუდგენელი იყო.

აკაკი ჯერ იმ დროს გავიცანი, როდესაც მოკლე კაბა მეცვა და ინსტიტუტს ის იყო ვამთავრებდი. აკაკი ჩვენი ოჯახის მეგობარი იყო. ჩვენს შორის

ოცდაათი წლის მანძილი იდგა. აკაკისა და მისი მეგობრების გავლენით, ჩვენს ოჯახში რომ დაიარებოდნენ, მე ვიგრძენი, თუ რა მახინჯად მზრდიდა ჩვენი სასწავლებელი. აი, ამ სიმახინჯის კვალი ახლაც კი თავს იჩენს ხოლმე. აი, მე ნამდვილი ქართველი დედ-მამის შვილი, ქართველი საზოგადო მოღვაწის ქვრივი, ქართველი დიდი პოეტის გულითადი მეგობარი, ქართული ლიტერატურის ცოტად თუ ბევრად მცოდნე, გელაპარაკებით თქვენ, ქართველ მწერალს, რუსულად. ინსტიტუტს ამის მეტი და, აგრეთვე ფრანგულად ლაპარაკისა, არა მოსულა რა ჩემთვის. აკაკისა და მისი მეგობრების გავლენით დავიწყე ამ სიმახინჯის გამოსწორება, იმიტომ კი არა, რომ ისინი ლექციებს მიკითხავდნენ, მესაუბრებოდნენ, სწორ გზაზე მაყენებდნენ, ქუთას მასწავლიდნენ... სრულიადაც არა. მე ჩემდათავად სირცხვილი ამიტანდა ხოლმე იმის გამო, რომ ხეირიანადაც კი არ მესმოდა მათი ნაუბარი. მე თქვენ გეკითხებით, რა გრძნობით უნდა გამსჭვალულიყავ აკაკისადმი, თუ არა თავყვანისცემით და მოკრძალებით, როგორც დიდი პოეტისა და დიდი საზოგადო მოღვაწისადმი?!

მალე გავთხოვდი. აკაკი დიდი მეგობარი იყო ჩემი ქმრისა, მისი თანამოაზრე და თანამდგომელი საზოგადო საქმეებში. თქვენ დამეთანხმებით, რომ აქაც არავითარი საბაზი არ იყო, რათა ჩემი თავყვანისცემა და მეგობრული განწყობილება აკაკისადმი სხვა გრძნობად გარდაქმნილიყო, ვინაიდან ღირსეულ ადამიანს მიეთხოვედი სიყვარულით და სიყვარულითვე. შემირთო მან... მათ უფრო, რომ მალე დავშვილიანდი, შვილი წლის შემდეგ დავექრივი. აკაკი კვლავ განაგრძობდა, როგორც ქმრის დროს, ჩემი ოჯახის მეგობრობას და პირად ჩემს მეგობრობას. იგი გაგრძელდა მის სიკვდილამდე. ჩემი ქვრივობის პირველ წლებში ისე უბედურად ვგრძნობდი თავს, რომ მეტისმეტად თავზე ხელაღებული ადამიანიც კი ვერ გაივლებდა აზრად ჩემი გულის მონანიერებას, მით უფრო აკაკი, რომელიც აშკარად ხედავდა ჩემს სასოწარკვეთილებას, და არ ეკისრებდა ჩემს შეურაცხყოფას, თუნდაც იმ ზნისა და იმ თვისების ადამიანი ყოფილიყო, როგორც ზოგიერთებს ჰქონდათ წარმოდგენილი.

შემდეგში — იკითხავთ თქვენ. ყველაფერი შეიძლება წარმოიდგინოს ადამიანმა, მაგრამ როგორ დავწამო ან ჩემს თავს, ან აკაკის ის, რაც არ ყოფილა?! ჩვენი მახლობლობა მეგობრობის კავშირს არ გასცილებია.

თქვენ, ალბათ, გაინტერესებთ, რაში გამოიხატებოდა ეს მეგობრობა. იმაში, რასაც თქვენი თვალთა ხედავთ. აკაკი ჩემი ოჯახის შინაური იყო და ნათესაურად გრძნობდა თავს ჯერ კიდევ ჩემი ქმრის დროს. თქვენ იცით აკაკის ბოჰემური ცხოვრება. მას ოჯახური მყუდროება არ ჰქონდა, რადგანაც მისი ოჯახი რუსეთში ცხოვრობდა. ჩემსას და აგრეთვე ზოგიერთ სხვა ოჯახში (აქ ჩემმა მოსაუბრემ დაასახელა რამდენიმე ოჯახი და სხვათა შორის, ჩემი ნათესავი ქალის მეგობარი) იგი ჰპოვებდა იმ მყუდროებას, უანგარო ზრუნვასა და ნათესაურ სიყვარულს, მით უფრო ჩემი შვილები ძალიან უყვარდა. ჩემთვის კი აკაკი სასურველი ადამიანი იყო, რომელიც უფერულ მუდამდლოებობას აცხოველებდა აზრიანობით, საზოგადოებრივი ინტერესით. მასთან საუბარში ყოველთვის თითქო რაღაც ახალს იძენდი, რასაკვირველია, ახალს ჩვენი თანა ჩვეულებრივი ადამიანისთვის. იმაზე აღარას ვიტყვი, რომ საქართველოს სასიქაღუ-

ლო შეიღზე მზრუნველობა, მოქალაქობრივი მოვალეობის აღსრულების გარდა, პირად მორალურ კმაყოფილებასაც გვაგრძნობინებდა მის გულითად მეგობრებს.

თუ დაიჯერებთ—ეს არის სიმართლე, თუ არა და... თქვენი ნებაა. იფიქრეთ ისე, როგორც მრავალი ფიქრობდა და ფიქრობს...

— ვსარგებლობ თქვენის გულახდილობით და ჩემდამი ნდობით და ერთ რასმე გკითხავთ, თუ მეტისმეტ გამბედაობად არ ჩამომართმევთ.

— ბრძანეთ!

— გრძნობდით თუ არა, რომ აკაკის უყვარდით უფრო ნაზი გრძნობით, ვიდრე მეგობრობაა?

— აი, მაგაზე ისე გადაჭრით ვერ გიბასუხებთ, როგორც ჩემზე ვითხარით. უცნაურია, რასაც ახლა გეტყვი, მაგრამ ეს ჩემი ხანგრძლივი დაკვირვების ნაყოფია. მე მგონია, აკაკის ყოველთვის უყვარდა ვინმე, ან ეგონა, რომ უყვარს. მე არა ვგულისხმობ უბრალო მამაკაცურ ქონს. არა, ეს სიყვარული სულ სხვანაირი იყო. ეს იყო, თუ გინდათ, მხატვრული სიყვარული, რაც თითქო მის შემოქმედებას ანაყოფიერებდა.

ვთქვით, აკაკის მოეწონა რითიმე ესათუის ქალი. ეს მოწონება კვესივით მოხედებოდა ხოლმე მის არსებაში, როგორც ტალში, ჩადველფილ პოეტურ ცეცხლს და აანაპერწყლებდა მას. და იმ დროს აკაკი როდი დაგიდევდათ. ნამდვილად მოიბოგებოდა თუ არა იმ ქალებში ყველა ის გარეგანი თუ შინაგანი ღირსება და თვისება, რასაც იგი მას აკუთვნებდა. მაშინ აკაკის უყვარდა ის ქალი... არა, ის ქალი კი არა, მისი ნამდვილი ხორციელი და სულიერი ავლადილებით, არამედ თავისი მხატვრული წარმოდგენა, ვითომ იმ ქალში განსახიერებულნი... ხოლო, რადგანაც უმეტეს შემთხვევაში ნატურა და მხატვრული წარმოდგენა ერთმანეთზე შორიშორს იყვნენ, აკაკი იოლად იცრუებდა გულს მისი შემოქმედების აღმძვრელ საგანზე და ახლა სხვისაკენ მიმართავდა თავის ოცნებას.

აკაკის მხოლოდ ერთადერთი სატრფო ჰყავდა. იგი უყვარდა წარუხოცელი და მგზნებარე სიყვარულით. ამ ტრფობის წინაშე ყველა სხვა გრძნობა, მეგობრობა იქნებოდა იგი, თუ „ბუნების თრთოლვა და მღელვარება“ ქალისადმი,—მხოლოდ ფერმკრთალი აჩრდილი იყო. ეს იყო საქართველო, ისიც წარსულში უფრო, ვიდრე აწმყოში.

მიაქციეთ ყურადღება იმ გარემოებას, რომ არც ერთ მის ეგრეთწოდებულ სატრფიალო ლექსში თქვენ ვერ ნახავთ კონკრეტულ სახეს, რომელიც სწორედ განსაზღვრულ ქალს ეკუთვნოდეს, აღნიშნავდეს მის რაიმე თავისებურებას, რაც მხოლოდ მას ახასიათებდა.

ჰო და... შეიძლება, აი, ასეთი სიყვარულის საგანი მეც ვიყავი ამათჳიმ წამს, ვინაიდან მის რამდენსამე ლექსს ჩემზედ დაწერილად სთვლიან, თუმცა გულახდილად ვამბობ, ამ ლექსებში ჩემ თავს ვერა ვცნობ.

დასასრულ, აკაკის ურთიერთობაზე ქალებთან ამასაც გეტყვი: იქ, სადაც ნამდვილი ხანგრძლივი უანგარო მეგობრობის ნიშნები ჩანს, მე მგონია, იმ სიყვარულის ყვაილი არ გაშლილა, რომელსაც თქვენ გულისხმობთ. ჩემის დაკვირვებით, აკაკი ისეთი ბუნების ადამიანი იყო და ისე შთანთქმული თავის შემოქმედებაში, რომ ასეთ ყვაილებს იგი მხოლოდ გავლით სწყვეტდა და დიდისხნობით

თუმცა აკაკის პატარობიდანვე ვიცნობდი, მაგრამ მისმა უკანასკნელი ოცი წლის გარეგნობამ ისე გამოდევნა ჩემი მეხსიერებიდან იმდროინდელი წარმოდგენა, რომ ვერ მოვახერხებდი მისი მაშინდელი პორტრეტის მოცემას.

ერთი რამ კი ჩემთვის უუქველია: ახალგაზრდა და შუახნის აკაკი ისე ლამაზი და მომხიბლავი არ უნდა ყოფილიყო, როგორც მოხუცებულთაში იყო. ამას მისი ფოტოგრაფიული სურათებიც ამტკიცებს.

აკაკი ძალიან ჯანმრთელი აღამიანი იყო. ვერც მუდამ ბოჰემურმა ცხოვრებამ, თუმცა ქეიფი და ღვინის სმა არ უყვარდა, ვერც ერთთავად სასტუმროების უგემურ ვითარებაში ყოფნამ, ვერც დაუდევრობამ თავისთავზე ზრუნვისამ, ვერც რამდენჯერმე სერიოზულმა დაეადებამ ვერ გატეხა მისი ღონიერი ბუნება.

წარმოდგინეთ, თითქმის სიკვდილამდე ისეთი მაგარი კბილები ჰქონდა, მგონია ისიც უკლებლივ, რომ კბილით კაკლის მტვრევაში მეჯიბრებოდა და... მჯობნიდა კიდევ. ნედლი კაკალი უყვარდა და არ მახსოვს, როდისმე სამტვრევისათვის მიემართოს, რაც უნდა კირკიტი ნაჟუჭი ყოფილიყო, — საკუთარი კბილით გაუტეხავ კაკალს გემო არა აქვსო. თუმცა სულ სიბერეს უჩიოდა, განსაკუთრებით სატრფიალო ლექსებში, მაგრამ, მგონია, ეს პოეტური ჩივილი უფრო იყო, ვიდრე ნამდვილი უძლურებისა. ან, იქნება, სადონკუეზო აღმავგრენის კლებას გულისხმობდა...

5.

აკაკი მომხიბლავი მოსაუბრე იყო.

მისი საუბრის ერთი უდიდესი ღირსება ის იყო, რომ თავის მსმენელს, ვინც უნდა ყოფილიყო იგი — ნასწავლი, უსწავლელი, ქალი, კაცი, დიდი თუ პატარა — ყველას თანასწორობის თვალთ უყურებდა. ამიტომ მის საუბარს დიდაქტიზმს, კეუსწავლებას ვერ შეამჩნევდით.

მისი თხრობა ეპიური ხასიათისა იყო. დინჯი, წყნარი კილო, ხმის სულ მცირედი აწვე-დაწვევა.

და თვით სათხრობიც მეტწილად ეპიური იყო — ჩვენი ქვეყნის წარსული, რომელიც აკაკიმ ჩინებულად იცოდა.

მე მგონია, თითქმის ყველა საისტორიო წყარო აკაკის უკრიტიკოდ, ეჭვმიუტანლად ჰქონდა ათვისებული და კემშარიტად მიაჩნდა ამ წყაროების მიერ გადმოცემითი ამბავი.

ზოგიერთ ქართველ მეფეს აკაკი ნამდვილად ხალხის მეფედ სთვლიდა.

როდესაც თოვისა და ზარბაზნის დროს — ამზობდა იგი — მეფე მარტო ხალხს კი არ აომებს, არამედ თითონაც ჯარის წინა რიგში ხმალამოწვილი იბრძვის, როგორც პატარა კახი იბრძოდაო, მაშინ იგი სისხლსა ჰღვრის არა მარტო თავისი მეფობისათვის, არამედ მთელი თავისი ქვეყნისათვის, ვით ნამდვილი შვილი ხალხისა, მისი წინამძღოლიო.

საერთოდ კი აკაკი იმ აზრისა იყო, რომ არც ერთი სხვა ქვეყნის სამეფო ოჯახს იმდენი მეთამარი, სარდალი, მსწავლული, პოეტი, მწიგნობარი და რჯულმდებელი არ მოუცია, როგორც ქართველ გვირგვინოსანთა ოჯახებსაო. მათ შორის, რასაკვირველია, მრავალი იყო ტირანიც, ხალხის მტანჯველიც, გარყვნი-

ლიც და ხალხის მოძულეცაო. და სწორედ ამისათვის საჭიროა ნათლად ვიცოდეთ ჩვენი ქვეყნის წარსული, მისი ავკარგი, რათა იგი ცოდნა მოქმედების პროგრამად გამოვიყენოთ.

აკაკი ბატონყვობის საშინელი მოწინააღმდეგე იყო და იგი დიდ უბედურებად სთვლიდა ქვეყნისთვის ფეოდალიზმს. ისე გარეშე მტრებმა არ შეუწყეს ხელი საქართველოს სახელმწიფოებრიობის დამხობას, როგორც ფეოდალებმაო. ამიტომაც დავით აღმაშენებელს აკაკი გენიოს პოლიტიკოსად აღიარებდა, ვინაიდან მან პირველმა გამოუცხადა ბრძოლა ფეოდალებს, შექმნა რა მუდმივი ჯარი და მით განამტკიცა ერთმეფობის ძალაო.

საყურადღებოა აკაკის აზრი საქართველოს რუს-მმართველებზე. ყველა მათგანს საქართველოს მტრადა სთვლიდა. მხოლოდ ერთ მ. ს. ვორონცოვი მიაჩნდა საქართველოს ჭეშმარიტ მოკეთედ. რაც ასი წლის განმავლობაში სახიერო რამ გაკეთებულა საქართველოში—სულ ვორონცოვის წყალობითაო.

როდესაც შენიშნავდნენ, ვორონცოვის პოლიტიკა ისევე გამარჯვებული იყო, როგორც სხვებისაო, მხოლოდ უფრო, რბილი და მით უფრო მიზანმისალმწვეი, —ე. ი. თეთრი კბილი და შავი გულიო,—აკაკის საუბრის ჩვეულებრივი დინჯი კილო იცვლებოდა და, ცოტა არ იყოს, მღელვარებაც დაეტყობოდა ხოლმე.

—კარგი ამბავია, თქვენმა მზემ!—წამოძახებდა აკაკი მთელი თავისი დიდი ტანის მოძრაობით, როცა ტახტზე იყო ნახევრად წამოწოლილი. —კაცმა ქართული თეატრი დაგვიარსა, ქართული ჟურნალი შეგვიქმნა ჩვენიანებისავე სურვილის წინააღმდეგ, სკოლაში ქართული ენის სწავლება შემოიღო, გადასახადები შეგვიმცირა, საერთოდ, ჩვენს კულტურულ წინსვლაზე ზრუნავდა და ამას გამარჯვებული პოლიტიკა დაერქმევა?! ნეტავი სხვებსაც მაგისთანა თეთრი კბილი და შავი გული ჰქონოდათ ქართველებისათვის და მაშინ ჩვენს ბედს ძალიც ვერ დაჰყვდა!

აკაკი ისე ჩაივდა საფლავში, რომ ეს რწმენა ვორონცოვზე არ შეუცვლია. არ ვიცი, იცოდა თუ არა აკაკიმ ვორონცოვის „უქვეშევრდომილესი“ მოხსენება, სადაც იგი თავის ასეთ პოლიტიკას საუკეთესო და იოლ საშუალებად აღიარებდა ქართველების უფრო ადვილად გარუსებისათვის, მაგრამ, თუნდაც სკოდნოდა, დარწმუნებული ვარ, აკაკი იტყოდა, ვორონცოვი მეფეს ატყუებდა, რათა ხელი არ შეეშალა ქართველების სასიკეთოდ მიმართულ პოლიტიკისთვისაო.

იყო თუ არა აკაკი რელიგიურად მორწმუნე ადამიანი და შეადგენდა თუ არა ეს მის შინაგან სულიერ მოთხოვნილებას?

მის ნაწერებში იშვიათად არა გვხვდება, თითქო, ამის მაჩვენებელი ადგილები. ცხოვრებაში ამის დამადასტურებელი ნიშნები მე პირადად არ შემინიშნავს. ეკლესიაში იგი არ დადიოდა. არც ლოცვად ღვომა ჰქონდა ჩვეულებად. მარხვას არ ინახავდა, არც წმინდა საიდუმლოს იღებდა. ერთი სიტყვით, რელიგიურ რიტუალზე ძალიან დაშორებული იყო. მხოლოდ რამდენჯერმე შევნიშნე, მთქარების დროს მარჯვენა ხელს პირთან ისე მიიტანდა, თითქო მოკლედ პირჯვარი გადაისახაო. ეს პატარაობიდან დაყოლილი ჩვეულება თუ იყო,

უფროსებისაგან მექანიკურად ათვისებული. როგორც ვიცით მისივე მოთხოვნილ თავდადასავალიდან, აკაკი ხომ ოჯახში რელიგიურად დიდად იყო დამწყისი. მშვენივრად იცოდა სამღვთო წერილი, განსაკუთრებით ფსალმუნი, რომელსაც იგი დიდ პოეტურ ქმნილებად სთვლიდა.

გარნა სარწმუნოება, ე. ი. ქრისტიანობა აკაკისათვის ზნეობრივ-ფილოსოფიური სისტემა უფრო იყო, ვიდრე რელიგიური დოქტრინა. ხოლო ერთნულ შემცენებაში—აგრეთვე პოლიტიკური ფაქტორიც, ვინაიდან, როგორც აკაკი ფიქრობდა, თავისი არსებობის დაცვის ინსტიტუტურ გარანტიას ქართველმა ხალხმა ქრისტიანობა იღებურ საფუძვლად დაუდგო.

მე ასე მაქვს წარმოდგენილი მის აზროვნებასა და ცხოვრებაში სარწმუნოების მნიშვნელობა. იგი მეტისმეტი რეალისტი იყო, რათა სარწმუნოებრივ მისტიციზმს მისცემოდა.

* * *

აკაკი—ორატორი...

ამაზე ბევრს ვერას ვიტყვი.

ორატორი პაექრობაში გამოიცილება. არ ვიცი, ჰქონდა თუ არა შეხლამეჯახება აკაკის თავის მოწინააღმდეგე ოქრობირებთან? მე მომისმენია მხოლოდ ერთხელ—ორჯერ მისი სიტყვა, უფრო სწორედ რომ ვთქვა, ეგრეთწოდებული „სპიჩი“, საზეიმო ხასიათისა.

უნდა ითქვას, რომ აკაკის ხმა მოდულაციებით არ იყო მდიდარი. პირიქით, მის ბუმბერაზულ გარეგნობასთან შედარებით, აკაკის ხმა საკმაოდ სუსტი იყო და წვრილი.

მეორე, არც მკვერმეტყველური პაუზები იცოდა. ისე, როგორც შინაურ საუბარში, საჯაროდ გამოხვლის დროსაც ექსტიკულაციზე აკაკი ძალიან ძუნწი იყო. მხოლოდ ერთი ჩვეულება ჰქონდა: გაჩერების დროს დიდი თითით და სალოკი თითით ნიკაპის ლარების ოდნავ ნერვიული ფხანვა იცოდა, თითქო ფიქრშია წასულიო, და ამ დროს იმის სახეს ისეთი მეტყველება ჰქონდა, რომ გრძობდით, რალაც მნიშვნელოვანი რამ უნდა ეთქვა.

და ამ მოძრაობას მოსდევდა ან ნაკვეთი რამ სიტყვა, ან პოეტური მეტაფორა. ასე რომ, ერთიც და მეორეც წინასწარ ნავარაუდევია არ უნდა ჰქონოდა და იქვე, სიტყვის პროცესში იხადებოდა.

პათოსი და მგზნებარება აკაკისათვის უჩვეულო იყო. მისი სიტყვა თავისუფლად მომდინარეობდა. არ იცოდა ზოგივით აზრისა თუ სიტყვის ძებნის დროს შორისდებულ ბგერათა აზმუილება, გამოთქმა ჰქონდა მკაფიო. მის მეტყველებაში იმერული კილო გაისმოდა, ხოლო არა მკვეთრად. წერაში თუ ყოველთვის არა, ლაპარაკში მუდამ „ყოლიფეოს“ ხმარობდა, „ყოველისფერის“ მადგერად. სძაგდა საშინლად სიტყვა „ვინაჩრობა“. ერთხელ მასთან საუბარში რომ წამომცდა, ამიჯანჯდა—კახელებმა ეგ რა უშვერი სიტყვა იციოთო. რა არის „ვინაჩრობა“-ო! როცა ვუბასუბე—შეიძლება თქვენს გამოთქმაში მართლა ულამაზო იყოს, ხოლო კახელები სწორედ წარმოვთქვამთ ორივე კომპონენტს—„ვისა“ და „ლაჩარსა“ შეერთებულად და საუცხოო სიტყვა გამოდის—შეთქი,—

დამეთანხმა, ურიგო არ არისო, მაგრამ ისე მივეჩვიე მაგ სიტყვის ჩემებურად გაგებას, რომ შემდეგშიაც ვერ ვიხმარო.

მართლაც, აკაკის ნაწერებში, მგონია, ამ სიტყვას ვერსად შეხვდებით.

აკაკი დეკლამატორიც იყო და დიდალაც მიღებული. საზოგადოება ყოველთვის აღტაცებით ეგებებოდა. მაგრამ, გულახდილად უნდა ვთქვა, ამ გარეგან ტრიუმფში თვით აკაკის დეკლამატორულ უნარს, ჩემის აზრით, დიდი ხედვითი წონა არა ჰქონდა.

საკმარისი იყო მარტოოდენ, რომ აკაკი მონაწილეობას იღებდა ამათუიმ სალიტერატურო საღამოში და კითხულობდა თავის მშვენიერ ლექსებს. ვინ და გიდედათ იმას, თუ როგორ კითხულობდა?! მარტო მისი დიდებული ფიგურისა და ღვთაებრივი სახის გამოჩენა — ისევე, ვით ილიასი — იმგვარ ენთუზიზმს იწვევდა დამსწრე საზოგადოებაში, რომ თვით დეკლამაციის ნამდვილი შეფასება ვისლა ახსოვდა?!

როგორც თითქმის ყოველი პოეტი, აკაკიც, რასაკვირველია, სუსტი დეკლამატორი იყო. ამისათვის მას არც ხმა გააჩნდა, არც მგზნებარე ტემპერამენტი, არც ამ ხელოვნებისათვის აუცილებელი შინაგანი მუსიკალობა.

კითხულობდა იგი ლექსს მკაფიოდ, ცოტა არ იყოს, მოსიმღერო მელოდირობით და მნიშვნელოვანი ადგილების განსაკუთრებული ინტონაციური განფენილობით, რის გამოც მისი ხმა საკმაოდ წვირღვებოდა.

სხვებთან ერთად მეც ვაგიჟებით ტაშს ვუკრავდი, ვინაიდან მოწყურებულნი ვიყავ, რაც შეიძლება მეტხანს ყოფილიყო სათაყვანებელი ადამიანი ესტრადანზე, რაც შეიძლება მეტხანს მეტკირნა მისი მშვენიერი სახისათვის, მომესმინა მისი „უმისოდაც“ მუსიკალური ლექსები.

რალა თქმა უნდა, ვინმე ხელოვანი დეკლამატორი უფრო მეტის ექსპრესიით და გამომეტყველებით წაიკითხავდა მის მართლაც და სადეკლამაციო თვისებებით მდიდარ ლექსებს, მაგრამ აკაკის მაინც ვერ გააუხსებდა საზოგადოების თვალში, ვინაიდან იმ წაშს მსმენელზე მოქმედებდა არა წამკითხველის უნარი, არამედ სულ სხვა საიდუმლო ძალა, სულ სხვა სულთაძვრა.

ესეც არის, მაშინ ნამდვილი დეკლამატორები არც იყვნენ.

6

განსაკუთრებით საამურო მოსასმენი იყო აკაკი, როდესაც, კარგ გუნებაზე მყოფი, თავის ბავშვობის თავგადასავალს მოგვითხრობდა, მეტადრე გინაზიანში სწავლის პერიოდისას.

ეს იყო პაწია ჰუმორული სურათები, უღარესად მხატვრული, თანაც სასაცილო, მაგრამ ამავე დროს სკოლის რეჟიმისა და ამ რეჟიმის განმახორციელებელთა დამახასიათებელი.

არ დამაფიწყდება ჩემს სიცოცხლეში ის ერთი კვირა, რომელიც საჩხერეში გავატარე 1911 თუ 1912 წლის ზაფხულს ბეჟან წერეთლის ოჯახში.

აკაკიც საჩხერეში ბრძანდებოდა თავის სოფ. სხეიტორში და ყოველდღე ბეჟანისას ჩამოდებოდა პაწია ურმით, რომელშიაც შებმული იყო სწორედ ურმის ტოლ — სწორი, საკმაოდ მკლე ხარები.



აკაკი წერეთელი (უკანასკნელი სურათი)

— Так, значит, я говорю, что Пуха и Праха разбили?—შემეკითხა იგი უკვე განრისხებით.—А вот я тебе такого пуха и праха поставлю.. чтобы ты впредь не острил.—ამ მუქარით სტაცა ხელი ჟურნალს და, „ხუთის“ ნაცვლად, დამისვა „ნოლი“.

იმ ოჯახბაქტეულმა ჩემი გულწრფელი სურვილი თავისგამოჩენისა შეურაცხყოფად მიიღო. მე ხომ, ღმერთია მოწამე, მისი მხედრობის სადიდებელი ამბების თხრობას ვაპირებდი, მაგრამ არ დამაცალა.—ასე დაამთავრა აკაკიმ თავისი მარცხის ამბავი საერთო სიცილ-კისკასში.

აი, კიდევ ერთი ეპიზოდი, ზედმიყოლებით ნაამბობი აკაკის მიერ.

— ერთი ამხანაგი მყავდა ვიშნაზიაში (აკაკიმ, რამდენადაც მახსოვს, გონია ვინმე ბაქრაძე დაასახელა) მეტისმეტი „ზურბიაკი“ იყო. ისედაც ხომ ყველაფერს გვაზუბირებდნენ წიგნებიდან. მაგრამ ის მაინც ყველასაგან განირჩეოდა. ერთი სიტყვა რა არის?—ერთ სიტყვასაც არ იტყოდა თავისას. ისტორიის მთელი სახელმძღვანელო ზეპირ ჰქონდა დასწავლილი. მასწავლებელი, რომელმაც იცოდა მისი ბეჯითობა, არასოდეს გაკვეთილს არა ჰკითხავდა. ის კი სულ იჭაჩებოდა და მუდამ თითაშეერილი იჯდა. ერთხელ ისე მოაბეზრა თავი მასწავლებელს ამ გაფშეკილი თითით, რომ მოსვენება არ მისცა ლამის პარტიდან არ გადავარდა. Ну, черт с тобой, говори!—უთხრა სიცილით მასწავლებელმა. იმანაც, გახარებულმა, დააყარა და დააყარა, მოურთო და მოურთო!—სულ წიგნიდან, სიტყვა-სიტყვით... და, რა გაათავა მთლად გაკვეთილის ტექსტი, მოულოდნელად ზედ დაურთო თავმოწონებით „ზრრ, სტრრ შესტნადცატ!“—

მაშინდელ სახელმძღვანელოში ყველა ამბვის ტექსტს ბოლოში მიწერილი ჰქონდა შემდეგი ამბვის გვერდი შემოკლებით „Зр. стр.“ სათანადო ციფრით (ე. ი. „Зрн страициу“ такую то). ეს „ზრრ, სტრრ“ მოსწავლეს ბოლო სიტყვები ეგონა და იმიტომაც განსაკუთრებული გამომეტყველებით წარმოსთქვა, ორჯერაც ენერგიულად თავი დაიქნია და თანაც ჩექმის ქუსლები ერთმანეთს მიაბაკუნა.

მასწავლებელს, ალბათ, მოეწონა მისი ცოდნა გაკვეთილისა, რადგანაც ჟურნალში „ხუთი“ დაესვა. ასეთნი იყვნენ ჩვენს დროს მეცნიერნი და უმეცარნი.

* * *

გარეგნობით წყნარ და დინჯ აკაკის ნაზღვილად იმპულსური ხასიათი ჰქონდა და ადვილად შეეძლო ამათუიმ შემთხვევას აჩქარებით გამოხმაურებოდა. ზოჯჯერ ეს გამოხმაურება სწორე შეფასება არ იყო მოვლენისა და ხანდახან მომენტის შეუსაბამოც იყო ხოლმე.

მაგრამ რაც სხვას ადვილად ეპატიებოდა და ყურადსაღებად არ იქნებოდა მიჩნეული, ის აკაკის „უარყოფითობის“ ანგარიშში ეთვლებოდა.

* * *

აი, ერთი მაგალითი აკაკის იმპულსური მოქმედებისა, რამაც იგი მეტად უხერხულ მდგომარეობაში ჩააყენა, იმდენად უხერხულ მდგომარეობაში, რომ ჩვეულებრივი კუჟამანვილობაც კი ვერ მოიმარჯვა.

პ. გ-ს და გ. დ-ს უსიამოვნობა მოსვლოდათ ერთმანეთთან. მეტად გულ-ფიცხ დ-ს სილა გაერთყა გ-ვის. ეს უქანასკნელი რედაქტორი იყო ქართველთა ჯგუფის მიერ დაარსებული რუსული გაზეთისა და აკაკის კარგი ნაცნობი. სამა-გიეროდ, დ-ე უგულთაღდესი შვეგობარი იყო აკაკისა.

აკაკი ის იყო პარიზიდან დაბრუნდა, თუ არა ვცდები, ამ უსიამოვნების წინა დღეს, თუ იმავე დღეს. მეორე დღეს აკაკის რედაქციაში შეველო. რა მიზნით, ნამდვილად დღესაც არ ვიცი. არვიციმეთქი-იმიტომ ვამბობ, რომ ეს გარემოება სულ სხვადასხვანაირად იყო განმარტებული აკაკისა და რედაქციის მიერ.

საქმე ის არის, რომ იმ საღამოს გამოსულ გაზეთის ნომერში (ერთ დროს გაზეთები საღამო-საღამოობით გამოდიოდა, მაგალითად, ხვალინდელი გაზეთი დღეს საღამოს გამოვიდოდა) ქრონიკის განყოფილებაში, სხვათა შორის, დაბე-ქდილი იყო ცნობა დაახლოვებით შემდეგი შინაარსისა (სიტყვა-სიტყვით არ მიხსოვს)—დღეს ჩვენი გაზეთის რედაქცია ინახულა მსოფლიოში პოეტმა აკაკი წერეთელმა და თავისი გულითადი აღშფოთება გამოსთქვა დ-ს უხამსი მოქმე-დების გამო, ხოლო ჩვენს რედაქტორს თანაგრძნობა გამოუტყდა.

მაშასადამე, მომხდარი ინციდენტი იმდენად გახშიანებული იყო, რომ რედაქცია უკვე სათანაგრძნობო განცხადებებს ბეჭდავდა.

ამ შენიშვნამ საშინლად განაცვიფრა და ააღელვა ის პატარა წრე ნაცნო-ბებისა, რომელთაც თავი მოეყარათ იმ საღამოს ან. ალ. მიახალის ოჯახში. მეც ვიყავი. ყველანი თითქმის ახლო მეგობრები იყვნენ გ. დ-სა და აკაკისა და იცნობდნენ აგრეთვე პ. გ-საც.

თუმცა დ-ს მოქმედება თავისთავად შეუსაბამო იყო, მაგრამ გულახდილად უნდა ვთქვა, უმეტესობის თანაგრძნობა მაინც მისკენ იხრებოდა. ხოლო აკაკის ეიზიტს რედაქციაში სრულიად შეუფერებლად სთვლიდნენ, რადგანაც აკაკი მე-ტად ახლო მეგობარი იყო დ-სა და ასე აჩქარებულად მისი საქციელის საჯაროდ დაგმობა, როდესაც არაფერ იცის უსიამოვნების მიზეზი და მით უფრო ახლად ჩამოსულმა აკაკიმ, მეგობრობის დალატიაო.

ჩვენი წრე ჯერ არც კი დაშოშმინებულიყო, რომ გაიღო კარი და შემო-ვიდა აკაკი.

თუმცა არც ერთი იქ მყოფთაგანს აკაკი არ ენახა პარიზიდან დაბრუნების შემდეგ, მაგრამ ამისდამიუხედავად, თითქმის ყველა, ნამეტნავად ქალები, პირში ეცნენ აკაკის, ისე რომ მან დაჯდომაც კი ვერ მოასწრო.

გაფთხრებული იერიში მიიტანეს აკაკიზე, თუმცა ყველა მოიერიშე დიდი პატივისმცემელი იყო მისი. მაგრამ დ-ს დაგმობას ისე აელელებებინა ყველანი, რომ არ მოერიდნენ საკმაოდ მკაცრ საყვედურებს.

— რა სულწასულობა იყო თქვენგან? რა გაჩქარებდათ ასე, რაზე მიბრბო-დით რედაქციაში თანაგრძნობის გამოსათქმელად და ჰგომბდით თქვენი გული-თადი მეგობრის საქციელს, როცა, ალბათ, არც კი იცით, ვინ იყო დამნაშავე, რამ გამოიწვია მათი შეტაკება? რა პირით უნდა შეხედოთ დ-ს, რით უნდა იმართლოთ თავი? ეს არის თქვენი მეგობრობა?—მიაყვირეს და მიაყვირეს

ლსის გავლენის ქვეშ, რასაც მისი „კეთილისმყოფელი“ „ავგუნებიანობით“ ხსნიდნენ.

ახლა ცოტა რამ ანეგდოტური.

ერთ საღამოს ქართულ თეატრში დანიშნული იყო ახალგაზრდა სცენისმოყვარეთა გამოსაცდელი წარმოდგენა. მონაწილეთა შორის ჩემი მეგობრის ალ. წუწუნავას დაცვია. მე ძალიან მაინტერესებდა მისი სასცენო სვე-ბელი, რადგანაც ვამეგო ნიჭიერიას, თუმცა პირადად არ ვიცნობდი.

სამწუხაროდ, დამიგვიანდა და თეატრში იმ დროს მივედი, როცა პირველი მოქმედება უკვე გათავებულიყო და დარბაზიდან ხალხი გამოდიოდა.

პირველი ვინც შევხვდა, იყო აკაკი. შევეკითხე—რა შთაბეჭდილება მოახდინეს თქვენზე ახალგაზრდესმა, როგორ მოგეწონათ, მაგალითად, წუწუნავას ქალი-მეთქი.

— აბა რა გითხრა?— მიპასუხა აკაკიმ.—ჯერ კი ყველანი წუწუნავები იყვნენ და შემდეგ რა იქნება—შენ თითონ ნახავ.

ქართული პოეზია აკაკის უნდა უმადლიდეს, რომ ჩვენ პოეტთა პლეადას არ შეემატა ჩემის სახით კიდევ ერთი უნიკო მოშაირე. თვით მე ხომ პირდაპირ უბედურებისაგან მიხსნა. უნიკო პოეტზე უბედური რალა და ვილა შეიძლება იყოს?!

აი, როგორ მოხდა ეს, ჩემთვის მეტად მრავალმნიშვნელოვანი ამბავი.

თოთხმეტ-ხუთმეტის წლისა ვიქნებოდი. გამოცდებს ვაბარებდი თბილისის სარკინისგზო ტექნიკურ სასწავლებელში შესასვლელად. რუსულ ენაში გავიმარჯვე, მაგრამ წინ რუბიკონად მათემატიკა მედგა, ხოლო მისი ტოტი—გეომეტრია ყოველთვის დაღრჩობას მიპირებდა ხოლმე და ამ რიგობაზე დამაღრჩო კიდევ. ერთი სიტყვით, ჩავიჭერ მაშაპაშურად და გაცრუვდა ჩემი დიდი იმედი ზორბა ორთქლმავლის ზორბა მემანქანედ გამოსვლისა.

ამან ძალიან გამაგულისა და დავწერე... ლექსი. რამდენადაც მახსოვს, ლექსში მგზნებარე პროტესტი იყო გამოთქმული ყველას წინააღმდეგ, გარდა ჩემი საკუთარი თავისა, ნაცარტუტას ვადენდი ყველას, ვინც მე... გამოცდაში ჩამჭრა.

ერთხელ როგორღაც აკაკი დავიმარტოხელე და თუმცა მოწინებით, მაგრამ თანაც იმედით წარუდგინე მას ჩემი ნაღაწ-ნააშავარი.

ჯერ ზეპირ მომისმინა, მერე, რაკი, ალბათ, ჩემმა დეკლამაციამ არ დააკმაყოფილა (ძალიან ველეავდი) და იფიქრა, შეიძლება დაწერილი უკეთესი იყოს. ვიდრე წაკითხულიო.—გამომართვა ხელნაწერი და გადაიკითხა. ხელი ძალიან კარგი მქონდა, რაც უკვე აშკარა მაჩვენებელი იყო ჩემის უნიკობისა, ხოლო ეს მაშინ არ ვიცოდი. ყველა ნამდვილი პოეტი ხომ საძაგელი ხელის პატრონია.

მაგრამ, როგორც ჩანს, არც ჩემს დეკლამაციას დაეკლო რამე ლექსისათვის, არც ჩემ ხელს მოემატებინა რამე.

აკაკი რომ აკაკი იყო და „ნიჭიერთა“ წახალისებას ჩვეული, იმანაც კი ამ რიგობაზე ვერა მოახერხე რა იმის მეტი, რომ განტყვების ღიმილით მითხრა:

— აი, ამ ლექსზე ვატყობ, უკეთესის დაწერა შეგიძლიან...

ეს იყო და ეს!.. ამით გათავდა ჩემი და პოეზიის მოყვრობა. ბავშვი ვიყავ, მაგრამ თავდაცვის ინსტიქტმა მისნა განსაცდელისაგან... ვიგრძენ, რომ ლექსის წერა ჩემი მოწოდება არ იყო.

დამწყები მწერალი ვიყავ, აკაკი * რომ ერთხელ „იერიის“ რედაქციაში შემხვდა კარგა ხნის უნახავი ვიყავით, მაგრამ მაშინვე მიცნო, თუმცა ჯარისკაცის ფორმა მეცვა.

— გამარჯობა შენი!— მომმართა აკაკიმ, და თან სიცილით დააყოლა— კაცო, მე მეგონა, შენ ჭკუა მარტო ფეხებში გქონდა, თურმე თავშიაც გქონია!..


ასე ორაზროვნად შეუხდა აკაკი ჩემს გამწერლებას.

დღესაც არ ვიცი, რას ნიშნავდა აკაკის სიტყვები— მოწონებას, თუ დაცინვას? „ფეხების ჭკუად“ იგი გულისხმობდა ლექსურის თამაშს, ყრმობისას რომ სცენაზე მხედავდა. რა ვქნა? მჭირდა ეს ცოდვა ასაკში შესვლამდე, რომელ კახელს ნახავთ ამ მხრივ უცოდველს?!

„თავში ჭკუა“— მე მაშინ ისე გავიგე, რომ მწერლობას გულისხმობდა. ავად თუ კარგად-არვიცი. ეს არის მხოლოდ, მიუხედავად ამ გაუგებრობისა, მაინც მწერლობისათვის თავი არ დამინებებია.

1939 წ. ნოემბერი.

თბილისი.



აკაკი კახეთში

რიონის პირას

მოგონება აკაკიზე¹

აკაკი ყრმობიდანვე მახსოვს. მისი ნამდვილი ბუნება კი უკეთ უფრო გვიან ვიგრძენი, ქუთაისში, ჩემი მამიდების, კატო და ანიჩკა ნიკოლაძეებისას, გინწახიაში რომ მიმბარეს, 1896—98 წლებში.

ოცამდე მოზარდი ვიყავით მამიდების ცნობილ „რიონის-პირა“ პანსიონში და ამ მოგონების მიზანია აკაკის სურათის აღდგენა იმ ჩვენს, აკაკის საყვარელ „მწვანე-გველიურ“ გარემოში და ამავე დროს მისი ძველი, განსაკუთრებული მეგობრის, ანასტასია ნიკოლაძის გვერდით.

რა მზიარულ, მკიდროდ შეკავშირებულ ახალგაზრდა „კომუნას“ წარმოადგენდა კირილე ლორქიფანიძისა და აკაკის მიერ ასე მონათლული ჩვენი პანსიონი. და როგორ გვიყვარდა აკაკის ჩამოსვლა ქუთაისში. ჩვენთან ჩამოხტებოდა ხოლმე. მზიარული, ამყალი და თიჯოს ჩვენზე უფრო ახალგაზრდა ყოველგვარ ეშმაკობასა და ოინებში, იგი ყველას ფეხზე გვაყენებდა თავისი გამორჩენის პირველივე წუთებიდან.

ხან ლექსს წაგვიკითხავდა, ან ჩვენ გვათქმევინებდა; ხან სიცილით დაგვბოცავდა რისიმე მოყოლით; ხან პირიქით, დაცინვით რომელიმე ჩვენგანს კიდევ აატირებდა ხოლმე. ხან რაიმე დაუვიწყარი მოგონებით ვაგვიტაცებდა და თითონაც აგვეყვებოდა ამ გატაცებაში.

იმ დროიდან ყველაზე უფრო ცოცხლად ასეთი სურათი მიდგება თვალწინ: ქუთაისის თეთრი ხიდის სიახლოვეს, რიონის მაღალ ნაპირზე იღვა ბაბუა-ჩვენის ძველი, ნახევრად დანგრეული ხის სახლი, მისი მშვენიერი, წყალზე გადაყურე აივნით. ძირს კი კლდეებზე აზვირთებული რიონი ჩქეფდა, ურჩი და თეთრად აქაფებულ. როგორ გვიყვარდა მასთან თამაში და მისი ტალღების „წვიმა“. მეტადრე აკაკის ჩამოსვლის დროს. როგორ ველოდით დილაობით, ნაპირზე მიმალულები, მისი კარის გაღებას, მისი აღდგომის დრო რომ მოახლოვდებოდა. პირშიმარო და თმააბურძენული, მზიარულად გამოდიოდა იგი, მზით მოსილი, წყალზე გადაკიდებულ აივანზე. სახეს და გულმკერდს დილის სიოს შეუშვებდა, ჩვენ მზიარულად აბრწყინებულ თვალს გადმოგვაყვებდა და ყველას ერთად ჩამოგვცახებდა თავისი ახალი ლექსის გადაკეთებით:

გამარჯობა, ქუთაისო,

საგარდო და სამაისო.

და მართლაც, გინდა ზაფხული ყოფილიყო, გინდა შუახამთარი ყინვით და თოვლით, აკაკის ჩამოსვლას ყოველთვის თან თითქოს ია და ვარდი მოჰქონდა.

¹ 1910 წელს იანვარში პოეტმა გ. ლეონიძემ მიმართა დედაჩემს ოლგა გურამიშვილ-ნიკოლაძეს წინადადებით, მოგონება დაეწერა აკაკიზე. დედა უკვე მძიმე ავად იყო იმ დროს და ეს ვერ შეასრულა. მე მომანდო მის მაგიერ დაწერა და ბევრი რამ თითონაც მოიგონა, ჩემს მასალაში შესატანად. ყოველ თავს მას ვუკითხავდი, და მას საჭირო შესწორება შეჰქონდა, ან ჩამატება. ისე რომ ამ მოგონებაში დიდი წვლილი მას ეკუთვნის, და არა მე. მაისში დედა გარდაიცვალა და მისი მოგონებების ჩანაწერი დღემთავერებული დავერჩა.

*
*

სულ პირველად კი, ჩემი იმდროინდელი ბავშვური წარმოდგენით, ამის საწინააღმდეგო გარემოში მახსოვს აკაკი, როგორც პოეტი. ეს იყო ბარათაშვილის თბილისში გადმოსვენების დღეს, 1893 წლის 25 აპრილს.

8 წლის ვიყავი, როცასაც ეს მოხდა. და ის დღე სასწაულებით მაქვს შეტანილი ჩემს ბავშვურ, სამხაზიან „დღიურში“.

იმ ხანის საქართველოსათვის ეს გადმოსვენება იმდენად დიდ საზოგადოებრივ მოვლენას წარმოადგენდა, რომ დედამ მეც თან წამიყვანა, ახალი ნაავად-მყოფარი.

როგორ გამზარდა და გამამდიდრა იმ დღემ: პოეტის კუბომ და მისი „მერანის“ შეგრძნობამ.

ჩვენს ოჯახში ბარათაშვილი და ძველი მწერლობა დედის რძესთან ერთად ჰქონდა ყველას შეთვისებული. დედის დედა ქეთევანი, დედა, მამა, დეიდები და ბიძაჩვენი დავით გურამიშვილი სულ მისი ლექსებით შეტყუებულდნენ, როდესაც მწერლობაზე ჩამოვარდებოდა ლაპარაკი. ეს კი მუდმივი მოვლენა იყო ჩვენს სახლში.

განსაკუთრებით აფასებდა ბარათაშვილს ილია. არ მახსოვს არც ერთი ისეთი წესვედრა მისი ბებიაჩვენთან, რომ ცალკე შოთაზე, ცალკე ბარათაშვილზე და სხვა ძველ მწერლებზე არ ყოფილიყოს სიტყვა ჩამოგდებული, მათი ლექსების წარმოთქმით და შედარებით.

ამიტომ ვასაგებია, რა დიდი შთაბეჭდილება მოახდინა ჩემზე ილიას და მამაჩემის მიერ მოტანილმა საოცარმა ამბავმა, რომ ნახევარ-საუკუნის წინ გადაცვლილი პოეტის გვამს თბილისში მოასვენებენ შორეულ მიდამოების „ტიალ მინდვრებიდან“ და დიდუბეში უმზადებენ საფლავს, „მისსა წინაპართ საფლავთა შორის“.

თითქმის არა მძინებია ამ დიდი მოვლენის წინა ღამეს და ვათენებისას ისე ადრე წამოვბეტი, რომ მე და ბებია ქეთევანი ერთად შევხვდით მამაჩემს აივანზე¹, მზის ამოსვლისას. აპრილის მშვენიერი დილა იყო და მზე მთაწმინდას აბრწყინებდა თავისი პირველი სხივებით.

— ყოჩაღ, უკვე ამდგარხარ! მომმართა მე მამამ, რომელიც ადრე ადგომას გვაჩვევდა. — რა მშვენიერი დილაა, მიუბრუნდა იგი ბებიაჩემს და წამოიძახა სიხარულით: „ცა ფირუზ, ხმელეთ ზურამუხტო“-ო...

სულ რამდენიმე თვე იყო, რაც ალტაცებულმა გიორგი წერეთელმა პირველად მოუტანა მამას აკაკის ეს ახალი ლექსი, დაწერილი „კვალის“ პირველ, სააღლუმო ნომრისათვის (და დიმიტრი ყიფიანის საფლავისათვის). აქამდე მახსოვს, რა ალტაცებაში მოიყვანა ამ ლექსმა მთელი ჩვენი ოჯახი, აგრეთვე როგორც შემდეგ ყველა ჩვენი სტუმარიც.

სათაური „ვანთაიდი“-ც სპეციალური მნიშვნელობით იყო შერჩეული და ლექსი ალივით მოედო მთელს იმდროინდელ ქართველ საზოგადოებას.

¹ 1892—93 წელი თბილისში გავატარეთ, ყოფ. ბაღების ქუჩაზე (Садовая, ამჟამად ენგელსის ქ.) № 64 სახლში, მეორე სართული.

იმ დროს ჩემი და ბებია ქეთევანის საყვარელი ლექსი აკაკისა იყო „სიზმარი“, ჩვენი სამი სათაყვანებელი გმირი-ქალის სურათით და ქართული ენისა და ერის დიდებით.

მე და გიორგის, ჩემს პატარა ძმას, ბებია ყოველ საღამოს გვიამბობდა რაიმე შესანიშნავს ამ ძველი ქართველი გმირობიდან, — სინამდვილიდან ან ზღაპრულიდან და შემდეგ უსათუოდ ან „ვეფხისტყაოსნიდან“ წაგვიკითხავდა რასმე შესაფერისს, ან ახალი პოეტებიდან, რომელთაც, ბებიას აზრით ბარათაშვილის თაობაც ეკუთვნოდა ილიასა და აკაკისთან ერთად, და მათ შორის ბებია ყველაზე მაღლა აკაკის აყენებდა. აკაკის „სიზმარს“ იგი „ივერიის სამებას“ უწოდებდა, რადგან ეს ლექსი აკაკის თურმე ილიასთვის ჰქონია დაწერილი, მისი გაზნეთი „ივერიის“ გასაუკვდავებლად“, როგორც აკაკიმ იცოდა ხუმრობით თქმა. ბებია ქეთევანი შეყვარებული იყო ამ ლექსში, და სულ იმეორებდა მის საუკეთესო ადგილებს.

„განთიადმაც“ ასეთივე შეფასება მიიღო ბებიასაგან. მე გვერდში ვყავდი, როდესაც მან ილიას უთხრა, ამ ახალი ლექსით ალტაცებულმა: — შენი „ივერიისათვის“ შექმნილი „სიზმრის“ შემდეგ ჯერ ასეთი არა გამოუთქვამს რა მისი გულის კენესასაო.

— დიდი პოეტია აკაკი, წამოიძახა იმ აბრილის დილას მამაჩემმა: არ მომკვდარა ბარათაშვილი; ისა სჯობს მამულისათვის, რომ შვილი სჯობდეს მამასა...

მას აქეთ აკაკის სახელი აელვარებული, ალისფერი ასოებით აინთო ჩემს ბავშვურ წარმოსახვაში მთაწმინდის შავი სილუეტის ფონზე.

როდესაც ზღვა ხალხით ავისილ ქუჩებში და დიდუბის მინდორში დიადი კუბოს გვერდით აკაკის ლომისებური თავი და მხარბეჭი დაეინახე, ქარით ანიავებული თმით, იგი კუბოდან ამდგარ ბარათაშვილად მომეჩვენა, მისი მერანის შავ ფრთებზე შემდგარი და თავისი განთიადის სხივებით კაშკაშად აარწყინებული...

* * *

1—2 წლის შემდეგ მამა ფოთში მიიწვიეს სამუშაოდ და ჩვენც თან წაყვებით. რამდენი საინტერესო რამ გავივით ბავშვებმა იმ წლებში ჩვენი უფროსების კამათიდან ჯერ თბილისში, ჩვენსა და „კვალს“ რედაქციაში, 1893—94 წლებში, შემდეგ კი ფოთსა და ჯიხაიში.

მამა ფოთის სახლგაო მომავალს აყენებდა ყველაზე წინ საქართველოსათვის რუსეთის თვითმპყრობლობის მონობიდან თავის დასაღწევად; აკაკი და გიორგი წერეთელი კი „ძველებურად“ ქუთაისის წარსულის „კვალს“ აწერდნენ ყველაზე მეტ მნიშვნელობას.

ასეთ გარემოში დაიბადა აკაკის „ქუთაისი“ და „ზღვაო, ალელი“, ორივე ეს მისი მშვენიერი „იმერეთით ნამღერი“ და საინტერესო კამათით „ცეცხლშენთებული“ ლექსი. გიორგი წერეთელი იმ დროს უკვე თავისი „პირველი ნაბიჯის“ შესავალ თავებს ამზადებდა, რომლებიც ანარეკლი იყო ფოთის ძველი პორტის არქაიული მშენებლობის და ძარცვა-მეჭრთამეობისა; მამა კი ახალი მშენებლობის გეგმებს აგებდა, მაშინ, როდესაც აკაკი მას ძველად დაწერილი ლექსიდან „ფოთი“ დამკინავ ციტატებს აყრიდა სეტყვასაგით:

„ფულით ვერ ძღვება დღეს ფოთი“, და ა. შ.

მეტად დამახასიათებელია აკაკისათვის, რომ მას რალაც ორგანიული „ოპოზიცია“ უღვივოდა გულში ფოთის მიმართ. მან ფოთის რიონიც კი აითვალწუნა ამის გამო და სპეციალურად მამასათვის შექმნა თავისი „ქუთაისის“ რიონფაზისის ეს ზღვასთან შერთვის სურათი:

სადღა არის ოქროს სილა?...
 შლამ-ტალახით ამოვსილა...

სულ ამის უმეორებდა აკაკი მამას ფოთის ფაზისის შესახებ, რომელსაც იგი ყოველთვის ქუთაისის ურჩ და შეუპოვარ რიონს უპირდაპირებდა. ან კიდევ ბათუმის ქოროხს.

ფოთის პორტის გარეთ შავად განრისხებულ ზღვას კი იგი ალტაცებამო მოყავდა და მისი „ზღვაო აღელდი“ მითია ნამღერი 1894 წელს.

ზღვაო, აღელდი, აღელდი,
 ქარტხილს დამოვრჩილე...

...პოეტო, ნურც შენ ეკრძალვი მრისხანე გულის დღღვასა...

ამ ლექსის წყობა დედა-ენის „მზეო ამოდი, ამოდის“-ს რიტმითაა წარმოშობილი, თვით აკაკის თქმით. დამახასიათებელია, რომ მისი ბოლო სიტყვები ნაწილობრივ მამაჩემის ახალი გატაცების საწინააღმდეგო პროტესტს შეიცავენ: მწერლის კალამი მშენებლობაზე რატომ გაცვალეო?

აკაკიმ რამდენჯერმე წაგვიკითხა ეს ლექსი ჩვენი რიონის ზედა აივნიდან, გაზაფხულის წვიმებით აზვირთებული რიონის წინ და სპეციალურად დამაბარა, მამა შენს მისწერე ამის შესახებო.

პორტის მშენებლობა მას მამაჩემის საზოგადოებრივ „ძილად“ მიაჩნდა და მწერლის მოწოდების ლალატად...

* * *

თითქმის 12 წლისა ვიყავი, ქუთაისში რომ გამისტუმრეს, მამიდებთან და იქაურ ქალთა გიმნაზიაში მიმაბარეს. იმ დროს მამიდებს ოცამდე მოწაფე ვყავდით: ორი ქალი, — მე და მათი ნათლული ელენე ჩხეიძე, დანარჩენი კი ბიჭები, ერთი მეორეზე უფრო ცოცხალი და ეშმაკი, ზოგი გიმნაზიაში მოსამზადებლად იყო მობარებული, უმრავლესობა კი უკვე სწავლობდა გიმნაზიაში, უნცროს ან უფროს კლასებში.

ერთ მთლიან, მჭიდროდ შეკავშირებულ ოჯახს წარმოადგენდა ჩვენი პანსიონი. აკაკის ძალიან უყვარდა ეს ჩვენი „ქაჯეთი“, როგორც იგი ხშირად გვიწოდებდა, როდესაც ჩვენს ეშმაკობას აჰყვებოდა ხოლმე, და მასაც ჩვენთან ერთად მოხვდებოდა მამიდა კატოსაგან. უამისოდ ვერც წარმომიდგენია აკაკი ქუთაისში.

ჩვენი რიონისპირა ქაჯეთი და მისი „ნესტანი“ — მამიდა ანიჩკა ერთერთი შერთლაც „საეარდო და საამისო“ ფურცელია აკაკის მდიდარ და მრავალფეროვან სიცოცხლეში.

მიყვარს ფაცხა მე მეგრული,
 ხედ კორტოხზე წარმოდგმული.

ამ სიტყვებით შემოაბიჯებდა ხოლმე იგი ჩვენს ძველ სახლში და იმწამსვე ჩვენ მოგვიბრუნდებოდა და გვეითხავდა: როგორ ხართ, ქაჯებო? აბა, გამოტყდით, ვინ რა იეშმაკეთ?... თან ისეთ „თვალს“ გვიხამდა მამიდებისაკენ, რომ მხიარული იმედებით აგვივსებდა გულს ახალი ეშმაკობის მოლოდინში...

რა დღესასწაული იყო ჩვენთვის ყოველი მისი ჩამოსვლა! სულ კუდივით უკან დაედევდით რაიმე მორიგ საინტერესო თქმას ან მხიარულ „ნომერს“ მოწყურებულნი.

არავის არ ჰკავდა ამაში აკაკი თავის თერგდალეულთა წრიდან. თბილისში მამა და ილია ჰეჭეჭეძე, ქუთაისში კი მამა და კირილე ლორთქიფანიძე — ყველგან მხოლოდ მწერლები და საზოგადო მოღვაწეები იყვნენ ჩვენს ბავშვურ წარმოდგენაში: „დიდები“ და ამიტომ მხოლოდ უფროსებისათვის მისაწვდომები. ჩვენ კი, უმცროსები არც კი ვახსოვდით, თუ საქმით იყვნენ გატაცებული ან ცხარე, გაუთავებელი კამათით.

ერთად ერთი მათ შორის ჩვენი, ბავშვების საყვარელი სტუმარი და მეგობარი, აკაკის გარდა, იყო აგრეთვე გიორგი წერეთელი, რომელიც საკმაოდ ხშირად ჩამოდიოდა ქუთაისში და ჩვენთან ჩამოხტებოდა ხოლმე¹, მეტადრე მას აქეთ, რაც მეფის ცენზურამ მისი „გულქანი“ აკრძალა 1896 წელს თბილისში და იგი ახლა რაღაც საბავშვო მოთხრობებს ბეჭდავდა ქუთაისში.

გიორგი წერეთელს ძალიან უყვარდა ბავშვები და ახალგაზრდობა, მაგრამ სულ სხვანაირად, ვიდრე აკაკის: იგი ყოველ ჩვენგანს საბრძოლველად გვამზადებდა. აკაკის კი ჩვენი ცელქობა და სიცხოველე უშუალოდ იზიდავდა.

გიორგი წერეთელში ჩვენ მეგობარ-მასწავლებელს ვგრძნობდით და არა თამაშობის ტოლ-ამხანაგს. რა არ გაივლიდა ჩვენს თვალწინ ამ ყველაფრის მცოდნე, გატაცებული მოამბის ჩამოსვლისას, განსაკუთრებით ჩვენი ხან შორეული, ხან ახლა წარსულიდან, რომელიც მას ასე უყვარდა, ნამდვილიც, ლეგენდარულიც.

ზოგჯერ აკაკიც ესწრებოდა ამ „მოყოლის“ საღამოებს, და მამინ ზღაპარი და ლეგენდა იმარჯვებდა: ამირანი და ქართლოსი; არგონავტები და ფაზისი; „აკაკის“ ნინო და თამარი; გელათის დავით აღმაშენებელი; მეორე დევითი და კონსტანტინე, ჩვენი მოწამეთის წყალწითელიდან.

შესანიშნავი საუბარი იცოდა აკაკიმ, მეტწილად იუმორირარევი. გიორგი წერეთლის ვადმოცემა კი ყოველთვის „ცეცხლწაქიდებული“ იყო და „ცეცხლის მომდები“.

ასეთივე იყო მისი საუბრის თემებიც: „უღელი“ და რუსეთის „ქალთა ფერიანი“ შეეცარიაში. რუსეთის მებრძოლები და მათი გაცნობა ან შეხვედრა

¹ გიორგი წერეთელი მამანემის შუათანა დის ოლიმპია დას ქმარი იყო.

თერგდალეულებთან. იტალიის, საფრანგეთის, ამერიკის მეზობლები. პარიზის კომუნა და კომუნარები. გარიბალდი და მისი რაზმი. მათი ბრძოლა და გამარჯვება... რას არ გვიამბობდა გიორგი წერეთელი თბილისიდან ჩამოსვლის დროს? სტამბაში წავიყვანდა თან, სადაც მისი „ჩვენი გმირები“ იბეჭდებოდა ჩვენთვისვე, რაც აგრეთვე დიდი დღესასწაული იყო ჩვენთვის.

მაგრამ ყველა ამაში გიორგი წერეთელი წინა თაობიდან ჩამოსული სტუმარი იყო ჩვენი ნორჩი გულაგზნებული რიონისპირა წრისათვის. რამდენი რამ უნახავს, გამოუცდია, დაუწერია და გაუკეთებია ამ წინათაობას თვით გიორგი წერეთელთან ერთად.

აკაკი წერეთელი კი დროისა და სივრცის გარეშე იღვა ჩვენს წარმოსახვაში: იგი ხან შოთას გვერდით გვევლინებოდა, როგორც ჩვენი „რჩეული ერის“ „მზის ტოლი“ მგოსანი, ჩვენთვის მიუწვდომელი ჩანგითა და გულის სიმებით. ხან კი, პირიქით, ჩვენ ტოლამხანავად მიგვაჩნდა, ჩვენსავით ცელქად და ეშმაკობაში ამყოლად.

სასადილო ოთახში რომ შევიკრებოდით საკლასო ოთახიდან, გაკვეთილებზე მუშაობის შემდეგ, დამწეულები და აკაკის ოხუნჯობისათვის „ქბილებგალესილები“, აკაკის თითქოს ელდენი გაუვლიდა, ისე გამოცოცხლდებოდა ხოლმე: წამოხტებოდა, 40 წელს მხრებიდან ჩამოიშორებდა და სიცილით მოგვეგებებოდა: შემოგვესივნენ ქაჯები, ხმალი ვიშიშელოთო! და... შევიბრს გამოგვიცხადებდა ცელქობა-ეშმაკობაში: აბა, ბიჭებო, ვინ მაჯობებსო?

ასეთი იყო ჩვენი მხიარული „ქაჯეთის“ შინაცხოვრება. ასეთი იყო თვით აკაკიც ამ „ქაჯეთში“, ჩვენი ძვირფასი მამიდების სტუმართმოყვარე, ძველ სახლში. მუდამ მცინარე, ახალგაზრდა, სიცოცხლით სავსე და სულიერად ჩანგაქდებულნი.

ძნელი წარმოსადგენია ერთსადანიშავე ოჯახში მეტი ანტიპოდები, ვიდრე ნიკო ნიკოლაძის ორი და იყო: კატო და ანიჩკა (ახასტასია) ნიკოლაძეები.

მამას ხუთი დიდან მარტო ეს ორი იყო უქმარშვილო. მთელი თავიანთი სიცოცხლე მათ შესწირეს საზოგადო საქმეს, ახალგაზრდობის აღზრდას. თავის დაობლებულ დისწულებთან ერთად მათ მთელი მოსწავლე ახალგაზრდობა მიაჩნდათ საკუთარ ოჯახად მეტადრე თუ რომელიმე მათგანი ნიქს გამოიჩინდა და თვითმპყრობელობის ურჩობას.

სულ სხვადასხვანაირი ბუნებისა და პიროვნების პატრონები, კატო და ანიჩკა ამავე დროს იმით იყვნენ ცნობილი, რომ უფრთმანეთოდ ვერც სძლებდნენ და ვერც წარმოიდგენდით მათ ცალცალკე. თითქმის ერთ დღესაც გარდაიცვალა ორივე. დასაფლავებულნიც ერთად არიან, თბილისში.

მამიდა კატოს 77 წლიანი ცხოვრება-მოღვაწეობიდან (1854—1931) მან მხოლოდ სამი წელი გაატარა უანიჩკოდ, 70-იან წლებში (1873—1976), როდესაც ძმამ იგი და შუათანა და ოლიმპიადა შვეიცარიაში წაიყვანა ქართველ სტუდენტ-ქალების პირველ რაზმთან ერთად. მამიდა ანიჩკა კი არც მამის მოშორებია ოჯახურ კერას, როგორც უფროსი და¹ (1846—1931).

¹ ყველაზე უფროს დას, ნატალია ქორქაშვილს (1840—1909) საკუთარი ოჯახი ჰქონდა.

ყველაფერში „არქიპოლუსები“ იყვენ კატო და ანიჩკა აკაკის მხიარული დახასიათებით. მამიდა ანიჩკას იგი ნაზ იას ადარებდა ჩვეულებრივ, მამიდა კატოს კი... ჰინჰარს, რომლისგანაც მასაც კარგად მოხვედრია არაერთხელ: ვა, ბეჩა აკაკი, ასე რამ გაგავიეთაო...

მამიდა კატოს, ამგვარ „კომპლიმენტებს“ მეტად კარგ გუნებაზე მოჰყავდა აკაკი. იგი მხიარულად გადაიხარხარებდა ხოლმე და წამოიძახებდა, თავისივე ლექსის ოდნავი შეცვლით:

ოჰ, აკაკი... ჰინჰარში ნუ ვარდები...

ნუ გგონია იქ ია და ვარდები..

მამიდა ანიჩკასთვის კი მას პირიქით, რამდენჯერ გაუმეორებია, თავისი „ვაზაფხულიდან“:

დავენოს ვარდსა გადაშლილსა,

ვუპერეტ ნახად დახრილ იას...

რაზედაც მამიდა ანიჩკა უცვლელად უსაყვედურებდა დაბალი, დღევით ჩაყრუებული ხმით: „კაი, აწი, აკაკი, ნუ იცი ეს“...

დაუცბრომელი ენერგიით სავსე, მოუსვენარი მუშაკი და ახალ-ახალი საქმეების წამომწყები, მამიდა კატო ბუნებით მოწოდებული საზოგადო მოღვაწე იყო და ამავე დროს თავისი ოჯახისა და პანსიონის ენთუზიასტიც.

ქუთაისში მამიდა კატო არცერთ საზოგადო საქმეს არ აკლდებოდა. თითქმის ყველგან იგი ერთერთი მთავარი ინიციატორი იყო და წამოწყების სული და გული. ქართული თეატრი, თარგმანები და გამომცემლობა, მუშებისათვის იაფფასიან წარმოდგენათა მოწყობა, სახალხო ჟინიერსიტეტის დაარსება და ხელმძღვანელობა, სტიპენდიები, „საიმედო“ ახალგაზრდების და დევნილების დახმარება,—სად არ შეხვედებოდა მას ქუთაისში 40—50 წლის მანძილზე, 70-იან წლებიდან 1920-დე. ყველა ეს ქუთაისის ქალთა წრის საქმე იყო, რომლის სულსა და გულს მამიდა კატო შეადგენდა რამდენიმე თავის მეგობართან ერთად, რომელთა შორის 90-იან წლებში ყველაზე უკეთ მახსოვს მელ. გველე-სიანი, ელ. ხელთუფლიშვილი და ნიცა წერეთელი.

ამ ქალთა წრის საუკეთესო მეგობარი და ხელისშემწყობი იყო აკაკი. ყოველი მისი ჩამოსვლა ქუთაისში ამ წრის რაიმე წამოწყებასთან იყო დაკავშირებული, ან მას იწვევდა თავის შედეგად.

სულ სხვა იყო მამიდა ანიჩკა. პატარა, წყნარი და „ზამბახივით ნაზი“. იგი მართლაც ქაჯეთში დატყვევებულ ნესტანდარეჯანს ემსგავსებოდა ჩვენს მხიარულად ახმაურებულ პანსიონში. აკაკი მას „პატარა ქალბატონს“ ეძახდა ალერსიანი ხუმრობით და ამ ეპიტეტით დაწერილმა აკაკის წერილებმა ჩვენამდეც მოაღწია. როგორც გარეგნულად, ისე მთელი თავისი ბუნებით მამიდა ანიჩკა რალაც ნაზ გრძნობებს იწვევდა თავისადმი ყველაში, ვისაც შეხვედებოდა: მზრუნველობას, თბილ ალერსს. ახალგაზრდობაში ძალიან ლამაზი, იგი ახლაც მშვენიერი გარეგნობის იყო, პატარა და კობტა.

ვერავის წარმოედგინა მისი ხმის ამაღლება, ნაბიჯის აჩქარება და მოთმინებიდან გამოსვლა. მამიდა კატო კი პირიქით, ფიცხი და სწრაფი ბუნების ადა-

გავიყვებით გვიყვარდა აკაკის ასეთი „მოგონებაზე დადგომა“, რასაც მასში ყოველთვის მამიდა ანიჩკა იწყევდა.—გახსოვს, ნიკო როგორი უტრეზაწითლებული დავებრუნდა ერთ დღეს? მიუბრუნდებოდა აკაკი მამიდას და დაიწყებოდა მათი საერთო მოგონებები: ქალებს როგორ ზრდიდნენ იმ დროს, სანამ მათ ძმებს ნიკოლოზ-პირველდროინდელ გიმნაზიაში სჯანჯავდნენ, და სამარცხვინოდ როზგავდნენ კიდევ... პირველი ქალები როგორ მიიბარეს რუსულ „პროლიმნა-ზიაში“, და მათ შორის ორი „ალეირკიანი“ დეიდაშვილიც: ანიჩკა ნიკოლაძე და მაშეკო ხელთუფლიშვილი.—გახსოვს ეს ფაქტი, პატარა ქალბატონო?—შეეკითხებოდა ხოლმე ალერსით აკაკი.

— ალეირკა რა არის? იკითხავდა ვინმე ახლად მოსული ბავშვი და დაიწყებოდა ევროპის წარსულში გადაფერენა: ალეირელების ბრძოლაში, გარიბალდის ათასეულის მოგონებაში და სხვ... რადგან „ალეირკა“—წამოსასხმელები და მათთან ერთად უსათუოდ „გარიბალდიკა“—ქუდები რუსეთ-საქართველოში 60-იან წლებში უტარებიათ ქალებს¹, როდესაც დედა და მამიდა კატო ჯერ მხოლოდ 6—7 წლის ბავშვები ყოფილან, მამიდა ანიჩკა კი 16—17 წლის ქალიწვილი.

— აქეთ, მოდი, აქეთ მოდი, ქალო ხაბარდიანოო, სიცილით მოიგონებდა ხშირად აკაკი იმდროინდელ ლექსსა და სიმღერას და მიუბრუნდებოდა მამიდას: გახსოვს ის დრო, ანიჩკა?—თუ გახსოვს... მიიღებდა ის მოკლე, დაბალი ხმით ჩალაპარაკებულ პასუხს.

და დაიწყებოდა ძველი დროის მოგონება, სახლის მამამთავრის, იაკობ ნიკოლაძის ხანაზე და აკაკის მიერ განსაკუთრებით შეყვარებულ 60-იან წლებზე. ხან გაიხსენებდნენ ფაქტებს, რომელიც კირილესა და მამას შეეხებოდა, ხან ქალების სამეფოს დაუბრუნდებოდნენ, როდესაც აშკარად, პირველი სიყვარული ჰქონდა განცდილი მათ ორივეს გულს...

— გახსოვს, ქალო ხაბარდიანო, ალეირკებით რომ შემგვლით მზულვარზე, შენ და მაშეკო (ხელთუფლიშვილი) და მე თბილისიდან ახლად ჩამოტანილი სიმღერა რომ გიძღვენით:

ალეირკა და კისტები,

შენ რომ გზედავ, ვგიყვებოი...

— გახსოვს, პატარა ქალბატონო, შენ როგორ იწყინე ეს ხუმრობა, მაშეკომ კი მთელ ქუთაისს აცნობა ეს ჩემი „სერენადა“?..

* * *

ერთხელ მე და ელენე მაისის ვარდებით დატვირთულები დავებრუნდით გიმნაზიიდან. აკაკი ამან იმწამსვე გაზაფხულის გუნებაზე ქდააყენა და ჩვენი საყვარელი საპირველმართო „მერცხალი“ მოავგონა: დღეს მერცხალი შემოფრინდა, ჭიკჭიკითა შემომსახა...

მამაჩემი ხშირად უმტიციცებდა აკაკის, რომ ეს მისი „გაზაფხული“ თავისთავად კი მშვენიერია, მაგრამ რეკოლუციის გაზაფხულს არ წარმოადგენს, რად-

¹ ალეირკა—ფოჩებით და კაბიუშონით მორთული წამოსასხმელი ყოფილა სხვადასხვა ფერის ან უჯრა-უჯრა მადლისა, რომელიც თურმე დიდ მოდაში იყო ჩვენში გარიბალდის გამარჯვების შემდეგ, მისი სახელობის ქუდთან ერთად. ა. ვ. ტ.

განაც მისი აზრით, პირველი მარტის მეფის მკვლელობა, თუ არ აგვიანებდა, არ აჩქარებდა რევოლუციის საქმეს; ილიას „გაზაფხული“ კი, — „ტყემ მოისხა ფოთოლი“, მიძღვნილი ვარიზალების ათასეულის გამარჯვებისათვის, მართლაც ნამდვილი გაზაფხული იყო მამიჩემის აზრით, თუმცა იგი პეტერბურგის თოვლსა და ყინვაში იყო თურმე შექმნილი 1861 წლის იანვარში, ნევისპირა სტუდენტობაში ნაგრძობი, იტალიის 1859—1860 წლის „გაზაფხულით“ ნაკარნახევი.

მამასა და აკაკის ამგვარ კამათს ყოველთვის ხარბად ვუსმენდით, მაგრამ ცხადია, ჩვენი სიმპატიები ურყევად აკაკის მხარეზე იყო „გაზაფხულის“ საკითხში, მით უმეტეს, რომ აკაკის ლექსი ასეთი მშვენიერი იყო და პირდაპირ ჩვენს ბედნიერ, მართლაც „ტურთა“ ქვეყანაში გადაგვაფრენდა ხოლმე საკლასო ოთახის ცივ კედლებიდან. თვით ამ ოთახსაც კი ავსებდა მზითა და მერცხლის ქიქიკით.

დაგვყნოს ვარდასა გადაშლილსა,
ვუტკეროტ ხაზად დახრილ იას,
და ბულბულად გამაფრინებს
მისებურად „ტია-ტიას“.

ამ უკანასკნელ მარცვლებს ბულბულის ხმაბაძვისას აკაკი პირდაპირ ოსტატურად წარმოსთქვამდა.

— კიდევ გინდათ ლექსი? შეგვეკითხა ერთხელ აკაკი, როდესაც ჩვენი აღტაცებული შეძახილები შეწყდა და სიწყინარე ჩამოვარდა.

— კი, დიახ, გვინდა, გამაყრუებლად შევძახეთ ოცუელმა ხმამ.

— აბა კარგი, — გვიპასუხა აკაკიმ, მხიარული კილოს უეცარი შეცვლით სერიოზულზე: ერთ კარგ დარიგებას წაგვიკითხავეთ — ბულბულის ნამღერს. კარგად დამიგდეთ ყური; ეს დარიგება უნდა შემისრულოთ.

და მან ახლად შემოსული „დილა“ წაგვიკითხა „ივერიიდან“, რომელიც ყველას ასე გვიყვარდა, მას კი განსაკუთრებით:

ვარდს გაფურჩქნა ყოკოი,
გადახვეოდა იასა,
ხამბახსაც გაღვიძებოდა
და თავს უზრიდა ნივსა...

ერთი წუთით შეჩერდა აკაკი „ბულბულის ნატერის“ წინ და შემდეგ ლომური ძალით წამოიძახა ლექსის ბოლო:

აყვადი, ტურთა ქვეყანა,
ილხინე, ივერთ მხარეთ!
და შენც, ქართველო, სწავლითა
სამშობლო გაახარეთ!

აკაკის საშინლად მოსწონდა „დიღს“ ეს ბოლო — მოწოდება, რომლითაც მამიდა ანიჩკა სკოლაში გვისტუმრებდა დილაობით. და მართლაც ეს ხომ აკაკის მთელი სიცოცხლის წმინდათა წმინდა ოცნება იყო ამდენი ათწლეულის მანძილზე...

* * *

ვინ შეხვედრია გაზაფხულს უციცინათელოდ დასავლეთ საქართველოში? საშინლად გვიყვარდა ციციანთელების ხანა როინისპირა კლდებუჩქნარის სიბნელებში. ამიტომ ადვილი წარმოსადგენია, თუ რა ხშირად გაისმოდა ჩვენი ქაჯე-

თის ციხე-გალავანში აკაკის „ციცინათელას“ ის მშვენიერი ადგილები, რომლებიც ხალხის ყურსა და გულს სიმღერად აქვს ქცეული:

ჩემო ცი-ცი-ნა-თე-ლა,
 რად მიჭერენ ნე-ლა ნე-ლა...

იმ დროს განსაკუთრებით მოდაში იყო აკაკის ლექსების მღერა: სულიკოსი, თავო ჩემო, ციცინათელასი. მამიდების ნათლულს ელენეს ძალიან სასიამოვნო ხმა ჰქონდა, გიტარაზე დაკვრაც მშვენიერად ეხერხებოდა. მეც მასწავლა თავის დასახმარებლად და ერთ დროს გაგიყვებული ვიყავით მაისის ღამეების მზუგავი ციცინათობით და აკაკის ლექსებს გატაცებით ვმღეროდით.

ერთ-ერთ ასეთ საღამოს მამა ჩამოვიდა და პირდაპირ გავვაოცა დაუჯერებელი ვანცხადებით, რომელიც მამიდა ანიჩკამაც დაადასტურა: აკაკის „ციცინათელაც“, „თავო ჩემოც“ საფრანგეთის კომუნის დამხობის ანარეკლიაო, რადგან უშუალოდ მოსდევს იმ მომენტს; თერგდალეულები კი და „დროების“ რედაქცია ამ დამარცხებას თითქმის თვით კომუნარებივით განიცდიდნენ მამას და კირილე ლორთქიფანიძის შტკიცებით.

ამიტომ, როდესაც „დროებამ“ ამის შემდეგ ზედიზედ ორ ნომერში გამოაქვეყნა აკაკის ეს ორი ლექსი, ყველას გადაუწყვეტია, ვისაც ნაბეჭდი სიტყვის „შუა-შუა სტრიქონებიც“ აინტერესებდა, რომ „ციცინათელა“ და „თავო ჩემო“ საფრანგეთის რევოლუციის სიმბოლოა და მის შორიდან ნათობას გვიხატავენ, როგორც ილიას „გაზაფხული“ ჩვენთვისაც სანატრელ იტალიის გაზაფხულს გულისხმობდა 10 წლით უფრო ადრე.

მამა გვარწმუნებდა, რომ ჩვენი საყვარელი „ციცინათელა“ არა მარტო სამიჯნურო მიზნებს ემსახურებოდა აკაკის იმდროინდელი გატაცების ღამაში ლირიკული სიმბოლოთი, არამედ კომუნისტების შორიდან გამოჩნატებასაც გულისხმობდა ჩვენი სინამდვილის სიბნელეში.

მამა ყველაფერს ევროპის პოლიტიკას უკავშირებდა. აკაკიზე კი, როგორც პოეტზე, ძალიან მაღალი აზრისა იყო და ყოველთვის ამბობდა, აკაკი, როგორც მოწოდებით პოეტი სწორად სრულიად შეუვნებლად ეხმარებაო ახალგაზრდობის ყოველ ამაღლებულ საზოგადოებრივ-პოლიტიკურ მოვლენას: მეფის მთავრობის წინააღმდეგ გამოსვლას, კომუნას, იტალიის ამბებს. მამა მაგალითად ამბობდა, აკაკის სტუდენტობის დროის „სალამური“ ილიას „გაზაფხულის“ პირდაპირი ხმის მიცემა არისო, და გარიბალდის გამარჯვების ანარეკლიო. აგრეთვე მისი „ჩანგური“ საფრანგეთის კომუნის გამარჯვებას უპასუხებსო.

მამა ხაზგასმით და ალტაცებით აღნიშნავდა, რომ რასაც იგი, მესხი ან გიორგი წერეთელი გრძელ-გრძელი წერილებით ძლივს გამოსთქვამდნენ, ან სულაც ვერ გამოსთქვამდნენ მკითხველისათვის იმდროინდელი ცენზურის კლანჭებში, იმას აკაკის ჩანგი „ერთი სიმის ჩამოკვრით“ აძგერებდა და აანთებდა მთელ ხალხის გულში.

კირილევ მხურვალედ ადასტურებდა ამის სისწორეს და მამასთან ერთად ეხუმრებოდა აკაკის, რომ ერთი უცვლელი ოცნებით გატაცებული მისი ჩანგი ყველაფერს ჩვენი განთავისუფლების სიმბოლოდ აქცევს, უმზაროდან ციცინათელამდე.

უნდა გამოვტყდე, რომ ამ საინტერესო საკითხებმა ბევრად უფრო გვიან მოაღწიეს ჩემს ცნობიერებამდე. იმ დროს კი მაისის მშვენიერი ციციანთელებით აციმციმებული საღამოებით ვიყავით მოჯადოებული და ყველაფერს მათ შუქში ვხედავდი. აკაკიც მათი შარავანდელით შთაბეჭდა ჩემს იმდროინდელ მეხსიერებაში, მაშინ კატოს „ქალთა წრის“ შეკრებასთან დაკავშირებით, რომელიც ერთერთი ასეთი გამაგიჟებელი მაისის ღამეს მოხდა, აკაკის დასწრებით.

იმ შეკრების მიზანს, თუ არ ვცდები, შეადგენდა მუშებისათვის რალაც იაფფასიანი წარმოდგენის მოწყობა მესხიშვილის თეატრში, რომელსაც აკაკიც უნდა დასწრებოდა. ხალხი ბევრი შეიკრიბა ჩვენსას იმ საღამოს. აკაკიც განსაკუთრებით კარგ გუნებაზე დადგა. ლექსებიც წაიკითხა ბლომად.

ხალხი რომ დაიშალა და მარტო დავრჩით შინაურები, მე და ელენემ ბალის ბნელ სიღრმეში გავისეირნეთ, ციციანთელების უკეთ დასანახავად ღამის წყვდიადში. თითქოს აკაკის ლექსების მოციმციმე ნაწყვეტები დაგვტრიალებდა თავს...

-- აკაკის შეხედე! წამოიძახა უეცრად ჩემმა მეგობარმა და მართლაც, რა დაუფიქვარი სურათი წარმოგვიდგა თვალწინ: ჩვენი ძველი სახლის კიბის თავზე აკაკი იდგა, კაშკაშა მთვარით განათებული და ვარსკვლავებისაგან ამართული სახით.

შორს სიბნელეში კი რიონის ჩქეფა მოისმოდა სანაპირო კლდეებიდან. ზევით ცა ბეუტავდა ვარსკვლავებით, ქვევით ციციანთელების მნათი გუნდი. ირეოდა ტრიალ-ციმციმით აკაკის ლომური ნაკეთის წინ, თითქოს მისი გული: სიმებიდან ამოფრქვეული ნაპერწყმები...

* * *

ძლიერ მოგვწონდა „ანზე ვისი ყმა ხარ“—თამაშის ჩატარება. აკაკისაც ძალიან იტაცებდა ეს თამაში და დიდ სიმარჯვესაც იჩენდა მის ძნელ მომენტებში.

— ანზე ვისი ყმა ხარ? იწყებოდა თამაში, თუ ეს ასო იყო არჩეული შეკითხვებისათვის.— აბაშიძის.

— სახელად რა გქვია?— ალექსანდრე.

— საიდან მოდიხარ?— ანაურთან.

— საით მიემგზავრები?— აჭარაში.

— შეილდი რისი გაქვს?— ალუბლის.

— ისარი?— ალვის ხის.

— რას მოჰკლავ?— არწივს.

— რაში ჰკრავ?

ჩვენ ვერაფერს ვერ ვიგონებდით ამ უკანასკნელის კითხვის საპასუხოდ, აკაკის ამოუშრეტი ფანტაზია კი არც აქ შეკრთებოდა და რამეს მოასწრებდა დროზე, მაგალითად: აწეულ ხელში, ამვერილ ფრთაში, ასოში, აქორჩილ თმაში და სხვ.

სულ სიცილით ვიხოცებოდით მისი ამგვარი მოსწრებული პასუხით, მაშინ როდესაც დანარჩენები ვერაფერს ვახერხებდით.

— ვის მიაჩნებ?— აკაკის.

ამ წრის უფროსი წევრები 70-იან წლებიდან ეწეოდნენ მოღვაწეობას და ამ თეატრალურ მუშაობაში პირველყოფილი ალექსი ჭიჭინაძე¹ უნდა დავასახელოთ ლოლა და მამო ყუფიანის შემდეგ. მან კი კატო და ანასტასია ნიკოლაძეებიც ჩააბა ამ საქმეში. ეს წრე თარგმნიდა და დგამდა კლასიკურ პიესებს. მათ სახელთან არის დაკავშირებული აგრეთვე პირველი ქალთა წიგნის გამომცემელი საზოგადოებაც, ისინი ბევრს თარგმნიდნენ უცხოურ მხატვრულ ლიტერატურას.

ჩემ დროს, 90-იანი წლების მეორე ნახევარში, ქალთა წრე ყოველკვირეულად იკრიბებოდა ჩვენსას; დილაობით მარქსის „კაპიტალის“ მკითხველთა წრე იკრიბებოდა, გიორგი ზდანოვიჩის ხელმძღვანელობით; საღამოობით კი „მომწყობი“ ქალები იყრიდნენ თავს: წარმოდგენების, სხვადასხვა საღამოების, ლექციების, ლატარეების და სხვა მისთ. მოსაწყობად, რისთვისაც ხშირად ნატო გაბუნია და აკაკი გვესტუმრებოდნენ ტფალისიდან. ამ წრეში ჩვენც გვიყენებდნენ, მე და მამიდების ნათლულს. ხან ძესხიშვილის თეატრში გაგვზავნიდნენ სასწრაფოდ რისიმე შესატყობად, ხან უფრო გვიან, ხანახანო უნივერსიტეტის გამგეობაში, სადაც მამიდა კატოც შედიოდა.

ყველაზე უკეთ მახსოვს ამ წრის ის პერიოდი, რომელშიაც, მუშებისათვის დაიწყეს იაფფასიანი წარმოდგენების მოწყობა: მამიდამ, მელ. გველესიანმა, ელ. ხელთუფლიშვილმა და სხვებმა.

აკაკის ძალიან უყვარდა ასეთი შეკრებები. ქალთა წრეს კი, რა თქმა უნდა მასზედ კიდევ უფრო უხაროდა თუ მის ჩამოსვლას დაემთხვეოდა მათი მორიგე შეკრება ჩვენსას. აკაკი ხან ლექსს წაუკითხავდა მათ, და ცოტაოდენ ყურადღებას გამოიჩენდა მათ მიმართ. ხან ოხუნჯობით გაამზიარულებდა ყველას, ხან კიდევ იმდროინდელ თავის გატაცებაზე ჩამოაგდებდა ლაპარაკს, — „ვეფხისტყაოსანზე“, როლის ირგვლივ იგი იმ დროს ლექციებსაც კითხულობდა.

* * *

ქალებისადმი ტრფიალებლაში როგორც აკაკის, ისე მამაჩემს გულუმტკიცობას სწამებდნენ. მათ კი ორივეს ერთი ძალიან იშვიათი თვისება ახასიათებდა ქალთან ურთიერთობაში, რომელიც თითქმის ყველას გამორჩა ყურადღებიდან მამის, როდესაც ამ მხარეს დიდი ადგილი ეკირა მათ გულში და ცხოვრებაში: ეს იყო „ჩერნიშევსკისებური“ მეგობრობა რჩეული ბუნების, გულისა და გონების ქალთან, სიყვარულით სავსე პატივისცემით აღბეჭდილი.

საინტერესოა, რომ ორივე თერგდალეული მეგობარი პირველივე დაბრუნებისას ჰპოვებენ ასეთ მეგობრობას იმ დროის საუკეთესო ქალებთან: აკაკი 16 წლის ანიჩკა ნიკოლაძესთან, მამა კი ჯერ თავის დეიდაშვილთან ოლინკა ხელთუფლიშვილთან, 70-იანი წლებიდან კი ოლგა გურამიშვილთან, (შემდეგ მის მეუღლესთან.)

ანიჩკა ნიკოლაძესთან მეგობრობას, როგორც ჩანს პოეტის მიმოწერიდან ღრმა კვალი ჰქონდა გავლებული აკაკის გულში. კერძო წერილებში პოეტი მას სანუგეშო მეგობარს უწოდებს და ნაზ მოსაფერებელ სიტყვებს: „პატარა ქალ-

¹ ა. ჭიჭინაძე ნიკო ნიკოლაძის უმცროსი დის, ფრთხილის, ქმარი იყო.

ბატონო* და სხვ. თავის მოგონებებშიც აკაკი არა ერთხელ იხსენიებს იმ დიდ „სულიერ თანაგრძობას“, რომელიც მას ბაბუაჩენის ოჯახში უბოვია.

თვით ანიჩავა-კი, შეიძლება თამამად ითქვას, მთელი თავისი გული და პირადი ცხოვრება შესწირა ამ მეგობრობას,—აკაკის ჩანგსა და პიროვნებას. და შესწირა მისებურად: სრულად და უნაშთოდ; და ისე ჩუმად, ისე გულჩათხრობილად, რომ ეს არავის არ სცოდნია დანამდვილებით, ვარდა მის და თვით აკაკისა, რომელმაც თან ჩაიტანა საფლავში ეს საიდუმლო, სრულიად არაჩვეულებრივი მისი განთქმული „მეფისტოფელური“ ხასიათისათვის და მზიარული უნდობლობისათვის ქალის გრძნობების მუდმივობის მიმართ.

საერთოდ ამ ნაზი ქალის გულში ყოველი განცდა ღრმად და სამუდამოდ იმარხებოდა, გარედან სრულიად უხილავი და მიუკარგებელი. ამიტომ მის მიერ გამოწვეული გრძნობები მტკიცე და ხანგრძლივი იყო.

შემთხვევითი მოვლენა არ არის, რომ მისი გულის პირველივე გამოღვიძებიდან იგი ორი ჩენი პოეტის ოცნებად ქცეულა: თვით აკაკისა, 1862—63 წლიდან და გიორგი ქალაქიძისა, 1864—1865 წლიდან. ამ უკანასკნელს თითქმის ყველა ლექსი, პირველიდან („სადაც რომ იყო, მოგძებნი“) ოსმალეთის 1878 წლის ომამდე ამ მის „ან“-სა და „ნარ“-სა აქვს მიძღვნილი. მისი „ფაცხაც“ კი, და ყველას მიერ არანაკლებ ცნობილი „მოგონება“, „მახსოვს პირველად სასწავლებელში“ (1869 წ.):

ჯერ „ანი“ მკითხეს და მერე „ნარი“
 მაგრამ ყველაზე ვუთხარ უარი...

ვამაჩემსაც ძალიან მოსწონდა ანიჩავს ეს „მყუდრო“ ხასიათი და მოკრძალებითი მიღგომა ყველაფრისადმი. ამანვე დააახლოვა მამა 60-იან წლებში ანიჩავს განუყრელ მეგობართან ოლინკა ხელთუფლიშვილთან¹, რომელიც ბევრი რამით გავდა ანიჩავს ხასიათით და გულის სიანკარით. ამიტომ მამიჩემის ახალგაზრდული მეგობრობაც მათთან სრულიად განსაკუთრებულ ხასიათს ატარებდა. მამას თქმით ამ განწყობილება-ამხანაგობის გამოუთქმელ პოეზიაში დიდი წვლილი ჰქონდა შეტანილი მათ, ქართველ სტუდენტების, შეხვედრას ჩერნიშევსკისთან, და მეტადლე ციხიდან განთავისუფლების შემდეგ მის სიახლოვეს გატარებულ ზაფხულს პეტერბურგის მიდამოებში.

ეს იყო 1862 წლის ივნის-ივლისში, როდესაც ჩერნიშევსკი თავისი ცოლით და ცოლის დით (დობროლიუბოვის საცოლოთი) პავლოვსკში ატარებდა ორ თვეს, მამამ და მისმა ამხანაგებმა კი ექვს მანეთად დიდი... სათივე იჭირავეს იმავე ვადით მათ ახლომახლოს და ყოველ საღამოს მათთან ერთად ატარებდნენ. იმ ზაფხულში აკაკიც სწევით მათ რამდენიმე დღით...

მამას აზრით, აკაკიხედაც დიდი გავლენა მოუხდენია ჩერნიშევსკის შეხედულებას ქალებზე, როგორც მის რომანებში გამოთქმულს, ისე მისი პირადი გრძნობების მაგალითს, მის ოჯახში არსებულ მშვენიერი ამხანაგური ატმოსფეროთი და განწყობილებით იმ რჩეულ ახალგაზრდობასთან, რომელიც თავს იყრიდა ამ ოჯახში.

¹ თ. ხ. ქალაქიძის ლექსში: „ან“-სა და „ნარს“, „ონ“-სა და „ხ“-ანს.

გავიდა რამდენიმე კვირა და რუსეთიდან ახლად დაბრუნებული მეგობრები, აკაკი და ნიკო ნიკოლაძე ისევ როინისპირას გაჩნდნენ, ერთი—ნევის ნაპირებიდან გამოძევებული „ბუნტარი“, მეორე კი „დინჯად“ სწავლა დამთავრებული „კანდიდატი“. როგორც აკაკიმ იცოდა ხუმრობით თავისი თავის დახასიათება იმ პერიოდში.

ჩვენებთან მისვლას ის ასე იგონებდა: სასტუმრო ოთახის კარი გაიღო და შიგ ახლად გაშლილმა ვარდმა შემოანათა, —პატარა, ხაბარდა-კაბიანმა, შავ წარბებ-შეკრულმა ქალბატონმა, რომელმაც მკაცრი, მუნჯი შეკითხვით მიაბჯინა ახლადმოსულს თავისი ვარსკვლავებივით აბრწყინებული თვალები: აბა გვეჩვენე, რად გაქცია შენმა ვასეირნებამ შორეულ პეტერბურგში?

ასე გვიამბო აკაკიმ თავისი პირველი შეხვედრა „ქალად ქცეულ“ 16—17 წლის ანიჩასთან, რომელიც მან 13 წლის ბავშვად დასტოვა წასვლისას.

აქედან იწყება მათი არაჩვეულებრივ-მხურვალე და ნაზი მეგობრობა, რომელიც ნახევარ საუკუნეზე მეტი გრძელდება.

რადაც გამოუტყმელ, უსიტყვოდ გამოწვეულ პატივისცემას უსახავდა გულში ამ ქალის პიროვნება და ამავე დროს განსაკუთრებული მზრუნველობის და თბილი მოპყრობის წადილს.

წინააღმდეგ მამიდა ანიჩკას სურვილისა გ. ქალადიდელის გატაცება კი ყველასათვის აშკარა შექმნილა როდესაც „დროებაში“ და „სასოფლო გაზეთში“ დაიბეჭდა მისი ლექსები: „ჩემი ანა“, „ნეტარ არს კაცი“, „სიზმარი“, „ვუძღვნი ა. ნ.“, „ვუძღვნი ნ. სკანდელს“ და სხვ.

ამავე დროს რამდენიმე მისი ნაბიჯიდან და აგრეთვე ლექსიდანაც ყველასათვის აშკარა ხდება მისი და უფროსი პოეტის, აკაკის ურთიერთობა, უდავოდ გამოწვეული მათი ორივეს გრძნობით ანიჩკას მიმართ. ასეთია ქალადიდელის „ქეიფი“ და „მენავე“, წარწერით: ვუძღვნი თავ ა. წ. „ელეგია“, „მწერლისადმი“, „არავის“, „მერცხალი“, „ფარვანა“ და მისი ცნობილი „მიყვარს ფაცხა მე მეგრული“, რომელშიაც იგი თავის თავს და თავის ნიქს აკაკისას აღარებს.

იმავეს გვიხატავს მისი მიწერა-მოწერა ანიჩკასთან 1870—78 წლებში, რომელიც ანიჩკას გარდაცვალებამდე არავის უნახავს.

აკაკის მეგობრული დამოკიდებულებისათვის ანიჩკა ნიკოლაძესთან დამახასიათებელია პოეტის ერთი საჩუქარი, გიშრის საათი, რომელსაც მამიდა გულიდან არ იშორებდა მთელი თავისი სიცოცხლის განმავლობაში და რომელზედაც უკანა მხარეს ამოჭრილია ლამაზი ქართული შრიფტით:

ყრუ—სიმართლისთვის.
 სიწმინდისთვის—ბარმა
 წყვეთიმც იყოს
 მისი გულის-თქმა.

აკაკი.

გიშრის საათი სპეციალურად ანიჩკასათვის შეუკვეთია პოეტს და მიძღვნილი უნდა იყოს 70-იან წლებში. აკაკი მას „თილისმა-საათს“ უწოდებდა.

როდესაც ანიჩკა ნიკოლაძე გარდაიცვალა, მის სასთუმალში იპოვეს აკაკისა და ქალადიდელის წერილები კონა. პოეტის ნაწიქარი გიშრის საათი კი მის გულს არ მოშორებია მის უკანასკნელ ამოსუნთქვამდე (1931 წ.).

1914 წელს აკაკი სურამში გვესტუმრა ქვიშხეთიდან, სწორედ ომის გამოცხადების დღეებში, და აქაც პოეზიით იყო სავსე მისი და ანიჩკას შეხვედრა, — 70 და 75 წლის ორი თმასპეტაკი მოხუცისა; ანიჩკას ძველებური ზრუნვა უკვე ძალიან მოტეხილ მეგობარზე, მათი ბაასი...

ვინ იფიქრებდა, რომ ეს აკაკის უკანასკნელი ზაფხული იყო...

რუსეთში ვიყავი, აკაკი რომ გარდაიცვალა. როგორ მწარედ იფეთქა ამ ამბავმა ჩვენი მოსწავლე თაობის იქაურ კერაში... იმ კახანის ტაძარში გადავიხადეთ მისი ხსოვნის პანაშვიდი, რომლის კოლონადასთან აინთებოდა ხოლმე რუსეთის სტუდენტობის ყოველი ბრძოლა, დაწყებული თითქმის იმ დღიდანვე, რაც აკაკი პირველად ეწვია ნევის ნაპირებს.

ღრმა თოვლი იდო და მწარედ ჰყინავდა იმ სევდით სავსე გამოთხოვების დღეს. თბილისში კი ცხარე მზე ათბობდა მთაწმინდის კალთებს, რომელსაც ქართველი ხალხი აბარებდა თავის დიდებულ პოეტს... და უკანასკნელი თერგ-დალეული, მამაჩემი, მას ეთხოვებოდა...

თბილისი, 1940 წელი.

იაკობ ზანცხაძე

ჩემი მოგონება

1895 წლის მაისიდან 1896 წლის თებერვლის ბოლომდე თბილისში ვცხოვრობდი.

ამ ხნის განმავლობაში „კვალის“ რედაქციაში გავიცანი აკაკი წერეთელი. აკაკი იმ ხანად 55 წლის იქნებოდა. ტანით აზოვანი იყო, საშუალოზე უფრო მაღალი, მშვენიერი, ნაკეთიანი და სათნოიანი პირისახე ჰქონდა. იმის პირისახის ნამდვილი მიმტაცებელი იყრი, ღია და გახსნილი შუბლი გზიბლავდა, გახლოვებდა. პოეტის ლაპარაკი მეტისმეტად თბილი და ტკბილი იყო, მისი კილო — საუცხოვო, განუმეორებელი. ეს კილო არც იმერული იყო, არც ქართლური. იგი სრულებით ინდივიდუალური იყო, აკაკის საკუთარი, ნიშნობლივი თვისება იყო. ხმისა, ბგერის ტემბრი მეტი არავისაგან მსმენია. მშვენიერი ქართლური კილო ჰქონდა ვეჟა-ფშაველას, მაგრამ ეს ხომ ქართლური იყო და არა საკუთარი, არა განსაკუთრებული. აკაკის ხმის ტემბრი დაცული იმ საგრამოფონო ფირფიტაზე, რომელიც აკაკის 50 წლის იუბილეს დროს, 1908 — წელში იქნა გადაღებული და რომელიც გადმოგვეცემს აკაკის მთაწმინდას, თუმცა ამ ტემბრს, მოხუცებულობის გამო, წინანდელი ანკარა წკრიალი ძალზე შელახული აქვს.

აკაკიმ ტყბილი, მომხიბლავი ბაასი იცოდა. სმენას იგი კი არ ვაიძულებდა, არამედ იგი ვასმენიებდა, რადგან ყოველი შემთხვევისათვის უამრავი და ნაირნაირი მასალა ჰქონდა. აკი თითონვე ამბობს: ჩემს ქვეყანას კარგად ვიცნობ, კიდით კიდევ მომივლიათ*. არ შეგეძლო არ მოგესმინა ეს ბაასი, ისე ლაზათიანად, შნოიანად და ნარნარად, თითქოს მღერისო, ახმატყბილებდა აკაკი ამ თავის საუბარს.

ხშირად ბევრისაგან გამიგონია, რომ ბაასის დროს აკაკიმ სიცრუე იცისო. ეს მართალი განცხადება არ არის. რამდენიმე ისეთი შემთხვევა იყო, რომ ამა თუ იმ ფაქტის მოწმე მეც ვიყავი, ხოლო მეც დავსწრებივარ აკაკის იმ დროს, როცა იგი სხვაგან სხვებს ამ ფაქტს მოუთხრობდა. ამიტომ უნდა დავადასტურო, რომ აკაკიმ საუბრის დროს თვით ფაქტის სინამდვილე, ამბავი ცხადად და ნათლად აღნიშნა, მაგრამ ამვე დროს ეს ფაქტი, ეს ამბავი ისეთი ელფერიტა და ლამაზი მოხაზულობით გამოთქვა, რომ მსმენელს ეგონებოდა, რომ ესე ყოველი აკაკის მიერ მოგონილი და შეთხზულიაო. მართლაც, ზოგმა მსმენელმა, გაგეშორდა თუ არა აკაკი, სთქვა, რომ აკაკიმ ამ ხანად ჩვეულებრივი გამოგონილი ამბავი მოგვთავაზო, მაგრამ მე იმათ იმავე წუთში დავუდასტურე ფაქტის სინამდვილე. მათ ხმა ჩაიკმინდეს. აკაკი განგებ კი არ გამოიგონებდა ხოლმე, არამედ ლამაზი მორთულობით და კეკლუცი სამოსელით შეაფერადებდა ხოლმე ამბავს, ფაქტს. ეს კი სიცრუე არ არის. არამედ ნიჟია ყოველი კარგი მობასისა, ყოველი სასიამოვნო მოსაუბრისა.

ოთხმოციანი წლების მიწურულში, დავით მიქელაძის (მეველე) სიტყვიერი განცხადებისა გამო, ქუთაისის საადგილ-მამულო ბანკის საზოგადო კრებას აკაკი წერეთლისათვის დაეჩინა ყოველწლიური პენსია იმ რაოდენობით, რომელი რაოდენობითაც იმ ხანად ჯამაგირი ეძლეოდა ბანკის გამგეობის წევრს, ე. ი. 1.500 მან. სწორედ ამიტომაც შემდეგ, როცა პენსიის მიცემის საქმე გამგეობამ გაუძნელა და კიდევაც შეუჩერა პენსიის მიცემა, აკაკიმ დასწერა თავისი მეტად მოსწრებული ლექსი—ინ ფ უ ლ ე ნ ც ი ა, სადაც შემდეგსა ამბობს:

მე კი გადავრჩი იმ ძველ სენს,
დანიშნული მაქვს პენცია,
მაგრამ სანამდი მომცემდენ,
გამგუდადეს უფულტენცია.

მართლაც, 1912 წელს მე პირადად ვითავე და გავატყვიე, რომ აკაკის იმ თავიდანვე ამ წლამდე სულ მიეღო არა უმეტეს ხუთისა, თუ ათი ათასი მანეთისა პენსიის ანგარიშში, მიუღებელი კი ქონდა ოცდაათი-ათას მანეთამდე. 1912 წელს მე პირადად ყოველივე დაწერილებით მოვახსენე ბანკის რწმუნებულთა საზოგადო კრებას აკაკის პენსიის ანგარიშის წესსაზე და განაცხადე, რომ საქირაო და სავალდებულოც, ბანკმა ასეთი პიროვნების წინაშე თავისი ვალდებულება შეასრულოს, მით უფრო რომ ამ ხანად ბანკს ეს შიშივე ტვირთად არ დააწვება, რადგან ბანკს ფინანსიური მდგომარეობა ძალზე გაუბჯობესებულა-მეთქი. საზოგადო კრებამ ჩემი განცხადება მოიწონა და აკაკი დააყმა-ყოფილა. კრების ამ დადგენილების თანახმად, ბანკის გამგეობამ აკაკის პენსიის ანგარიში გაუსწორა პენსიის დანიშნვის დღიდან. შემდეგ კი, სანამ აკაკი ცოც-

ხალი იყო, მას ყოველწლიურად აძლევდა პენსიას 1.500 მანეთის რაოდენობით. აქვე უნდა დავუმატოთ, რომ ეს ჩემი განცხადება და მოხსენება მე განვიზრახე, მევე ვიკისრე სრული ჩემი ნებითა და სურვილით, რაც ჩემში გამოწვეული იყო აკაკისადმი უღრმესი პატივისცემით, ჩემთვის ამაზე პირადად არც აკაკის უთხოვნია, არც არავის სხვას.

აკაკის უსაყვედურებდნენ, ზარმაციაო. ეს ყალბი და ცრუ აზრია. ზარმაცი თუ ყოფილიყო, ამდენს, რაც მან დასწერა და ამასთანავე ასე სხვადასხვანაირს საიდან და როგორ-ღა დასწერდა?! აკაკის ყველა ნაწერი სრულად და ცალკე რომ გამოიცეს,—ათი დიდი ტომი მიიწვ იქნება. ამიტომ ამდენი რაბის დამწერი ზარმაცი არც იქნებოდა და ვერც იქნებოდა, ეს ზღაპარია. ზღაპარიკი, უეპველია, იქიდან არის წარმოდგენილი, რომ აკაკის არც-ერთ ნაწერს ჯაფა, არ ემჩნევა. ამიტომ ეს ნაწერი ისეთ შთაბეჭდილებას ახდენს, რომ ზოგი ადვილად თქვობს, ყოველი ეს უშრომოდ, უფიქრებლად არის მონაბერიო. ეს ბრალი აკაკის უნდა მოეხსნას, რადგან დანაშაულობაა იმ ადამიანის წინაშე, რომლისთვისაც ერთად-ერთი თქერი და საქმე მიუღს თავის სიცოცხლეში იყო სამშობლოსათვის ზრუნვა, თავგანწირვა და შრომა.

აკაკის ენა, აკაკის სწორი და გამოთქმა ისე მსუბუქია, ისე ადვილი და იოლია, რომ უბრალო მკითხველს ჰგონია, ამას მეც დაესწერდიო... მაგრამ ეს მართალი და სწორი აზრი არ არის. ენის ეს სიმსუბუქე და ნარნარობა მკითხველს ხიბლავს, იტაცებს და იგი როდი ამჩნევს, რომ ეს „სუბუქი ფრთით“ მოლივლივე ლექსები აზრით ღრმა და გრძნობით ფაქიზი, მისი შესანიშნავი პოემები, დრამები და პროზაული ნაწერები შექმნილია დიდი ფიქრისა და შემოქმედებითი შრომის შედეგად.

ამ ბრალს სდებდნენ და სდებენ აკაკის მხოლოდ მტრები, შურით შეპყრობილი ან ისეთები, რომელთაც არ შეუძლიანთ აზრი, გრძნობა შეამჩნიონ ლექსს, თუ იგი გამოთქმული არ არის დიდი ჭიშვით, თუ იგი დაწერილი არ არის ანტონ კათალიკოზის მაღალი სტილით, ე. ი. მძიმე ენით. აკაკის ლექსი კი თავისი სისადავით შეუღარებელი სიტყვობების ნექტარია...

ბევრი უსაყვედურებდა აკაკის, მოჭარბებულად ხმარობს იმერულ გამოთქმებსა და სიტყვებსო. ეს გაუგებრობაა. აკაკი ხმარობს მხოლოდ იმერულ თქმას, იმერულ გამოთქმას და არა ფორმას. აკაკიმ წერის ამ მანერით ენა გაამსუბუქა, გააადვილა და ამ ენას ქართული ერის უმრავლესობა უკვდავების წყაროსავით დაეწაფა. ამ დაწაფებამ წყურვილი არა თუ მოსპო, უფროდაც გააუღარესა, უფროც მოანატრა მკითხველს ამ ენის სიტყვობა, სინაზე და სინარნარე.

ბოლოს ერთი გარემოებაც უნდა აღვნიშნო. აკაკის თხზულებათა პირველ ტომში, რომელიც გამოცემულია 1893 წელს წიგნების გამომცემელ ქართველთა ამხანაგობის მიერ, 117 გვერდზე დაბეჭდილია ლექსი: „ჰე, ქართველო აბა მითხარ ვინა ხარ!“ ამ ლექსის მეოთხე პუქარში ასე სწერია: „ო რთა შუა აგდიხარ, სანაგველას ფინა ხარ“. ეს ლექსი ამ გვარადვე არის ვადმობეჭდილი აკაკი წერეთლის რჩეულ ნაწერებში, რომელიც ერთ ტომად გამოცა სახელგამის მიერ 1935 წელს. აქ 39 გვერდზე სწერია, სანაგველას ფინა ხარ-ო. ეს სამწუხარო შეცდომაა, იმ თავიდანვე მომხდარი, რადგან უნდა იყოს

— რას არ მოიგონებს ეს ნიჭით მომადლებული ადამიანიო, — სთქვა დეკა-
 ნოზმა აკაკის შესახებ, რომლის ხუმრობას, როგორც ეტყობოდა, შერვეული
 ყოფილიყო და დაუწყო თავის შვილზე ლაპარაკი.

აი ესეც შენი თავყანისმცემელია, ისეთი ყმაწვილია, როგორიც შენ მოგ-
 წონს, უწყინარი, თავაზიანი, პირდაპირ ჭკუის კოლოფია.

აკაკი მიუბრუნდა ახალგაზრდას, უყურა, უყურა და შემდეგ დარიგების
 კილოთი უთხრა:

სასიამოვნო ამბავია, რომ მამაშენი გაქებს, ისიც კარგია, რომ მამას შენ-
 თვის ჭკუის კოლოფიც გადმოუტია, მაგრამ ცარიელი კოლოფი არ იკმარო და
 ჭკუა თვითონ სხეავან სადმე უნდა გამოძებნო.

ყველაფერი ეს იწვევდა არა წყენას, არამედ მხიარულებას. ამ დროს მე
 ტანსაცმელზე ვანავარდები ფუნჯებს, ფონს ვუმაჯგებდი და სულიერი განწყო-
 ბილება მშვენიერი იყო ჩემიც და აკაკისაც. უკანასკნელად ამოვიდა კიბეზე
 ერთი ჩასუქებული კაცი, აკაკის ძველი ნაცნობი რვეულით ხელში.

— მინდა ვისარგებლო მომენტიო, შენი დაპირების თანახმად მოვიტანე
 ჩემი შვილის ლექსები და მინდა ნახო, როგორი ნიჭი ეტყობა ჩემს პატარა ბიჭს.
 მე რომ გადმომიხედა, დაუმბატა, — ხატავს კიდევაც: სახლებს, ხეებს, ცხენებს და
 მამლებს.

აკაკიმ რომ დაინახა საკმაოდ დიდი რვეული, ისედაც დალილს, შიშის
 ხარი ეცა, დარიგების კილოთი და ცოტა ხუმრობით უთხრა:

— მე წაკითხვა არ მჭირდება, შენი შვილის პოეტობა ისეც კარგად წარ-
 მომიდგენია; და რაც შეეხება მამლების ხატვას, ეგ ჩემი საქმე არ არის, ეგ
 მოსეს უჩვენე, თუ სადმე ხელში ჩაგივარდეს!

ასეთი მრავალფეროვანი იყვნენ მისი სტუმრები და, როგორც ჩანდა, აკა-
 კიც გარემოებას შესაფერად ეგუებოდა. პორტრეტი დავეტოვე აკაკის, რომელ-
 მაც გადამოკუნა და მითხრა: — შენისთანა საჩუქარი მე არავისავან არ მიმიღიაო.

განელო 33 წელმა და პორტრეტი, რომელიც დაკარგული იყო, წელს ვი-
 პოვე და თვით ვიყიდე ერთი კახელი გლეხისავან, რომელსაც არ ვიცი, როგორ
 ჩაუვარდა ხელში.

პრემი ახნაზაროვი

ერთი ეპიგრაფი აკაკის ცხოვრებიდან

ნამახსოვარი

1883—84 წლის თეატრის სეზონი დრამატიულმა დასმა ქ. თბილისში
 მაშინდელს, არწრუნისეულ თეატრში გაატარა (სასახლის, აწინდელ კომინტერნის
 ქუჩაზე). იმ თეატრში, რომელიც დაწვის შემდეგ ორჯერ იქმნა განახლებული,
 ვიდრე ჩვენამდე მოაღწევდა გრიბოედოვის სახელობის თეატრის სახით. ქარ-
 თული წარმოდგენა კვირაში ორჯერ იმართებოდა, უმეტესად ოთხშაბათობით
 და კვირაობით. რადგან კვირის წარმოდგენებს უფრო მდაბიო ხალხი ეტანე-

ბოდა. ამ დღეს წარმოდგენას ჩვეულებრივ თან დივერტისმენტი მოსდევდა ხოლმე, რომლის დროსაც მსახიობები ლექსებსა და სცენებს კითხულობდნენ. მღეროდნენ, ცეკვა იმართებოდა ხოლმე და ცეკვის დროს ზურნა უკრავდა.

ზემოაღნიშნული სეზონის მეორე ნახევარში, ე. ი. 1884 წლის პირველ იანვრიდან მარტამდე ქართული დრამატიული დასის რეჟისორად აკაკი წერეთელი იყო, ხოლო რეჟისორის თანაშემწედ ანუ მაშინდებურად რომ ვთქვათ, სცენარეულად მე ვიყავი. ჩემს მოვალეობას შეადგენდა წარმოსადგენი პიესის ყოველი მოქმედების შინაარსის შესაფერად მომეწყო სცენა და მსახიობებისათვის სცენაზე გასვლის დრო შენიშნებინა. კვირა-დღეობით, როდესაც პიესის შემდეგ დივერტისმენტი იმართებოდა, აკაკი მონაწილეობას იღებდა და თავის საკუთარ ლექსებს კითხულობდა, რაც საზოგადოებას მოსწონდა და დიდის აღტაცებით ეგებებოდა თავის საყვარელ მგოსანს. იმ დროს აკაკი ცხოვრობდა „პარიზის ნომრებში“, რომლებიც მოთავესებული იყო პატარა ორ სართულიან სახლში, ჭავჭავაძის ქუჩისა და რუსთაველის პროსპექტის მარჯვენა კუთხეში, იმ ადგილას, სადაც ამჟამად პროფკავშირებია მოთავესებული. ის პატარა ორ სართულიანი სახლი ვინმე ხუნდაძესა ჰქონდა იჯარით აღებული და შვიგ ნომრები გამართული. აკაკის ხუნდაძისაგან ამ ნომრებში ერთი ოთახი უსასყიდლოდ ჰქონდა დათმობილი. შემდეგ ის სახლი ბაქოელმა ვაჰარამ არაფელოვმა დაანგრია და დიდი სახლი ააშენა, რომელიც ამჟამადც არსებობს, რუსთაველის პროსპექტიდან იწყება და გრიბოედოვის ქუჩაზე თავდება.

აკაკი ჩვეულებრივ ფრაკით გამოდიოდა ხოლმე სცენაზე. ერთ კვირადღეს, როდესაც დივერტისმენტში აკაკიც იღებდა მონაწილეობას, საკუთარი ფრაკი არ აღმოაჩნდა. მაშინ ქართულ დრამატიულ დასს შეპირებული ჰყავდა თერძი მარქარა, რომელსაც შეეკრიბი ტანისამოსის სავაჭრო ჰქონდა იარმუკაში. ეს მარქარა ვალდებული იყო ყოველი წარმოდგენის დღეს შვიდი საათისათვის თეატრში მოეტანა ევროპული ტანისამოსი, რაც კი მსახიობებს სჭირდებოდათ და რასაც შეუკვეთავდნენ რეკვიზიტორის პირით. რეკვიზიტორად იყო ადამ ჩუბინაშვილი, რომელსაც სცოდნოდა, რომ აკაკისათვის სცენაზე გამოსასვლელი ფრაკი იყო საჭირო და მარქარასათვის დაევალებინა. თეატრის ტანსაცმელს ერთი დიდი ზომის ფრაკიც გამოაყოლო. მართლაც მარქარამ ერთი ფრაკიც მოიტანა, მაგრამ, სამწუხაროდ ახოვან და გოლიათ აკაკისათვის ეს ფრაკი იმდენად პატარა აღმოჩნდა, რომ აკაკის მკლავიც ვერ გაეტია იმის სახელოში და მარქარამაკი-კი წუწუნნი დაიწყო: მაგოდენა კაცის ფრაკი სად იშოვება, საგანგებოდ უნდა შეიკეროსო. ამგვარად, აკაკი უფრაკოდ დარჩა და იძულებული იყო თავისი სერთუკით გამოსულიყო სცენაზე.

ვიდრე პიესა დამთავრდებოდა, აკაკი მიჯდა იქვე საპირფარეოში და რიღასიც წერა დაიწყო. საჭიროა გავიხსენოთ, რომ იმ დროს თბილისში ორი გამსესებელი სალარო არსებობდა, რომელიც ნიეთებს იგირავენდა: ბერუოვისა აწინდელ კეცხოველის ქუჩის ბოლოში, სასულიერო სემინარიის პირდაპირ, და აკიმოვისა—კუკიაში, კვირაცხოველის ქუჩაზე.

პიესის წარმოდგენა გათავდა, დივერტისმენტში, როგორც ვთქვი აკაკი თავის შავი სერთუკით გამოვიდა და პირველად შემდეგი ახალი ლექსი წაიკითხა:

საბრალო ჩემი ფრაკი
 აკიშვს აქვს გირაოდ,
 მონდოდა გამოუმხსნა
 დღეისთვის, საკვირაოდ,
 მაგრამ ვერ მოვახერხე,
 ჯიბესთან ვარ მწვარადა,
 ვერც რას შრომით ვშოულობ,
 არც მაძლევინ ვალადა,
 ჯავრით პირი მიშრება,
 სისხლი მოძდის ყელშია,
 დამირბა ჩემი ფრაკი
 იმ ურჯულის ხელშია.
 აწ-კი ბკუას ვისწავლი,
 თუ კიდევ შევიკვრი,
 სულ სხვაგვარად მოვიხმარ.
 მიხვდით, რას ვიხამ მერე?
 აკიშვთ ვწევებ
 უთუოდ ხელს ავიღებ
 და საკვირაოდ იმ ფრაკს
 ბერძნოვან წავიღებ.

საზოგადოება ამ ლექსს დიდის ალტაცებით მიეგება და ტაშისკვრა და ვაშას ძაბილი დიდხანს არ შეწყვეტილა. ეს ლექსი აკაკის დაბადებიდან ასი წლის შესრულების აღსანიშნავად დაბეჭდილ მის სრულ თხზულებათა პირველ ტომში არ არის მოქცეული, ალბათ, რედაქტორებს ან გამორჩენიათ, ან უთარილოდ მიაჩნიათ და ამიტომ პირველ ტომში არ მოუქცევიათ. ნამდვილად-კი ეს ლექსი დაწერილია 1884 წლის პირველ იანვრიდან მარტამდე, ერთ-ერთ კვირადღეს, თვე და რიცხვი არ მახსოვს.

ოქტომბერი 1940 წ.

6. აზიანი

რამდენიმე შეხვედრა აკაკისთან¹

აკაკი წერეთლის ნიჭს დიდ პატივსა სცემდნენ და ათაყვანებდნენ არა თუ მარტო ქართველები, არამედ გაქართველებული სომხებიც, რომელნიც ბლომად მოსახლეობდნენ საქართველოს სხვადასხვა კუთხეში: გორსა, სიღნაღსა, თელავსა და ქუთაისში, აგრეთვე სხვაგანაც.

მეტადრე ჩემს სამშობლო გორში განსაკუთრებული სიყვარული ჰქონდა დამსახურებული აკაკის. იქაურმა სომხობამ თავისი ენა აღარც კი იცოდა და სულ ქართულად ლაპარაკობდა. მარტო საყდარში თუ გაიგონებდით სომხურ ენას, ისიც წირვა-ლოცვას, ქადაგებით კი მღვდელი ქართულ ენაზე ჰქადაგებდა

¹ მცირე ნაწილი ამ მოგონებისა დაბეჭდილი იყო გაზ. „თემის“ 1915 წ. №206

გამიათეცედა ღრმა სიყვარული და პატივისცემა აკაკისადმი, რომელიც ჯერ თვალთათუ არ მენახა და რომლის გაცნობასაც ეიურ მანანსებრ მოველოდი. მალე ეს ხატერა ამისრულდა. შე ამ დროს ვცხოვრობდი ანასტასია თუმანიშვილ-წერეთლის ოჯახში, სადაც თითქმის ყოველ-დღე შემოდიოდნენ ხოლმე სხვა-დასხვა ქართველი საზოგადო მოღვაწენი და მწერლები. კვირაში ერთხელ ხომ -ჯეჯელი“-ს ირგვლივ მუდამ იმართებოდა საღამოები, რომელსაც ესწრებოდნენ იაკობ გოგებაშვილი, არჩილ ჯორჯაძე და სხ.

ერთ საღამოს, როცა ყველანი ჩაის შევექცეოდით სასადილოში, კარი ვიღამაც შემოაღო დერეფანში; დიასახლისმა ანასტასიამ გაიხედა და სიხარულით წამოძახა: „ო...ო! აკაკი! აკაკი! მობრძანდით! მობრძანდით!“.

ისე ამიკანკალდა გული, რომ კინაღამ საბუღარიდან ამომივარდა. კარებში ნელის ნაბიჯით შემოვიდა თვალთწარმტაცი გარეგნობის მოხუცი, მაღალ-მაღალი, წარმოსადგევი ტანი, დაგვირგვინებული ძველისებურ თავით. მაღალი შუბლი და ტკბილი, მომღიმარე სახე, თოვლივით თეთრი თმა, წვერ-ულვაშებით, ისეთ შთაბეჭდილებას ჰქმნიდნენ, თითქო ოლიმპიელი ჩამოვიდა ჩვენთან, მიწიერებთანაო.

ყველა იქ დამსწრენი, მოხუცი თუ ახალგაზრდა, ფეხზე წამოდგნენ და მოწიწებით ეპატიებოდნენ: „მობრძანდით“, „აი, აქეთ დაბრძანდით“-ო.

აკაკი ძალიან თავდაბალი, გულკეთილი და ზრდილი კაცი იყო, ბევრჯერ გადაქარბებით თავდაბალი... მიუხედავად ამისა, მას მოქცევამი ემჩნეოდა არისტოკრატიული ჩვევებიც.

აკაკი, როგორც შეეფერება ყოველ დიდებულ პიროვნებას, ცდილობდა, რომ ცხოველ მზესავით, ყველა გაეთბო ირგვლივ, გაეცოცხლებინა, გაემხიარულებინა. როცა მეც გამამბედნიერეს და იმ ჩემთვის დაუფიწყარ საღამოს განაცუნეს დიდებული პოეტი და მოახსენეს —ეს აზიანიო,—იგი ღივილით მომიბრუნდა —ქალო, შენ სანახავად გორში მოვდიოდიო“ მითხრა მან.

მე საშინლად ვაგწითლდი, მთლად ავირიე სიხარულისაგან —(23 —24 წლისა ვიყავ და დავიჯერე ეს ქაინაური)—მანაც როგორც იყო, მოვახერხე პასუხი: „თქვენ შეიძლება დამკინით, ბ-ნო აკაკი, მაგრამ მე კი მართლაც თქვენს სანახავად თბილისში ვიახელით-მეთქი“.

მთელი საღამო უფრი და თვალი საყვარელ პოეტისკენ მქონდა მიპყრობილი და ვტიქრობდი: ბუნებაჲ, ალბათ, მართო შენზე მოიცალა, რომ ვონები-თაც აგრე უხვად დაგაჯილდოვა-მეთქი.

მართლაც და რა მშვენიერი სანახავი იყო აკაკი, როცა თავისებურად ოხუნჯობას მოჰყვებოდა ნაცნობ-მეგობრებში: ან სავარძელში რომ გადაწვებოდა, ნიბლიასებრ ქუთუთოებს დახრიდა თვალგებზე და მოგიყვებოდა უცნაურ ამბებს, რომელთა სინამდვილე არავის სჯეროდა, რადგან იქვე, მსმენელთან, სახელდახელოდ იყო შეთხზული, მაგრამ ეს ამბები ისე უხვად იყო შეზავებული მაღალი პოეზიით და ენამახვილობით, რომ ძალაუნებურად მიჰყვებოდი დიდებულ პოეტს უდაბნო ბილიკებით მის საოცნებო კოშკში.

ეს ნამდვილი პოეტური თვისება აკაკისა ერთხელ (ვგონებ, 1905 წ.) საკარიკატურო მასალად გახადეს ფედერალისტებმა და „ცნობის ფურცელი“-ს ერთერთ დამატების №-ში აკაკი დახატეს პირში სტვირით და ამ სტვირიდან გამომდინარე საპნის ბუშტები, ქვეშ კი წააწერეს: „სიბერის დროსა არ ვარგა საპნის ბუშტების სროლაო“.

ამ კარიკატურამ საშინელი გულსწყრომა გამოიწვია, როგორც აკაკისა, ისე მისი თაყვანისმცემლებისა, და ტყვიასებრ წამოვიდა პროტესტები ლექსით და პროზით ფედერალისტების მიმართ. თითონ აკაკიმ, რამდენადაც მახსოვს, ვესლიანი ლექსით უპასუხა „ცნობის ფურცლის“ ერთერთ მთავარ მესვეურს, გიორგი ლასხიშვილს, რის შემდეგ შემოსხენებული გაზეთის უახლოეს ნომერში მობოდიშებისნაირი ახსნა-განმარტება დაიბეჭდა. თუ არა ეცდები, შინაარსი დაახლოებით ასეთი იყო: ევროპაში მიღებულია დიდებული პირების გაკარიკატურება და ეს სულაც არ ლახავს მათ ღირსებასა; ხოლო ჩვენ ჯერ არა ვართ შეჩვეულიო... და სხვა არსთანები.

აკაკის ქალების საზოგადოება ძალიან უყვარდა, არა თუ მარტო ლამაზი და კობტა ქალებისა, არამედ ბევრჯერ მახინჯ და უბილო ბებერ მანდილოსნებშიაც მშვენივრათ გრძნობდა თავს.

გარდა ამისა, ქალებსაც (ბებრებს თუ ახალგაზრდებს) ძალიან უყვარდათ აკაკი, რომელიც ხშირად არც მათ დაცინვას ერიდებოდა, მიუხედავად თავისი განთქმული ზრდილობისა.

ერთხელ, ტასო წერეთელთან რამდენიმე საზოგადო მოღვაწე ქალი შეიკრიფა, მეც იქ ვიყავი. კაცებს შორის იყო დიდებული პოეტიც.

ერთერთმა მანდილოსანმა თავზე ხელი წაიგლო და სასოწარკვეთით წამოიძახა: „უ... უხ! რა თავი მტკივა, რა თავი მტკივა!“

აკაკიმ გესლიანად ჩაიცინა და უთხრა: „ნეტა ვიცოდე, რა ისეთი ძვირფასი თავი გტკივთ, რომ ეგრე კეცხულობთ?“ ყველა იქ მყოფს სიცილი აუტყდა. მანდილოსანს ძალიან ეწყინა, მაგრამ აკაკიმ მალე დააშოშმინა და აღსხნა: „რა თავი მტკივა“ კი არ უნდა გეთქვით, არამედ—რა ძლიერ მტკივა თავიო.

აკაკის ოხუნჯობას დიდი პოპულარობა ჰქონდა ხალხში მოპოებული. ბევრჯერ ისეთ ხუმრობა-შაირების ავტორებთანაც კი აცხადებდნენ მას, რაც თვითონ ხალხმა შეთხზა და აკაკის თავის დღეში არ უთქვამს.

აქ ვეცდები გადმოგცეთ ის, რაც მე თითონ მსმენია აკაკისაგან, ან გამცონია იმ პირებისაგან, რომელნიც ახლო იდგნენ პოეტთან და ღირსნი არიან დაეუჯეროთ მათ ნაიმბობს. აქვე კი უნდა მოვიბოდიშო, რომ მოხუცებულობის გამო ბევრი რამ დამავიწყდა და ახლა ძალიან ვნანობ, რომ რვეულში არ ვიწერდი აკაკის მოსწრებულ სიტყვებს. მას მე ვხვდებოდი თითქმის ყოველდღე: ჯერ ანასტასია წერეთლის სახლში, სადაც მე დავეყვი 3-4 წელიწადი და სადაც პოეტი კვირაში ორჯერ—სამჯერ შემოდიოდა ხან დღისით, ხან საღამოთი. საშინლად უყვარდა ლობიოს შექამანდი და ღიასახლისს შეუკვეთავდა ხოლმე: „შენმა მზარეულმა ხვალ ლობიო დამიმზადოსო“.

ხშირად ვხვდებოდი პოეტს აგრეთვე დ. ზ. ალდადანოვის ოჯახშიც. აქ კარგა ხანს ვცხოვრობდი. ამ დასახელებულ მანდილოსანთან აკაკის მიწერა-მოწერაც ჰქონდა. ერთერთი წერილი მეც წამიკითხა დარია ზაქარიას ასულმა, როგორც ნიმუში პოეტის ოხუნჯობისა. აქაც ხშირად ჰპატივობდნენ პოეტს სადილად, მაგრამ უფრო ხშირად მე ვხვდავდი აკაკის მაშინდელ ქართულ თეატრში (ახლა ვიროზილოვის სახელობის კლუბი), ეს იყო 1904 წ. როდესაც პოე-

ტი მიწვეული იყო რეჟისორად, ხოლო თეატრში მე მეტარა ბიბლიოთეკა. თეატრს განაგებდა „ქართული დრამატიული საზოგადოება“, რომლის წევრებიდან კარგად მახსოვან: ნ. ქართველიშვილი, სვიმონ კლდიაშვილი, ვასო სულხანიშვილი და ის იყო ახლად ჩამოსული საზღვარგარეთიდან გიორგი დეკანოზიშვილი. ყველანი—განათლებულნი, ხელოვნების კარგი მცოდნენი, უახგარო მუშაქნი და იშვიათი ხასიათის ადამიანები იყვნენ. მიუხედავად ამისა, როცა გიორგი დეკანოზიშვილი—(პროფესორი სამთა-მადნო ინჟინერი)—გააცნეს აკაკის, უკანასკნელი მიუბრუნდა იქ მყოფ ზემოხსენებულ პირებს და ირონიით უთხრა—„ძვირფასი იაგუნდ—ზურმუხტები სხედხართ „დრამატიულ საზოგადოებაში“ და „გორნი“ ინჟინერიც მოგინდებათო. ეგება თქვენისთანა ბრილიანტები კიდევ აღმოაჩინოსო“... ყველას სიცილი წასკდა.

კეთილი გულისა იყო აკაკი, მაგრამ ბევრჯერ შხამიანათაც იკბინებოდა. ერთხელ, ანასტასია წერეთლისას სადილშემდეგ ჩემი სურათი უჩვენეს წიგნში აკაკის. ამ სურათში, მართლაც, ძალიან გაველამაზებინე ფოტოგრაფს. აკაკიმ დახედა სურათს, მერე მე შემომხედა, თავი გადააქნ-გადმოაქნია ეკვიანად და წამოიძახა: „წადი და ამიერიდან ფოტოგრაფებს დაუჯერეო“. მე საშინლად მეწყინა, სხვები კი სიცილით კვდებოდნენ, რამაც უფრო გამაწიწმატა. მეორე დღეს დიდებულმა პოეტმა ისე გამაბედნიერა, რომ მთლად გამიქარწყულა ჩემი მისდამი სამღურავი. შემოვიდა თუ არა „დრამატიულ საზოგადოების“ კანტორაში, სადაც ბიბლიოთეკაც იყო მოთავსებული, თავის ლექსების კრებული გამომიშვირა და მითხრა: „ჩემ სახსოვრად გქონდეს ესაო“.

ჩემ აღტაცებას საზღვარი არა ჰქონდა, მეტადრე როცა ყდა გადავშალე და აკაკის ხელით წარწერილი ლექსი წავიკითხე:

„მწერალ ქალა ხაინსა,*)
ნიჭიერს და აზრიანსა,
თანაც დიდათ ბრაზიანსა!
თუ არ არგებს, არც რას აწყენს,
არ მოუტანს მას ზიანსა!“

ეს „აზრიანი“ და „ნიჭიერი“, ისე მიამა, რომ მაქარივით თავში ამივარდა და „ცა ქუდათ აღარ მიმანდა, დედა-მიწა ქალამანათა“, მაგრამ რაც შეეხება „თანაც დიდათ ბრაზიანსა“, სწორე მოგახსენოთ, არაფრად მეკაზნიკა, მაგრამ მაინც დიდი მადლობა გადაეუხადე.

თითონ მეც მაშა-შვილურად მეპყრობოდა და მაქეზებდა პიესების წერა განმეგრძო.

აკაკი ბევრჯერ თავის ცოლშვილზედაც ოხუნჯობდა. მისი მეუღლე, შთამომავლობით ბაზილევსკაია, ფაშ-ფაშა ქალი იყო. ერთხელ თურმე, როცა აკაკი თავის მეუღლით ჩასულა ქუთაისში თუ საჩხერეში, იქაურ მცხოვრებლებთ პოეტის პატივსაცემად ზეიმი გაუმართავთ. აკაკის მეუღლეს მიუშართავს ქართველი საზოგადოებისათვის: „Мой муж для вас то-же, что для русских Толстой“,—რაზედაც აკაკის უპასუხნია: „Я-то не Толстой, а вот ты—толстая, это—правда!“

*) ეს ლექსი დაბეჭდილია გაზ. „თემში“ № 206, 8 თებერვ. 1915 წ.

ერთხელ, მახსოვს, ანასტასია წერეთლისას სადილსუკან, სასტუმროში ვი-
 სხედით და აკაკის ოხუნჯობას ყურს ეუგდებდით. ამ დროს კარები შემოიღო
 გარედან და ერთერთი ქართველი მსახიობის მეუღლე შემოვიდა, 7—8 წლის
 ბავშვით. ყველას მიესალმა და მიმართა აკაკის თხოვნით: ბ-ნო აკაკი, მითხრეს,
 რომ სადილად აქა ბრძანდებით და გაკვადნიერდი და შეგაწუხეთო. ამ კვირია
 ჩემი ქმრის ბენეფისია და გთხოვთ, ერთი რამ ლექსი დავვიწეროთ და სცენი-
 დან წაიკითხოთო. ნება რო დავვართოთ და თქვენი მონაწილეობა გამოვაცხა-
 დოთ ვაზეთში, აუარება ხალხი მოვა და ჩვენისთანა გაქირვებულ არტისტებს
 ძალიან ეშველებო. აკაკიმ იმწამსვე თანხმობა გამოუცხადა, პატარა ბავშვს
 ვერცხლის მანეთიანი აჩუქა და გამოთხოვებისას დაჰპირდა, რომ საბენეფისოდ
 ახალ ლექსს დავიწეროთ.

სალამოს, ჩაიზე, პოეტმა წაგვიკეთხა ფანქრით დაწერილი მშენებრი ახა-
 ლი ლექსი, საბენეფისოდ გამზადებული. მთლად აღარ მახსოვს ეს ლექსი, მაგ-
 რამ რამდენადაც გონებაში ჩამრჩა, ასე იწყებოდა:

დღეს რომ მეფე ვარ, ხვალ—გმირი*.

და თავდებოდა ასეთი სტრიქონებით:

წელიწადში მხოლოდ ერთ დღეს
 შევზარით, როგორც აღდგომას,
 რომ მაშინ მაინც ველიროთ
 ჯერზედ ცოლ-შვილის გაძღომას!

ეს სანატრელი ტყილი დღე
 სახელად „ბენეფისია“,
 მაგრამ ვაი, რომ ხშირათა
 სახრავი მაინც სხვისია!

(ბოლო სტრიქონი გულისხმობდა თეატრის ხარჯებს).

ყველა აღტაცებაში მოგვიყვანა ამ ლექსმა. დადა ბენეფისის დღეც. გა-
 ზეთში მოთავსებულმა ანონსმა—„აკაკი ახალ ლექსს წაიკითხავსო“—გასჭრა და
 იმდენი ხალხი მოიზიდა ქართულ თეატრში (რომელიც მაშინ ცარიელი იყო
 ხოლმე), რომ ნემსი არ ჩავარდებოდა. იმდენი ხალხი მხოლოდ ისეთ პირველ
 ხარისხიან არტისტების ბენეფისზე გროვდებოდა, როგორიც იყენენ ვასო აბა-
 შიძე, ნატო გაბუნია, ლიზა ჩერქეზიშვილი...

ფარდა აიხადა, გამოჩნდა აკაკი სცენაზე და გაიმართა ისეთი ოვაციები,
 ისეთი ტაშის ქუხილი, რომ კარგა ხანს ლექსის წაიკითხვაც აღარ დაცალეს.
 მიუხედავად იმისა, რომ ლექსი წაიკითხა ძალიან დაბალი ხმით და ბევრს უკა-
 ნა რიგებში არც კი ესმოდათ, მაინც საყვარელი პოეტი ისეთი აღტაცებით
 მიიღეს, გეგონებოდათ მისი ბენეფისია და არა მსახიობისაო.

მახსოვს კიდევ რომ აკაკი ხშირად ემდურებოდა მაშინდელ ცენზორს ჟუ-
 რულს, რომელიც, მისი სიტყვით, მუსრს ავლებდა მის ნაწერებს.

ერთხელ, როცა დრამატიული საზოგადოების კანტორაში ვიყავი, დიდ-
 ბული პოეტი შემოვიდა და იქ მყოფთ არტისტ—მწერლებს უამბო აღვლებით:
 დიდი ჩხუბი მომივიდა ცენზორ ჟურულთან ჩემი ლექსების დამახინჯების
 გამო და იცით იმან რა მიპასუხაო?

— რა?— გკითხეთ ჩვენ.

— წადი და საცა გინდა მიჩივლეო!

მეც მივაძახე— პაი, თუ გინდა უფრო წინ წაგასკუპონ და ჩინ-ორდენები მოგიმატონ, შე სიმართლის ჯალათო!

აკაკის ძალიან უხაროდა თუ მშობლიური კულტურის ცაზე ახალი ვარსკვლავი გამოჩნდებოდა ხოლმე. სიტყვით, საქმით, დარიგება-წაქეზებით ცდილობდა პატარა ნაპერწკალიც კი ნაკვერჩხლად ექცია, მაგრამ ძალიან ხშირად ნაღვლიანად იტყოდა ხოლმე: ამა და ამ მწერალმა, ან არტისტმა დიდი იმედები აღმიძრა. ბოლოს კი მოგტყუებოდა: ფშუტყვევილასავით ლამაზი ფოთლებით თვალი მოგვტაცა, მერე კი უნაყოფო გამოდგა და მალე დაქცნაო.

დასასრულ აქ მინდა გიამბოთ აკაკის ერთერთი ლექსის ბედ-იღბალზე, რომელიც მან დასწერა 1905 წ.

ერთხელ, ანასტასია წერეთლისას აკაკიმ ამოიღო უბის ჯიბიდან თავისი ხელნაწერი. ზემოხსენებული, ჯერ არსად დაბეჭდილი ლექსი და დაიწყო წუწუწუნი— ეს დავწერე ამ დღეებში და არ ვიცი, სად დაგებულო, ყველანი უარს მეუბნებიანო: სოციალისტ-ფედერალისტები „სოციალ-დემოკრატს“ მეძახიან, ეს უკანასკნელნი კი— „სოციალისტ-ფედერალისტსო“. აღარავინ მწყალობს, აღარავინ მიბეჭდავს ლექსებსაო.

მე ვიკოდი, რომ ეს სიტყვები ჩვეულებრივი პოეტური გადაჭარბება იყო და მოეახსენე:— ამა, გვიბოძეთ ეგ ლექსი და ვნახოთ, როგორი სიხარულით დაბეჭდავენ-მეთქი. მართლაც, აიღო და გადმომცა. მე მაშინ უცბად გორში წასვლა მომიხდა კარგა ხნით. ეს ლექსი თან გამყვა და საწერ მაგიდის უჯრაში ჩამრჩა. მას შემდეგ გავიდა რამდენიმე წელიწადი, ამ ხნის განმავლობაში ბევრჯერ შემიხდა უკვდავი აკაკი თბილისში ნაცნობებისას, ქუჩაშიც და მთხოვდა— „მომე ის ლექსი, გადაწერ და დედანს ისევე მოგცემ, მე აღარ მახსოვს ზეპირათო“. მაგრამ რაც ხანი გადიოდა, მე უფრო ძუნწურად ვმალავდი საყვარელ პოეტის ხელნაწერს და არ მემეტებოდა დასაბრუნებლად. ვერ წარმომიდგინა, რომ მას აღარ ახსოვდა საკუთარი ლექსი და ვერ განახლებდა. ბოლოს როგორც იქნა, დავირცხვინე და გორიდან თბილისში წამოვიღე ეს ხელნაწერი ავტორისათვის გადასაცემად. ვიმედოვნებდი: ჩემთან გადასწერს და დედანს ისევე დამიბრუნებს-მეთქი... მაგრამ აღარ მეღირსა მისი ნახვა. ვიხილე მხოლოდ მისი დიდებული დამარხვა, სადაც მთელი ერი ისე გლოვობდა, როგორც დამწვარი დედა დაკარგულ შვილისა! არა თუ მარტო ქართველი ერი, არამედ ყველანი, განურჩევლად ეროვნებისა, ვისაც კი წაუკითხავს ან გაუგონია მისი უკვდავი ნაწარმოებნი. აქ აღარ ავიწერათ, რა ღრმა მწუხარება განიცადე და როგორ მტანჯავდა სინდისი, რომ დიდებულ პოეტს არ აუხსრულე სურვილი და დროზე არ დავუბრუნე მისი ხელნაწერი.

ა კ ა კ ი

1

აკაკის საშინლად უყვარდა ბანქოს თამაში. მე-სულ ვეჩხუბებოდი: რამდენ-დროს ჰკარგავთ ამ თამაშში-მეთქი. მიპასუხა—არ შემიძლიან გადავეჩვიო, რად-გან დაბადებიდანვე დამყვავო. როდესაც დედა ჩემი ფეხშიძემით იყო ჩემზედ, თურმე სულ სალოცავი ოთახის ბუხარში ჩასმულ ორ ლამბაქს უცქეროდა, რომელზედაც დახატულია ბანქოს ქალღღებო, ამიტომ დაბადებიდანვე დამყვავეს სენიო.

რა დღესაც არ ითამაშებდა, ის დღე დღედ არ მიაჩნდა. როცა ჩამოვი-დოდა დილა ადრიან საჩხერეში, გზიდან მოგვესალმებოდა და დაგვიძახებდა, ხვალ გნახავთ და ბანქოც დამახვედრეთო. რაღა თქმა უნდა, პარტნიორებს დავახვედრებდით. თამაშში ძალიან ცრუმორწმუნე იყო. თამაშის დროს კატა რომ შემოსულიყო, ისე ეწყინებოდა, რომ მოსაკლავად არ დაზოგავდა, თუმცა ბუნებით ძალიან გულკეთილი კაცი იყო. თუ ვინმე მოუჯდებოდა საყურებლად, მაშინვე გააგდებდა, გლახა ფეხი მომიტანეო.

2

ზაფხულობით ძალიან ხშირად დადიოდა საჩხერეში და ამბობდა: არსად ვწერ ისე სიამოვნებით, როგორც საჩხერეშიო. ერთხელ ჩემთან ჩამოვიდა ჩემი სიძე ვანო მაჩაბელი თავის ოჯახით. აღექსანდრე დიმიტრის-ძე წერეთელმა და-ნინო წერეთელმა დაგვაბატყეს საღამოზე ბაღში, რომელიც აკაკის დედისა იყო. მშვენიერი დიდი კაკლის ქვეშ, მთვარიან ღამეში ვისიამოვნეთ. საღამური დაუკ-რეს, ჩვენმა მოპრიგებელ მოსამართლემ ანაპოდისტე მაჩაბელმა ლეკური ითა-მაშა სუფრაზე. დალია აკაკის სადღეგრძელო და მოახსენა: სამადლობელს ვე-ლით, ექსპრომტსო. რასაკვირველია, ყველამ (140 სული ვიყავით) ტაში დაუკა-რით. 20 წუთის შემდეგ აკაკიმ წაგვიკითხა: „სანამ ვიყავ ახალგაზრდა“. ისეთ ალტაცებაში მოგვიყვანა ყველანი, რომ სტაქეს ხელი და მალა აიყვანეს. მარა-აკაკის გული ძალიან სუსტი ჰქონდა და ითხოვა, დამსვითო.

3

ქუთაისში რომ ოუბილე გავმართეთ, იმ დღეს აკაკიმ ჩვენთან ისადილა-საღამოზე თეატრში უნდა წასულიყო. შემოვიდა ჩემი შვილი,—მისი ნათლული. შემოჰყენენ ამხანაგები და საეარძლიანად მოიყვანეს ეტლამდე, ხოლო შემდეგ ცხენები გამოუშვეს ეტლიდან და თითონ ყმაწვილები შეეხნენ. თავის ნათლულს უთხრა: ამ საფეხურზე დადექო, ვინიცობაა გადაბრუნდეს, ხელი მტაცეო. სა-შინელი მშიშარა იყო. თეთრი ხიდი უნდა გაველოთ და ეშინოდა, რიონში არ გადამჩხონო. ნათლული ძალიან ღონიერი ყმაწვილი იყო და იმის იმედი ჰქონდა. გზაში თურმე სულ „მამაო ჩვენოს“ ლოცულობდა.

4

ერთხელ ელისაბედ წერეთელმა მოაწყო საღამო, სადაც მ წლის ბავშვმა, ჩემმა შვილმა თამარმა, ბეჟან წერეთლის ქალმა წაიკითხა „ცა-ფირუზ, ხმელეთ-ზურმუხტი“. აკაკი რომ ყურს უგდებდა ბავშვს, საშინლად აღელდა და ქვითინი დაიწყო. მე ვკითხე, რამ აგაღელვავთ აგრე, რომ ატირდით-მეთქი, — იმისთანა გრძობით წაიკითხაო, რომ ბედნიერება განვიცადე, რომ ამ პატარამ ასე იგრძნო ჩემი გულის ნადებიო, დიდები ასე ვერ წაიკითხავენო. დაუძახა ბავშვს და მოუაღერსა.

5

ერთხელ ქუთაისიდან მოვიდა და სიცილით გვიამბო: ლადიძის წყალსა ვსვამდი კუთხეში და მესმისო ლაპარაკი: ვილაც სომეხი ეუბნებოდა იმერელს, ჩვენ დიდი პოეტი მოგვიკვდა და დიდის დიდებით დავმარხეთო. იმერელი წამოხტა და უთხრაო: დაცა აკაკი მოკვდეს, შენ ნახავ რა დიდებით დავმარხოთო. მე ვავიფიქრეო, რად მინდა სიკვდილის შემდეგ დიდება-მეთქი.

გელათობის წინა დღეს შემოვიდა ჩვენთან და გვითხრა: წავიდეთ ხვალ გელათშიო, მეორე დღეს კატო ნიკოლაძე, მე ჩემი ქალით და აკაკი წავედით. საღამოზე უკან რომ მოვდიოდით დიდძალი ხალხი ბრუნდებოდა. აკაკი რომ დაინახეს, ყველამ „ვაშას“ ძახილი ასტეხა. ყვაილებს გვიყრიდნენ ფაიტონში; ზოგნი ქუდებს ისროდნენ. აკაკიც სიცილით თავს უკრავდა. ჩამოსვლისას მე უთხრა: — აი, აკაკი, როგორ უყვარხარ ხალხს და შენ კი არა გჯერა-მეთქი. მიპასუხა: თქვენ, ნათლიდედ, მოესწრებით ჩემ სიკვდილს და დაინახავთ, რომ უფრო შემეყვარებნენ და მართლაც უდიდესი პატივით დამარხეს დიდებული პოეტი.

6

ერთხელ ცნობილი ოლივერ უორდროპი საჩხერეში ჩამოვიდა ჩვენთან. შევატყობინე აკაკის, როცა იგი მოვიდა ჩემმა პატარა ქალმა უთხრა: ძია, ჩვენთან მოვიდა ერთი კაცი, რომელიც „ინგლიზურად“ ლაპარაკობსო. ჩვენ სიცილი დავიწყეთ. — ნუ იცინითო, გვითხრა, ბავშვები ყოველთვის სწორე ლაპარაკობენო. საერთოდ, ბავშვები აკაკის ძალიან უყვარდა, დაისვამდა ხოლმე მუხლებზე და ზღაპარს ათქმევინებდა.

7

საერთოდ, აკაკი ზარმაცი იყო, მარა ხანდახან ისე მოუვლიდა სურვილი წერისა, რომ ქალღმრთის თამაშიც კი ავიწყდებოდა. ერთხელ ჩემს ქმარს მოუვიდა პატარა ნაფოტი, რომელზედაც ეწერა: ქალღმრთელს გამითავდა, თავში ბევრი რამ მომდის და მიშველე ბეჟან. მაშინვე ქალღმრთელს გაუგზავნეთ და მართლაც მთელი კვირა დღე-ღამე წერაში იყო.

8

ერთხელ საჩხერეში მოუგვიანდა და ავად გახდა, მე და ჩემი ქმარი ყოველ დღე დავდიოდით სანახავად, ვამშვიდებდით, რომ საშიშო არაფერია. ატირდა და თქვა, მე იმას ვწუხვარო, უამხანაგებოდ ვარო. იმავე საღამოს მივწერე ჩემ სიძეს ვანო მაჩაბელს და ჩამოვიდნენ: ვანო, მიშო მაჩაბელი და გიგო დიასამიძე. დიდათ ისიამოვნა, მთელი დღე მასთან გავატარეთ და თქვა: დღეს დილით რომ გავიღვიძე, მახარობელი პეპელა შემოფრინდა და ვიფიქრე, რაზე მესიამოვნება და ამაზედ მეტი სიამოვნებაც რაღა მინდოდაო. თურმე ის პეპელა აკაკის დას ანას დაეპირა და ოთახში შეეფრინა, რაკი იცოდა, აკაკის კარვად აქვს დაცლილი პეპელას შეფრენაო.

9

თბილისში რომ იუბილე გაუმართეს, მეორე დღეს მოვიდა ჩვენთან და სიცილით გვიამბო: როცა ეტლში ჩავეჯექი და შინ მოვდიოდი, მეეტლემ იკითხა, ვისთვის არის ეს დღესასწაული, ქართველები რომ დღესასწაულობენო? მე ვუპასუხე ჩემთვისა-თქო ვაცივინა და მიპასუხაო—რა მასხარა ყოფილხარო!

10

ერთხელ ძალიან გვიან ვაათავეს ბანქოს თამაში და აკაკი ჩვენთან დარჩალამე. მეორე დღეს შუადღისას წამოწოლილი იყო, კარები დახურული ჰქონდა და ღიღინებდა. მე საშინლად გამიკვირდა, რადგან არასდროს მისი სიმღერა არ გამიგონია. მერე ვკითხე რა ამბავი იყო, რომ მღეროდი-მეთქი. მითხრა, არც ერთი ლექსი არ დამიწერია ჩემ დღეში, სანამ არ ვიმღერებო. ჯერ ვიმღერებ და შემდეგ დავწერ, ამითანა ჩვეულება მაქვსო. ძალიან გამიკვირდა.

11

სცენაზე გამოსვლის წინ, ნასადილევს ყოველთვის წამოწვებოდა, სიჩუმე იყოსო, მოხურადა კარებს და ხმა მალა იმეორებდა თავის ნაწერებს, თან ასწორებდა.

12

ხშირად მაჯავრებდა: ქართლელები ტეტიები ხართ, მოხერხება არა გაქვთ ისეთი, როგორც იმერლებსო. ერთი ქართლელის ოჯახში მივიდნენ საღამოზე სტუმრებიო. მოსამსახურე შევიდა და ხმამალა მოახსენა, ჩაი არა გვაქვსო.

იმერლის ოჯახში კი მოსამსახურე მაშინვე მიხვდა, რომ არ ივარგებს პირდაპირ თქმა და მოახსენაო: „შაქარაანთ მაიამ ჩაიარაო“. ბატონიც მაშინვე მიხვდაო. ეს რასაკვირველია, თვით მისივე მოგონილი იყო და შემდეგ ყველგან იმეორებდნენ.

13

როცა აკაკი უფულოდ იყო, მაშინვე საჩხერეს მოაშურებდა. ძალიან უყვარდა ნარდის თამაში. ისა და ჩემი სიძე ვანო მაჩაბელი ძალიან ხშირად თამაშობდნენ და თან ოხუნჯობდნენ. აკაკის არამც თუ ხანში შესულლებთან უყვარდა ბაასი, ახალგაზრდებთანაც დიდი სიამოვნებით ატარებდა დროს. დიდი პურადი კაცი იყო, უსადილოდ არავის გაუშვებდა, თითონაც ძალიან უყვარდა კმა.

14

ცოლშიველი მეტად ტკბილი კაცი იყო, ცოლი ძალიან უყვარდა. უკანასკნელ წუთებში, რომ კვდებოდა, შვილი იქ იყო, საჩხერეში და აკაკიმ უთხრა, მას: გადაეცი ნატალიას, რომ მე ყოველთვის მიყვარდაო. ცოლსაც ძალიან უყვარდა, მარა მზრუნველობით აწუხებდა აკაკის. ზაფხულობით რომ მოვიდოდა, პაპანაჭება სიცხეში კარებს ჰხურავდა, თბილ საბანში ფუფნიდა, არ გაცივდესო. გაღვიძება რომ დაუგვიანდებოდა აკაკის, ცოლი მოვიდოდა: ქუთუთოებს აუწევდა თურმე, გააღვიძებდა და ეტყოდა, აკაკი, ხომ არ მოკვდიო, სიცილით გვიამბობდა ხოლმე აკაკი თავის ცოლის ლოლიაობას მისდამი.

15

პეტერბურგიდან ჩამოსულმა ჩემმა უფროსმა შვილმა სთხოვა: აკაკის „ვეფხისტყაოსანი“ წაგვიკითხე და აგვისსენიო. დაუძახა ანეტა იურკევიჩს და სხვებს და მთელი ორი კვირა უხსნიდა ახალგაზრდებს. საუბედუროდ ის რვეული რევოლუციის დროს დაიკარგა. ძალიან მეგობრად იყვნენ აკაკი და ჩემი შვილები. ლექსებიც დაუწერა, მაგრამ ის ლექსებიც დაიკარგა.

16

ერთხელ აკაკის შვილი შესულიყო ლადიძის მღაზიაში, სადაც კედელზედ ყველა მწერლის პორტრეტი იყო გამოკიდული. ხოლო აკაკის პორტრეტი მეორე კედელზედ იყო. შვილმა დაუწყო ძებნა. ეკითხნათ, რა გინდაო.—მამაჩემის აკაკის პორტრეტს ვეძებო. არ დაეჯერებინათ, რომ შვილი იყო და გამოეგლოთო, სიცილით გვიამბო აკაკიმ.

17

თბილისის გუბერნატორად იყო ვინმე რაუში. ამ რაუშმა თურმე ცუდად მოიხსენია ქართველები. გუბერნიის მარშალმა გიორგი ბეგრატიონმა გააგდებინა აქედან. ამაზე აკაკიმ ბევრი იოხუნჯა, როგორც მთავრობაზე, ისე რაუშზე და აკაკი მეტეხის ციხეში დაიჭირეს. ტუსაღებს რომ დაენახათ აკაკი მიჰყავდათ, საშინლად აღელვებულნიყვნენ, აკაკის შეპყრობა როგორ შეიძლებოდა. 2 საათის შემდეგ გამოუშვეს. იქიდან პირდაპირ ჩვენთან მოვიდა და გვითხრა, ძალიან ვწუხვარ, რომ ასე მალე გამომიშვესო, იქაურობას მაინც გავიცნობდიო. ნასია-

პატარა ვიყავი, მაგრამ რომ ვხედავდი, როგორი მოწიწებით ეპყრობოდნენ მას უფროსები, მეც ასეთი გრძნობით ვიმსჭვალეობდი მისდამი. ის, რომ ჩვენთან მოვიდოდა, დედაჩემი ქალაქსა და ფანქარს აიღებდა და ყველა მის ნათქვამს სწერდა (სამწუხაროდ ყველა ეს ჩანაწერები დაიკარგა). ერთხელ აკაკიმ კიდევ უსაყვედურა დედას: „ნათლიდედ, სანამ ქალაქს და ფანქარს არ გადასდებ, ერთ სიტყვასაც აღარ ვიტყვი“—ო, დედამაც ძალაუნებურად შეიასრულა მისი თხოვნა.

ბიძაჩემს არჩილს (ბეჟან წერეთლის ძმა)—ძალიან აწვალებდა და ეხუმრებოდა. ქუთაისში, რომ ჩამოვიდოდა, ხშირად ჩვენთან ჩამოხტებოდა. საღამოთი, თუ ფული ჰქონდა საკმაოდ, კლუბში წაივდიოდა და თუ არა სახლში ფრავს თამაშობდა. ბანქოს თამაშის დროს ძალიან ცრუმორწმუნე იყო. მაგალითად, არასოდეს ქალაქს არ გაშლიდა, თუ გვერდზე ვინმე ედგა. თუ ჩვენთან არა ცხოვრობდა, დედას ეტყოდა, შენთან სადილად მოვალ, თუ საცივი და ღომი გექნებაო. საჩხერეში რომ უორდრობი გვეწვია, აკაკის შეუთვალეს და ვადმოვიდა, პირველად, ჩვეულებისამებრ მე შევხვდი და მივხარე: „ანგლიჩნური“ მოვიდათქო. ეს სიტყვა ძია აკაკის ძალიან მოეწონა და სახლამდის სულ სიცილით მოვიდა.

ყოველ გელათობას აკაკი ჩვენთან ერთად დადიოდა გელათში, ჩავისვამდა ეტლში დედას, კატო ნიკოლაძეს და მე და წაივდიოდა. ერთხელ დეიდა ტასოც იყო (ივ. მაჩაბლის მეუღლე), ერთ წასვლაზე აკაკის გელათის წინამძღვარმა სადილი გაუმართა. ამ სადილზე ბევრი სიტყვები ითქვა. უკან რომ მოვიდოდა, ეტლს ხალხი შემოიხეხია აღტაცებული ჟივილ-ხივილით. მთელი ეტლი ყვავილებით ავსეს. ეტლმა ძლივს გამოაღწია აკაკის თაყვანისმცემელთა შორის.

აი, აკაკი, სულ რომ წუწუნებ, არ მაფასებენ, არ მაფასებენო, აბა ეს რა არის, თუ არ გაფასებენო?—უთხრა დედაჩემმა.

— დაიცა ნათლიდედ, მე რომ მოგვედები, მაშინ ნახავ ჩემს დაფასებასო?—უპასუხა აკაკიმ.

მისი იუბილეს დროს ქუთაისში აკაკი ჩვენთან ცხოვრობდა. საღამოთი ჩვენ სახლს აუარებელი ხალხი მოაწყდა, ზოგი ჩირაღდნებით იყო მოსული. ჩემმა ძმამ და იმისმა ამხანაგებმა აკაკის ეტლიდან ცხენები გამოუშვეს და თვითონ შეეზნენ. ჩემი ძმა ღონიერი ახალგაზრდა იყო და ეტლის ცალი გვერდი არავის დაანება.—ნათლია ჩემია და ამ მხარეს არავის დაუთმობო. მეორე დღეს აკაკი მოუყვა თურმე დედას. კინაღამ გული გამისკდა შიშითაო, ხილამდე კი ჩემი ნათლულის იმედი მქონდა, მაგრამ ხილზე რომ შევდევით, იმის იმედიც დამეკარგაო.

მე ბევრი ვიტყვებ, მაგრამ არა გამოვიდა რა. საიუბილეო საღამოზე არავინ წამიყვანა.

ერთხელ, ქუთაისში საბავშვო დღია იყო, რომელსაც დავით კლდიაშვილი ხელმძღვანელობდა. ლოკაში აკაკი იჯდა. მე ვკითხულობდი „განთიადს“. შუა კითხვის დროს მომესმა ძია აკაკის ქვითინი. ლექსის კითხვა რომ გავათავე, სცე-

ამის მიზეზი ის იყო, რომ ჯერ სულ პატარა ვიყავი ასეთი სერიოზული საუბრის მოსმენისათვის, მაგრამ მე არ გამომპარვია არც ერთი სიტყვა მათი და გულში მწარედ მხედებოდა. იმ დღეს გავიგე, თუ როგორ იდევნებოდა ქართული ენა სკოლებიდან.

მასხოვს, აკაკიმ სთქვა, რომ ქართველი საზოგადოების ერთ-ერთმა წრემ, რომელშიც თვით აკაკიც იყო მონაწილე, გადასწყვეტა დაენიშნათ იანოვსკისათვის ტერორი. ამ აქტის შესრულება მიუხდევიათ ერთი პიროვნებისათვის, მაგრამ მას ვერ განეხორციელებინა გადაწყვეტილება. მასზე აკაკიმ გულდაწყვეტით სთქვა: „იმოქმედა იანოვსკის კაკარდამ“-ო.

ერთხელ ქუთაისში, ბეჟან წერეთლისას (ეს იყო 1905 წ.) აკაკიმ მოიგონა ძველი დრო და ახსენა ერთი გუბერნატორი, ვგონებ თუ არა ვცდები კოლუბიაკინი, რომლის წინააღმდეგაც მან გაილაშქრა საზოგადოებაში. ამ გუბერნატორის წინააღმდეგ ლონისძიებაც კი იყო დასახული. ვილიცას (დამსწრეთაგანს) მიეტანა ეს ამბავი გუბერნატორისთვის. გუბერნატორი შეხვედრია აკაკის და უთქვამს: „გეტყობა, ჯერ კიდევ გამოუცდელი და ყმაწვილი ხარო“.

ბევრჯერ გამოიგონია აკაკისაგან გელათის გაძარცვაზე გუბერნ. ლევაშოვის მიერ, რომელმაც სხვა ძვირფასი განძეულთა შორის, წაიღო თურმე თამარ-მეფის ჯვარი, მოქედელი ძვირფასი თვლებით.

ცხოვრებაში აკაკი ძალიან თავდაბალი იყო. როდესაც მასთან ვინმე მივიდოდა განსაკუთრებული თავზიანობით მიიღებდა ხოლმე. მასხოვს ერთხელ სადილის შემდეგ აკაკის გლახი ეწვია. აკაკიმ უბრძანა მზარეულს ქათამი დაეკლა და სტუმარს კარგად გამასპინძლებოდა.

1895 წ. სოფ. კორბოულში ცოფიან ძალს დაეკბინა ერთი გლახი — თევდორე სისვაძე, ძალიან დაახლოებული ჩვენს ოჯახთან. სისვაძე წამოსულიყო კორბოულიდან სხვიტორში, მამაჩემთან (კორბოულსა და სხვიტორა შუა 17 კილ. მანძილია), მამაჩემს რაკი გაეგო სისვაძის გაჭირვება, მიეცა ფული და გამოესტუმრებინა ჩვენთან თბილისში. მე და ჩემი ძმა როსტომი მაშინ პატარები ვიყავით და თბილისში ვსწავლობდით, დედაც ჩვენთან იყო. დედაჩემს (მარიამ წერეთელს) ბინა ნაჭირავეტი ჰქონდა ვანო მაჩაბლის სახლში. თევდორე ჩამოვიდა ჩვენთან და უამბო დედას თავისი ამბავი, თან წერილიც გადასცა, სადაც მამა სწერდა დედაჩემს, ყოველგვარი დახმარება აღმოეჩინა ამ გლახისათვის. იმ ღამეს ჩვენთან იყო თევდორე, უქიფოთაც იყო, ღვინოს ველარ ეკარებოდა, ამბობდა „ტანში მაჭიყინებს და ვაი თუ გავცოფდეთ!“ დედასაც შეეშინდა, ბავშვები არ დამოკბინოსო, მაგრამ გლახისთვის კი არ შეუმჩნევიებია. მეორე დღეს დედა წავიდა აკაკისთან. სულ მალე მოვიდნენ დედა და აკაკი, ჩაისვეს თევდორე ეტლში და წაიყვანეს საავადმყოფოში. უწამლეს, სანამ სრულიად არ განიკურნა, იქ იყო. შემდეგ წავიდა შინ და ღრმა მოხუცებული გარდაიცვალა კორბოულში 1922 წ.

თევდორეს ბევრჯერ უთქვამს „რა საქმე მიყავით, როგორ მომიარეთ ქალაქში, როგორ გადამარჩინეთ იმ უბედურებასო. დიდებულმა აკაკიმ მომისვა გვერდით, ჩააბარა ჩემი თავი ექიმებს და მისი წყალობით განსაკუთრებული ყურადღებით მექცეოდნენ და მივიღინენ“-ო.

ერთ საღამოს ჩვენთან (სხვიტორში) სტუმრები იყვნენ, მათ შორის ძია აკაკი. 1905 წელი იყო. ჩამოვარდა ლაპარაკი ტერორის შესახებ. იმ დროს ქუთაისში ტერორისტებმა ვილაც მოჰკლეს. ჩვენი სტუმრები ტერორისტული აქტის შემსრულებელს გულისწყრომით იხსენიებდნენ და ამბობდნენ: „რა მოსაკლავი კაცი ის იყოო“: მხოლოდ ერთადერთი აკაკი იყო, რომელსაც არ სწყინდა ეს ამბავი. აკაკიმ აუხსნა დამსწრეებს, რომ მოკლული ღირსი იყო სიკვდილისა, რადგანაც მან მთავრობასთან რევოლუციონერები დააბეზლაო.

1909 წ. მე აკაკის უკვე პარიზში შეხვდი. აკაკი ჩამოსული იყო პარიზში, სადაც მე ვსწავლობდი და დამიბარა. მეც ვესტუმრე. პარიზში ჩემი შეხვედრა უკვე განსხვავებული იყო წინა წლებთან შედარებით. სხვიტორში თუ თბილისში აკაკი ხშირი სტუმარი იყო ჩვენი, მე მას ვუყვარდი როგორც ძმისწული და მეტკეოდა როგორც ბავშვს, ხოლო პარიზში შეხვედრისას მე უკვე მესამე კურსის სტუდენტი ვიყავი. ოთხი დღე დავყავი მასთან პარიზში. მეტი დარჩენის დრო არ მქონდა, რადგანაც ინტერეგაციები დაწყებული იყო ინსტიტუტში და მეც საგნები მომზადებული მქონდა. აკაკი მომიყვა საქართველოს ამბებს, მიაშრა აგრეთვე თავის დაპატიმრების ამბავი: თბილისის ვიცე-გუბერნატორად დაენიშნათ ვინმე გვარად რაუში. რაუშს ქართველები არ უყვარდა თურმე და ცუდიდ ახსენებდა მათ. ეს რაუში ერთერი ლექსში აკაკის თავისებურად გაეკენწლა ორ აზროვნული გამოთქმით: „ამოუსვათ ნიშადური რა უშავს“. ამის გამო აკაკი დაეპატიმრებინათ. საპატიმროში აკაკისთვის ტუსალებს ოვაციები მოეწყოათ.

1912 წ. ზაფხულს მე საზღვარგარეთიდან ჩამოვედი სამი თვით. აკაკი სხვიტორში დამიხვდა. ამ დღიდან იწყება ჩემი დაახლოვება მასთან, სწორედ იმ ხანად აკაკი რაქა-ლენჩხუშში იყო მიწვეული, აკაკიმ მეც თან წამიყოლია მოგზაურობაში.

ივლისის შუა რიცხვებში გავემგზავრენით საჩხერიდან ქუთაისს, ხოლო შემდეგ ქუთაისიდან რაქა-ლენჩხუშისაკენ. მოგზაურობა იყო გრანდიოზული. უამრავი ხალხი, სოფლის წარმომადგენელი და აბალგაზრდობა ცხენებით ეგებებოდნენ გზა-გზა და აცილებდნენ მოსაზღვრე სოფლამდე. ტრიუმფალური კამარები, საზეიმო ფერხული, ცხენოსანთა „ესკორტები“, მიტინგები, რომელზედაც აკაკი გამოდიოდა სიტყვებით,—მეტად მომხიბლავი და ზღაპრული იყო. იმართებოდა საღამოები, ხალხური ცეკვა—ფერხულით და სიმღერებით. ეს იყო ნამდვილი სახალხო ზეიმი. საგულისხმოა, რომ სწორედ იმ დროს რეაქცია მძვინვარებდა, მაგრამ ხალხი ისეთი აღფრთოვანებული იყო, რომ მრავალრიცხოვანი მიტინგების გამართვას არ უფრთხოდა საყვარელ პოეტის პატივსაცემად.

განსაკუთრებით მნიშვნელოვანი იყო შეხვედრა ონში. ამ მოგზაურობის დროს საყურადღებო საუბრები იმართებოდა. სხვათა შორის ნიკორწმინდაში კანდელაკისას აკაკის შეეკითხნენ შ. რუსთაველზე, ალ. ყაზბეგზე.

ალ. ყაზბეგზე სიტყვა: მართალია, ალ. ყაზბეგი ვერ ახდენდა დიდი ტალანტის შთაბეჭდილებას, თვით მის ქტევაში ბევრი თავისებურება იყო, თითქმის ექვიტეპარებოდა ზოვიერთს მისი შესანიშნავი თხზულების ავტორობაშიც. კი, მაგრამ მე თვითონ ვარ მოწმე მისი წერისაო. ჩემი თანდასწრებითაც აქვს დაწერილი



აგაქი კიბათურაძე

თავისი თხზულებების ზოგიერთი ადგილები. წერის დროს ალექსანდრე სულ იცვლებოდა ხოლმე და მისი დაფარული ნიჭი ამ დროს იგრძნობოდაო“.

ავისტოს დასაწყისში დამთავრდა მოგზაურობა და ჩვენც ვბრუნდებოდით მარტონი. ჩამოვარდა ლაპარაკი მწერლის შემოქმედების ხასიათზე. აკაკიმ გვითხრა, რომ როდესაც მას ებადება აზრი ლექსის შექმნისა, იგი ჯერ გონებაში დაამუშავებს და შემდეგ გადაიტანს ქალალზე. იმ დროებთ მისი აზრი და გონება გართული იყო რაქა-ლეჩხუმის მოგზაურობის აღწერით. მართლაც სხვიტორში დებრუნების შემდეგ გაიარა სულ ცოტა ხანმა და მან წაგვიკითხა დედაჩემს, მე და კ. აბულშელიშვილს თავისი პოემა „რაქა-ლეჩხუმი“.

ჩემი ზეზედულებით, აკაკი კერძო ცხოვრებაში სუსტი ნებისყოფის პატრონი იყო. პრაქტიკულად რაიმეს განხორციელება მას არ შეეძლო. აკაკი ვერ იქნებოდა მტკიცე ადმინისტრატორი, გამტარებელი და განმახორციელებელი რომელიმე საჭირო საქმისა. თავის ოჯახშიაც ის თითქო სტუმარი იყო. რამდენჯერ ჩემთან ერთად დაუვლიდა ხოლმე თავისი კარმიდამო. აღფრთოვანებით დაგეგმავდა თავის სამეურნეო საქმეს, მაგ. აქ საყინულე უნდა გავაკეთო, აქ ბალიო, და სხვა ამისთანები. ჩვენ ყველამ ვიცოდით, რომ ამას აკაკი ვერ შეასრულებდა და ეს მხოლოდ ოცნებად დარჩებოდა. პრაქტიკული უნარი არ ჰქონდა.

აკაკის მეტად უყვარდა ბანქოს თამაში და ყოველთვის წაგებული რჩებოდა. იგი ღვინოს სრულებით არ ეტანებოდა. ჩემს სიცოცხლეში მე არ მინახავს აკაკი არამც თუ მთვრალი, ცოტათი შეზარხოშებულად კი, არც გამიგონია აკაკი ვისმე მთვრალი ენახოს.

აკაკის უანგაროდ უყვარდა თავისი ქვეყანა. საქართველოს ყოველი გასაქირი მასში დიდ ტკივილებს იწვევდა და თუ რამ განსაცდელი დადებოდა აკაკი ყოველთვის გაბედულად გამოდიოდა. ავიღოთ სევანების პროცესი. ბევრ სევანს ასტიაკი განაჩენი მოელოდა, აკაკი არასდროს ვეჭილი არ ყოფილა და მას არც აინტერესებდა ვეჭილობა, მაგრამ მაშინ, სევანების პროცესის დროს, წარსდგა სასამართლოს წინაშე შესანიშნავად, დიდი მჭერმეტყველებით დაასურათა მთელი სევანეთის ვითარება და ის გარემოებაც, რამაც აიძულა სევანები აჯანყებულიყვნენ.

აკაკის უყვარდა ადაშიანის შეელა, დახმარების გაწევა და მისი კეთილგზაზე დაყენება. მასსოვს, რაქა-ლეჩხუმში მოგზაურობის დროს ერთი ყმაწვილი მშვენიერი სიტყვით გამოვიდა, აკაკიმ გაიგო, რომ მას სწავლა შეწყვეტილი ჰქონდა, ამ ყმაწვილმაც სთხოვა აკაკის შეწევა. აკაკიმ მოუხერხა და შემდეგ ეს ყმაწვილი უნივერსიტეტშიც კი შევიდა. ეხმარებოდა აკაკი გზადანებულიებსაც. ვიცი ბევრი მაგალითი, რომ აკაკიმ იხსნა ციხე-კატორიდან არა ერთი და ორი და შემდეგ ისინი ღირსეული წევრნი გახდნენ საზოგადოებისა.

პარიზში ყოფნის დროს ძია აკაკის ქართველი სტუდენტობა გარს ეხვია. აკაკი კმაყოფილი იყო, რომ ქართველი ახალგაზრდობა საზღვარგარეთ სწავლას ეტანებოდა, რომ ისინი ლაზღანდარობაში არ ჰკარგავდნენ დროს. ზოგი მათგანი ცნობილიც გახდნენ მაგ. იაკობ ნიკოლაძე, მაშინ სწავლობდა სახელგანთქმულ ფრანგ მოქანდაკე როდენთან. იაკობმა მე იქ მითხრა: „გვრძნობ, ჩემი შრომა არ დაიკარგებოა“. მართლაც, მან ბრწყინვალედ გაამართლა თავისი სიტყვები.

— „Ну что я сделаю, дорогая“, — უბასუხა აკაკიმ. ცოტა ხანს იქით კიდევ განმეორდა, კაცო რას ჩამაცოვდა ეს ჩემი ცოლი — უთხრა თურმე აკაკიმ კოტეს, რომელი მწვევარ-მეძებარი მე ვარ, მაგის რწყილებს დასაჭერად რომ გამოუდგეო. ცოტა ხანს იქით ისევ მოისმა ოთახიდან ძილ-გატეხილი ნატალიას ხმა:

— „Акакий, Акакий, скажи мне шараду“.

— „Что мне тебе сказать, когда ты сама шар ада!“ — უბასუხა თურმე აკაკიმ. ეს ოხუნჯობა ვასაგები გახდებდა, თუ გავიხსენებთ, რომ აკაკის ცოლი დაბალი ტანისა და სიმსუქნისიან დაიმრგვალებული იყო.

ამ ზახუხულს ქუთაისიდან ახალგაზრდები ჩამოვიდნენ და პირველ ყოვლისა აკაკის სანახავად წავიდნენ. ყვაილები მოკრიფეს და მშვენიერი თიაგული და სხვა ყვაილებით ხელდამშვენიებული წარუდგნენ დიდ პოეტს. აკაკიმ ყვაილები არ მიიღო და სთქვა თურმე: არაფერი დროზე ადრე სიცოცხლე მიმსპარი არ მიყვარსო, მაგრამ როდესაც ახალგაზრდობას წყენა შეატყო, მიუბრუნდა იქვე მდგომ ახალგაზრდა ქალს და სთხოვა — ყვაილები ვაზაში ჩაეწყო.

აკაკი მეტისმეტად უბრალო და გულკეთილი კაცი იყო. ძალიან უყვარდა პირუტყვები, მაგრამ ძალიან ჯავრობდა თუ ბანქოს თამაშის დროს კატა გადაურბენდა წინ. ბეყან წერეთლის ცოლი ნიცა ამბობდა — მაკვირვებდა ასეთი გულკეთილი კაცის ასეთი გაგულისებაო.

რალა ბანქოს თამაშზე ჩამოვარდა ლაპარაკი, უნდა ვსთქვა, რომ სოფელში ყოფნის დროსაც აკაკი ხშირად თამაშობდა ნარდს, ბანქოს, ლოტოს. ბანქო როგორ არ შემოიყვარდებოდაო, უოხუნჯნია აკაკის, ამ ქვეყნად მოველ თუ არა, პირველად კარტი დავინახეო. და მართლაც, იმ ოთახში, სადაც აკაკი დაიბადა და გარდაიცვალა, ერთი ძველი ბუხარია, რომელშიაც ჩაკირულია ორი ფაიფურის ფინჯანი და ამ ფინჯანზე სათამაშო ქალაღლებია დაბატული.

ბანქოს აკაკი ოლიმპიური სიმშვიდით თამაშობდა — აუღელვებლად და აუჩქარებლად. მოგება და წაგება მასზე არავითარ გავლენას არ ახდენდა. თვით თამაშის პროცესი კი მეტისმეტად იტაცებდა. ამიტომ იყო, რომ ახარტით გატაცებული ადამიანები გაურბოდნენ მასთან თამაშს.

ფული თუ კი ჰქონდა, არ დაიშურებდა. არასოდეს არ გამიგონია რომ აკაკის ფული ესესხოს და არ დაებრუნებინოს. იგ. ელიაშვილის ცოლმა მიამბო — ერთხელ აკაკი ბაქოში ჩამოვიდა. ფული ძალიან სჭირდებოდა, უშოვეს ეს ფული და ასესხეს, თვით ელიაშვილსაც მიუცია თავის მხრით. სწორედ დანიშნულ ვადაზე ეს ფული პოეტს გადაუხდია, მხოლოდ ელიაშვილის ვალის გადახდა ვერ მოუსწრია, მაგრამ მისი სიკვდილის შემდეგ დარჩენილ ქალაღლებში ყოფილა ეს თანხა აღნიშნული, როგორც პირველ რიგში გადასახდელი.

აკაკის ერთი საინტერესო თვისება სჭირდა თურმე — ლექსის წერის დროს ხმადებლა მღეროდა. ერთ დღიას, მე და ჩემი ბიძაშვილი ტყეში სანადიროდ მივიდიოდით — მიამბო ერთმა ჩემმა ნათესავმა — აკაკის სახლს რომ მივუახლოვდით, მამიდა ანა გამოგვეგება და მიგვიხმობს: „ბიჭებო, ღმერთი არ გაიწყურესო, თოფი არ ისროლოთ, ბიძია ლექსსა წერს,“ — მამიდა! ოღონდ დავგანახე, ბიძია რომ წერს და სიტყვას ვაძლევთ, არა თუ დღეს, მთელ კვირასაც აღარ

ენადირებთო. მამილამ შეგვიყვანა თავის ოთახში, სადაც ბევრი ფურჩი ეყარა. ბიძია აკაკის ოთახის კარი გამოღებული იყო. ის თმა აბურძგნული, ალექვე-ბული დადიოდა ოთახში და ლილინებდა. ძალიან გავგოცა მისმა ლილინმა, რადგან თავის ღღეში მისგან სიმღერა არ გავგვიგონიაო. ჩაილილინებდა, შემდეგ ჩამოჯდებოდა, დასწერდა ცოტა რამეს და წაიკითხავდა, შემდეგ კიდევ დაიწყებდა სიარულს და სიმღერას და შემდეგ ისევ ჩამოჯდებოდა და ცოტას დასწერდაო. წერა რომ გაათავა, მთელი ღეჭი ჩაიკითხა. ჩვენ ისე გამოვიპარინით ოთახიდან, რომ ვერც კი გაიგოა“.

აკაკისთან ყოფნა ყველას უხაროდა. უღარიბესი გლეხის სუფრაზედაც ხშირად სიამოვნებით მოილხენდა ხოლმე პოეტი და თავის ჩვეულ მშვენებას და სიხარულს შეიტანდა მისი ყოველი სიტყვა, როგორც ძვირფასი თვალმარგალიტი, უხვის ხელით იზნეოდა მსმენელთათვის. ამიტომ იყო, რომ აკაკის სტუმრობა ყველასათვის დიდად სასიამოვნო, სასიხარულო და თავმოსაწონი იყო. ყველგან დიდი სიხარულით და მოწიწებით ხვდებოდნენ, თუ სახლში ბავშვები იყვნენ უძველად პირველ იმით შემოაგებებდნენ. ბავშვების დიდი მოყვარული პოეტი სიამოვნებით ისმენდა მათ ტიკტიკს. ბავშვებსაც თავი მოჰქონდათ მით, რომ „ძია აკაკის“ ბევრი ღეჭები იცოდნენ ზეპირად და თავს იწონებდნენ მის წინაშე.

აკაკი რომ სადმე მივიდოდა, დამსწრე საზოგადოებას ყველა და ყოველი ავიწყდებოდა და ყურადღების ცენტრად, რა თქმა უნდა, აკაკი ხდებოდა. ყველა ცდილობდა მოესმინა მისი ენაშბიანი საუბარი, მისი ბრძნული აზრები, მოსწრებული სიტყვა, პოეტური აღმაფრენით სავსე მეტაფორები.

აკაკისადმი თავყვანისცემა და მისი პიროვნებით აღტაცება იმდენად დიდი იყო, რომ კუროზობამდე მიდიოდა. მახსოვს ერთი ამბავი: პატარა ბიჭი ვიყავი, როდესაც მახლობელ სოფელში წავედით გასვენებაზე. საჩხერეში ერთადერთი გასაქირავებელი ეტლი იყო „ვისილას ფაიტონი“, ამ ეტლით აკაკი მობრძანდებოდა, მე თავმომწონედ ვიყავი წამოსკუბებული მეეტლის კოფოზე. დამბდურები შორს შემოეგებენ დიდ პოეტს. შორიდანვე ისმოდა საშინელი გოდება, მაგრამ მივალწიეთ თუ არა დიდ ეზოს, ყველაფერი შეწყდა. „აკაკი მობრძანდა, აკაკი მობრძანდა“-ო, ვისიმა გარემოში. აკაკის წინ მოეგება ჭირის უფალი, რომელმაც დატირების დროს აკაკის ღეჭი წაიკითხა. ეს ამბავი საოცრად ეჩვენება ადამიანს, რომელმაც არ იცის თუ რა განუსაზღვრელი ავტორიტეტი და სიყვარული ჰქონდა აკაკის ხალხში დამსახურებული. აკაკის საოცარი პოეტური ნიჭი, მისი ოლიმპიური გარეგნობა და ენაწყლიანი შთამბავებელი საუბარი დიდ ოპტიმიზმს ნერგავდა ყოველ ადამიანში.

მაგონდება 1914 წელი. მაშინ მე ქუთაისში ვსწავლობდი. დეკემბრის ბოლოს გავიგეთ აკაკის ავადმყოფობის ამბავი. იმ ოჯახში, სადაც მე ვცხოვრობდი, ხშირად მოდიოდნენ საჩხერელები, საშიში ამბები ჯერ არავის მოჰქონდა. ერთ ხანად აკაკის გაუმჯობესების ამბავიც ჩამოიტანეს. იანვარიც მიიწურა და აი, 26-ს (ძვ. სტილით) გავიგეთ გულსაკლავი ამბავი—აკაკი გარდაიცვალაო.

ერთი თუ ორი დღის შემდეგ ჩემს დიასახლისს მოუვიდა წერილი თხოვნით, გავეგზავნეთ საჩქაროდ საჩხერეში. მეც ჩამაბარეს საჩხერეში მიმავალ ერთ ჩემს

ნათესავს და იმავე ღამით სხეიტორში ვიყავი. მეორე დღით აღრიხანად აკაკის სახლში წამიყვანეს. მთელ სახლში და ეზოში არაჩვეულებრივი მისვლა-მოსვლა იყო. მაგრამ ამ ფსუსუსშიაც კაცი დიდ მწუხარებას იგრძნობდა, — იგრძნობდა, რომ აქ ესვენა საქართველოს საამაყო მგოსნის ცხეღარი.

ამ დღიდან ყოველ დილა-ადრთან გადავიდოდი ხოლმე აკაკისას და გვიან ღამით ვბრუნდებოდი. კარგი დარები იყო.

დღემუდამ საქართველოს ყოველ კუთხიდან სხვადასხვა ორგანიზაციების წარმომადგენლები მოდიოდნენ. მთელი ეზო საესე იყო შორიდან მოსული გლეხობით. სხეიტორის მოსახლეობა ხომ მთლიანად აქ ტრიალებდა.

ჩვენ, პატარა ბავშვები ვაგრზადით იქვე ტყეში, ვკრეფდით აქა-იქ გამოჩენილ ტყის მორცხე ყვავილებს კორჩიოტას, იას და სხვ. და ვაბნევდით აკაკის ცხედრის ვარშემო, თან ვაფაციციებით ვაღვებნებდით თვალყურს, რაც ჩვენ ვარშემო ხდებოდა, საღამოთი კი სულს ვუწუხებდით შინაურებს გამოკითხვებით.

აკაკის უკანასკნელი ავადმყოფობის ისტორია ასეთია:

აკაკი ქუთაისიდან უქეიფოდ ჩამოსულიყო. ინტენსიურად მუშაობდა თურმე თავის ახალ პოემა „ომზე“, რომლის ბედი მას ძალიან აინტერესებდა. 23 დეკემბერს (ძვ. სტილით) კარგ გუნებაზე ყოფილა. თავის დის მოსამსახურე ნატალიასათვის დაუვალეზბია, წადი და მღვდელა მოახსენე უჩემოდ წირვად არ დადგესო. მეორე დღით დიდ ხანს რომ არ გამოსულა თავის ოთახიდან, მიუკითხაეთ და მიძიმე ავადმყოფი დახვედრით. ამის შემდეგ ის ლოგინიდან აღარ ამდგარა. თავიდანვე დაიჩემა თურმე, მე აღარ მოვრჩებოო. ყველა თავს ევლებოდა, ყველა უვლიდა და ცდილობდა შეემსუბუქებია მისი მღვდომარეობა: ყოველ-დღე მოდიოდნენ ექიმები, ნათესავები, მოკეთები და მეზობლები და ღამეებს, უთევდნენ. ერთ ხანს გაუმჯობესებაც კი დაეტყო თურმე, მაგრამ ეს გაუმჯობესება ხანმოკლე აღმოჩნდა. ჩამოვიდა მისი ვაჟი ალექსი.

ავადმყოფი პოეტი, სხვათა შორის, ინახულა მისმა საყვარელმა მომღერალმა ვარინკა წერეთელმაც (სულიკოს დამმღერებელმა), პოეტმა რამდენჯერმე უთხრა თურმე კოტე აბდუშელიშვილს, წაუკითხეთ ვარინკას ჩემი ახალი ნაწარმოებოო. მაგრამ თხოვნა არ აღსრულეს, რადგან ექიმებისაგან აკრძალული ჰქონდათ მისი ალელვება.

უკანასკნელ ღამეს აკაკის თავს ადგნენ ვაჟიშვილი ალექსი, ექიმი, ანეტა იურკევიჩი, რძალი მარიამი და დედაჩემი ვერა წერეთელი. აკაკის ენა ჩაუვარდა, რალაცას ლულულულებდა, თითს ფანჯრისაკენ იშვერდა. ალექსი ტიროდა. აკაკის რალაცა უნდოდა მისთვის ეთქვა, ვერ მოახერხა. „Что тебе papa. пашпу переставить?“ უარის ნიშნად აკაკიმ თავი გააქნია. სწუხდა, რომ არ ესმოდათ მისი. ცოტა ხანს იქით აკაკი მიიცივალა.

ბევრი ლაპარაკი იყო იმის თაობაზე, სად დაემარხათ აკაკი. სოფელი და ნათესავები მოითხოვდნენ აკაკის სურვილის შესრულებას და მის ეზოშივე დამარხვას, მაგრამ სრულიად საქართველოს სურვილმა გადასძლია და გადაწყდა მისი თბილისში დამარხვა.

აი, გათენდა აკაკის თბილისში წასვენების დღეც. რიერაქზე იწყო ხალხმა დენა და ცხედრის გამოსვენებისათვის ეზო და მთელი გზა გაქედილი იყო. საო-



აგვის და ანა შერეთელი

ცარი სიწყნარე და წესიერება სუფევდა. ცხედარი გამოასვენეს. დაიძრა ეს ზღვა ხალხი. წესრიგს თვით ხალხი იცავდა. პოლიციის მოხელეების ჭაჭანიც კი არსად იყო. პროცესიას წინ მიუძღოდნენ შაფიზიანი ცხენოსანი ვაჟაკები შავი დროშებით. კუბო თითქოს ზღვის ტალღებზე მისცურავდა. ყველას უნდოდა ცოტა ხანს მაინც ეტარებინა ხალხის მესაიდუმლის, მისი ჭირისა და ლხინის გამოხარებელი მგოსნის კუბო. მთელი გზა სამგლოვიაროდ იყო მორთული, სახლებზე სუროს გირლიანდები, ხალიჩები და ზედ შავით მორთული აკაკის პორტრეტები, სამგლოვიარო თაღებთან მოწყობილი ტრიბუნები. ყოველ მათგანთან პროცესია ჩერდებოდა და გაისმოდა ორატორების სამგლოვიარო სიტყვები. ორი კილომეტრის გავლას რამდენიმე საათი მოეუნდით, მივალწით სადგურს, სადაც იდგა სპეციალური მატარებელი. კუბო განსაკუთრებულ ვაგონში დაასვენეს. ვაგონები ვაიფსა გამცილებლებით. ორთქლმაღლის უკანასკნელი შეკვივლება და აკაკი სამუდამოდ გამოეთხოვა თავის მშობელ კუთხეს.

გზაზე ყველგან სამგლოვიაროდ მორთული სახლები.. ერთი სახლის ღია აივანზე—აკაკის პორტრეტის წინ მთელი ოჯახი: დედამა და მათ წინ ქართულად გამოწყობილი პატარა ქალ-ვაჟი. აი ქიათურაც, ბაქანზე აუარებელი ხალხი. უმთავრესად შავი-ქვის მუშები, ზღვა ხალხი მუხლს იყრის ძვირფასი ცხედრის წინაშე. მცირე დაყოვნება, სიტყვები და მატარებელი განაგრძობს გზას. ყვრილის ხეობაში მივირდნით პატარა სადგურები და ყველგან, თითქოს მწუხარების ნიაღვრისაგან, თავის პატარა სახლებიდან, აქა-იქ მთის წვეროებზე რომ სჩანან, ჩამოტანილი მუხლმოყრილი აუარებელი ხალხი. ყველგან ზამთრის ყვავილები და შავი დროშები. ამ შავი დროშებით სავსეა მატარებლის ყველა ბაქანი. ისინი ქარისაგან ფრიალებენ და ტაკა-ტუკი გააქეთ და ეს შავი დროშებით შემკული მატარებელი კიდევ უფრო სვედის აღმძვრელ შთაბეჭდილებას ახდენს. აი, პატარა სადგური ბოსლევიც. აქაც აუარებელი ხალხი. ნარმის ორი პატარა შავი დროშა, რომელზედაც გაკრულია ვაზეთიდან ამოჭრილი აკაკის პორტრეტი და ქვეშ გულის სიღრმეზე ჩამწვდენი სიტყვები: „შენი სამარე ჩვენი გულია“. ჩავედით შორაპანში. ღამეა. ცხედარი გადააქეთ თბილისის მატარებლის ვაგონში. მთელი ღამე არ შემწყდარა ხალხის ღენა. ყველას უნდოდა უკანასკნელი პატივი ეცა ძვირფასი ადამიანისათვის. დილით უკანასკნელი გამოთხოვება და მატარებელმა საქართველოს გულისაკენ გააქანა იმ ადამიანის ცხედარი, რომელმაც მთელი თავისი ხანგრძლივი დიდად ნაყოფიერი სიცოცხლე თავისი ხალხის სამსახურს შეაღია.

ქონსტანტინე ნიკოლაძე

მოგონებანი აპაკიზე

აკაკი წერეთელი ჩვენი ოჯახის ახლო მეგობარი იყო. მას აკავშირებდა ჩვენს ოჯახთან არა მარტო სიყრმის მეგობრობა ჩემს ძმასთან ცნობილ ნიკო ნიკოლაძესთან, არამედ აგრეთვე მკიდრო მეგობრული ვანწყობილება ჩემს დასთან ანასტასია ნიკოლაძესთან. აკაკი ადრეული ბავშვობიდან მახსოვს. მისი

მოსვლა ჩვენს ოჯახში დიდი სიხარული იყო. დედაჩემი ქართული მწერლობის კარგი მკოდნე—განსაკუთრებული სიყვარულით ეპყრობოდა აკაკის. ხოლო აკაკი და ნიკო ხშირად მთელი დღეები საუბრობდნენ. განსაკუთრებით დამამახსოვრდა აკაკის საუბარი ნიკოსთან 1871 წელს ქუთაისში—ჩვენი საზღვარგარეთ წასვლის წინ. აკაკის და ნიკოს საუბრიდან დამამახსოვრდა ერთი მომენტი:

აკაკი უჩიოდა უფულობას, რაც ხელს უშლიდა მის საზღვარგარეთ გამგზავრებას. მე გაკვირებული დავრჩი: „ნუ თუ აკაკის სურს საზღვარგარეთ წასვლა და უფულობა უშლის ხელს?.. ეს გამოურკვეველი იყო ჩემს ბავშვურ წარმოდგენაში. საზღვარგარეთ (ჯერ ციურისში და შემდეგ ყენევაში) მე რამდენიმე წელი დავრჩი და იქაურ კოლეჯში ვსწავლობდი. თითქმის ჩემს თვალწინ გაიარა იმ ხანებში ჩვენი ახალგაზრდობის—„უღელის“ წვერთა ცხოვრებამ. კარგად დამამახსოვდნენ აგრეთვე რუსი ემიგრანტები: ტკაჩოვი, ბაკუნინი, ელბიდინი, მეჩნიკოვი, რომელთანაც ურთიერთობა ჰქონდა ჩვენს ახალგაზრდობას. „უღელის“ სხდომებზე მე, როგორც ყველაზე პატარას, ლექსებს მაკითხებდნენ ხოლმე. აი, აქ დავიწყე პირველად აკაკის ლექსების შესწავლა. ამას განსაკუთრებით შეუწყო ხელი ჩემი დის ოლიმპიადას ქმრის მწერალ გიორგი წერეთლის ჩამოსვლამ, რომელმაც აკაკის ბევრი ლექსი ჩამოიტანა, როგორც მახსოვს, გაზეთიდან ამოჭრილები. ყველა ეს ლექსი გიორგი წერეთელმა დამასწავლა და სათითაოდ მაკითხებდა ხოლმე ხან „უღელის“ სხდომებზე, ხან კი ცალკე შეკრებებზე. როცა საზღვარგარეთიდან დავბრუნდი, აკაკი უკვე მიყვარდა შეგნებული სიყვარულით, როგორც ხალხის დიდი პოეტი. მით უმეტეს, რომ საზღვარგარეთ ჩვენი ახალგაზრდობის გავლენით ჩემში მომწიფდა პატრიოტული გრძნობა. ამიერიდან მე აკაკის ძალიან ხშირად ვხვდებოდი. აკაკი, როგორც ვთქვი, ხშირი სტუმარი იყო ჩვენი ოჯახისა. ჩვენს გარდა ქუთაისში აკაკის ჰყავდა ორი მეგობარი ოჯახი ხელთუფლიშვილებისა და სერგეი ბახტაძისა.

აკაკი ვასილკარი მოსაუბრე ადამიანი იყო. მოხუცი, ჰაბუჯი თუ ბავშვი მასთან უკებ ნახულობდა საერთო ენას. ბავშვებთან მაინც აკაკი სულ იცვლებოდა. მათი ტოლი ხდებოდა, მათთან ერთად იცინოდა, დაუზარებლად უამბობდა ამბებს, ზღაპრებს, უკითხავდა და მათაც აკითხებდა ლექსებს.

ბავშვების სახელები სათითაოდ ახსოვდა, თუ გინდ ერთხელაც შეხვედროდა.

დაუფიწყარია აკაკის სახე ქუთაისის ქუჩებში,—ბრგე ტანის, ვეფხვისებური ლამაზი თავით, შევერცხლილი თმითა და წვერით, მაღალი შუბლით, ოდნავ თავაწეულა, იგი ოლიმპიური სიმშვიდით, წელი ნაბიჯით დადიოდა. პოეტის თვალები და ტუბილი ღიმილი ალერსს აფრქვევდნენ. აკაკიმ შესანიშნავი მისალმება იცოდა, მაგრამ ეკლიან სიტყვასაც არ იშურებდა ხოლმე. აკაკიზე ამბობენ, კაცის მაკინებელი იყოო. ეს მართალი არ არის. მისი დაცინვა ან უქნარა, საზოგადოებრივად უსარგებლო ადამიანებისაკენ იყო მიმართული და მაშინ იგი ძალიან გესლიანი იყო. უმთავრესად კი უნდა ითქვას, აკაკის ლამაზი და მოსწრებული სიტყვისათვის უყვარდა დაცინვა და ამაში უკან არ დაიხვედა თუ გინდ ათასი კაცი გადაკიდებოდა. არა მგონია, რომ აკაკის ისე ძლიერ და გულწრფელად ჰყვარებოდა ვინმე თავის მეგობრებში, როგორც კირილე ლორთქიფანიძე,

მაგრამ ამავე დროს აკაკის დაცინვის ისარი იმდენი არავის მოხვედრია, როგორც კირილეს. ეს უკანასკნელი სიმშვიდით ხვდებოდა აკაკის ყოველ ოხუნჯობას, თითქოს ეს მას არ ეხებოდა. არ გავიღოდა ერთი კვირა, რომ აკაკის ახალი სასაცილო რამ არ მოეგონებინა კირილესთვის. მაგალითად: კირილე აიახმის წყლით იბანს წვერებს ყოველ დღე და იმტომ არის ასე სპეტაკიო, კირილეს საპირფარეოსთვის სპეციალური შარვალი შეუკერავსო. ეს ენამანვილობა ვასაგები გახდება თუ გავითვალისწინებთ კირილე ლორთქიფანიძის არჩევულებრივ სისუფთავის მოყვარულობას.

ერთხელ, მახსოვს საღამოს გვესტუმრნენ აკაკი, კირილე და სერგეი ბახტაძე: აკაკიმ შემოსვლისთანავე მოგვაძახა: სადილად უნდა გხლებოდით დღეს, მაგრამ კირილემ სამ საათზე წვერების ბანა რომ დაიწყო, ეხლა გაათავაო. აკაკი ოხუნჯობამ საერთო სიცილი გამოიწვია.

არ იყო თემა, რომელზედაც აკაკის მომხიბვლელი და საინტერესო საუბარი არ გაება. ჩემს ძმას ნიკოს მასთან საუბარი ძალიან უყვარდა. მოიგონებდნენ ხოლმე წარსულს, სტუდენტობის დღეებს პეტერბურგში. ერთხელ მოიგონეს, თუ როგორ შეჰყარეს ლუმელში მათ, აივანზე გამოჩენილ ქანდარმის შიშით, აკრძალული წიგნები. მათ ბედზე ქანდარმი სხვა ბინაზე შესულიყო. ოოცა წიგნები უკან გამოიღეს, გამორკვეულა, რომ ლუმელში დაბნეულობით ლეგალური წიგნები შეეყარათ. მათი მეგობრული საუბარი ხშირად ცხარე კამათში გადადიოდა. უყვარდათ კამათი პოლიტიკაზე. აკაკი აუცილებლად ლექსს ან ანდაზას გამოურევდა საუბარში. ანდაზა და გამოცანა მისი საუბრის დამახასიათებელი ელემენტი იყო.

აკაკი დიდად აფასებდა ნიკოს აზრს და განსაკუთრებული პატივისცემით ეპყრობოდა მას, ნიკო ხომ გატაცებული თაყვანისმცემელი იყო აკაკის პოეტური ნიჭისა. მას პუშკინს ადარებდა, ილიაზე მალა აყენებდა, როგორც მგოსანს, მაგრამ არ მოსწონდა აკაკის ზოგიერთი პირადი თვისება, განსაკუთრებით აჩქარებულობა და ბანქოს თამაში.

ნიკო ევროპული რეჟიმის კაცი იყო და ბანქოში ამდენი დროს გაცდენადილ დანაშაულად მიაჩნდა. ქუთაისი აკაკის გარეშე ძნელი წარმოსადგენი იყო. როდესაც ქუთაისში აკაკი არ იყო, თითქოს ქალაქი კვდებოდა. საკმაო იყო აკაკის ჩამოსვლა და მისი ლექსები, მოსწრებული სიტყვები ახმაურებდა და ახალისებდა მთელ საზოგადოებას.

პარინჯა წამრთელი

„სულიკოს“ ავტორი ჩემს ხსოვნაში

დაახლოებით 45 წლის წინათ აკაკიმ მიძღვნა ლექსი „სულიკო“ და მითხრა, — შენებურად ხმა გამოუძებნე და იმღერეო. დიდი მგოსნის შეკვეთამ, რა თქმა უნდა, საგონებელში ჩამავდო. ლექსის მომხიბლავმა სიღამაზე ჩემში ოთვალავი მუსიკალური სახეები აღძრა. ერთ მშვენიერ დღეს გეტარდს აკომპა-

ნიმენტზე სრულიად მოულოდნელად ჩამოყალიბდა „სულიკოს“ მელოდია. როდესაც აკაკიმ ეს მელოდია პირველად გაიგონა, დიდად ნასიამოვნები დარჩა, მამლერა მრავალჯერ, შემდეგ თავისი პორტრეტი მაჩუქა წარწერით: „ჩემს საყვარელ ბულბულს, სულიკო-ვარინკას აკაკისაგან“.

ერთხელ სილამაზით განთქმულ ნინო წერეთლის ქალს წვეულება ჰქონდა. მეც იქ ვიყავი. წვეულების მთავარი მიზნები იყო აკაკი და, სხვათა შორის, დელესტინის ცნობილი მმართველი ნიკო ჭავჭავაძე. მამლერეს. მსმენელები კმაყოფილი დარჩნენ. აკაკი მიუახლოვდა ნიკო ჭავჭავაძეს და თავისებური კილოთი უთხრა: „ნიკო, ისე უყურებ ვარინკას, რომ ნამდვილად მის გადაყლაპვას აპირებ, მაგრამ ვერ მოგართევს!—დალესტანი გადაყლაპე, ეს კი ყელზე დაგაღებო“.

მახსოვს ვანო მაჩაბელმა აკაკის პირით შემომითვალა, —წვეულება მაქვს და მეწვიეო. სტუმრად ჰყავდა ვიღაც გამოჩენილი რუსები. მოიტანეს ფონოგრაფი და აკაკის ლექსები ჩამამლერებინეს. ნეტავ სად არის ახლა ეს ჩანაწერები?

ქუთაისში, ერთ ჩემს ახლობელ ოჯახს წვეულება ჰქონდა. საპატიო სტუმრებს შორის აკაკიც იყო. გაისმა ზარის წყარუნის და ცოტა ხნის შემდეგ სასტუმრო დარბაზში შემოვიდა თავისი სილამაზით განთქმული ბაბაღე ნაკაშიძე-კვიციანი. პოეტი ღიმილით მიეგება მშვენიერ ბაბაღეს. შემდეგ მასთან ერთად, ასეთივე მოპლიმარი სახით, ჩემთან მოვიდა და მთხოვა „სულიკო“ მემლერა. უარის თქმა შეუძლებელი იყო და მეც უმაღლესად შევასრულე თხოვნა. ტაშის-ცემამ და მოწონების შეძახილებმა უხერხულ მდგომარეობაში ჩამავდო, მაგრამ ჩემი უხერხული მდგომარეობა გაორკეცდა. როდესაც აკაკიმ ხელი მოშვებია, საზოგადოებას მიმართა და სთქვა: „ბატონებო, ბაბაღეს თავი რომ ვარინკას დაადგა, წარმოიდგინეთ, რამდენ ბოროტებას ჩაიდენდაო“.

დაიწყა მეორე სახელმწიფო სათათბიროს დეპუტატების არჩევნები. კიანთურაში, სხვათაშორის, პოეტის მომხრეებმა წამოაყენეს აკაკის კანდიდატურა. დაუდგეს საარჩევნო ყუთი, აკაკის მოწინააღმდეგე პარტიამ აკაკი გააშავა, რამაც პოეტი მეტად შეაწუხა.

სწორედ ამ დროს აკაკის მოუვიდა ქუთაისიდან მოწვევის ბარათი, სადაც პოეტს სთხოვდნენ ჩასულიყო ქუთაისს და ენახა მისი რაქა-ლენჩხუშში მოგზაურობის კინო-სურათი. იმ დღეს მეც ქუთაისს მივდიოდი ნესტაფონიდან და ვაგონში აკაკის შევხვდი. წინადადება მომცა მასთან ერთად წავსულიყავი კინო-სურათის სანახავად. მეც სიამოვნებით დავეთანხმე. რიოხში პოეტს დღეგაცია მიეგება. საღამოს უკვე კინო-თეატრის ლოჯაში ვისხედით. სურათმა ჩემზე დიდი შთაბეჭდილება მოახდინა. მე ჩემის თვალთ ვებდავდი, თუ რა სიყვარულით ხედებოდა ხალხი მსცოვან პოეტს, განსაკუთრებული შთაბეჭდილება მოახდინა ბავშვების ფერხულმა, თაიგულებით ხელში. მე არასოდეს არ მინახავს აკაკი ასეთი ბედნიერი სახით. ის იღვავდა, როგორც ერის მოძღვარი, ხალხი— მოხუცი თუ ახალგაზრდა ფიანდაზად ეფინებოდა ფეხქვეშ. ამ სურათმა უზომოდ ამალეღვა. ვხედავდი, რომ აკაკიც ლელავდა. ის უტყრად შემოტრიალდა ჩემსკენ და ღიმილით მითხრა: მოდი ახლა და ამ სოფლის გაიგე რამე! აქ ხალხი

ხელით მატარებს, ენით გამოჟთქმელ პატივსა მცემს, იქ კი, ჭიათურაში გამაშავეს! შავი ქვის ბრალი თუ არისო—განსხვავებული კილოთი დაბოლოვა აკაკიმ. სიტყვებში „შავი ქვა“ ის გულისხმობდა შავი ქვის მრეწველებს.

ერთხელ აკაკისთან ბათუმიდან სტუდენტების დელეგაცია მოვიდა, რომელიც სთხოვდა პოეტს—დასწრებოდა წმ. ნინოს დღეობასთან დაკავშირებულ საქველმოქმედო საღამოს (წერა-კითხვის გამავრც. საზოგ. სასარგებლოდ). აკაკი გულითადად შეხვდა ახალგაზრდებს, ორს მათგანს მხრებზე ხელები დაადო და ღიმილით უთხრა:

— მე სიამოვნებით წამოვიდოდი, რომ ერთი გარემოება არ მამკობლებდეს,—სამეზავრო ფული არა მაქვსო. ასეთმა პასუხმა დელეგაციის წევრებში აღტაცების სიცილი გამოიწვია.

ფული რა თქმა უნდა მალე გამოჩნდა და პოეტი გაჰყვა გახარებულ ახალგაზრდობას.

ბედმა ილიასთანაც მარჯუნა შეხვედრა. ეს იყო ერთ დიდ საზოგადოებაში, თბილისში. იქაც მამღერეს. ვმღეროდი ჟმერტესად აკაკის ლექსებს. ილია მოვიდა ჩემთან და ღიმილით მითხრა:

— ქალბატონო, სახლიაკობა არ იყოსო.

დავიპირდი, რომ მის ლექსებსაც სიამოვნებით ვიმღერებდი და მოვასმენინებდი, მაგრამ სამწუხაროდ არ დასცალდა, სულ მალე ილია მოჰკლეს.

ერთხელ, აკაკი საჩხერეში ავად გახდა. დიდძალი მნახველები მოდიოდნენ. თბილისიდანაც მრავალნი ჩამოვიდნენ: ექიმები, ლიტერატორები, მათ შორის ვანო მაჩაბელიც. მე და ვანოს მეუღლე ტასო ავადმყოფთან შევედით. აკაკის სახე კედლისაკენ ჰქონდა მიქცეული. ვანომ ვიტარა მომიტანა და მთხოვა, მემღერა რამე. მეც ნელის ხმით დავამღერე „შაქრის გული“. აკაკი გადმობრუნდა და ღიმილით შემოგვხედა, ეტყობოდა დიდად ნასიამოვნები იყო. როდესაც გამოკეთდა, საჩუქრად გამომიგზავნა მშვენიერი ლექსი „რამ მომარჩინა“. პოეტმა მიძღვნა ავრეთვე ლექსი „მოხუცი და ახალგაზრდა“.

აკაკი ქუთაისის ხშირი სტუმარი იყო. სასტუმროში ერთი პატარა ნომერი ეჭირა და იქ ცხოვრობდა. ნათესაებთან გაჩერება არ უყვარდა.

ერთხელ სანახავად შევედი. მასთან სხვა მნახველებიც იყვნენ.

შემოვიდა ფოსტალიონი და წერილი შემოიტანა. აკაკიმ კონვერტს დახედა ვვერდზე გადასდო.

— ხომ არ ვიწლით ბატონო აკაკი,—მგონი წაკითხვას აპირებდით,—მე-მართა ერთმა სტუმართაგანმა.

— არა, ბატონო, ამ წერილის შინაარსი წაუკითხავდაც კარგად ვიცი. ეს დაზღვეული ეპისტოლე ჩემი ცოლისაგან გახლავთ და ზეპირად ვიცი, რომ შიგ „პერევედის“ მეტი არაფერი არ ეწერება. მოგხსენებათ, ფული იშვიათად მაქვს და „პერევედისა“ იშვიათად ვაკეთებ ხოლმე,—დაამშვიდა აკაკიმ თავიზიანი სტუმარი.

ერთხელ, მზე ამოსული არც კი იყო, სასტუმრო „გრანდოტელთან“ შეეხვ-
დი. სახე დაღლილი ჰქონდა. ეტყობოდა უძინარი იყო. მივესალმე და შევე-
კითხე:

— სად ბრძანდებოდით, ბატონო აკაკი, ასე დილა-ადრია?

— ჩემო ვარინკა!—ღიმილით მიპასუხა აკაკიმ,—მთელი ჩემი სიცოცხლე
სულიერ სიწმინდეზე ვზრუნავდი და გგონი, ამ მხრივ მიზანს მივალწიე კიდევ-
ცხლა, ამ ცინცხალ დილაზე, ხორციელადაც სრულიად გაწმენდილი გახლავარ:
წუხელ მთელ ღამეს ბანქოს ვთამაშობდი და რაც ფული მეზადა მთლად წავე-
გე. ასე რომ სრულიად გასუფთავებული მივდივარ ჩემს საქანში (თავის პატა-
რა ნომერს ასე ეძახოდა).

სიკვდილის წინათ მასთან ვიყავი. ძალიან ცუდათ იყო, შფოთავდა. თავით
ფუჯუჭვი და თვალცრემლიანი შეეფურებდი. აკაკი თვალდახუჭული იყო. ხშირად
ვესწორებდი ყურთბალიშს. ამ დროს შემოვიდა ნამტირალევი მისი შვილი
ალექსი. აკაკიმ თვალი ცოტათი გაახილა და რალაც ანიშნა. ალექსი საწოლთან
მოვიდა და ჰკითხა რუსულად: Папа, кровать отодвинуть или лампу отставить?
უარის ნიშნად აკაკიმ თავი გააქნია და თვალი დახუჭა. ალექსის ტირილი
აუტყდა. მე აკაკის თავზე ხელი გადავეუსვი და რამდენიმეჯერ ჩაეძახე, რა
სურდა, შემომხედა, მოინდომა რალაცის თქმა, მაგრამ ვერ მოახერხა. მიცვა-
ლებული აკაკი მეტისმეტად ლამაზი იყო.

ინოე ელიაშვილი

აკაკი და ბავშვები

აკაკი მამაჩემის—ივანე ელიაშვილის დიდი მეგობარი იყო და ხშირი სტუ-
მარი ჩვენი ოჯახისა. დღე არ გავიდოდა, რომ ჩვენ აკაკი არ გვეხსენებია, მის
შესახებ ყოველთვის აღტაცებული საუბარი გვექონდა.

პირველად აკაკი ჩამოვიდა ჩვენთან ბაქოში 1910 წ., მაგრამ ბავშვები ავად
ვიყავით წითელმათი და მგოსანი ვერ ვინახულეთ.

მეორედ აკაკი გვეწვია ბაქოში 1912 წელს. დედაჩემმა რამდენიმე დღით
ადრე გავვაფრთხილა „აკაკი გვესტუმრა და აბა თქვენ იცით, როგორი კუჭით
იქნებოთ და არ შეაწუხებთ. აკაკის ძილი უყვარს და ფრთხილად უნდა იყოთო,
უდროო-დროს არ გააღვიძოთო“.

აკაკი ჩამოვიდა აპრილში, აღდგომის წინა დღეს. იმ ღამეს აკაკი და ჩემი
მშობლები სტუმრად იყვნენ მიპატიებულნი და შინ გვიან დაბრუნდნენ.

ღილით რომ ავდექით, გავიგეთ, რომ აკაკი ჩამოსულიყო და სასტუმრო
ოთახში ეძინა. მე და ჩემი ძმა ცნობისმოყვარეობამ ავციტანა. მოთმინება აღარ

გვყოფნიდა, სანამ უცხო სტუმარს ვნახავდით. დიდხანს ვითმინეთ, მაგრამ ბოლოს მოთმინების ფიალა აგვევსო, ნელა შევიღეთ სასტუმრო ოთახის კარი და ჩუმად შევიტყვირეთ. ოთახში ფარდები იყო ჩამოშვებული და ვერაფერი ვერ გავაჩიეთ. დავლონდით. აკაკი არ იღვიძებდა, დედა გვეიჯავრებოდა. ჩვენ ველვადით. ეტყობოდა აკაკის ეს გაეგო და, როცა კიდევ ერთხელ შევალეთ ოთახის კარები, მოგვესმა აკაკის ხმა: აბა შემოდით, თქვე კუდიანებო, ერთი გადასწიეთ ფარდა და დამენახეთ. სიხარულით შევირბინეთ ოთახში, გადავწიეთ ფარდა და დაეინახეთ ლოგინში მწოლიარე მოლიმარი, ახოვანი თეთრწყვერა, ლამაზი მოხუცი. გაოცებული დავდექით მოშორებით, ახლოს მისვლა ვერ გავბედით. „ახლოს მოდით“, გვეუბნებოდა აკაკი. ჩვენ მივუახლოვდით. აკაკიმ მოგვესიყვარულა, მოგვიალერსა, დავკოცნა, საჩუქრები ჩავვიდო ხელში. მე მეზგო პატარა ვერცხლის ხანჯალი და ვერცხლის საფულე, ჩემ ძმას-კი ვერცხლის მომცრო ხანჯალი და საწერ-კალამი (ეს ნივთები ეხლაც ძვირფას მოგონებად გვაქვს შენახული).

აკაკი ხშირად ჩავისვამდა ხოლმე კალთაში და ზღაპრებით, ლექსებით და სხვადასხვა ამბებით გვართობდა, თვითონაც ძალიან ხალისობდა.

12 აპრილს შემოგვისწრო ჩვენმა ბიძაშვილმა, აკაკის კალთაში რომ დავგინახა, სთქვა: „ბატონო აკაკი, სწორედ დღეს ჟურნალში ვნახე ვიქტორ ჰიუგო თავის შვილიშვილებთან გამობატული, ეს ცოცხალი სურათი საოცრად ჰგავს ჟურნალის სურათს“. აკაკის თვალები გაუბრწყინდა. მამას სთხოვა, რომ ჩვენც ერთად გადაგველო სურათი. იმ წამსვე წავედით ბაქოს საუკეთესო ფოტოგრაფთან. აკაკიმ გადაიღო სურათი ცალკე ჩვენთან და ცალკე მამაჩემთან, აკაკიმ არავითარ შემთხვევაში ნება არ მისცა მამას, რომ სურათები გამოესყიდა. თვითონ დაუკვეთა და თვითონვე გამოისყიდა. აკაკის ძლიერ მოსწონდა ის სურათი. მართლაც, მოხუცი მგოსანი თითქოს ცოცხალი იყურება ამ სურათიდან. შემდეგში ეს პორტრეტი ძალიან გავრცელდა ბაქოში, თბილისიდანაც მოსდიოდა ფოტოგრაფს შეკვეთები.

ბაქოს ქართველობა დიდი პატივისცემით და სიყვარულით ხვდებოდა სასიქადულო პოეტს; ხშირად ჰპატივობდნენ თავიანთ ოჯახებში და გულუხვად უმასპინძლებოდნენ. აკაკის უყვარდა ბანქო და მასსოვს, ჩვენთან ხშირად ეწყობოდა პრეფერანსის თამაში. აკაკი თამაშის დროს ხანდისხან დაფიქრდებოდა, აიღებდა ქვალდს, დიდხანს აკვირდებოდა და თითებით რაღაც იეროგლიფებს ჰხატავდა.

თბილისში რომ ვადმოვედით, აქ აკაკი ჩვენი ხშირი სტუმარი გახდა. მთელ დღეებს ატარებდა ჩვენთან. ნასადილევს ისვენებდა, მამის კაბინეტში იძინებდა ხოლმე.

მხოლოდ უკანასკნელად ყოფნისას (მეორე დღეს აკაკი ქუთაისში მიემგზავრებოდა), აკაკიმ რატომღაც უღალატა ამ თავის ჩვეულებას, ნასადილევს არ დაიძინა. აკაკი და მამაჩემი დიდხანს უსხდნენ მაგიდას და საუბრობდნენ. მასსოვს, აკაკი მოწყენილად გამოიყურებოდა, რომ შებინდდა, აკაკი ადგა და წასასვლელად მოემზადა. ჩვენ ჩვეულებისამებრ, გავაცილეთ. პირველად ბავშვები დავკოცნა, თვალებზე ცრემლი შევნიშნეთ. „რა იყო, აკაკი, რა მოგივიდა“,

ჰკითხა მამამ. „ვგრძნობ ჩემო ვანიჩკა, რომ მეტს ველარ ვნახავ, ეს უკანასკნელი ყოფნა თქვენთან“.

დედა და მამა ჯერ აღშფოთდნენ, მაგრამ თავი შეიკავეს, დაუწყეს აკაკის დამშვიდება, ეს დაღლილობის ნიშანიაო,—ეუბნებოდნენ:—სოფელში კარგად დაისვენებთ, ჯანღონეს მოიკრებთ და კვლავაც ხალისიანად დაბრუნდებითო, მაგრამ აკაკი თავისას არ იშლიდა. ძალიან დაღონებული წავიდა.

საუბედუროდ, აკაკის წინასწარმეტყველება მართალი გამოდგა. ეს უკანასკნელი შეხვედრა იყო ჩვენს ძვირფას მგოსანთან.

ნიკო მვარაძე

საბაძი ქართულ თეატრში

ბავშვობიდან მახსოვს, რომ აკაკი ქართულ წარმოდგენებზე ძალიან ხშირად დაიარებოდა. სხვათა შორის, პირველად აკაკი ბავშვობისას ქართულ თეატრის შესასვლელთან ვნახე... მე და ჩემი მეგობარი, ორივენი მოწაფეები, ვიდრე ქართულ თეატრის შესავალ კარებთან, თეატრში შესასვლელი ბილეთები არ გვქონდა, ამიტომ ვცდილობდით, როგორმე ხალხში ავრეულიყავით, რომ უბილეთოდ, თეატრის დარბაზში ამოგვეყო თავი... ამ დროს, უცბად, თავზე წამოგვადგა ახოვანი ვაჟკაცი, ძვირფას ქურჭში გახვეული და ძვირფას ტყავისავე ქუდი... ჩვენ, ბავშვებმა მაშინვე გზა უტიეთ... ჩემმა ამხანაგმა წამჩურჩულა, ეს პოეტი აკაკიაო!.. მე ძალიან დამაინტერესა აკაკის ნახვამ, და თეატრის დერეფანში შევიყვი, სადაც პალტოებს იხდიდნენ... დაფიქვი კუთხეში და დაუწყე ცნობისმოყვარეობით ცქერა... თეატრის მსახურმა მაშინვე პალტო ჩამოართვა... იქვე თეატრის დერეფანშივე, აუარებელი ნაცნობები და თაყვანისმცემლები აღმოჩნდნენ, რომლებიც დიდი სიყვარულით ეგებებოდნენ და პატივისცემით სალამს აძლევდნენ პოეტს. აკაკი ლამაზი ვაჟკაცი იყო. ამ დროს ახლად ჰქონდა მებარული ქალარა, რაც ძალიან უხდებოდა. ახოვანი ტანი, მალალი კეთილშობილური მუბლი, მშვენიერი მოზრდილი ქალარა შერეული წვერი, მშვენიერივე გამომეტყველებით აღსავსე დიდრონი თვალები.

არც ერთ ჩვენს მწერალს ისე არ უყვარდა ქართული თეატრი და ისე არ იყო დაახლოებული ქართულ სცენასთან, როგორც აკაკი.

არა ერთხელ საკუთარი ფული დაუხარჯავს აკაკის, რომ როგორმე ქართული თეატრის სეზონი შემდგარიყო და ის ორიოდვე მსახიობი, რომელიც მაშინ ჰყავდა ქართულ სცენას, არ გაუანტულიყვნენ და სამუდამოდ არ მიკეტლიყო ქართული თეატრის კარი.

როგორც დრამატურგი ხომ ძალიან ნაყოფიერი და დიდი მოამაგე იყო ქართულ თეატრისათვის. არ გავიდოდა ისე სეზონი, რომ აკაკის თეატრში ახალი პიესა არ მოეტანა დასადგმელად, ან ორიგინალური, თავისივე დაწერილი, ან კიდევ ნათარგმნი..

მახსოვს, ძალიან ხშირად, თბილისის ქართულ თეატრში საღამოს რეპეტიციებზე, როცა წარმოდგენა არ გეჭონდა და ჩვენი მუშაობაში ვიყავით გართულნი, უცბად სცენაზე. როგორც შინაური და მახლობელი, შემოვიდოდა ხოლმე აკაკი.. მივართმევდით სკამს, იჯდა და რეპეტიციის მსვლელობას თვალს ადევნებდა. აკაკის იმდენად უყვარდა სცენა, კულისები და აქტიორთა წრე, რომ უთუაქროდ მას ცხოვრება არ შეეძლო.

მე მგონია, მაშინდელი მოწინავე ინტელიგენცია ამას კარგად გრძნობდა და სწორედ ეს იყო მიზეზი, რომ ნიკო ქართველიშვილმა, ჩვენი დრამატიული სახ. გამგეობის თავმჯდომარემ, 1903 წელს შესთავაზა აკაკის ქართული თეატრის ხელმძღვანელობა და რეჟისორობა, რაზედაც აკაკი დიდი სიამოვნებით დათანხმდა და ზაფხულიდანვე შეუდგა სეზონისათვის მზადებას.

ამ სეზონის დასაწყისშივე, ვალ. გუნიას მეთაურობით, გაიმართა გამოსაცდელი წარმოდგენა, რომელსაც აკაკიც დაესწრო. სწორედ ამ წარმოდგენის შემდეგ ჩარიცხული ვიყავ დასში, როგორც ახალგაზრდა მსახიობი... ასე რომ, პირველი ჩემი რეჟისორი, რომელმაც როლი მომცა,—აკაკი იყო.

პირველი პიესა, რომელიც აკაკიმ დასდგა ამ სეზონში, იყო დავით ერისთავის „სამშობლო“. რა სიყვარულით, რა გულმოდგინებით მუშაობდა აკაკი, როგორც რეჟისორი.

სრულიად ახალი დეკორაციები დაახატინა, შეაკერინა ახალი ტანსაცმელი, ერთი სიტყვით, ყოველ წვრილმანს დიდ ყურადღებას აქცევდა, და ისე მუშაობდა, როგორც პროფესიონალი რეჟისორი. მთელი დღეები თეატრში იყო, უიმისოდ არაფერი კეთდებოდა. თეატრის მკურავები, მხატვრები, ყველანი აკაკის მითითებით და გემოვნებით მუშაობდნენ და ასეთი მუშაობა ქართულ თეატრში იმდროს სრულიად ახალი ამბავი იყო. აკაკის ყველა პარტიესა სცემდა, ყველა ერიდებოდა და ამიტომ აკაკის სიტყვასაც თეატრში გასავალი ჰქონდა.

დიდი ცოდნისა და გემოვნების პატრონი იყო აკაკი, როგორც რეჟისორი და ამიტომაც იმის დადგმულ პიესებს დიდი ცოდნა და გემოვნება ემჩიოდა...

1903 წ. 23 სექტემბერს სეზონი გაიხსნა დავით ერისთავის „სამშობლოთი“.

აკაკის დადგმულ „სამშობლოს“ დიდი მოწონება ჰქონდა და პრესაც დიდის ამბით შეხვდა. განსაკუთრებული ქება უძღვნა „ივერიამ“.

ამ წარმოდგენაში პატარა ბიქს ვთამაშობდი. ბევრჯერ მინახავს ბავშვობისას „სამშობლო“, მაგრამ არ მახსოვს, რომ ვისმეს შეენიშნოს ეს როლი. აკაკიმ ამ ორ სიტყვიან როლს ყურადღება მიიქცია და ბვერი რეპეტიციებზე გამატარა. ამიტომ იყო, რომ პრესამ ყურადღება მომაქცია.

მეორე პიესა, რომელიც აკაკიმ დასდგა ამავე სეზონში, იყო „პატარა კახი“, მისივე საკუთარი პიესა.

„პატარა კახის“ დადგამაც, როგორც „სამშობლომ“, საზოგადოების დიდი აღტაცება გამოიწვია. მით უმეტეს, რომ მთელი შენადგენლობა ახალგაზრდა მსახიობებისაგან შესდგებოდა. პიესა ზეპირად ვიცოდით მთლიანად, მოკარნახე თითქმის არ გეჭირდებოდა. მახსოვს, ჩვენი მოკარნახე ბეგლარ ბეგლარიძე (პოეტი ახოსპირელი) ამბობდა: დასში რომ სულ თქვენისთანა მსახიობები იყვნენ, ჩემს ბედს „ძალიდ არ დაჰყუჟსო“. ბეგლარა თითქმის არ კითხულობდა პიესას და მოსვენებით იჯდა სუფლიორის „ბულკაში“, მაშინ, როდესაც სხვა

წარმოდგენებზე დიდი ჯაფა ადგებოდა. ამ წარმოდგენამ თუ საზოგადოების აღტაცება გამოიწვია, სამაგიეროდ დასწი უკმაყოფილება შექმნა. ძველმადამსახურებულმა მსახიობებმა საყვედურით მამართეს აკაკის, ახალგაზრდა მსახიობებს ათამაშებ და ჩვენ-კი ყურადღებას არ გვაქცევო... ამის მიზეზი უმთავრესად „ივერიის“ რეცენზია იყო.

„ივერია“ სწერდა: წარმოდგენაში თუმცა მონაწილეობას იღებდნენ, მომეტებულ ნაწილად, ახალი არტისტები, მაგრამ წარმოდგენამ ძალიან მწყობრად ჩაიარა. ამნაირად „პატარა კახი“ დადგმული ჯერ არ გვინახავსო.

აი, ეს რეცენზია იყო მიზეზი, რომ დამსახურებულმა არტისტებმა საყვედურით მამართეს აკაკის. აკაკიმაც, როგორც ფაქტშია და ყოველგვარ სცენიურ ინტრიგებს მოკლებულმა ადამიანმა, დაუთმო და მესამე თუ მეოთხე წარმოდგენაში იმათ გაუწაწილა როლები.

რალა თქმა უნდა, ძველმა მსახიობებმა როლები ჩვენსავით არ იცოდნენ და გამარჯვება ამიტომ ახალგაზრდებს დაავრჩა. პატარა კახის როლს, ძველ მსახიობების შემადგენლობაშიც მე ვთამაშობდი. თუ როგორ სერიოზულად და გულმოდგინებით ამხადებდა აკაკი ამ პიესას, მოვიყვან ერთ პატარამაგალითს: კახს პიესაში ასეთი ფრაზა აქვს: უფლის წულობა. მე რალაცნაირად, როლის სწავლის დროს, თავში ჩამრჩენოდა წულობას მაგივრად წულება. გამოვიდოდი სცენაზე რეპეტიციის დროს და ვიტყვოდი წულება. აკაკი მაშინვე უკან დამაბრუნებდა. კიდევ დავიწყებდი როლს თავიდან და ამ სიტყვასთან რომ მივიდოდი, მაინც წულებას ვამბობდი. ასე დამაბრუნა უკან, თუ არა ვცდები, ათჯერ. მოთმინებიდან გამოსულ აკაკის გული მოუვიდა და გაჯავრდა. მე აღარ ვიცოდი რა შექნა. წამსკდა ტირილი. აკაკიმ რეპეტიცია შესწყვიტა. მთელი დასი მე შემომყურებდა. ბოლოს მოვიდა ჩემთან მსახიობი ქალი ელისაბედ ჩერქეზიშვილი, მომეფერა და მითხრა: „ნუ სწუხარ, შეილო, სცენამ როგორც სიტკბო იცის, ისევე სიმწარეცო“... ეს ეპიზოდი ჩემს ცხოვრებაში არ დამავიწყდება.

ჩვენ იმ სეზონში არაქსიანის თეატრშიც (ავლაბარში, ეხლა 26 კომისრების რაიონი) ვდგამდით ხოლმე წარმოდგენებს. რა პიესასაც ჩვენს თეატრში დავდგამდით ხოლმე, იმავე დადგმას ავლაბარშიაც ვადავიტანდით. მახსოვს, ავლაბარის თეატრში რომ ვადავიტანეთ „პატარა კახი“, აკაკიც მოსულიყო წარმოდგენაზე. მე ეს არ ვიცოდი. მეორე მოქმედებამ რომ ვათავდა, დავინახე, აკაკი სცენაზე ამოსულიყო. მსახიობთა საპირფარეშოში შემოვიდა და სიცილით მითხრა: ნიკო, შენ მაინც შენსას არ იშლი, დღესაც უფლის წულება სიტყვო. აკაკი მართალი იყო, შემდეგშიაც ძალიან ხშირად მცდებოდა ხოლმე ეს სიტყვა. ამავე სეზონში დაიდგა აკაკის ახალი პიესა „განთიადი“ სოფლის ცხოვრებიდან, რომელიც ელ. ჩერქეზიშვილის საბენეფისოდ ვითამაშეთ. ეს პიესაც თვითონ აკაკიმ დასდგა.

დავამთავრეთ სეზონი აკაკის ბენეფისით. დაიდგა თავისივე პიესა „თამარ ცბიერი“. თამარის როლის შემსრულებლად ბაკოდან საგანგებოდ იყო მოწვეული ქეთო ანდრონიკაშვილი, რომელსაც მართლა ძალიან უხდებოდა ეს როლი.

აკაკის, როგორც მობენეფისეს, საზოგადოება დიდის ალტაკებით შეხვდა. ბევრჯერ გამოიწვიეს პიესის დასასრულს სცენაზე და ბევრი ძვირფასი საჩუქრებიც მიართვეს.

1912 წლის გაზაფხულს ბაქოში ვიყავ რეჟისორად მიწვეული, სადაც ვხელმძღვანელობდი იქაურ დრამატულ დასს. სეზონის გასასწრაფად, პირველ წარმოდგენისათვის მთხოვეს, აკაკის „პატარა კახი“ დამედგა. მეც სიამოვნებით დავთანხმდი გამგეობის წინადადებაზე. შევეუდღეე პიესის მზადებას, სეზონის გახსნის დღედ დავნიშნეთ 1 აპრილი, აღდგომის მეორე დღე, რადგან დიდმარხვის უკანასკნელ კვირას წარმოდგენების დადგმა აკრძალული იყო. პიესა კარგა ხანს ვამზადებდი. მთელი ბაქოელი ქართველი საზოგადოება დიდი ინტერესით მოელოდა სეზონის გახსნას. მოახლოვდა წარმოდგენის დღეც. ბილეთები წინდაწინვე გაიყიდა. წარმოდგენის დღეს, დილით, მოვიდა თეატრში ჩვენი დასის ერთერთი წევრი და გამოგვიცხადა, რომ დღეს დილით ექიმ ვანო ელიაშვილთან სტუმრად ჩვენი საყვარელი მგოსანი აკაკი ჩამოვიდაო. ჩვენ ყველანი სახტად დავრჩით, სრულიად არ მოველოდით აკაკის ბაქოში ჩამოსვლას. მართლაც, ვანო ელიაშვილი თბილისში ყოფილიყო, აკაკის შეხვედროდა და ეთხოვნა, სადაც მომოდგენოდა დღესასწაულები ჩემთან ვაატარებო. აკაკიც დათანხმებულიყო. აკაკი ბაქოში სტუმრად პირველად იყო და, რაღა თქმა უნდა, მთელი ბაქოს ქართველობა დაფაცურდა, რომ აკაკისათვის როგორმე პატივი ეცა...

აკაკი ბაქოში თითქმის ორ კვირას დარჩა და ყოველი ბაქოელი ქართველი ოჯახი დიდ პატივად მიიჩნევდა, თუ აკაკი სადღილად ან ვახშმად ეწვეოდა. როგორც-კი ხმა გავარდა აკაკი ბაქოშია და ამ საღამოს წარმოდგენას დაესწრებო, დილის რეპეტიციაზე თეატრში აუარებელმა ქართველობამ მოიყარა თავი.

ბაქოელ ახალგაზრდებს, რომელნიც ბაქოში იყვნენ დაბადებულნი და აღზრდილნი, აკაკი არ ენახათ და ამიტომ ყველანი დაინტერესებული იყვნენ, რომ თავის თვალთ ენახათ საყვარელი პოეტი. წარმოდგენის დამეს აბაზიან ბილეთში სიამოვნებით ხუთ მანეთს აძლევდნენ. ოლონდ-კი ბილეთი როგორმე ეშოვნათ. მოახლოვდა წარმოდგენის დაწყების დროც. ჩვენი თეატრის პატარა დარბაზი ვაკედილია. წარმოდგენას არ ვიწყებთ, ვუცდით აკაკის მოსვლას. არ გასულა დიდი ხანი და სცენაზე შეგვატყობინეს, რომ აკაკი სახლიდან წამოიყვანეს და პიესის დასაწყებად მზად იყავითო. ყველა გულის ფანქარით მოველოდით აკაკის დარბაზში შემოსვლას. აი, ჩვენი გამგეობის წევრებმა შემოიყვანეს აკაკი დარბაზში... ივრიალა ტაშმა, ყველანი ფეხზე დგებიან. ტაშის ცემას და ალტაკებას დასასრული არა აქვს. წამოიყვანეს გამგეობის წევრებმა აკაკი და მისთვის საგანგებოდ გამოხადებულ სეარძელზე დასვეს. დავიწყეთ წარმოდგენა. ყველანი ძალიან ვლელავთ, მაგრამ პიესა კარგადა გვაქვს მომზადებული და არ გვეშინიან. ყველას იმედი გვაქვს, რომ გაეიმარჯვებთ და აკაკის წინაშე არ შევრცხვებით. ვათავდა მესამე მოქმედება. სხვათა შორის, მესამე მოქმედება „პატარა კახში“ საუკეთესო მოქმედებაა და კარგათაც თავდება, გლეხების გამამხნეველი სიმღერით. ფარდა რომ დაეშვა, შეიქნა ტაშის ცემა

და ვაშის ძახილი. ჩვენ, მონაწილენი, ყველანი სცენაზე გავედით და კიდევ დიდი ოვაციები გაუმართეს აკაის... აკაი მთლად ყვავილებში იყო ჩაფლული... პიესა მშვენივრად იქნა შესრულებული და საზოგადოებაც ძალიან კმაყოფილი დარჩა. პიესის დასასრულს აკაი სცენაზე გამოვიყვანეთ. საზოგადოების თხოვნით პოეტმა რამდენიმე საკუთარი ლექსი წაიკითხა, რითაც საზოგადოების აღტაცება გამოიწვია. წარმოდგენა გათავდა, მაგრამ საზოგადოება მაინც არ იშლება. აკაის დარბაზში ჩასვლას ელის. ჩავიდა თუ არა დარბაზში პოეტი, ახალგაზრდობამ დასტაცა ხელი და ვაშის ძახილით ქუჩაში გაიყვანეს, ჩასვეს ეტლში და დიდის ზემით და ტაშის კერით გააცილეს...

მინდა გავიხსენო ერთი ეპიზოდიც.

1908 წელს ჩასული ვიყავ დროებით პეტერბურგში, სადაც ვეცნობოდი თეატრების მუშაობას. იქაურმა ქართველმა სტუდენტებმა მთხოვეს, რაიმე პიესა დაგვიდგო ქართულადაო. აირჩიეს ალ. სუმბათაშვილის „ლალატი“. პიესა დიდხანს ვამზადეთ, გვეშინოდა, არ შევრცხვენილიყავით. მით უმეტეს, რომ „ლალატი“ რუსულადაც ხშირად იდგმებოდა საუკეთესო მსახიობთა შემადგენლობით. 15 იანვარს 1908 წელს პიესა დავედით კიდევ. ის-ის იყო წარმოდგენა უნდა დაგვეწყო, რომ თეატრის დარბაზში რაღაც ჩოჩქოლი შეიქნა.. ჩვენ, პიესაში მონაწილეებმა, მაშინვე ვიგრძენით, რომ თეატრის დარბაზში ვილაც არა ჩვეულებრივი მისურბელი გვესტუმრა. ვიფიქრეთ, ალბათ ალ. სუმბათაშვილმა თუ გაიგო, რომ პეტერბურგში მისი პიესა ქართულად იდგმება, შეიძლება ამითი დაინტერესდა და მოსკოვიდან პეტერბურგში ჩამოვიდაო. არ გასულა დიდი ხანი და სცენაზე შეგვატყობინეს, სრულად მოულოდნელად წარმოდგენაზე გვესტუმრა ჩვენი საყვარელი პოეტი აკაიო. ამ ამბავმა ჩვენ ყველანი ძალიან გაგვაკვირვა კიდევ და ამავე დროს ძალიანაც გავკახარა, რომ ჩვენს წარმოდგენას დაესწრებოდა ჩვენი საყვარელი მგოსანი. მართლაც, წარმოდგენის დაწყების წინ რამდენიმე საათით ადრე, აკაი საქართველოდან პეტერბურგში ჩამოსულიყო სტუმრად ივანე ნაკაშიძესთან.

ვითამაშეთ ორი მოქმედება. მესამე მოქმედება რომ დავამთავრეთ, თვითონ აკაი ამობრძანდა სცენაზე. ჩვენ ყველანი, პიესაში მონაწილენი, გარს შემოვეხვივენი, მიულოკეთ პეტერბურგში ჩამოსვლა, მოვიკითხეთ და ამასთანავე ვთხოვეთ, რომ ჩვენთვისაც გაეზიარებინა თავისი აზრი წარმოდგენის შესახებ. აკაემ მოგვილოცა გამარჯვება და გვითხრა: ძალიან მოხარული ვარ, რომ პეტერბურგში ქართული წარმოდგენის დადგმა განვიზრახავთო... მით უმეტეს ისეთი კარგი ქართული ორიგინალური პიესისა, როგორიც „ლალატი“ არისო. ამ პიესის დადგმით რუსი ხალხი ჩვენს გმირულ წარსულს გაეცნობაო. და უნდა ვითხრათ სიმატლე, თქვენი თამაშით პირდაპირ აღტაცებული ვარ და გულით მიხარის, რომ რუსი საზოგადოების წინაშე არ შეგვარცხვინეთო, პიესა მშვენივრად მოგიმზადებიათო. ახალგაზრდები ხართ, მომავალი წინ გიდევთ და ამა თქვენ იცით, როგორ სამსახურსაც გაუწევთ ჩვენ ხალხსაო.

მომჯადობელი მოსაზრება

ჩემი მოგონებანი ამ იშვიათ ადამიანზე ეხება შორეულ წარსულს. პირველად მე ის ვნახე ჩვენსას, როდესაც მე ვიქნებოდი დაახლოებით რვა წლისა (1881 წ. ან 1882 წ.).

პირველ შეხვედრისთანავე მან მომიხილა თავისი გარეგნული შესახედლობით: წარმოსადგეი, დიდებული, ლომის ფაფაჩივით გრუზა თმით და აზრის მეტყველი სახით.

მე პატარა ბიჭმა მაშინვე გადავსწყვიტე:—ალბათ ძია ლომ-კაცი არის თქო. მისმა უწარღებებანმა და ალერსიანმა დამოკიდებულებამ ჩემდამი, განსაკუთრებით მოიგო ჩემი გული.

დედაჩემი ფრიად ჭკვიანი ქალი იყო. იგი უმთავრესად ტრიალებდა გამოჩენილ ადამიანთა წრეში. დედაჩემის ნაცნობთა წრიდან მე ვიგონებ ცნობილ ტრალიკოსს პეტროს ადამიანს, ცნობილ მუსიკოსს კარა-მურზას, მსახიობ ქალს გაბუნია-ცაგარლისას, მომღერალ პაპიანს, არქეოლოგ მურომიცეს და სხვებს. მაგრამ განსაკუთრებით რელიეფურად ვიგონებ აკაკი წერეთელს. აკაკი უპირველესად მომჯადობელი მთხრობელი იყო. მას შეეძლო საათობით ელაპარაკნა და ყველა დაუღალაევად უსმენდა მის თითოეულ სიტყვას. მას გასაოცრად შეეძლო შეგუებოდა ყოველგვარ აუდიტორიას, მსმენელთა ყოველგვარ შემაღვენილობას. მას შეეძლო ერთსა და იმავე დროს, თავისი სიტყვის სიძლიერით და სილამაზით მიეზიდნა ერთდროულად, როგორც ბავშვი, ისე მოზრდილი და მოხუცი. მას ჰქონდა გამოუღვევლი მარაგი მოგონებებისა და ანეგდოტებისა თავის ცხოვრებიდან, მის გარშემო მყოფთა ცხოვრებიდან, უამრავ გავონილ და ნანახ სკენებიდან, ისტორიიდან.

ჩვენს ოჯახში აკაკის მოსვლა ჩემთვის ნამდვილი დღესასწაული იყო. იმ საღამოს მე არ ვიძინებდი დანიშნულ დროზე.

აკაკის ვხედებოდი თითქმის 1912 წლამდე, ვიდრე პეტერბურგს გავემგზავრებოდი. როდესაც უკანვე დავბრუნდი თბილისში, აკაკის აღარ შეხვედრივარ. რვა თვის შემდეგ ოაში გამიწვიეს (1914 წ. ზაფხულში) და 1915 წელს ბრძოლის ველზე, გერმანიის ფრონტზე, გავიგე, რომ აკაკი გარდაცვლილიყო.

მაგონდება, ერთხელ ჩვენთან ქართველ სტუმრებთან დავიწყე ქართულად ლაპარაკი. (მე ცუდად ელაპარაკობდი ქართულად). ვამახინჯებდი ქართულ ენას, ზოგიერთი სტუმრის სახეზე ღიმილი შევნიშნე, შემრცხვა, გავწითლდი და სულ ჩაეჭმე. მაშინ მე ვიყავი 15—16 წლისა. აკაკიმ გამომიყვანა უხერხულ მდგომარეობიდან: „განავარძე ვალოდია, ნუ გრცხვენიან, გახსოვდეს, რომ საქართველოში ქართული ენის მცოდნე პირველი ილია ჭავჭავაძეა, შემდეგ შენ და ბოლოს მე“-ო. საერთო სიცილმა დაფარა მისი სათნოიანი ხუმრობა, უხერხულობა გაიფანტა, მე გაბედულად განვაგრძე ლაპარაკი.

მახსოვს, ერთხელ დედაჩემმა რალაც შემცდარი მოქმედებისათვის, აკაკის თანდასწრებით დამტუქსა. თავისი დატუქსვა დედამ გაათავა შემდეგი სიტყვებით: „გრცხვენოდეს, შენ კბილებით უნდა გავგისინჯა ეს საქმე“. მაშინ მე ათი წლის თუ ვიქნებოდი.

— დედა, მე ხომ ისევ ძუძუს კბილები მაქვს და როგორ გავკენტი ამ საქმეს..— ვუბასუხე მე შემკრთალმა.

აკაკი ჩუმად გვიგდებდა ყურს; შემდეგ ჩუმადვე დამიძახა, მაკოცა შუბლზე, ადგა, გავიდა წინა ოთახში, დაუძახა ლაქიას, რაღაცა უთხრა და ისევ შემოვიდა სასტუმრო ოთახში. ნახევარი საათის შემდეგ ლაქიამ მომიტანა საკონდიტროდან ერთი გირვანქა კამფეტი.— აი, ეს ძვირფასო ვალოდია შენ, რომ შენი ძუძუთა კბილები არ დაიმტვრიოო. ჩემი სიხარულს საზღვარი არა ჰქონდა, განსაკუთრებით ის მახარებდა, რომ ჩემი პასუხი მოეწონა თვით აკაკის. აკაკის ძალიან უყვარდა ზახულის სიცხეში მურაბიანი წყლის სმა. მე ვიკისრე ამ საქმის მოგვარება და როდესაც პოეტი სიცხეში ჩვენთან მოვიდოდა ხოლმე, მე იმ წამსვე დაუდგამდი ცივი წყლით სავსე გრაფინს და ალუბლის მურაბით სავსე ვაზს და თანაც ვთხოვდი ეამბნა რამე ჩემთვის. აკაკიც კმაყოფილებით დაიწყებდა ამითუმი საინტერესო ამბის მოყოლას. მე ძალიან მიყვარდა მოთხრობები მისი ახალგაზრდობის დროიდან.

60-იან წლებში, როგორც ცნობილია, აკაკი სწავლობდა პეტერბურგის უნივერსიტეტში იურიდიულ ფაკულტეტზე. როდესაც დაბრუნდა ქუთაისში რუსული სასამართლო ახლად იყო შემოღებული. ახალ სასამართლოში ბევრი სასაცილო და თან სამწუხარო ამბავი ხდებოდა თურმე.

აკაკის მრავალრიცხოვან ნაამბობიდან სასამართლოს პრაქტიკის შესახებ, ზოგიერთი რამ მე ეხლაც მახსოვს. მან გვიამბო, თუ ქუთაისში დაბრუნების შემდეგ როგორ დაინტერესდა ის რუსული სასამართლოს მუშაობით იმერეთში. ერთხელ, გვიამბო აკაკიმ— მივიდი მომრიგებელ სასამართლოში. ირჩეოდა საქმე ერთი მოხუცისა, რომელიც უჩიოდა ერთ ახალგაზრდა იმერელს 100 მან. ვალს. აღმოთებული მოხუცი აცხადებდა, რომ მოპასუხის მამამ ისესხა მისგან 100 მან. და დაჰპირდა თავის დროზე ვალის დაბრუნება, ხოლო იმ შემთხვევაში თუ ის— მოვალე გარდიიცვლებოდა, ვალს მისი შვილი გადაიხდიდა.

— აი, ეხლა, ფულის გადახდამდე მოხუცი გარდაიცვალა და შვილი კი არ იძლევაო.

მომრიგებელმა მოსამართლემ მიმართა წინადადებით მოპასუხეს, ახალგაზრდა განათლებულ იმერელს ეთქვა რაიმე თავის გასამართლებლად.

„მოხუცი ჭკუაზე შეიშალა“— განაცხადა ახალგაზრდამ. მე მისი არაფერი არ მმართებს და ვერც ვერაფრით დაამტკიცებს თავის საჩივარსო.

მაშინ მოსამართლე შეეკითხა მოხუცს: აქვს თუ არა მას ვექსილი ან ხელწერილი. საბრალო მოხუცი გაცდა, როდესაც პირველად თავის ცხოვრებაში გაიგო მისთვის უცნობი სიტყვა.— არც ვექსილი, არც ხელწერილი არავითარი არა მაქვსო— უპასუხა მან.

— „აი, ხომ ხედავთ, ბატონო მოსამართლე, რომ ეს მოხუცი გატყუილებთ თქვენ“.— განაცხადა სიცილით ახალგაზრდამ. მოსამართლე აღელდა „მამ რაღას მოდიხართ სასამართლოში— უთხრა მან მოხუცს— თქვენი საჩივრით, თუ არაფერი დამამტკიცებელი საბუთი არა გაქვთ“.

— დასამტკიცებელი საბუთი როგორ არა მაქვს— წამოიძახა მოხუცმა, ჩაიყო ხელი ჩოხის უბეში და მოსამართლეს გაუწოდა ჟღავის ღერი.

„ჩემმა მოვალემ, როდესაც ჩემგან ფული ისესხა—განაცხადა მომჩივარმა—
 მითხრა—ჩემს უღვაშს ვფიცავ, ფულს დაგიბრუნებო—და აი მისი უღვაში“.
 „მე ხომ გითხარით შეშლილია-მეთქი!“—სიხარულს ეძლევა ახალგაზრდა.

გაბრაზებულმა მოსამართლემ უარი უთხრა მოხუცს საჩივარზე და წინა-
 დადება მისცა დაეტოვებინა სხდომის დარბაზი. დარბაზში ბევრი, სასამართლოს
 პროცესების მოყვარული იმერელი იყო. დამსწრეთა შორის, განსაკუთრებით
 მოხუცებულებში, გაისმა აღშფოთების გმინვა.

„ამ დროს მაყურებელთა რიგებიდან—სთქვა აკაკიმ,—წამოდგა ერთი
 ლამაზი მოხუცი იმერელი და აღშფოთებულმა, ხმაძალა დაიწყო ლაპარაკი:
 „ამხანაგებო, თუ რუსი მოსამართლე აფუროხებს ჩვენს დაკანონებულს წმინდა
 ჩვეულებებს, თუ ის არა სცნობს უღვაშით ფიცს, თუ ეს ახალგაზრდა არამზა-
 და სარგებლობს ამით და არ სურს ვალის გადახდა, მაშინ ჩვენ შევავროვოთ
 და გადავუხადოთ ვალი მოხუცს!“ და მან ქუდით ხელში დაიარა დარბაზი.
 რამდენიმე წუთში შეგროვდა 100 მან. გამარჯვებულმა ლამაზმა მოხუცმა ჩაა-
 ბარა ფული შეშფოთებულ მომჩივანს.

— „ჰა, აიღე! თუ რუსული სასამართლო ტალახში ჰქელავს ჩვენს ზნე-
 ჩვეულებებს, მაშინ ჩვენ დაეცაეთ მას!“ აკაკი მიამბობდა, რომ ამ საოცარმა სცე-
 ნამ მასზე დიდად იმოქმედა. ახალი სასამართლოს შემოღების შემდეგ სულ მალე
 გამრავლდნენ ცრუ მოწმეები და სხვა არამზადები. თურმე ეს ცრუ მოწმეები
 იმდენად ბევრი იყვნენ, რომ მათ ჯგუფობით ასამართლებდნენ. აი, ერთხელ,
 გვიამბო აკაკიმ—მივედი სასამართლოში, ირჩეოდა რამდენიმე ცრუ მოწმის სა-
 ქმე. საქმის გაჩჩევა ჯერ არ იყო დაწყებული. ბრალდებულთა სკამზე იჯდა
 რამდენიმე ბრალდებული, მე ვათვალთვრებ მათ, და მათში ერთი ლამაზი მო-
 ხუცი კაცის სახე მეჩვენება ნაცნობი.

ეს შენ არ ხარ—ამ სამი წლის წინათ ასე ლამაზად და კეთილშობილუ-
 რად, რომ შევაროვე 100 მანეთი და გადაეცი მომჩივარს?—დიახ, ის მე
 ვარ—მიპასუხა გაბრწყინებულმა.—მაშ როგორ მოხდა, რომ შენისთანა მა-
 დლიან, პატროსან ადამიანს ვასამართლებენ ცრუმოწმეობისათვის?

— ეხ, კნიაზო, შენ რომ იცოდე რა მომგებიანია ეს საქმე: საკმარისია
 ცოტა ტყუილი სთქვა და ფულები თავისთავად მოდის ჯიბეში. არა, პირდაპირ
 უნდა ვთქვა, რომ რუსული სასამართლო ჩვენთვის ძალიან სარფიანი შეიქმნა.
 ამას აკაკი წერეთელი გვიამბობდა, როგორც საშინელი ზნეჩვეულებების დამა-
 ხასიათებელ მოვლენას. ვერ შეეძლებ აკაკის ყველა მშვენიერი ნაამბობის მო-
 გონებას. აკაკი ღრუბელივით ისრუტავდა ყველა საინტერესო და დამახასიათე-
 ბელ თვისებებს და ჩვევებს ადამიანებისას.

ერთ დროს ჩვენთან მზარეულად მსახურობდა ერთი გონიერი, პოლონელი,
 ახალგაზრდობაში ოდესის ოპერის გუნდის მომღერლად ნამყოფი ქალი, რო-
 მელსაც ბრწყინვალედ გაეტარებინა ცხოვრება. ერთ დღეს აკაკიმ უთხრა დე-
 დარქმს:

— მე ძალიან მსიამოვნებს, როცა თქვენი მზარეული მიღებს კარებსო. იგი
 ჯერ სასტუმრო ოთახში მთხოვს დაგიცადოთ და თქვენს მოსულამდის თითქ-
 მის ერთი საათი მართობს საუბრითო. მე მუდამ დიდი ინტერესით ვესაუბრებო

მას და სიამოვნებით ვითვისებ მისგან ცხოვრების გამოცდილებას და ფსიქოლოგიურ დასკვნებს ვაკეთებო.

აკაკი მოსული კაცი იყო, ბრგე. სიარული არ უყვარდა, ზოგჯერ, როდესაც დარჩებოდა ხოლმე ჩვენსას გვიანობამდე და ივანეშებდა, მოახლეს სთხოვდა ეტლის მიყვანას და როდესაც ეტლი მოვიდოდა დაიწყებდა ჯიბეში ძებნას, თუ ფული არ აღმოაჩნდებოდა, დედას ესესხებოდა ფულს ეტლისათვის.

აკაკი დაჯილდოვებული იყო იშვიათი უნარით, — გადმოეცა ყველაფერი საოცრად უბრალო, გასაგები და თან მომხიბვლელი ფორმით. ჩემი სკოლის წარსულიდან მაგონდება, რომ ბოტანიკა ჩემთვის ძალზე მოსაწყენი მეცნიერება იყო და ძალიან მამბებდა თავს.

ერთხელ, ზაფხულში, როდესაც ჩვენ ვცხოვრობდით აგარაკზე, ბაბუაჩემის ბაღში სოფ. ხიდისთავში (გორის ახლოს), ჩვენთან სტუმრად ჩამოვიდა აკაკი ერთი დღით. სხვათა შორის, ჩემთან ბაღში გასეირნების დროს მან პოპულარულად ამიხსნა მოვლენები ბოტანიკიდან და მთელი ნაამბობი იქვე მაგალითებით დამისურათა.

მე მაგონდება, რომ ბოტანიკიდან, სკოლის წლებში დაგროვილ ცოდნის მარაგიდან დამახსოვდა მხოლოდ ის, რაც მე ავითვისე აკაკის ნაწყვეტ-ნაწყვეტ ნაამბობიდან ხიდისთავში ერთი დღის განმავლობაში.

აკაკი ვერ იტანდა გონება-ჩლუნგ მანდილოსანთა მოსაწყენ საზოგადოებას, როდესაც ის ჩვენსას სტუმრად მოსული ასეთ წრეს წააწყდებოდა, შეუმჩნევლად წავიდოდა ტახტისაკენ, გარს შემოილაგებდა მუთათქებს და ბალიშებს, შემოიკეტდა ფეხს. ჩუმად უგდებდა ყურს არისტოკრატი ქალების ლაყბობას. ცოტა ხნის შემდეგ, თანაბარი მძიმე სუნთქვას და ოდნავ ხვირვას გვაცნობებდა, რომ აკაკი ძილს მისცემოდა, მაგრამ საერთო პატივისცემა აკაკისადმი არ აძლევდა არავის ნებას გავლვიძებინათ იგი. ამ მოსაწყენ სტუმრების წასვლის შემდეგ მე ფრთხილად გავალვიძებდი პოეტს და ის გამოცოცხლდებოდა და გადაიქცეოდა ძველ შეუღარებელ მთხრობლად.

მაგონდება კიდევ ერთი შემთხვევა: 1888 წ. ჩვენ ვცხოვრობდით აგარაკ ბორჯომში, სასტუმრო „მარსელი“-ს გვერდით. ჩამოვიდა აკაკი და გაჩერდა ამ სასტუმროში. ერთ დღეს, როდესაც აკაკი ჩვენთან იჯდა აივანზე — ქუჩის პირას, ჩვენს წინ გაიარა აბრეშუმის ქსოვილებით მოვარე იმერელმა და როდესაც დაინახა აივანზე მჯდარი დიდებული მოქალაქე ძალზე გაცვეთილი ყელსახვევით (აკაკი საერთოდ არასოდეს არ აქცევდა ყურადღებას თავის მორთულობას) შესთავაზა ეყიდნა ყელსახვევი. აკაკიმ ჩუმად ჩაიხედა საფულეში, აღმოაჩინა მხოლოდ 10 შაური. ყელსახვევი ღირდა ერთი მანეთი. იმერელმა არ დაუკლო და აკაკიმ უარი სთქვა ყიდვაზე. საუბარში ამ დროს იმერელმა ყური მოჰკრა აკაკის სახელს და ჩურჩულით მკითხა მისი ვინაობა. მეც ვუპასუხე. როდესაც მეფარჩემ ვაიგო, რომ მის წინ აკაკი წერეთელია, სახე გაუბრწყინდა, მოჰკიდა ხელი კალათს, დაუდგა აკაკის ფეხებთან და წამოიძახა: მაპატიე ბატონო აკაკი, რომ ვერ გიცანით! მიიღეთ რაც გნებავდეთ თქვენი აღფრთოვანებული პატივისცემლისაგან. მაპატიეთ კადნიერება. — იმერებდა იგი აღელვებული, მაგრამ ვერ იქნა, ვერ დაიყოლია პოეტი საჩუქარზე. შეწუხებული მეფარჩემ წავიდა, მაგრამ ჩუმად ვაიგო პოეტის მისამართი და საუკეთესო ყელსახვევი გაუგზავნა უსახელოდ.

ვიგონებ ვიდევ ერთ შემთხვევას. ეს მოხდა 1911 წ. ქუთაისში, სადაც იმ დროს მე ვმსახურობდი. კლუბში იყო რაღაც საქველმოქმედო წარმოდგენა-მე ვიჯექი პირველი რიგის შუა ადგილას, ჩემს გვერდით იჯდა ჩემი ნაცნობი რუსი მინდილოსანი. მარჯვნივ ერთი ადგილი თავისუფალი იყო. უცებ დარბაზში გამოჩნდა დიდებული ფიგურა აკაკი წერეთლისა. დაეინახეთ ერთმანეთი, მე მოვიწყვიე თავისუფალ სკამზე ჩემს გვერდით. გაიმართა გაცხოველებული საუბარი. მინდილოსანმა, როდესაც გაიგო, რომ ეს აკაკი წერეთელი იყო, ჩუმად მთხოვა, გამეცნო მისთვის პოეტი. ქალმა დაიწყო შეუჩერებლად ლაპარაკი და გუნდრუკის კმევა. აკაკის არ უყვარდა, როდესაც პირში აქებდნენ და უცებ მოიწყინა. ბოლოს აკაკი გაიწვიეს კულისებში, სცენაზე გამოსასვლელად. სცენაზე ორ რიგად გამწყრივდა იმდროინდელი ქუთაისის ბრწყინვალე საზოგადოება: კლუბის ადმინისტრაცია, ცნობილი მსახიობები, ლიტერატორები, თავად-აზნაურთა წარმომადგენლები და აკაკი, რომელიც დიდებულად გამოვიდა და დადვა აფანსცენაზე. პოეტმა ათი წუთის განმავლობაში ვერ მოახერხა ხმის ამოღება, რადგან მქუხარე ტაშის ცემა არ შეჩერებულა ერთი წამითაც. ბოლოს, როგორც იყო მიეცა საშუალება წარმოეთქვა ერთი მისი უკეთესი ლექსთაგანი. ლექსის გათავებისას ისევ იგრიალა მქუხარე ტაშმა.

აკაკიმ ხუთი ლექსი წაიკითხა. სცენიდან ჩამოვიდა და დაქანცული დაჯდა ისევ ჩვენთან. მე არ მახსოვს არასოდეს, რომელიმე პოეტის გამოსვლას ისე აღფრთოვანებით შეხვედროდა ხალხი, როგორც აკაკის. საკმარისი იყო მისი ერთი გამოჩენა, რომ აუღიბტორია გრგვინვად გადაქცეულიყო. ეს იყო ჩემდასაუბედროდ, ჩვენი უკანასკნელი შეხვედრა. მეორე წელს მე წავედი პეტერბურგს და როდესაც დაებრუნდი, თბილისში მთაწმინდაზე დამხვდა უბრალო სასაფლაოს ქვა, რომელზედაც წარწერილი იყო ჩემთვის ესოდენ საყვარელი სახელი: აკაკი.

1968 წელი, აგვისტო.

ზაქარია ფორაქიშვილი

აკაკი ქართული ლექსიკონის შესახებ

მ თ გ ვ ნ ე ბ ა

დაახლოებით 1907 თუ 1908 წელს მოწვეული იყო ქ. თბილისში ქართ. შორის წერა-კითხ. გამავრც. საზ-ბის წევრთა საერთო კრება. ამ კრებას სხვათა შორის დაესწრო აკაკიც, რომელიც ამ საზოგადოების საპატიო წევრი იყო.

საერთო კრებას განსახილველი ჰქონდა: გამგეობის მუშაობის ანგარიში წარსული წლისა და სხვა საკითხები; გარდა ამისა მომავალი წლის მოქმედების ვეგმა და ხარჯთ-აღრიცხვა.

გამგეობას გეგმით ვათვალისწინებული ჰქონდა, უმთავრესად, ახალი ლექსიკონის (ქართულ-რუსულის და რუსულ-ქართულის) გამოცემა და შედგენა ახალი მასალების შეესებით.



აკაკი კახეთში, ჯანდიერებთან (ს.ფ. ვაჩნაძიანი) 1911 წ.

ასეთი გამოცემის საჭიროებას გამგეობა ასაბუთებდა იმით, რომ პროფ. დ. ჩუბინაშვილის მიერ შედგენილი და გამოცემული ლექსიკონები უკვე გამოილია, აღარ იშოვება, მოთხოვნილება კი ამაზე დიდია, ამიტომ წერა-კითხვის საზოგადოებამ თავი მოუყარა ყველა არსებულ ლექსიკონებს და სხვა გამოსადეგ მასალებს ახალი ლექსიკონის გამოსაცემად.

ამ საკითხის გარშემო გაიმართა კამათი, ბევრმა მიიღო მონაწილეობა, უმეტესობა იწონებდა გამგეობის აზრს და მოითხოვდა მის აუცილებელ განხორციელებას. აკაკიმაც მოითხოვა სიტყვა. როცა აკაკი წამოდგა სიტყვის სათქმელად, ამ კრებაზე ყველა დამსწრენი აღტაცებით უყურებდით მის გიჟი-ღირავებულ მადლიან სახეს; დიდი ყურადღებით ვუსმენდით, ჩვეულებრივ, ტკბილად მოუბარს.

— ზედმეტია ლაპარაკი იმაზეო, — დაიწყო მხკოვანმა პოეტმა, — რომ კარგი ლექსიკონი გვესაჭიროება, რაც შეიძლება ფართოდ გასავრცელებლად, რათა არ განმეორდეს ჩვენში ისეთი შემთხვევა, როგორც დაემართა ერთ ჩვენს მწერალს, რომელიც თავის ნაწერებში ხშირად ხმარობდა სიტყვას „წყალვარდნილას“. ეს სიტყვა რუსულ „ვოდოპადიდან“ ეთარგმნაო.

ამას ყურადღება მიაქცია ყოველდღიურმა გაზეთმა „ივერიამ“ და თავის მკითხველებს სთხოვა რედაქციისათვის მიეწოდებინათ „ვოდოპადის“ წმდვილი ქართული სახელწოდება.

— არ გასულა დიდი ხანი, რომ რედაქციის თითქმის საქართველოს ყველა კუთხიდან მოუვიდა ცნობა და გამოიჩქრა, რომ „ვოდოპადს“ ხალხში უწოდებენ „ჩანჩქერს“, „ჩახრილას“ და კიდევ სხვა რამდენიმე სახელწოდებას; იყო აგრეთვე ცნობები სამეგრელოდან და სვანეთიდანაც, რომლებიც ამჟამად არ მახსოვსო.

აკაკი განაგრძობდა:

— ამრიგად, „წყალვარდნილის“ მაგიერ აღმოჩნდა რამდენიმე სიტყვა, რომელიც ვაფანტული ყოფილა ჩვენი სამშობლოს სხვადასხვა კუთხეშიო.

— რად გვინდა თარგმნა, როდესაც მოგვეპოვება საკუთარი სიტყვებიო?

კარგი ლექსიკონის შედგენისათვის დიდი მნიშვნელობა აქვს ჩვენს ქართულ ძველ მწერლობას, რაც ვადაურჩა დაკარგვას ან მოსპობას. ამის დასასაბუთებლად აკაკიმ მოიყვანა მაგალითი: თუ ვახსოვთ მე-19 საუკუნის ოთხმოცდაათიან წლებში ამიერკავკასიის რკინის გზის სამმართველომ დაიწყო სურამის ანუ ლიხის უღელტეხილზე მუშაობა „ტონელის“ გასაყვანადო. ასეთი ტონელის გაყვანა მნიშვნელოვანი იყო, ამიტომ მაშინდელ რუსულ გაზეთებში იბეჭდებოდა ცნობები ამ მუშენებლობის შესახებ. „ტონელის“ გაყვანა დამთავრდა და მისი ზეიმით გახსნა მოხდა, მგონი, 1890 წელს. ასეთი ამავე ენტერესებოდათ, რასაკვირველია, ქართულ გაზეთების მკითხველებსაც, მაგრამ რედაქცია ჩავარდა ერთგვარ გასაჭირში, რადგანაც „ტონელის“ ქართულად დასახელება ვერ მოეხერხებინათ. ამის გამო რედაქციამ ერთ დანიშნულ დღეს მოიწვია ყველა თანამშრომელი სათათბიროდ, მეც დავესწარ ამ თათბირსაო. თათბირის მიზანი იყო გამოენახათ „ტონელის“ სახელი ქართულადო.

დამსწრენი ზოგი ასახელებდა გამოქვამულს, ზოგი — ხერცეს. ბოლოს გადაწყდა, „ტონელისათვის“ დაერქმიათ „ქვახვრიტა“, მაგრამ ასეთი სიტყვა როგორც არ მოგვწონდა, სმენას ენოთირებოდით.

ბოლოს ერთმა დამსწრეთაგანმა შემოიტანა ასეთი წინადადება: არა მგონიაო, რომ ძველ ჩვენს მწერლობაში, თუნდაც „ვეფხისტყაოსანში“ არ იყოს შესაფერი სიტყვა — მე მგონიაო, ესლა თავი შევიკავოთ ამ „ქვახვრიტას“ ხმარებისაგან და ამ მიზნით გადავათვალიეროთ ჩვენი ძველი მწერლებიო.

მართლაც გავინაწილეთ ასეთი ძიების მუშაობა და წავაწყდით სიტყვა „გვირაბს“, რომელიც ამას შემდეგ დაერქვა „ტონელს“.

ეს მაგალითი ცხადსჰყოფს იმ აზრს, თუ ლექსიკონისათვის რამდენად ძვირფასი მისალა მოიპოვება ჩვენს ძველ მწერლობაშიო.

არა ნაკლები მნიშვნელობა აქვს ლექსიკონისათვის შეგროვილ მისალას ცოცხალ ენიდან, რომელიც ჩვენი ქვეყნის ყოველ კუთხის მცხოვრებთა შორის დარჩენილია ზეპირგადმოცემის ან ზეპირსიტყვაობის სახით, ამაში დამარწმუნა შემდეგმა შემთხვევათაო.

ჩვენი მოგზაურობის დროს ერთხანად მომიხდა ქართლის ერთ-ერთ სოფელში ყოფნა, ჩამოვხტი ერთი გლეხის ოჯახში. ამ ოჯახის მეთაური აღმოჩნდა ძველი თქმულებების, ამბების და საერთოდ ზეპირსიტყვაობის დიდი მცოდნე.

ეს ოჯახი, გარდა მიწათმოქმედებისა, თურმე ხელოსნობასაც ეწეოდა. განსაკუთრებით ოჯახის მეთაური მთელ ამ მხარეს განთქმული ყოფილა, როგორც დახელოვნებული კაცი წისქვილების მოწყობის საქმეშიო. რაკი იგი მოხუცებულობაში შესულა, მოეწადინა თავისი ცოდნა გადაეცა თავის უფროს ვაჟისათვის, ამიტომ მას გზავნიდა წისქვილების გასაკეთებლად და ხელმძღვანელობას უწევდა სახლიდან. იმაჟამად უფროსი ვაჟი იმავე სოფელში ამთავრებდა ახალი წისქვილის გამართვას. როცა იგი საღამოთი შინ დაბრუნდა, მამა შეეკითხა:

— რა ჰქენი შვილო, როგორაა შენი ახალი წისქვილის საქმეო?

— რაღა როგორ არის, მამაჩემო, წისქვილი მზადაა, გამართული ყოველ მხრივ, მაგრამ ერთი უბედურება დაგვატყდა თავს, როცა წყალი მიუშვით ღარში, ბორბალი არ დატრიალდა, რამდენი ვეწვალე, მაგრამ ბორბალი ვერ ავამუშავე. მთელ დღეს ვიტანჯე, დავილაღე, მაგრამ მისი ასავალ-დასავლისა ვერა გავიგე-რაო.

— კარგი, შვილო, — მიუგო მამამ, — ესლა დაისვენე, ვივახშმოთ, ხვალ დილით გამოგაყვები, გავსინჯავ და იქნება საქმე მოვაგვაროთო. მეორე დღეს მეც გავყევი მათ, მამამ ახალი წისქვილი გასინჯა და გამართულობა მოუწონა შვილს, შემდეგ წყალი მიაშვებინა ღარში, მაგრამ წისქვილის ბორბალმა მოძრაობა მაინც არ დაიწყო. მაშინ მოხუცი ხელოსანი მიაჩერდა ხის ღარს, დაიწყო მისი სიღრმისა და სიგანის ზომვა და უთხრა შვილს:

— აი, სწორედ ეს არის მიზეზი შენი წისქვილის უბედურებისა, ღარისათვის ტევა საკმარისი არ მიგიციაო, ღარი უნდა გამოსცვალოო, ახალი გაუკეთე; მეტი ტევადობა მიეცი. რადგან წისქვილის პატრონებს ძალიან ეჩქარებათ, საუქვავიც მოუტანიათ, ესლა მომავლენდა, სახლში ერთი ღარი მაქვს წი-

ლო შესახვევი ქალაღდის მაგვირად ხმარობდაო. ბევირი ცღისა და ძიების შემდეგ მხოლოდ რამდენიმე ფურცელი აღმოჩნდაო. ეს გადარჩენილი ფურცლები, თურმე ამოხეული იყო მეტად საინტერესო ისტორიული ძეგლიდანაო.

ასეთი სიტყვის შემდეგ აკაკიმ მოუწოდა ყველა იქ დამსწრეთ, ხელი შეეწყოთ წერაკითხვის საზოგადოებისათვის ძველი მწერლობის ნაშთების შეკრების საქმეში.

ილარიონ ჟღენტი

საკაკი და ახალგაზრდობა

1908 წ. ქუთაისის კლასიკურ გიმნაზიაში ვსწავლობდი. უფროსი კლასის ქართველ მოსწავლეებში გამოითქვა სურვილი—გადეხადათ აკაკის იუბილე კლასიკურ გიმნაზიაშიც. ამ განზრახვის უფრო მეტად მით ასაბუთებდნენ, რომ აკაკი სწორედ ამ გიმნაზიაში სწავლობდა. მოსწავლეთა ერთმა ჯგუფმა თავისი აზრი ქართული ენის მასწავლებელს მელიტონ ჩოგოვაძესა და მაშინ გიმნაზიის ხატვის მასწავლებელს, ამჟამად დამსახურებულ არტისტს ვასო ბალანჩივაძეს გაუზიარა. ორივემ მოუწონეს მოსწავლეებს ეს აზრი და დირექტორთან შუამდგომლობის აღძვრაც იკისრეს. ამ გიმნაზიის დირექტორად მაშინ ცნობილი ჩინოვნიკი მიხეილ გლუშაკოვი იყო. გლუშაკოვი ქუთაისის რეალური სასწავლებლის დირექტორ ლეონტიევთან ერთად ცნობილი იყო როგორც გიმნაზიაში ქართველ მოსწავლეთა მიღებისა და ქართველების მიერ გიმნაზიის დამთავრების დიდი შემფერხებელი. გლუშაკოვსა და ლეონტიევს კავკასიის სასწავლო ოლქის მაშინდელ მზრუნველ რუდოლფისაგან საიდუმლო დირექტივა ჰქონდათ მიღებული, რომ გიმნაზიასა და რეალურ სასწავლებელში ნაკლებად მიეღოთ ქართველი ახალგაზრდობა და ამავე დროს მათთან უკვე მყოფი ქართველი მოსწავლეებისათვის გაძენილებინათ სასწავლებლის დამთავრება. ორივე მოხელე ურყევად ატარებდა მეფის მთავრობის ამ დიდმპყრობელურ პოლიტიკას, რისთვისაც მათ დაწესებულ ვიდაზე ადრე მიეცათ ეგრეთწოდებული „დეისტეტიკელნი სტატსკი სოვეტნიკის“ ჩინი.¹

სწორედ ამ გლუშაკოვს მიმართეს ჩოგოვაძემ და ბალანჩივაძემ—ნება დაერთო მას გიმნაზიაში აკაკის იუბილეს ჩატარებაზე. რასაკვირველია, დირექტორმა გლუშაკოვმა ისინი ცივი უარით გამოისტუმრა. ამგვარად, 1908 წელს არ არ მოხერხდა კლასიკურ გიმნაზიაში აკაკის იუბილეს ჩატარება, მაგრამ მოსწავლე ახალგაზრდობა თავის ცდას მაინც განაგრძობდა და 1909 წელს, როგორც იყო მიღებული იქნა გიმნაზიაში აკაკისადმი მიძღვნილი სალიტერატურო

¹ რამდენიმე წლის შემდეგ, მოსწავლეთა ორგანიზაციის დავალებით, მოსწავლე იონა ლორთქიფანიძემ ტერორისტული აქტი განახორციელა ორივეს მიმართ რეალურ სასწავლებელში გამართულ საღამოზე, ბრაუნინგიდან შვიდი ტყვია დაახლა ორივეს და მძიმედ დასჭრა. ლორთქიფანიძე სულ მოკლე ხანში დააპატიმრეს და თბილისში ჩამოაზრჩეს.

რად ვიციკრებით ქუჩისაგან და, აი, გიმნაზიას მოადგა ეტლი, რომელშიც აკაკი იჯდა. ჩამოხტა მოხუცი, მივიდა კარებთან. კარებთან მყოფ დარაჯს მისწავლებელმა მელიტონ ჩოგოვაძემ კარები გააღებინა და შეეგება. ავტებზე ტაშისცემა და ვაშას ძახილი. აგყვავ მთელი მოსწავლეობა, ორკესტრმა შესახვედრი მარში დაუკრა. იკადრა გლუშაკოვმა გამოქცევა და შეხვედრა. დირექტორი გლუშაკოვი ამოუდგა გვერდში აკაკის, მეორე მხრიდან კი საღვთოსჯულის მასწავლებელი მღვდელი ე. კანდელაკი და მასწავლებელი მელიტონ ჩოგოვაძე დადგნენ და აკაკი შემოიყვანეს დარბაზში. ვიშოვეთ დრო და ვიჯერეთ გული. დიდხანს არ შეწყვეტილა ფეხზე დამდგარი ხალხის ტაშის ცემა და მუსიკა. გლუშაკოვმა აკაკი წინ წამოიყვანა და თავის გვერდით მოისვა სავარძელში.

აიხადა ფარდა. შუა სცენაზე ამართული იყო აკაკის დიდი ფერადებიანი სურათი. სცენაზე გამოვიდა მაშინ მერვე კლასის მოსწავლე, ამჟამად პროფესორი აკაკი შანიძე და რუსულ ენაზე წაიკითხა ვრცელი მოხსენება აკაკის ცხოვრებასა და სალიტერატურო მოღვაწეობაზე. აქვე უნდა აღინიშნოს, რომ შანიძის მოხსენება გლუშაკოვს წაიკითხული ჰქონდა, მაგრამ დაუკვირვებლობით იყო, თუ რაიმე სხვა მიზეზით, მაშინ ვერ მიექცია ყურადღება მოხსენების იმ ადგილებისათვის, სადაც მომხსენებელი აღნიშნავდა ქართველი ხალხის ნაციონალური თავისუფლებისათვის ბრძოლის მოტივებს. და, აი, როდესაც მომხსენებელმა აკაკის მთელ რიგ ლექსებს და სხვა ნაწარმოებთა შინაარსი გადაგვიშალა, გაუკეთა ანალიზი და გახსნა ფრჩხილები, დირექტორ გლუშაკოვს ფერი ეცვალა და დაიწყო ადგილზე ტოკვა. მაგრამ რას ვააწყობდა?! თვით უხერხულად სცნო ადგომა და მომხსენებლის გაფრთხილება. სამაგიეროდ, როგორც კი დაასრულა შანიძემ მოხსენება, რომელსაც ტაშისცემით შეხვდა მოსწავლეობა და თვით აკაკიც და ჩამოეშვა ფარდა, კულისებში შეიჭრა გლუშაკოვი, ჩამოართვა შანიძის მოხსენების დედანი და გიმნაზიიდან გამოიციხვით დაემუქრა. შანიძის შემდეგ წაიკითხულ იქნა მოკლე მოხსენება ქართულ ენაზე. მოხსენებებს მოჰყვა „პატარა კახის“ მეორე მოქმედება. შემდეგ განყოფილებაში მოსწავლეებმა ქართულსა და რუსულ ენაზე წაიკითხეთ აკაკის ლექსები. მე წაიკითხე აკაკის „პატრიოტი“, რომელშიც მგოსანი დასკინის თავად-აზნაურულ ცრუ პატრიოტიზმს. ეს ლექსი თავდება შემდეგი სიტყვებით: „რომ მოგწონვარ, მეც კი გატყობთ, აბა, დამიკარით ტაში!“ ჩემს სხარულსა და ალტაცებას სასწლერი არ ჰქონდა, როცა სხვებთან ერთად აკაკიც მიკრავდა ტაშს და თან ილიმებოდა. წარმოიდგინეთ, გლუშაკოვიც მიკრავდა ტაშს. ლექსებს უნდა მოჰყოლოდა აპოთეოზი—აკაკის სურათი საქართველოს სხვადასხვა კუთხის შვილთა შორის. ჩვენა ვთქვით, რაღა სურათი მოვითავსოთ შუაში, როცა ცოცხალი აკაკი აქა გყავსო. გავთამამდით და ავიყვანეთ სცენაზე აკაკი და შემოვერტყით გარშემო. ამით დავამთავრეთ აკაკისადმი მიძღვნილი საღამო.

აკაკი ტაშის ცემითა და ვაშას ძახილით გავაცილეთ.

მეტად კმაყოფილი დავრჩით საღამოთი და დიდი შთაბეჭდილებით წავედით შინ. გვეგონა, რომ ყველაფერი კარგა დამთავრდა, მაგრამ შევცდით. დირექტორ გლუშაკოვს ამ საღამოდან გარკვეული გადაწყვეტილება გამოეტანა, რადაც უნდა დაჯდომოდა, აკაკი შანიძე გამოერიცხა გიმნაზიიდან. აკაკი შანიძე

მერვე კლასში იყო, მას ყველა საგანში ხუთი ჰქონდა. სულ რამდენიმე თვის შემდეგ ოქროს მედალით უნდა დაემთავრებინა გიმნაზია. როგორ მოხდა არ ვიცით, თვით აკაკის აცნობებს ეს ამბავი და პოეტის მეოხებით ა. შანიძე გიმნაზიიდან გამოირიცხვის ვაღარაა, მაგრამ ოქროს მედალი კი დაჰკარგა.

პოლინა მამინაიშვილი

ჩემი ძველი დღიურიდან

აკაკის თელავში ჩამოსვლისას, ოჯახში გადაწვევით დიდი სადილი გაგემართა, მოგვეწვია აკაკი და გაგვეცნო თელავის საზოგადოებისათვის.

ჩვენს დიდ სასადილოში გაშლილია სუფრა 40 კაცისათვის. 3 საათია. აი, ჩემს საწოლ ოთახის ფანჯრებიდან დავინახე ნობრძანდება აკაკი. თან მოჰყვებიან ჩემი მეუღლე და ვასილ კახიძე (რაფიელ ერისთავის სიძე). მე ჩემი ბინის შემოსასვლელ კარებში ვდგევარ, დიდი კლასის კორიდორში გამოვიდნენ. გული ლამის ამომივარდეს ბუდიდან. ბავშვობიდან აკაკი და ილია ჩემთვის რაღაც არა ხორციელი იყვნენ. რა ბრგე კაცი ყოფილა. მომიახლოვდა, ხელი გამომიწოდა, მე კინალამ მუხლებში ჩავიკეცე ალტაცებისაგან.

სადილს შემდეგ აკაკი ჩვენთან რჩება, სასტუმროში არ მოსწონს. მე ბედნიერად ვგრძნობ თანეს. რა მშვენიერია აკაკი დილას, ახალ პირდაბანილი, ნაოქები უსწორდება სახეზე, თვალები უბრწყინავს. მე მინდა დაუსრულებლად უქტერო. სასადილო ოთახის შუშაბანიდან კარებს რომ მოადგება, ასე მგონია მნათობი გამოჩნდაო. ჟილტვით იცის შემოსვლა, ბოდის ისდის, გვთხოვს, პიჯაკს ნუ ჩამაცმევთო. გვიამბობს სასაცილო ამბებს.

ბანქოს თამაში უყვარს აკაკის; ყოველ საღამოს რიგ-რიგობით მოდიან ჩვენთან პარტნიორები. ჩემი მეუღლე სამსახურის გამო თბილისში გაიძახეს. დამიბარა, აკაკის ბანქოს მოთამაშეები არ მოაკლოო. სამ დღეს საღამოს აღარავინ მოვიდა ჩვენთან. აკაკი ვერ არის გუნებაზე. მეც ვღელავ. ოინს მივმართე: „ბატონო აკაკი, ხომ არ გეწყინებათ ამ საღამოს, რომ ლოტოს სათამაშოდ გიხალთ კლუბში. აკაკის თვალები გაუბრწყინდა: — „მარტო ხომ ვერ წახვალ, მეც უნდა გაგყე“.

მევედით თუ არა კლუბში, მაშინვე პულკა შეუდგინეს აკაკის. 12 საათამდე იქ დავრჩით. წამოსვლისას ვესტიბულში ერთმა ვაჟარმა პალტო ჩააცვა აკაკის. აკაკი მიუბრუნდა, ეშმაკურად გადახედა და უთხრა: საკვირველია, ვაჟრისაგან მორთმევა, ჩვენ წართმევას ვართ შეჩვეულიო! დამსწრეებმა ბევრი იციინეს.

აკაკის „суп с ушками“ უყვარს. რაც ხანი აქ არის, სულ მუდამ დღე ამ სუპს ვაკეთებინებ მზარეულს. დილაობით, დილის საუზმის წინ, უსათუოდ ცივი წყალი უნდა დალიოს. მე მუდამ გამზადებული მაქვს.

დღეს სტუმრები მყავდა: შალვა დადიანი, ელო ანდრონიკაშვილი და სხვები. ნედლი სიმინდი ახალი შემოსულია, გადაწვევით დესერტად სიმინდი. გვიან მომაგონდა, რომ აკაკის სწყენს. მისთვის ცალკე კისელი



აქტი თელავში 1911 წ.

გავაკეთეთ. აკაკიმ მიირთვა კისელი და გავიდა, ეწინოდა სიმინდის სიყვარულმა არ შემაცდინოსო. ერთ წუთსაც არ გაუვლია, ისევ მოადგა ჩენი სასადილოს შუშაბანდიდან კარებს: „გაათავეთ?“ ჩენი სიცილით უპასუხეთ, რომ ცოტა კიდევ მოუხდება მოთმენა.

— დღეს ვილაც 120 წლის მოხუცი გლეხი მოიყვანეს ჩვენს სასწავლებლის ეზოში. აკაკიმ მოისურვა მასთან საუბარი. გამოჰკითხა ძველი დროის ამბები. ბოლოს ჰკითხა: როგორ მოგწონს ევრონცოვიო? გლეხს აკაკი ვინმე დიდი ჩინოვნიკი ეგონა და შეაქო. მაშინ აკაკიმ სამი მანეთი აჩუქა და უთხრა, „ევრონცოვი რომ არ გექო, ხუთი მანეთის ჩუქებას ვაპირებდიო“. გლეხი შეკრთა, მაგრამ გვიანლა იყო.

— ჩემი ბავშვები—დათუნა და კაკუჩა დიდ განცხრომაში არიან. აკაკის უყვარს პირალმა წოლა ტახტზე. ერთ ფეხს მოლუნავს და დააყენებს, მეორეს ზედ დაადებს.

ჩემი დათუნა შეუძვრება ფეხებში და „ჭიტას“ იძახის. აკაკი ამ დროს ხლაბრებს მოუყვება. დათუნას „ჩიტო, ჩიტო ჩიორა“ მოსწონს, სულ იმას ალაპარაკებს. კაკუჩაზე ამბობს: „ასეთი კეკლუცი ქალი არ შემხვედრია ცხოვრებაშიო. დღეს თავისი სურათი აჩუქა წარწერით. დაპირდა, დიდ ლექსს დაგიწერო.

— რა ვქნა არ ვიცი! ვილაცას აკაკისათვის უამბინა, რომ მე კარგად ვითამაშე „თამარ ცბიერი“ სამი წლის წინ, აკაკის იუბილეს დღეს. აკაკი არ მეშვება, გინდა თუ არა ითამაშეო. ეხლა ის აღარ ვარ, რაც სამი წლის წინათ ვიყავი, არც გარეგნულად, არც სულიერად. ორი შვილის დედა ვარ. აკაკი წამოწოლილია ტახტზე და ბუტბუტებს რაღაცას. „ერთი რეპეტიცია ჩავატაროთ და თუ კარგი არ გამოვა, ნუ ითამაშებ“. მეც ვეთანხმები. შალვა დადიანი გოჩაა. ის ხომ ნამდვილი არტისტია, მე როგორ ვებედავ მასთან თამაშს, ვლელავ.

დღეს დიდი გულის ფანცქალით რეპეტიცია ჩავატარეთ აკაკის თანდასწრებით. გულს მიკეთებს აკაკი და მეუბნება: „ნამდვილი სარა ბერნარი ყოფილხართ, წარმოდგენა უსათუოდ უნდა შესდგეს“.

წარმოდგენის დღეც დადგა. ხვალ ვთამაშობ, ლამის ავტირდებ ისე ვშიშობ. მე ძალიან უკმაყოფილო დავრჩი ჩემი თამაშით. მეორე აქტის შემდეგ აკაკი ცრემლმორეული შემოვიდა კულისებში, სულ ხელები დამიკოცნა. ვინც არ ითამაშა თამარი, ყველამ მხოლოდ გარყვნილი ქალი გვიჩვენა სცენაზე, შენ კი ის თამარი გვიჩვენე, როგორც მე მაქვს წარმოდგენილიო“. არ ვიცი მართალს ამბობს, თუ მეფერება, მაგრამ მე მაინც კმაყოფილი ვარ იმითი, რომ აკაკის სურვილი აუსრულე. დღეს ოცია, ივლისის—ილიაობაა. კლუბი საესეა ხალხით, ჩეულებრივად აკაკიც წამობრძანდა. პირველ რიგში რუსის ოფიცრებია. აკაკის სთხოვა ჩემმა მეუღლემ, რამე ეთქვა სცენიდან. დასთანხმდა, „ერთი ლექსი-ლა მახსოვს მხოლოდო“, ავიდა სცენაზე, აუდიტორიას ხიზლავს თავისი სიდიადით, ვერცხლის თმები, როგორც შარავანდები ისე აქვს. რა მშვენიერი სანახავია. დიდხანს სდუმს. სდუმს მთელი დარბაზი. იწყებს: „მთა წმინდა ჩაფიქრებულა“... ქრუანტელმა დამიარა, რა სიჩუმეა, რა მშვენიერია, ლეთაებრივია აკაკი. ხალხი სმენდა არის გადაქცეული. რუსი ოფიცრ-

ბიც სულ-განაბული შესცქერიან, თითქოს გრძნობენ, რასაც ამბობს დიდი მგოსანი „დედაშვილობამ, ბევრს არ გთხოვ: შენს მიწას მიმბარეო“—ისეთი სიძლიერით სთქვა ეს სტრიქონები, რომ მთელ თეატრში რალაც კენესა გაისმა. ყველა გაფითრებული შეჭყურებს აკაკის. დაამთავრა. თეატრი სდუმს. აკაკი სდგას, თავი ზევით აუპყრია. უეცრად ალტაცებული ტაშის კვრა დაარღვევს სიჩუმეს. ილიას სალამო აკაკის სალამოდ იქცევა. აკაკი თრთოლავს, ალტაცებულია. მორიდებით ავიდნენ სცენაზე და მოხუცი პოეტი ჩამოიყვანეს.

გუშინ დიდი სადილი გაუმართა საზოგადოებამ ჭანდრის ქვეშ. ჩვენ ბედნიერად ვგრძნობთ თავს. კახეთმა გაიცნო აკაკი, შეითვისა თავისი დიდი მომღერალი. „რამდენჯერ ათრთოლებულა, ჭანდარო, შენი ფოთლები, წარსულში მტრის შემოსევის დროს, დღეს კი დიდი სიხარულისაგან შრიალებენ ისინი დიდი მგოსნის დანახვაზე“—ამბობს ჩემი მეუღლე თავის სიტყვებში. აკაკის ქნარი მიართვეს. სურათი გადავიღეთ (აკაკის ფერხთ მე და ნალია ბერევიანი ვზივართ ქნარით ხელში). ამ დღეს ქალები გვასახელა ელო ანდრონიკაშვილმა: შესანიშნავი სიტყვით შეამკო პოეტი, ჩვენს ბედნიერებას საზღვარი არა აქვს.

ხვალ გადაწყვეტილია აკაკის გამგზავრება ახლო სოფლებში. დიდი მზადება არის თურმე ყველგან. ხალხი სიხარულით ელის საყვარელი პოეტის ნახვას.

წასვლის წინ აკაკიმ აასრულა თავის დაპირება და ჩემსა და კახიძის ბავშვებს უძღვნა მშვენიერი ლექსი: „წერილი პატარა მეგობრებს“ (დაბეჭდილია „თემში“ 1911 წ.). ეს ლექსი ასე მთავრდება:

„... მაშინ, ახალგაზრდებო!
ნახეთ ჩემი საფლავი!
(მეც იქ თქვენთან გაეჩნდები,
თანმგრძნობით უხილავი),

სიცილით ჩამომძახეთ:
„აგისრულდა ახლა კი,
რასაც რომ მოვლოდი,
მეგობარო აკაკი!“



ტასო მანაბლისა (ბაგრატიონი) აკაკის შვილობელი

აქაის ცხოვრებიდან

ცნობილ ბიოგრაფს იონა მუხნარგიას დიდი სურვილი ჰქონია დაეწერა ცხოვრება აკაკი-სა. ამ სურვილს ის ორჯერ ოფიციალურად ამქაღებებს,—მის მიერ ილიას შესახებ დაწერილ მოგონებებში და დავით ერისთავის ბიოგრაფიაში, ხოლო არა-ოფიციალურად, ჯერ ისევ თავისთვის, უბისა და სამახსოვრო წიგნაკებში, საცა აკაკის ყოველი სიტყვა ნიღბებულია „ობოლ მარგალიტად“, ადამიანის აზრის ძვირფას სამკაულად და დაუქანდავ მახვილად, თვით აკაკი კი მიჩნეულია საქართველოს ჰენედ, ჰუსმინად.

ი. მუხნარგიასა და აკაკის შვიდრო მეგობრული ურთიერთობა ჰქონდათ. აკაკი თავის „შეუბრალებელი“ ოხუნჯობით ხშირად ჰკენწლავდა იონას: „გენერლების ადიუტანტს“ ეძახდა ხოლმე. ამის საბაბი, თვით ი. მუხნარგიას ლიტერატურული მოღვაწეობა იყო. გრივოლ ორბელიანი, მამია გურიელი, გ. კალაღიდელი და კოლზიდელი (გრ. დადანი), რომელთა ცხოვრება და მოღვაწეობა ი. მუხნარგია დაწერა,—სამხედრო პირებიც იყვნენ.

რა თქმა უნდა, აკაკის ეს დაკინვა მეგობრული იყო და მუხნარგიაც მეგობრული გრძნობით უღებულობდა. ის თავის თანამედროვე მწერალთა შორის აკაკის განსაკუთრებულ პატივსაცემდა, მისი ნიჭისა და გონებამახვილობის უსახლოვრო თავყვანისმცემელი იყო, მას „არავრთხელ მოსვლია ფიქრად, დაეწერა ცხოვრება ილიასი, აკაკისა, ნიკოლაძისა, გოგებაშვილისა, ყახბეგისა და სხვათა“ (ი. მუხნარგიას სიტყვები); რის გამოც ის, მართლა ყველას ადიუტანტით ახლდა—„მუშტრის თვალით“ უტკბოდა, მათი ცხოვრების საფეხურებს ჰქნესავდა და ამით თავის „სამახსოვრო წიგნებს“ ანდიდებდა.

აკაკის ხომ ამ წიგნში ყველაზე მეტი და განსაკუთრებული ადგილი სჭერია, რასაც თვით ი. მუხნარგია შემდეგნაირად გამოსთქვამს: —„ჩემი სამახსოვრო წიგნი შეუბრალებელმა აკაკიმ როტოს დაამკვასესა, ჯიხვის წყალობით სულდგმულა“ (იხ. დავ. ერისთავის ბიოგრაფია, გვ.1).

ამ სიტყვების დამადასტურებელი საუკეთესო ფაქტი ი. მუხნარგიას —სამახსოვრო წიგნებში“ უმარავია. ის მოწიწებით იწერს აკაკის იმ ნაკვეთებსაც კი, რომელნიც თვით ამ უბის წიგნის პატრონის დაკინვას გამოხატავენ. მაგ.:—„იონა ჩამოსულა ქალაქში,—რომელ გენერალს ჩამოყვა თუ იკით?—ჭიბთა აკაკიმ დავ. ერისთავს,

ან კიდევ: „გოგებაშვილის იონასთან ხშირი სიარული რომ შეენიშნა აკაკის, უთქვამს —„რა ვქნა, იონასთან რომ დაიარება, გოგებაშვილს გენერლობა რუადის მიუღია“.

აღნიშნულ უბის წიგნაკებს ამგვარი სტრიქონების სიმრავლე საკმაოდ აჭრელებს. ყველაფერი ეს აკაკის საბიოგრაფიო მასალად ქუჩდება, რომ „შემდგომ შესანიშნავი მგოსნის სი-ცოცხლისა“ დარჩენილიყო მისი ცხოვრების ღირსეული აღწერა. ეს განზრახვა ი. მუხნარგიამ, სამწუხაროდ, ვერ განახორციელა. სამაგიეროდ, თავის სამახსოვრო წიგნის მასალების მიხედვით 1903 წელს გამართულ აკაკის დღეებისათვის ერთი პატარა მთლიანი სახის „რეფერატი“ შეუდგენია მოგონებების სტოლზე აკაკის შესახებ და ფოთში (მაშინ ი. მუხნარგია იქ მოღვაწეობდა ქალაქის მოურავად) გამართულ აკაკის საიუბილეო საღამოზე წაუკითხავს, (იხ. გაზ. „ალი“ № 39, 1908 წ. 7/12).

ეს მოგონებანი შემდეგში არ დაბეჭდილა. აქ მოგვყავს აღნიშნული რეფერატის ხელნაწერის გადარჩენილი გვერდები, რომლებიც ი. მუხნარგიას არქივში აღმოჩნდა. ხელნაწერი ჩვენ დავასათურეთ:

სოლ. ცაიხვილი

სამახსოვრო ფურცლები აკაკის შესახებ 1

I

(გვ. 1.) თუ ხელობას არ ვუმტყუნე, მე მხოლოდ აკაკის ცხოვრებაზე შემიძლია აქ ვილაპარაკო, თუმცა არც კი ვიცი მკვდრებზე დაგვიწილმა, ცოცხალზე ან რა უნდა ვთქვა მეტადრე ამ პაპანაქება იუბილეს დროს.

1 ზუგდიდის მუზეუმში დაუღლ ი. მუხნარგიას არქივის ფონდს უკვე გადავეცით ეს ფურცლები. —ს. ც.

აკაკის 50 წლის იუბილემ მისი 25 წლის იუბილეი მომაგონა. თვითონ მისგან განაგონად ჩამიწერია ჩემს წიგნში: „25 წლის სამწერლო მოღვაწეობისთვის საჩხერედან ერთი ქოთანი ლობიო გამომიგზავნეს“. დრონი იცვალნენ. საბერძნეთი უფრო ხელახრები თურმე იყო თავის პოეტებისათვის: სიმონიდის იუბილეზე 56 ხარი მოუხრავს მისმა თანამემამულეებმა.

კახაბერივით, აკაკიც სხვა კაცია. ამ წუთისოფელში ყველას აქვს სახლი, კარი, ოჯახი, აკაკი კი, რაც მასსოვს, სულ მუდამ მარტოხელ კაცად, ობლად გამოწყვედულია სასტუმროს ნომრებში თბილისში და ქუთაისში—და თავის ჩემოდანს დაჰყურებს ზემოდამ, თითქოს საუკუნო სამგზავროდ განმზადებული თვითონ მითხრა ერთხელ: „საკვირველი კაცი ვარ: ცოლი მყავს, არა მყავს,— შვილი მყავს, არა მყავს,— პენსია მაქვს, არა მაქვს“. ავად რომ გახდეს აკაკი, ვერ გამოვიბა, ხინკალი ვინ უნდა მოუხარშოს იმას, ან სკიპიდარი ვინ უნდა წაუსვას გულმკერდზე.

და რას შვრება მერე ეს გამოუღეველი სტუმარი სასტუმროსი?

(გვ. 2) მაშინ, როდესაც ყველა, ჩვენი მწერლები და საზოგადო მოღვაწენი ან იყვნენ მასწავლებლნი, ან მოხელენი, ან სამხედრო მოსამსახურენი და თვისა და თვის თავზე ჯამაგირს იღებდნენ, აკაკი სულ მუდამ თავისუფალი კაცი იყო, იშთა-იშთა მღერალი, მწერალი, მოლაპარაკე, მოსიარულე. ერთად-ერთი თანამდებობა, რომელიც იმას ჰქონია მისს სიკოცხლეში—ქართული ტრუბის რეჟისორობა იყო. ვამბეტას იმდენ ხანს არ შერჩენია მინისტრობა, რამდენსაც იმას ეს რეჟისორობა. ამასთან... „იტყოდეს ენა ჩემი კადნიერად, ანუ მივსცენ მე იმას ქებანი სიკრუსიანი“... აკაკის სულ მუდამ ჩანგი არ უჭირავს ხელში, და სამშობლოსა და ერს არ უმღერის. ხანდახან და ხანდახანზე უფრო ხშირად იმას, როგორც ილიას—რამეთუ კაცნი ვართ—სათამაშო ქაღალდიც უჭირავს ხელში. თამაშის სიყვარული აღრიდგან დაჰყოლია აკაკის და ამ თამაშის შორეული შედეგია ის, რომ დღეს ასე ანახორეტად ცხოვრობს სასტუმროებში და დიდი წერეთლის ოჯახის შვილი ხშირად მგავე კიტრით და ხაშით იკვებება, როგორც ამბობს მისი ცხოვრების მოწმე ზაქარია ჭიჭინაძე.

ამავე ვნების შედეგად უნდა დავსახოთ, რომ მისივე თქმისა არ იყოს, აკაკი არის გესლდანი, მკებნარი, მოუსვენარი და ცოტა არ იყოს ბოროტიც (ეს ჩვენში დარჩეს მკითხველო)...¹

(გვ. 4)

ბეტრე დადიანმა სათვალე შუბლზე რომ დაიღვა, აკაკის ეთქვა: ეს იმიტომ, რომ ის ჭკუითაც არის ბრმა და არა მარტო თვალებითაო.

როცა ერთს ჩვენს მწერალს²—სახელს არ ვიტყვი—ემუქრებოდნენ ჩიკვიდის ამომრჩეველნი, პოლიცემისტერს ზალიყო ჰავკავაძეს ეთქვა აკაკისათვის: ამ კაცს ნუ მოიშორებ თავიდან, თუ შენთან იქნება, კაცი ხელს ვერ ახლებს“.

— ბიჭო, მე თვითონ ორი წელიწადია გასალახავად დავსდევ და ვერ მომიხერხებიაო, უთქვამს პასუხად აკაკის... და სხვადასხვა. არ ვიცი რომელი ერთი ვთქვა³...

¹ მესამე გვერდი აკლია ხელნაწერს—ს. ც.

² ნიკო ნიკოლაძეს—ს. ც.

³ „ამოწერო ჩემი წიგნებიდანო“—წერს და შემდეგ გადაუშლია.—ს. ც.

ჩვენი საზოგადო მოღვაწე და მწერალი იშვიათად თუ გადარჩენია მისს ზასრ კალამს და ენას. იმას რომ არ უტყენია ისეთი, მგონი მარტო ქრისტე-ფორე მამაცაშვილი გადარჩა და ოდნავად დიმიტრი ყიფიანი.

თანამედროვე კაცი ხან სწამს და ხან არა აკაკის. ჩემს ალბომში კითხვე-ბზე: რომელი მწერლის პროზა უფრო მოგწონს, რომლის პოეზია,—პასუხად ჯერ დასწერა: „გოგოლის“ და „შექსპირის“. მაგრამ მერე წაშალა და ზედ და-აწერა: გამოიტანით ვინ! თქვენ გგონიათ: ი. ჭავჭავაძე, ყაზბეგი, გიორგი წე-რეთელი, გოგებაშვილი, ორბელიანი, ბარათაშვილი და სხვა ვინმე ახალთაგანი! არა! პროზა აირჩია არდაზიანისა და პოეზია გურამიშვილისა.

(გვ. 5) აკაკისაგან განვლილი შორი გზა მწერლობისა მოფენილია მისგან დაწერილი ფერადოვანებით შეზავებული ლექსებით, მაგრამ ლექსზე უფრო შე-სანიშნავია და გამწე აკაკის იუმორით მჩქეფარე „ცხელ-ცხელი ამბები“, „ნადუ-ლი“ და სხვა მსგავსი წერილები. ლექსში კიდევ ჰყავს აკაკის ბადალი, მაგრამ მახვილსიტყვაობაში, იუმორში, ან როგორც ის სთარგმნის ამ სიტყვას, ხუმ-რობაში, იმას სწორი არა ჰყოლია და არცა ჰყავს ქართულ მწერლობაში. ჩვენ-ში ყოველი მახვილი სიტყვა და აკაკის სიტყვა ერთი და იგივეა. ყოველი მოს-წრებული სიტყვა ჩვენში აკაკის ნათქვამია, როგორც ყოველი ძველი ციხე-კოშკი თამარის ანაგები.

აკაკის რა არ უწერია ამ ნახევარ საუკუნეში: მოთხრობები, ფელეტონები, დრამატიული და კრიტიკული ეტიუდები, მაგრამ როცა სულ ყველა ესენი ჩი-ძირება დროების მორევში, მისი ლექსები და მოსწრებული სიტყვები ამოტივ-ტივდებიან და იცოცხლებენ. სამუდამო არა არის რა ამ ქვეყანაზე, მაგრამ სა-ნამ ქართული სიტყვა-კაზმული მწერლობა ცოცხალი იქნება, აკაკის მახვილი სი-ტყვე დაღიწყებული არ იქნება. აკაკის ლექსი დარჩება სკოლაში, ქრესტომა-ტიაში.

აკაკის მახვილსიტყვაობას, როგორც ჰეინესსა, ხშირად თავისი მსხვერპლიც თან სდევს.

როგორც ჰენე, აკაკიც მახვილსიტყვაობისათვის ხანდახან ქეშმარიტება-საც ღალატობს¹.

თვითონ ამბობს: „ტყუილასა, ბზუილასა“... ტყუილას ხმა რომ გაუგდეს, აკაკის, იყო დრო მართალსაც არა უჯერებდნენ.

განსვენებულმა თეიმურაზ ლეჟავამ არ დაუჯერა რაღაც იყო აკაკის, და-ნაძღვედნენ, და რომ აკაკი მართალი გამოდგა, ლეჟავა ნახევარი საათით დაა-ჩოქეს ნიკოლაძის სახლში.

(გვ. 6) თვითონ თითქო დასცინისო თავის-თავს.

„თამარ ციხერი“ რომ დაიბეჭდა, აკაკიმ ერთი ცალი მომცა სახსოვრად. რომ დააწერა წიგნზე—„სახსოვრად იონა მეუნარგისას, აკაკისაგან“ მას უნდო-და რიცხვიც მიეწერა, მაგრამ რომ მოაგონდა პირველი ამრილი იყო, კალამი ხელიდან გაავდო,—„არ დამიჯერებენო“.

¹ „როგორც ჰენეს, აკაკისაც აკლია სიბო, სიყვარული, ოღონდ ვისმე ისარი გაუყაროს ჯულ-მერდში“ (ეს სიტყვები შემდეგ წაშლია აეტორს—ს. ც.).

მე აქ არას ვიტყვი აკაკის შემოქმედებით ძალაზე, მის პოეზიაზე. წილ რომ უმაღლესი მწერალი ჩვენი თანამედროვე მწერლობისა, იმას რომ იგივე შარავანდელი ამშვენებს ჩვენს ქვეყანაში, რა შარავანდელიც გარს ეხვია საფრანგეთში მასავით მოხუც ვიქტორ-ჰიუგოს, ამის თქმა ხომ არავისთვის არ შეადგენს ახალ ამბავს.

ვინც არიან ახლა ახალგაზრდა მოღვწეები ესენი ყველა აკაკის შეგირდები არიან. ილია ქავჭავაძის ლექსი ნაქედია, ნაქედია აგრეთვე ლექსები გრიგოლ ორბელიანისა, ვახტანგ ორბელიანისა, ნიკო ბარათაშვილისა, რაფიელ (გვ. 7) ერისთავისა. მსუბუქია, ნარნარია, პეპელაა, ფურჩქენილი ვარდია, ნაზი იაა, ლექსი აკაკისა. ილიას, ორბელიანს, ბარათაშვილს, ერისთავს შეგირდები ცოტა ჰყვანან, აკაკის სკოლა კი მთელი ჩვენი თანამედროვე მწერლობაა. დღეს ვინც აკაკის ენისა და კალმის მიმდევარი არ არის, ხალხური ლექსისქმობაძეა, რა-ზიკაშვილის პოეზიის მიმდევარი. ყველა ჩვენს მწერლებზე უფრო ხალხის სალაპარაკო და სადა სამწერლო ენას დაუახლოვდა აკაკი. კითხულობ მისს— „ცხელ-ცხელ ამბებს“ მისს სხვა ფელეტონებს და გრძნობ შიგ ენის მხრით არაფერი არ არის ნაძალადევი, ნათხზარი; ვის არ უნახავს თავის სოფელში ან ქალაქში უბრალო, უსწავლელი კაცი ღამაზად, ენაწყლიანად მოლაპარაკე. აკაკი იგივე ხალხში ჩამდგარი მწერალია, მხოლოდ იმ განსხვავებით, რომ აკაკის ენას ამშვენებს მისი პოეტური შემოქმედება.

(გვ. 8) გრიგოლ ორბელიანი აკაკის ნაწერს ისე არ წაიკითხავდა, რომ გვერდზე კარანაღით არ მიეწერა: „ბარაქალა აკაკივ“, „ინშალლაჰ, აკაკი“... და მხოლოდ ერთხელ, როცა რაღაც ერთობ პროვინციული სიტყვა ეხმარა ნაწერში აკაკის, გრიგოლ ორბელიანს მიეწერა: „აი, შე ლეტიკელა იმერელი“... თვითონ აკაკი არავის აპატიებდა ქართული ენის დამახინჯებას.

ილია ქავჭავაძეს რომ დაეწერა თავის პოემაში „მწველელი ძროხა“, „მწველელი ძროხა კი არა მეწველი ძროხაო“— გაუსწორებია აკაკის.

ახლა, თუ გინდათ იცოდეთ აკაკის ხასიათის თვისება, მისი აზრი ჩვენს მწერლობაზე, ხელოვნებაზე, მოისმინეთ ეს პასუხები, რომელიც აკაკიმ მოაწერა ჩემგან მისდამი მიმართულ კითხვებზე:

(გვ. 9—10) მე ვკითხვ აკაკის:

რომელი თვისება უფრო მოგწონს კაცისა?
 რომელი თვისება მოგწონს ქალისა?
 რას უფრო გინდა აკეთებდე?

რითი განსხვავდება შენი ხასიათი?

რომელია ყველაზე დიდი ბედნიერება?

რომელია ყველაზე დიდი უბედურება?

რა ფერი უფრო გიყვარს?

რა ყვავილი?

შენ რომ აკაკი არ იყო, ვინ გინდა იყო?

სად უფრო გინდა ცხოვრობდე?

რომელი მწერლის პროზა უფრო მოგ-

იანს მიპასუხა:

მამაკური სულგრძელობა.

გულწრფელი დაუდგრომლობა.

მისთანა საქმეს, რომელიც თავაშვებულს ჭლავმავდეს და გულგატეხილს ამწვევებდეს.

საფუჟლიანში სიმტკიცით და წვრილმანში უხასიათობით.

გარემოების ატანა.

გულუმაძროხა.

დროზე მოხდენილი.

ვარდი.

მანძ აკაკი.

ყველგან და არსად.

ა რ და ხ ი ა ნ ი ს.

რომლის პოეზია?
 ვინ უფრო მოგწონს კაცთაგან ისტორიაში?
 რომანში ვინ გირჩენია კაცთაგან?
 ქალთაგან ვინ მოგწონს რომანში?
 რა სახელები უფრო გიყვარს?
 რა უფრო გძულს ქვეყანაზე?
 რა შეცდომას უფრო ამატიებ კაცს?
 რა სასმელს უფრო ეწეობი?
 ვინ არის ყველაზე ლამაზი ქალი ქუთა-
 ისში?

შენი ცხოვრების დევიზი რა არის?
 რომელი ადგილი უფრო მოგწონს „ვეფხის
 ტყაოსნისა“?

გ უ რ ა მ ი შ ე ი ლ ი ს .
 გიორგი ბრწყინვალე-
 აეთანდილო.
 ნესტანდარჯუჯანი
 ელენე და არჩილი.
 წვერილმანთა.
 ყოველგვარს, თუ კი შეინანიებს.
 წყალს.
 ის, რომელიც მე შემიყვარდება.

შრომა და მოთმინება.
 ჩენი კრიტიკოსებისაგან დაწუნებული.¹

* *

ი. მეუნარგაის ცნობით, კითხვების ეს ცხრილი, რომელსაც სამოცდაათიანი წლების სა-
 ფრანგეთში ყველა კულტურულ ოჯახის ალბომში იზოვიდით,—სტუმრისათვის იყო განკუთვნი-
 ლი. სურდა თუ არა, მანაც უნდა ესაზოვედინა მასპინძლისათვის ჩაწერილ კითხვების გაპასუ-
 ზებით. ეს ერთგვარი თავის შეტყვევაც იყო და ზეაშაისის ზოგიერთი მხარის გამოშვდენებაც.

ქართველ მწერალთ ყოფის მკვლევან² ეს წესი საქართველოშიც გადმოუღია, მაგრამ არა
 მოწვენილობის დროს გასართობად, არამედ თავის მიზნებისათვის—მწერალთა ცხოვრებისა და
 მოღვაწეობის ზოგიერთ „წერილმანთა“ ასაკრფვად.

აღნიშნულ „პასუხებით შეტყვევდან“, რომელსაც ფრანგულად „Jeu des réponses“ ერქვა,
 ამოკრფილია მოკლე კითხვარი. ამ კითხვებისადმი გაპასუხებას ავტორი აღსარების თქმასაც
 კი უწოდებს მამია გურიელის ბიოგრაფიაში (იხ. გვ. 2).

ფთოში გამართულ საღამოზე ი. მეუნარგაის აკაკის შესახებ თავის მოგონებებში ეს, პოე-
 ტისაგან უკვე შეცხებული „ანკეტაც“ ჩაურთავს და ბევრი მოსწრებული სიტყვებიც უამბინა
 მსმენელთათვის, რის შესახებ 1908 წლ. გაზეთ „ალის“ № 39-ში ვითვალთვით: „საღამოს მეო-
 რე განყოფილებაში გამოვიდა ბ. ი. მეუნარგია და წაიკითხა: „აკაკის ცხოვრება მისგანვე ნა-
 ამბობი“, ბ. ი. მეუნარგიამ მკაფიო, გასაგები ვნით გააცნო დამსწრეთ აკაკის ნაამბობი და დაა-
 სრულა აკაკის ნაკვესებით. შინაარსი ი. მეუნარგაის რეფერატისა საესებით გამომხატვდა სათა-
 ურს და ძალიან ბევრი აცინა ზალხი, რომელიც დიდად ემყოფილი დარჩა. სხვათა შორის რე-
 ფერენტმა სიტყვა: „პოეზიაში კი მოინახება აკაკის ბადალი, მაგრამ ნაკვესებში მას ტოლი არა
 ჰყავსო, თუ სადმე ციხეები დარჩენილა საქართველოში, ის თამარ მეფის ნაშენია, ისე, თუ კი რა-
 იმე ნაკვესია ჩვენში, აკაკის შეთხზულია“.

ქვემოთ მოგვყავს ის მასალა, რომელიც სხვადასხვა დროს ი. მეუნარგაის უბის წიგნებში
 ჩაწერილა აკაკისთან შეხვედრების დროს. როგორც თვითონ აღნიშნავს, აკაკისთან შეხვედრა და
 ხანგრძლივი ბაასი მისთვის და უფრო მისს „სამახსოვრო წიგნებისათვის“ ერთი ზეიმ-ხარი და
 დაუვიწყარი სიხარული იყო, წიგნაკის უარიელ კაბადონზე უმაღვე გავერებოდა მხიარული
 სტრაქონები აკაკის შესახებ, ან თვით აკაკის ნათქვამი სიტყვები, რომელიც განსაკუთრებულ მო-
 ვლასა და რუდუნებას განიცდიდა წიგნაკთა მფლობელის ხელში. დრო გავიდა. ამ წიგნაკთა
 უმეტესობა უღმობებამ შემთხვევამ გააქრო. უმნიშვნელო გადარჩენილიდანაც მხოლოდ ის
 ცნობები მოგვყავს აქ, რაც ჯერ არ დაბეჭდილა³.

¹ ასეთივე კითხვები ი. მეუნარგაის აქვს მამია გურიელთანაც. მათ შორის განსხვავება
 შემდეგშია: იქ გამოჩენილია კითხვა „რას უფრო გინდა აკეთებდე“, სამაგეროდ ჩამატებულია
 „ვინ უფრო მოგწონს კაცთაგან ისტორიაში“. რაც ამ შემთხვევაში არა გვაქვს.—ს. ც.

² ასე უწოდებს ნიკო დადიანი (1846—1896) იონა მეუნარგაის თავის „სამადროლო ამოცა-
 ნებში“—ს. ც.

³ ი. მეუნარგიამ („ლელო“) მრავალი ნაკვესი დაბეჭდა „იკერიაში“ აკაკის შესახებ, რო-
 მელთა ავტორთაფები მის უბის წიგნებშია გაბიული. ჩვენ აქედან მხოლოდ გამოუტყვევებლები
 მოგვყავს, როგორც ნაკვესები ისე სხვადასხვა სახის ჩანაწერებიც.

ისარლოვი: (გაჯავრებით) ბიჭო, რუსები რომ არ გიყვარს, მათი ვირის ნალები (მანათიანები) ხომ გიყვარს?

აკაკი: ვირის ნალებით შენსავით ვირებსა სქედავენ და ბედაურებს კი დალავენო¹.

1889 წ. 23/7—ქუთაისი.

წუხელის „კოლნიდაში“, გიორგი ქელიძესთან, აკაკი წერეთელმა წაგვიკითხა მისი ახლადდაწერილი პოემა „თამარ-ცბიერი“. მსმენელთა შორის იყვნენ: კირილე ლორთქიფანიძე, ვას. მაჩაბელი, კოტე მესხი, მამია გურიელი, ივანე ყაუხჩიშვილი, კოლა ბადრიძე და დავ. მახვილაძე. ამ უკანასკნელს სხვათაშორის ბევრი არა გაუგონია რა, დაიწყო თუ არა პოეტმა კითხვა, ის (მახვილაძე) გაწვა ტახტზე და ხვრინვა ამოუშვა. აკაკი ამაზე დიდად გაჯავრდა და გაჭირვეულდა კიდევ. წაკითხვის შემდეგ ვახშამი გვქონდა და ბაასი სხვადასხვა სამწერლო საკითხებზე...

ახეზოლოდ ჩაგოვითი

სამი შეხვედრა პომეტან

ვინ არ იცნობდა თბილისელ მცხოვრებთაგან ამ ქალარა მოხუცს პატრიარქის სახით, ღრმა მოაღერსე თვალებით, რომლებიც ხშირი შავ წარბებქვევიდან გულლია სალამის შუქსა ჰვენდენ ადამიანს. მას უყვარდა გასიერება თავის საშობლო ქალაქის ქუჩებსა და ბულვარებში, უყვარდა უქმ-დღეს თვალის გადავლება ბაზრისა ან მეიდნისათვის, რათა დამტკბარიყო ჭრელი, კოლორიტული ხალხის ხილვით, რომლის მსგავსაც, ალბათ, ვერსად ვერ ნახავთ მთელ დედამიწის ზურგზე. აქ აზია ხედებოდა ევროპას არა მარტო სხვადასხვა ტომისა და ერის თვალწარმტაცი სიჭრელით და ფერადოვანი მრავალსახიერობით, არამედ აგრეთვე სავაქრო საგანთა მრავალფეროვანებითაც, როდესაც მთელი ბაზარი თითქო ყოველგვარი სიძველეთა უჭირფასეს მუზეუმს წარმოადგენდა.

ამ ბრბოს შორის მას უყვარდა გავლა-გამოვლა, ადამიანთა და საგანთა თვალიერება. ზოგჯერ კი კარვა ხნობით იდგა და აკვირდებოდა რომელსამე მხატვრული სანახაობის განმასახიერებელ ჯგუფს, ან სინჯავდა რაიმე საგანსა თუ ნივთს, ასწლოვანსა და შეიძლება ათასწლოვანსაც.

სწორედ აქ მოხდა ჩვენი პირველი შეხვედრა, აქვე გადაინასკვა ჩვენი ნაცნობობა. იგი იდგა მთელი გროვა ძველის-ძველი იარაღის წინ, რომელიც, ვინ იცის, რა გზით გაჩენილყო აქ, ბაზარში. მუზარადები და ოქროთი მოზარნი-შებული ზუჩები, დამასკური ხმლის პირები თილისმური შელოცვებისა და გამოთქმების ხეული წარწერებით, მოღუნული ხანჯლები ჩაშავებული სისხლის წინწყლებით... ვერცხლის აღვირის ნაწყვეტი ან მოოქროვილი უზანგი უმიორე-

¹ ალბათ, ნაწერისადმი ცენზურის დამოკიდებულებასა ეს სიტყვა ნათქვამი.—ს. ც.

ცალოდ... საუკუნეები და ადამიანები... ომები, ბრძოლები და თავდასხმები... აღტყინება გამარჯვებისა და სისხლი დამარცხებისა—ყოველივე ეს მეტყველებდა ამ უტყვე გროვაში, რომელიც გაშლილი იყო ასეთსავე სამუხუნუმო ხალიჩის ნაგლეჯზე.

თეთრწვერა მოხუცს ხელში ეჭირა ვერცხლით ნაქედი პატარა აზარფემა. ვერცხლისავე რგვალ ქვეშადადგმელზე. მოქედილობა ვერცხლისა ჰქონდა, მაგრამ თითონ აზარფემა—ადამიანის თავის ქალისაგან იყო გაკეთებული... აზარფემა ჩაშავებულიყო, უფრო სწორედ რომ ვთქვათ, ჩაყვითლებულიყო, თითქმის მუქ-მიხაკისფერი გამხდარიყო, მაგრამ მას დამახასიათებელი ხაზები, თავის-ქალის შესაფერი ამოხეჩილ-ჩაზნეჩილი ადგილები ნათლად შერჩენოდა.

მსოფიანი პოეტი გულხმირებით ათვლიერებდა ამ „გამარჯვების ნადავლს“, რომელიც იტაცებდა ოცნებას თემურლენგის დროისაკენ, შეიძლება უფრო შორსაც, საუკუნეთა მიღმეულში. მეც დამაინტერესა ამ აზარფემა და სათანადო თავაზიანობით ვთხოვე მოხუცს ნება მოეცა—უფრო ახლოს გამესინჯა ეს იშვიათი უძველესი ნაშთი.

და აშინარად ჩვენ გამოველაპარაკენით ერთმანეთს. მე ჩემი ვინაობა ვუთხარი, ხოლო მოსაუბრის სახელი მე უკვე ვიცოდი. პოეტი განაგრძობდა შეფრთხივით აზარფემის თვალერებას და თანაც ამბობდა:

— ყველაზე საინტერესო ის არის, რომ ეს აზარფემა ხმარებაში იყო და მემკვიდრეობით გვარიდან გვარში გადადიოდა, ან მაშიდან შეილზე, ან და ბელადიდან ბელადზე. ამ აზარფეშით სემადნენ ნადიმზე, ლაშქრობის წინ „საბედნიეროდ“ და ლაშქრობის შემდეგაც, გამარჯვებით დაბრუნებისას.

და მან მიჩვენა ის ადგილი, სადაც ვერცხლის მოქედილობა, ასე ვთქვათ, დაძძკილი არ იყო, მაგრამ იმდენად შეთხლებული იყო, რომ პაპიროსის ქალღლის სისქეს უდრიდა და თითქო ზედ შერჩენოდა კბილების ნაკვალევი როგორც ძველ ჩიბუხზეა ხოლმე ან ძველ თიხის-ჯამზე, რომელიც დიდხანს ყოფილა ხმარებაში.

— რამდენჯერ და რამდენი საუკუნის განმავლობაში უნდა დაეცალათ ადამიანებს ეს საყოველთაოდ ჩამოსატარებელი თასი, რათა მასზე ასეთი კვალი დაეტოვებინათ.

ამ ფერად-ფერადად აქრელებული ბაზრის ფონზე ძველი დროის ნამსხვრევი ნაშთის შესწავლაში ჩალრმაგებული, თეთრ-თმა-წვერ ულვაშით მოსილი პოეტი—ყოველივე ეს პირდაპირ სურათზე გადასატანი სანახაობა იყო.

— დღეს ჩემთვის ბედნიერი დღეა—სთქვა მოხუცმა პოეტმა, შეახვიდა-რა გაზეთის ნახევში იშვიათი ნაეაქრი.

— დღეს ჩემთვის ბედნიერი დღეა—გავიფიქრე მე—გავიცანი მსოფიანი პოეტი ქართული ხალხისა. — ეს მოხდა დაახლოვებით 1912 წელს.

ამ დღიდან არაერთხელ შევხვედრივართ ერთმანეთს.



ერთხელ მე შევიძინე წიგნაკი გამალიზიანებული სათაურით: „Пушкин в Тифлисе“. — Издательство „Луг“, Тифлис“.

გადავშალე წიგნაკი და შეეძრწუნდი. ეს იყო კრებული ყოველგვარი „მოხეტიალე“ ანგდოტებისა, რომელთაც თბილისში პუშკინის ცხოვრების ფაქტებად ასაღებდნენ. ისე გამოდიოდა, ვითომც პუშკინი სკანდალისტი იყო და უზრდელი. ავტორს რომ დაუჯეროთ პუშკინი თავაშვებულ მოსწავლესავით ჯიბეში ცარცს ატარებდა და თითქო ყოველ ღობესა და თითქმის ტროტუარზედაც კი „ლექსებს“ ჯღაბნიდა... და ისიც „პუშკინური რითიმით“

„Кто писал—везнаю.

А я, дурак, читаю“.

ეს სულ მორიდებული გამოთქმა შევარჩიე თბილისელი პუშკინისა. იქ იყო უფრო „ძვირფასი“ მარგალიტები ბაზრული ლიტერატურისა.

ძალიან მეწყინა, და გავგზავნე გაზეთში შენიშვნა „თბილისელ პუშკინიანელებზე“. შენიშვნა დაიბეჭდა. აღმოჩნდა, რომ, ცოცა არ იყოს, ზედმეტად გავფიცხდი. რა შუაში იყო თბილისი, რომ ვიღაც არააზნადებს, უხეირო, ბაზრულ გამომცემლობასთან მიტმანნილებს, შეეთითხნათ უხეირო წიგნაკი?!

აკაკი წერეთელმა, რომელსაც წაეკითხნა ჩემი შენიშვნა, დამტუქსა... და იმან შემაძღებინა, დავრწმუნებულყავ, თუ როგორ უყვარდა მას ჩვენი ლიტერატურა და რა პატივისცემა ჰქონდა ჩვენი პოეტებისა, მწერლობისა და მათი ნაწარმოებებისადმი.

ჩვენი საუბარი ლიტერატურულ თემებზე მოხდა მთაწმინდაზე, გრიბოედოვის საფლავის გვერდით მერხზე რომ ვისხედით.

აკაკი წერეთელმა მიიმბო თავისი შეხედრა ნეკრასოვთან, კუროჩკინთან, ტურგენევთან, ტოლსტოისთან... ქაბუკობისას იგი ხვდებოდა შეგჩენკოსაც... ჩვენს დიდებულ უკრაინელ პოეტს, რომელსაც იმოდენა ტანჯვა გამოეწვო, მაგრამ არ დაეკარგა რწმენა უკეთესი მომავლისადმი, უდიდესი შთაბეჭდილება მოეხდინა ახალგაზრდა, ცხოვრებაში ის იყო ფეხშედგმულ აკაკი წერეთელზე. შეგჩენკოში აკაკიმ ჰპოვა თურმე მისაბაძი მაგალითი. მან მნიშვნელოვნად და დარწმუნებით აღნიშნა:

— მეფეებისა და პოლიციის მოხელეებისადმი მძულვარებამ არ უნდა დაჩრდილიყო ხალხთა ურთიერთისადმი სიყვარულისა და მეგობრობის მისწრაფება. აი, ჩვენს წინაშეა სიმბოლო ასეთი კავშირისა!—და მან გაიწვდინა თეთრი, ნაზი ხელი გრიბოედოვის საფლავისაკენ, რომელზედაც მის ახალგაზრდა ქვრივს, ქვეჭავჭავის ასულს, აღებეჭდა რამდენიმე ღრმად საგრძნობი და დასახსომი სიტყვები.

— ესენი შეაერთა სიყვარულმა... სიყვარული უდიდესი ძალაა, ადამიანთა გამაერთიანებელი. მათი ბედნიერება დღემოკლე იყო. გრიბოედოვი მოჰკლეს და მისი მეუღლე დარჩა ახალგაზრდა ქვრივი... მგონია, ჩეიდმეტ წლისაზე მეტი არ იქნებოდა. მაგრამ მისი გული უცვლელი გამოდგა პირველი სიყვარულისადმი. დიალ... ეს არის სიამაყე და პატივი ჩვენი ქართველი ქალისა!.. იგი სწრაფად აღიგზნება, მაგრამ მთელ თავის სიცოცხლეში მხოლოდ ერთხელ შეიყვარებს ხოლმე. ეს თვისება მე შემინიშნავს განსაკუთრებით უბრალო ხალხში და თაყვანსა ვცემდი მას. ვერც სიღარიბე, ვერც დაშინება, ვერც ძალადობა,

ვერც სიმდიდრის აღთქმა ვერ ამოგვლეჯს ქართველ ქალს გულიდან პირველ სიყვარულს.

მოხუც პოეტს თვალები მოენამა... იგი დაჯერებით ლაპარაკობდა სიყვარულის შეუვალ ძლიერებაზე.

— და რა ბედნიერება იქნება, როდესაც სწორედ ეს უდრეკი ძალა და არა სხვა რამ ძალა, ეტყვის ხალხს: მოდით ხელი გაუწოდოთ ერთმანეთს და დავდეთ კავშირი ჩვენი სიყვარულისა. ეს კავშირი იქნება დღეგრძელი.

გაიხსენა რა კვლავ პუშკინი, მან სთქვა თითქმის ალტყინებით:

— იგი ცხოვრობდა ჩვენს შორის. მას ჩვენ ვუყვარდით და იგი ჩვენ გვიყვარდა. მაშასადამე, როგორ შეგვიძლიან მისი ხსოვნის შეურაცხყოფა? იგი ხომ ჩვენი „მეგობარი“ იყო... ხოლო მეგობრისათვის ჩვენ თავს დავდებთ. ასეთია ჩვენი მამაპაპური ჩვეულება და კანონი!

შემდგომ შენიშვნაში ნე გამოვასწორე ჩემი შეცდომა.

* * *

ომიანობისას მე ხშირად ვიყავი ხოლმე თბილისში. კორესპონდენციებს ვგზავნიდი ფრონტიდან, — სარაყამიზიდან და ტრაპიზონიდან. თბილისში ვათვალიერებდი ლაზარეთებსა და ჰოსპიტლებს და ვესაუბრებოდი ტყვეებს და დაჭრილებს.

მე და აკაკი წერეთელი შევეთანხმდით ერთად დაგვეთვალიერებინა ის ჰოსპიტალი, რომლის მზრუნველიც იგი იყო. ჰოსპიტალის შესასვლელთან აკაკი გამოელაპარაკა ვიღაც ღარიბ მოხუცს. მე მათი ლაპარაკისა არა გამეგებოდა-რა, მაგრამ მივხვდი, რომ მოხუცი-მთიელი ჰოსპიტალში მოსულიყო ომში მძიმედ დაჭრილი შეილის სანახავად. იქვე პაწია სახეღარი, ნახშირის ტომრებით დატვირთული, უზრუნველად სთვლემდა და ყურებს აბარტყუნებდა. მოხუცი მთლად ამოგანგლულიყო. ჭკარტლისაგან გაშავებულ სახეზე ცრემლის ნაკადულები სველ-სველ ზოლებს სტოვებდნენ. იგი ლაპარაკობდა წიწინა ჩახლჩილი ხმით. თვალბში ღრმა მწუხარება ეგზნებოდა. პოეტი უსმენდა საცოდვს და რაღაცას იწერდა. იგი დახმარებას, დაჰპირდა მოხუცს და ბოლოს ფულიც აჩუქა. შემდეგ ორივენი ერთმანეთს გადაეხევივნენ და გადაჰკოცნეს ერთი-მეორე... როგორღაც უბრალოდ, მაგრამ კარგად, ძმურად მოხდა ყოველივე ეს.

ლაზარეთში ბევრი საინტერესო აღამიანი იყო, რომელთაზეც შეიძლება და საუბრის გამართვა. ამ მხრივ აკაკი წერეთელი დაუფასებელ დახმარებას უწევდა მათ. იგი ერთი საწოლიდან მეორე საწოლთან მიდიოდა, ერთი პალატადან მეორე პალატაში გადადიოდა, ასკერებს—თურქულად ელაპარაკებოდა, თავისიანებს—სამშობლო ენაზე, რუსებს—რუსულად. საუბარი სადად, გულხმიერად მიმდინარეობდა, თანასწორობისა და საყოველთაო თანაგრძნობის ფარგლებში.

ერთ პალატაში ტყვედ წამოყვანილი ბედუნიები იწვნენ და აქ, ტყვეობაში, ხორკვებით გამხდარიყვნენ ავად; მგონია, რომ ეს უფრო პარტახტიანი სახადი იყო.

— საბრალო შვილნი უდაბნოსია!... ერთი შეხედეთ, რა მშვენიერი ეგზემპლარებია ადამიანისა! მოხდენილნი, ჭაბუკნი, სხარტნი, მშვენიერნი... რა აქვთ მათ სა-

მამა-პაპათა გუფში¹

საჩხერის მახლობლად, სადაც მე სტუმრად ვიყავი თავად წერეთლებთან მრავალი სავაჭარო მამული მდებარეობს სახელგანთქმულ ქართველ თავად-აზნაურებისა. იქვე არის მშენიერი ძველი მამული ცნობილი ქართველი პოეტის თავად აკაკი წერეთლისა, რომლის ნაწარმოებთა თარგმანები იბეჭდებოდა 60-იანი და 70-იანი წლ. ჩვენს ყოველ თვიურ ჟურნალებში. ქართველები დიდად აფასებენ თავიანთ მწერლებსა და პოეტებს. სამშობლოს მომღერალი პოეტი არსად, მგონი, მთელს მსოფლიოში, ისეთის ღირსების შარავანდელით არ არის შემოსილი, როგორც საქართველოში. სამშობლოს გაღმერთება მის მომღერალზეც გადადის. უნდა ითქვას, რომ ეს მშენიერი სამშობლო შთაგონებდა თავის რჩეულებს, მართლაც რომ მაღალ და ჩაკვირებულ შემოქმედებისაკენ. ქართულ ლიტერატურას ჰყავს ფრიად დიდი წარმომადგენლები. ყოველმა ჩამოსულმა, რომელსაც სურს გამოიჩინოს თავაზიანობა, პირველ მოხერხებულ შემთხვევისთანავე უნდა ინახულოს მათი საყვარელი პოეტი.

თავად წერეთლებმა ერთხელ მოაწყვეს გასეირნება თავიანთ მოგვარე პოეტთან თავად აკაკი წერეთელთან. ეს იყო მეტისმეტად სასიამოვნო გასეირნება. ჩვენ მივდიოდით ბილიკებით—ხან მთებზე, ხან მთის ძირას. აღარ ილეოდა დაბალი, მოუხეშავად მოწეული ღობეებით შემოვლებული ვენახები, ხილის ბაღები და წისქვილები.

ჩვენს წინ იზღებოდა ლამაზი, მყუდრო საქართველო თავის კულისებს იქითა სამეურნეო ცხოვრებით. ჩვენ გადავედით რომელიღაც სწრაფად მიმქეფარე მდინარეზე, მუხლებამდე წყალში იდგნენ მეთევზეები და გაშლულ ბადეს იკრეფდნენ. გიკვირს ნოემბერში ასეთი სურათი! სასიამოვნებოდა, ყველაფერს წყნარი იდილიის ელფერი ეღო. მზე ჩადიოდა, გრძელი ჩრდილები გაწვნიან გზაზე. როცა იმ სოფელს მიუახლოვდით, სადაც პოეტი ცხოვრობდა, სულ დაბინდდა. მომღიმარე 60 წლის კაცი, მაღალი, წარმოსადეგი, ახოვანი ტანის, ხანშიშესული პოეტი, თავის მამულის კიშკართან შემოგვეგება. მას რამდენადმე მკაცრი შესახედაობა ჰქონდა, მაგრამ მეტისმეტად სიმპატიურად ილიმებოდა. ქართველები ყველანი გულდია და სტუმართმოყვარენი არიან, განსაკუთრებით ქართველი არისტოკრატია. ბატივეცემულმა პოეტმა შეგვიწვია ეზოში. ჩვენ შევედით მშენიერ ხილის ბაღში, რომელმაც ჩრდილოეთის თოვლის შემ-

¹ Путник (Н. Лендер)—იყო ვაზ. „Новое время“-ს თანამშრომელი. სწერდა ზემოსწვნიულ ფსევდონიმით Путник. გასული საუკუნის ბოლო წლებში მოგზაურობდა ამიერკავკასიაში. 1895 წელს ყოფილა დასავლეთ საქართველოში. სტუმრად სწვევია აკაკი წერეთელს და სწორედ ამ შეხვედრის შთაბეჭდილებანი აქვს აღწერილი აქ გამოქვეყნებულ მოგონებაში, რომელიც დაიბეჭდა 1900 წ. ს.—პეტერბურგში ა. ს. სუვორინის მიერ გამოცემულ წიგნში: „Черное море и Кавказ. Очерк южного моря и юга России. Волжские картинки“...

1939 წლის ზაფხულს საქ. სახ. ლიტერატურული მუზეუმის მიერ გაგზავნილი იყო ექსპედიცია ს. სხვიტორში. აკაკიწველი ბიბლიოთეკის დალაგების დროს სხვა წიგნთა შორის შეგვებდა ზემოსწვნიული ავტორის წიგნი: „Боефор“ и Константинополь“. С. Петербург, 1892 г.

შეპველია აკაკი წერეთელი ადრევე იცნობდა ამ ავტორს.

დღე განცვიფრებაში მომიყვანა. აქ იყო კომშისა და წაბლის უზარმაზარი ხეები, რომელთა მწვანე ტოტები ფართო ქოლგასავით იყო გადმოფენილი. ადგილ-ადგილ თითქმის გაუვლელი ტყეები იყო. მსხალი, ვაშლი, ნუში არეულიყო ერთმანეთში. ხეები ჯერ კიდევ მწვანედ გამოიყურებოდნენ, თუმცა ყვითელ ფოთლებს თხლად დაეფარა მიწა.

— თქვენ მუდამ აქ ცხოვრობთ, ამქვეყნიურ სამოთხეში?— შევეკითხე მე პოეტს.

— სამწუხაროდ არა, — მიბასუხა მან — ზამთარს ხშირად პეტერბურგში ვატარებ. აქ დროგამოშვებით ჩამოვდივარ, მომეტებულად შემოდგომაზე. მე ვტკბებოდი პოეტის მამა-პაპათა ძველი ბუდის ხილვით. წინაპართა ხელით სათუთად მოვლილი მამულით. პოეტის ბატონური სახლი იდგა წარმტაც სილამაზის ციკაბო ბორცვზე, საიდანაც მთვარის შუქზე იშლებოდა მეზობლად მდგომ წვეტიანი მთების მომაჯადოვებელი ხედი. პოეტის სახლი შესანიშნავი იყო შიგნით თავისი მორთულობით — ძველებური ძვირფასი დეკორაციებით, უზარმაზარი მაგიდებით, რბილი კავკასური ტახტებითა და კედლის კარადებით, ძველებური ჩუქურთმიანი ბუხრებით. დარბაისლურია, კარგია, მყუდრო! თითქოს მთელი ეს მორთულობა არ შერხეულა, არ გადადგმულა მამა-პაპათა დროიდან. სახლის შინაგანობა მაგონებს ჩვენი დიდი რუსეთის ძველ მემამულურ კუთხეებს.

ოთახიდან გამოვედით დიდ სვეტებიან აივანზე. საუბარი სოფლის საქმეებს შეეხებოდა. კავკასიისათვის მძიმე წელიწად სოფლის მეურნეობას ლახვარი ჩასცა.

— სკირს ეხლა, — დაახლოებით ასე ლაპარაკობდა ჩვენი თავაზიანი მასპინძელი — ყველა ჩივის... ხალხი ძველი ჩვეულებისამებრ მოდის ჩემთან თავის საქმეებზე, მეკითხებიან რჩევას, როგორ მოიქნენ. აქ ყველაფერი ძველებურადაა... პატრიარქალური მხარეა. წაიხუტებიან რამეზე, — მაშინვე მიბრბიან მემამულესთან: უნდა დააკმაყოფილო და შეარჩო. რამდენადაც შესაძლებელია ყველას ეხმარები სიტყვითა და რჩევით.

ბრწყინავდა კავკასიის ნაზი, მღუმარე, თბილი და ბნელი ღამე. მსუბუქი, რბილი ჰაერი რალაც სიამოვნებით გვივლიდა ფილტვებში. მაგრამ მძიმე აზრები ტრიალებდნენ გონებაში. ძნელი დასაჯერებელი იყო, რომ ამ მყუდრო პატრიარქალურ ამქვეყნიურ სამოთხესაც იგივე სენი ღრღნიდა, რაც ჩვენს შორეულს თოვლში ჩაფლულ ჩრდილოეთის სოფელს... ძნელი დასაჯერებელი იყო, რომ ამქვეყნიურ სამოთხესაც დასასრული აქვს. ღამაში ტყეები გაიხიჩქნება, მშვენიერი წყაროები ამოშრება. გაშიშვლდება გორაკები და ჯერ კიდევ გარდასულ წლების სიწყნარითა და კეთილშობილებით სავსე მამა-პაპულ მყუდრო კუთხეებში გამეფდება ჩარჩი-მევახზე სრულყოფილებიანი ბატონი ეხლანდელი სოფლისა, ერთნაირად ცნობილი ჩრდილოეთშიაც და სამხრეთშიც.

ნოემბერი, 1895 წ.

დღიურები და მოგონებანი

სემინარიელის ღლიურები

ქვემოთაყვანილი ღლიურები გუთუნის ძველს სემინარიელს, მე-19 საუკუნის მეორე ნახევრის მოღვაწეს იონა მიხეილის-ძე მეფუნარგიას.

ი. მ. დაიბადა 1852 წლის დეკემბრის 18 (30)-ს სოფელ ცაიშში (სამეგრელო), პირველ-დაწყებითი სწავლა მიიღო ჯერ მარტვილის სკოლაში, რომელიც ერთადერთი იყო მაშინდელს სამეგრელოში,—და შემდეგ ქუთაისის სასულიერო სასწავლებელში, რომლის კურსის დამთავრების შემდეგ შევიდა თბილისის სასულიერო სემინარიაში; 1874 წელს გარიცხულ იქნა სემინარიის უკანასკნელი კურსიდან, როგორც აქტიური მონაწილე სემინარიელთა იმ ჯგუფისა, რომელმაც შეურაცხყო კავკასიის მთავარმართებელი დიდი მთავარი მიხეილ ნიკოლოზის-ძე.

იმეფ წელს ი. მეუნარგია სწავლის გასაგრძელებლად შეეცარიაში გაემგზავრა, სადაც იმ დროს ზოგი ქართველი ახალგაზრდა (ნ. ნიკოლაძე, ალ. სარაჯიშვილი, ალ. ჭყონია და სხვ.) ეწეულნენ. ორი წლის განმავლობაში სწავლებდა ქენჭევის აკადემიაში, ხოლო 1876 წ. გადავიდა პარიზში, სადაც 1878 წლამდე დაჰყო. იქ მეუნარგია გაეცნო ზოგ ფრანგ მწერალს და მათ შორის ვიქტორ ჰიუგოს.

ბიუჯოსთან შეხვედრამ ახალგაზრდა ქართველ ლიტერატორზე წარუშლელი შთაბეჭდილება დასტოვა, როგორც ავტობიოგრაფიაში აღნიშნავს,—იგი პარიზის ბიბლიოთეკებში საქართველოს შესახებ თავმოყრილ ფრანგულ ლიტერატურასა და ქართულ ხელნაწერებს გაეცნო. პარიზის ნაციონალურ ბიბლიოთეკაში მან გადმოსწერა ნანუხა ციციშვილისეული „ვეფხისტყაოსნის“ დამატებანი (396 სტროფი) და 1878 წ. მიწურულში დაბრუნდა საქართველოში.

ეს ის დრო იყო, როცა სერგეი მესხის გახეთ „დროებასა“ და ილია ჭავჭავაძის ქურნ. „ივერია“ ქართული მწერლობის მაჯისცემა საქმოდ მოვლონიერებანი;

მეუნარგია ამ გახეთების მუდმივი თანამშრომელი გახდა და თანარედაქტორიც („დროებისა“). იმ ხანებშივე იგი არჩეულ იქნა ახალდაარსებულ „ქართველთა შორის წერა-კითხვის გამავრცელებელი საზოგადოების“ გამგეობის მდიანად. ამ დღიდან ი. მეუნარგია ენერგიულად მოღვაწეობს საზოგადო და სამწერლო ასპარეზზე. მისი ინიციატივით დაიწყო ძველი ქართული ხელნაწერი წიგნების შეგროვება (ამ საქმეში პრაქტიკულ დახმარებას უწევდნენ ზაქარია კიკიძე და გრ. ჩარკვიანი), მაგრამ განსაკუთრებით აღსანიშნავია ამ პერიოდიდან ი. მეუნარგიას მოღვაწეობა „ვეფხისტყაოსნის“ საკითხებზე (1880—1888).

1880 წ. „დროების“ № 241-ში რაფ. ერისთავის, ი. გოგებაშვილისა და იონა მეუნარგიას ხელმოწერით გამოქვეყნდა მოწოდება „ვეფხისტყაოსნის“ ტექსტის გადასინჯვისა და დადგენის შესახებ. მეუნარგიას ინიციატივით ამავე წელს შესდგა პოემის ტექსტის დამდგენი რედაქცია გრ. ორბელიანის თავმჯდომარეობით, რომლის ავტორიტეტისა და წ. კ. სახ-ბის მდივნის თანამდებობის გამოყენებით მეუნარგიამ შესძლო ოჯახებიდან შეეკრიბა 22 ხელნაწერი „ვეფხისტყაოსანი“ ამ რედაქციაში წარსადგენად. იმ ხანებშივე (1884) ი. მეუნარგიამ თარგმნა ვ. ტყ. ფრანგულ ენაზე უცხოელი მწერლების ე. მურეისა და ბარონესა ბერტა ფონ-სტენერის შემწობით, რომელთაც თავისი დადებითი შთაბეჭდილებაც აღნიშნულ თარგმანზე პრესის საშუალებითაც გაუზიარეს ქართველ საზოგადოებას („Кавказ“, „დროება“, „ივერია“), ხოლო ილია ჭავჭავაძემ „ვეფხისტყაოსნის“ გარშემო მეუნარგიას ღვაწლს მეტად ორიგინალური შეფასება მისცა.

1884 წელს საქართველოში ახლადამოსულ საფრანგეთის ელჩსა და საქველმოქმედო კომიტეტის წევრებს „დროების“ რედაქციამ ივ. მაჩაბლის ინიციატივით შეხვედრა მოუწყო („დროება“ № 260). ამ შეხვედრაზე რუსთაველის შესახებ წარმოთქმული სიტყვა ილიამ ამგვარად დაამთხვრა: „დღეს როგორაც წილად მხედა, საცა დიდს იხსენიებენ, იქ პატარაც მოიხსენიო. როცა პირველყოფილი კაცობრიობა, მზის ბრწყინვალეობით განცხრებურებულ, თავყანს სცემდა მას ვითარცა ღმერთს, იმავე დროს პატივსაც სცემდა მთვარესაც, რომელსაც მხოლოდ მზის შუქი ანათებს. რაკი სამართლიანია თავყანისცემით მოვიხსენიოთ რუსთაველი, მაშინ უსამართლობა და უმადურობა იქნება დავივიწყეთ მისი მთარგმნელი. რუსთაველი მზეა და მთვარე მუნწარგია იქნება; რადგანაც ვითა მზის შუქით ჰნათობს მთოვარე, ისე რუსთაველის შუქით იმნათობებს მუნწარგიაც დღღის იქით ჩვენს მოღვაწეთა შორის. ღმერთმა ადღერძელოს მუნწარგია“.

დიდი აფროთვანებით დაწყებული საქმე ბრწყინვალედ წარინართა. უნგრელმა მხატვარმა ზიშიმ მუნწარგის თარგმანის მიხედვით შექმნა „ეფესოსტყაოსნის“ ცნობილი ილუსტრაციები— აღნიშნული რედაქციის მეშვეობით ბრწყინვალედ დასრულდა 1888 წ. მისი შედგენილი რუსთაველის უკუდავი ქმნილების ქართველიშვილისეული მდიდარი გამოცემა.

ი. მუნწარგის მოღვაწეობა ამით არ ამოიწურება. იგი როგორც პუბლიცისტი და კრიტიკოსი, მკვლევარი და ხალხური შემოქმედების შემკრები, 1879 წლიდან დაწყებული მონაწილეობს თითქმის ყველა ქართულ-რუსულ ჟურნალ-გაზეთში (სტიფლისკი ვესტნიკი, „დროება“, „იფერიას“, „კავკაზი“, „ნოვოე ობოზრენიე“, „კვალი“, „მომამე“ და სხ.), ხოლო სერგეი მესხისა და შემდეგ ივ. მაჩაბლის დროს ზშირად ასრულებდა „დროების“ რედაქტორის მოვალეობასაც. მისი ცნობილი ფსევდონიმებია: „ი. მ. შ.“ „ცაიშვილი“, „ი. მ-ია“, „ლულო“, რომლითაც ის დიდხანს ბეჭდვდა „იფერიასში“ საქართველოს ისტორიულ პირთა მოსწრებულ სიტყვებს („ნაკვესი“), გარდა კრიტიკულ პუბლიცისტური ნარკვევებისა და საგაზეთო წერილებისა, მუნწარგისა კალამს ეკუთვნის მალაიური გემოვნებისა და იშვიათი დაკვირვებით შედგენილი „ცხოვრების აღწერები“: ალ ჰაუკუაჰისა, ვ. ორბელიანისა, ნ. ბართაშვილისა, გიორგი და დავით ერისთავებისა, მამია გურიელისა, გ. ჰალაიდიდელისა, დავით დადიანისა, ნიკო დადიანისა, კოლხიდელისა (ჯერ დაუბეჭდავია) და მოგონებანი ილიასა და აკაკიზე; აგრეთვე ორი არქეოლოგიური მოგზაურობის—სვანეთსა და აპარა ქობულეთში—აღწერა (1887) და „ეფესოსტყაოსნის“ მოკლე შინაარსის შედგენა.

ხალხსწორი იდეების გავლენაში მყოფმა ი. მუნწარგამ საცხებით დააღწია თავი მეფის მოხელეობას და მუდამ არჩევითს თანამედრობაზე მუშაობდა, როგორც ხალხის მოსამსახურე რევოლუციით აღფროთვანებული მსოფიანი მოღვაწე არჩეულ იქნა სხვადასხვა სახოგადობებრივ ორგანიზაციებში საპატიო წევრად და ხელმძღვანელად, ხოლო უკანასკნელად სახალხო მოსამართლთა ყროლობის საპატიო თავმჯდომარედ. ამ მოვალეობის ასრულებისას ი. მუნწარგია გულის დამბლით უფროვე გარდაიცვალა 1919 წ. 15 მაისს ქ. ახალსენაკში. დაკრძალულ იქნა სამშობლო სოფელ ცაიშში.

ასეთია მოკლედი ი. მუნწარგის ცხოვრებისა და მოღვაწეობის მთავარი მომენტები. რომელიდანაც ამ შემთხვევაში მხოლოდ სემინარიის პერიოდი გვანტერესებს. ამ პერიოდს კი თვით ეს დღიურები* ასახვენ, საცა ავტორი სისტემატურად სწერდა ნაფიქრ-ნაგრძნობს, გადახდილ ჭირ-ვარამსა და ავღიწერს „ბურსაკულ“ ყოფას. მან უკვე იცოდა დღიურების მნიშვნელობა მემორიულ ლიტერატურაში და თავის რვეულში, რომელსაც „ფსიხატორიუმს“ ეძახდა, შექმნდა ყოველი განსაკუთრებული შემთხვევა და მისგან მიღებული შთაბეჭდილება.

აღსანიშნავი გარემოებაა ისიც, რომ ეს დღიურები განსაკუთრებულ და საინტერესო პირობებში იწერებოდა. 70-იანი წლების თბილისის სას. სემინარიის მწვევე რეაქციულ პერიოდ-

* დღიურები ქვეყნდება რედაქციის მიერ მნიშვნელოვანი შემცირებით, მაგრამ ავტორის სტილისა და მართლწერის დაცვით. აღსანიშნავია ის გარემოებაც, რომ მუნწარგის დღიურების რამდენიმე რვეული დაკარგულად უნდა ჩათვალოს, ჩვენ თვითონ გვინახავს, მის წიგნთსაცავში რამდენიმე ასეთი რვეული წარწერით „პატიოსანი კაცი სხვის დღიურებში არ ჩაინდვას“. ამაჟამად კი მხოლოდ ერთი (1873—74 წლებისა) მოგვეპოვება, საიდანაც ქვეყნდება ქვემოთოყვანილი დღიურები—ს. ც.

ში, როცა ე. წ. კერსკის რევიზიის შედეგად, სემინარიიდან განდევნილი იყო მშობლიური ენა, საუკეთესო მასწავლებლები და მოსწავლეები; მოსწავლეს არ ჰქონდა უფლება წაეკითხა არამც თუ რაიმე სკოლისგარეშე საკითხავი წიგნი, არამედ გაზეთებიც კი; „ბერძნული ენის გაკვეთილის დროს მასწავლებელმა შეამჩნია, რომ ერთი შაგირდი ახლად გამოსულ „დროების“ ნომერს ჰკითხულობდა. მასწავლებელმა, რასაცვირველია, იმწამსვე გაზეთი გამოთხოვია შაგირდს ზელიდამ და კემინარიის გამგებობას წარუდგინა.

„შეიქმნა „ფილოსოფოსთა“ თათბირი... გაცნარებული ბაასისა და განკითხვის შემდეგ, გადაწყვიტეს: თუმცა ღირსი არ არის შებრალებისა, მაგრამ რა გაეწყობა, მოწყალეობა ეწყობოთ და ვეროძანოთ, თვითონვე შემოიტანოს თხოვნა, გამოაცხადოს, რომ აღარ ჰსურს სემინარიაში სწავლა და წაიხდეს. თუ თვითონვე არ შემოიტანა თხოვნა, მაშინ ჩვენ ისეთი მოწმობით გადავგდოთ, რომ შემდეგ არც ერთ სხვა სასწავლებელში აღარ მიიღოს...“ (იხ. სერგეი მესხის ნაწერები ტ. I გვ. 319).

„რას იტყვით ამაზე თქვენ, ჩვენი მამებო, რომელნიც მუდამ გვესაყვიდურებით: ქართული ენა აღარ იცითო?—სვამს კითხვას იყვე, სერგეი მესხი, ალბათ „მამების“ და უფრო მათი მეთაურის გრ. ორბელიანის საყურადღებოდ.

უფრო ადრე, ამ „ახალ-ახალი“ ამბებით შეპყრობილი მსოფიანი პოეტი გრ. ორბელიანი—კი აღმოფთვებული სწურს თავის მეგობარს ლევან შელიქიშვილს:

...„მამალა, დიდად დაღონებული მიველ შინ და ახლა აქ დამხვდა ერთი კარგი სს'უა ამბავი, ახალ-ახალი: ჩვენს სემინარიაში უნდა აღუტრიალდეს სწავლა ქართულისა ენისა, რადგანაც არა აქვს ამ ენას მდიდარი ლიტერატურა, და ამის მაგიერ უნდა შემოიტანონ ბერძნული ენა. საწყალი სულხანოვი, რომელსაცა არ მოსწონებია ეს განკარგულება და უთქვამს, რომ საქართველოში მღვდლებმა უნდა იცოდნენ ქართული ენა, დუთხოვიათ სემინარიიდან, ვითარცა წინააღმდეგი მართავლობისა და საშიში კაცის. ამ ამბებმა ერთმანეთზე დაერთობით ამიწოთეს გულს; იმ დამეს მომცა სიტყვ და მხოლოდ დღეს შევიძღვადგომე თვითონვე და დარბობსა. თათრები იტყვიან: „მან ბულარინ ჰაქსინინ დარდი ჩაქიშ“? ესე იგი რომლის ერთისათვის ვიდარდო?—შეტომა შეიძლება ვითარცა კაცისაგან ვგრუთვე მმართველობისაგან, მაგრამ აკრძალვა ქართულთა ელცესისა ქართველთ ელცესისაში სისულელეზე უარესისა. საქართველოში არიან მრავალნი ელცესიანი სხვადასხვა ენისა, სხვადასხვა სარწმუნოებისანი: თათრები, ურიები, სომხები, ლოტრანები, ფრანგები, თავისუფლად ილოცვენ თვითონ ენაზე; ფრანგები ილოცვენ ქართულს ენაზე, და მხოლოდ ქართველებსა კი უნდა მოუსკონ ქართულად თქვან „წმიდაო ღმერთო“? განა პოლიტიკა მოითხოვს ამას? განა ეს არის განრცელება მართლ-მადიდებლობისა სიახაში? რაღა ქართველებზე მიიტანეს ძალი ქადგებისა განაკრისტიანებად?... და ანუ რა სიკეთე წარმოსდგება აქედამ? თუ გარუსებას მსცდილობებ ბრძანა ხომ არ ანება, რომ რუსებზე ჩვენ უფრო რუსები ვარ; თუ მართლმადიდებლობისთვის ილწვიან, აი, ურიები, თათრები, სომხები და სხვანი, მაგრამ უსამართლობა და ძალადობა მარადის ჰბადვენ უსიამოვნებასა, ყვედრებასა, წყევსა და თვით ორგულობასაცა. მივირს რას ურუსუნებენ ამ საბრალოს, მოზოჩის, ვეილის და ერთგულსა ერსა. სამწუხაროა კნიახო ლევან, რომელს საუკუნეში ვეცხსოვრებთ?.

„ამ დღებში ვეახლები ველიკი კნიახსა განგებ ამ საქმისათვის; იმედი მაქვს, რომ არ იამება ესრეთი განკარგულება დაბრძანებულის სამღვდლოსი და მოინაზრებს ყოველსავე ღონისძიებას, რათა ჩაშალოს ეს პროექტი, რომელიც არის ცხადად ძალადობა და დანაგვრა ერისა, და რომელსაცა, რასაცვირველია არ მოინდომებს არც კეთილი დღეები მისი და არც უფროლიმე მმართველობა, გონივრად მზრუნველი კეთილდღეობისა და მშვიდობისათვის ერისა. ასე ჩემო ბატონო“.

ამ ხანებში გრიგოლ ორბელიანის ეპისტოლეთა სხვა ადრესატებიც ** (სოფიო ორბელიანი) ხშირად ისმენენ პოეტის შფოთვას და დრტინვას ამ საკითხის გარშემო. ის მარტო „ველიკი კნიახთან“ მისვლით როდი კმაყოფილდება, არამედ საზოგადოებრივ აზრსაც ეძებს, და თუმცა ამოდ, მაგრამ საკუთარი თეორიაცა და ზერხიც გააჩნია მშობლიური ენის დაცვადად.

* წერილი 1872 წ. 25 ოქტ. დაცულია ზუგდიდის მუზეუმში.

** იხ. „ცხოვრება და ღვაწლი გრ. ორბელიანისა“ გვ 118.

ცხადია, გრ. ორბელიანის შფოთვისა და დრტყინვას ბევრი არაფერი შექმლო, რადგან ის იყო „საქმიანობა“ შეხმატებლილბული ცარიზმის შვი აგენტებისა პეტერბურგიდან თბილისამდე. სასწავლებლის მართებლობამ, რომელმაც „მაინებლურად“ შეაფასა შეგირდების საყვარელი მასწავლებლის იაკობ გოგებაშვილის მუშაობა, რადგან მისგან „მოსწავლეებს საკითხავათ ეძლეოდა უმთავრესად საბუნებისმეტყველო დარგის წიგნები“ და რომ იგი „თავის ბინაშია ცი უმარათვდა ლიტერატურულ კითხვა—ბაას სემინარიის დაწინაურებულსა და ნიკიტერ მოწაფედს“, რომელმაც „გაუტყბათ გემონებდა ბოლო—და საზოგადო უარყოფითი მიმართულების წიგნების კითხვისა“ (გერსკის რევიზიიდან), სემინარიელებს უფრო მწვავედ აგარძნობინა ის წიგნი, რომლის ქვეშ იყვნენ ისინი მოქცეულნი.

დღიურების ავტორს, მაშინ სემინარიის უფროსი კლასის მოსწავლეს, 21—22 წლ. ყმაწვილს. უკვე აქვს უნარი პერსპექტივის განსკვრეტისა, ახალი მომავლის გათვალისწინებისა, როდესაც „დამზობილი იქნებიან ძველი კრებები“ და შემუსვრილი „მატყუარა ქურუმნი“. მას უწევია უსისტემოდ, ხშირად ერთი-მეორის საწინააღმდეგო აზრებით აპრელბული დღიურები, რათა მომავალში შეიცნოს ის დრო, ის საზოგადოება და ვითარება, როცა „აღვირახსმული მოსწავლეობა მთავრობის მათრახის ქვეშ იმყოფებოდა“. სადაც, „ეინ იცის რაზე სწავლობდნენ, საბერძნეთის რომელ მეტაფიზიკზე ლაპარაკობდნენ, ან რომელი ბერის ბიოგრაფიას ხეპრობდნენ“, მაგრამ გამოდიოდნენ რა ცხოვრებში, არა იცოდნენ რა, არ იცოდნენ რა ეკეთებიათ და ავტორის სიტყვებით რომ ვთქვათ „ისევ თავიდან, ანბანიდან უნდა დაეწყოს“ (იხ. 21 მარტის დღიური)

ეს დღიურები იწერებოდა 70-იან წლებში ისეთი მოსწავლის მიერ, რომელსაც არაღვგალურად მაინც მოუხერხებია გასცნობოდა ჩერნიშევსკის, დობროლიუბოვის, დარვინის და სხვათა ნაწერებს, რომელთაც სემინარიის დახვეწებულ კედლებშიც შეუნათებიათ.

რადგანდაც ტფილისის სასულიერო სემინარიამ ჩვენი ქვეყნის ცხოვრებაში განსაკუთრებული ადგილი დაიკავა, ამდენად საინტერესოა ის სასწავლებლის ცხოვრებაც.

ჩვენი ქვეყნის მრაველ შესანიშნავ მოღვაწეთა ცხოვრება ამ სასწავლებელთანაა დაკავშირებული. მთელი რიგი ჩვენი გამოჩენილ მწერალ-მოღვაწეების „მეფისა და მემამულეთა“ ორგულობაში შენიშნულნი, ამ სასწავლებლიდან არიან გამორიცხულნი. თვით, ჩვენი სამშობლოს უდიდესი შვილი, ხალხთა დიდი ბელადი იოსებ ჯულაშვილი—სტალინი, რომ ამ სემინარიიდან არის გამოძევებული 1899 წელს პოლიტიკურად არა საიმედოობისათვის.

სემინარიის სულისშემბუთველი რეჟიმი მეუნარგაის შემდეგ არ შემსუბუქებულა. პირიქით, 90-იან წლებში ამ სასწავლებლის ატმოსფერო ერთი ორად მომწამლველი იყო სასულიერო მთავრობისა და გადაცემულ პოლიციელების წყალობით, რომელნიც ამ სასწავლებლის ხელმძღვანელებად იყვნენ დანიშნულნი. ი. მეუნარგაის დღიურების დაწერის 25 წლის შემდეგ სემინარიელი გ. პარკაძე თავის მოვანებაში ასე გვიხატავს სემინარიის რეჟიმს:

„ვია იმათ, ვინც გარეთ გასული დანიშნულ დროზე არ დაბრუნდებოდა. კარკერი და ვოფა-ქცევაში ნიშნის დაკლება არ ასცდებოდა მას. ერთხელ ჩაიწერებოდა ე. წ. „კონფიტიში“, ზოლო მეორედ უკვე სასწავლებლიდან გააძევებდნენ. ყველაფერში მოწაფეს თავს დასტრიალებდა ბერების მხვერავი თვალს. სემინარიელს სასტიკად ჰქონდა აკრძალული ქალაქში და ბიბლიოთეკაში სიარული, წიგნებისა და გაზეთების კითხვა, ჟურნალ-გაზეთებში თანამშრომლობას ხომ, აბა ვინ გაბედავდა? სემინარიელს აკრძალული ჰქონდა თეატრსა და წარმოდგენებზე სიარული, სამაგიეროდ, დილით, გაღვიძებისას, ჩაის და სადილობისას, სწავლის დაწყება-გათავებისას, ღამით, დაწოლის დროს, სემინარიაში მოწაფენი ლოცვებზე უნდა მდგარიყვნენ“.*

ვაქვეყნებთ მეუნარგაის დღიურებს, როგორც საინტერესო მასალას ამ სასწავლებლის წარსული ცხოვრების გაშუქებისათვის. დღიურები ქვეყნდება საგარძნობი შემოკლებით.

* გახ. „კომუნისტი“ 1935 წ. № 287.

იონა გუანაგვიას დღიურიდან

16 თებერვალს 1873 წ.

ეს ჩემი „ფსიხატორიუმი“ დღიური * არ არის; მე ძვირად დავწერ ამაში იმას, რაც ყოველდღე გადამხდებდა. ეს ჩემის ფიქრით საჭიროც არ არის... არა. მე ამაში უნდა დავწერო სხვადასხვა წიგნებიდან მიღებული შთაბეჭდილება; ან ის ფიქრები, რომლებიც ხშირად მეწვევიან ხოლმე... ვეცდები, რომ ხალხის ჩვეულებები ზოგიერთი მაინც ავხსნა ისტორიის შემწეობით. ხან გადავთარგმნო რუსულიდან ლექსები, ან—აი დიდება შენ ღმერთო—თითონ ამ სიბერის დროს დავწერო ლექსი... მე, ჯერ, საუბედუროდ, არ ვარ რიგიან გზაზე დამდგარი, ნამეტურ დიდს და გამოუღვევლს საკაცობრიო კითხვაში; ვართ ჩვენ თავისუფლები თუ არა? მინდა რომ კონსერვატორს არ შეძახდნენ და ახალი მეცნიერება მიყვარს, მაგრამ როგორღაც არ მინდა ძველიც დავავლო (თუ ძველი დაეძახება თავისუფლების მოლაშქრეებს)...

მსურს შევისწავლო ჩვენი კლასიკური ლიტერატურა, ე. ი. რუსთაველის პერიოდი. განსაკუთრებით ჩვენი სიამაყე „ვეფხვის-ტყაოსანი“... (შემდეგ სამი სტრიქონი აეტორს წაშლილი აქვს ს. ც.) რომ შემეძლოს რამდენიმედ მაინც შევეწვიო ჩვენს ყმაწვილს ლიტერატურას... „ყმაწვილი“.. აფსუს! მდიდარო ქართულო ენაჲ!.. აფსუს, რომ ვერა ხარ ისეთ კარგ გარემოებაში, რომ გაშალო შენში დამალული სიმდიდრე. მე აქ სრულებით არ ვვარდები წინააღმდეგობაში, როგორც ამას ზოგიერთები იფიქრებენ. და აი რისთვის: მე მინდა ქართულმა ენამ იხაროს არა მარტო იმიტომ, რომ მე პატრიოტი ვარ... არა! მე იმას ვფიქრობ: შეიძლება ამ ენამ ისეთი რაიმე მისცეს კაცობრიობას, როგორიც ანუქა ინგლისის ლიტერატურამ შექსპირის, ბაირონის ქმნილებებში...

* დღიურები ყდაში ჩასმულ საერთო რვეულშია ჩაწერილი. მის პირველ გვერდზე ზემოთ წერია: Ученика Тифлисской духовной семинарии Ионы Михайловича Меунаргия.

ხოლო ამის ქვევით, უფრო შუა ადგილას:

Честные люди! Не раскрывайте этот мой дневник до моей смерти.

შეორე გვერდზე კიდევ სამი ასეთი მინაწერია:

მე ვარ მდიდარი გულწრფელითა სიყვარულითა,

რომელიც სიტყვით კაზმულს გრძნობას გარდემტების.

კო რ დ ე ლ ი ა.

მე, ასე ნორჩი და ასე გულქვა!

ლი რ ი

წელს მასხარებს ღილახანა წაუხდათ,

მასხარობას ბრძენი გვეცილებიან,

ქვა რომ ძნელი მოსავლელი გაუხდათ

პამპულად და შამიუნად ხდებიან.

(ხუმარას სიტყვები „მეფე ლირი“-დან)

ამ ჟამად სპინოზას ეკითხულობ. ძლიერ გამიტაცა ამ გენიოსმა ურიამ... ნეტავი თქვენ ურიებო, რამდენი დიდი კაცები გყავდათ... სპინოზა, ჰენინე, ბერ- ნე, ლასალი... ვათავებ სოლომონის სიტყვებით: „ყოველივე ამაო არს“..

9 მ ა რ ტ ს *

დღეს ვაგათავე „ფაუსტის“ კითხვა სტრუგოვშიკოვისა¹ და გრეკოვის² თარგმანით... „ფაუსტი“, გაგიგონიათ თქვენ ეს სიტყვა? თუ გაგიგონიათ, რა უნდა გითხრათ სხვა ამაზე. ჩემის ფიქრით გიოტემ აი როგორი მხარე დახატა კა- ცობრიობისა თავის ქმნილებაში: ყოველი ადამიანის სიცოცხლეში არის ისეთი პერიოდი, როდესაც იმას მოსწყინდება თავისი ხელობა და კითხავს თავის თავს: რას ვაკეთებ მე ჩემის ხელობით ქვეყანაზე? რა სასარგებლოა სწავლა, ხელობა, ვაჭ- რობა, სიყვარული და სხვა. ეს ნამეტურ მოხდება მაშინ, როდესაც კაცმა სრულიად შეიტყო თავისი ხელობის საიდუმლოება. საზოგადოდ, ასეთ შემთხვევაში ისე მოხდება ხოლმე, რომ ის ვერაფერს ჰპოვებს თავის ხელობაში და სიმდიდრეს ეძებს მხოლოდ სხვის ხელობებში... ანდაზაც ამბობს, შინაურ მღვდელს შენდო- ბა არა აქვსო...

სწორედ ისე უყურებს კაცი თავის ხელობას და როდესაც იმ ხელობაში არაფერი საიდუმლო იმას არ დარჩება, ის არ უყურებს იმნაირ კრძალულებით, როგორც წინათ. თუმცა უსრულოდ და უშინაარსოდ, მაგრამ ამგვარი სულიე- რი მოვლენები მეც დამმართნია... ბევრჯერ მითქვამს: რა ოხრად მინდა სწავ- ლა, რას მიკეთებსო... გიოტემ ფაუსტში ამგვარი მდგომარეობა გამოხატა, მაგ- რამ ფაუსტი ერთი ხელობის კაცი კი არ არის,—ის ფილოსოფოსიც არის, ლეთისმეტყველიც, მედიცინის დოქტორიც, უსწავლია ყველანაირი მეცნიერება და გვარწმუნებს, რომ ყველა ეს სწავლა კაცს არაფერს უკეთებსო. ის ადგილი, სადაც ფაუსტი ამბობს ამ აზრებს, არის საუკეთესო ადგილი მთელს ტრაგე- დიაში.

ტრაგედია სავსეა ღრმა აზრებით და მშვენიერი პოეზიით. რა იყო პირვე- ლი და უკანასკნელი ფაუსტის ცხოვრებისა, იმის აღფა და ომეგა?... რა სწად- და იმას და რასთან მივიდა? მისი სურვილი იყო ესწავლა ყველაფერი; ბევრი ისწავლა და მივიდა იქამდის, რომ არაფერი არ მოსწონს. არაფერი არ აკმა- ყოფილებს... უკმაყოფილება. აი, რა არის ფაუსტში დიდი და გამოსაჩენი მხარე...

11 მ ა ი ს ს

გბ, უხეირო ვარ, რომ ჩემი სიტყვა ასრულებაში ვერ მომყავს. ამაში მე სხვებიც მამტყუნებენ და მართალია, ბევრჯერ სხვები მართალს ამბობენ ჩემზე, მაგრამ სპინოზასი არ იყოს, რა ჩემი ბრალია, რომ მე ასეთი ვარ? გარემოების წინააღმდეგობა არაეის არ შეუძლია... ვინ ვიპოვოთ ისეთი კაცი კაცობრიობაში, რომელიც გარემოების წინააღმდეგ წასულიყოს? მგონია არაეინ არ იყოს, თვი- თონ დიდი ენერგოული ნაპოლეონ I-ც გარემოების შვილი იყო. თვითონაც ამ-

* ამ გვერდზე ფანქრით მიწერილია: „ეს ახლა არ მომწონს“—ს. ც.

ბობდა „მე გარემოების შენობა ვარო“... აი სწორედ ყველა კაცს შეუძლია სთქვას თავის-თავზე ნაპოლეონივით „მე გარემოების ნაშენები ვარო“... ყველას, ვინც უნდა იყოს... ნეცესარიანების მოწინააღმდეგეთ ვარწმუნებ და მგონია თვითონ ისინიც დარწმუნებულნი არიან პროზაული პრაქტიკის შემწეობით, რომ კაცს პირობები და გარემოებები აკეთებენ...



იონა მუხნარჯია—მოსწავლე (1868 წელს)

ამას იმიტომ ვამბობ, რომ გარემოებანი ისე დამეხლართნენ, რომ ეს ჩემი „ფსიხატორიუმი“ ხელშიაც ვერ ავიღე ამდენი ხანია... ვინ ჩამოსთვლის ყველა იმ ცუდ გარემოებას, რომელშიაც მე ვიყავი მას აქეთ, რაც მე ეს რვეული ხელ-

ში არ ამილია? მე ამას სრულებით არა ვრაცხ საჭიროდ... აი, თუ გინდა ეხლა, როდესაც ამ სტრიქონებს ვწერ, სამი დღის „იმერული ავადმყოფობით“ მოუძღვრებულნი ხელის ძიგძიგითა ვწერ... რამ უნდა დაბადოს ჩემს გონებაში კარგი რაიმე აზრი? ერთი მხრით სიცხე, მეორე მხრით სისუსტე და ავადმყოფობა სისხლს მიშრობენ... ახ, გარემოებავე, გარემოებავე!.. ამ ახლო ხანში წავიკითხე „*Метафизика нравов*“ კანტისა კუნთიშერით, დიდი, დაუთასებელი და წმინდა კაცის ქმნილება...

13 ივნისს 1873 წ.

რას ჰქვია ვრცელი კეჟა და ვინ არის თანაგრძნობის ღირსი?

ჩვენს გონებას გამოვარკვევინოთ და ვთქვევინოთ, რა არის ვრცელი კეჟა?.. ჯერ პირველი და უკანასკნელი პირობა ვრცელი გონების, უნდა იყოს ის, რომ მას არ ჰქონდეს არავითარი პირადული ელემენტი, არაფერი ემპირული... ის უნდა სჯიდეს თავისივე შინაური ცხოვრებით სხვადასხვა კითხველს და არას დროს არ შეეხოს ამ ჩვენს—ქვეყანას. ყოველს შემთხვევაში, როდესაც ის შეხედავს ამ მაკდურ ქვეყანას, ჰკარგავს თავის სიწმინდეს და იქრთამება ბუნების ნაყოფით. წმინდად და მართლად ის მხოლოდ მაშინ არის, როდესაც ის სრულებით თავისუფალია. ამ აზრისა იყვენ დიდი, შესანიშნავი ადამიანები კანტი, ბეკონი, დეკარტი და საზოგადოდ ყველა თეორეტიკოსები...

მაშასადამე, პირველი პირობა ვრცელი კეჟისა არის თავისუფლება, თავისუფალი, მოქმედება და პიროვნული ელემენტის უქონლობა... მეორე პირობა, დემოსთენის არ იყოს, ისევე პიროვნული ელემენტის უქონლობაა, მესამეც და მესამეც...

ვრცელი გონება იმას აქვს, ვინც ყოველთვის თავის თავზე არ ლაყბობს, ვინც თავის ცხვირს იქით სხვა რასმე ხედავს, ვინც პირდაპირ ხედავს მთელს კაცობრიულ ინტერესს და თუ შეუძლია ჰმსახურებს მას, თუ არა და კეთილს მაინც ისურვებს.

ვინც თავის სიცოცხლეში დროს იმაში ატარებს, რომ თავის-თავი ადიდოს, რეპუტაცია იკეთოს, სკამოს, სხვები ინტრიგებში გახვიოს, იშუროს, იშაროს—ის კაცი ყოვლად საძაგელია, იმის გონება ისეთი ვიწროა, როგორც იმათი კაბინეტი, როგორც ბეკონმა თქვა. კაცი ის არის ვისაც შეუძლია ფაუსტივითა თქვას:

„Я вселенную мысленно об‘емлю“.

მხოლოდ ამ დროს არის კაცი მიახლოებული თავის ღირსებასთან, თავის ღვთაებრივ დანიშნულებასთან... მხოლოდ ასეთ კაცს შეიძლება თანაუგრძნოს კაცმა...

რა დიდს დროებაში ვცხოვრობთ ეხლა ჩვენ! ფრანციაში იბრძვის რესპუბლიკა და მონარქია, ისპანიაში რესპუბლიკა, ამერიკაში მოღოკებს ხოცავენ, იაპონია ნათლდება, შახი მოგზაურობს, ვენაში გამოფენაა—ესენი ვინ გაიგონა ჩვენში? ორში შეიძლება ერთმა იცის... შელლინგი, ჰეგელი, სპინოზა, კანტი, კონტი, მილლი—აი რა აინტერესებს ჩვენებს... სემინარია ძველით ცხოვრობს, მაგრამ მართო სემინარია კი არა, სხვა სკოლებიც. ეს უხეირო მთავრობის

ბრალია... ეხლა რაც ხდება იმას არ სწავლობენ და 10—20 წლის შემდეგ მოსწავლეებს უნდა ახეპირონ. მაშინ, როცა ისტორიის მოძრაობა სხვაგვარ სახეს მიიღებს.

30 ივლისი, 1873 წ.

ამჟამათ მოწყენილი ვარ. „დროებამ“ პოლიტიკა სულ დაივიწყა. სხვა გაზეთებს მე არ ვლებულობ. უ. სკანდელი⁴ თავისი მშვენიერი სტატიებით იმერეთის ბანკის საქმეს არჩევს. ეხ, საღ მიუღდებიან სკანდელს ფურცელაძე⁵, წყალტუბელი⁶, ავალიშვილი⁷, ქიქოძე⁸ და სხვები თავიანთი წერილებით?... სკანდელივით წერაში დახელოვნებული, ჩემის ფიქრით, ახლა რუსეთშიაც არ არის ბევრი... Незнакомец-ი კი სჯობია მგონი, მაგრამ ბევრით არაფერი. სკანდელისთანა კაცი მე ძლიერ მომწონს. აი, კაცი, რომელიც მიყვარს. იმას მთელი ევროპა დავლილი აქვს. დიდი ნაკითხი კაცია, მეტადრე ლაბუღესთან⁹ და ლუი ბლანთან და სხვა მწერლებთანაც გაცნობილი, როგორც ამბობენ Современник-ის თანამშრომელიც იყო. დიდი ხმა აქვს. მეტი არა უნდა კაცს... ამასთან გავლენაც დიდი აქვს... ასე რომ მე იმაზე ვიტყვი, რაც თქვა ნაპოლეონმა გიოტზე: „Voilà cet homme“. კუნოფიშერის კითხვა ძლიერ მემძიმება თანდათან იმისათვის, რომ საზოგადოდ ახალ ფილოსოფოსებს (დეკარტს, სპინოზას ლეიბნიცს, კანტს, ჰეგელს, შელლინგს) ძლიერ მოსწონთ უნაყოფო სპეკულატიური მსჯელობა... მაგალითად, ლეიბნიცი თავისი მოწოდებით... ყველა იმათგან, ფილოსოფოსები, თავიანთ თავს იმართლებენ და ყველა იმათში მომწონს თითო რაიმე... რასაკვირველია, სპინოზა ყველას უნდა სჯობდეს, რადგან მისი შეხედულება ბუნებაზე ეხლანდელი მეცნიერების შეხედულებას ჰგავს, მაგრამ ლეიბნიციც დიდი... მე ნამეტურ მომწონს ფილოსოფოსებიდან სპინოზა, ერთი იმისი შესანიშნავი მხარით. აი რაში მდგომარეობს ეს მხარე: ეს არის ერთობა (все единство) და ცხოვრებაში გაყვანა თავისი ფილოსოფიური აზრებისა... ლეიბნიცი მომწონს მისი უნივერსალური ხასიათით. თავის დღეში ის წინააღმდეგ მხარეს ისე არ ვამტყუნებს და ისე არარად არ ვახდის, როგორც ზოგიერთებია... კანტში მომწონს მისი ზნეობითი სწავლა... როგორც ლეიბნიცს, მე არ მომწონს სხვისი ძაგება, თუმცაღა სპინოზასთან თანახმა ვარ და ვფიქრობ, რომ ბუნებაში მკვდარი, მესიანიზმის მეტი არა არის რა, მაგრამ ამასთან გამომთქმელად მომწონს რადიკალურად სპინოზას წინააღმდეგი კანტის ზნეობა...

ოხ, რა მიხარია, რომ ფილოსოფიის ისტორიაში ვიპოვე ისეთი პირი, რომელსაც ერთის მხრით მაინც გვეყვარ. მე ლეიბნიცზე ვამბობ და იმის უნივერსალურ ხასიათზე. რა ექნა საშუალება ნებას არ მაძლევს, თორემ მეც ძლიერ მომწონს სხვადასხვა გვარად ახსნა... მრავალმხრიანი ახსნა... ჩემი ნიჭი და მონდომებაც იქითკენ არის მიმართული, რომ ცოტ-ცოტად სულ ყველაფერი ვცოდდე. ჩემგან თავის დღეში ვერ გამოვა კაბინეტის მსწავლელი. და კაცმა რომ გამოსარჩევად მომცეს, რასაკვირველია, მე პირველს ავირჩევ. ვაი, საწყალო, ჩვენი ცვეტკოვო? და ბევრი სხვა ჩემი ამხანაგები, რომელთაც უკანასკნელი მოსწონთ. უკანასკნელად ისინი ისე ვერ ვახდებდით, როგორც მე არ შემძლია კანტი ვავხდე და ვერც პირველით ისარგებლებენ ისინი. ჩემი სული მიმართუ-


ყუნებ ჩემს ამხანაგებს, რომ იმათ ინჩიბინჩი არა იციან თანამედროვე შემთხვევებიდამ. რასაკვირველია, განათლებულმა კაცმა ესენი რიგია იცოდეს, მაგრამ ყველაფერს უნდა მაიძულებელი მიზეზი. თუ ეს არა აქვს, მაშინ რაღას ბრძანებთ!..



იონა მეფუნარგია. სურათი გადაღებულია 1882წ.

მართალია, ხალხის საჭიროების ცოდნა დიდი რამეა, იმათზე ლაპარაკი ყველა პატიოსანი კაცის ვალია, მაგრამ თუ მე არა ვყოფილვარ ხალხში, არ ვიცი უბრალო, სახელმწიფო დებულებები, კანონები, — როგორღა შემიძლია იმათზე ვიფიქრო? მეტყვიან წიგნები იკითხო, არა! მე, ამასთან თანახმა არა

პასუხებს, როგორც რიგია,—ეს იმიტომ რომ ხალხი გონებრივად გახსნილი არ არის. მაგრამ ესევე კითხვები რომ მიეცეთ მთელ ხალხს, რიგია პასუხებს



დავით კეხელი 30-იან წლებში

მიიღებთ. ამის მიზეზის შეტყობა ძნელი არ არის. ხალხში, ერთმა რაც არ იცის ის მეორემ იცის, მეორის უცოდინარობას მესამე ავსებს და ამგვარად, რაც უნდა კითხვები მისცე ხალხს, მიიღებთ რიგია პასუხებს, ისეთ პასუხებს, როგორც შეესაბამება მრთელს, ჯანსაღ გონებას.

რასაკვირველია, ხალხი უმეტეს ნაწილად უბრალო გულისაა (მტრედია და არა გველი) და ვერ გამოსახავს თავის პასუხებს რიგიან და ხელოვნურ ფორმებში, ისეთ ფორმებში, რომლებშიაც წარმოგვიდგენენ ნასწავლები, მეცნიერები თავის შრომებს. მაგრამ მიუხედავად ამისა, ხალხი რასაც იტყვის, იტყვის სიმართლით... ხალხის გენია დიდია, ხალხის ხმა—ღვთის ხმაა. ეს უბრალო მოსაზრება უფრო უბრალოდ რომ ვთქვათ მდგომარეობს იმაში, რომ, კოლექტიური კაცობრიობის გონება ყოველთვის უფრო დიდია ინდივიდუალურ გონებაზე... ეს მართალია, ამას ისტორია გვიმტკიცებს...

მართალია, ზოგიერთ შემთხვევაში ისეც გამოდის, ვითომ ცალკე პირები უფრო მაღლა დგანან, ვინემ ხალხი, იმათი ნათქვამი უფრო სწორია ხალხის ნათქვამზე, მაგრამ ისიც მართალია, რომ ამბობენ, კაცი ყოველ შემთხვევაში რაც უნდა დიდი იყოს არის გარეშე პირობის რეზულტატი და მაშასადამე, დიდი კაცი ამბობს იმას, რაც ხალხშია, მაგრამ რაც ხალხს თავისი უხელოვნობით და უბრალო გულით ვერ გამოუთქვამს რიგიან ფორმაში. ამის მტკიცება არც არის საჭირო. ამის თანახმანი არიან ყველა განათლებული კაცები. ამის დასამტკიცებლად მილი იმას ამბობს, რომ რაც უფრო ხალხი ნათლდება და გველივით ბოროტი ხდება, დიდი კაცები უფრო ძვირშესამჩნევენი შეიქმნებიან... ამისათვის ყველა დროებაში და ყველა ხალხში კოლექტიურ გონებას დიდი პატივი ჰქონდა. პისარევი¹⁵ თავისებურად ამბობს „Уважайте народные ши да кашу“.. სპენსერმა გამოიგონა მშვენიერი მეთოდი ხალხის გადმოცემების გასარჩევად.

სწავლულები და ისტორიკოსები არჩევენ ხალხის ლაპარაკს, ენას, ქცევას და ამათში კითხულობენ ისტორიას. ერთი სიტყვით, ხალხი, მისი კოლექტიური გონება ყოველთვის პატივისცემის ღირსია, იმას რიგიანი ყნოსვა აქვს და წინათგრძნობს ბევრ ისეთ რასმე, რასაც ცალკე პირები ვერ იგრძნობენ და რომლის გამო ეს უკანასკნელი ხალხის გრძნობას ცრუმორწმუნეობას ეძახიან. თუ პრინციპში გადავწყვეტთ იას, რომ კოლექტიური გონება მაღლა დგას ვინემ ინდივიდუალური, ისიც უნდა მივიღოთ, რომ ხალხს შეუძლია ისეთი რამე წინადაწინ იგრძნოს, რაც ცალკე პირებს არ შეუძლია—ამისათვის აჩქარება ძაგება იქნება იმათი, თუ ზოგიერთები ხალხის ნათქვამს არაფრად ეპყრობიან, სპენსერის მეთოდი ძლიერ მოსაწონია. ის ამბობს: რასაც ხალხი იტყვის, იმაში არ შეიძლება, რომ ცოტა მაინც მართალი არ ერიოსო... ნამდვილია, კეჟასთან ახლოა, ვინ იცის უბრალო ხალხში რამდენი ურევია ბუნებით გენიოსები: ნიუტონები, შექსპირები, კანტები და ვინ იცის რომელი უკანასკნელი გიმნაზისტი ან ქარაფშუტა ინსტიტუტკა დასცინის ხალხს. მე ყოველთვის იმ აზრისა ვარ და ვიქნები—ხალხის ხმას დიდი მნიშვნელობა აქვს და უნდა ჰქონეს...

განა ცოტა ისეთი რამეებია, რაც წინაპირველად ხალხს გამოუცდია, ინსტიტუტურად უსარგებლნია და შემდეგ მეცნიერებას მიუჩემებია, თავის შესაფერ ხელოვნური ფორმით, ყველასათვის ცხადად დაუნახებია? ამაზე ფაქტების მოყვანა საჭიროდ არ მიმჩნია, ამას მკითხველს ვსთხოვ თუ არ შეეზარება. ყველა ამ მოსაზრებით მე იმას ვამტკიცებ, რომ ხალხის კოლექტიური გონება სახუმრო საქმე არ არის; იმისი ხმა, როგორც რუსები იტყვიან, ღვთის ხმაა!..

აპიტომ, სპენსერის არ იყოს, რაც კი ხალხს უთქვამს ყველაში არის ცოტა-ოღენი ჭეშმარიტება.

ხალხის ნათქვამს თავი რომ დავანებოთ და იმის მოქმედებას ხელი მივყოთ, აქაც ამგვარ შემთხვევას დავინახავთ. ხალხის არც ერთი მოქმედება არ კეთდება უაზროდ. ყველას აქვს თავისი საფუძველი, მაგრამ სამწუხაროდ ჩვენთვის ძნელია ამ საფუძვლების გაგება, რადგანაც დროიდან დრომდე, თაობიდან-თაობამდე ხალხის ჩვეულებები, ქცევები სხვადასხვა სახეებს ღებულობენ. ზოგიერთი ჩვეულებები ისე შორს არიან წასული, რომ ჩვენი გონებისათვის თუ არა ისტორიის შემწეობით, ყველა გზით შეუძლებელია იმ ჩვეულების მიზეზი ვიპოვოთ, მაგრამ რაც უნდა იყოს, ყველაფერს აქვს თავისი მიზეზი. სამწუხაროდ, თითქმის ყველა ეხლანდელი ჩვეულებანი ძნელი გასაგებია ჩვენთვის, რადგანაც თავის საფუძვლიდან დროთა გავლენისა გამო შორს არიან განცალკევებულინი...

აქ საჭიროა ერთი საწინააღმდეგო აზრის მოყვანა. ყველაფერი, რაც კი თქმულა, რაც კი გაუკეთებია ხალხს, წინაპირველად უთქვამს ერთს და გაუკეთებია ერთს... მაშასადამე, ის რაც მიეწერება ხალხს, თავდაპირველად ეკუთვნის არა ხალხს, არამედ ცალკე პირს... ეს სწორედ საფუძვლიანი საბუთია. თუ ეს ასეა, მაშასადამე, შეიძლება, რომ ცალკე პირი შეცდეს და იმან თავისი შეცდომით ხალხიც შეაცდინა, ხალხმა მიიღო იმისი ქცევა, დაიჯერა იმისი სიტყვა და, მაშასადამე, ხალხი, რომლის სიტყვას ვუწოდებთ ღვთის სიტყვას, სტყუის! სწორედ საფუძვლიანსა ჰგავს ეს, მაგრამ ჭეშმარიტება მაინც არ არის. შეიძლება მოხდეს, რომ ერთმა რაიმე კორი მოიგონოს და დააჯეროს ხალხი. არ შეიძლება ამდენ ჩვეულებებში, ამდენ რწმუნებებში არ იყოს ზოგიერთი კორები, მაგრამ ამის წინააღმდეგ ჩვენ შეგვიძლია ისა ვთქვათ, რომ არც გამოცანა, არც ანდაზა, არც რაიმე აზრი, ჩვეულება არ ეკუთვნიან ერთსა და ორს, — ისინი ყოველთვის მთელი ხალხის ნაღვაწეგია, ერთი ან ორი დამწყები თავის დღეში სრულად ვერ იტყვის მთელ გამოცანას, ანდაზას, ჩვეულებას, ამას ხალხი ჰქმნის და ხალხის მხრით მოსალოდნელი არ არის, რომ მთელმა კოლექტივმა იცრუოს, კოლექტიური გონება ყოველთვის საღია და მართალი.

1874 წელი

დღეს 31 დეკემბერი იყო 1873 წლისა. დაღამდა. გავიდა 10—11 საათი, დაპკრა თორმეტი და შემოდგა ფეხი ახალმა წელმა. ამგვარად, როდესაც ამ სტრიქონებსა ვწერ უკვე მე-1874 წელში ვართ... წავიდა ერთი წელიწადი, შეუერთდა ღრმა, უფსკრულს და გამოუთქმელ საუკუნეებს. ვინ იცის დედამიწის ზურგზე რამდენი კაცი ხარობს ამ წუთას, რანაირის მზადებით ხედებიან ამ ახალ წელიწადს ათასი და ათი-ათასი გულები. ნეტავი იმას, ვისთვისაც არის სიხარული ამ ქვეყანაში. ვიი, შენ, ჩემო ეხლანდელი მდგომარეობაზე, რომ ამ ეამად მე არაფერი არ მახარებს და მამხიარულებს. ახ! სად გაჰქრნენ ის ყმაწვილური ჩემი ნეტარებანი, რომლებიც მეფერებოდნენ, ის ყმაწვილური დრო, როდესაც მე არ ვიცოდი, რას ერქვა „წვალება“. ახ, ნეტავი თქვენ, ვისთვისაც

მზეს ცოტა მაინც მიუთბია შემდეგ იმისა, რაც გაივო, რას ჰქვია წვალბა, ჩწუხარება, უბედურება! რა სიტყვებით გამოვხატო ყველა ის მწუხარება, რაც გადაზხდა ამ უკანასკნელ ხანებში. თუ ჩემს სიცოცხლეში ორი-სამი წელი ესეთი გაპერია, როგორც იყო ჩემთვის ეს 1873 წ., მირჩენია, სულ არ ვიყო დედა-მიწის ზურგზე. ესტირი, ვწუხვარ, ზნეობითად ვწვალბ, რომ ესეთი უბედურებანი ზედი ზედ მემთხვევა.

გამოუხატავად ჩემთვის სანეტარო კმაწილობაში მე ვიყავ ყოველად და ყოველითურთ ბედნიერი; არა მაწუხებდა რა. ქვეყანა ჩემი მეგონა. მეც ნაპოლეონ პირველივით მრწამდა ჩემი ვარსკვლავი, რომელიც ყოველ შემთხვევაში მიჩანახედა მე. მაგრამ, ესლა, ყველაფერმა მიღალატა: ვარსკვლავმაც, ნაცნობ-ნათესაეებმაც, წელმა, ბუნებამ და კანონმაც.

ამ 1873 წელმა ის ცვლილება მოახდინა ჩემში, რომ მე მტრედის მაგივრად გველი გავხდი. სხვანაიოდ რომ ვთქვათ, შევიძინე უმთავრესი ელემენტი, საზოგადოებრივი ცხოვრების უხილავი ნილაბი, რომლითაც დროების მიუცილებელ მოთხოვნისა ყველა კაცმა თვისი სახე ცოტათი მაინც უნდა დამალოს. უამისოდ სიცოცხლე შეუძლებელია. ვინც ამის დამტკიცებას მოითხოვს, მე მას ისტორიაზე უჩვენებ, იქ უთვალავი მაგალითებია ამის დასამტკიცებლად. მთელი ესლანდელი ევროპული სახელმწიფოების ურთიერთობა უმთავრესი ნაწილად დაფუძნებულია კაცისათვის ამ ღირსო ნილბით დაფარულ ცხოვრებაზე. რაღაც ღვთის წყრობაა, ესლა ძლიერ გაძვირდა ბუნებოვანი ადამიანი, ყველგან ხელოვნურ კაცს ხედავ, ყველგან მოტყუება, ორპირობა, უპირდაპირობა, ვაცემა, და უნდობლობა; ყველა ამას გამოცნობა უნდა, ყველა ამას სიფრთხილე მართებს და ამისათვის კაცი დაიღუპება თუ ის მტრულად რჩება ყოველს შემთხვევაში... ახ, სად არის ის დალოცვილი ძველი დროება, როდესაც მარტო უღვაწზე ხელის დადება საკმაო იყო კაცის დასაჯერებლად და პირობის ასასრულებლად! სად წავიდა ის პატოსანი დრო, სად არის ის პატოსანი ხალხი. გაჰქრენ ისინი. როგორც საპნის ბუშტები ჰაერში.

მაგრამ, ჰე, სად წავედი, რა ფიქრებში გადავიკარგე. მე ახალ წელზე ვამბობდი, თოფების ხმა მესმის... დიახ, ახალი წელია. 1874 წელი.

საკვირველია კაცის საქმე! რას ჰქვია ახალი წელი? ძველი! რა არის ამდენი სიხარული, თოფის სროლა, გოზინაყის კეთება, კამფეტები, მურაბა, ლიმონი, ვაშლი, ლიკიორი და სხვა ამდენი ტკბილეულობა? რა აზრი აქვს ყველა ამას ამ პირველ საათზე? მერე რამდენ ადგილას!.. ყველგან ჩვენს მხარეზე და ვინ იცის კიდევ სხვაგან!... რას ეძახიან ამ ახალ წელიწადს?.. ეს სიეთი სისულელეა, როგორც ის, რომ ხუთწამათს ხორცი იქმნება და პარასკეის არაო! ხვალაც ისეთივე დღე იქნება როგორც გუშინ და დღეს. 1874 წ. ბუნება იმგვარადვე იმოქმედებს, როგორც 1873-ში. ისევე ის მწუხარება, ისევე ის ავადმყოფობა, ისევე ის ვალი, რომელიც 73-მა წელმა შეგვიძინა უფრო გადიდებული და გაათასებული. მაგრამ რაც უნდა იყოს, ჩვენ მაინც დიდი სიხარულით ვეგებებით ახალ წელიწადს. ამაღამ 11 საათზე სხვათა შორის მიხეილთან¹⁶ მეც გოზინაყის გაკეთება მოვინდომე, მაგრამ დასწყევლოს ღმერთმა, თათლი დაგვეწვა და გოზინაყს დამწერის გემო ჰქონდა. ასე, რომ ხვალ დილით ისევე უნდა გვაკეთოთ სხვა,

თორემ ხვალ ქვეყანა ჩვენსას მოვა. В мире жить мирное творить—ნათქვამია, ან კიდევ ჩვენებური „მიჰყე, მიჰყე სოფელსაო, მამაძალის ოხერსაო“. სწორედ ასეა, არა, ძმაო, როგორც გინდა თქვი, რაც გინდა იფიქრე, სიმართლეს ვერ წაუხვალ. სიკბაუკეს ყოველთვის კაცობა მოსდევს და სიყმაწვილეს კმაწვილუ-რი ფიქრები! ოცნებები ჰქრებიან იმ მომენტიდამ, როგორც კი კაცი სრულ-წლოვანებაში შევა, რა დროსაც, კონტის ენით რომ ვსთქვათ, მეტაფიზიკი პოზი-ტივისტად გახდება.

8 იანვარს 1874 წ.

ახ, რა რიგ სამწუხარო და გულის მოსაკლავი ამბავი შევიტყვე ამ კვირა-ში... მოუტანიათ თამარი, ის თამარი, რომელიც ერთ დროში ჩემი ღმერთი იყო... ვის არ გამოუცდია თავის სიცოცხლეში სიყვარული, და არ იცის რას ჰქვია სიყვარული... სიყვარულის განმარტება შესაძლებელი არ არის, ის გამო-უთქმელია სიტყვებით. ის მხოლოდ შეგვიძლია ვიგრძნოთ... ვინ არ მოუყვანია რალაცნაირ უცნაურ და გაუგებარ სიხარულში, ან მწუხარებაში ცამეტ-თოთხმეტი წლის თეთრ-კაბა, თვალქუქუნა, შავვავალწარბა, კარგი მიხერა-მოხერის პატრონ და ჰკვიან ქალს?.. ვის არ გამოუცდია, როგორღაც უხილავი და უნებ-ლიე მიზიდება, მაგნიტის მსგავსი მიტაცება 15 წლის ეკლუსუცა გასათხოვარ ქა-ლთან, მე არაფერს ვიტყვი, რადგანაც გრძნობის გამოთქმას შექსპირის კალამი უნდა და არა ჩემისთანა ჯგავლავი მწერლისა. მაგრამ ვისაც გყვარებია, გაიგებ, რა რიგ სამწუხარო შეიქმნა ჩემთვის იმის მოტაცება!.. ნეტავ, ვნახავდე მაინც, ნეტავ კარგმა ვინმემ თუ წაიყვანა, ნეტავ თუ კარგმა ვინმემ მოსწყვიტა ეს გაუ-შლელი მაისის ვარდი...

10 იანვარს 1874 წ.¹⁰

დარწმუნებული ვარ იმაში, რომ ღმერთს ქალები არ გაეჩინა თავმოყვარე-ობა თითქმის სულ არ იქნებოდა ქვეყანაზე. უქალო საზოგადოება ყოველთვის უნო და ულახათოა, მაგრამ სადაც ქალია, იქ ზრდილობაც არის¹¹, შნოც და ლახათიც. ღმერთს ქალები იმისათვის გაუჩენია, რომ კაცმა ზრდილობა ისწა-ლოს. სადღაც წამიკითხავს, თრანკლინმა სთქვა, „საზოგადოება უქალოდ სწო-რედ ისეთია, როგორც წელიწადი უგაზაფხულად“. მართალია ეს აზრი აპრიო-რულადაც და აპოსტერიორულადაც...

9 თებერვალს 1874 წ. ქუთაისი

ხვალ შესრულდება ერთი თვე რაც ხელში არ ამიღია ჩემი დღიური. მი-ხეზი ის არის, რომ ამ თვეში ერთი საათიც არა მქონდა თავისუფალი, მთელი

¹⁰ გვერდით მიწერილი აქვს (უთუოდ შემდეგ წლებში): Писал под впечатлением мн¹¹ жуты“—ს. ც.

¹¹ როგორც სჩანს, შემდეგში ავტორს მიუწერია: ტყუილია... поповский взгляд...

ნაზე ამ მოძრაობის მეტი სხვა არაფერი. თუ გინდაც რომ იყოს, უხილავი კი არაფერია, ჩვენ მარტო კომბინაცია არ ვიცით, თორემ ძალას ვხედავთ, მაგრამ რას ვამბობ, ძალას სად ვხედავთ, ძალა ვინ ნახა? ლეიბნიცი ამ ძალის მყო-



გერასიმე კალანდარიშვილი (1836—1874 წ.)

ფობით ამტკიცებს უხილავ და უცნაურ ქვეყნის მყოფობას... მაშ, თუ ეს ასეა, თუ ყველაფერში მეხანეთური მოძრაობაა, უნდა ვთქვათ, რომ სისულელეა კაცის ჭაგება, იმის ქება, და სხე.

ყველა, ვინც კი წაიკითხავს ოდესმე ჩემს დღიურებს (თუ გადარჩა სადმე), იფიქრებს, ეს, რანაირი უდარდელი და უსარგებლო კაცი ყოფილა ამის დამწე-

რიო, როგორ, ქვეყანა ფეხებზე ჰკიდიაო? მაგრამ არა, შეცდება ის, მე უღარ-დელი (პრაქტიკაში მაინც) თავის დღეში არა ვყოფილვარ და არც ვიქნები. სა-ზოგადოებრივი ინტერესები მეც მესმის რა არის. გ. კ.—ლის დაკარგვა რანაირად საგრძნობია ჩვენი ახალ თაობისათვის, ჩვენი ლიტერატურისათვის, საერთოდ ამ დასავლეთ საქართველოსთვის, მე ეს კარგად მესმის და მწყენია იმის სიკვდილი. ახ, ნეტავ, ერთ-ორ წელიწადს კიდევ ეცხოვრნა, ნეტავ ერთჯერ მაინც დამალაპარაკა ჩემის ეხლამდელი ჰქუით ამ კაცისათვის. ოხ, რამდენ სიამაყენებას მომიტანდა იმასთან მუსაიფი. რასაკვირველია, გერასიმეში მე ვაფასებდი ბეგს იმის საქმეს, ღირსებებს, რომელთათვის მე ვცდილობდი მიმებაძნა...

19 თებერვალს 1874 წ. ქუთაისი

გუშინ გამოვეთხოვე ნინოს და დაეპირდი, რომ დღეს წავალ—თქო, მაგრამ სხვადასხვა მიზეზთა გამო დღეს ვერ წავედი. სურამის ქედზე ისეთი დიდი თოვლი დამდგარა, რომ მატარებელი, რომელიც გუშინ საღამოს უნდა მოსულიყო, დღესაც არა ჩანს. არ ვიცი როდის წავალ და როდის აუსრულებ ნინოს თავის თხოვნას. ვეცდები რომ, რაც შეიძლება ჩქარა ვავცე პასუხი ამ ჩემს ახალ მეგობარს.

დღეს საღამოს 5*-საგან წერილი მივიღე. ამ წერილმა გააღვიძა ჩემი მძინარე გრძნობები და რამდენიმე ხანი მაინც მამყოფა ჩემს ყმაწვილურ მდგომარეობაში. ჩემდა საუბედუროდ ამ უკანასკნელ ხანებში ნამდვილი გიოტე ვხდები ხასიათით. ჩემში სუბიექტური მხარე თითქმის ვაჰქრა. მე ობიექტური კაცი ვარ, გრძნობები ფიქრებად და აზრად მიხდება, სურვილს საზღვარი ეძლევა, ყმაწვილურ ოცნებებს ბოლო ედება. მგონი რომ, ეს კრიტიკიდან და ფსიქოლოგიიდან ვიცი, ყოველთვის ასე ხდება. სიყმაწვილის ოცნებებს კაცური პრაქტიკული მოსაზრებანი მოსდევს. მაგრამ ეს მე ცოტათი არ მომწონს, იმიტომ რომ მე უღროოდ ვებრდები. დეე, ცილისწამებით დამაკლდეს ის, რაც მიყვარდა; დეე მე ვიტანჯო ამ წუთი სოფელში, მე ეს არაფრად არ მიმაჩნია, მაგრამ თუ ვხედავ რომ, კაცის ღირსებას კ—სთანა მაიმუნე ფეხით ქელავს, თუ ვხედავ რომ, რაც უნდა იყოს კაცი, ესრეთ ზნეობით დაცემულია, მაშინ სწორედ სისხლი მეხუთება, გული მიწუხს და ჩემს წუხილს ათასგვარ შორისდებულებში ვხატავ... ღმერთო ჩემო, რანაირი უსინდისობაა, როგორ უბრალოდ სტანჯავენ საწყალ ჩვენს სემინარიელებს!

დავიჯერო რომ ას სემინარიელში ერთი ვინმე იყოს კ—სკისთანა¹⁹ ბრიყვი და ზებრე! არა, მე ამას არ დავიჯერებ. საწყალი სემინარიელები გონებრივად მაინც არ არიან ღარიბნი. იმათ უნდა ესმოდეთ რანაირ ისტორიულ პირობებში ვართ ჩავარდნილი. ყველა ჩვენგანს კარგად ესმის, რომ რუსეთის მფარველობა ჩვენთვის ამ დროებით მეტის-მეტად საჭიროა. თუ არა რუსეთის მფარველობა, ჩვენ ამდენ ხანს ჩაგველაპავდა ჩვენი ძველი და შეურთებელი მტრები—სპარსეთი და ოსმალეთი. ვამბობ, ჩვენ, სემინარიელებს ეს კარგად გვესმის და ვწინდა უსინდისობაა, რომ ამ აზრის ხალხზე ითქვას, რომ ესენი რუსეთის მო-

წინააღმდეგენი არიანო. ამით ყველა უსინდისო ცილისმწამებელი ადელეებს ამდენ ხალხს (სემინარიელებს) და ვინ იცის, რას აფიქრებინებს იმას. მართლა და იმდენად შეგვაფიქროვა ტვინიდან თავისუფალმა კ—სკიმ, რომ სწორედ სასო-წარკვეთილებაში ვართ ჩავარდნილი. მაგრამ მეორე მხრით მაღლი უნდა შევსწიროთ კ—სთანა კაცებს. იმან ჩვენს წაყრუებულ ცხოვრებას, ჩვენს მამა-პაპური ინერციით მოძრაობას ცოტა არ იყოს სხვა მიმართულება მისცა. დეე, ჩვენ გვტანჯონ, გვაწამონ, მოგვაკლონ ყოველგვარ კმაყოფილებას, შეგვიკორან ხელეები და დაგვამწყვდიონ სემინარიის ეზოში. არაფერია, ამ შევიწროებაში, ამ თავისუფლების მოკლებაში უხეირო და გამოუსადეგარი ჩვენი ამხანაგებიც იკრძობენ, რომ იმათ უსამართლოდ ექცევიან და ერთხელ მაინც თავის სიცოცხლეში ამოიღებენ ხმას ჩვენი ტირანების წინააღმდეგ, ერთხელ მაინც წაიბუტბუტებენ თავისუფლების სასარგებლოდ. ამ შემთხვევაში სემინარიულ ცხოვრებას ინტერესი ეძლევა... რაც უნდა იყოს სჩანს ცოტაოდენი მოძრაობა, ცოტაოდენი სიცოცხლე.

სემინარია ცოტ-ცოტათი იღვიძებს იმ საუკუნო ძილიდან, რომლითაც იმას ასე ტკბილად ეძინა ეხლამდის. მართალია, ამდენი შევიწროება, წიგნების კითხვის აკრძალვა და თავისუფლების მოკლება იმათ ბევრს მოაკლებს, მაგრამ სხვა კეთილი მოგვივა. ამგვარ აკრძალვებს ყოველთვის კარგი შედეგები ჰქონია, როგორც ისტორია მოგვითხრობს „Где больше строгости там греха меньше“.

შენიშნულია, რომ ჩვენ უფრო ის გვიანტერესებს, რაც აკრძალული გვაქვს. კაცის არსება ასეთნაირი ცნობისმოყვარეა, რომ ყველაფრიდან ხელს აიღებს, ოღონდ კი შეიტყოს ის, რაც იმას უნდა... ამ მხრითაც კ—სკის ქცევას მართებლობისათვის ვნების მეტი არაფერი სარგებლობა არ მოაქვს. თუ ამ საცოდავ კაცს მართლა კეთილის გულით სურს ხელმწიფის სამსახური, ნუ თუ იმდენად ბრმა არის (რასაკვირველია გონებით, ფიზიკურად ხომ მაინც ბრუციანია), რომ არ ესმის ამდენ შევიწროებას რა შედეგი მოსდევს! თავისუფალი რომ ვყოფილიყავ ამჟამად, უმეტეს ნაწილს დროისას სეირნობაში და გარედ, ნაცნობებთან გვაეტარებდი, მაგრამ აქ დამწყვდიეული რომ ვარ რა უნდა გავაკეთო, თუ არა ვიკითხო, მუდამ არ ვიფიქრო, ან არ ვიჯავრო იმ უსამართლობაზე, რომელიც ჩვენ სულს გვიხუთავს ამ უკანასკნელ დროებში. საბარალო კ—სკი რა მცირედ გვისმის შენ, შენი მოქმედების შინაარსი, რა შორს გაუხედივი რამე ხარ!..

14 მარტი

დღეს დარწმუნებით შევიტყე, რომ ჩემი საქმე გადაწყვეტილია. ვიცოდი რომ კუვშინსკი ეს სულით გლახაკი მიპირებდა მე გამოორიცხვას სემინარიიდან, მაგრამ ასე უსაფუძვლოდ და უსინდისოდ თუ ის თავისას გაიტანდა ჩვენს საცოდავ „პრაველნიეში“ არ მეგონა. საწყალი ჩვენი სემინარია. ამდენი ხალხის ბედი, რა მაიმუნების ხელშია ჩავარდნილი. რა კეთილი უნდა გამოვიდეს იმ „ზავედენიიდან“, საცა ასეთი გონებით გლახაკი რექტორი და სულით ღარიბი ინსპექტორი არის. აფსუსს, ნიჭიერო ქართლის შეილებო!..

დიახ, დღეს მგონი, უკანასკნელი საღამოა ჩემი აქ ყოფნისა. ხვალ რომ შაბათია, ექსარხოზი, ეს უმთავრესი ქურუმი აქაურობისა, გადასცემს „პრავლენის“ ჟურნალს ჩვენს ინსპექტორს და ეს უკანასკნელი მე გამომიცხადებს თავის ამდენი ხნის სურვილის ასრულებას. ფუ, კაცობრიობის ასეთს დამცირებას, რაგვარად უსინდისო და უშნო რამ არის ეს ყოვლად უბედური კაცი! ერთი შეხედვა იმისი იმდენად მეზიზღება, რამდენად გველის შეხედვა არ შემეზიზღებოდა, ან კიდევ ბრაზილის მაიმუნთან დამეგობრება.

გველი, გველია და მაიმუნი, მაიმუნი, მაგრამ ეს კაცის მსგავსი არსება რომ კაცი არ არის?... დააცქერდით ერთი იმის დაფანტულ და უაზრო პირის სახეს, შეხედეთ იმის ჩავარდნილ თვალებს, ვიწრო ნიკაპს, აბურძნულ თმას და თქვენ თვითონ სთქვით ვისა ჰგავს ეს სულიერი... კიდევ იტყვიან დარვინი სტუესისო. რა არის კუეშინსკი თუ არა ისევ ის მაიმუნი, რომელიც კაცს უახლოვდება? თუ არ მაიმუნი კაცი ხომ არ დაეძახება. მაშ რა? ინდაური? აბა გავსინჯოთ, გავავლოთ პარალელი ინდაურსა და ტფილისის სასულიერო სემინარიის ინსპექტორს შუა. ავიყვანოთ ერთი ინდაური და დაესვათ ისეთ პირობებში რომელშიდაც არის თითონ კ—სკი. აი თუ გინდ ის ინდაური, რომელიც თვითონ ამ კაცსა ჰყავს. ეს ინდაური მარტოკა ინდაურია ჩვენს სემინარიის ეხოშნ. ის თავისი ჩვეულებრივი სისულელით, როგორღაც არეულად დადის, უმეტეს ნაწილად დაჩუქებულია, თუ დანახა მფრინავი ბუზი გამოევიდება და იჭერს. დააცქერდით რა მალალი კისერი აქვს, რა მშვენიერი წითელი თავი, რა დაუდგრომელი ხასიათი. დაუძახეთ ერთი „ტუ-ლუ-ლუ-ლუ-ლუ“, ის ჯავრდება, მომართავს ორივე მხარეს, გაიბერება, რაც რამ შეუძლია და წამოიწევეს ერთს დიდის ძლიერებით და იხაზის „მოიცა მე შენო“... მაგრამ ეს ინდაური ამით მხოლოდ სულს მოითქვამს, ის ისევე დაეარდება და მიეცემა იმავე სიჩუმეს და „სიბრძნეს“, რომელიც იმის ხასიათს შეადგენს.

აბა ახლა ჩვენი სიმდიდრე კ—სკი: ეს უბედური უმეტეს ნაწილად ისე არის გაჩუმებული, თითქოს ცოლშვილი დახოცოდეს. არის თავჩალუნული და დაფანტული. თუ რამ უთხარი, ისე უცებ წამოვარდება, როგორც თავისი ინდაური, მაგრამ ისევ ისე დაეარდება, როგორც ისევ ის ინდაური. სწორედ ეს ინდაური ინსპექტორის მეორე ეკზემპლიარია. დარწმუნებული ვარ, ინსპექტორი სადმე რომ წავიდეს, თავის თანამდებობის აღმასრულებლად, ამ ინდაურს წარუდგენს „პრავლენის“ დასამტკიცებლად, უმეტესი ნაწილი „პრავლენის“ წევრებისა და ამტკიცებს იმას და ექსარხოზიც დათანხმდება. ერთი სიტყვით ერთიცა და მეორეც, რომ შევავერთოთ, გამოვა ბრაზილის მაიმუნი ინდოელი მამლის თავით...

მაგრამ ღირს კი ამდენი ვილაპარაკო ამ უბედურს. ღვთის ქმნილებაზე? არა! სწორედ არა ღირს. ჰეროსტრატემ ისეთი სისულელე ჰქნა, რომ არ შეგვიძლია იმაზე არ ვილაპარაკოთ, მაგრამ ეს ხომ იმდენად ნიჭიერი არ არის, რომ ისეთი სისულელე ჩაიდინოს, რომლის მოგონება ღირდეს!

დიახ, უნდა მოვშორდე ამ სემინარიას უკუნითი უკუნისამდე. უნდა დავანებო თავი ამდენ ტოლ-ამხანაგებს და ვინ იცის სად გადავიკარგები, რა გზას დავადგები, რა ასპარეზს ამოვირჩევ ჩემს ცხოვრებაში. თითქმის თავდება აქ ჩემს სიცოცხლეში შკოლური აღზრდა. მე ეხლა ცხოვრებაში ერთს ნაბიჯს გა-

დავდგამ, იმიტომ რომ, ასე თუ ისე მე უნდა ამოვიჩიო რაიმე პრაქტიკული საქმე ცხოვრებისაგან. ნეტავ, ვიცოდე რა ვიქნები, რა კაცი გამოვა ჩემგან? ნუ თუ ჩემგან უხეირო რამე გამოვიდეს! მაგრამ მე რომ ჩემი თავის რწმუნება მაქვს, მე რომ ვგრძნობ ჩემში რაღაც ძალას!.. ნუ თუ ამ რწმუნებამ, ამ ძალამ, ამ ძალის გრძნობამ უბრალოდ და ფუჭად ჩაიაროს?.. ნუ თუ ისე უხეიროდ და უკვალოდ გაჰქრეს ჩემი არსება უბრალოდ და უმნიშვნელო საზოგადოებაში!.. ახ, ნეტავ ჩვენს დროს, წინასწარმეტყველობა იყოს!..

მაგრამ არა! მე არა მგონი რომ ისე უხეიროდ, ისევე იმ მამაპაპურის გზით დავიწყო სიარული, სამწუხაროდ, რომლითაც ჩემი სემინარიელები ახლამდისაც დასერილობენ. არა, მე არ დავიჯერებ, რომ მე სემინარიელებსავეთ სადმე სასულიერო სასწავლებელში უხეირო მასწავლებელი ვიყო, იქაურ სტოლზე დავეკრა და სხვა ასპარეზი არა მქონდეს-რა. არა. მე ეს არ მინდა დავიჯერო. ჩემი ბუნება ასეთი უხეირო და დაბალი არ არის. ჩემს სისხლში ცოტა სიცოცხლის წყალიც ურევია და კარგად თუ ავად მე არ შემიძლია უბრალო, საშუალო ცხოვრებაში დავრჩე. მე ისე მინდა „*большому кораблю большое плавание*“, მე არ მყოფა მკვდარი სასწავლებლის მდგომარეობა, მე მინდა უფრო ცხოველი საზოგადოება, უფრო დიდი აზრენა, რომ ვიმოქმედო...

რით გავდივარ მე სემინარიიდან, რა მომცა მე აქაურმა სწავლამ? აი რა: სემინარიამ თვალემა ამიხილა და თავისთავზე დიდი აზრი შემადგენია. აი სულ ყველაფერი, რაც კი რამ მომცა სემინარიამ. აქვენ მკითხავთ, რას ჰქვია ეს თვალის ახელა, ეს აზრის შედგენაო, ეს მეტად განუსაზღვრელიაო... მე თქვენ გეტყვით, მაგრამ გეტყვით თავიდან, დალაგებით მოგახსენებთ.

მოგეხსენებათ, სემინარია კლასიკური „ზავედენია“. ადამიანის სულიერი მხარე აქ იზრდება და კეთდება, გონება „იხსნება“, ზნეობა „მაღლდება“. სულ ყველაფერი ეს ხდება სემინარიის პროგრამების შემდგენლების თავში, ნამდვილად კი სემინარიელები ძლიერ შორს არიან გონებით, ზნეობით და სხვა მხრის გახსნილად. მეტისმეტი უშინაარსოა სემინარიის სწავლა. თითქმის არაფერი ჰყვება კაცს იქიდან ისეთი, რომელიც ცხოვრებაში პირდაპირი გამოსადევი და სასარგებლო იყოს. თუ კი რაიმე ჰყვება, ძლიერ იშვიათად და ძლიერ ცოტა.

21 მარტი 1874 წ. სემინ. ბურსა.

დღეს გამომიცხადა მე ინსპექტორმა, რომ სემინარიიდან დავითხოვეთ! იმას ეგონა, რომ მე ამ ამბით შევწუხდებოდი, მაგრამ არ მომიკვდეს იმის ინდურის თავი, რომ მე არ შევწუხებულვყო. რამ უნდა შემაწუხოს? მე რომ ცუდი ყოფა-ქცევის და ზნეწამბდარი ცყოფილიყავი, ან უნიკო და უსარგებლო და ერთი რომელიმე ამ მიზეზებისა გამო. გამოვერიცხეთ ძლიერ შევწუხდებოდი, რადგანაც ეს შემთხვევა მე მაგრძნობინებდა ჩემს უვარგისობას, მაგრამ არც ერთი ამ მიზეზთაგანი არ იყო ჩემი გამორიცხვის საბაბი...

როგორიღაც უცნაურ და განუსაზღვრელ მდგომარეობაში ვარ ეხლა მე. მაგრამ, როგორც წინათ ვთქვი, მე ეს ძლიერ მიხარია. მაინც არ მინდოდა ნელნელა სიარული იმ მამაპაპური გზით, რომლითაც აღვირახსმული დაჰყავთ მოსწავლეები მთავრობის მათრახის შიშის ქვეშ. დეე, ჩავვარდე მე

გაუყაფავ ტყეში და თითონ მაძებნინონ ცხოვრების გზა. დეე, ვეწვალო. წვა-
 ლება, როგორც ბაირონმა სთქვა, უკეთესი მასწავლებელია. არც წიგნი, არც
 მასწავლებელი, არც მეგობარი არ ვასწავლის შენ ისე მკვიდრად და ბეჯითად,
 როგორც ცხოვრების გამოცდილება. უმთავრესი ნაკლოვანებანი სემინარიის და
 საზოგადოდ სასწავლებლებისა არის ის, რომ მოსწავლეები სანამ კლასის სკა-
 მებზე სხედან, ვინ იცის რაზე სწავლობენ, საბერძნეთის რომელ მეტაფიზიკზე
 ლაპარაკობენ, ან რომელი ბერის ბიოგრაფიას ზეპირობენ. გამოდიან თუ არა
 სასწავლებლიდამ არც კი იციან როგორ იცხოვრონ, რა მიმართულება დაიჭი-
 რონ, საზოგადოებას როგორ მოეპყრან, იმათ უნდა დაიწყონ ცხოვრების ანბა-
 ნიდან და სანამ ამ ანბანს ისწავლიდნენ უმეტეს ნაწილად რაც რამ უსწავლიათ
 ჩვენი ახალ-თაობის ქირის—კლასიციზმიდამ, თავიდან გამოსცივიათ...

მაგრამ თუ სწავლა და ცხოვრება, თეორია და პრაქტიკა ხელდახელ ჰყვე-
 ბიან ახალგაზრდას, მაშინ ის ახალგაზრდა ცხოვრებაში გამოსადევი კაცი უნდა
 შეიქნეს. ყველა დიდ კაცს იღბალი ლალატობსო, ამბობენ, ეს იმის ნიშნავს,
 რომ დიდი კაცი, რომელიც ხედავს თავის თანამედროვეთ შორს არ კმაყოფილ-
 დება იმ პირობებში, რომლებშიც ჩავარდნილია იმის თანამედროვეები, ის გა-
 დადის საზოგადო, ფართო შარიდამ, ვარდება ტყეში და თავისი გამჭირახი
 კუთით კაფავს ტყეს და გაიყვანს ახალ გზას. თანამედროვეები როდისმე გამოა-
 ხელენ თვალს და ცოტ-ცოტათი გაჰყვებიან გენიოსისაგან ახალ გაკაფულ გზას...

ლხინი სიზარმაცის ნათესავია, სიზარმაცე კი გონებრივი სისუსტის და სი-
 ცოცხლის დაკარგვის დილაა. სიზარმაცემ შვა სისუსტე, სისუსტემ შვა სიკვდი-
 ლი, სიკვდილმა შვა კუფშინსკი და ძმანი მისნი.

23 მარტი

ეს ორი დღეა თავისუფალი ვარ. როგორც იყო მოვემორდი იმ საზარელ
 ბურსას, რომელიც ასე უწყალოდ სტანჯავს ჩვენს ახალგაზრდობას. ღმერთო
 ჩემო, რა ცუდია, რომ კაცს თავისუფლება არა აქვს. შენ გინდა რაიმე წმინდა
 და მაღალ აზრებს მიეცე, გინდა იფიქრო კაცობრიობის ბედზე, ჩვენს დანიშნუ-
 ლებაზე, სიყვარულზე, სიცოცხლეზე, გინდა დასტკბე ბუნების სიმდიდრით და
 იგრძნო დაუსრულებელი, ბუნების ცვლილებები, შენ გინდა ყველა ეს ადამიან-
 ნური დანიშნულებები აასრულო, მაგრამ, ამ დროს მოდის მეორე, შენი
 ტოლი, რომელიც, ვინ იცის რაზე ფიქრობს, რაზე დარდობს, მოგკიდებს ხელს
 და შეგანძრ-შემოგანძრევს, ან თავში ჩაგარტყამს და ვინ იცის რაზე დაგიწყებს
 ლაპარაკს... შენ უნდა ჩამოხვიდე შენის ფიქრების სიმალიდამ, უნდა დასტოვო,
 ის ნეტარება, რომელსაც ხედავ შენ, შენის ფიქრებით და გრძნობით და აჰყვე
 იმ ვალობას, რომელსაც დაგიწყებს შენ, შენი ტოლი და ამხანაგი... გინდა შენ
 წიგნი იკითხო, წიგნი არა გაქვს, თუ იშოვე იმასაც გართმევენ, გინდა სწერო
 რამეზე, გინდა შენი დარდები თეთრ ქაღალდს უამბო, ან სადილად გირეკავენ,
 ან ვახშმად, ან ლამპას გიქრობენ და საწოლ ოთახში გაგდებენ... შენ სრულე-
 ბით არა ხარ შენი თავის პატრონი, ხელ-ფეხი შეკრული გაქვს, ტვინს მუშაობა
 არ შეუძლია და გულს გრძნობა...

ამგვარ გარემოებაში მივივრს, როგორ უნდა ამაღლდეს ადამიანის ჭკუა, როგორ უნდა ჩაისახოს კაცში ის პატიოსნება, რომელიც უმთავრესი საგანძურია და პირობაა ჩვენი აღზრდა-განათლებისა. აქ მარტო ჩხუბს და ოინობას სწავლობენ. რაც უნდა ბუნებით მდიდარი იყოს კაცი, ამ დავიდარაბაში არ შეიძლება დაიპიროს მავარი და კარგი ხასიათი. იტყვიან, ხასიათი მარტო ცხოვრებაში კეთდება. ვინ იტყვის ეს ტყუილიაო, ფრანკუხის ხასიათი კაფერესტორანებში და კლუბებში კეთდება; ინგლისელი თავის დამჯდარი და მკვიდრი ხასიათით მშობლიურს და საზოგადოდ ინგლისელების მიმართულებას მისდევს. ეს ჭეშმარიტებაა, მაგრამ თუ დაუკვირდებით პატიოსან და მკვიდრ ხასიათს, თუ ავიღებთ ისტორიულ პირთა, რომელთაც გამოუჩენიათ მავარი ენერგია და ხასიათი, ჩვენ დავრწმუნდებით, რომ ყველა ესენი (უმეტესი ნაწილი შინც) უმეტესად მარტო ცხოვრობდნენ და საზოგადოებაში ცოტას მონაწილეობდნენ, ვიდრე თავიანთ ხასიათს კარგად არ დამკვიდრებდნენ. ავიღოთ მაგ. ნაპოლეონი, მაჰმადი, ქრისტე, სპინოზა, ნიუტონი, ფიხტე, კონტი, კანტი და ათასი სხვა. რას ვხედავთ ჩვენ ამათ ხასიათში. ყველა ესენი ახალგაზრდობისას მარტო იყვნენ და თავის თავზე მინებებული იმათ თავიანთი ხასიათი და ჭკუა-გონება აღზარდეს ისე, როგორც თვითონ სურდათ და გამოვიდნენ მავარისა და მკვიდრი ხასიათის კაცნი. კაცი, რომელიც მარტო ცხოვრობს უმეტეს ნაწილად ერთ-მხროვნია და ამიტომ იმისი ნებაც ერთი მხრისაკენ იზრდება, მაშასადამე, იმისი ხასიათიც რივიანად არის გავარჯიშებული ერთი მხრისაკენ და იმის დარღვევას დიდი შრომა უნდება. ამის გამო მარტო მყოფები უფრო მკვიდრის ხასიათისანი არიან ვინემ პატარაობიდანვე საზოგადო ცხოვრებაში ჩავარდნილები, ჩვენი ბურსაკებოვით. ამ უკანასკნელ კატეგორიის კაცებში ითვლებიან ისეთი დიდი გენიოსები: როგორიც გიოტე, ბეკონი, ლეიბნიცი, რისთვის? იმისთვის რომ ისინი აღიზარდნენ მრავალ-მხრიან და მოუსვენარ საზოგადოებაში. ყველა წვერი იმ საზოგადოებისა თავისაკენ იზიდავს იმ, თუ გინდა მალალ ჭკუას. ერთი დასრულებული ხასიათი ვერასდროს ვერ შემუშავდება იმ საზოგადოების ვაი-ვაგლახში, სხვა რომ არა იყოს რა, მარტო ამ მხრითაც ცუდი ამდენ კაცში ცხოვრება. ხასიათი—ეს ადამიანის სიმდიდრე და გამამშვენიერებელი მისალა აკლდება აქ კაცს. საჭიროა კაცისათვის მყუდრო და თავისუფალი ადგილი; აი ისეთი, რომელშიც ვარ ეხლა მე. ჩემს წინ დგას პატარა, კოხტა ლამაზა. ზემოდამ იმისი თეთრი სახურავი როგორღაც დაფიქრებულად და აზრიანად ანათებს ამ ჩემს პატარა კაბინეტს. ლამის თერთმეტი საათია. სძინავს ყველას ამ ჩვენს უბანში. მისწყდა ეტლების ხმა. მე ფაუსტივით ვარ ჩემს პატარა კაბინეტში (იგივე საწოლი, სასაღილო, საყმაწვილო, საშაურულო, ბიბლიოთეკა და სხვა მრავალი) და ვემუსიიდები ჩემს თავს. ათსგვარი ფიქრები მომდის თავში. შინდა ყველას დაუკვირდ, შინდა რაიმე გავაკეთო, კარგ ვაას დავადგე— „Что от века не отстать“.

საწყალი ბურსაკები... ახლა სძინავს ყველა იმათგანს და ვინ იცის რას ხედავენ სიზმარში, რომელ მასწავლებელს უგებენ ვაკვეთილს, ან ეჩხუბებიან ცუდი „ბალისათვის“ საწყალი ბურსაკები... შეგიძლიათ ივრძნოთ, თქვენ რა რიგ სასიამოვნოა კაცისათვის თავისუფლება? ახ, რა კარგია, რომ მე ეხლა

შემიძლია როგორც მინდა ისე ვიფიქრო, ისე მოვიქცე. რასაკვირველია, სრულ თავისუფლებაზე მე აქ არ ვამბობ, ეს ჯერ შორსაა... ისე მაინც თავისუფალი ვარ, როგორც გალიაში ჩიტი. ბურსაკები კი შიგ გალიაშიც ხელფეხ-შეკრულები უმოწყალოდ იტანჯებიან და თავის უკეთეს დროს და სიყმაწვილეს უმიზნოდ და უპაზროდ ღუპავენ ამათ ხელში... ახ, ნეტავი თქვენ თავისუფალნი ვართ, ნეტავი თქვენ ჰეინე და ბერნეე!....


ერთის მხრით პრაქტიკამ, მაგრამ უფრო უმეტესად გერასიმე კალანდარიშვილის გაელენამ ერთი დიდი, შესანიშნავი გზა მიჩვენეს. ამ გზით უნდა იაროს ყველა ადამიანი, თუ არ უნდა რომ კაცის, ადამიანის სახელი ტყუილად არ ერქვას იმას. ყველამ იცის ეს გზა, მაგრამ უმეტესი ნაწილი კაცობრიობისა, სამწუხაროდ, არ მისდევს იმას. მე ვამბობ „ენერგიულ და გონიერ შრომაზე, მტკიცე და პატიოსან ხასიათზე“. ნამეტურ პატიოსნება... ახ, გაფიცებთ თქვენ კაცობრიობას, გაფიცებთ თქვენ კაცის გულის მეფა—ბეთხოვენის მუსიკას, თქვენ კაცური გრძნობის მექონნო: აკაკი, სკანდელი, და სხვანო მრავალნი, სთქვით მართალი, გერასიმე კალანდარიშვილს, იმის წმინდა სახელს შეიძლება ჰკადროს კაცმა პატიოსანი არ იყოო? ოხ, მაშ, არ ვიცი რას ჰქვია პატიოსნება. ბერნეს თქმისა არ იყოს, თქვენ მხოლოდ მაშინ ხართ პატიოსნები, როდესაც კალამს აიღებთ ხელში. ამ დროს პატიოსნება ცხვირზე დაგაჯდებათ, მაგრამ, ვაგაღებთ თუ არა კალამს, ეს უმთავრესი ღირსება კაცისა კოლომბუზივით აისხამს ფრთებს და გაფრინდება სადმე შორს, ცხრა მთის გადაღმა კალანდარიშვილებთან და გოგებაშვილებთან... დიახ, მე თქვენ გარწმუნებთ, თქვენ „სიტყვების ფაბრიკანტებო“, რომ გ. კალანდარიშვილი ჩვენი საუკეთესო იმედი იყო. იმან თან ჩაიტანა სამარეში ეს იმედი და ჩვენი განუსაზღვრელი სიყვარული.

რა დიდის კრძალულებით და გულითადის პატივისცემით ვკითხულობ მე ი. გოგებაშვილის წერილს გერასიმეს გარდაცვალების შესახებ.

თანდათან ვრწმუნდები, რომ ჩემი წინანდელი შეხედულება ცხოვრებაზე ვერ არის რიგიანი. მართლა რა უხვირო დევნიზა „плыши по течению“, ბიჭოს, ეს იგივე არაა რაც წყალმა წავიღოს?.. ბიჭიც ის არის და ვაგაკის გულიც იმასა აქვს, ვინც ამ სტიქიის წინააღმდეგ წავა! ყველა, ვინც კი ვაჭყლია მიმდინარე წყალს, გამჭრალა ისტორიის გვერდებიდან, შეეერთებია საუკუნო დავიწყებას, მაგრამ ყველა, ვისაც კი ცოტათი მაინც მოუნდომებია მდინარის წინააღმდეგ წასვლა, მისცემია საუკუნო ხსენებას. კაცობრიობა მადლობით იხსენიებს ამგვარ ადამიანებს.

მიმდინარე წყლის წამყოლს დაკარგული აქვს ყოველგვარი თავმოყვარობა... რასაკვირველია მე ამით, იმას კი არ ვამბობ, რომ კაცმა რაც უნდა ჩაინდინოს კარგი თუ ცუდი ოღონდ კი მიმდინარეობის წინააღმდეგ წავიდეს და ასეთი კაცი დაახსომდება ისტორიას-თქო. არა, უკიდურესობა (крайность), როგორც საზოგადოდ, კარგი არასოდეს არ არის, იმასთან რაც უნდა შესანიშნავი რამე ქნას კაცმა, თუ ის ამისათვის სჩადის, რომ დაიანახოს თავისთავი ქვეყანას, ის ჰკარგავს ღირსებას.. რომ იტყვიან надо отличаться чем-нибудь, ამაზე უსაძავლესი ქვეყანაზე არაფერია. ამას ისევ წყლის წამყოლა სჯობია...

მაგარი ხასიათი და პატიოსნება, მასთან ჭკუა და გრძნობა—რას არ იზამენ ეს საღმრთო სიტყვები. ესენი კი წავლენ მიმდინარეობის წინააღმდეგ, თუ გინდ მთელი ზღვა-ოკეანე გახდეს მდინარედ. მე სულით და გულით მსურს დავადგე იმ გზა-კვალს, რომელზედაც იღვა გერასიმე კ—ლი.....—გუშინ შევიტყვე, ექსარხოხს უკითხავს ხელიძისათვის ²⁰, კალანდარიშვილი რომ მოკვდა ძლიერ სწუხ-



ნიკო ნიკოლაძე (სკანდელი) 70-იან წლებში

დაო? იმის ფიქრით, ის რომ კვდებოდა, ვითომ ძლიერ სწუხდა, რადგანაც ვერ მოესწრო კარგად დაემკვიდრებინა ის, ქართველების ლიბერალური საზოგადოება, რომელიც ექსარხოხის და კ—სკის თავებში არ არსებობს. ლმერთო ჩემო, საფლავშიც არ ასვენებენ ამ კაცს. სად არის ქვეყანაზე პატიოსნება, სიმართლე, მართლმსაჯულება? აფსუსი არ არის კ—სკი ფეხზე იდგეს და გერასიმე მიწაში იყოს?.. მეორე ვარიანტით ისე გამოვიდა ეს ამბავი, ვითომ ექსარხოხს ეთქვას, —კ—ლს შეეშინდა, რომ შეატყობენ იმის საზოგადოებაში მონაწილეობას და ამ შიშმა იმგვარად იმოქმედეს მასზე, რომ ის მოკვდაო...

ლიახ, ხვალ აღდგომაა. ათასი და მილიონი გული ხარობს ამ წუთში. მესმის ჩვენს მინდორში თამაში, ვალობა, სიმღერა, მესმის პატარების სიხარული. ნეტავ, შემეძლოს მე მათთან ხტომა, ნეტავ შემეძლოს გავეცვალო ამ დროით ჩემი კუჟა-გონობა სოფელელის კუჟა-გონებაზე. ახ, რა კარგად ვიგალობებდი, რას ვიხარებდი. მე ეხლა ხომ არ შემეძლია გამოვთქვა ყველაფერი.

10 აპრილი 1874 წ. ქუთაისი

3 აპრილის შემდეგ მე კიდევ ვიყავი ჩემს მშობლებთან—ხუთ აპრილს ღამით წამლებიანად. მე და მიხეილი შინ ვიყავით და ჩემდა სასიხარულოდ დედაჩემი ცოტა უკეთ დამხვდა... შეიდ აპრილს მე აქ მოვედი ისევ... რვას ვნახე ნინო, რომელიც ჩემი ტელეგრაფის მიხედვით ჩამოვიდა ყვირილიდამ (მე ვაგზალზე დავხვდი ამ ჩემს დაუფასებელ მეგობარს). ცხრას გამოვეთხოვე მას და დღეს რომ ათია, თვატრიდამ დაბრუნებული ორ საათზე, ღამით, ვზივარ ზაქარიას²³ ოთახში და ვაბარებ ამ თეთრ ქალადს ჩემს „განწირული სულის კვეთებას“.

3 აპრილსა და 9 აპრილს-შუა რაც მოხდა, მე იმას ჩემს სიცოცხლეში ვერ ვეტყვი ამ ქალადს. ეს ცოტა გაუტანელი სიგანია, ვაი თუ სხვას უთხრას ჩემი სულის ისტორია. ვიტყვი მხოლოდ, რომ ამ დღეებში მოხდა შესანიშნავი ცვლილება ჩემს სიცოცხლეში. ამ დღეებში მე ჩემს დღეში პირველჯერ მოვინდომე შემსრულებია ერთი რამ, რომელსაც მთელს ჩემს სიცოცხლეში დიდი მნიშვნელობა ექნებოდა... მაგრამ ჩემმა ვარსკვლავმა მილაღატა და მე უმაღლესი, ყველა ჩემი სურვილებიდან მხოლოდ სურვილი-ღა დამრჩა...

24 აპრილი 1874 წ. ცაიში.

ამ წლის დამდეგს ვსჩიოდი, რომ წარსული წელი ჩემთვის უბედური წელიწადია-თქო, მაგრამ ეს წელი, საუბედუროდ, კიდევ უარესი შეიქმნა. ამ ოთხ თვეში ისეთი ცვლილებები მოხდა ჩემს სიცოცხლეში, რომელსაც საუკუნო გავლენა აქვს ჩემზე. დამითხოვეს სემინარიიდან, ეს არაფერია, მომიკვდა უუბატივ-ცემულესი და უსაყვარლესი ჩემი მეგობარი, როგორც იყო ესეც ავითანე და ეხლა, ამ უკანასკნელ დროს, როდესაც მე უამისოდაც დაღვრებით და წყრომით შეესტქეროდი ჩემს ვარსკვლავს და ჩემს სიყმაწვილეში მოწყალე იღბალს, ეხლა ამ განწყობილების ხანაში მომიკვდა ჩემი უუსაყვარლესი დედა... რა უნდა უთხრა ან ვარსკვლავს, ან იღბალს, ან ღმერთს, თუ სადმე არიან ესენი?..

მოკვდა ჩემი მშობელი დედა, რომელმაც ცხრა თვე მუცლით მატარა და ოცდაორი წელიწადი ვეცოდებოდი, ვუყვარდი და თავს მეველებოდა. მომიკვდა ჩემი საყვარელი მშობელი.

აი გაჰქრა ჩვენს თვალწინ ერთი ფრიად შესანიშნავი და სიკეთისათვის გულმტკიანევი ქალი, გაჰქრა იმიტომ, რომ იმას ყველაფერი უყვარდა, ყველაფერი ანგელოზად მიიჩნდა, მაგრამ ცრუ ანგელოზებმა და საძულელმა პირობებმა ამაროთვეს იმას თვისი მოყვარე სული.

შენიშვნის ღირსია ისეთი ქალები, როგორიც დედა-ჩემი. ამას ყველაფერი უყვარდა ქვეყანაზე. ერთი ნამცეცი სიძულვილი, ერთი ნამცეცი ბოროტება

ეძახიან, შურიანი ყოფილა, არ ვიცი რამ გააჯავრა, მაგრამ დარწმუნებული ვარ ღმერთი ვისმესგან გაჯავრებული ამ დროებით. ნეტავ ვიცოდე ვის უნდა გაეჯავრებია ეს „უსულთფარძელისი“ ბებერი. ალბათ კუვშინსკი ეტყოდა რასმე ქართველებზე და სწორედ ამიტომ ამ საუკუნო ბებერმა ზურგი შემოგაქცია და უკეთეს ჩვენგანს იტაცებს ამიერ სოფლიდამ. სწორედ ამისათვის შემეშხვა ამდენი უბედურება ამ წელიწადში. მე არ ვბუმრობ, კუვშინსკი უბრალო კაცად როდი მიმაჩნია. ის მხოლოდ კაცის მსგავსია, თორემ იმაში ან ეშმაკის სული უნდა იყოს, ან ძაღლისა (ისიც მეძებრის). ვინ იცის ეგებ მიავნოს სადმე ღმერთს და უამბო, რომ საქართველოში „ნიგილიზმი“ ჩნდება.

დედა დაგეარგე სამუდამოდ, მისი მხოლოდ სსოვნა დამრჩა ამიერიდან, რომელსაც ყველგან ვატარებ, მაშაც უქმყაყოფილა ჩემი... სიმართლევ მის მხარეზეა... უნდა გავცილდე აქაურობას, უნდა გადავიყარო შორს, თუმცა ჩემს ვარსკვლავსა და კუვშინსკისთან მოსაუბრე ღმერთს არ მივენდობი არასდროს. მე სხვა გზა უნდა ავირჩიო... შშობელი დედის სიყვარულიც—მეყოფა. მაშა კი, შეიძლება დღეს გულგრილია, მაგრამ მაინც არ დამწყველის და ბოლოს თუ მიზანს მივაღწეე მისს ლოცვასაც ხომ მივიღებ! მოთმინების ფარგლებში ეს დრო არც ისე შორს იქნება. დედა-ჩემს უყვარდა ხალხი და მეც უნდა შევიყვარო იგი, თუმცა სხვა გზითა და სხვა შინაარსით. ეს შინაარსი არა მგონია რომ უსარგებლო დარჩეს...

უ შ ე ნ ი უ ვ ნ ე ბ ი

1. ს ტ რ უ გ ო ვ ე შ ჩ ი კ ო ვ ი —რუსი მწერალი და მთარგმნელი გოეტეს და სხვა უცხო მწერალთა თხზულებებისა.

2. გ რ ე კ ო ვ ი, ნ ი კ (1810—1886) რუსი პოეტი, მთარგმნელი, განსაკუთრებით თარგმნიდა ინგლისურსა, ფრანგულსა და გერმანულ ენებიდან. აქვს ორიგინ. ლექსებიც. გამოცემულია ცალკე კრებულად (1860).

3. „დ რ ო ვ ბ ა“ —გამოსვლა იწყო 1866 წლ. გიორგი წერეთლის რედაქტორობით (ყოველკვირეულად). 1869 წლიდან რედაქტორობა გადაეცა სერგეი მესხის, რომლის ხელში ყოველ-დღიურ გაზეთად იქცა (1877). „დროება“ გამოდიოდა 1885 წლ. 14 სექტემბრამდე. 1883 წ. მესხის გარდაცვალების შემდეგ, გაზეთის რედაქტორი იყო ივ. შანაბელი. „დროების“ უახლოესი თანამშრომლები იყვნენ: ილია, აკაკი, ნ. ნიკოლაძე, სერგეი მესხი, ა. ცაგარელი, ვ. პეტრიაშვილი, მოსე ჯანაშვილი, პ. უმიკაშვილი, ი. შანაბელი, ა. ყაზბეგი, ი. მეუნარგია და სხვ.

4. ს კ ა ნ დ ე ლ ი — ნ ი კ ო ნ ი კ ო ლ ა ძ ე (1843—1928) ცნობილი ქართველი პუბლიცისტი და საზოგადო მოღვაწე. მისი რედაქტორობით პარიზში 1878 წელს გამოვიდა გაზეთი „დროზა“. 70-იან წლებში სწერდა სკანდელის ფსევდონიმით.

5. ფ უ რ ტ ე ლ ა ძ ე, ა ნ ტ ო ნ (1839—1913) ქართველი მწერალი, პოეტი და ბელეტრისტი; ხალხონური იდეების მქადაგებელი. 70-იან წლებში ანტ. ფურცელაძემ მისცა პირველი გაბედული და ღირსეული შესესება ფურნ. „ეისკრის“ ფურცლებზე დ. კონჭაძის „სურამის ციხეს“.

6. წ ყ ა ლ ტ უ ბ ე ლ ი — გ ი ო რ გ ი ო ს ე ლ ი ა ნ ი (1847—1919) — პედაგოგი, ფერნანდისტი და საზოგადო მოღვაწე, განვითარებული პირი საზოგადო სწავლაში აგრეთვე პედაგოგიკაში და ჩვენს ლიტერატურაში* (ი. გოგებაშვილის სიტყვებით).

7. ა ვ ა ლ ი შ ვ ი ლ ი ნ ი კ ო (1844—1929) —სას. სემინარიის მოსწავლე. შემდეგ ფურნ. „მნათობის“ რედაქტორ-გამომცემელი და თეატრალური მოღვაწე.

8. ქ ი ქ ო ძ ე მ ი ხ ა — იურისტი.

9. ლაბუღე, ედუარდ რენე (1811—1883) ფრანგი რომანისტი და საბავშვო მწერალი, სახელი გაითქვა იურიდიული დარგის გამოკვლევებით. წერილ-ბურჟუაზიული ინტელიგენციის ერთ-ერთი მნიშვნელოვანი წარმომადგენელი. ნაპოლენ პირველის დამარცხების შემდეგ სრულიად მიანება თავი პოლიტიკურ მოღვაწეობას. მის თხზულებათაგან აღსანიშნავია სატირული ნაწარმოები „პარიზი ამერიკაში“, „თავადი—ფინია“ და სხვ.

10. ასოვ რენე ნიკოაი —ალ. ჰუშენის მიერ დაპირებული ყველდღიური სამეცნიერო, პოლიტიკური და ლიტერატურული ჟურნ. გამოდიოდა პეტერბურგში 1896 წლ.—1896 წლ. ამ ჟურნ. ერთდროს ხელმძღვანელობდა (1856) ჩერნიშევსკი, შემდეგ დობროლიტოვი. ჟურნალს დიდი გავლენა ჰქონდა საქართველოს მოწინავე ინტელიგენციასზედაც.

11. კერსკი — სინოდის ობერ-პროკურორის რწმუნებული რევიზორი. 1873 წ. მისგან მოხდენილი რევიზიის შედეგად ტფილისის სას. სემინარიიდან გამოირიცხნ მრავალი მოწამე, ზოლო იაკ. გოგებაშვილის მუშაობა სას. სასწავლებელში მიიჩნია დაუშვებლად, მისი მიუღებელი იდეოლოგიის გამო, რომლის გავლენა დიდი იყო მოსწავლეებზე*. ამ კერსკის შესახებ პოეტო, გრ. ორბელიანი ერთ-ერთ თავის კრძო წერილში ირონიულად სწერდა: „ჩემო-საყვარელო რძალო სოფოო. იყო კაცი და სახელი მისი—არ ვიცი (კერსკი—ს. კ.)—მოგლინებული ამ ზაფხულს სინოდიო რევიზორად ტფილისის სემინარიისა, რა ნაზა და ანუ რა არა, რა მოგასენო, მხოლოდ ეს კი ვიცი რომ, როდესაც ღრმისა მადლგანიერების ქვაში დაადნეს სემინარიის საქმენი, გამოვიდა ბოლოს ესე, რომ მმართველობისა მოუწყვეტელმა მზრუნველობაში აღიყვანა განათლება და კეთილდღეობა საქართველოსი ისეთს ხარისხზე, რომ ამას იქით ქართველის მიღვლისათვის საქართველოსი ალარ არის საჭირო ცოდნა ქართულის გნისა, ესე იგი, ალარ უნდა ილოცონ ქართველებმა ქართულს ენაზე, რომლისა სწავლა ამას იქით იქნება მხოლოდ უსარგებლოდ დაკარგვა დროისა; მაშასადამე, სემინარიაში უნდა მოისასნ სწავლა ქართულის გნისა, რომელსა ამასთანავე არცა ქონია მდიდარი ლიტერატურა. ასე არჩიეს ამ ზაფხულსა არქიერმა, რევიზორმა და მეტადრე ერთმა ქართველმა მღვდელმა, რომელმანცა თავგანჯობებით, გულსმოდგინებით და დიდს მჭევრმეტყველებით რჩევაში დაამტკიცა თუ ვითარს წარმატებაში და ბედნიერებაში შევა საქართველო, როდესაც ქვეყანაზე გაქრება სასლენეტი ქართულის გნისა.—ჯერაც ცოცხალია ქვეყანაზე გამცემელი და იუდა (ზაზი ჩენია—ს. კ.). ამა გულის სალაზერო ამბავმა დავაწყებინა ყყაინი. საქართველოსი: ურიობი თათრები, სომხები, ლოტრანები, ილოცვენ თავიანთს ენაზე და არაეინ არის დამწლევი მათი. თვით ფრანგებიც კი (ქართველი კათოლიკები—ს. კ.) ქართულს ენაზე ჰგალობენ და მხოლოდ ქართველებს უნდა მოესპოთ ქართულ ენაზე ლოცვა? რაია?.. ესოდენ სხვადასხვა ხალხთა შორის მართო ქართველი ამოურჩევით დასაზარავად! ამ საქართველოს ბედი!“. ცხადია, გრ. ორბელიანის წუთილი, მართო გულისას როდე ეგება, ეს მხოლოდ საბაზია ინდროისათვის მისალბი. ნამდვილად კი, პოეტო „ენის წახდენის“ წინააღმდეგ მებრძოლი, დასკრის ქართული გნის შევიწროებასა და ქართველი ერის ბედს, რომელიც კერსკისა და კუეზინსკისა საჯოჯგნი გამზადარიყო ცარიზმის წყალობით.

12. დობროლიტოვი ნიკოლოზ ალექსანდრევიჩი (1836—1861)—გამოჩენილი რუსი კრიტიკოსი—პუბლიცისტი. ჩერნიშევსკისთან ერთად ერთ რადიკალ-დემოკრატიული აზროვნების თვალსაჩინო წარმომადგენელი.

13. ჩერნიშევსკი ნ. გ. (1828—1889) რუსი მწერალი, სამოციანი წლების გამოჩენილი კრიტიკოსი—პუბლიცისტი. დიდი რევოლუციონერი და მებრძოლი. ლენინის სიტყვით „მარქსის წინა ბერიოდის უდიდესი სოციალისტი“.

14. კეხელი დავით (1854—1907) ცნობილი ჟურნალისტი, 1873 წ. სემინარიის განბრეკის დროს აღმოჩენილ იქნა კეხელის დღიურები, რომელნიც შეიცავდნენ მთავრობის საწინააღმდეგო მოწოდებას. სემინარიის მთავრობამ გარიცხა იგი არაკეთილსამიშობისთვის. ამ წრეში მოჰყვა ი. მეთუნარია. სტ. ტრელაშვილი, და სხვა მთელი ჯგუფი სემინარიელთა, რომელნიც დაისაჯნენ ვარიტებითა და პატიმრობით, ზოგიც გადასაღლებით (მაგ. დავ. კეხელს-მისაჯა მ თვით პატიმრობა). კეხელი თანამშრომლობდა რუსულ-ქართულ გახეთქებში. მისი-უსვდენიშები იყო: „დავით სოსლანი“, „ზოილი“, „არაგველი“.

* ეს ლექსი იყო ტურციე (ტურიაშვილი)—ს. ც.

15. პისარევი, დიმიტრი ივ-ძე (1840—1898) რუსეთის სახელგანთქმული პუბლიცისტი და ლიტერატურის კრიტიკოსი.

16. მიხეილ მეუნარგია—ამ დღიურების ავტორის მამა, დეკანოზი ცაიშის ყოფსაკათედრო მონასტრისა (მის შესახებ იხ. ჟურნ. „მწყემსი“ 1904 წ. № 19).

17. გერასიმე კალანდარიშვილი (1836—1874)—ქუთაისის სასულიერო სკოლის მასწავლებელი, განათლებული და იშვიათი ხეობის ადამიანი, დიდი გავლენა ჰქონდა მოსწავლელ ახალგაზრდობაზე, ამიტომაც განიცდიდა დენას მეფის მთავრობისაგან, ავტორი პართული სკოლებისათვის რუსული სახელმძღვანელოსი, რომელიც გამოდიოდა 1866 წლიდან. იგი ქლეჭით შეპყრობილი სრულიად ახალგაზრდა გარდაიცვალა ქ. ქუთაისში.

18. ნინო ათანასე ქიქოძის ასული-კალანდარიშვილისა (დ. 1855 წ.) პირველ ხანებში გათხოვილი აქვე მოხსენებულ გერასიმე კალანდარიშვილზე, მისი გარდაცვალების შემდეგ მისთვისდა გურიაში ცნობილ სახალხო მასწავლებელს გიგო შარაშიძეს. ამჟამად ცოცხალია.

19. კუეშინსკი, ივანე—სასულიერო სემინარიის ინსპექტორი (მისი დაზასიათება იზილეთ ამავე დღიურებში, 1874 წლ. 11, 14, 23 მარტისა და იაკ. გოგებაშვილის თხზულებათა კრებულის ტ. მეორე, გვ. 336).

20. ხელიძე, გიორგი—მღვდელი, რედაქტორი ჟურნ. „სასულიერო მახარობლისა“.

21. ფაფორსკი—სემინარიის მასწავლებელი 70-იან წლებში.

22. დედა იონა მეუნარგიასი სუსანა, ეგნატე გაწერელი ას ასული, გარდაიცვალა 1874 წლის 21/IV-ს.

23. კ—ლი, ზაქარია—კვიშვილი, ქუთაისელი, სტენის მოყვარე და საზოგადო მოღვაწე.

გიორგი ნათაძე

ალექსანდრე შიშოვის (ვრონლის) „დღიურებისათვის“

საქართველოს სახელმწიფო ლიტერატურულ მუზეუმში დაკული ალექსანდრე ყიფნის არქივი, რომელშიაც აღმოჩნდა „დღიური ერთი სემინარიელისა“. დღიური ალ. ყიფნის უწარმოებია თბილისის სასულიერო სემინარიაში მოწაფეობის დროს 1878—1882 წწ. ეს დღიური მნიშვნელოვანი ლიტერატურულ-ისტორიული დოკუმენტია.

თბილისის სასულიერო სემინარიას დიდი მნიშვნელობა ჰქონდა ჩვენი საზოგადოებრივი ცხოვრებისა და აზროვნების განვითარებაში. 1817 წლიდან, საქართველოში საბჭოთა ხელისუფლების დამყარებამდე, ეს სასწავლებელი საშუალო დიდი სასწავლებელი იყო, სადაც თავს იყრიდა სოფლის ახალგაზრდობა. სემინარიაში სწავლობდნენ მღვდელ-დიაკვნების შვილები, რომლებიც იზრდებოდნენ სოფლად გლეხურ გარემოცვაში. ესენი სწავლის დამთავრების შემდეგ ისევ სოფელს უბრუნდებოდნენ მღვდლებად და მასწავლებლებად.

დაარსებიდან—1817 წლიდან, მის მოსაზრებამდე (1917 წლამდე) სემინარიაში არსებობდა მტკიცედ დამყარებული მონასტრულ-ფისკალური აღზრდის რეჟიმი და სწავლების სისტემა სოფლებიდან ჩამოსული ჯანსაღი და გონება გაღვივებული ახალგაზრდობა აქ ექებდა საღ საზრდისა და გონებისათვის, მას ვერ აკმაყოფილებდა სემინარიის შშრალი, უშინაარსო სქოლასტიკური საცემები, მათი მოწვევებულები ცნობის მოყვარეობა აქ ვერ პოულობდა საზრდოს, ამისათვის ახალგაზრდობა სემინარიის კედლების გარეშე ექებდა სულიერ მოთხოვნილებების დამკაცოფილებას. აქ იწყება სათავე სემინარიის მოწაფეთა და მათ აღზრდულ მასწავლებელთა ორ მტრულ ბანაკად გაყოფისა. ამ ორ ბანაკს შორის დაუსრულებელი ბრძოლა იყო მთელი საუკუნის განმავლობაში.

ქართველ სემინარიელებს მეტი საბუთი ჰქონდათ თავიანთი უფროსების წინააღმდეგ უწყალო ფილებისა, სემინარიაში აღზრდულ-მასწავლებლები, რექტორი, ინსპექტორი უზრავლესობა რუსი მონარქისტები იყვნენ, მეფის რუსეთში უფარგისნი, საქართველოში იგაზნებოდნენ პედაგოგებად. საქართველოს სასწავლებელში და განსაკუთრებით სემინარიაში, რუსიფიკატორული პოლიტიკა იყო გამეფებული. მოსული მასწავლებლები რუსი მონარქისტი პედაგოგები, თავისი სასტიკი მოქცევით მოწაფეებისადმი, რუსიფიკატორული პოლიტიკის გატარებით ცდილობდნენ უმაღლესი მთავრობის ყურადღების მიპყრობას და კარიერის მოპოვებას. სემინარიაში ქართულ ენას, ლიტერატურას არ ასწავლიდნენ. ქართულ ლაპარაკს უკრძალავდნენ, ქართული წიგნების და ჟურნალ-გაზეთების კითხვისათვის სასტიკად სჯიდნენ.

სამშობლო ენის ასეთი დევნა და გროვნილი გრძობის შელახვა, სემინარიის მოწაფელებს უფრო მეტ სიყვარულს უღვივებდა სამშობლო ლიტერატურისადმი, მეტის ხალისით კითხულობდნენ ქართულ წიგნებს და ჟურნალ-გაზეთებს, ყოველ კლასს ჰქონდა თავისი ხელნაწერი ჟურნალი მშობლიურ ენაზე, ეს ჟურნალები დიდად უწყობდა ხელს სემინარიის მოწაფეთა მასაში თავისუფალი აზროვნების დანერგვას, ეროვნული შეგნების გაღვივებას. სემინარიის მთავრობა ამისათვის მოწაფეების სასტიკად სდევნიდა: უჩხრეკდნენ ყუთებს, ბინებს, ლოგინებს, აწარმოებდნენ მოწაფეებზე უუცარ თავდასმას, ქართულ ჟურნალ-გაზეთების და აკრძალული წიგნების წართმევას. მეთვალყურეები დაგეშილი მეძებრებრივად ფხვნიდნენ დასდევდნენ შეგირდებს, ცდილობდნენ არ გამოპაროდნენ მოწაფის არც ერთ ნაბიჯს. რასაც მეთვალყურეები ვერ მონახებდნენ გაეგათ მოწაფეთა შესახებ, ამას ადამუშოვდნენ ავლებდნენ მოწაფეებს (რაც მოწაფეთა შორის იწყებდა საშინელ აღშფოთებას და ზიზს მოწინა სემინარიელებისადმი). დაუბატოთ ანას ხშირ წირვა-ლოცვებზე ხანგრძლივი (2—4 საათი) დროა, რომელიც შეგირდებს გონებას უღლუნებდა და ფიზიკურად ასუსტებდა და ყველასათვის ცნადი იქნება ის უკმაყოფილება და ზიზლი, რომელსაც იწყებდა სემინარიის რეჟიმი მოწაფეებში. თავის აღშფო-

თებას სემინარიის შეგირდები გამოჰხატავდნენ ხოლმე არა მარტო ინდივიდუალურ პროტესტში, არამედ საერთო გამოსვლებში, რომელსაც მთავრობა „ბუნტს“ ეხება. ყველა გამოსვლებაში („ბუნტებში“) მოწაფეები უმთავრესად ერთსა და იმავე მითითებდნენ: მასწავლებელთაგან ადამიანურ მოპყრობას, მოწინავე მოაზროვნეთა წიგნების თავისუფალ კითხვას, ქართული ენისა და ლიტერატურის საფუძვლიან სწავლებას, წირვა-ლოცვის ხანგრძლივობისა და მარხვების შემცირებას.

სემინარიის არსებობის ასი წლის განმავლობაში მხოლოდ ერთხელ ეღიროსათ მოწაფეებს ნამდვილი მასწავლებლების ხილევა, ალ. ყიფშიძის სემინარიაში ყოფნის 15 წლის წინათ. ამ დროს, 1863 წელს თბილისის სემინარიაში განწესებულ იყვნენ მასწავლებლებად ნიკ. ცხევედაძე, გ. იოსელიანი და იაკ. გოგებაშვილი. ნ. ცხევედაძე საღმრთო სკულის მასწავლებლად, იაკობ გოგებაშვილი მასწავლებლად და ბიბლიოთეკის გამგედ. ნ. ცხევედაძე „დაბადებას“ (ბიბლიას) მოწაფეებს კლასში რეალისტურად უხსნიდა, რელიგიის წარმოშობას და ისტორიის თავისუფალი მოაზროვნის თვალსაზრისით აშუქებდა. ი. გოგებაშვილი, თავის ბინავე სემინარიაში, მოწაფეებს უკითხავდა და უხსნიდა იმ დროის მოწინავე მოაზროვნეთა წიგნებს. ი. გოგებაშვილმა ნ. ცხევედაძემ და მასწ. კვერციანმა შეადგინეს წიგნებისა და პროგრესული ჟურნალების სია. „Отечест. зап.“, „Современник“. სიაში შეიტანეს რუსეთის მოწინავე კრიტიკოსების და პუბლიცისტების: ბელინსკის, ჩერნიშევსკის, დობროლიუბოვის, პისარევის და სხვ. ნ. წერტილი, საუკეთესო რუსული ბელეტრისტიკა; რეალისტურ-მატერიალისტური ნაწარმოებები, მთელმთავრი, დარკინი, დრეპერი, რუსთა და სხვები. ეს სია წარუდგინეს გულუბრყვილო რექტორს არქიმანდრიტ ვიქტორინს, რომელსაც არ ესმოდა ამ წიგნების შინაარსი და იგი დაარწმუნეს, რომ მოწაფეთა განვითარებისათვის ამ ლიტერატურით ბიბლიოთეკის შევსება აუცილებელია. რექტორი დაითანხმეს, გაიღო საჭირო თანხა 200 მან. და წიგნებიც გამოწერილ იქნა, კარგაბანს გაკრძლდა ამ წიგნებით სარგებლობა მოწაფეთა მიერ. ბნელეთის მოციქულებმა მონარქისტმა მასწავლებლებმა, რომლებიც გოგებაშვილის დროს სემინარიაში მრავლად იყვნენ „დანოსი“ „დანოსზე“ აფრინეს მთავრობაში აღნიშნული ამბების გამო. 1871 წ. გამოიგზავნა სინოდიდან რევიზორი ზინჩენკო, მაგრამ ამან ვერ აღმოაჩინა კრამოლა. „დონოსები“ კვლავ მიფრინავდნენ სინოდში. 1873 წ. სინოდის სამოსწავლო საბჭომ კვლავ გამოგზავნა თბილისის სემინარიაში, მოხერხებულნი და გაჭნობი რევიზორი კრსკი. კრსკიმ გადასინჯა სემინარიის მოქმედება მთელი 10 წლის განმავლობაში, უწინაშეა მოწაფეთა ამ დროს შესრულებული საკლასო თხულებანი და თავხარი დაცვა, განგაში ასტება: „უშველეთ სემინარია დალუბულა, შეგირდები გონებით გაბრწილან, მოწაფეებს თავიანთ თხულებებში აზრის დასასაბუთებლად, ბიბლიიდან ტექსტების მაგივრად მოჰყავთ დრეპერი, დარკინი, ჩერნიშევსკი და სხვა უკულმართი მოაზროვნების ციტატებიო“. კრსკის მრისხანებას სახლგარე ალარ ჰქონდა, როცა სემინარიის მოწაფის დავით კუხელის ამხანაგებთან მიწერილი წერილები ჩაუგარდა ხელში. ამ წერილებში ნათლად შელანდებდა სემინარიის მოწაფეთა ოპოზიციური განწყობილება.

ერთ წერილში დ. კუხელი სწერს თავის ამხანაგს:

... Хочу я предаться вечным занятиям и подготовить себя к будущей предвзятой роли, но много слишком мешает обстановке, которая меня окружает, и глупость и преследование начальства, для выражения чего беден человеческий язык... Мой ненастный ум и непреклонная энергия хотят соответственного их силам труда; но в семинарии не могут найти, и потому что условия дурны. Все время, как я здесь нахожусь, считаю потерянным, и грустно и тяжело мне вспомнить о том, что такие свежие силы так даром пропадают. Я сильно склонен к самообразованию... Я хочу получить самобытное оригинальное воспитание... За классические же языки я ни за что не возьмусь, хотя бы за это обещали мне свободу отечества, потому что изучения их я считаю за пустую трату времени и лучше было бы, как говорит Дрепер, играть в шахматы или в карты. Удивительно, как это ученые глупцы не понимают до сих пор обветшалости, пустоты и во всех отношениях бесполезности изучения классических языков. (123 стр. Керский) ამ დროს კუხელი შესაძვ კლასში ყოფილა. ბრელაშვილი სტეფ. I კლ. და ი. მანვეტაშვილი III კლ., რომლებთანაც დ. კუხელს ჰქონია მიწერ მოწერა, ერთ წერილში აწერს.

...Трудно изобразить то негодование, которое я испытываю, когда вспоминаю глупость, безхарактерность, мнютюрное умишко, и крошечное волюшко бывших и настоящих педагогов. У некоторых животных можно заметить больше хороших качеств, чем у педагогов. Нужны целые томы, чтобы изобразить глупость и низость бывших, но не всех настоящих моих педагогов. (122 стр.). კერსკი აღწერა: „Ученик Кезаля был настолько испорчен умственно и нравственно, * что отважился на безумную попытку составить прокламацию собственного изделия, под названием: „К новому поколению Грузии“...“

კერსკი ირონიით შენიშნავს დ. კეხელზე: „...Своими идеями и образцами он ставит Чернышевских, Берне и Нечаевых, величая их светлыми маяк!“

რევინორმა კერსკიმ დაათხოვინა სინოდს საუცუესო მასწავლებლები ი. გოგებაშვილი, ნ. ცხეველაძე და სხ., აკრძალა მოწვევათაგან ყოველგვარი წიგნების კითხვა. რასაც კავშირი არა ჰქონდა სემინარიის უზენაესო პროგრამასთან, ისიც მხოლოდ მასწავლებელთა ნებადართვით, ამგვარად დაისწო სემინარიაც სინათლისაგან და გამეფდა ისევ გონებითი წყევლიად.

აღ. ყიფშიძის დღიური ცოცხალი დოკუმენტია სემინარიაში გამეფებულ უკუღმართ სწავლა-აღზრდისა, ილუსტრაცია სემინარიის მტარვალ კარიერისტ „უდაგოგებისა“. აღ. ყიფშიძე ებება 1878—1882 წლებს, მაგრამ არსებითად მისი დღიური გამომხატველია სემინარიის არსებობის მთელი პერიოდისა; იცვლებოდნენ პერსონაჟები, სახელი და გვარი მოქმედ პირებისა, მაგრამ სურათი ერთი და იგივე რჩებოდა, რაც აღ. ყიფშიძის დროს იყო, ის იყო ყიფშიძეზე 10—15 წლის წინათ, ისევე აქო 15 წლის შემდეგ—1893 წელს, როდესაც სემინარიელები გამოვიდნენ თავიანთი მოთხოვნებით, სასტიკად დამარცხდნენ და ამ გამოუსვლამ მრავალი საუცუესო მოწაფე იმსხვერპლა კიდევ. ამ დრეს გარკვეულ სემინარიიდან შემდეგში ცნობილი რევოლუციონერი ლა დო კეცხოველი.

აღ. ყიფშიძის დღიური იშვიათი ლიტერატურული ძეგლია. სემინარიის შესახებ დასწერეს მოგონებები სოფ. მგალობლიშვილმა, ვ. ბარნოვმა, ნ. ლომოურმა, ი. მანსვეტაშვილმა, მაგრამ დიდი გამსჭვებელია დღიურსა შორის: მოგონებაში ყველაფერს ვერ აღადგენს ავტორი, რასაც გადმოგვცემს ზორეულ წარსულიდან, ბევრს სინამდვილით ვერ მოიგონებს, დააკლებს, შესცვლის, შეაღამაზებს, „დღიური“ კი თითქმის ყოველდღიური უშუალო გადმოცემა ნახულისა, განცდილისა, რაც მდიდარს, უტყუარს, ცოცხალ მასალას იძლევა ისტორიისათვის. ჩემი დღიური ჩემი სულის სარკეა“—სწერს აღ. ყიფშიძე ერთგან, ამ მხრივ აღ. ყიფშიძის დღიურს დიდი მნიშვნელობა ეძლევა. ზოგჯერ ლიტერატურულ-ისტორიულ ძეგლს. ის ჩვენს ლიტერატურაში ერთადერთია ჯერ-ჯერობით, თუ მხედველობაში არ მივიღებთ ი. მუხარაგის „დღიურს“, რომელიც მას უწარმოებია მხოლოდ ორ წელიწადს 1873—74 წ. წ.

დიდი სიფრთხილე და თან გამბედაობა გამოუჩენია აღ. ყიფშიძეს ამ „დღიურის“ წერილისას, ხან უბეში უტარებია ისე, როგორც „მტრის დანახვის დროს დედა თავის შვილს გულში მიიკრავს და მხად არის მასთან ერთად სული დალიოს“—(იხ. ნ. იანვრის დღიური, გვ. 259).

„...ისე და ისე ჩემო დღიური—სწერს ერთგან აღ. ყიფშიძე,—თორემ სული მივლდებოდა. შენ ხარ ჩემი ნამდვილი გულითადი ძმა და მეგობარი. შენ თუ გამოგლპაპრაკები გულგახსნილი, თორემ სხვასთან ვერ ვაგებდავ. ერთი თვის განმავლობაში სულ ტოლაღვის** ქვეშ გატარებდი, ხომ იცი გიფრთხილდებოდი, ვაი თუ ან ხეპრეს ხელი მოგხვედროდა, ან თვალი გცემოდა, ან ცუდ ქარს დაეკრა, ვინ იცის, ყველას უნდა მოელოდეს კაცო. პირველ მარტოდან გულგახსნილი აღარ გამოგლპაპრაკებია, ვაი თუ სტუმრები მეწვიოს მეთქი და უდროს თ მოგვიღონ ზოლონ ვეზო და მეც.*** ვინ იცისჭრამებდა რამე დატრიალდა გულში გამოუთქმელი და გე გამოუთქმელა მახრობდა, სულს მივებედა“ (11 აპრ. 1881 წ.)

აღ. ყიფშიძის „დღიური“; ცხარე ბრძოლიდან უვნებლად გამოტანილი დროშა.

*) ხაზი ჩემია გ. ნ.

** ტოლაღი—ფარჩის შეკრული, ხშირად მოკარგულიც, ზოლია, ზონრებით წვივზე, წინაფების თავებზე შემოსაკრავ-დასამშვემებელი.—გ. ნ.

*** ხაზი ჩემია.—გ. ნ.

მიუხედავად იმისა, რომ თბილისის სემინარიაში ასეთი უკულმართი პირობები იყო, მაინც ამ სემინარიამ მოვლეს მრავალი მნიშვნელოვანი მოღვაწე, ცნობილი მწერალი და გამაჩენილი რევოლუციონერი მებრძოლი: დიმიტრი ბაქრაძე, იაკ. გოგებაშვილი, ნ. ცხვედაძე, თ. ჯორდანიანი, პლ. იოსელიანი, მოსე ჯანაშვილი, ნიკო ლომოური, სოფ. მგალობლიშვილი, ი. მეუნარგია, ძმები ყიფშიძეები, თედო სახოკია, შიო არაგვისპირელი; სემინარიელები იყვნენ რუსეთში დობროლიუბოვი და ჩერნიშევსკი. თბილისის სემინარიაში სწავლობდა მსოფლიო პროლეტარიატის ბელადი დიდი სტალინი და მისი ახალგაზრდობის თანამებრძოლი ლადო კეცხოველი. ორიოდ სიტყვა „დლიურის“ ავტორზე. ალ. ყიფშიძე საქართველოში ცნობილი მწერალი და საზოგადო მოღვაწეა. ალ. ყიფშიძე (ყსევე, „ფრონელი“) დაიბადა 1862 წ. ს. წვერში გორის ახლოს. მისი მამა თევდორე, მღვდლად იყო სოფ. სალოლაშენში, (გორის მახრა), სადაც გაიზარდა ალექსანდრე. თევდორეს მრავალრიცხოვანი ოჯახი ჰქონდა, ოთხი ვაჟი და ხუთი ქალი. სოფლის ღარიბი მღვდლისათვის ძნელი იყო ამოდენა ოჯახის რჩენა, მიუხედავად ამისა შეიღობი კარგად დაზარდა, უფროსი ვაჟის გრიგოლის გარდა, მისმა ვაჟებმა ყველამ უმაღლესი სწავლა მიიღეს. ალექსანდრე სოფლის წიაღში, გლეხურ პირობებში იზრდებოდა და ბოლომდე შერჩა სოფლის ღამაზი ბუნებისა და მშრომელ გლეხების სიყვარული, რაც მის დღიურში ნათლად გამოსჭევიის. ალექსანდრე პირველად სწავლობდა გორის სასულიერო სასწავლებელში, აქედან, სწავლის დამთავრების შემდეგ, შევიდა თბილისის სასულიერო სემინარიაში 1878 წ. სექტემბერში, მეოთხე კლასის გათავების შემდეგ ჩააბარა გამოცდები ხარკოვის უნივერსიტეტში ისტორიულ-ფილოლოგიურ ფაკულტეტზე. უნივერსიტეტში 1888 წ. სწავლის დამთავრების შემდეგ დაბრუნდა სამშობლოში და დაიწყო სამსახური. 1905 წ. იყო ქუთაისის გუბერნატორის თანაშემწე, რევოლუციის დროებით დამარცხების დროს, რუსეთის მთავრობამ იგი დაითხოვა სამსახურიდან და მეტების ციხეში დაამწყვდია. გარდაიცვალა 1916 წ.

მწერლობა დაიწყო 1884 წ., მონაწილეობას იღებდა საბავშვო ჟურნ. „ნობათში“, გაზეთ „ივერიაში“, „კლდეში“ და უკანასკნელ დროს გაზეთ „საქართველოში“. მისი ნაწერებიდან შესანიშნავია მხატვრულად დაწერილი ისტორიული მოთხრობები: „მთიულეთი 1804 წ.“, „ქაბუხეთის ამბოხება 1812 წ.“, „მისი არწივი შამილი“ „დიდებული მესხეთი“ და სხვ.

დღიურები ერთი სემინარიელისა*

1879 წ., 8 თებერვალი.

ამ ჩვენ მასწავლებლებსაც კი უხარიათ, როცა შევირდებხს ითხოვენ, ბოლოს დღეს სულ აღარ შემოდინა ხოლმე, თუმცა შემოდინა გათავების დროს, მაგრამ ვაი იმათ დღეს, სულ საათზე იტკირებიან. ეს იმას ამტკიცებს, რომ ისინი გულიანად არ ეკიდებიან საქმეს, დადიან შკოლებში იმისათვის კი არა, რომ თავიანთი ვალი შეასრულონ—ხოლოდ ფულისათვის.

9 თებერვალი.

წუხელის რვა საათზე ჩვენ სემინარიაში წარმოდგენა იყო „შვის დაბნელებისა“, რა მშვენიერად წარმოადგინეს!! თუმცა სუყველაფერი უბრალო იყო. დეკორაცია იმათ არა ქონდათ, ფარდის მაგივრად საწყლებმა შკაფი დადგეს, ტანისამოსის ნება იმათ არ ჰქონდათ, მარცხა შემოდოდოდა სერთუკით და აგრეთვე სხვა პირობი შემოდოდოდნენ სემინარიელი პალტოებით. მაგრამ მშვენიერი იყო იმათი ქცევა და მიხერა-მოხერა.

* იბეჭდება შემეცირებით, ავტორის მართლწერისა და სტილის დაცვით.—რ. დ. ა. ქ. ც. ი. ა.

ზ ი ძ რ ი

აბ, როდის ვნახამ საქართველოს თავისუფალს,

და სამშობლო დროშას გაშლილს;

სამშობლო ვნას აყვავებულს,

და მის მოქალაქეთ განთავისუფლებულს.

აბ, მაშინ, არც მე უკან დავრჩები,

და ჩემს ხალხს ყოველ საქმეში წინ გაუძღვები;

აბ, მაშ, რათა მინდა ეს სიცოცხლე,

თუ არ შენთვის, ობ, მამულო!

ობ, სამშობლო, როდის ვნახამ ფართოთ გაშლილს,

ვით გახაფხულის ვაშს ამწვანებულს ხის ფოთოლს.

ობ, სამშობლო შენი შეიღნი მხოლოდ მაშინ დასტკბებიან,

რომელნიც აქამდისინ სხვის ტყვეობაში იღვწიან, იტანჯებიან.

ობ, სამშობლო მაშინ ის დრო თავისუფლების

იქნება ჩვენთვის დროდ სიმართლის პატიოსნების,

ვისარგებლებთ შენი შეიღნი იმ თავისუფლებით,

ვით წინაპარნი ჩვენნი განთქმული იყვნენ ამით.

ა. გოდოროი

უკაცრავეთ, მე თუმცა ამას ლექსი დავარქვი, მაგრამ ეს ლექსი კი არ არის, უფრო პროზაა. არა, ერთი, მე ლექსს საიდან დავწერ მამა არ ყოფილა მეღვქმე და პაპა. პოეტური ნიჭი მე არა მაქვს.

დღეს ჩვენ ეკლესიაში ეგზარხოსი იონიკე იყო მწირველი, წირვის შემდეგ მოღებნი გადინადეს. დედა, დედა, რამდენი ღვდლები და გენერლები იყვნენ, იმათი იყო გატენილი ეკლესია, აფიცრებს ვილა დასათვლის, ძალღთუმობაღელსნი იყვნენ. ღმერთო ჩემო, რამდენი ფული მოუწდება იმათ ჯამაგირს და პარადებს. ოი საწყალო ხალხის ნაშრომო მანათო, ვინ იცის რამდენჯერ გაწუწულო იმის ოფლითა! ღმერთო, რა უსამართლოება არის ქვეყანაზედ. თითოული გენერლის ჯამაგირით, ვინ იცის რამდენ კეთილს საქვს იქ!!

მ მ თებერვალი.

ღმერთო, რამოდენა დროს გვაკარგვინებენ ამ ბერძნული და ლათინური ენების სწავლის გულისათვის, ნახევარ დრო სწავლისა ამათ უნდება. ნეტა ვსწავლობდეთ მაინც ხეირიანათა და ვინ ინაღლის, მაგრამ რო ვერა ვსწავლობთ. ეგ არის უბედურება, ეს ენები რო არ იყოს, რამოდენა დრო დავგერჩებოდა სხვა საგნების შესწავლისათვის, ვინ დასთვლის; მაგრამ ვისაც განათლება უნდა, თითონ უნდა მიიღოს ისა, გრამატიკები ვერას მისცემენ.

ნ მარტი, ორბაშათი.

გუშინ წირვაზე პირველათა სთქვეს წრეულ სემენარიელებმა ქადაგება. იყო ნათქვამი ეხლამდენ რუსების თათბირთან შერიგებაზე უ. შ. ლუკიანოვისაგან. ქადაგებას არა უჭირდარა. კარგი იყო, რაც შეფერობს ბურსაკ-სემინარიელებს, ცოტაოდენი პატრიოტული სულიც უდიოდა, კარგად ლაპარაკობდა ქობულეთელებზე, მაგრამ სამწუხაროთ ქების მაგიერად, ვაი ვავლაზი მიყენეს აეტორს. ჯერ სანამდისინ წარმოსთქვამდა ეკლესიაში რეპტორს გაესწორებინა ბევრი აზრები და ალაგები. როცა ქართველებზე ლაპარაკობდა, სულ წაეშალა, ამის გარდა ბევრი სიტყვები გაესწორებინა, მავალითებრ; отечество—край; кавказ—

скому победоносному войску — Русско-кавказскому победоносному войску: კიდევ ზევრი მაგისტანები, ვინ ჩამოთელის ყველას. Что за глупость и узкозость патриотизма со стороны Р?! [Ректора]. მაგრამ ავტორმა თავისი არ დაიშალა, ეკლესიაში ისრე წაიკითხა, როგორც ეწერა. თქვენ წარმოიდგინეთ, რაგვარ



ალექსანდრე ყიფშიძე — ფოტო (1862—1916).

გააფრდა შემოსილი რექტორი და რაგვარ დორბლები გამოსდიოდა, მაგრამ რას იქმნოდა, საკურთხევიდან ზომ არ გამოეარდებოდა. როგორც იყო პატარა შეთმინა. მაგრამ გაათავა თუ არააჟადაგება და შევიდა საკურთხეველში, მივარდა გაკაბასებული, დაუწყო ლანძღვა [საკურთხეველში]. უფრო მეტს უზამდა მაგრამ

დრო ნებას არ აძლევდა, და რაც ღეთის სახლში დააკლო, იქ დაუსრულა. მგ არ დააჯერა, შეუფარდა მერმე „საკვირაო ჴეკოლაში“ და იქ ველარ დამშვიდდა, ანთება მოსდიოდა. ნეტა რისთვის? ეშმაკმა იცის იმის თავი. უ. ლუქიანოვმა ყურიც არ გაიბერტყა, ის ასე ცივგულათ ეკიდებოდა იმის ლაპარაკს და ლანძღვას, რომ ეს უფრო ასიებდა უბედურ რეკტორს—ლუქიანოვი * ასრე იმიტომ იქცეოდა, რომ აკადემიაში არ მიდის, მას რომ იქ წასვლა ნდომოდა, აგრე ვერ მოიქცეოდა.

მარტი 6.

გუშინ წინ „დროებაში“ იყო სტატია გ. წერეთლისა სემენარიელებზე. ის პირველად ლაპარაკობს თავის სტატიაში სემენარიის მდგომარეობაზე, რეკტორზე, ინსპექტორზე და იმათ საქმეებზე სემენარიაში. მერმე უბრუნდება ქართულ ინტელიგენტობას და არისტოკრატებს, თუ როგორ ცივგულიანათ ეკიდებიან საერთო საქმეს, შესახებ ქართველი ღვდლის შვილების აღზრდისა, მაგაში ეჭვი არ არის, რომ ინსპექტორიც და რეკტორიც ყველა განათლებულ კაცს ეჯავრება მარტო ჩვენ ქალაქში კი არა, აგრეთვე რუსეთშიც. მაშ, რაღა აკლია, კთხულობს უ. წერეთელი, ჩვენს განათლებულ ხალხს იმათი კისრის მოტეხისათვის და გაუკეთესობისათვის მღვდლის შვილების მდგომარეობისა სემენარიაში? მოთავეობა, არის პასუხი, განა არ შეუძლიანთ ერთი ორიოდ პირთ მოილაპარაკონო უ. ორბელიანთან** (პირველი ღენერალი) და იმან სთხოვოსო ნაშესტნიკს, რომელიც უეჭველია უარს არა ჰყოფს მთელი ხალხის ინტერესსაო და გააძეგებს ადმინისტრატიული წესებით? მაგრამ. იმეორებს ავტორი, მოთავეობა არ არიო.

ახლა იკითხამთ, რა არიან ეს ინსპექტორი და რეკტორი რომლებმაც ააყაყანეს მთელი საქართველო? ისინი ეკუთნიან იმ გვართა ხალხთა, რომლების გვაშიც არ არის გრძნობა ძმათა-მოყვარეობისა, ერთობისა, პატიოსნებისა და სხვ. საპირო არ არის ჩამოთვლა იმ საქმეებისა, რეებიც მაგათ უქნიათ სემენარიაში. ანიტომ რომ მთელმა ქვეყანამ იცის ჩვენზე უკეთ; ვიტყვი მხოლოდ მას, თუ როგორი შეხედულება აქვთ მაგათ ქართულ შეგირდებზე სემენარიაში. ისინი უცქერიან ჩვენ ახალგაზრდობას, როგორც ველურ ხალხს, რომელსაც არ გამოუვლია ჯერ არც ერთი ფაზისი კაცობრიობის განათლებისა და რომელსაც არ შეუძლიან მიიღოს ნათელი განათლებისა, ამის გამო ყოველი გზით ისინი სცდილობენ შეამცირონ რიცხვი შეგირდებისა და აღარ დაჰკარგან. იმათი აზრია, ტყუილი წრომა. ესეთები არიან ჩვენი პედაგოგიური გამრზდელნი! წარმოიდგინეთ ახლა თქვენ, თუ რა უნდა იყენენ მაგათი შეგირდები?! მაგრამ ის არ ხდება რაც უნდა ყოფილიყო. ტყუილი არ არის ანდაზა „დაშლილი ნაკოფი უფრო ტკბილიაო“. სემენარიას ბევრი კარგი შეგირდი გაუზრდია და კიდევაც გაზრდის, მაგრამ სამწუხაროთ ამ ხანობაში სემენარიას სუსტი შეგირდები ჰყავს.

* ლუქიანოვი—მეცხე კლასის მოწაფე იყო. გ. ნ.

** უ. ორბელიანი, ივლისსმება პოეტი გრ. ორბელიანი, რომელსაც იმ დროს ადმინისტრატიული ადგილი ეპირა.—გ. ნ.

გუშინ შევიტყვე, რომ ქალაქში რაღაებსაც აპარებენ სტუდენტები, ჯერ კარგათ არა ვიცირა, გავიგებ თუ არა სუყველას დავწერ.

14 მარტი, ოთხშაბათი.

ჩვენ კლასში არიან ორიოდ-სამიოდ შვიონები, რომლებსაც ისრე გვინდა მოუხერხოთ, რომ ფრთები ველარ გაშალონ. თუმცა ორი იმათთაგანი რუსები, კარგათ გვეყვანან დაბოჰილნი მავრამ ჩვენ ისე გვინდა მოვახერხოთ, რომ აღარც ერთი შეგიორდი ჩვენგანი აღარ ელაპარაკებოდენ იმათ, და ყოველი იმათთაგანი გრძნობდეს, თუ რა საშიში ხალხნი არიან შვიონები.

ამისთანა ლაპარაკში რომ ვიყავით მე და ჩემი ამხანაგი, ერთი საათი ისრე გაპარულიყო, რომ ვერა გავიგეთ რა. ამოვარდა ინსპექტორი და ის დღე თქვენ მტერს დაადგეს, რაც იმან ჩვენ დაგვაყენა. ამ დღეს უკან დამიწყო ცუდათ ცქერა და დღე აღარ გავა, რომ შენიშვნა არ მომცეს.

გუშინ ეგზარხოსი ეგსევი მოკვდა. ისე იმის სიკვდილი არ გამხარებია, როგორც ბერძნულ-ლათინურის მორჩენა.

15 მარტი, ხუთშაბათი.

დღეს ერთი შესანიშნავი ამბავი მოხდა ჩვენს კლასში, შევიწროებული შპიონი უ. ოზოლენსკი სჩივის ინსპექტორთან, რომ მას „შპიონს“ ეძახიან შეგიორდები; რასაკვირველია ეს არ ესია მოვენბოდა ინსპექტორს, რადგანაც თვითონაც რუსია. შემოვარდა კლასში, ეცა ერთ ჩემს ამხანაგთაგანს, ბერძენ კატანოვს და დაუწყო კითხვა, თუ რა მიზეზით ეძახის ის ოზოლენსკის შპიონს. იმან უთხრა ამისათვის და ამისათვის. ინსპექტორმა ეს არ იკადრა და უთხრა, ვითომც ისე „კოვარნი“ იყვეს, მერმე სხვა შეგიორდებს ჰითხა, ისინიც უძახიან თუ არა შპიონს. ყველამ „არა“ უთხრეს. გაბრაზებულმა ვასწია წინ. სადილთ უკან დაიბარა ყველანი, კატანოვიც, ოზოლენსკიც და ორნი კიდევ სხვანი. კატანოვმა თავი გაიმართლა, რომ ის „კოვარნი“ არ არის, ოზოლენსკი ისევე შპიონი დარჩა.

19 მარტი, ორშაბათი.

გაზაფხული თბილისში ისრე მშვენიერი არ არის, როგორც სოფელში, ოხ, რა მიხარიან შინ წასვლა! ვის არ უხარიან საყრობილიდან გამოსვლა. ესრეთია ჩვენი სემინარია. გამომატეინეს ამ უაზრო საგნებმა. დათხოვნის დრო როცა მიიწურება ხოლმე, ისრე დავსუსტდები ხოლმე, რომ თუ საავადმყოფოში არ ჩავედი, ფეხებს ველარ გადავდგამ. ოხ, როდის იქნება ჩქარა გავსწიო შინისაკენ, საცამივილებ სიცოცხლეს და სიმრთელეს. მამულზე უსიტკბოესი რა უნდა იყვეს. ოხ, მამულო შენთვის დავღვრი წითელს სისხლს და შენს გვაშში ჩაყერი ჩემს ძვლებს.

20 მარტი, პარასკევი.

ეს ორი სამი დღე არის, ცოტა უფრო კარგი დარები დაიჭირა, მინდორი სულ ამწვანდა, მაგრამ ხეხილს ჯერ კარგად კუკური არ გამოუღია, ტყემლისა და ატმის გარდა. გუშინ გორს ვიყავი. ისეთი შესანიშნავი არა მინახავსრა, რომ ჩემს დღიურში ჩამეწერა, გარდა იმისა, რომ ჩემი ძველი, სახლის პატრონი

სულ გალარიბებულა. ერთი ორი კარგი მეგობარი ვნახე. დღეს დილით ერთი კორესპონდენცია დაეწერე ფცის* წყლის გამო, თუმცა ძლიერ გლახა არის, მაგრამ მაინც პირველი ნაწერი არის. აღდგომაც მოდის! ვნახო როგორ მიიღებენ ჩვენი ქართველები.

31 მარტი, შაბათი.

რა ნაირათ განირჩევა სოფლის ცხოვრება ქალაქში, ბურსაში ცხოვრებიდან! Там однообразие убивает человека, напротив здесь—жизнь полна разнообразьями. Там человек находится в сонливом положении, здесь душа бодрствует; и весело и скучно!

9 აპრილი, ორშაბათი.

ქ. თბილისში დავბრუნდი სოფლიდან 9 აპრილს. ჯერ ისევ ვაგონში ვისხედით, რომ ათასნაირი მშვენიერი და საძაგელი ამბები შევიტყუეთ. აგრე კარგია ქალაქებში ცხოვრება, თუ რომ კაცს სურს უგდოს ყური და ადევნოს თავლი ევროპულ განათლებას და მოძრაობას. იმ ორი კვირის განმავლობაში სრულებით არა შემიტყვიარა. აქ ჩამოვედი თუ არა, ათასნაირი ამბები! პირველი რომ რუსების ხელმწიფეს ხუთჯერ რევოლვერი დაახალეს ორს აპრილს და ვერ მოჰკლეს. მსროლელი იყო სოფლის მასწავლებელი უ. სოლოვიოვი. მეორე, როგორც პირველის შედეგის, დაარსება თორმეტის პოლიციის ლუბერნატორებისა და შათ მინისტრათ ლორის-მელიქოვი, როგორც ამბობენ. მესამე, სასულიერო სემენარიელებს აღუკრძალეს უნივერსიტეტებში შესვლა, რადგანაც მართებლობა მომეტებულ ნაწილად ცუდს საქმეებს (იმათი აზრით) და სოციალისტობას შათ აბრალებს. ვაზეთი „საკელესიო მახარობელი“ ძლიერ ერთგულათ ამართლებს თავის შეგირდებს და მაგასთან ამ მოქმედებებს აწერდა ლემნაზიელებს, რეალისტებს და სხვა.

13 აპრილი, პარასკევი.

გარჩევა კუვზინსკის სიტყვისა, რომელიც წარმოთქვა 8 საათზე საღამოთი 12 აპრილს 1879 წ. სემენარიელების უნივერსიტეტში შესვლის აღკრძალვის თაობაზე.

ჩვენმა პატროსანმა ინსპექტორმა საქმე იქიდან დაიწყო, რომ შეგირდებს გამოუტახადა ერთებს (1) იღებთ ძლიერაო, ზარმაცები ხართო, (ეს მართალი არის. ჩვენ კლასში მომეტებული ნაწილი ცუდათ სწავლობს), მაგრამ ცუდათ რომ სწავლობენ, ვისი ბრალია? მაგისი და ჩვენი უტევიანო მასწავლებლებისა! მერმე მანდღვან ლანძღვას შეუღდა: ცუდები ხართო, შეუპოვრები, უფროსებისა არა გეყურებათ რაო, თქვენისთანა შეგირდები ჯერ პირველ კლასში არა ყოფილანო (ეგ ჯერაც არ გვითქვამს!). სჩივით რომ თავისუფლება არა გვაქვსო, თავისუფლების მოხმარება არ იცითო, გაფუჭდებითო და იმიტომ არ ვაძღვე-

* ფცა—მდინარეა ქართლში.—გ. ნ.

თო, მართალია, ზოგმა არ იცის, მაგრამ ერთი ორისთვის ამოდენა ხალხი მოაკლონ თავისუფებას! უჰ, ეს მეტის მეტობა არის! გუშინ წინ ბერძნულის მასწავლებელთან ლაპარაკი გექონდა მაზედ, თუ რა მიზეზია სემენარიელების უნივერსიტეტში შესვლის აღკრძალვა; სხვათა შორის ისიც უთხარით, რომ ჩვენ სრულებით არა გვაქვს თავისუფლება, ვაზეთის კითხვისა ც გვიშლიან, ქართულს არ გავსწავლიან და სხვ. მაგ მზეც ესეები სულ ინსპექტორისთვის მიუტანია, როგორც სჩანს საქმიდან. შენშიც მოეტყუედით უ. გრიაზნოვო! სემინარიის დანიშნულება და პირველი მიზანი ის არისო, რომ პატიოსანი, სენდისიანი ღვდღეები და მამულისშვილები დაზარდოს (შე უტყინო, აბა მაგისთანა კაცების დაზარდას უნდა თავისუფლება).

მანდედან ჩვენი ორატორი შეეხო ჩვენს მომავალს, თუ რა ნაირათ უნდა მოვემზადოთ. გავსწვრთვანა ჩვენი თავი იმის მისაღებათ. სემენარიელებს აქამდისინ ვზა ვახსნილი ჰქონდა მალალ სასწავლებლებში—უნივერსიტეტებში, ინსტიტუტებში, ახლა მაგას მოაკლდენო. თქვენ აღარაფერი დაგარჩებათრაო, გარდა ღვდღური პროფესიისა. მეტი ჯანი არ არის, ღვდღებათ წახვალთო, ამიტომაც ერთგულათ უნდა მიჰყოთ ხელი სწავლასა, რადგანაც სოფლის გაუნათლებელი ხალხი თქვენგან მოელის განათლებასო (ამის ასრულებას ფრიად დიდი შრომა და განათლება უნდა, მერე ახლა კი ჩვენს ბედუნებს შეგირდებს აქეთ ან განათლება, ან შრომის ძალა!). ახლა კითხვა იმაშია; რა უნდა ვისწავლოთ? ლათინური, ბერძნული, სამართო წერილი! მაგ სავნით, შე უტყინო, ხალხის განმანათლებელი უნდა გავხდეთ! ვანა შენ გეყურება „ხალხის განათლება“! ბიჭო, ხალხის განმანათლებელი როგორ უნდა ვახდენდ შენი შეგირდები, როცა ვაზეთის კითხვაზედაც კი რიცხამ, როცა უბრალო ქართული წიგნის კითხვას უშლი: თქვენის აზრით ამისთანა შეგირდი საშიშიაო, რევოლუციონერიო, ბუნტოვშიკიაო და ღმერთმა იცის თქვენი თავი რანაირ სახელს არ არქმევთ საწყალ შეგირდებს, რომ უფრო შეგირდის გამორიცხვა იყოს „на основании закона“. ბიჭო, თქვენის შკოლით როგორი განმანათლებელი უნდა გამოიყვანოთ ქართველის ხალხისა, როცა ერთ სიტყვას ქართულათ არ ასწავლით! კიტაიურათ თუ დაუწყებენ ლაპარაკს: მე ეს სრულებით არ მეყურება, ძლიერ ვასაკვირველია!. კუდიანო, რაც გინდოდა, ის ნელ-ნელა სრულდება. ზოგი შეგირდნი თავებს იხოკავენ გაკვეთილების დაზებირებაში, რომლებსაც აქამდისინ ცოტა სურვილი ჰქონდათ მათი სწავლისა იმ აზრით, რომ სადღა უნდა ვავიდეთო თუ არ ღვდღეებითო, კაი აზრია!!

25 აპრილი, ოთხშაბათი.

ეს ერთი კვირაა თითქმის, რაც აღარა მიწერიარა, თუმცა შესანიშნავი ჩასაწერი ამბები ბევრი იყო. დღიურის დარდი ვის ჰქონდა, ევროპიის გულის ძვგრამ მიიტაცა ახალგაზრდები, რომლებიც მოუთმენლათ მოელიან, თუ რა გვარი იქნება შედეგი ამდენნაირ ვაი ვავლახისა. რესპუბლიკური პარტია ყოველ დასავლეთის სახელმწიფოში გაძლიერდა, ანგლიაში და იტალიაში კი აპირებენ რევოლუციას. ამის თაობაზე გერმანიამ მოინდომა შეერთებული სახელმწიფოების ძალით ემოქმედნა რესპუბლიკების წინააღმდეგ და განეთანტა კონ-

გრესი, რომელსაც აპირებენ რესპუბლიკელები მომავალ წელს ლონდონში მაგრამ თავის საუბედუროთ ვერ მოუხდათ.

დღევანდელ გაზეთებში რუსეთის ძლიერ დასცინიან დასავლეთ-ევროპული გაზეთები. ისინი ამბობენ: „ეგ ისეთს საქმეებს სჩადის ეხლო, რომ არცკი იყო ღირისი აღმოსავლეთის საქმეში გარევისაო. „ახალგაზრდობას ლამის ბოლო მოუღოსო, პოლიციას უმატებსო და სწავლულებს კი ამცირებსო“. ეგ სულ ამ კვირის ევროპული ამბებია.

25 მაისი, ოთხშაბათი.

21 მაისს სემენარიიდან შეიდი შეგირდი ვიყავით თავადაზნაურობის ყრილობაზე. თუმცა ლაპარაკი და პრენიები არ ყოფილა და ბევრიც არ შეგვიძენია რა მაგ წასვლით, მაგრამ საქმე იმაშია, რომ ვიყავით, ეს როდის მომხდარა სემენარიიში კუფშინსკის ყოფნის დროს, რომ მისი შეგირდები დადიოდნენ პრენიებზე კლუბებში, თეატრებში, კაბინეტებში, ბიბლიოთეკებში და სხვ. (ეხლა ხმები დადიან, რომ ორივეს ინსპექტორსაც და რეკტორსაც ითხოვენ).

სწორეთ ახალი ერა დადგა სემენარიის ისტორიაში, აბა სემენარიელებო, თუ ხეირი გაქვთ, ახლაა თქვენი დრო.

ჩვენი საქართველოს წარმომადგენლები, ინტელიგენცია დღეს ერთ ზალაში ყველანი ვნახე, მაგრამ სასიხარულო რა იყო მაგათ ყრილობაში? ერთმა ტყუილათ კი არ შენიშნა: საფრანგეთის მარცხენა მხრის ყრილობას არ ვავსო! მართლა ისე ცივად ეკადებთან საქმეს, რომ კაცს გული აერევა. ყრილობაში ოროცდა ათ წევრზე ნაკლები არ შეიძლება და ისინიც არ იყვნენ. უცადეთ, უცადეთ წევრებს და ბოლოს ავდექით და წავედით შინა. ყრილობა გადიდა მეორე სამშაბათისათვის².

26 მაისი, შაბათი.

ბაევემ (მატემატიკის მასწავლებელი) მიბერტყა უ. კუფშინსკი. როგორია! უცხო ამბავია განა! აი როგორ იყო: ბაევი დღეს მოვიდა გაკვეთილზე (ეს პირველათ მოხდა, რაც ეგ აქ არის) ინსპექტორმა გალანძლა ბაევი [ბაიევი] და შემდეგი ეპიტეტებით შეამკო: „ლოთო, ზარმაცო“ და სხვ. იმან ეგ ვერ მოითმინა. ერთი ორი შიგ პრავლენიაში უდო, მერე სტაქა ხელი პალტოს საყელოში და რეკტორთან წაათრია მუჯღუფუნებით, აქაც ორიოდე ურტყა და გაანება თავი. ახლა მაგის დათხოვნაში ექვი აღარავისა აქვს და ძლიერაც უხარიანთ სემენარიელებს, მიტომ, რომ ახალი მოგვივა, იმას აღარ ეძებენ თუ როგორი იქნება კარგი თუ ცუდი!

1879 წ., 5 ენკენისთვე, ოთხშაბათი.

დღეს მე კლასში ვარ. ჩემ წინ ზის მასწავლებელი. ის მშვენივრათ და კობტათ არის გამოკიმული კათედრის სკამზე. იმის სიკობტავეს უფრო მომეტებულიათ ამშვენიებს მშვენიერი თეთრი ფუნჩულა ხელები, ლამაზი, ვაშლივით წითელი ლოყები, კობტათ დავარცხნილი თავლის ფერი თმა, ჟუჟუნა თვალები,

კობტად შეკვერცხილი წვერი! წარმოიდგინეთ ახლა, რომ ამ ღვთისაგან ასე მდიდრულად შემკულ სხეულს ამშვენებენ მშვენიერი, ძვირფასი ტანისამოსი? არშინი რვა მანეთიანი მაუდის ფრაკი, თეთრი ანგლიური გახამებული პერანგი, მეტათ ამშვენებს იმის თეთრ ყელს. ეგ აბრეშუმის ყელსახვევი, ახალ მოდის შარვალი, ჩინურ ფეხებზე შვარცის ფეხსაცმელები. როგორია სურათი? მიმზიდველი სახეა განა! უტყერი. საშაჯან, ამ სურათს ევროპიულად მორთულს, მაგრამ რას ფიქრობ? შენც ხომ იმას არ ფიქრობ, რომ ჩქარა დიპლომი მიიღო, პროფესორობა და რასაკვირველია, მასთან ზემოაღწერილი სიმშვენიერეც? სრულებითაც არა. შე მაშინვე სალოლაშენისკენ გავკურცხლამ ხოლმე და აი იქ რას ხედავინ ჩემი ბედნიერი, ამ სურათის მომცქერალი თვალები. კათათვის პაპანაქებაში კვერზედ სდგა გლეხი, ეს ქვეყნის მუშაკი და ერეკება ხარებს. თავი მასაც კობტათ აქვს მორთული, მაგრამ ევროპული შლიაპით, პარიკმახერის გაკეთებულის თმით და სუნებით კიარა, უბრალო წითელი ხელსახოცით, რომლის ტოტებსაც ქარი საყვარლათ აქანავებს. იმის წითლათ დაბებრებულ ხელებზე, შხისაგან დამწვარ გულზე და შავ კისერზე. ვინ იცის რამდენი მტვერია?

28 ენკენისთვე.

ეხლა შენ რა წიგნები გაქვს საკითხავი, [მკითხა დღეს ერთმა] მეხუთელმა, შე მიუგე რომ პოლიტიკური ეკონომია ბლანკისა, მეორე ტომი ბაირონისა და ისტორია სტასიულევიჩისა³. მე უნდა გითხრა შენ, გააგრძელა იმან, რომ წიგნებს როცა კითხულობ ოროლ-თაობით ნუ კი წიკითხავ, არამედ ეცადე სულ ერთათ წაიკითხო ხოლმე. თორემ თავში კაეშირი არ დაგრჩებოაო — კაცო, ასე რო ვიკითხო, გაკვეთილები როდილა ვისწავლო. მაგრე კითხვა მაშინ შეიძლება, როცა თავისუფალი იქნები. სტასიულევიჩის კითხვა კი აგრე უნდა, როგორც შენ მეუბნები — სტასიულევიჩი მაშინ უნდა იკითხო, როცა მასწავლებელი გაკვეთილს მოგცემთ. მეო — განაგრძელა იმან — მეორეში რომ ვიყავი, ლოკი და ლეიზინცი წავეკითხეო (ეს მწერლები, როგორც მასხოვან ერთი ბროშიურკიდან, დეკარტის კვალის კაცნი უნდა იყვნენ, აბა რასაკვირველია, სემენარეილი თუ წაიკითხავს ან პლატონს, ან სოკრატს, თორემ სხვა წიგნებს სად იშოვნის, სემენარაისი ბიბლიოთეკაში არ არიან ახალნი, ვარეთ გზა არ იცის) და ეხლა კი სტასიულევიჩის და კოსტომაროვის ისტორიებს ვკითხულობო, მე რომ მაშინ პატრონი და ხელმძღვანელი მყოლოდაო, ასე აღარ მომივიდოდაო (ხედამთ, როგორ შორე ცემს! თავის თავი ჩემს ხელმძღვანელათაც გახადა და პატრონათაც!). იმ კაცმა ახსენა, კოსტომაროვს ვკითხულობთო. რა ვქნა ეს კოსტომაროვი⁴ ვინ უნდა იყვეს? ეს ის პროფესორი კოსტომაროვი ხომ არარის, რომელიც მოხსენებულა დობროლიუბოვის კრიტიკულ სტატიებში, თავის გამოკვლევით სლავიანებზე, ვარიაგებზე და სხვაზე? სწორეთ ის უნდა იყვეს. მოისმინეთ რას ამბობს ეს ყმაწვილი ამ კოსტომაროვზე. მე როცა ვკითხულობდი კოსტომაროვსო, просто я увлекся-ო, ხედამთ სემენარიაშიც ყოფილან იმისთანა ვვამნი, რომელთაც შეუძლიანთ გატაცება რითიმე!

კვირა 7 ღვინობისთვის.

ამ უმათ ჩვენი—სემენარია წარმოადგენს იმ დროს ქუთაისის ღვინაზისას, როდესაც მას ასწერს გ. წერეთელი თავის მოთხრობაში: „ჩვენი ცხოვრების ყველი“. ჩვენი ეგ ორი მასწავლებელი იმ მასწავლებლების კობირები იყვნენ, რომელიც სტავროპოლიდან გადმოიყვანეს ქუთაისის ღვინაზიაში, და რომელსაც გული უკვებობდა, რომ ხედავდა გამოყვეჩებულ უმაწვილებს ზეპირობისაგან.

რა ვართ, რა შედეგი ანუ რა მომავალი მოგველის ჩვენ, სემენარიელებს? ღვდლებათ უნდა წავიდეთ. მაგრამ რა არის ღვდელი ჩვენში? ის, რომელსაც არ შეუძლიან არაერთი სარგებლობა მოუტანოს ხალხს, მას არ შეუძლიან ხალხის შეილებს შკოლებში ასწავლოს, არ შეუძლიან მალ-მალ ეკლესიებში ქადაგებები სთქვას, იმიტომ რომ იმისმა ქადაგებამ ცენზორის კალმის ქვეშ, ე. ი. ეგზარხის ხელში უნდა გაიაროს, თავის ქადაგებაში ერთს იმისთანა აზრს ვერ იტყვის, რაც სამღეთო წერილს არ ეკუთვნის, თქვენც დამეთანხმებით, რომ ამისთანა ქადაგების თქმას სჯობიან სულ არაფერი სთქვა. მაშ, რის მანქანები არიან ღვდლები? მის რომ, ქელებში, ალაპებში თავს ისინი დასხდნენ? თქვენ დამიჯერებთ, რომ ბეგრს სემენარიელს არ შეუძლიან ამისთანა ხელობაში შესვლა! მთელი შარშანდელი კურსიდან არც ერთი ღვდლათ არ წასულა! სამღვდლო შკოლიდან ღვდლებათ არ მიდინან, რაც გინდათ თქვით. მაგრამ ეს ძლიერ გასაკვირველია! რახან ღვდლათ ვერ წავალთ, მაშ, სად უნდა წავიდეთ? მეტყვიეთ—სოფლის მასწავლებლათაო! მართალია, აქამდისინ სემენარიელებს ნება ჰქონდათ სოფლის მასწავლებლათ წასვლისა, მაგრამ ახლა ეგვეც ალარა გვაქვს. ახლათ გამოსულმა მასწავლებლებმა, ახალი გახსნილი სამასწავლებლო შკოლებიდან, ჩამოგვართვეს ეს ნებები. რახან მასწავლებლებათაც არ შეიძლება წასვლა, მაშ, მეტყვიეთ სამოქალაქო სამსახურში შედითო. მანდაც არ შეიძლება. აი რატომ, სამოქალაქო სამსახურში რომ შეხვიდე, რაც ექვსის წლის განმავლობაში დახარჯულა 7800, სულ ერთიანათ მოგთხოვენ. ხომ ხედავთ სიტყვით შესვლა კი შეიძლება და საქმით კი არა. რომელ სემენარიელს შეუძლიან მაგ ფულის შეტანა? პაპა ჩემის ფილიპეს ადგომას თუ მოუციდი, თორემ მე თავის დღეში მაგ ფულს ვერ მოვაქუჩებ! ხომ ხედავთ მკითხველო რა მდგომარეობაში ვართ სემენარიელები! განა ამის შემდეგ კიდევ შეიძლება რომ სემენარიელი ძლიერ ღრმით არ დაფიქრდეს თავის ბედზე და მომავალზე? მაგრამ მომითმინეთ კიდევ გვაქვს გზა—ეს გზაა მალალი სასწავლებლები: უნივერსიტეტები და აკადემიები! მაგრამ აქვე უნდა შევნიშნო, რომ მალალ სასწავლებლებში წასვლა ყველას არ შეუძლიან, ისინი არიან ძლიერ ცოტასთვინ, ვსთქვათ, გამოვიდა ერთი ორი ბედნიერი, რომლებსაც შეუძლიან წასვლა მაგ აკადემიაში, იქ რა უნდა გააკეთოთ? ხელმეორეთ ბიბლიის ზეპირობა უნდა დაიწყონ! ჰო. არც ეს არის შესაძლო ჩემისთანა კაცისთვის. ახლა გეტყვი: თუ აკადემიაში არ მოგწონთ ღვთისმეტყველური საგნების გამო, უნივერსიტეტში არ წახვალთო? უნივერსიტეტებში! მათი კარები დიდი ხანია სემენარიელებისთვის დაიკეტა! ეს ქნა ღვთისაგან დაწყველილმა „მეორე აპრილმა“ ნეტა ვის მოუტანა ამ უბედურმა აპრილმა სარგებლობა? ჩვენ, თქვენ მკითხველო, თუ თვითონ მსრო-

ნენ. რექტორმა მკითხა მერამდენე კლასელი ხართო, იმათ უთხარეს მეორეტლები ვართო და მაგ საქმისთვინა ვართო, რისთვინაც ყიუშიძეო, ამ საქმისთვის ეხეტქმარაო, თქვენ მიბრძანდითო.

მე მოვახსენე, რომ გრიაზნოვი ჩვენ გვაწუხებს და გვავეწროვებს მეთქი. ვაკვეთილებს სასტიკათ თხოულობს და ძლიერ ბევრსაც გვაძლევს, თითო ვაკვეთილზე ოც ლექსზე მეტს მეთქი. ამ დიალექტს ჯერ კარგათ არ ვიცნობთ, ცოტ-ცოტა უნდა მოგვეცეს. ვაკვეთილებს კიდევ გადაუწყედეს, როგორც იქნება ვისწავლით, მაგრამ საშობაოსთვის მოგვეცა ასი ლექსი, რომლებიც ორნაირათ უნდა გადაეთარგმნოთ, წმინდა რუსულით და სიტყვა სიტყვით სინტაქსიურათ გაეარჩინოთ და გომერის საკუთრებებში (СОБЕННОСТИ) ვაჩვენოთ. მაგრამ ნათქვამია, კეკელი ცერცვი შეაყარეო, მე თუმცა ბევრი ვილაპარაკე, მაგრამ მე მგონი არც კი გაუგონია. ბოლოს დაიწყო ლაპარაკი, მაგრამ რა მითხრა, რომ იტყვიან: „მე მაჩონს ვეუბნებოდი ის დოს მოარბენინებდაო“. სწორეთ ისე მოხდა: მე გრიაზნოს უჩიოდი, ის კი მეუბნებოდა რომ ბერძნული ძლიერ უნდა ისწავლოთ; ეს ახალი წესდებით არის დადებულიო. მე მინახავს, რომ ვოლოგდის სემინარიაში უფრო ბევრიც უთარგმნიათო, მაგის გარდა ეხლა ლინნაზიებში ძლიერ თხოულობენო. მე დავატყე, რომ ეს ჩემს სასარგებლოს არღარას იტყვის მეთქი, რადგანაც ჩემი ჩივილის საგანი ბანზე შეისროლა და სიტყვის შებრუნებაც ვეღარ გაგებდე, ავდეგ და გაჩუმდი. იჯიჯინა და ბოლოს დამითხოვა. საჩქაროთ გამოვევარდი ვარეთ. როცა ძლიერ თავისუფლათ ამოვისუნთქე, ამხანაგები კარდღორში მოცვივდნენ, გამოვეყავ თავი თუ არა კარებიდან ხარხარით მომცვივდნენ, რა გითხრა, რა გითხრაო?

შემოვედი ოთხაში და ერთი სიტყვით უთხარი „რექტორზე ტყუილათ ნუ გაქვთ იმედი, ის არამც თუ გვიშველის, არამედ ცეცხლზე წყალს დაგვისხამს“. ყველას შეეტყო, რომ ამ სიტყვებმა იმათ სახეზე ცუდი შთაბეჭდილება მოახდინა. მაშ რა ვქნათო, დაიძახეს ყველამ ერთხმათ. ის ვქნათ უთხარი მე, რომ შევიყაროთ ერთათ, რამდენიმემ, თავი, გადაეთარგმნოთ რამდენიმე ლექსი და მიუვდოთ, მერმე რაც უნდათ ის ქნან. მე შევიტყე, რომ ეს არავის არ ესიაშოვნა. წამოდგა მერმე მეორე და თამამათ დაიძახა: „სულაც ნურაფერს დავწერთო“. ამ სიტყვებმა ხელახლა გაამხიარულეს ჩემი ამხანაგები და ტაშიც ბევრი უკრეს. „ერთ სიტყვასაც არ დავწერთო, არ დავწერთო!“ ყვიროდნენ აქეთ იქიდგან. მე რასაკვირველია თავი ჩავლუნე სირცხვილისგან, ვფიქრობდი, თუ ასე უალაგო ალაგას რათ წამოვროხე ეს უადგილო აზრი და ან რა დროს მართებლობის მხარეს დაქერის დრო იყო? არა, ნუ იფიქრებთ, რომ მე ეს წამომეროხოს. მე ეს კარგათ მქონდა აწონილი და ვიცოდი, რომ დრო არ იყო მაგრამ მაინც უნდა მეთქვა. მე ჩემს ამხანაგებს კარგათ ვიცნობ, რაც შეილები არიან. ეხლა თუ აგრე ცხარეთ იძახიან „არ დავწერთო“. საშობაოთ, როგორ ჩუმ-ჩუმათ შეუდგენ მის წერას! აბა თუ მოიგონებთ შარშანდელ დღეურში რომ მქონდა აღწერილი, თუ როგორ შევკარით პირობა, ვაკვეთილი აღარ მიგვეგო და ეგ პირობა ვერ აეასრულიეთ? მაგ პირობაში დავისაჯე ყველაზე პირველათ მე და ეხლაც მე მგონი მერე დავისჯები. მე ეს კარგათ ვიცოდი და მსურდა უბედურება ამეცილებინა, როგორც ჩემი თავისა ისე ამხანაგებისაგან, მაგრამ ჩემს მოწი-

ნალმდეგემ დამჯაბნა! მაგრამ მე ყურს დაუგდებ. ვნახოთ ბოლო რას გვიჩვენებს?

21 ღვინობისთვე

გივას რომ პირველათ ჩემი დღიური ჩაუვარდა ხელში, ერთის მხრით ძლიერ გაუხარდა, ეგონა რომ იმის ძმა არხიმედის ურდულს იპოვიდა. მეორეს მხრით, დაფიქრდა ეგება ის აღარ დასწეროს დღიურში. გრძნობს და ერთობ ცუდი იქნებაო. ამის გამო ადგა და მითხრა: „დღეის უკანაც ისე იქონიე დღიური როგორც აქამდისინ, ვითომც მე არც კი ვიცოდეთ“ (შემდეგ წავიდა და მთელი ქვეყანა შეეყარა, ჩემს ძმას დღიური აქვს! ასე გაშინჯეთ ანთიმოზსაც კი შეატყობინა!), რომ მე დღიურში ნამდვილი გულითადი გრძნობა მეწერა ამაში მით უფრო დამარწმუნა რომ პერნეს⁵ სტატია, რომელშიაც არის ახსნილი, თუ როგორ კაცი სამ დღეში ვახდეს ორიგინალურ მწერლად, წამაკითხა. სწორედ ამნაირ აზრისა იყო ჩემი ძმა ჩემზე წარსულ კვირემდისინ. ეგება ის არცკი იყო მაგრამ მე კი ოდნავ ვიფიქრებდი. წარსულ კვირას წავედი ჩემ ძმასთან და წაუღე დაბროლიუბოვის წიგნი. ამ წიგნზე შენიშვნა არ დავიწერიაო? მკითხა იმან არა მეთქი, უთხარი მე. თუ კი რადიშჩევის⁶ წიგნზე დასწერეთ? როგორც ეტყობა ახლა რომელ წიგნსაც იმას გამოვართმევ იმ პირობით, რომ მე მათ კრიტიკა ან შენიშვნები უყო ჩემს დღიურში.

ორ შევირდს ბერძნული სიტყვები აქვთ ამოწერილი ერთ რვეულში. გრიაზნომ უთხრა ერთს იმათგანს: „ეს რა კომუნისმოზა არისო“. ჩვენ შევირდებმა ხვალ დაფაზე უნდა დაუწეროთ: „Класицизм да коммунизм—горшок котлу не товариш“.

6 გიორგობისთვე

პირველს ღვინობისთვეს თბილისის სასულიერო სემინარიის სასამართლოში [სამმართველოში] მოვიდა სინოდიდამ გადაწყვეტილება უ. კუვშინსკის და რეკტორ აბრამის დათხოვნაზე. ჯერ ეს ამბავი მე მგონი არც რეკტორს და არც კუვშინსკის შეეტყვოთ, რომ მთელმა სემინარიამ იცოდა ეს! ძლივს არ ეღირსათ სემინარიელებს მავის მოშორება! სინოდმაც ძლივს არ გაბედა მავის დათხოვნა, მაგრამ მოუსვენარი ვახეთები რას არ იზამენ! (თუ მართებლობას რათ ეხარებოდა უ. კუვშინსკის დათხოვნა, ამას შემდეგ შეიტყობთ). იმ ღამეს, როცა შევირდებმა კუვშინსკის დათხოვნის ამბავი შეიტყვეს ისეთნაირი მხიარულება იყო სემინარიაში, განსაკუთრებით მაღალ კლასებში, რომ გარდმოცემაც არ შემიძლიან.

მთელმა ქვეყანამ იცის, რა ფრინველიც არის უ. კუვშინსკი! მე კიდევ ვიტყვი ცოტას მასზედ, რაც ვერ გაბედეს ვახეთებში გამოცხადება, პირველად: ის იყო მტერი ყოველგვარი თავისუფლებისა, მეორედ: ყოველგვარი რუსული და განსაკუთრებით გარედან შემოტანილი წიგნებისა, აგრეთვე ქართულისა, ის იყო გაუკითხავი მტერი, მესამედ, რომ მავის ხელში შევირდებმა ჰკუთვნებით უკან მიდიოდნენ, სანამ წინ, ამაში ეჭვი არ არის (ეს ითქმის მხო



ანტონ გურგენიძე (1839—1913)

ლოდ მომეტებულ ნაწილზე უფრო თხელ ხასიათებზე. ამისთანა ნატურები, რომელსაც არ ემორჩილებოდნენ მას., ირიცხებოდნენ). მეოთხე, რომ კუვშინსკის მიზნით ჰქონდა ერეგნა თავის შკოლიდგან უფრო ნიჭიერი, კჳუა ვახსნილნი შეგირდები, იმის მსხვერპლად განსაკუთრებით ხდებოდნენ თბლისის უჩილოშჩის შეგირდები!

ათს საათზე, როდესაც ყველა შეგირდებს ეძინათ, კუვშინსკი შევარდა პატარა სპალნიაში, მივარდა ერთ კოიკასთან და შეგირდს დაუძახა, „ეხლავე აღზღევი და ტანთ ჩაიცვიო? გულვახეთქილი შეგირდი წამოვარდა და უთხრა: რა გნებავსთო. კუვშინსკი: ეხლავე ტანთ ჩაიცვი, ჯანდრები გელიანო; საწყალი შეგირდი შეკრათა. ვერ წარმოედგინა, თუ ან რა დროს კუვშინსკი იყო, ან ჯანდრები! უბედურმა კანკალით ტანთ ჩაიცვა და გაყვა თავის ჯალათს, ძირს ჩაიყვანა თავისი მსხვერპლი და უთხრა „გატყუებო, წადი დიაძინეო და დილაზე მოგელაპარაკებო!“ ერთხელ სთქვა ერთმა მეხუთელმა: სადილის შემდეგ ჩვეულებისამებრ წამოვედი მაღლა ბალკონებზე, ამ დროს მომესმა ხმა უქნიდან: „კუვშინსკი მოდის ქართული წიგნების, დასაჩხრეკათაო.“ მე საცოდავს ერთათ ერთი ქართული წიგნი მეგდრო, იმასაც წაგავლე ხელი და ხარულში ჩაუძახეო.

პირველ დამეს, როცა კუვშინსკის დათხოვნაზე შევიტყუეთ, პირისაბანს ზალაში კარგი დრო გავატარეთ. ბევრი ვილხინეთ და ვითამაშეთ. ისეთებმაც ითამაშეს, რომლებმაც სრულებით არ მოველოდით. რამდენიმე ხნის შემდეგ წავედით დასაძინებლათ მხიარული გულით. ეს არაფერი, დღე მშვიდობიანათ გადავდა. მეხუთელები შეუდგნენ შპიონების გამოძებნას. პირველს ორ დღეში შინაურულათ უმტკიცებდნენ შპიონებს იმ ფაქტებით, რომელიც თვითონ იცოდნენ და მესამე დღეს კი ოფიციალურათ დაუწყეს დამტკიცება. მეორე დღესვე მეხუთეს ინიციატორებმა გამოსცეს საშინელი ედიქტი, რომელიც გვეცხადებდა შპიონის სანელებს და გვეყრდალავდა მათთან ლაპარაკს. ურიგო არ იქნება, რომ თქვენც იცოდეთ უპირატესი შპიონების სახელები: უ. ბერივეი, რეკტორის შპიონი, უ. ივანე ობოლენსკი, ორთავეს რეკტორისაც და ინსპექტორისაც. პირველათ, როგორც ვთქვი შინაურულად უნდა დამტკიცებინათ და შპიონობაში გაეტეხნათ, მეხუთელი შპიონები ვერ გასტეხეს. ამის შემდეგ იხმარეს სხვა საშუალება. მოიწვიეს მთელი სემინარიიდან ყოველი შეგირდი, რომელმაც კი იცოდა რანაირიმე ფაქტი შპიონობის დასამტკიცებლად. ამ სახით მეხუთე კლასში შევიყარინეთ ორმოცამდინ კაცი. თქვენ კი არ იფიქროთ, რომ აქ არეულობა ყოფილიყვეს რამე. სრულებითაც არა. პოლიციისკის როლს ასრულებს ორი სემენარიელი, რომელნიც იდგნენ ორ კართან: თავმჯდომარეთ გყავდა უ. ტარასი ჭიჭინაძე, რომელიც იჯდა შუა ალაგას, მის წინ იჯდა ობერსერეტარი უ. ჯაჯანიძე, სწერდა შეგირდების ჩვენებებს. ერთს გვერდზე სერეტრის და თავმჯდომარისა იდგნენ ორნი ბრალდებულნი обвинители (უკაცრავად სიტყვის უცოდინარობისგან, ჩუბინოვის ლექსიკონი ვერ ვიშოვნეთ თორემ არ შემცდებოდა, ეგ სიტყვაც ერთმა იმერელმა შეგირდმა მასწავლა). მეორეს მხარეს იდგნენ დამნაშავენი ე. ი., подсудимые.. ღმერთო რა ცეცხლი ეკიდებოდათ და აღმურჩი ასდიოდათ საწყალ შპიონებს. უ. ობოლენსკიმ ვეღარ მოითმინა, წამოხტა და თავმჯდომარეს უთხრა: „Разве не достаточно, что обвинители в шпионстве в

виду целого класса. что еще призывали суда всех семинаристов? Ведь еще не доказали что мы шпионы? Разве возможно, чтоб-я ученик высшего класса судился учеником низшего класса?», ეს უთანხმოება რომ გამოაცხადა, თავმჯდომარემ უთხრა „დაბრძანდითო“, საცოდავი დაემორჩილა. აი, დედა, რანაირათ გამოიცვალა დრო? გუშინდელი კუვშინსკის მოენე დღეს შეუბრალელათ გახადეს. ნათქვამია: რასაც დასთეს იმას მოჰყო. დიკტატორივით სჯიდა სემინარისტებს. ესენიც მაგრად სჯიან თავის ტყვეს, მაგრამ დაუბრუნდეთ თვითონ ყრილობას. ჩვენების ჩამორთმევა დაიწყეს მეორელებიდან. სამის მეტი არ გამოჩნდა მეორეში, რომელსაც წარედგინა ყრილობისთვის რაიმე შპიონებს წინააღმდეგი ფაქტები. შეგირდი რომ გაათავებდა ლაპარაკს, პრეზიდენტი დასვა მას და წამოაყენებდა იმ შპიონს, რომლის წინააღმდეგაც იყო ლაპარაკი შპიონისთვის. გასამართლებლად იტყოდა რასმეს და დაჯდებოდა. ობერ-სეკრეტარი ამეებს სუყველას სწერდა, მერმე ხმოვან[ნი] გასინჯავდნენ ფაქტს მოყვანილს, ექნება რაიმე ძალა თუ არა, შეუძლია დაუმტკიცოს შპიონს შპიონობა თუ არა, რეზოლუციასაც ობერ-სეკრეტარი შეიტანდა დოკუმენტებში.

ამგვარათ ჩამოართვეს მეორელებს ჩვენებები. შემდეგ პრეზიდენტმა მოიწვია შესამელები. შესამელებმა ყველაზე მეტი ფაქტები წარუდგინეს ყრილობას შპიონების წინააღმდეგ, განსაკუთრებით ორმა შეგირდმა უ. ოდიწარიამ და უ. ბორისოვმა. უ. ბორისოვმა ყრილობა აღტაცებაში მოიყვანა თავისი მშვენიერის ლაპარაკით. მეხუთელებს ყრილობაში თავიანთი ფაქტები არ წარმოუდგენით, რადგანაც მაგათ წინა დღეს ცალკე ჰქონდათ ლაპარაკი. მეოთხელებმა ძლიერ ცოტა ილაპარაკეს, მეექვსელებმა ხომ სულ არაფერი. ვერ გამიგია ეს რა მიზნით მოხდა, მაგათ უფრო ბევრი არ უნდა სცოდნოდათ? ეს ერთმა ჩემმა ამხანაგმა ახსნა ამ გვარათ: ეგენი იმიტომ მოლორდნენო, რომ წელს გასელას აპრობენო და ეშინიანთ, რომ ზრდილობა [ყოფაქცევა] მთავრობამ არ გავგიფუქოსო. თუ ეს მართლა აგრეა, სირცხვილი მაგათ ვაჟ-კაცობას! თუ საინტერესო იქნება მოვიყვან ორიოდ ჩვენებებს, რომლებიც წარმოადგინეს შესამელებმა შპიონის წინააღმდეგ. ჩვენება ეკუთვნის უ. ფარეშიშვილს. უ. ობოლენსკის, სთქვა ფარეშიშვილმა, ამა და ამ დროს მე მქონდა შენახული წიგნი „ცისკარი“, 171 პარტაში, როდესაც შეგირდები ოთახში არ იყვნენ, თქვენ შეხვედით იქ და რალასაც ჩხრეკდით. მეორე დღეს უ. კუვშინსკიმ დამიბარა, გამორიცხვას დამემუქრა ქართული წიგნების ქონებისათვის. ამაზე რას იტყვიო უ. ობოლენსკი, ჰკითხა თავმჯდომარემ, „Я, ска-ал Оболенский, не отрицаю того, что ходил тогда по комнатам. Я имею привычку ходить по комнатам во время урока грузинского языка и отыскивать книги для чтения“.— „Странная у вас привычка г. Оболенский“, ответил г. Парейшвили. Такой остроумный ответ заставил всех дружно расхохотаться. როცა ჩვენების ჩამორთმევა გათავდა, ყრილობაც დაიშალა. ეს ერთი ამბავი კარგად გვიმტკიცებს, თუ როგორ გამოიყენეს ერთი კვირის თავისუფლება სემინარიელებმა!

ამ ორ ამბავზე თუ ბევრი გელაპარაკეთ, ახლა უფრო ერთგვარი ამბები არიან და ცოტასაც ვილაპარაკებ. საქმე იმაშია, თუ ამ ანარბის დროს შეგირდები რაგვარ ეციდებოდნენ თავიანთ მასწავლებლებს. ეს უბრალო სიმართლე ხომ ყვე-

ლამ იცით, რომ ჯაჭვიდან აშეგებული ძალი უფრო ავია, სანამ თავისუფალი. ასე იყო სემენარიაში. ჯაჭვი იყო უ. კუვშინსკი, ძალები სემენარიელები და მასწავლებლები კი გამველ გამოამეღენი. თქვენც კარგათ იცით, რომ ჯაჭვი აგვაცილეს, ვაქენენ მერმე, ჩემო ბატონო, ეგ ვაბოროტებული ძალები, ანუ სემინარიელები, ეცნენ თავიანთ მასწავლებლებს და ვაი თქვენს მტერს, რაც დღე დააყენეს! ზოგს კუნთი გამოაგლიჯეს, ზოგს ფრაკი ჩამოფხრიწეს, ზოგს შლიაპა დაუჭყოლტეს და ზოგი კიდევ შიშისაგან ცხრა მთას უკან გარდილეწა. ეს ბედი ყველას არ ეწია. თქვენ ისიც კარგად იცით, რაც უნდა ავი და ბოროტი ძალი იყვეს, მაინც საყვარელი ჰყავს. ესე ჩვენ სემენარიაშიც იყო. იმის გამო რომ ძალებსაც საყვარლები ჰყავთ: ჩვენს სემენარიაში ზოგიერთს პროფესორებს არამცთუ დაახიეს ფრაკები, არამედ არც კი დაჰკეფეს.

ვათავებ ჩემო საყვარელო ძმავ უ. გოდორია*, ერთის კვირის აღწერას სემენარიის ცხოვრებიდან! იმ ჩემი ნათქვამიდან შენ შეგიძლიან გამოიყვანო ის დასკვნა, რომ კუვშინსკი საჭირო ყოფილა მართებლობისთვის, რაზედაც ცოცხა ზემოთ მოვახსენეთ. აი რისთვის, კუვშინსკი რომ აქ ყოფილიყო, არამც თუ არ მოხდებოდნენ ეს ამბები, მე მგონი აზრათაც არ მოსვლოდათ ესეები სემენარიელებს. რადგანაც ამისთანა დემონსტრაციები განსაკუთრებით შკოლებში სრულებითაც არ მოსწონს მართებლობას, მაშასადამე, ის კაცი, რომელიც ძირიდან ამოფხვრიდა ამისთანა დემონსტრაციებს. უნდა ყოფილიყო საყვარელი მართებლობისა! საცინელი არ არის, რომ ის საშუალო კაცი, რომელიც არის ჩვენსა და მართებლობას შუა, რომლის ვალიც ის არის, რომ ჩვენ მართებლობა შეგვაყვაროს და მართებლობას კიდენ ჩვენი თავი, ერთს მხარეს ასე ეჯავრებოდეს და მეორეს კი უყვარდეს! აქედან ცხადათ სჩანს, რომ მართებლობას სულ სხვა უნდა და ჩვენ სულ სხვა.

15 გიორგობისთვე, სამშაბათი, აღებლამე.

ჩვენმა გამეგობამ დროებით ინსპექტორათ და რექტორათ ამოიჩნია უფ. პ. ს. პოტოცკი** და ფავორსკი—რექტორათ. ორთავენი სამღრთო წყრილის მასწავლებლები არიან. მე ამ შენიშვნაში ვილაპარაკებ მართო პოტოცკი-ზედა. სრულებით არაფერს ვიტყვი რექტორზე. მითომ რათათ, მკითხამთ ზოგიერთი. მიტომ რომ ჩვენ სემინარიებში რექტორებს არაფერი მნიშვნელობა არა აქვთ, იმათ საქმე ლოცვაა. საქმე ინსპექტორია! თუ ინსპექტორი კარგია, რექტორი უფუკი. ერთი სიტყვით ინსპექტორზე კიდია სემენარიის ბედი და უბედურება. ამიტომაც ჩემი ლაპარაკის საგნათ იქნება პოტოცკი—ინსპექტორი და არა რექტორი—ფავორსკი.

* გოდორია—ფსევდონიმი და დიურის აეტორის უფროსის ძმისა გრ. ყიფშიძის.—

** პ. პოტოცკი ერის კაცი იყო. ინსპექტორად დარჩა 1889 წლამდე. სემინარიელები მეტ-სახელად „შეხანაის“ ეძახდნენ ასო „ს“—მაგიერ „შ“-ს ამბობდა. სასტიკი და ცოფიანი ადამიანი იყო; ერთხელ, როდესაც გვიან ღამე თავისებური ფეხების ბაქუნით, შევიდა სემინარიელების გრძელ საწოლ ოთახში, მოწაფეებმა უკან საწოლებში სინათლე ჩაუქრეს, როცა გამობრუნდა ბნელაში დარჩა, მოწაფეებმა ყვორილი მორთეს და ბალიშები დაუშინეს, რის ვიევაღ-ღამით გულგახეთქილმა გამოაღწია აივანზე. შენდევში ხელის ფარნით დადიოდა ხოლმე საწოლ ოთახში.

ჩვენს დროებით ინსპექტორს ჰქვიან სახელათ პავლე სიმონიჩი, მაგრამ შეგირდები ეძახიან პავლიას, მეც მაგ სახელს უწოდებ. უნდა გითხრაო, რომ სანამ პავლიას ინსპექტორად ამოარჩევდნენ, როგორც ბიბლიის მასწავლებელს, შეგირდები ცუდათ უტყუროდნენ მაგას. შეგირდები ამბობდნენ მაგას, რომ ინსპექტორობა მისცენო, ძლიერ სასტიკათ მოგვეტყუეო და შეგვაწუხებსო. ეს ჩვენი ამნაირი მაგაზე შედგენილი აზრი, კინალამ არ გაამართლა უ. პავლიამ, ანუ პავლე სიმონიჩმა. მეორე დღეს ინსპექტორად დაყენების შემდეგ, ლოცვის შემდეგ (შათათი იყო) შემოვიდა და გვითხრა: ეკლესიაში ძლიერ ცუდათ დგებართო, ხან ერთ ფეხზე გადაწვებით, ხან მეორეზეო და წამდაუწუმ გამოიხიხართ გარეთო, სხვა ზავედენიებში, მაგ. კლასიკურში, მე ეს არ მინახავსო. გთხოვთ რომ აღარც სემენარიისაში იყოს ესო. ამ სიტყვებმა სულ ერთიანათ დააფრთხო სემენარიელები.

რასაც ვფიქრობდით გვიმართლდებაო, იძახდნენ სემენარიელები. ამნაირათ დაიწყო უ. პავლე სიმონიჩმა ინსპექტორობის მოვალეობის ასრულება და ამ ნაირად მიიღეს შეგირდებმა.

როგორც ზემოთ ვთქვი ჩვენს სემენარიისაში დიდი არეულობა და მღელვარება იყო შეგირდებში შვიონების გამო. ამ საქმის გამოსაძიებლათ პრავლენიემ დანიშნა უ. პოტოცკი. ერთ კვირა დღეს მაგან შეკრიბა მთელი სემენარიელები (პირველ კლასელების გარდა) ერთს დიდს ზალაში, სადაც გამოძიება იყო დანიშნული. პოტოცკი შეუდგა გამოძიებას. შეგირდები ფაქტებს აღგენდნენ, შვიონები თავს იმართლებდნენ. უ. პოტოცკიც თავის მხრით რაც შეეძლო ამართლებდა შვიონებს. ეს რასაკვირველია, შეგირდებმა კარგად შენიშნეს. პოტოცკი თხოულობდა ნამდვილს ფაქტებს, შეგირდებმა ის ვერ წარუდგინეს და ამის გამო ჩვენი საქმე ცუდათ მიდიოდა. ბოლოს ერთმა შეგირდმა ველარ მოითმინა და უთხრა პავლესა, — ნამდვილს ფაქტს რას ეძახითო? ნამდვილ ფაქტს იმას ვეძახიო, მიუგო გამოძიებელმა, რომ ვისმეს ყური მოეკრას, როცა შვიონი ამბავს უზიდავდაო. ჩემის აზრით ამ სიტყვებს სულელიც არ იტყოდა, არამც თუ განათლებული კაცი. არა. ისეთი ოხერი ვინ იქნება, რომ სეკრეტი რამე სალაპარაკო ჰქონდეს, სხვა კაცი დაინახოს და არ გაჩუმდეს! მაგის გარდა: რა არის შვიონობა? ის არის დაფარული საქმე. მაშ, თუ აკრუა, შვიონს ისეთს ფაქტებს და დამტკიცებას წარუდგენენ, რომ თავი არ გაიმართლოს? აი მაგალითებრ: ერთი ფაქტი, თუ შვიონმა როგორ გაიმართლა თავი. თუმცა ძლიერ გავრძელებდა უიმიისოთაც გძელი ბაასი. მაგრამ მოვიყვან სიტყვა-სიტყვით. ფაქტი ეკუთნის, უ. ბორისოვს, „ამა და ამ დროსო სიტქვა ბორისოვმა—მე და სიმონ შანშიევი წაველათ ფერშალთან ქეიფის გასატარებლად, სადაც ფერშლის გარდა იყვნენ კიდევ ორნი ეკონომნი, ახალი და ძველი. ამ დროს წმინდათ ღმრის თორმეტ საათი იყო. ეს აზრი არ შეიძლება რომ ტყუილი იყვეს, მიტომ, რომ ამაზე აღრე კუკშინსკის გამო ქეიფებს ვერ გაბედავდნენ. ეს თორმეტი საათი კიდენ მითაა შენანიშნავი, რომ ამ დროს სემენარიისაში ყოველს სულგმულს სძინავს. სემენარიისაში იძინებენ ათს საათზე და თუ რომელიც შეგირდი არ დაიძინებს ამ დროს, თუ კუკშინსკი

* ბორისოვი და შანშიევი უფროსი კლასის მოწაფენი იყვნენ—გ. ნ.

შეუტყობდა და ანგელოზებს დაუფთხოვდა ცოტაოდენი, რომ გადავსვით—განაგრძელა ორატორმა სიმღერებიც შემოვძახეთ. ამ დროს შევნიშნეთ რომ ერთი ვილაც პირი ნელ-ნელა ხან ერთ კარებიდან მოვა და დაგვივადებს ყურს, ხან მეორე კარებიდან (ის ოთახი, რომელშიაც სვამდნენ არის საავადმყოფოს გვერდზე და აქვს ორ მხრივ კარები). ჩვენ შეგვეშინდა, გვეკონა რომ რეკტორია, რადგანაც იმას ჰქონია ჩვეულებათ პირველ საათზე საწოლებში და საავადმყოფოში სიარული შეგირდების დასახედათ. ადგა კამპანიიდან ძველი ეკონომი და გამოიხედა გარეთ, იქ იმან ნახა კოიკაზე უ. ივ. ობოლენსკი. იმავე მინუტში დაბრუნდა და გვეთხრა ჩუმით იყავითო, გარეთ ერთი ვილაცა ზისო. მეორე დღეს, სთქვა ბორისოვმა, დამიბარა კუვშინსკიმ და გამლანძლა, გამორიცხვასაც დამპირდა. ეს ამბავი ვინ შეატყობინა უ. კუვშინსკის თუ არ ობოლენსკიმ, ჰკითხვა გამომძიებელს უ. ბორისოვმა. ახლა შენი რიგია, უთხრა გამომძიებელმა ობოლენსკის. იმანაც დაიწყო: „ყველამ იცით კუვშინსკი გაზეთების კითხვას გვიშლიდა, მაგრამ მანაც ვკითხულობდით. გაზეთი დღისით მე არ მერგო, ის მომცეს ვახშამთ უკან. წასაკითხათ სპალნიაში ვერ წაველი, რადგანაც შეგირდებს დაუშლიდით, აედექ საავადმყოფოში წაველი. საავადმყოფოში, რომ შეველი, ყველას ეჩინა და ლამაზა ჩაშვებული იყო. ლამაზა ვერ ამოუწვიე, რადგანაც მეშინოდა, რომ შეგირდები არ გავაღვიძო მეთქი. იქიდან ვაველი კარრიდორში, დავექე კოიკაზე და დავიწყე კითხვა, სადაც მერმე მნახეს“. აი ჩემო—მოკითხველო ფაქტები, ახლა აქედან შენ დაუმტკიცე, რომ ობოლენსკი* შპიონია. მე ახლა მოგაგონებ, რომ იმ თორმეტს საათზე ზემოთ ტყუილათ არ გელაპარაკე. მე კი ჩემის აზრით, ვიტყვი, რომ ობოლენსკის არ შეეძლო თორმეტ ანუ პირველ საათზე კითხვა გაზეთისა საავადმყოფოში. თუ იმას გაზეთი მისცეს ვახშამს უკან, მაშასადამე, გაზეთის კითხვა მოხდებოდა ათიდან თერთმეტ საათამდინ და არა თორმეტს და პირველს საათს შუა. ვაცხარებული პოტოცკი ამ ფაქტს, რომ არჩევდა, ამართლებდა შპიონს. შეგირდებმა ეს ველარ მოითმინეს და პირდაპირ დაუწყეს ჩხუბი. ნილომ უთხრა: შენი ვალი ის არისო რაც გითხარით ჩასწეროთ და გამგეობას წარმოუდგინოთ, არა ისა, რომ აქ ჩვენ გვეჩხუბო—ეს ჩემი ნებაა—უთხრა პაველ სიმონიჩმა, ჩაყრიცხამ საჭიროთ, წარუვლდგენ პრავლენიეს. არ ჩაყრაცხ საჭიროდ, არ წარუვლდგენ. რახან აქ ერთის კაცის ნება ყოფილა და არა მთელი გამგეობისა. ჩვენ ბევრიც, რომ ვიჩხავლოთ, ველარას გავარბებთო, ამ დროს ერთი შეგირდი ადგა გამოვიდა გარეთ, იმას უკან სხეები დაედევნენ, დარჩა მარტოკა ერთი პოტოცკი კათედრაზე! თუ რაგვარ ან გაცვითლდა და ან გაწითლდა, ეგ თქვენ წარმოიდგინეთ! საცოდავი პოტოცკი არ იტყუა და თავის გულში ეს რა ჯოჯოხეთში ჩამავდესო! ერთი ორიოდ შეგირდი დარჩა იქ და იმათ აუხსნეს, რომ შეგირდები კმაყოფილნი არ არიან თქვენის გამომძიებთაო. ეს კიდენ არაფერი, ცეცხლი ის არის, რომ შეგირდები როცა ზალიდან მიდიოდნენ, ყვიროდენ: „Подкуплен, пристрастно судит!“ ასეთ ნაირათ

* ამ ობოლენსკის ძმა—ალიოშა ობოლენსკი ათი წლის შემდეგ სწავლობდა თბილისის სემინარიაში და დაუწოდებლ შპიონად იყო ცნობილი მოწაფეთა შორის. იგი მასწავლებლად იყო შემდეგში.—გ. ნ.

მიიღეს სემენარიელებმა თავიანთი დროებითი ინსპექტორი, რომელმაც პირველ თავის მოქმედებაში ნამდვილი ფიასკო მიიღო! პოტოცკის პირველი მოქმედებები სემენარიაში ამით არ გათავებულა, მომსხო ქვემოთ არის!

4 კრიტიკობისთვის, სამშაბათი.

ამ ორი კვირის განმავლობაში სემენარიის მართებლობამ გამორიცხა ოთხი შეგირდი. ამ ამბავს შეგირდები რასაკვირველია სუყველანი ერთნაირათ არ უცქერიან. ერთნი კუფშინსკის მომხრენი იძახიან: „არ ვამბობდით; რომ კუფშინსკის შემდეგ უფრო ცუდი დრო დაგვიდგებაო! ერთის სიტყვით ეს პარტია ამ საცოდავების გამორიცხვას აწერს უ. პოტოცკის, მეორენი ამბობენ, რომ ეს ანარხიის და ინტრიგანობის ნაყოფიაო, მესამენი კიღენ—რომ ეგენი ღირსნი არიან გამორიცხვისაო. მე კი არც ერთი პარტიის აზრს არ ვეთანხმები. მე ჩემის მხრით ვიტყვი, რომ სემენარიაში სულ სხვა ჯიშის ხალხია, ესენი სრულებით არ გვიან სხვა ზავედნიის შეგირდებს. რაც აქ ამბები ხდება, ამათ მე მგონი სხვა შკოლებში ალაგი არა აქვთ. აი მაგალითებ: მესამელები რაპორტით რექტორთან სჩივიან ერთის მასწავლებლის დათხოვნაზე. ეგვე მასალები თხოულობენ ერთის მასწავლებლის დათხოვნას, რადგანაც, ვითომ მას გაელანძლოს. ერთი შეგირდი ეუბნება მასწავლებელს: „Г. Вы надуетесь отсутствием властей, я сам вас вздуваю“, ე. ი. მიგებრტყამო (ეგ შეგირდი არ გამოუორიცხამთ).

ერთმა შეგირდმა სადილზე ინსპექტორის წინ სცემა მეორეს. არც ეგ შეგირდი გამორიცხეს. ერთი მასწავლებელი იძახის, რომ ვისაც სასჯელის მიღება უნდაო, პირველს და მესამეში შევიდესო. ერთი შეგირდი ზედამხედველს ეუბნება: „ჩქარა შენ გვაძევებენ აქედან—სანამ მეო“. ეგ შეგირდი საეკლესიო ხარჯის დათხოვნით დასაჯეს. ამისთანა მაგალითები სემენარიაში მუდამ ბევრი ხდება, მაგრამ სუყველას მოყვანა საჭირო არ არის. ეს ფაქტები ცხადათ გვიმტკიცებენ სემენარიის შეგირდები იმ დონეზედ არ არიან, როგორც სხვა ზავედნიებში. თუ ეს ღრმა არის, ჩემო მკითხველო, მდაბიურათ გეტყვი. ის, რაც სემენარიაში ადვილათ ხდება, სხვა ზავედნიებში ძვირათ ხდება. მე ამითი ჩვენ დანჯღრეულ სემენარიას საფრანგეთის ინსტიტუტებთან (მაგ. როგორც ნანტისა, რომლის სტუდენტებმაც ერთის პროფესორი ისტორიკოსის ლექციის შემდეგ, ზავედნიეს თავი დაანებეს და წავიდნენ მტერთან საომრათ) კი არ მინდა შევადარო, არა, მხოლოდ თბილისის გიმნაზია ინსტიტუტებთან. მკითხამს გაჯაერებული მკითხველი: რა შედარება, რა გადადარებაო! შენ იქნება გგონია, რომ ჩამოთვლილი ფაქტებით სემენარიელებს სახელს გაუკეთებ და ღირსებას დაუმცირებ! დაუმცირებ თუ წაუმატებ, ფაქტები მაინც თავისას იტყვიან, რომ სემენარიის შეგირდები განსხვავდებიან გიმნაზიელებიდან და მათთან ვერ ერთდებიან—ეს ადვილი ასახსნელია. პირველი, რომ სემენარიელები ცხოვრობენ ბურსაში და მაშასადამე, მისი ხასიათი უნდა ჰქონდეს. მეორე, მთლად სემენარიელები არიან სოფლები, გიმნაზიელები კი, როგორც იცით ძნელად თავსდებიან ერთათ, მაგრამ კითხვა იმაშია, რატომ სემენარიას ახვევია იმისთანა მოუდრეკელი ხალხი და გიმნაზიას კი ელასტიკური! მიტომ რომ არისტოკრატია ზრდის თხელი ხასიათის შვილებს.

აი შავალ. როგორ ვაეატარე ეს დღე. რვის ნახევარზე ავდექი. სანამ პირს დავიბანდი და ტანთ ჩავიცვამდი 10 შესრულდა. დილის ლოცვას და ჩაის მოუნდა ერთი საათი. ჩაის შემდეგ ნახევარ საათი ლაპარაკს მოუნდა, სათ-ნახევარიც ვიმეცადინე. ეგეც 11 საათი. დარეკეს შუა დღის ლოცვა, რომელმაც მოითხოვა 2 ნახევარი (რადგანაც წყლის კურთხევა იყო). წირვის შემდეგ სა-



დავით კეხელი (1861—1907) გადასახლებული ციმბირში 1905 წ.

დილი. ეგეც სრული ორი საათი. სადილის შემდეგ ერთი საათი კიღენ ლაზღან-დარობას მოუნდა. საათი კიღენ ვიმეცადინე. მერმე ნამესტნიკი მოვიდა. ერთი საათი იმის ცქერაში და იმაზე ლაპარაკში გავიდა, ეგეც სუთი საათი. მერმე

მაგრამ მტრის დანახვის დროს დედა თავის შვილს კუთხეში არ მიჩქმალავს, მხოლოდ გულში მიიკრავს, და მზათ არის მასთან სული დალიოს. აბა სწორეთ მეც ისე მომივიდა. პატროსანი კაცი, რომელმაც ცოტათი იცის სემენარიის ისტორია იტყვის: დლიურის ქონა განა საშიშო არისო? განა ის შეგირდი ყველასაგან საყვარელი არ უნდა იყვეს? ჩვენს სემენარიაში სრულებითაც არ არის ეგრე. აქ ყოველის მხრით სდევნიან მას, რომელიც გაბედავს მაგეების ქონას. განა კეზელის უბრალო ნაწერებმა, რომლებიც ისე გააზვიადეს, უბრალო ნაწერზე ისე ცხარი იყო რომ ასე სასტიკად დასაჯეს? არა მჯერა და! აი მიზეზი თუ რისთვის, ერთის სახელის გაკონებაზე დლიურს თბილი უბე ვანახე. ზემო აღწერილი შიში არაფერი, მომსხო ქვემოთ იყო. ნამესტნიკი ჩვენს ოთახში რომ შემოვიდა წინდაწინ დასალაპარაკებლათ ჩემთან უნდა მოსულიყო, რადგანაც სხვები ამისთანა ალაგას იდგნენ, რომ იქ ვერ მოჭხედებოდა და ძალით ხომ არ მიუტყვევდა? გამარჯობა-გავიმარჯოს! კი არ გავკეცივით ამაზე, ხომ იცით სემინარიელები უბრალო ხალხი ვართ. რალაც *Здравия желаем ваше императорское высочество!* ვერ მოვივანეთ. როცა წავიდა მაშინ მოვედით გონს. გამარჯობის შემდეგ მე სახელი და გვარი მკითხა. მის შემდეგ ჩემი პალტოს ბიოგრაფია იკითხა, მერე ბლუზის ისტორიაც მოინდომა! მაშინ კი გულმა დაიწყო ცახცახი! აბა ბიჟო, ახლა მოგადგა დიდი განსაცდელის დღე! რო გინახოს და პანდური გიკიროს, ვისთან წახვალ? შენ ძმასთან? იმასაც არა აქვს პური და შენ რა გაკამოს? *Великий день великих испытаний!* ჩემი დლიური ხომ არაფერია, მაგრამ ნამესტნიკი სემენარიელებს სხვა თვალებით უტყვერის, მათი ფერიც კი ეჯავრება! (ჩვენც მას უძღვნით!) იტყვიან გოსუდარი—მამაო და მოყმე—შვილიო. აქ როგორი მამაშვილობაა? შინ მამაჩემს ასეცა დაუტყვივლებ ბოლმე, რომ სირცხვილით ვერცკი შემომხედამს. ისიც თავისი მხრით აგრე შეტყვევა, როცა საჭიროა, ველიკი კნიაზს მესამეში ერთისთვის ეკითხნა: შენ ვინ ხარო? სვანოო. ოჰ, შენც ბუნტოვჩიკი იქნებიო! მიუბრუნდა რეკტორს და უთბრა: „Обратите на него серьезное внимание. Они у меня бунтовщики!“ ეგეც ზენი მამა-შვილობა!

14 იანვარი.

სტამბოლის აღება რუსებს ისე არ გაეხარდებოდათ, რომ ევროპიელებისთვის ეთქვათ თქვენის კავშირებით ფეხებსაც ვერ სომკამთო და ვერც თქვენი დაუცხრომელი ბისმარკ-ბიკონსფილდი-ონდრაში მიზამენო და ისე მეტატელ-პატრიოტებს არ გაუხარდებოდათ საქართველოს თავისუფლება, როგორც დღეს სემენარიელებს უხაროდათ! დღეს წმინდა ნინოს დღესასწაული იყო. იქნება იფიქროთ, რომ ნინოს უქმე, გაუხარდათ? სრულებითაც არა. გაუხარდათ ის, რომ წირვა ქართულს ენაზედ იყო ჩვენს ეკლესიაში. ზემოთ მოგახსენეთ, თუ რა ნაირათ სემენარიელებს ეზარებათ ეკლესიაში სიარული, მაგრამ დღეს სუყველანი იქ გახდნენ! რანაირი ფაცა-ფუცი შეუდგათ! ზოგი ეამს არჩევედა, ზოგი სამოციქულოს და ზოგნი კიდენ საგალობლის გიმნებს. სწორეთ გითხრათ, წირვა სრულებითაც არ იყო ტკბილი გასაგონი! ყველას ეტყობოდა, ღვლლიდან დაწყობილი შეგირდებამდინ, რომ თავის სამშობლოს ენაზედ ღვთის დიდება არ

მეუძლიანთ, მღვდელმა ნახევარზე კი ქართულათ იცოდა და მერმე გადურუსულა... მთავარი სულ რუსულათ ჩხაოდა, მხოლოდ ორიოდ სიტყვა კი ქართულად სთქვა, რამაც უფრო ძლიერ ააჭრელა წირვა. ისევ შეგირდებმა აჯობეს მღვდელსა და მთავარს. ამით რაც წასაკითხები იყო სულ მშვენიერათ წაიკითხეს, მაგრამ გალობა კი!.. როდესაც „აკურთხე სული ჩემი უფალო“ გააფუქეს, ზედახედველს და ინსპექტორს შეეხედე, რომლებს სახეზედაც დაცინვა ამოვიკითხე, მაშინ ტანმა დამიჭრიალა და ქირის ოფლმა დამასხა! ღმერთო ჩემო, ეს რომ აღკრძალული ნაყოფი არ იყვეს, ასე ხომ არ წავეტანებოდი და ესეც აღარ შემრცხვებოდა, ვილაც რუსისა! ოხ სამშობლო, რა ტკბილი ხარ, მაგრამ უფრო უუტკბილესი ხარ ამ მდგომარეობაში! რომ წირვა-ლოცვა სემენარიაში ქართულს ენაზე აღკრძალული არ იყვეს, ხომ ახლაც ისე ზარმაკულათ შემოვიდოდი, როგორც აქამდისინ დაედიოდი! ლამის იქამდისინ მიგვიყვანონ, რომ ყოველი სამშობლორიცხულია თუ კარგია, ღმერთათ მიგვალეზინონ! *Gope vencto, sed rope victori!* „ვაი დამარცხებულს, უფრო კი ვაი დამმარცხებულს!“

7 თებერვალი

დღეს გაზეთებმა ამბავი მოგვითხანეს, რომ ხელმწიფე იმპერატორის საზამთრო სახლში ნაღმი აუფეთქებიათ და მასთან რვა კაცი მოუკლამს და ორმოცდა ხუთიც დაუჭრიათ.

ღმერთო, ჩანაირათ გამრავლდნენ ეს სოციალისტები! საწყალი ხელმწიფე რა მდგომარეობაში უნდა იყვეს! აღარც სახლში აქვს მოსვენება, აღარც მგზავრობაში, აღარც სამზღვარს გარეთ და აღარც ღვთის სახლში!

ერთი პოლიციისკი მყავს ნაცნობი და იმან მითხრა, რომ ესლა სოციალისტები ძლიერათ გამრავლდნენ და ძლიერად ძლიერი არიანო. რამდენი უბაშპორტონი მოდიან აქ პეტერბურლიდან, დარჩებიან ერთს, ორს კვირას და მერმე გააჭრებიან. სოციალისტები ამბობენ, რომ წარმომადგენლები სენატშიაც კი გვყავსო. ეს აზრი ეგები ძლიერაც არის გაზევადებული, მაგრამ პეტერბურლი სოციალისტებრს მოქმედება ამტკიცებს, რომ ისინი იქ, არც ცოტანი არიან და არც უძლურნი. ესლანდელი რუსეთის მდგომარეობა სრულებით ემზავსება რომის მდგომარეობას კონსტანტინე დიდის დროს. როგორც მაშინ დაბერებულ იმპერიას მოედო ქრისტიანობა, ისე ახლა რუსეთს ედება სოციალური ამბები, ვინც აჯობებს უწყის მომავალმა.

24 თებერვალი

კლასიკების მომხრენი ამტკიცებენ, რომ კლასიკური მწერლები ყოველახალგაზრდისთვის სამაგალითო არიანო, იმათ უნდა ჰბაძონო და იმათგან უნდა მიიღონ ჭკუა და გამჭრიახობაო. ამის ვამო არამც თუ ევროპაში, არამედ რუსეთშიც კი თითქმის ყოველგვარ შკოლებში პირველადი ადგილი დაიჭირეს, მართალია, ერთ დროს საჭირონი იყვნენ, მაგრამ ახლა ვეღა გაუვიდათ. მაგათი ავტორიტეტი დაეცა. რა საბუთებს გვიდგენენ კლასიკების მომხრენი? ისეთებს, რომ ავტორიტეტიც დაცემული ენები, კიდენ უპირატესობენ ჩვენ შკოლებში. ამათ საბუთებში პირველი ალავი უჭირავს ენის სიმშვენიერეს და ვანსაკუთრებით

კარეგან ფორმას. მეც, როგორც შეგირდი ვსწავლობ ორთავე კლასიკურ ენებს, მაგრამ იმათ მწერლებში ვერც მშვენიერ ენას ვხედავ და ვერც კარგ ფორმას. ეგ იმიტომ, მეტყვიან კლასიკოსის მომხრენი, რომ ჯერ კარგათ არ იციო (შვიდი წელიწადი კია რაც ვსწავლობ და რამდენი უროკებით!) და გეთანხმებით. ამ დღეებში წავიკითხე შესანიშნავი რომაელი პოეტის თხზულება რუსულ თარგმანში. მანდაც ხომ ვერ ვიტყვით, რომ ვერ გაიგეო. თუ არ მომეწონა სხვა მიზიზეზი მოძებნოთ, რისთვის? წავიკითხე, მაგრამ ვერც ენის სიმშვენიერე, ვერც პოეტური ალტაცება, ვერაფერი ვნახე. თუ არ მოგეწონა, მისთვის რომ რუსულათ ისე არ არის გადმოღებული, როგორც დედანშია, მეტყვით. მაგაებით ფონს ვერ ვახვალთ. ბაირონი ნამდვილში არ მიკითხავს, მაშარ მომწონს რალა! მაშ გორაცი, ბეტყვით კიდენ, ისრე დაეცაო, რომ ჩანჩურა სემინარიელსაც აღარ მოსწონსო! (ვაი ჩემი ბრალი კატკოვმა⁸ და K⁹ რომ შემიტყოს, მგონი სემინარიაში კი არა სათათრეთშიც აღარ დამაყენოს!) სრულებითაც არა. ის ისევ დიდი გორაცი იყვეს, მე რა დავა მაქვს კაცთან, რომელიც ორი ათასი წლის წინათ ცხოვრობდა! მე მხოლოდ მინდა ჩამოერთვათ იმათ ის უპირატესობა, რომელიც ჩვენს სკოლებში უჭირავთ და მათი ალაგი მიეცეთ რეალურ საგნებს. ამ წინაზე „სლოვო“-ში წავიკითხე სტატია: „Земская медицина“. ავტორი იხილამს იმ სტატიაში, თუ რამდენს ხარჯამს მოსკოვის ზემსტვო ამ კეთილ საქმეზე და ბოლოს იმ დასკვნასთან მიდის, რომ ამოდენა ხარჯს არაფერი სარგებლობა არ მოაქვსო ზარალის მეტო, ამის გამოც გირჩევთო რომ, მაგ უბრალო ხარჯს სჯობს თავი დაანებოთო. მეც სწორეთ ამას ურჩევ ჩემს უფროსებს (თუ კი შეიწყინარეს), რომ კლასიკურ ენებზე ტყუილ უბრალოთ ფულს ნუ ხარჯამენ. აი გამოვიანგარიშოთ თუნდ ჩვენ სემინარიაში, თუ რა უჯდება მართებლობას თითო წრე კლასიკური თხზულებისა: ლათინურის მასწავლებელს აქვს თვეში 12 თუმანი, ასწავლის ოთხ კლასში, მაშასადამე, თითოს შეხედება სამ-სამი თუმანი. პეორელებმა ამ 1880 წლის იანვარში გადაეთარგმნეთ სალიუსტიდან სამოცდა ათი სტრიქონი. ეგ სამი თუმანი, რომ ვაყვოთ 70 წრეზე თითო წრე დაჯდება თითქმის ცხრა შაური. ამა ამაზედ რას იტყვით! პეტერბულში სტუდენტი თავის ფორტუნას ზადლობას შესწირავს, თუ სათანახვერიან უროკში ცხრა შაურს მისცემენ. მაშასადამე, პეტერბურლის სტუდენტის საათ ნახევარი შრომა, ჩვენში ერთ კლასიკურ სტრიქონათ ღირს.

5 მარტი

გუშინდელ „თბილისის მოამბის“ ნომერში ეწერა: თ. ორბელიანის წერილი გ. ლ. მელიქოვთან „გოლოსიდან“⁹ გადმობეჭდილი. წერილში ეწერა: „Идти твердо на смерть, защищая овсяное для всей России дело.“ ოპ საცოდავო გაზეთო, რა ძლიერა სცდები, თუ ფიქრობ, რომ იმ ბოროტებას (როგორც თქვენ ეძახით), რომელიც მოედო მთელ რუსეთს აღმოუხვრის ძირეულად ერთის ან ორის კაცის სიმამაცე და ენერგია (ეგება აგრეც არა ფიქრობ, მაგრამ მხვანაირათ თქმის ნებას, რომ არ მოგცემენ).

13 მარტი, დუელი.

ქართველების დუელებზე მე არსად გამოიგონია. ეგება ეს ჩემი უცოდინარობის ბრალია, მაგრამ კი ვიტყვი, რომ მაგათ დუელს შნო არც ეჭნებოდათ და არც აქვთ: ავერ კვირა ნახევარია, რაც ჩვენში დუელი მოხდა, მაგრამ დღიურში არაფერი ჩაეწერე. ახლა კი დღეს ერთს ჩემს ყმაწვილობის დროიდან შემთხვევა მომაგონდა. რომ არ ჩაუერთო მაგ ამბავს სწორეთ საპატიებელი არ იქნება. აი საქმე რაში იყო: ამ ორის წლის წინათ გაზაფხულის ერთ კვირა დღეს ქ. გორში მე და სანდრო ნათაძემ * „ივერიის“ ერთი ნომერი საიდანაც ვიშოვეთ და გავწიეთ გორიჯვარზე. მაშინ „ივერია“ ცნობილი გაზეთი იყო. ეხლანდელივით უურნალ-კრებული არ ყოფილა. გორისჯვარის მთა სიმაღლით თითქმის ერთი ვერსი იქნება და ამპარტავეულათ დასცქერის პატარა გორს. ამ მთის წვერზე ერთი ერთმანეთის ახლოს მდებარეობს ორი ეკლესია, ერთი იმათგანი მეტად ძლიერია და მეორე კი უფრო ნაკლები. ორთავ ეკლესიებს აქვთ მშვენიერი წყაროები. მე და სანდრომ გავწიეთ უფრო ნაკლებ ცხოველ ეკლესიასთან, რომელიც იმ ეამათ ტყემლის ფოთლით იყო მოფერფლილი, მეტად მშვენიერი პოეტური მდებარეობა აქვს ამ ალაგს, სადაც ეს პატარა ეკლესიაა აშენებული. ეს პატარა მინდორი კი შემოზღუდულია ტყიანი მთით, საყვარლათ იყო შემოსილი მწვანე ბალახით, სურნელოვან ყვავილებით და მღელვარე ყანებით. აქედან კაცი თავისუფლად ხედავს მშვენიერს ლიხვის ხეობას, მტკვარს, ამფითეატრულათ აშენებულს გორს, იმ დროს ამწვანებულს კვერნაკს ** და ხიდისთავს, წითლად გაბიზინებულს ყვავილიან ატმებისგან. ჯერ ვიყბედეთ თუ რა დიდი სარგებლობა მოაქვს გამორეკილ სემინარიელებს საქართველოსთვის და მერძე იმ მწერლებზე, რომლებიც ასე მშვენივრად სწერენ. მწერლებიდან და სემინარიელებიდან გადავედით საქართველოზე და გავმართეთ ბაასი მაზედ თუ რა ბედნიერები ვიქნებოდით, რომ საქართველო რესპუბლიკა ყოფილიყო. ერთმა ჩვენთაგანმა წამოიძახა: ეს რესპუბლიკა კარგიაო, მაგრამ პრეზიდენტათ ვის დავსვამთ? შეე ოხერო, მაგას რალა ლაპარაკი უნდა, მანდე და, ილია ჭავჭავაძე!! სად ჭავჭავაძის და ნიკოლაძის ¹⁰ დუელი, სად თქვენი ოცნებები საქართველოს რესპუბლიკაზე და მის პრეზიდენტზეო?

22 მარტი. წუხანდელი სიზმარი.

ამ სათაურს რომ წაიკითხაშს ჩემი ძმა ჩუმჩუმათ უღვაშებში ჩაიციინებს: ეს ჩაჩულია აქოდა ჩერნიშევსკის რომანი წავიკითხო, სულ ვერა პავლოვანსაებრ სიზმრები ელანდებოა. მართლაც რომ დღიურში ავერ ეს მესამეთა ვსწერ ჩემს სიზმრებს, მაგრამ რა დასაძრახისია, რასაც დღისითა ვფიქრობ, ღამეც ის მელანდება. წაბაძევა რომ იყოს, არც მაშინ არის სათაკილო!! ჩენი ლიტერატურის კურსში აი რა სწერია: „ყოველი ახალგაზრდა მწერალი წაბაძევით დაიწყებს თავის მოქმედებასაო (თუ კი მწერალი გამოვედით!). მოგოტყევებ, ჩემო გო-

* აღ. ნათაძე—სათავად-ან. გიშნაზის მასწავლებელი, ცნობილი პედაგოგი იყო.

** კვერნაკი—მთა, გორის ახლოს, აღმოსავლეთით—გ. 5.

დორიავ მაგ ჩაცინებას, ვითარცა დიდ ცოდვილსა: აი სიზმარიც: ვითომც კლასში ვარ მათემატიკის ვაკვეთილზე. ხომ იცი, გიგო, რა ნაირათ მიყვარს მე მათემატიკა. ისე, როგორც შენ, როცა მესამეში იყავი. ხსნიდა საწყალი პროფესორი და ისე ერთგულათ, რომ ხმა გაუხრინწიანდა. Между плоскостными углами, говорит, существует такое же отношение, как между линейными და ამასთან ისეთს ფიგურებს ხატამდა, რომ გორდიის ნასკვზე ძნელი გასაგები იყო. მე რაღა ბევრი ვაეპირელო, ძილმა დამძლია და თვლენა დავიწყე, ბოლოს კიდევ დაეხუტე. ეს რომ მასწავლებელმა შენიშნა, მოვიდა და გამლოვიდა, „არა გრცხვენინან, რომ გძინავსო!“ მეც თავის გასამართლებლად უთხარი: თუ ღმერთი გვამთ, მითხარით უ. მასწავლებელო, როცა თქვენ ვაკვეთილს გვიხსნი, რატომ მე მათემატიკაზე არ ვფიქრობ, თუ ვინ მოიგონა გეომეტრია, პირველად ვინ დაწერა ეს ამდენი ფიგურები და ამდენი ხაზები, რათ უნდოდა ევკლიდს ან არხიმედს ურდული? როცა შენ ვახურებულ თეორემებს ამტკიცებ, მე მაშინ ვფიქრობ, თუ რა არის პოლიტიკური ეკონომია, თუ როგორ წარმოსდგა კაპიტალი, რომელიც მთელი ევროპის წარმოების ხელში ჩაგდებას აპირებს; დედა-მიწის და კაცის წარმოებაზე. ესტესტვენურ ისტორიაზე, სოციალიზმზე და სხვა იმისთანა ბევრზე, რასაც მუდამ ყურში არ ჩამოგვძახიან, როგორც გეომეტრიას. ეგ იმიტომ რომ არ გიყვარსო, აბა ყური კარგათ დაუდგეო და დაუწყეო ხელმოგორედ ახსნა. მაგრამ ისევ ძილმა დამძლია და ხერინვა ამოუშვი. მოვიდა მერმე გაჯავრებული და ისეთი წამომკრა მუჯღუფუნო, რომ თვალემა გამოვაქვიტე და კინალამ კოიკიდან გადმოგვარდი.

გახსოვს გიგა* (თუ არ გახსოვს, მოიგონე) შენ რას მეუბნებოდი ამ სამი-ოთხის წლის წინათ? პისარევს¹⁵ დიდი გავლენა ჰქონდა თანამედროვე ახალგაზრდებზეო. შენც ჩემსებ გატაცებული იყავ პისარევისგან, ნუ იტყუებ და როცა ჩახვედი იმ ადგილამდინ, თუ როგორ პოლიციამ დაახრჩო, სახე შეგეცვალა. ჩემზე რაღა თქმა უნდა, ჩემთვის კი მაშინ სულერთი იყო პისარევი იყო თუ სხვა მაგრამ, რომ თქვი კარგი მწერალი იყოვო, ახალგაზრდა დაახრჩესო, სულ ძირეულად აღმაშფოთა. არ დაიჯერებ, ამირანობა ვინატრე, რომ ერთის ლახტის შემოქნევით შემემუსრა რაღაც პოლიცია იყო. ჰო, ჩემო ბატონო, რაც ჩემთვის უმაწვილობაში ვითქვამს, მუქათათ არ ჩაუელაია, თუმცა მაშინ დოღმატიკით ვიღებდი მაგრამ განხილვას რამდენიმე წლის შემდეგ შეუდექი: ჰო, იმას გეუბნებოდი, რომ პისარევს დიდი გავლენა ჰქონდაო, სრულებით მართალი, აქსიომა ვითქვამს ჩემო გოდორო! არა თუ კი მე ამოღენა ქოქორს თითქმის 20 წლის შემდეგ მახტუნავებს, მაშინდელ სამეფოს შეიღებს რაღას უზამდა?

1 აპრილი.

დასწყევლა ღმერთმა ეს რა ჩვეულება ჰქონიათ ამ ჩვენს ქართველ მწერლებს, რომ თავიანთ სტატიებს თავზე სხვას აწერენ და შიგ სულ სხვას ლაპარაკობენ! სწორეთ ერთი ანდაზისა არ იყოს „მე დოს ვეუბნებოდი, ის მაწონს

* გიგა—ალ. ფრონელის ძმა—გრიგოლ ყიფშიძე, შემდეგში ცნობილი ფურნალისტი, ილია ჭავჭავაძის უახლოესი თანამშრომელი იყო „ივერიაში“.

მოარბენებდაო“. თავზე სწორეთ მაწონს მოგართმევთო, ის კი არა თუ ცარიელი დომხალია. რამდენჯერ გვიცინია ამაზე, გოგა, როცა ზოგიერთს ფურცელადის სტატიებს ვკითხულობდით; ახლაც სწორეთ ეგ სიცილი მომდის, როცა გორისელის* „გვართა ბრძოლა საქართველოში“-ს ვკითხულობ. ბიჭო, გვართა ბრძოლა კი არა და საქართველოს გეოგრაფიული აღწერაა! ეჰ, ეგრე გასაკვირველია, ჩვენი ზღაპრებისა არ იყოს, საკვირველი ჩვენი სწავლულების მოქმედებაა. ბიჭო, რას არ იქმოდნენ ის ოჯახდაქცეულები, რას არ იტყვიან, ყურებში ზამზა უნდა დაიცო მე და ჩემმა ღმერთმა! აი რა ამოვიკითხე უ. ფრონელი (თუმცა ეგ ახალი სახელი კარგი სტატიით კი ვერ დაიმსახურე, უ. გოდორო!) ამ ბოლო კვირაში ერთი წიგნიდან სახელათ: „Первобытный мир“—Д-ра Читтеля, უ. გოდორო, ცოტა, მომიტონინეთ და ეხლავე მოისმინეთ! მაგ საუბარს.

მე ვარ პატრიოტი. რა გვარიც უნდა იყვეს ჩემი მოქმედება მომავალში, საქართველოს კეთილდღეობისთვის იქნებიან ისინი. ბრუდეთ წავალ თუ სწორე გზაზე, მართალს ვიტყვი თუ ტყუილს, კალამს ავიღებ, თუ ჩინოვნიკი ვაგვხვები, სახეში მექნება ჩემი დაცემული სამშობლო. ძლიერ რომ ვაგეცინოს ამ სიტყვებზე, გოგა, ეგ მე არ შემეხება. ერთხელ შენც ეგრე ფიქრობდი, მე დიდ სამწუხაროთ მაქვს, რომ შენს კობის ვეგვარ და თითქოს შენზედ მოქმედების ქვეშ ვაგვზრდილვარ. თუ ამაზე რათა ვწუხებარ, ამას შენ კარგათ ვაიგებ, იმითომ რომ მე ძლიერ შემძიმება სხვის აზრების ჩემათ გამოთქმა, აბა ახლა კი დაუფრე ყური ჩემს ოცნებას. აბა რათ მინდა, რომ გამოვიდედ იდი ფილოსოფოსი? არაფრისთვინ. ეგ ჩემთვის სრულებით არ არის საჭირო. დიდი ნატურალისტი, ესთქვათ დარვიწხე დიდიც ვაგვხდე, დავამტკიცო, რომ აღამიანი წარმოსდგა მაიმუნისგან კი არა, ქვისგან, ამაში ყველა დავაჯერო, ამითი კოკოზანთ ბეროს რას ვარგებ? ხომ იმას ვერც მატერიალურათ, ვერც ჭკუა-გონებით წინ ვერ წავსწევ? ვერა. ღვთის მეტყველებას მივყო ხელი და დავამტკიცო, რომ ჩვენი სარწმუნოება და დოგმატები სულ მოტყუილება და კუკლებია. ამითი ვის რა სარგებლობას მოუტან? სალოლაშნელებს ღვთისმშობელი სწამთ, ბრეთელებს წ. გიორგი. მათემატიკოსი გამოვიდე? ან ეგ რაო ახლა! ესთქვათ ნიუტონზე მეტი ვარ და დავამტკიცე, რომ დედამიწა სდგას, ამითი დემეტრეს კარგი ყანა მოუვა თუ სიმინდი? არცერთი. ფილოლოგი? ეს რაღა სისულელეა? ზუბანთ ნიკასთვინ რა საჭიროა, თუ ღმერთი გწამთ, ქართული ენა ინდოევროპიულის თუ თურანულის ენებიდან წარმოსდგა?! ექიმი ვაგვხდე, ვაქტილ კანკს მოვარჩენ, მაგრამ ტვინსა? არც ეს არის საზოგადო საქმე, ისტორიკოსობა? ეგ ცოტა მომწონს, მაგრამ მომეტებული სპეციალისტობა არც მაგაში მომწონს (სახეში იქონიე, რომ როცა ვამბობ, არ მინდა ესა და ესა მეოჭი, ნიშნავს მხოლოდ სპეციალისტობას არამედ იმათ სრულებით არ შეუსწავლულობას). ათასი ბევრი განმარტება რომ უყო ჩემს აზრებს, მაინც ჩემი ძმა ბევრს ზრიკებს მომიდებს და კაი ნაკლოვანებასაც იბოვნის. მე სრულად დავეთანხმები. განა მე დარწმუნებული არა ვარ რომ უზუნებისმეტყველოთ, უმე-

* „გორისელი“—ეკეთიმე წერეთელის, გიორგი წერეთელის მამის სამწერლო ფსევდონიმი.

გიორგობისთვე, 18 დღესა, სამშაფათი

ახ, რა ცუდია როცა კაცი თავის თავს ძალას ატანს,—გინდა თუ არა ნუ-
 რაფერს ნუ გააკეთებო. სწორეთ ეხლა მეც ისე მომდის: საქმე მინდა და ვზონ-
 ზილაობ. თავს ძალას ვატან, რომ არ გავაკეთო—რას: ეს მიტომ, რომ მეორედ
 მომივიდა დღეს გულიდან ცოტაოდენი სისხლის ამოღება. არ ვიცი რა მიზეზია.
 ცუდი ჰაერის, ცუდი საქმის, გაციების თუ ბევრი საგნების კითხვისგან. ბევრ-
 ნი მეუბნებიან რომ უჯიათო კითხვა კაცს ხეირს არ დააყრისო. მართლაც და
 როცა ჩქარა ვკითხულობ მაშინ სამყოფს წმინდა ჰაერს ვერა ვყლაპავ, მაშასადამე,
 ფილტვი ზარალშია, და თუ ისეთ ჰაერშიაც ხარ, როგორც სემინარიისა, მაშინ
 ხომ უარესობაა. უბედურებაა ღმერთმანი! მაშ რა ვქნა რომ არ ვიკითხო ბევრი
 და მომეტებულო! ეს ამოდენი გაკვეთილება, ლათინურმა და ბერძნულმა თავის
 ტენი წაიღო. ან კი რას ფიქრობენ ჩვენი უმფროსები, ეგ უღმერთოები სულს
 რაზე გვართმევენ! არ ვისწავლო, მაშ რა ვქნა, თავმოყვარეობა ნებას არ მაძ-
 ლევს. ვსწავლობ მაგათ და ვჩქარობ, რომ საყვარელი წიგნის საკითხავათაც
 ცოტაოდენი დრო დამჩრჩეს, მათაც ვკითხულობ ჩქარა, რომ გაკვეთილებს დაუბ-
 რუნდე. სისხლის ამოღებამ ძლიერ დამაღონა, ვაი თუ რამე იყვეს. თავი ძლიერ
 მენანება, ახალგაზრდა ვარ. ფუ, შენ წუთისოფელიო!!

28 გიორგობისთვე, პარასკევი

შეგირდის გულის ფეთქებას—შეგირდივე შეიტყობს. გარწმუნებთ ყველას.
 ვისაც კი შეგხვდებით ეს ნაწერი, რომ თქვენ შეგირდის ღელვას ვერ გაიგებთ.
 თუ გაიგებს ისევე შეგირდი, თორემ სხვა ვერაინა, რას ფიქრობს, რა აქვს
 იდეალათ, რას ელტვის, რა სძულს და რას ჰკიცხავს,—რაც უნდა დახელოვნე-
 ბულნი იყვნეთ პედაგოგიაში, სრულებით ვერ იგრძნობთ. გვასწავლიან ათას
 რასმეს, მართებლობა ფიქრობს, რომ დიდს სარგებლობას უტანენ ესენი შე-
 გირდებსო, ჩვენ კი დავცინით მართებლობასაც და იმ საგნებსაც, რომლებიც
 არ მოგვეწონან. კლასიკური ენები რაღა თქმა უნდა მიღებულია მთელს ევრო-
 პაში და დიდის გულმოდგინებით ასწავლიან მაგ საგნებს. თქვენც შეგირდები
 უნდა იყვნეთ, რომ იგრძნოთ, თუ რანაირად გვძულს ეს საგნები. თუ არა და
 ვერ მიხედებით, რომ შემოგჩივლო, ზარმაცებს დაგვიძახებთ. აი ერთი მაგა-
 ლითი. გუშინწინ პირველ გაკვეთილზე ბერძნულის მასწავლებელი არა გყავ-
 და, უნდა გეყურებინათ, როცა უროკი გათავდა რა სიხარულით და ალტაცებით
 ყრეკებოდნენ პირველი კლასის შეგირდები: გარტინსკი* არ არის? რა უხარო-
 დათ ეგრე ძლიერ მასწავლებლის არ ყოფნა. მაგ სიხარულს იგრძნობს მხო-
 ლოდ ის ვინც მაგისებ უტანჯია.

* გარტინსკი ივანე მათეს ძე თითქმის ნახევარ საუკუნე იყო თბილისის სასულიერო სე-
 მინარიში ბერძნული ენის მასწავლებლად. ახირებული ზასიათისა იყო: ვისაც ამოიღებდა თვალ-
 ში, სულ იმას ჰკითხავდა გაკვეთილს და არ ახეირებდა.—გ. ნ.

1 კრისტიანობისთვის. ორშაბათი

დღეს, ე. ი. გუშინ ოცდაათს წარსულ თვისას გაიხსნა საზოგადოება ღირს მოსწავლეთა შესაწევნელად, ბევრს გაეხარდა ამ საზოგადოების გახსნა, ვითომც და ბევრს ღარიბს უშველიანო. მაგრამ მე როგორღაც ექვეში ვარ. ბე-



ზაქარია ჰიკინაძე (1854—1933)

რებისგან კეთილი არ იქნება. ტენისა არ იყვეს, მთელი ინგლისი სავსეა ყოველგვარი საზოგადოებით ღარიბების საშველებლად. ერთი რაღაც საზოგადოება მის საზოგადოებებში. მილიონობით ტყავს აძრობენ ხალხს და კაპეიკობით მას უშველიან. ეს რასა ჰგავს? თუ ნამდვილად ხალხი გიყვართ, ბოროტება მასში უნ-

და მოსპოს, ერთს მილიონი უნდა ქონდეს შემოსავალი და მეორეს ორი გროში. ეს საზოგადოება უნდა დაეხმაროს სემინარიის ღარიბ მოსწავლეთა. ამისთვისაცა ფუქიმობთ და ემხიარულობთ შეგირდები. ვართ შეკრფილი ზალაში, ხან ლეკურს ეთამაშობთ და ხან ვმღერით. მე არც ერთში არ ვიღებ მონაწილეობას, მხოლოდ ჩუმათ მომღერლებს და მოთამაშეებს ვუცქერი. ვაძკერდები, ვხედავ, რომ არც მომღერლები, არც მოთამაშეები თავისუფლები არ არიან, თითქმის ყველა ფიქრობს: ვაი თუ ეხლა კარგა ვითამაშო, ხვალ რომ გავვითილი კარგათ ვერ მიუგო, მასწავლებელმა ედინიცა მომაკრას ჯიბრით. სულ სხვაა მხიარულება ამ გაუთლელი ბურსაკებისა სოფლებში, და სხვა თავისუფალ ადგილებში.

8 ქრისტიანობისთვის, ოთხშაბათი

გუშინ წინ ობერა „Жизнь за царя“-ში ვიყავი. ბევრჯერ ტანმა დამაჭრილა და ბევრმა შემა აზრებმა გამიარეს ჩემის ქვეყნის მღვდლობრებზე; ყველა ცდილობს თავის გვარ-ტომების აღდგენას. მაგ. თუნდ რუსეთი, ლიტერატურა ენას ამშვენებებს, ისტორიკოსნი იკვლევენ, ღრამა კიდევ პატრიოტულ გომნობას აღვიძებს ხალხში და სხ.

გუშინ ცირკში ვიყავი. ბევრმა გამაკვირვა და ბევრმა ზიზლი მომგვარა. ლუკმა პურის შოვნა რამდენ სისაძაგლეს არ აქნებენებს კაცს, მოთამაშეების სიცოცხლე ბეწვზე კიდია: En effet „Дарвиновская борьба за существование“.

როგორც მედლიურე, სხვის დღიურებსაც დიდს გულმოდგინებით ვკითხულობ ხოლმე. ბაირონის, გეინეს და ნემეცური სოფლის მასწავლებელთა დღიურთა, ბევრჯერ მოუყვანივარ ალტაცებაში. ი. ტურგენეცსაც აქვს ერთი სტატია სახელად „დღიური მეტი კაცისა“, დაჯგუქ გუშინ და გადავიკითხე ხელმეორეთ. (პირველათ შევიდივე ტომი ამ ხუთი წლის წინათ წაიკითხე), ოხ, რა დიდი განსხვავებაა მაშინდელს და ეხლანდელს წაკითხვაში! რამდენი ობოლი ცრემლი მე გადმომვარდნია თვალიდან! ლიზას, ასიას და ელენეს სურათები თვალითგან არ მშორდებოდნენ.

1881 წ. 23 იანვარი

ერთხელ ჩემს ძმას დავცინოდი მაზედ, რომ იმან უალაგო ლაპარაკი იცოდა, რომ ესა და ეს დავწერო და ჯერ კი არაფერი დაუწერია. ეს ცული ჩვეულება კინალამ, რომ მეც შემომჩვივა, მაგრამ მე კაცის მაგივრად გამოველაპარაკები დღიურს. ჩემი სარკე დღიურია. პირველად, როცა სემენარიისში მიმდღეს, ე. ი. ორი წლინახევარის წინად, მაშინათვე განვიზრახე სემენარიის ოჩერკის დაწერა, ამისათვის ვაკვირდებოდი აქაური ცხოვრების და ჩემის ამხანაგების ყოფა-ქცევას. ერთხელ მომხდლა ხელში ბიბლიოთეკაში პამიალოესკის „ბურსის ოჩერკები“ და ალტაცებით კითხვა დაუწყე, ვფიქრობდი, თუ მეც ამის წახედვით დავწერ ჩემს ოჩერკებს (ქართულად არ ვიცი ეს სიტყვა). მაშინ ერთის ოჩერკის წაკითხვის მეტი ვერ მოვასწარ. მაგრამ მაგანაც დიდი შთაბეჭდილება მოახდინა ჩემზედ. მასუკან ვეღარსად ვიშოვენ ეგ წიგნი. გუშინ წინ კი

ოთხთავე ოჩერკები წავიკითხე. საუბედუროთ, სულ ვერ შეუსრულებია თავისი ოჩერკები პამიალოვსკის და მიტომაც მთლათ ვერ არის აწერილი ბურსის ცხოვრება.

ღმერთო, რა საშინელებასა წერს, კაცი ვერ წარმოიდგენს! აზრათაც ვერ მოუვა ეხლა კაცს თუ შეუძლიანთ იმ ნაირათ ცხოვრება, როგორც არის აწერილი იმ ოჩერკებში! ტყუილი იმედი მქონდა მესარგებლა იმის ოჩერკებით. რაც უნდა უბედური იყვეს ჩვენს სემინარიაში ცხოვრება, მაინც იქაურს ვაშორებით სჯობიან. ერთს ალაგსაც ვერ შეედრებიან ეხლანდელი ბურსები მაშინდელს. რა იყო მაშინდელ ბურსაში, სრულებით არ იყო სწავლა; აფუჭებდნენ ყმაწვილების ხასიათებს, ღვთისნიერი ღვდლების მაგივრათ ზრდიდნენ ქურდებს და ავაზაკებს. ვინც კი არ ეძლეოდა იმათს გავლენას, როზგებით ტვინს უთხელებდნენ. ერთის სიტყვით, რაც ქვეყანაზე სიბილწე მოიპოვება, პამიალოვსკის ბურსაშია. განათლებამ ჩვენი ბურსებიც შესცვალა. ბევრი გახლამთ კიდევ ძველი, მაგრამ ეხლა სულ სხვაა. სწავლა ძლიერ უკან არ არის დაყენებული. ეხლანდელი ბურსა ზრდის ათეისტებს, პატიოსან შეგირდებს, იდიოტებს, კარგ ჩინოვნიკებს და ცოტა ნაწილს ღვთის მოყვარეებს. მაგრამ დაწვრილებით შემდეგში.

27 იანვარი.

დიდი ხანია მსურდა ჩვენი მასწავლებლების კოლექცია წარმომედგინა, მაგრამ არ ხერხდებოდა. ეხლა დროება ნებას მძძღეეს და ერთ იმათგანზე ცოტას რასმეს ვიტყვი. იმედი მაქვს წლის დამდეგამდინ სულ შევასრულო. ეს ორი კვირა რაღაზედაც ბურსაკები აღელვებულები არიან, რომელ ჯგუფსაც უნდა მიუახლოვდნენ ბალკონზე, სუყველას ერთი და იგივე საგანი აქვთ სალაპარაკო. ეს საგანი გახლამთ ქართული ენის მასწავლებელ ბ. ნ. გ. ტატიევი*. საქმე იმაშია, რომ მაგას „დროებაში“ ცოტა არ იყოს მიჰკრეს, ე. ი. ჰკიცხავდნენ მაგის პედაგოგიურ მოქმედებას. ზოგი, როგორც ყველგან ხდება ამტყუნებდა ჩვენს მასწავლებელს, ზოგი კი ამართლებდა. ქართული ენა სემინარიაში ისე ცუდათ არის დაყენებული, რომ ლაპარაკიც კი მეტია. საკვირველია ღმერთმანი, რა მომავალს გვიმზადებენ ჩვენ არ ვიცით? გვეუბნებიან ღვდლათ წადითო. თუ ჩვენგანი ვინმე ღვდლათ წავა უსათუოთ—ქართველებში, თორემ რუსეთში რა წაიყვანს. იქ თავსებიც ბევრნი არიან, მამ თუ ასეა, რატომ ქართულს არ გვასწავლიან!? სლავიანურში, ბერძნულში, ლათინურში და განსაკუთრებით მარტო რუსულში რათა გვებრამენ?! ან მითხარით, რა ვიდექროთ მის მეტი, რომ რუსებს სხვა მიზანი აქვთ? პოლიტიკით შეითთხნილ პედაგოგიას აბა რა ხეირი უნდა ჰქონდეს? რა ნაყოფს მოიტანს, თუ არ უშმიღარს და მწარეს. თითქოს დაგვიცინიან კიდევ.

ბოლო ოთხ კლასში კვირაში თითო გაკვეთილი დანიშნეს. ტატიევი კი არა, გენიოსიც რომ მოგვეგარონ, ერთი გაკვეთილით ვერას გახდება. ხან მავ

* ნიკოლოზ გაბრიელის-ძე ტატიევი—შემდეგში იყო ეპარქიალურ მეთვალყურედ 1893 წ. უნიკო, მთავრობის ყურმოჭრილი ჩინოვნიკი.

გვყავს, ვიყი, უტვინო, გაუწითლებელი, იპოხონდრიკი, უხასიათო, გარყვნილი და სხვა! ვაი ჩვენ დღეს, როცა ეგ მელანხოლიკი, დაცემული, შემოფარდება ხოლმე! „ნებარეილნი ღლალოლებსა“ და სინტაქსის ბეირივით დაგვაყრის ხოლმე. „Оговорка“, არ ვიცი რისთვის და ეს მხეცი მე მწყალობს!

4 თებერვალი.

დღევანდელ „დროებაში“ ეწერა, რომ დოსტოევსკი დიდის ამბით დაასაფლავეს პიტერშიო. სიკვდილით კი სწორეთ ამ ორი დღის წინათ ჩააბარა სული უფალსა. მეც ორი დღის წინათ გავათავე მაგის რომანი „Преступление и Наказание“. თუმც რომანებზე კაი ხანია, რაც გული ავიტრუფე, მაგრამ წაეიკითხე კიდენ. ეს სულ დ. პისარევის ბრალაია. საორთვეოთ * რომ პისარევის სტატია, — მაგ რომანის გარჩევას ვკითხულობდი, მაშინ გადავწყვიტე, რომ უთუოთ მეშოვნა და წამეკითხა. საშინლად მომეწონა პისარევის სტატია, ჩემს დღეში აგრე წიგნი არ მომწონებია; ერთის სიტყვით, იმ საღამოს გიქივით ვიყავი. ვლანძღავდი ბედს, რომ ის უღროოთ დამარხა და ცეცხლი მეკიდებოდა, რომ დიმიტრი ვერ ხედავდა. თუ რა ნაირად აღელვებდა ძარღვებში სისხლს მისი სიტყვები!..

აი მიზეზი, რისთვის ვაგებდე დოსტოევსკის რომანის წაკითხვა. რასაკვირველია, უფრო კარგი იქნებოდა ჯერ რომანი წამეკითხა, მერე პისარევის სტატია, მაგრამ რასა იქ. ჩვენისთანა ლარიბ ხალხს ვინ მისცემს შეძლებას, რომ ამორჩევით და რომელსამე სისტემით წიგნები ვიკითხოთ? ჩვენ ამ მხრივ ძალღებსა ვგეგვართ, დღეს აქ შესჰამს ლუკმას, ხვალ იქ. სწორეთ ჩვენც ისე ვართ. სისტემას ვინ დაგიდევს, დღეს აქ შეგხვდა, წაიკითხე ხვალ იქ, ისიც უნდა წაიკითხო, თორემ მერმე საღლა იშოვნი. რომანზე რალა მეთქმის პისარევის შემდეგ? რაც დოსტოევსკის გრძალათა აქვს ნათქვამი ის პისარევის აქვს მოკლედ, უფრო მკაცრად და ცხადად, ეს რომანი კი არ არის — ფსიხოლოგიური მოთხრობა არის. საშინლად აქვთ ორთავ ავტორებს დახატული სიღარიბის შედეგი საცოდავ რასკოლნიკოვზე. რომანში სხვა ტიპები მაგის მეტი ძლიერ სუსტნი არიან, მაგრამ ერთი რამ შეენიშნე. დოსტოევსკის რაზუმისხინი ჩერნიშევსკის რაზმეტოვსა ვავს ცოტათი. რომანში ბევრი კარგი ალაგებია, მაგ. როცა რასკოლნიკოვი გამომძიებელთან საუბრობს. დამავიწყდა: დუნიას ტიპიც კარგათ არის გამომხატული. ახალი პატიოსანი ქალია, მაგრამ ვერას ჩამოუვარდება. სონასთანა ტიპი ჯერ რომანებში არ მინახავს.

წუხელის ბინდზედ მე და ერთი ჩემი ამხანაგი ქუჩაში ვიქვირებოდით ფანჯრიდან. საშინელი სანახავი ვნახეთ: ერთი ლარიბი დედაკაცი ორი-სამი წლის ბავშვით ეგდო და რალაც ძონძებში დამპალ ვაშლებს თუ კართოფილებს ახვევდა. ბავშვი სიცივისაგან გულში ეკვროდა. ბოლოს ადგა, წამოიკიდა ზურგზედ ბავშვი, როგორც მაიმუნი ან კენგურუ სჩადის და წავიდა. ბევრი ვილაპარაკეთ მაზედ, თუ როდის შეიცვლება ჩვენი სოციალური ცხოვრება, რომ ამისთანა საზარელი პეიზაჟები აღარ ხდებოდეს. თვალწინ წარმომიდგა ცხადად რასკოლნი-

* საორთვეო — მოწაფეთა ხაფხულის არადღევები.

15 თებერვალი.

დღეს გარეთ არ წავსულვარ და მინდა ჩემს დღიურში ჩავწერო ის, რა ფიქრებიც მომივიდა წირვაზე. ჩვენი შკოლა არის „Закрывтое заведение“ და მაშასადამე, შეგირდებს ისე არ შეუძლიან იტუნტულონ გარეთ საზოგადოებაში, როგორც გიმნაზისტებს. ამის გამო ბურსაკებმა ძლიერ სუსტად იციან ცხოვრება, მიხვრა-მოხვრა და საზოგადოდ ეტიკეტი. აი აქედან მომდინარეობს ამ წინადადების ჩამომავლობა: „აი შე ბურსაკოვო“. ეკლესიაში ბლომათ ქალები დაიარებიან ხოლმე და შეგირდები სულ იმათ უტყერიან, სანამ ყურს უგდებენ წირვა-ლოცვას, ხომ იცით, რასაც მოკლებული ხარ, ის უფრო ძლიერ გინდა, მე რომ ჩვენი ბერისა ვიყვე, ქალებს სულ აღარ შემოუშვებდი ეკლესიაში და შეგირდებს ცუდი აზრები აღარ ექნებათ გულში ლოცვის დროს. ერთმა ქალმა მიიქცია ჩემი ყურადღება; არ ვიცი რისთვის გაუჩენია ეს ქმნილება ლმერთსა? რა გამოსადეგია, რის მანქანაა? ისე ნახად იყო ჩაქმული, ისე დადიოდა, გეგონებოდა ან ეხლა წაიქცევა, ან ეხლაო. რისთვის მოსულა აქა, რა უნდა ეკლესიაში, მაგის იდეალი არის ბალი, ლენტები, სიმდიდრე, სიღამაზე და სხვა სისაძაგლე. ბურსაკებს უნდა აუმღეროს გული! „Бырсак ей не пора“.

20 თებერვალი.

ეს არის ეხლა გავათავე „იმედი“¹². რა ვთქვა საზოგადოდ „იმედზე“? ის უნდა ვთქვა, რომ დიდ იმედს გვაძლევს, სულ ახალ-ახალია, ძველი არაფე რია. თითქოს მთელ ჟურნალში გარმონიაც შევნიშნე და სიმეტრიაც, ყველა სტატიების აზრი—ხალხის ცხოვრებაა, მისი გაუმჯობესება, ნამდვილი გზის ჩვენება, ბოროტების დანახვა, ცუდის გამოაშკარავება და სიმართლის აღდგენა. ერთი კიდე „ივერიის“ და „დროების“ ბრძოლა, როგორი ბრძოლაა? დაუდგრომელი. რათა? რისთვის? მიტომ რომ დავარდნილები არიან აზრებით, ლტოლვილებით და ყველაფრით. როგორც გაზაფხულის პირზე ვარდება ფილტვგაფუჭებული ხარი. რა მეცა ყველაზე წინ კიდევ თვალში, ის რომ ჯერ-ჯერობით სულ კიცხამენ და თვითონ როგორებს მოგვეკემენ, დავინახავთ! თითქოს კიდევაც როგორღაც უნდება ძალმალი „იმედის“ ხმარება პროზაში, გინდა თუ პოეზიაში, ერთი კიდევ, ეტყობა იმედისტები ძველ ქართულ სიტყვებს „კუმირებად“ არა ხდიან, როგორც ივერისტები.

23 თებერვალი.

მომილოცავს დიდი მარხვა, რა მოსალოცია. ჩვენ ბურსაკებისათვის სწორეთ რომ დიდი მარხვა არის. პირველი კვირა უფრო საშინელი იქნება ჩვენთვის. მართალია. ეხლა სწავლა არ გვექნება, მაგრამ მეორე კვირისთვის თუ სუსტათა ვარ, ძნელი იქნება. ამ კვირას გვექნება მარტო ლობიო და კომბოსტო, ხანდიხან სემინარიაული ფლავი. საქმელს გადაუწყდეს, ნეტა ბერებებით არ გვალოცვინებდნენ. დილას ხომ ვიდექით საათნახევარი, აგერ ეხლაც ემ წუთს დარეკენ, თუ ორი საათი არა საათნახევარს მაინც უნდა ვიდგეთ, უნდა გეჟუ-

ძალღებევით ხან საღ იშოვნიდნენ, ხან საღ. ზაფხულობით ხომ მებაღებეს მოსვენებას არ აძღვედნენ. დადგებოდა არდაღებები, გამოიხვევდნენ თითო პურს, წაღებს მხრებზე შეიყრიდნენ, მხიარულობით, ოხუნჯობით ჯგუფჯგუფათ გასწევდნენ შინისკენ. მეორე ხანა. მაგ პერიოდში მართებლობამ ცოტა მაგრათ ჩახვია ბურსაკების საქმეს ხელი. ცოტაოდნად ალაგმა დაუღღრომელი სული ბურსაკებისა, თუმცა ძველებური, მაგ პერიოდში, ისევე ბევრი იყო. ამ პერიოდში რუსული, არამც თუ დარჩა კუნჭულში დამწყვედული არამედ ორიოდ სამი ნაბიჯიც წინაქნა. წირვალოცვა კი კვირაში რამდენჯერმე რუსულად მიღოდა, სადაც შეგირდები ეხმარებოდნენ. ცოტაოდენი დისციპლინაც დაადგინა მართებლობამ. აღმოსავლეთის ენებზეც შემოიღეს, როგორც თათრული, ოსური და კიდევ ბერძნული (ეს კი კლასიკურია). მაგათ სწავლას ბურსაკები ძაან არა ნაღვლობდნენ. პრაქტიკულად ლაზათიანათ სწავლობდნენ. აი როგორ: სემენარიაში მეექვსე ნაწილს უთუოდ ოსები შეადგენდნენ და იმათთან შექლოთ სწავლა- ეგეტ რომ არ იყოს ვინ თხოულობდა სასტიკათ? ან კი, როგორ მოითხოვდნენ? წააქცევდნენ იმ მასწავლებელს და ტყიპს გაავდებინებდნენ ცემით. თათრულის და ბერძნულის ბედიც ეგ იყო. ზნეობით და ზრდილობით მეორე პერიოდის ბურსაკები ძლიერ არ განირჩეოდნენ პირველებიდან. მესამე ხანა. მესამე პერიოდის ბოლოდ ჩაითვლება 1867 წელი, როდესაც ახალი რეფორმები შემოდიან ჩვენშიც. ეს პერიოდი რაღაც უფერულია, ორიგინალური აღარ არის, ძალდატანებითი ხასიათი აქვს. სხვაზე ეს პერიოდი მითია შესანიშნავი, რომ ესლა რუსული ზედ შეუაღულზე დგება. ქართული თანდათან კუთხეებში იჩქმალება. ეკლესიაში სამსახური რუსულად მიდის და ქართულ ენაზე კვირაში ორჯერ მოწყალებასავით ნებას აძღვევენ. სხვათაშორის ამ პერიოდში მართებლობა მღვდლებს კი აღარ ეხვეწება შვილების მოყვანას, არამედ ისინი-თვითონ. შეგირდების ზნეობაც ცოტა არ იყოს შეიცვალა. განათლების სიყვარულმა ცოტა არ იყოს ფეხი მაგრად ჩადგა. ბევრმა ნიჭიერმა ბურსაკმა შეასრულა მაღალი სასწავლებელი და შეიქმნა ხალხის მოღვაწედ. კიდევ სახარაქტერისტიკო ამ პერიოდისა ესაა, რომ მართებლობამ ძლიერ ასწია რუსული, ასე რომ გვარებსაც კი დაუწყეს გადასხვაფერება. მაგ. ნადირაძე—ნადიროვი, ედილაშვილი—ედილოვი. ეს პერიოდები წინამსვლელობისა ისე არ არიან შესანიშნავები, როგორც ბოლო ორი და მათში პირველი ანუ მეოთხე ხანა. ეს არის პერიოდი რეფორმებისა. ამ დროს შემოიღეს კლასიკური ენები. ის ადგილი კი აღარ ეჭირათ, რაც მეორე პერიოდში, არამედ უპირველესი. მეორე კიდევ, რომ რუსული გადაეფარა ყველას, ქართული კი ისე მაჰყლიტეს კუთხეში, რომ დიდხანს უნდა იხავსოს, რომ თავი დააღწიოს იქიდან. მაგ პერიოდის ბოლოდ ჩათვლის დრო—ამ ხუთი წლის წინად, ამ პერიოდს სხვებთან აქვს ერთი რამე საერთო—ეს რომ აქაც დიდტანაინები მოყვნენ. ამას დიდი მნიშვნელობა აქვს, ამ პერიოდის შეგირდები იყვნენ გატაცებული მარტო პატრიოტული გრძნობებით და მაღალი ლიბერალური აზრებით კი არა, ბროშურკებსაც ქონდათ ცოტაოდენი მონაწილეობა. ეგ ბროშურკები იყვნენ საფრანგეთიდან შემოტანილი. მაგ. „Парижская Коммуна“, „Литерая механика“, „История одного крестьянина“ და სხ. ბროშურკები მეც ვიწინე და მართალი თქვას კაცმა, ავაპილბილებენ. მართალია ბროშურკები

2 მარტი

დღევანდელი დღე სწორეთ შესანიშნავი დღეა. პიტერიდან მოვიდა ტელეგრაფმა რომ რევოლუციონერებმა ხელმწიფე მოკლესო [ალექსანდრე II]. რამდენი ფიქრი, რამდენი ოცნება აღიძრა ჩემს თავში სამშობლოს ბედზე! ღმერთო, რა ხალხია ეს სოციალისტები! რა ენერჯისა, მაგარი ხასიათისა! რამდენი დატანჯეს, რამდენი აწვალეს და რანაირის თავგანწირულებით მისდევენ თავიანთ მიზანს! განუსახლვრელად უნდა უყვარდეთ მაგათ ხალხი, რომ პირდაპირ ტანჯვასთან თავს ანებებენ! განა ესეთი ახალგაზრდობა ღირსი არ არის სიყვარულისა, თანაგრძობისა?! მაგრამ უკულმართობას სამართალს ვინ მოსთხოვს! დღეს ხალხი დააფიქვს ახალ ხელმწიფის ერთგულებაზე. იქ ერთ მოხუცს მიუვღე ყური და აი რა გავიგონე, *Собаچه отродье! Этих Коммунаров нужно перепить, сослать в Сибирь, пытаться, пытаться до мучения!* მოდი და ახლა გულგრილად მოისმინე ეს სიტყვები! მკვლელი სემენარისტი ყოფილი! (?!!!!?..?..?) ჩემი ამხანაგები კიდევ იმაზე ლაპარაკობდნენ, რომ გემნაზისტებივით პარადში არ გაგვიყვანესო! არ გეგონოთ, რომ სულ მაგისტანები იყვნენ. ნამდვილი სემენარისტებიც არიან და რა არა ვთქვით!..

7 მარტი, შაბათი.

რალაცნაირ სიამოვნებასა გრძნობ, როდესაც კითხულობ ისეთს წიგნს, რომელშიაც სიმართლე გადაქარბებულია ტყუილზე, თუ ასეთს სიმართლეს და ქეშპარიტებას შეეხება, რომლებსაც შენც კარგადა გრძნობ, მაშინ ხომ წიგნი და ავტორი ერთი ორად შეგიყვარდება. გუშინ წაიკითხე კრივენკოს თხზულება: „Физический труд, как необходимый элемент образования“. რა არის ამ წიგნში? ისეთი არაფერი რაც კუთხით დაუმახინჯებელმა კაცმა არ იცოდეს. წიგნს რომ ვკითხულობდი მაგალითებათ ხან ჩემი თავი წამომეკვეტებოდა, ხან ჩემი ამხანაგებისა. თუ რა ნაირად შკოლა ამახინჯებს ყმაწვილებს ფინთის სწავლის სისტემით უფიზიკურო შრომით, ამას ყველა დაინახავს, ვისაც უნდა, და ვისაც არა იმას თვალეში თითოც რომ წაატაკო, მაშინაც არ დაინახავს. აი თუნდ ავიღებ ჩემ თავს და ჩემს ამხანაგებს. რასა გეძენს შკოლა? არაფერსა. ფიზიკურად დაგვამახინჯა და ის სწავლა, რომელიც მივიღეთ გასულს შკოლიდან დაგვაფიქვდება. ვინც სუსტია ჩაფლულია, ვინც მაგარი ხასიათისა, ის თავს გაიტანს, მაგრამ რაეაივაგლახით? ამ ორი დღის წინათ ერთი ჩემი ამხანაგი ამბობდა: „შინ რომ (შკოლიდან) წავალ, ვერ ვიმუშავებო“. გაიცოცხლა ღმერთმა! სხვის ოფლით ხ..? დაიხაცა! აი რა ნაირ ეგზემპლიარებს ზრდის ჩვენი შკოლა!

21 მარტი.

თუმცა სასაცილოა რასაც ეხლა დაეწერ, მაგრამ მაინც მინდა რომ ჩემს დღიურში იყოს, ეს სხვისთვის სრულებით არ იქნება საინტერესო, ჩემთვის კი კოტოლდენი. პატარაობიდანვე „გოროზს“ და ამპარტავანს მეძახდენ. ვისაც კი ახლოს გაუცნევიარ და ცოტა არაა, რომ მართლდება. საქმე იმაშია რომ გუშინ წინ წაიკითხე ბერნარდ გელვივის „ოთხი ტემპერამენტი: სანგვინიური, ხოლ-

რიკული, მელანხოლიური და ფლეგმატიკური*. გელვიგი ამბობს, რომ ინდივიდუუმს თვისი განცალკევებული ტემპერამენტი აქვსო, მაგრამ შეიძლება ოთხ გრუპაზე გაიყოსო. ეგ გრუპები ზემოთ ჩამოთვლილნი ვახლავან. გელვიგი განიხილავს ცალ-ცალკე თითოეულს ტემპერამენტს ბავშვებში. სიცილით მოვკვდი, როდესაც ხოლერიკულ ტემპერამენტზე ჩავედი. წარმოიდგინეთ, ჩემი თავი ვიცანი ვიგა.

ჩემს საყვარელ ბიბლიოტეკარს ს. ზ. მგალობელოს* უთქვამს ჩემთვის, რომ ბევრს ნუ კითხულობ თორემ ისევ მალე დაგავიწყდება და ვერც საკმარის სარგებლობას მოგიტანსო. დახსოვებაზე კარგს ვერას ვიტყვი—ბევრი მაგიწყდებოდა, როცა ჯეროვანის ყურადღებით ვერ წავიკითხავდი ხოლმე.

11 აპრილი.

ლოთებმა იციან „ისევ და ისევ ღვინითა, დროც ვავატაროთ ღვინითა“, მეც ამას ვიტყვი ისევ და ისევ შენ ჩემო დღიურო, თორემ სული მიგუბდება. შენ ხარ ჩემი ნამდვილი გულითადი ძმა და მეგობარი. შენ თუ გამოგელაპარაკები გულ გახსნილი, თორემ სხვასთან ვერ ვაგებდავ. ერთი თვის განმავლობაში სულ ტოლადების ქვეშ გატარებდი. ხომ იცი ვიფრთხილდებოდი, ვაი თუ ან ხეპრეს ხელი მოგხვედროდა, ან თვალი გცემოდა, ან ცუდ ქარს დაეკრა, ვინ იცის ყველას უნდა მოელოდეს კაცი! პირველ მარტიდან გულგახსნილი აღარ გამოგლაპარაკებივარ, ვაი თუ სტუმრები მეწვიენენ მეთქი და უდროოთ მოგივლონ ბოლო შენც და მეც! ვინ იცის რამდენი რამე დატრიალდა გულში გამოუთქმელი და ეგ გამოუთქმელობა მახრჩობდა, სულს მიგუბებდა. აი თუნდ ეხლა, მარტობამა ლამის გამაგიჟოს. არც ვაზეთი, არც განათლებული ადამიანი, რა გინდა ქნა ამისთანა მიყრუებულ ალაგას.

ბევრჯერ ვაქე კიბლაჩიჩი¹³ და ქელიაბოვი¹⁴, აქა ვწერ რომ მაგათ ვაქებდი მეთქი, ეხლა რომ გაჩნდეს ერთი ჩლატიონი პოლიციელი, წამავლეს ხელს და ვინ იცის სად გადამაკრავენ და გამოშვების დროს ოდესმე უთუოთ, ძალაუნებურად სოციალისტი ვავხდები. აფსუს ბიჭებო, რომ თქვენ დიხოცენით და თქვენ მაგიერ რამდენი ძალი დარჩა!

19 აპრილი.

სალამოს პოეზიი ოთრქლმავლისა ჩამიტანს თბილისში. საშინლად მენანება ვ ჩანჩურა სალოლაშენი, ასე მგონია ველარა ვნახავ მეთქი. მეზარება თბილისში ჩასვლა და სწავლის გაგრძელება. ვანა როგორი სწავლისა? ძალდატანებითი სწავლისა. მერმე ბურსის ჰაერის ყლაპვა?! გუშინ გლეხურ ნათვლაში ვიყავი. ნათქვამია: „მელას რაც ავანდებოდა, ის ელანდებოდაო“. სწორედ ამ გლეხების საქმეც ეს არის. თემა მაგათი მუღმივი ლაპარაკისა არის ნადელები, ტყე, კარგი ხარ-კამეჩი და ფოშტის ფული, გუშინ კი ბატონყმობაზე ვახლდათ ლაპარაკი. სადილზე მომეტებულად მოხუცი იყვენ. სანამ დათვრებოდნენ რალა-რალა-ცეებზე ვლაპარაკობდით, მერმე რაკი შეზარბოშდნენ, მოიგონეს მწარე, თავიანთი

* ს. ზ. მგალობელი—ცნობილი ხალხოსანი მწერალი, გ. ნ.

წასული, მაგრამ არც ახლანდელს შეხარია. მართლაც მწარე იყო ამ გმირების ბედი ამ ოცი წლის წინად, ყოველმა მათგანმა თითო დაუფიწყარი სცენა სთქვა: ჩვენისთანა ღვთისნიერი ბატონი ოც სოფელში არავის ეყოლებოდაო, აღბულალს თუ მანგლის შვილს აგზავნიდა და მის სამგზავროდ ხუთი მანეთი შემეწერაო. თუმც სხვა ბატონები ბევრჯერ ხუთ-ექვსს თუმანსაც აწერდნენ, მაგრამ მაინც გავკანდიერდი და არ მივეცი. რაკილა „ტრალალა და პუბლიკაცია“ დაჰკრეს, რალით ვემსახურები ბატონს მეთქი. ტრალალა და პუბლიკაციას ვახსენებაზედ მე ხარხარი დავიწყე, დალაქმა ამიხსნა რომ ბატონყმობის მოსპობა პირველად სიონში (1864 წ.) რომ გამოაცხადეს, პუბლიკაცია ქნეს და დალაზანდს უკრამდენო.

25 აპრილი.

ღმერთო ჩემო, რა უბრალო გასაგებია ის სიბრძნე და ქეშმარიტება, რომ ყოველმა ჩვენთაგანმა თვისი ნაშრომი თვითონვე უნდა მოიხმაროს, მაგრამ ისეთ ნაირად არიან დამყარებულნი გარემოებანი, რომ მომეტებულ ნაწილს კაცობრიობისას ან არ ეყურება, ან ძალად არ აგებინებენ. ამ დღეებში ქელიაბოვის ნაწერები მომხვდა, წავიკითხე და ცხადად დავინახე ის გაუგებრობა მუშა ხალხისა, რომელზედაც გვაქვს ლაპარაკი, საწყალი წამებული რა ნაირად იბრძვის, რომ დაანახოს ხალხს, რომ ბიჭო, გაიგე შენი შრომა სად მიდისო და ანგარიში მოსთხოვე მათ, ვისაც აძლევ მაგ შავი ოფლით მოპოვებულს გროშებს, რაში გახმარებენ, მაგრამ ვერა, არამცთუ რუსულ მუშას, ვერ შეუთვისებია ეს აზრი, არამედ ევროპიულ მუშებსაც ვერ გაუხორციელებიათ ეს აზრი. მაშ რა დაგვრჩენია? „Сиди у моря и жди погоды“! ეს არც ასე იქნება, თვითონ არაფერიც არა მოვარა! ხათაბალაა, მაშ რაა ბიჭო! თქვენმა მშემ მეც არა ვიცირა, ხომ იცით ახალგაზრდას მალ-მალე ეცვლება აზრები და მე ამ დღიად ღირსოვან საგანზედ მტკიცე, საფუძვლიანი აზრი არ შემიდგენია, ეს ხუმრობაც არ არის: ჯერ ბევრი, ბევრი ვისწავლოთ და მაშინ ვიბაასოთ დღიურო!

6 მაისი.

დღეს გიმნაზიელებთან ვიყავი და სწორეთ გავიხარე იქ ყოფნით. სამი ოთხი საათი მშენიერ საუბარში გავატარეთ, ჯერ ჯარვად არ ვიცნობ და ვერც არას გადაწყვეტილს ვიტყვი მათზედ: სხვადასხვა ხალხოსნობისაგან ანუ ნაციებისაგან შევდგებით, სომხებიც რყენენ, ქართველებიც, რუსებიც, მაგრამ არა უპირსრა, ახალგაზრდას არ უღირს ძვირად ნაციონალიზმა, ის ისე სასტიკად ვაკიცხამს ნაკულუევანებას თვისის ვრისას, როგორც სხვა ხალხის მწერალი. სიამოვნებით და ხარხარით დავტკბით, როდესაც ძველ „სოფრემენიკში“ წავიკითხეთ ნ. ჩერნიშევსკის წერილი ზორიანთან მიწერილი. რა ძალა კალმისა, სიტყვისა, რა პატიოსნება იხატება ამ პატარა წერაში?! აფსუს პატიოსანო, თეთრო მოხუტო, ახალგაზრდობის პაპავ, რუსეთის ნათელო და კაცობრიობისათვის წმინდავ, უნდა წამებული აუოს და ბევრი შავი ძაღლები კი ღვთის ნათლით სტკბებოდნენ და ქვეყანას უტკეროდნენ? მერმე დაიწყო კითხვა ჩვენმა ლექტორმა მე-

ხუთე თავი (თუ არა ვცდები) პირველი ტომის ბოკლისა. რელიგიის გავლენა კაცობრიობაზედ.

მერმე გამართეს ატეისტური ბაასი. სემენარისტი ზორბად ამტკიცებდა, რომ ქრისტი მართო კაცობრიობის მხრით არ უნდა განიხილოთო, რომ ის მართო მარიამმა შობავო და სხ. გიმნაზიელები ხარხარებდნენ, ბოლოს რამდენიმეს თხოვნით შეეწყვიტეთ ლაპარაკი ამ უფერულ საგანზედ. მერმე ვიბაასეთ რუსეთში გლეხების მდგომარეობაზედ, მათ თანამგრძნობთ ფლეროვსკისზედ, მორდოვცევზედ¹⁶ და სხე. შემდეგ პოლიტიკაზედ, სოციალისტებზედ, კიბალჩიჩზედ — და სხვა. ერთი სიტყვით სიამოვნებით გვატარებ ეს საღამო და ბევრი ღვარძლიანი დიდხნობით დაგუბებული აზრები წარმოვსთქვი. თუ დიდი ხნის გაცნობის შემდეგ ეგენი კარგი ბიჭები გამოდგნენ, უეჭველია შეგვკრებებით ერთად და დაუწყებთ ბრძოლას უსამართლობას¹⁷.

წრფელის გულით მეხვეწებიან გიმნაზიაში გადმოდითო, რომ ერთად ვიყოთო მუდამ დღე და შეგვეძლოს უნივერსიტეტში შესვლა, ასე გაშინჯეთ ამ ორ თვეს მომზადებასაც მპირდებიან და უფასოთ შენახვისაც. არ ვიცი ღმერთჰანი რა კენა?..

7 კათოფე.

შეგირდები კანიკულებს ისე მოველოდებით ხოლმე, როგორც ფოთლებ-გაყვითლებული და თავჩაქინდრული სიმინდი დგრიალა წვიმებს. რისთვის? მისთვის, რომ ეხლანდელი შკოლები უსარგებლოთ გვალამენ ფიზიკურადაც და გონებითაც. ჩვენი ეხლანდელი შკოლები ისე უხომოდ გვალამენ, რომ თავისუფალ სწავლის შექმნის სურვილს ზოგს სამუდამოდ უკარგავს. აი თუნდ მე აგერ ერთი თვეა, რაც ეგზამენები გავათავე და ძლივს დღეს მომივიდა სურვილი დღიურში რისიმეს ჩაწერისა. მაგრამ რა ჩაწერო? სულ უსიამოვნო და უსიამოვნო, ერთ ნამცეცს ვერას ვხედავ სასიამოვნოს ჩვენ ცხოვრებაში. სულ სისაძაგლე, სიღარიბე, უსამართლობა და გარყვნილება. ამეებისაგან თვალების მოშორება რომ გინდოდეს, ერთ მუქა ადგილსაც ვერ იპოვნი მთელ დედამიწაზე, რომ ერთ წაშს თავი შეაფარო, რუსეთში გარყვნილის უფუნურებით ღუბავენ ახალგაზრდობას, რომ პატიოსან კაცს გული დაეთუთქება, დაბალი ხალხის სისაწყლეს გულგრილით უტყერიან და მინისტრების ვადასკუპ-გადმოსკუპების მეტს არაფერს აკეთებენ, თითქოს იწილო-ბიწილოს თამაშობდნენ; ჩვენი ახალგაზრდები სასწავლებლებში სლავიანოფილობის გზას დადგომიან და სხეადანსხვა: რამდენ ერთს ჩამოეთვლი და ან რა საჭიროა. ვინც ბრმა არ არის, ყველა კარგად დანიხავს, რა საძაგლობით საცხეა ქვეყანა და რა უსამართლოდ, კერძოდ ჩვენ გვეტყვიან ჩვენი მფლობელები. სჯობს დაუბრუნდეთ ისევ ჩემს შთაბეჭდილებას.

გავათავე თუ არა სახარელი ეგზამენები (12 თობათ.), გული სიხარულით ამეგსო და ვნატრობდი ჩქარა შინისკენ წამოსვლას, რომ დავმტკბარიყავ ბუნების სიმშვენიერით, დამესვენა სულით და გულით მაგრამ რა დავასვენებს, როდესაც სხვისი ჰირი და უბედობა პოულობენ. შენს გულში ალაგს, ან რა დროს დასვენება თუ ღმერთი გწაშს, როდესაც სხე ოფლს იწურავს! გამოცდი თუ

არა მტერიან თბილისს თვალწინ წარმომიდგა საშინელი ბრძოლა ბუნებასთან, რა არის ეგები ბუერი დასტყუონ იმ საყოველთაო დედას, ჩემი და შენისთანა უსაქ-
მოების გასაძღომათ მკითხველო! ჩენსა რომ მოვედი, ჯერ მკა არ იყო დაწყო-
ბილი, მაგრამ ჯერ არც ვუთანი გამოშვებულყო და არც თონხა გათავებულყო.
ღვთის მადლით ეხლა მკასაც მოვრჩით და ახლა ლეწვას შეუდგებით. მო-
სავალი ურიგო არ იქნება, მაგრამ ვაი შე საწყალო გლუხკაცო, რომ „შენს გა-
ჩენაში ღმერთი არ ურევია“ და შენ ოფლით მონაგებზედ სხვებმა უნდა გაიხა-
როს?! წლითიწლობამდინ წელზე ფეხს იდგამ, ლურჯი ნიფხვის და სხვილი შა-
ლის ჩოხის მეტი შენ იქიდან არა გერგებარა, წელიწადში ორჯერ-სამჯერ ვერ
ჩაისველებ ყელს შენგნითვე მოყვანილ ღვინით, ვერ გაძღები შენგნითვე მოყვანილი
თეთრი პურით და ვერ ჩაიტკბანურებ ყელს შენი ცოლშვილისაგანვე გაზრდილი
წვრილფეხობით და სიბერეში ვერ დასტკბები შენი შეილის დიდი სწავლით,
მეტომ რომ სწავლის დროს უნდა სდევნიდეს წაბლებს და ლურჯებს, ნიკორა,
ლომა კამეჩს და შედრების დროს, როდესაც მისი ტოლები—„კმაყოფილის“—
შვილები ტყავებს აძრობენ იდეალისტებს და მატერიალისტებს, ის ვინ იცის სა-
და გდია ღამის ხარში და რომელ ცივ ქვებზე უდევს თავი, რუსის მაზარაში გა-
ხვეული ან დაგლეჯილ ჯეჯიშში! დიდსულოვანო ღამის მებრეც და თქვენც
ქვეყნის გმირებო გუთნის დედებო, რატომ ქვეყანას არა სთხოვთ ანგარიშს, თუ
სად მინდის თქვენი უზომო შრომა?! რასა იქო, ის ვა საიდანაც შეგძლეობოდათ
მაგ ანგარიშის თხოვნა—განათლება, თქვენთვის არ არის და ნებითაც არც მალე
ელირსებით. მაშ, გაუმარჯოს ძალას!.. იმდენი თავისუფალი დრო არა გაქვს, რომ
შენი ცოლშვილი, მოკლებული ყოველგვარ სიამოვნებას ერთხელ მაინც გაისე-
ირნო ერთ ქართულ დღეობაში და ჩვენ კი სისხლის პურის ჭამის დროსაც
ბალებსა და ვეჩერებში ვკუნტრუშებით. გუშინ ღამ ვიყავი ბალში, მგონი ფეხები
დაიგლიჯეს ქალებმა და აფიცრებმა მომეტებულის ტანცაობით. ვოენნაია მუხიკა
უტკობდა გულს მოთამაშეებს. მის ხმაზედ მოვიდნენ საცქერლად სოფლიდან
რამდენიმე გლეხი და მათი ცოლები. ნეტა მაშინ იმათ გულში ვყოფილიყავ და
გამეგო დაწვრილებით, თუ რას ფიქრობდნენ ჩვენზედა.

8 კათათვე ოთხშაფათი სოფ. საღლაშენი. (11 ч. веч. когда все спят
кроме меня.)

ლებბოკის თხზულების კითხვაში ვარ ჩაფიქრებული და წყნარ სიჩუმეს
ჩემს ოთახში არაფერი არღვევს, გარედან შემოსული ძაღლის ყეფის ხმის მეტი.
ფურცლის გადაშლის დროს უცბათ უნებლიეთ ხელზედ დავიხიდე და მის გულ-
ზედ რაღაც წითლები გამოჩნდა, გავშინჯე კარგათ და აღმოჩნდა, რომ ბებრები
გაჩენილან, ხელები ჯერ კიდევ კარგა თეთრები არიან, მაგრამ ორი საათის
მუშაობას კვალი დაუდვია. იმ საცოდავებმა რაღა უნდა ქნან, რომლებსაც
წლითი წლამდე ორი საათის მოსვენება არა აქვთ და რომლებთანაც მე დღეს
ვიმუშავე. მე დღეს საღამოს ჟამს ჩვენს ყანაში ვფოცხამდი და ამ დროს რამდენ-
მა მწარე ფიქრებმა არ გამიარეს თავში და გულში! სხვათა შორის მომაგონდა
დ. კოლცოვის ერთი სტატია: „დობროლიუბოვი მით არის სადიდებელიო
ეხლა, რომ მას განუშორებლივ პირზედ ეკერა „სერი მუჟიკი“-ო. მან სთქვა. ვა-
ნავრძობს კოლცოვი—„პირველი სიტყვა მომავალისააო და პირველი ვა—ბო-

დელი თოვლივით. აკი აგრეც არის! კატეხსავით აღრჩობენ და ვინ არის პატრონი!

16 იანვარი.

ამ საუკუნეებში ახალი საშუალება გამოიგონეს, ეს საშუალება ჟურნალ-გაზეთების ალაგმაა. დღეს უცხოუნეს „მოსკოვ. ტელეგრაფს“⁴⁸, რადგანაც იმან თქვა, რომ ყოველ კაცს თავისუფლად შეეძლოს თავის აზრების გამოთქმაო. ვიშ, რა მოვიდომეო! არა ნაკლებად „გოლოსი“ სწუხდა გუშინ წინა: ძალიან ცუდია გაზეთის შეჩერებაო, გამომცემლებსაც და მკითხველთა საზოგადოებასაც გულს უხშამსო. დარწმუნებული ვახლავარ, რომ თქვენ ბატონო რედაქტორებო და თანამშრომლებო კარგათ იგრძნობდით მაგ გულის შეწუხებას და გულს შემოყრას, რადგანაც ექვსი თვე ლაგამი გედოთ პირში, რაზედაც უნდა შეებასნა, მას ძალიან დავშორდი. საქმე იმაშია, რომ გუშინ ერთმა შევირდმა საიდლანაც პროგრამმა 1882 წლისა, მამასადამე ძლიერ ახალი, მოიტანა, რომელშიაც სწერია, ვითომც სემენარისტებს უნივერსიტეტში შესვლის ნება ეძლევათ, საწყლებს სიხარულით აღარ დასძინებიათ! მე კიდენ აი რას გეტყვით ჩემო მეგობრებო, სხვა გზით ვიშრომით, ვისწავლოთ, სხვა ფრიც ქუა გონება მოვიკრიბოთ, თორემ из Назарета ничего донести не выйдет და მგლიდან კრავი არ იშვის.

23 თებერვალი.

ეს ოჯახდაქცეულები ბერძნულ-ლათინურით გვხვცამენ და ცარიელ პურზედ და დაგლეჯილ ტანისამოსში ხომ სულ ამოვწყდით! საკვირველ არიან უფალო საქმენი შენნი. ერთხელ ინსპექტორმა კიდევ, გვითხრა რომ დამშალი თევზი შევირდისთვინ მარგებელიაო. დასაჯერებლად ძნელია, მაგრამ ნამდვილი სიმართლეა. კარგი განწყობილება შევირდებისა და უფროსს შორის მაშინ იქნება, როდესაც ერთი ერთმანეთი უყვართ. ჩვენ რექტორს კი და საზოგადოდ სუყველა მასწავლებლებს ჰირივით ვეჯავრებით ჩვენ ქართველები, ან თუ ღმერთი გწამთ, საიდან ვეყვარებით მაგათ ცხრა მთას იქიდგან მოთრეულებს? რა კავშირი აქეთ მაგათ ჩვენთანა? არაფერი. მომეტებულად გაიძვერობაში ყველას რექტორმა გადააქარბა. წრევიანდელ წელიწადს იმერლები აღარ გაატარა გაბრიელის სიძულვილის გამო. ეგ და ყრუ არქიელი, არა ნაკლები იეზუიტი, ისე უშლიან საწყალს მოხუცს პრელატს სემინარიის გახსნას ათას ნაირი დონოსებით, რომ ავაზაკიც და თვით წყეული იუდაც არ ჩაიდენდა მაგას: ოცამდისინ მეტი იმერელი ვარეკა პირველი კლასიდან და არ მისცა ბინა და ახლა ცდილობს მაღალ კლასებშიც შეათხელოს მათი რიცხვი. ამ წინაზედ მოუდო ხრიკი ერასტის, გაკვეთილზედ იცინოდო და საწყალი კინაღამ გამოირიცხეს, თუ ორიოდე არ მიშველებოდა და ეხლა ის არის „под надзором“. რადგანაც ჩვენ მთავრობას ასე ძლიერ ვძულვართ, ამიტომაც მას ჰყავს მთელი დასტა ჯაშუშებისა, რომელნიც უზიდავენ მით ათასნაირ ცნობებს, თუ რას ვლაპარაკობთ და რას ვფიქრობთ. რა საზოზარია და რა დამღუბველი ეს ჯაშუშობა შევირდობისათვის, ამას განმარტება კი არ სჭირია, ვინუგეშებ, მითი რომ ჯაშუშებათ სულ მთლად

რუსები და ბერძნები არიან, და ჩვენ ქართველები არ ვერვით მაგ დამბალ ძველ საქმეში. რეკტორს უნდოდა რაღაც ანტი-ქართული პარტია შეედგინა და ამ მიზნისათვის აირჩია რუსები და ბერძნები ერთს ამხანაგის ბერძნის თაოსნობით და სუყველა ჯაშუშებად კი გადააქცია. შეგარდობაც რასაკვირველია შესაფერად ექცევა უფროსებს. არაფერი გავლენა არა აქვთ მათ ჩვენზე და ყოველი ჩვენგანი ცდილობს რითიმე აწყენიოს რომელსამე მათგანს და იმ ნაირადაც, რომ თვითონაც ძლიერ არ დაისაჯოს. მაგ. წრეულ რამდენი აღრეულობა მოხდა შეგირდებში. მესამელებმა ისე გააწიწმატეს ბერძნულის მასწავლებელი გრიბაშვილი, რომ მხეცივით თურმე ღრიალებდა. პოტოკის, საღმთო წერილის მასწავლებელს ისე გაუხადეს საქმე, რომ ქლექში ჩავარდა, ისტორიის მასწავლებელს სამ დაბალ კლასში იმდენი ჯყვეს დაცივით უცოდინარობაში და გაუგონრობით, რომ კინაღამ თავი დაანება. მესამელებმა ტატივეს ქართულიდამ რუსულად თარგმნა მოაშლევინეს და სხვა ამ გვარი, ყველა რომ ჩამოვთვალო აქ არ დაეტევა. ამ ნაირმა ქცევამ ერთი შედეგი მოიტანა, ნაციონალური გაღვიძება შეგირდებში. ეს კანონიერი გაღვიძება, როგორც ანტონმა მითხრა ისეც მოხდებოდა უმაგათოთ, მაგრამ მაგათ ძალიან მოასწრაფეს. დაეაარსეთ ქართული ჟურნალი, რომელშიაც სულ პატრიოტული სტატიებია და ისეთი სიძულელი რუსებისადმი, რომ მომეტებელი აღარ შეიძლება. მეც ჩემს სტატიაში არაფერი დაეკელი მაგ ვაჟბატონს. მუდამ წელიწადს ქართული წარმოდგენები გვაქვს ხოლმე გამართული და ასე გაშინჯეთ, წელს ერთი ახალი ორიგინალური, შეგირდის თხზულება პიესაც გვქონდა. გუშინ რაფაელის ლექციაზე უნდა წავსულიყავით. მარტო ოცს გვქონდა ნება წასვლისა და უნდა გეყურებინათ. რა ვაი ვავლახი იყო: არა მე ჩამწერეთ, არა-მეო. თითქმის ყოველ კლასში ქართული ჟურნალი და გაზეთებიც ყველას გვაქვს, წიგნებსაც ყველა კლასი ცალ-ცალკე ყიდულობენ. სუყველა ამას კი ევროპიული ჟურნალები და ზორბა წიგნები რომ დაუმატო, კარგი მაშინ იქნება.

4 მახი.

ხმები არის ქალაქში, ვითომც ჩვენი ერთადერთი გაზეთი „დროება“ უფულობის გამო უნდა დაიხუროსო. ეს ამბავი ისე მიღწევებს, მირეცს გულღვიძლს, რომ სიბრაზით არ ვიცი რა ექნა! სისხლი ყელში მიერება და სიბროტე თვალებიდან ცხადად გამოსჭვივის. ან როგორ არ მოუვიდეს კაცს სიბრაზე, რომ ჩვენს ქვეყანაში ისე შეგვავეწროვეს, რომ ერთს ჩანჩურა გაზეთს ვერ უხეირია! შური, სისხლი და ხანჯალი მაგათ! მაგის მეტს არას ვინატრი ჩემს სიცოცხლეში მათთვის, ვინც ამ საძაველ მდგომარეობაში ჩავყარა ჩვენ. ამ ფიქრებთან განუშორებლივ მდევნის მშვენიერი, წმინდა სპეტაკი და მამაცობის გამომხატველი სახე პოლიაქი ჩაიკოვსკისა¹⁹. იცით, ვინ არის ეს პოლიაქი? ეს გახლავს სამამგალითო პოლშელი პატრიოტი, რომელიც დაუცხრომლად სკდინლომდა თავისი ქვეყნის—პოლშის აღდგენას. რამდენი ეხეტიალა, ეთრია მთელს ევროპაში, რომ მეგობრები მოეპოვნა პოლშისათვის და მტარვალის ხელიდან დაეხსნა თვისი ტურფა ქვეყანა! რამდენი სწერა სადიკ-პაშას სახელობით თვის მტრების წინააღმდეგ და ზოგჯერ ბედიც უღიმებდა, მაგრამ მუხთილმა ბედმა მიზან-

დისინ ვერ მიაღწევინა! საცოდავმა ამ შრომას შეალია თავისი თიხიკური, ზნეობითი და გონებითი ძალა და ეხლა მოხუცი ემორჩილება მუხთალ ბედს და გულის ტანჯვით უყურებს თავის მამულის აობრებას. გაკურთხოს უფალმა ხალხის გმირო, შენი საქმენი მექმენ მეწინა-გზამავალ ვარსკვლავად, ოცნებები შორს მიტაცებენ და არ ვიცი, საბედნიეროა ეს ჩემთვის, თუ საუბედურო.

ზ ე ნ ი ზ ვ ე ე ბ ი

1. ამის საილუსტრაციოდ მოვიყვან ერთს ეპიზოდს სემინარიის სწავლების ისტორიადან. ოთხმოცდაათიან (1859—1860) წლებში თბილისის სასულიერო სემინარიის მოწაფეებმა დიდი „ბუნტობითა“, ბრძოლით და მსხვერპლით მოიპოვეს უფლება სემინარიაში ქართული ენის სწავლების შემოღებისა, ქართული ენის კათედრის დაარსებისა. მთავრობამ აღუქვა ქართული ენის კათედრის დაარსება, მაგრამ რუსეთის „უწმინდესმა სინოდმა“ ახალგაზრდობა მოატყ ეარ ქართული ენის ლიტერატურის სწავლების მაგიერად შემოიღო საქართველოს საეკლესიო ისტორიის სწავლება რუსულ ენაზე მე-V და VI კლასებში, კერაში თითო გაკვეთილი. მასწავლებლებად თედო ჟორდანიას იყო, ამ სტრიქონების დამწერი—მამინ მე-V კლასში ვიყავი, საეკლესიო ისტორიის ერთ-ერთ გაკვეთილზე თედო ჟორდანიას რუსულად გატაცებით გვიამბობდა ათონის მთაწმინდელ მნათობებზე: „славныя святители нашего отечества“... გაიღო უცერად კარები და დიდი „ამალით“ კლასში შემოვიდა ეგზარხოსი პალატი. თედო მივიდა ხელზე ემთხვია ეგზარხოსს, პალატიმ უბრძანა „приподжайте“. თედო ჟორდანიას ლამაზი კაცი იყო, მაღალი ნათელი შუბლი, შევთვალბეს ოქროს სათვალეები უხდებოდა. შავი, ხშირი წვერულვაში სახეს უმშვენებდა. თედო გაშრა, შიშმა აიტანა. მოუხშირა ხელებას, შუბლზე მოუსვენრად ხელის სმას მოჰყვა და ნაწყვეტიანწყვეტ ამბობდა: „Наше Отечество великая Россия“... „Наше Отечество великая Россия“ და ვეღარაფერი მოაბა ამას, სახეზე საწინელი ტანჯვა-დატყყო, ჩვენც მასთან ერთად ტანჯვას განვიცდიდით. პალატი ეგზარხოსს დიდი არისტოკრატული ოჯახიდან იყო, ცოტა რბილი კაცი იყო და თავი დამოუკიდებლად გპირა, ცოტათოდნო ადამიანობა ჰქონდა შერჩენილი, მიუბრუნდა თედოს და რბილად უთხრა: „Федор Давидович! Вы что все про Россию, расскажите им про свое отечество“ და გავიდა.

თედო ჟორდანიას ქართველი მოწინავე პიროვნება იყო, მრავალი მწაშენლოვანი ისტორიული შრომები აქვს დაწერილი, დიდი ლეაწლი მიძღვლიეს ქართული ძველი ხელნაწერების შეკრება-დაცეში, მისი „Описание рукописей“... დიდი განძია ქართულ ლიტერატურაში. მას ხშირად მიეყავდით თავის სასლში მოწაფეები, გვაჩვენებდა სიველ-გუფარებით საესე დიდ ყუთებს, დაეყავდით საეკლესიო ეპარქიალურ ხელნაწერთა მუხეღმში, გვაცნობდა საუცხოვოდ დაწერილ მთელ ხელნაწერებს, შესანიშნავი ხელოვნურ მინიატიურებით და ჩაგვიჩინებდა: აი რა ძვირფასი სულიერი სიმდიდრე დაგვრჩა წინაპართავან, ეს დაუფასებელი საუნჯე გვეღუპება, თქვენ ახალგაზრდები მოვალენი ხართ სოფლად, სადაც კი შეხედებით, შეიძინოთ და მუხეღმში ჩამოიტანოთ, ან ყოველ შემთხვევაში აღწეროთ, ან გახეთვებში დაბეჭდოთ თან ჩვენ შეგვაცნობინოთ. თედო ჟორდანიას ექვს ვერაერ შვიტანს, რომ მას სამშობლო არ უყვარდა, მაგრამ იგი რუსეთის მოხელე იყო, კარგად იცოდა, რომ ჩვენ, ქართველებს,—როგორც „ინოროდებს“—მეფის მთავრობის ახრით—სამშობლო არ უნდა ეკარონოდა და აი ამ დანაშაულში თედოს ეგონა დამიპირა ეგზარხოსსმყო—რომლის ხელში იყო თედოსთან მრავალი ათასი მოხელეების ბედ-იღბალი—და შეკრთა, როგორც გულმშიშარა კაცი.

2. ბანკობიადა. ალ. ყიფშიძე თავის დღორუმ ისენიებს და დიდს ადგილს უთმობს სათავად-ანხარო ბანკის წლოურ საანგარიშო კრებებს, რა ჰქონდა საერთო სათავად-ანხარო, წოდებრივი, კომერციული საქმეს—ბანკს ვიწრო სასულიერო წოდების სასწავლებლის—სემინარიის მოწაფესთან, რითი იზიდავდა მოახროვენ სემინარიელს ბანკობიად? მართალია ბანკი ვიწრო წოდებრივი დაწესებულება იყო. მაინც იმ დროს შესაფერად საზოგადოებრივი მნიშვნელობაც ჰქონდა.

ბანკის საკითხის გარშემო ქართული ინტელიგენციის ცალკეულ ჯგუფებს შორის ბრძოლა იყო გამართული. ამ ბრძოლაში გამოჩენილი ქართველი მწერლები იღებდნენ მონაწილეობას. ბანკის მოგებიდან საგრძნობი ნაწილი ხმარდებოდა კულტურულ განმანათლებელ მიზნებს: სათავად-ახანაურთა სკოლას, სენაიას, ბათუმის, წინამძღვრანიასკარის სკოლებს, უმაღლეს სასწავლებლებში მოსწავლელ ღარიბი თავად-ახანაურების შვილებისათვის სტიპენდიებს ზოგ შემთხვევაში ქართულ თეატრს და სხვა კულტურულ დაწესებულებებს. ბოლოს ეს ერთადერთი ადგილი იყო, სადაც სჯა-ბაისი ქართულ ენაზე სწარმოებდა, რაც ახალგაზრდა, მოსწავლელ ქართველს გროფუნელ თამოყვარებაში უკმაყოფილებდა.

3. სტასიულევიჩი, მიხ. მათე-ძე. (1826—1911 წ.) ლიბერალი პუბლიცისტი. გახეთ „Порядок“-ის (1871—1882 წ.) რედაქტორი. გახეთი მქადაგებელი იყო ზომიერი დემოკრატიული რეფორმებისა.

4. კოსტომაროვი, ნიკ. ივ-ძე. (1817—1885 წ.) ისტორიკოსი. მთავრობის საწინააღმდეგო უკრაინული ფარული საზოგადოების: „კირილე-მეთოდის ძმობის“, წევრი, რისთვისაც მთავრობის მიერ გადასახლებულ იქნა სარატოვში. კოსტომაროვი ავტორია მრავალი შესანიშნავი ისტორიული შრომისა.

5. ბერძენი, ლიუდვიგ (1784—1817)გ. გრმანელი პუბლიცისტი და კრიტიკოსი რადიკალ-დემოკრატიული მიმართულებისა, ავტორი თხულებათა „წერილები პარიზიდან“.

6. რადიშჩევი, ა. ნ. (1749—1802) რუსი რევოლუციონერი მწერალი. თავის ცნობილ წიგნში „Путешествие из Петербурга в Москву“ აღწერა ყმა გლეხის ალტანგელი მდგომარეობა და მემამულეების თვითნებობა. მოითხოვდა გლეხების განთავისუფლებას მიწით და თვითმპყრობელობის მოსპობას, მეფის მთავრობაზე ამ წიგნის კონფისკაცია მოახდინა და რადიშჩევის სიკვდილით დასჯა მიუსჯა, რაც შემდეგ შეცვლილ იქნა ათი წლის კატორღით.

7. ზაქარია ჭიჭინაძე (1854—1933), ზაქარია ჭიჭინაძეს კარგად იცნობს ქართველი საზოგადოება. საქართველოში საბჭოთა წყობის დამყარებამდე, დღევანდელ მწელოპის ქუჩის, ყოფილ იარმუკის გამოსწრაფ და ყოფილ ალექსანდრეს ბაღის ჩასწვრივ იპყნის, სადაც მამინე ბახნიანი იყო, ჩამწერივებული იყო წიგნებით მოგაქრე ბუკინისტების პატარ-პატარა დუქნები. დუქნების წინ დახვებზე გაფენილ სხვადასხვა წიგნებს გარს ეხვია და გაფაციკებით ათვალთვობდნენ, წიგნების სათაურებს კითხულობდნენ ზღონსები, მეშები, მედუქნების შეკირადები, ჯარის კაცები და მოსწავლელ ახალგაზრდობა, აქ მუდამ წიგნებით ვაჭრობა სწარმოებდა. აქვე ახლოს სტამბაც იყო. ზოგიერთი ბუკინისტები გამოიმცმლობასაც ეწეოდნენ. აქვე ახლო სტამბაში ბეჭდვადნენ სახალხო წიგნებს და ჭყიდდნენ.

ზ. ჭიჭინაძესაც აქ ჭქონდა თავისი დუქანი—წიგნების სავატრო, ხახინის (სახელმწიფო ბანკის განყოფ.) ზეით ეხლანდელ მწელოპის ქუჩახე. ზაქარია ჭყარა განათლებულ ვაჭრობისა ეწეოდა და ფართო გამომცემლობას აწარმოებდა. მას სახეში უჯვოდა ქართველი ინტელიგენციასა და მოსწავლელ ახალგაზრდობას, თითონვე სწერდა პატარ-პატარა ბროშურებს. 2—8 კაპ. ღირებულს თითოს, პოპულიარულ წიგნაკებს ვეროპულ მოწინავე მთაზრავენებზე, როგორც იყო ლუი-ბლანი, პრუდონი, ჟანაკ რუსო, რობერტ ოუენი და სხვა.

გონება გადავიტებული სემინარიელები, სემინარიის სულის შემხუთებულ ატმოსფეროს გაურობოდნენ და აქ ბუკინისტებთან ეძებდნენ გონების საზრდოს. ბუკინისტები და განსაკუთრებით ზაქარია ჭიჭინაძის დუქანი უნივერსიტეტი იყო სემინარიელთათვის. ზაქარია უხვად აწვდიდა, საკითხავ წიგნებს ახალგაზრდობას. სახანულოდ სოფელში მიმავალი სემინარიელი ზაქარიასთან მიდოდა თან წასადებ წიგნებისათვის, ზაქარიაც ზალისიანად შეურჩევდა ოც-ოცდაათ წიგნს, ორ-სამ მანად ღირებულს და ნისიად ატანდა სოფელში.

ზაქარიას დუქანში შეგვებდებოდა ინტელიგენტები, მაგალითად იცანე კერესელიძე, სემინარიიდან გამოსული და დათხოვნილი ახალგაზრდები: გოლა ჩიტაძე, თედო სახოკია და სხვები, რომლებიც წიგნებს ეძებდნენ და სემინარიელებსაც ურჩევდნენ წასაკითხ წიგნებს. ამ პირების გვარები და ვინაობა ვიცოდით და მოწიწებით შევეცურებდით. ერთხელ, როდესაც დაზნახე გაფენილ წიგნებს ვათვალთვობდი ჩემს პირველ კლასში ყოფნის დროს, გოლა ჩიტაძე მოვიდა, გვერდზე, დამიდგა და ჩუმად მკითხა: ყმაწვილო, ჩერნიშევსკის „რტო დელბტ“ არ წაგვიკითხავს? ჩემთვის ამ წიგნის სახელი სრულიად უცნობი იყო. მირჩია ზაქარიასთვის მიმეპართნა თხოვნით, გამოემართვა და წაშკიობა. ეს ამბავი ჩემს ამაზნავებს შევატყობინე, ესთხოვე

ზაქარაის, გვიშოვნა და დიდის ალტაცებით კოლექტიურად წავიკითხეთ მთაწმინდის მყუდრო და მოფარებულ კალთებზე. ამ წაკითხვაში, სემინარიელების საწყალ ჯიბიდან ამოძვრენ მომპირნობით შენახული უხალთუნები, შევკრიბეთ 5 მანეთი და დიდის მადლობით გადავცეთ წიგნთან ერთად ზაქარაის. ზაქარია ყოველთვის ღრმად დარწმუნებული იყო, რომ ახალგაზრდა სემინარიელები მათ არ მოატყულებდნენ, წიგნს ანდობდა და არც სტყულებდოდა. ამევე წესით მრავალი იშვიათი წიგნი ვიშოვეთ წასაკითხათ ზაქარაისაგან, მაგალ. ყახბეგის „ელფუჯა“, ეს წიგნი დაბეჭდისთანავე მთელი რაიონებით გაიტაცა სტამბიდან საცნებურო კომიტეტმა და მოსხო, რაღაც სასწაულით გადაჩრა ერთი წიგნი, რომელიც თბილისში ზელიძე ხელში გადადოდა და ჩვენც სემინარიელებს ზაქარიამ გვიშოვა წასაკითხად.

8. მ. კ ა ტ კ ვ ე ი (1813—1887 წ.) რეაქციონური გაზ. „Масгровские Ведомости“-ს რედაქტორი.

9. „Голос“—ლიბერალური ყოველდღიური გაზეთი, გამოდიოდა პეტერბურგში (1863—1885 წ.) 5. კარევეის რედაქტორობით.

10. 5. ნ. კ. ო. ლ. ა. მ. მ. თავის გაზეთ „Обзор“-ში (1878—1880 წ.) შუერთებულა მიაყენა ილია ქავჭავაძეს. ილიამ 5. ნიკოლაძე დუღლში გამოიწვია და გაუგზავნა სკუნდანტები. ნიკოლაძემ მიიღო გამოიწვევა და თავის მხრივაც გაუგზავნა სკუნდანტები. ერთი სკუნდანტთაგანი იყო „Обзор“-ის თანამშრომელი პოეტი სიმბორსკი—მეტად სიმპატიური ადამიანი. მას ილია და ნიკოლოზთან დალიან უყვარდა. სკუნდანტები ბევრს ეხვეწნენ ორივე მხარეს მშვიდობიანად გაეთავებინათ საქმე. მოპირდაპირები ვიჯობდნენ. დადგა უკანასკნელი მომენტი, როდესაც ტყვიას უნდა ემსხვერპლა ილია ან ნიკო. სიმბორსკიმ ეს ველარ აიტანა. დაიწყო ტირილი. აუვარდა საშინელი ისტერიული ქვითინი, რამაც გამოაფხიზლა მოპირდაპირები, მოლბნენ და ერთმანეთს შერიგების ხელი გაუწოდეს.

11. ჟურნ. „Отечественные записки“—(1839—1885) წ. მოწინავე მიმართულების ჟურნალი, გამოდიოდა კრაევსკის ხელმძღვანელობით. ამ ჟურნალში თანამშრომლობდნენ: კრიტიკოსი ბელინსკი, პოეტი ნ. ნეკრასოვი, სატირკოასი სალტიკოვ-შენდრინი. მთავრობამ 1855 წელს დაკეტა სამუდამოდ ეს ჟურნალი.

12. ჟურნ. „იმედი“ (1881—1883 წ.) პართველი ხალხონების ორგანო.

13. კ. ბ. ა. ლ. ჩ. ჩ. ი. ნ. (1854—1881 წ.) „ნაროდნაია ვოლას“ ორგანიზაციის აქტიური წევრი, ტერორისტული აქტების მომწყობი; მისი ხელმძღვანელობით იყო მომზადებული ყუმბარები, რომლითაც ააფეთქეს ალექსანდრე II, (1881 წ. 1-ს მარტს), ჩამოახრჩეს 3 აპრ. 1881 წ.

14. ელიაბოვი (1851—1881). რევოლუციონერი. „ნაროდნაია ვოლას“ გამოჩენილი მოლეაწე. წარმოშობით გლეხი. გაათავა ნოვოროსიისკის უნივერსიტეტი. 1881 წ. 5 აპრილს ჩამოახრჩეს, ს. პეროვსკაიას, კიბაღჩიშთან, მიხაილოვთან და რისაკოვთან ერთად ალექსანდრე II მოკვლაში მონაწილეობის გამო.

15. ბოკლი. ვ. თ. (1821—1862) ინგლისელი ცნობილი სოციალოგი. დაწერა „История Цивилизации Англии“, რომელსაც დიდი გავლენა ჰქონდა ქართველ ახალგაზრდობაზე 70—80-იან წლებში.

16. მ. ო. რ. დ. ო. ვ. ც. ვ. დ. ლ. (1830—1905 წ.) რუსი ისტორიკოსი და ბელეტრისტი; ცნობილია მისი მონოგრაფიები გლეხთა მობრობიდან: „Самозванцы“, „Гайдамащина“, „Политическое движение русского народа“ და სხვ.

17. ალ. ყ. ო. შ. ი. ძ. თავის დღიურში იხსენიებს გიმნაზიელ მოწაფეთა და სემინარიელთა გაერთიანებას თვითგანვითარების ნიადაგზე—საიდუმლო წრეებში. დიდის ალტაცებით და სიამოვნებით იხსენიებს ამ გაერთიანებულ კლასებს. ასეთი გაერთიანების ტენდენცია თბილისის საშუალო სასწავლებლების უკანასკნელ კლასების მოწაფეთა შორის ყოველთვის იყო.

1893 წელს არსებობდა თბილისის საშუალო სასწავლებლების უკანასკნელი კლასების მოწაფეთა ფართო ხასიათის წრე. ამ წრის შტაბ-კვარტირა ეგნატე ნინოშვილის ბინა იყო წრეს ხელმძღვანელობდნენ ეგნატე ნინოშვილი და მიხა ცხაკაია. აქ ხშირად ნახავდით თბილისში იმ დროს მცხოვრებ რევოლუციონერებს. სამსწავლებლო ინსტიტუტის უკანასკნელი კლასის მო-

წაფეებს სერგო რომაქიძეს, მოსე თოიძეს და სხვ. ფარული წრეების არსებობასთან დაკავშირებულია სემინარიის გარეშე აკრძალული წიგნების კითხვაც.

1890 წლებში გარეშე წიგნების კითხვა ორგანიზულად იყო დაყენებული სემინარიებში. სემინარიაში არსებობდა არალეგალური სემინარია თავისი განსაკუთრებული პროგრამით. ეს პროგრამა სრულდებოდა მთელი სემინარიის კურსის განმავლობაში. სემინარიის ყველა კლასში არსებობდა პატარა წრე 10—15 რჩეული, მოაზროვნე მოწაფეთაგან. ყველა წრეს ჰყავდა ამორჩეული მაღალი კლასის განვითარებული მკვერამეტყველი. წრეებში დაცული იყო სასტიკი დისციპლინა, სრული კონსპირაცია. წრეების მეკადნიშობა ხდებოდა რომელიმე მოწაფის ბინაზე, ან მთაწმინდის მუყდრო კალთებზე, კათოლიკების სასაფლაოზე, ბოტანიკურ ბაღში. 1890 წ. და შემდეგ წლებში თბილისში არსებობდა მოწაფეთა კონსპირატიული მდიდარი ბიბლიოთეკა, ამ ბიბლიოთეკის არსებობა წრის ყველა წევრებმა არ იცოდნენ, ერთ ერთ, უფრო სანდო და იმედიან მოწაფეს გაანდობდნენ ბიბლიოთეკის ბინას მისცემდნენ პაროლს და იმას მოჰქონდა წრეში საკითხავი სამეკადნიშო წიგნი. ამ ბიბლიოთეკით სარგებლობდნენ სემინარიის, სამასწავლებლო ინსტიტუტის, გიმნაზიისა და სახელოსნო სასწავლებლის რჩეული მოაზროვნე მოწაფეები. ბიბლიოთეკის შესავსებად წიგნების შესაძენი თანხა სდგებოდა მოწაფეთაგან (საწვერო გადასახადებიდან).

18 „Московский телеграф“—პირველი რუსული სამეცნიერო ლიტერატურული ჟურნალი. მოსკოვში (1825—1834). გამოდიოდა ნ. ა. პოლუევის ხელმძღვანელობით. ამ ჟურნალში თანამშრომლობდნენ: პუშკინი, ჟუკოვსკი, ბარიატინსკი, ვიხუმსკი. ჟურნალში იბეჭდებოდა ლიტერატურის, მეცნიერებისა და ხელოვნების მიღწევები რუსეთში და უცხოეთში.

19. ჩ ა ი ვ ს კ ი, მიხეილი (სადიკ-ფაშა) (1808—1886). პოლონელი ემიგრანტი და მწერალი. აქტიური მონაწილე 1830 წელს რუსეთის თვითმკვრობელობის წინააღმდეგ მომხდარ პოლონელთა აჯანყებისა. აჯანყების ჩაჭობის შემდეგ ჩაიკოვსკი გაიქცა საფრანგეთში და მიიღო საფრანგეთის ქვეშევრდომობა, საფრანგეთის მთავრობამ ჩაიკოვსკი გაგზავნა თურქეთში საიდუმლო აგენტად. ჩაიკოვსკი გადავიდა თურქების მხარეს და მონაწილეობას იღებდა სადიკ-ფაშას სახელით თურქების მიერ იმ დროს წარმოებულ აღმოსავლეთის ბრძოლებში, ბოლოს დაბრუნდა რუსეთში, შეურიგდა მთავრობას და დაიწყო აქ ცხოვრება, მას საშინლად სტანჯავდა დამონებული სამშობლოს—პოლონეთის ბედი და 1886 წელს თავი მოიკლა. ცნობილია მისი ლიტერატურული შრომები „Українские повести Чайковского“.

ალ. ყაზბეგის უცნობი ბიოგრაფიის შესახებ

ზ. ჭიჭინაძის მიერ დაწერილი ალ. ყაზბეგის ბიოგრაფია პირველად ქვეყნდება, იგი დაწერილია ყაზბეგის გარდაცვალების ორი წლის შემდეგ—1895 წელს.

რამდენადაც ალ. ყაზბეგის ცხოვრების შესახებ მცირე ცნობები მოგვეპოვება და რამდენადაც იყო ცდა პრობლემატიურად გადაეჭვიათ მისი სამწერლო მოღვაწეობა—ზ. ჭიჭინაძის მიერ შედგენილ ალ. ყაზბეგის ბიოგრაფიას გარკვეული მნიშვნელობა ეძლევა.

ბიოგრაფიაში აღწერილ ამბებისა და მოვლენების დიდი ნაწილი სრულად ემთხვევა სხვა სარწმუნო წყაროებით ცნობილ ფაქტებს. განსაკუთრებით საყურადღებოა ალ. ყაზბეგის მიერ ზ. ჭიჭინაძისათვის პირადად გადმონაცემი თვისი ყრმობის ამბები და მისი სამწერლო ასპარეზზე გამოსვლის თავგადასავალი.

ზ. ჭიჭინაძის ხსენებული მასალების გამოქვეყნებით დღემდე ცნობილ ორ ბიოგრაფიულ ნაშრომს ალ. ყაზბეგის შესახებ, — დ. კარიჭაშვილისას და გ. ნათაძისას (ორივე დაიბეჭდა 1904 წ.) ემატება კიდევ ახალი მესამე თხზულება შემცველი არა ერთი საინტერესო მასალისა გამოჩენილი რომანისტიკის შესახებ.

აღნიშნავთ, რომ დღემდე ალ. ყაზბეგის გამოქვეყნებული ბიოგრაფიის შემდგენელნი ემყარებიან წერილობით საბუთებს, ალ. ყაზბეგის მიწერ-მოწერას (დ. კარიჭაშვილი) და აგრეთვე ალ. ყაზბეგის დაბადების და აღზრდის ადგილზე (მთაში) შეკრებილ ცნობებს (გ. ნათაძე); ზ. ჭიჭინაძე კი თავის მიერ შედგენილ-წინამდებარე ბიოგრაფიის შედგენაში ხელმძღვანელობს პირადად, თვით ალ. ყაზბეგისაგან გაგონილი ცნობებით, რაც უფრო სარწმუნოდ ხდის მის მასალებს. ზ. ჭიჭინაძის ზოგი ცნობა, მაგ. ყაზბეგის დედამამის ცხოვრების შესახებ, გახვიადებულია, რაც სრულიად ეთანხმება იმ დროს—1890—1892 წლებში ქართველ საზოგადოებაში, ალ. ყაზბეგის შესახებ მოარულ ლეგენდებს, რაც აგრეთვე საჭიროაქნას აღნიშნული.

ზ. ჭიჭინაძის ხელნაწერი მნიშვნელოვნად შევამოკლეთ, ამოვიღეთ ის ადგილები, რაც არსებითად არ ემბოდა ალ. ყაზბეგის ცხოვრებას. აგრეთვე სტილსაც ცოტაოდენი შალაშინი მოხვდა. ზ. ჭიჭინაძის ავტოგრაფი დაკულია საქ. სახ. ლიტერატურული მუზეუმის ხელნაწერთა ფონდში № 3045. ხელნაწერი აღმოჩნდა და ვით კარიჭაშვილის არქივში. სიამს იგი კარიჭაშვილის დაკვეთით არის დაწერილი.

გიორგი ლეონიძე

შაპარია ზიზინაძე

ალექსანდრე ყაზბეგი

ყაზბეგის გვარი მთიელთ მოდგმას ეკუთვნის. თვით ყაზბეგის წინაპარნი მთიელთ მოწინავე პირებად ირიცხებოდნენ, ესენი დამსახურებულნი და დაწინაურებულნი იყვნენ ქართველთ მეფეების წინაშე, ნამეტურ პატივს სცემდა მათ მეფე ერეკლე, გიორგი მეფემ ახნაურობის მიცემაც დაპირდა მათ, მაგრამ ამას მეფე ველარ მოესწრო, მალე გარდაიცვალა და საქართველოც რუსეთს დაუკავ-

შირდა. ყაზბეგის გვარის წევრთ რუსეთიდანაც პატივს სცემდნენ, რადგანაც ესენი საქართველოს და რუსეთის კარის ბჭის უფროსათაც ითვლებოდნენ. ამით სახლში გამართული იყო ორსავე სახელმწიფო საზღვართა კარები, ანუ ფოსტა.

სამეფო კარის ბჭეთა და ფოსტის პატრონობის გარდა, ყაზბეგებს ებარათ მთელი იმ კუთხის ერის გამგეობა და მართვა.

ამივე გვარის წევრთ ებარათ ზედამხედველობა საქართველოდამ რუსეთში მიმავალ მგზავრებისა და ვაჭრების. ვაჭრებს ესენი დანიშნულს მიჯნამდის გზის მცველებს გაატანდნენ, გზის მცველთა გარდა მათ ღამის გუშაგებიც ჰყავდათ. ვაჭრების საქონლებს ესენი მფარველობდნენ, რომ გზად არავის გაეცარცვათ. თვით რუსეთის მოგზაურნიც ამითან ჩამოხტებოდნენ, ისინი უჩვენებდნენ საქართველოს გზაკვალს.

რაც უნდა ძვირფასი ნივთები, წერილები და საქმეები ყოფილიყო რუსეთიდან, ყაზბეგიანთ ხელში უნდა გაეველო. მარიამ ყაზბეგისამ მიახმობ:

იმპერატორცა ეკატერინამ მეფე ერეკლეს ჩაის ქურჭელი, სამოვარი და სხვა ნივთები გამოუგზავნა საჩუქრად. ნივთები საქართველოს მიჯნაზედ მოიტანეს და ყაზბეგიანთ გადასცესო. რამდენიმე ხნის შემდეგ ყველა ეს ნივთები ყაზბეგმა თბილისში მეფეს ჩაუტანა, სამეფო სახლში ყუთი გახსნეს და ნივთები ამოალაგეს, მერე მეფემ სამოვრის დადგმა ბრძანაო, მაგრამ სასახლის მოსამსახურეებმა ერთმაც ვერ დადგა სამოვარი. ბოლოს ყაზბეგიდამ ნივთების მიმტანმა მთიელმა დადგა თვითსადღუარი, აადულა, ჩაიც გააკეთა და მეფეს მიართვა. ეს ამბავი მეფის ქალემმა ერეკლეს მოახსენესო, მეფემ გაიციანა და სთქვა: „ბარში რომ ჰქუა დაიკარგა, მთაში იპოვნესო, სირცხვილია რომ მთის კაცმა გასწავლათ. როგორ ვერ შეატყეთ თუ საილამ წყალი უნდა ჩაგესხათ და საილამ ნახ-შირი უნდა ჩაგეყარათო“.

ყაზბეგის ოჯახის წევრნი დიდათ ემსახურებოდნენ მეფეს. მათ დიდი მონაწილეობა მიიღეს საქართველოს რუსეთთან დაკავშირების საქმეში. ესენი ორსავე მხრიდან იქმნენ დაჯილდოებულნი. ამ დაჯილდოვებულ პირთა მოდგმას ანუ ოჯახს ეკუთვნის ალ. ყაზბეგის მამა, რომელიც ცნობილი იყო მთელ საქართველოში.

ალექსანდრეს მამა თავის დროის განათლების გარეშე იყო აღზრდილი. იგი ირიცხებოდა თერგის ხეობის ოლქის უფროსათ. მაშინდელს დროში ოლქის უფროსებს მეტად დიდი ხმა და გავლენა ჰქონდათ ხალხზე, ნამეტურ, თერგის, კობის ოლქის უფროსს ჰქონდა მინიჭებული ეს ძალა და ღირსება. იმ დროებაში საქართველოდან რუსეთში მავალთ ამ გზით უნდა ევლოთ და ყოველს მგზავრს, გამეღელს თუ გამომეღელს, უშუქველად ამ უფროსის ნახვა მოუწოდებოდა, რადგანაც ბილეთებს უშინჯავდა. ეს პირი იქამდის სახელოვანი იყო, რომ მგზავრობის დროს ამის სახლში ათვედნენ რუსეთიდან მოსული მინისტრები, სამხედრო გენერლები, მთავარ-მართებელნი და თვით ხელმწიფენიც კი. ასეთ დიდ, შეძლებულ პირების გამასპინძლების მეოხებით ყაზბეგი უფრო წინ მიდიოდა, სახელი და ორდენები ემატებოდა და ამას ზედ ერთვოდა შეძლება და სახელმწიფო პატივისცემაც; ალექსანდრეს მამამ მეუღლედ შეირთო თუმანიშვილის ნაქვრივალი



ალექსანდრე ყაზბეგი ახალგაზრდობაში

ქალი, თარხნიშვილის ასული, ამ ქალს გერები ჰყავდა, ქალები; 1848 წელს დაიბადა ალექსანდრე ყაზბეგი. მის მეტი შვილი ამ ქალს მეორე ქმრის ხელში არ მისცემია, პატარა სანდროს დაუწყეს შინ მეტად აზიზად აღზრდა და მოვლა; სანდროს მეტად ფუფუნებით ზრდიდნენ, მისთვის ჰყავდათ რამდენიმე გამდელი, პატარაობის დროს სანდროს ყოველი ბრძანება დაუსრულებლივ უნდა შეესრულებინათ. სანდრო ამით ისე გათამამდა, ისე გამედიდრდა და გალალდა, რომ ერთ უბრალო რამის წყენის გამო გაჯავრდებოდა და ტირილს დაიწყებდა. პატარა სანდროს აცმევდნენ მშვენიერს ტანსაცემელს და ოქრო-ვერცხლის პატარა იარაღებითაც რთავდნენ. მამა ჯიბეში ყოველთვის ოქროებს უყრიდა, რომ სანდროს გახარებოდა და არ მოეწყინა, პატარა სანდროს ხშირად აქა-იქ მეზობლის ბიჭებშიაც ატარებდნენ, რომ იგი პატარა ბავშვებთან თამაშობას შესჩვეოდა, ხშირად მისი გულისათვის გლეხის ბიჭებს სახლში დაუძახებდნენ და იქ თამაშობას გამართავდნენ, სანდროც მონაწილეობას იღებდა, მერე თავის ამხანაგებს თეთრ ფულებს ურიგებდა საჩუქრად. სანდრო ვახდა თავის დედამამის შზე და მთვარე, უამისხილვით მამას ერთი დღიც არ შეეძლო დარჩენილიყო, ისე უყვარდა. შვილს რაც უნდა ეთხოვნა ყველაფერს აღსრულებდა. მაგალითად, იმ დროს, რუსეთიდან მოსულა ერთი გლეხი კაცი, რომელსაც გალიებით საქართველოში „კანარეიკები“ მოჰყვანდაო, ეს კაცი სანდროს მამას გამოეცხადა, ნოწმობა უჩვენაო; მას ნება მისცეს საქართველოსკენ წამოსვლისო, ამ კაცს სანდროს მამისათვის ორი კანარეიკა უფეშქაშებია უფულოდ, თავის გალიით, სანდროს როგორც დაუნახავს კანარეიკები მამისათვის დაუწყია მუდარა:

— მამა, ხუთი კანარეიკა მიყიდე, თორემ ვიტყვებო!

მამას უყრიდა ხუთი კანარეიკა, 25 მან. მიუცია. იმავე დამეს სანდროს ჩიტები კატამ დაჭამა. ახლა ამაზე ატეხილა ტირილი: კატამ რათ შეჭამა ჩემი ჩიტები, მოკალით კატაო.

გავიდა ხანი. ერთ დღეს ჩამოუვლიათ აქლემებს. სანდროს დაუნახავს ოქ არა აქლემი, მისულა მამასთან და დაუწყია ხვეწნა:

— მამა, აქლემი მიყიდეო!

იძულბულმა მამამ უყრიდა აქლემიც, რის წვალებით, ხვეწნით და მუდარით რამდენიმე თუმანი მისცა ფასად. ეს აქლემი მოიყვანეს შინა და დააბეს, ერთი კვირა ჰყვანდათ შინა და სანდრო მათ შეექცეოდა, ხშირათ აწვალბდა, მოსვენებას არ აძლევდა, მეორე კვირას აქლემი კლდიდამ გადაიჩხა, დაიმტვრა და მოკვდა.

როგორც ზემოთ ვსთქვით, მაშინდელს დროში, რუსეთიდან საქართველოში რუსის მომავალნი დიდკაცები ყოველთვის ყაზბეგის სახლში ჩამოხდებოდნენ ჯაღამეს ათევდნენ. ესენი დიდსა და მშვენიერ საჩუქრებს აძლევდნენ სანდროს და უზომოთ ესიყვარულებოდნენ. სანდროს საჩუქრებით სავსე იყო თურმე რამდენიმე ოთახი და ამ საჩუქრებში ვინ იცის რა არ იყო საქართველოს ვაჭრები რუსეთში ყოველთვის ამ გზით დადიოდნენ სავაჭროთ. როცა გაივლიდნენ თერგისკენ, უმკველათ ყაზბეგს უნდა გამოსცხადებოდნენ და მოწმობა უნდა ეჩვენებინათ. ყაზბეგიც ხვედა მათ ქალაღებებს და მერე ნებას აძლევდა წასვლისას, ზოგს კაცებსაც გაატანდა გზაში, რომ არავინ გაცარცვოსო. რუსეთში ნავაჭრი ვაჭა-

რი რომ დაბრუნდებოდა საქართველოში თავის საქონლით. ისევ აქეთ უნდა გამოველოთ. მოვიდნენ უფროსთან და თან მოართმევდნენ ათასნაირ ახალ-ახალ ნავაქრს ნივთეულობას და ხშირად ფულსაც.

რომ კარგად გავიცნოთ ალექსანდრე ყაზბეგის აღზრდის ვითარება, — აქ კიდევ მისი მამის ოჯახის მდგომარეობას უნდა მოუბრუნდეთ. ალექსანდრე ყაზბეგის მამას დიდათ უყვარდა მდიდრად ცხოვრება. ზამთარში თბილისში ცხოვრობდა ხოლმე და ზაფხულში — მთაში, ხშირად კი ზამთარში თითონაც იქ იყო, თბილისში მარტოდ სახლობას ინახავდა. მთაში ამას ეკავა ერთი დიდი სასახლე, სადაც ოთახები მორთული იყო ძვირფასი ხალხებით. ყოველი ოთახის მოწყობილობა განირჩეოდა მეორე ოთახის მოწყობილობიდან, ყოველს ოთახში კაცი სულ სხვა და სხვა ჯურის ნივთს და იარაღს ინახავდა, რომელიც მნახველის თვალს იტაცებდა.

სასახლის საჯინბეში ყოველთვის 50 ცხენი ება. ასევე უხვი იყო სხვა და სხვა პირუტყვთა რიცხვი, თვით ირემ-კანჯარი, და შინაურ და გარეულ ფრინველებითაც კი სავსე იყო ამ სასახლის საქათმეები და ბოსლები. მოსამსახურეთ რიცხვი ხომ დაუთვლელი ყოფილა, სამზარეულოც დიდად იყო მოწყობილი, მარხვასა და ხსნილში ყოველდღიურად კეთდებოდა ცხრა თავი საქმელი სულ ძვირფასეული. ხშირად გარეული ნადირის ხორცი, ნამეტურ ფრინველების, თევზეულობა და ვერობიული საქმელები. დღეში კეთდებოდა 30 კაცის სადილი.

სუფრის ჭურჭელი სულ ვერცხლისა იყო. როცა ყაზბეგი თბილისში გადმოვიდა საზამთროთაო, მაშინ ეს ვერცხლის ჭურჭელი ერთი საქმე ურემი გამოვიდაო, ნუ დიავიწყებთ, რომ ყველა იარაღიდან ორორი ან სამსამი ცალი მთაშიაც დასტოვესო, მაგრამ მაინც იმოდენა ვერცხლის ჭურჭელი ჰქონდათო, რომ რაც თბილისში წამოიღეს ერთი ამდენი გამოვიდაო.

თბილისშიც დიდკაცურად მიეცა ცხოვრებას ალ. ყაზბეგის მამა. კუკიაში ბინა დაიჭირა, მორთული ძვირფასი ხალხებით, ატლასებით და სხვადასხვა ძვირფასი სურათებით და ოქროს და ვერცხლის იარაღებით, ოთახებს ამშვენებდა სხვადასხვა ყვავილები. როგორც მთაში აქაც უხვი იყო ყველაფერი, მოსამსახურეთ რიცხვი, სადილი ისევ 30 კაცის კეთდებოდა, მოსამსახურეებს გარდა, შალე შეიძინეს ეტლი, ორი ცხენი საჯდომი და მრავალიც სხვა ცხენები სტუმართათვის, მეწველი ძროხები და სხვ. ერთი სიტყვით ეს ოჯახი სდულდა და გადმოდულდა. მთელს თბილისში სახელი განითქვა ყაზბეგმა, როგორც კარგმა მეპურმარჩილემ.

თბილისში ალ. ყაზბეგს დაუჭირეს ორი გუვერნანტა, ერთი რუსი და მეორე ფრანგის ქალი, მათ გარდა რამდენიმე მასწავლებელი. ქართული ენის მასწავლებლად „ციცკის“ რედაქტორი ივანე კერესელიძე მიიწვიეს, მასწავლებლების მოსაყვანათ ხშირათ ეტლს გზავნიდნენ ხოლმე. მასწავლებლებზე დიდი ფული ინარჩუნებდა. მამა არას დაგიდევდა. მ. ყაზბეგი ხშირათ მასწავლებლებსაც უმართავდა ნადიმს, ივ. კერესელიძე იტყობა: ეტლი მომივიდა, დღეს მობანდი სადილათაო, მეც დავჯდებოდი ეტლში და წავიდოდი დიდის გაბერვითაო, იქ კაი ქეიფს, კაი სადილს გიახლებოდი და სალაპოზე ვბრუნდებოდი შინაო.

საფელში ცხოვრებას დაჩვეულ სანდრო ყაზბეგს, რომ არ მოსწყენოდა ქალაქში, მას შეუტერეს ორნაირი ტანსაცმელი, ევროპული და ქართული. ძვირფას ოქრო ვერცხლით მორთული. ამის გარდა მოუყვანეს ორი კარგი ცხენი, ერთ ცხენზედ სანდრო ჯდებოდა, მეორეზე მისი გამძლეი მოსამსახურე კაცი და ქალაქის ქუჩებში დადიოდნენ სასიეროდ, წვიმიან დღეებში სანდრო სასიეროდ დაჰყავდათ გუვერნანტკებს ეტლით. სანდროს მამამ ეს არ აკმარა შვილსა, მან მოინდომა თავიანთი უბნის მდაბიო ოჯახთა შვილების დაახლოვება თავის შვილთან; მთელი უბნის ბიჭები იკრიბებოდნენ მათს ეზოში და სანდროსთან ერთათ თამაშობას მართავდნენ. სანდროს დედამამა აივნიდან უმზერდნენ, თამაშობის გათავების შემდეგ სანდრო აივანზე ავიდოდა, ჯიბეში ჩაიყოფდა ხელსა და რამდენიმე მუქა ვერცხლის ფულს გადმოუყრიდა თავის ტოლამხანაგ ბიჭებს, ესენი საჩქაროდ აჰკრეფდნენ და მადლობით წავიდოდნენ, 1879 წ. თვით ალ. ყაზბეგმა მიაბზო, რომ ჩემი გულისთვის მამაჩემი ჩვენი სახლის წინ, კუკიაში, ქალაქის ბიჭებს იბარებდა და კრივს ამართვინებდაო, რომ ამ კრივის ხილვით მე გამეხარნაო. კრივის გათავების შემდეგ აივნიდან თეთრ ფულს გადაუყრიდი ხოლმე მოკრივეებსაო. ეს გაახსენდა მას, როცა ჩვენ ერთ მიკიტნის დუქანში პურსა ვკამდით და აქ ერთი კინტო ვაჭარი ნახა, კუკიელი, კავკავილამ ახლათ მოსული, რომელიც იცნო ყაზბეგმა, მასთან ლაპარაკი გამართა და ბევრი რამ ამბებიც მოიგონეს წარსულის ცხოვრებიდამ, ნამეტურ ძველი მოკრივეების შესახებ. ხანდისხან თურმე სანდრო ყაზბეგიც იღებდა კრივში მონაწილეობას, მაგრამ კრივის დასაწყისში როცა პატარა ბიჭები დაიწყებდნენ ხოლმე, ყველა პატარა ბიჭი ერიდებოდა სანდროს დარტყმას, ივინი ნელა არტყამდნენ თურმე, ისე, რომ სანდრო არც კი გრძნობდა დარტყმასა. მის მამას კიღევ უხაროდა უსახლოროთ; ჩემი შვილი ჯანიანი ბიჭი გამოდის, კრივში მარჯვეთ იქნეს ხელეგს და იმედი მაქვს რომ დღეგრძელი გამოვაო.

სანდრომ წერაკითხვა საკმარისად შეისწავლა და სასწავლებელში მიცემის დროც მოუვიდა, შეიყვანეს გემნაზიის პირველ კლასში. სანდრო სახლიდან სასწავლებელში ეტლით დაჰყვანდათ. გემნაზიაში ყოფნის დროს სანდროს უფრო დაუწყეს მშობლებმა პატივისცემა და სიყვარული, მათი პატივისცემა სახლგარს აღებატებოდა, ვინც კი მზერდა ამ სიყვარულს, ყველას უკვირდა და მრავალნი ამბობდნენ, რომ ასეთის გარდამეტებულის სიყვარულით ესენი ყმაწვილს გარყვნიანო, სამუდამოთ გააფუჭებენო. შინ მოსვლისას სანდრო გემნაზიის ფორმას გამოიცვლიდა, ჩაიცვამდა ჩერქეზულს ტანსაცმელს, შეიმოსებოდა იარაღით, შეჯდებოდა ცხენზე და ვაჭყენებდა თბილისის ქუჩებზე, სადილობამდის ასე დასეირნობდა, ვიდრე შინ არ დაბრუნდებოდა, მანამდის სადილს არ გაშლიდნენ, მშვირვ ბიჭ რომ ყოფილიყვენ, სანდროს ეწყინებაო. სანდროს წყენა კი მისის მშობლებისათვის ძვირფასად ღირდა. სალამოთი სანდრო ევროპულს ტანსაცმელს იცვამდა.

სახლში კარგ დროსა და ღზინების ვატარებას დაჩვეული ალ. ყაზბეგნი აცნობთა სახლებშიაც დაიარებოდა სტუმრად, ნამეტურ კვირა დღეობით. დღესასწაულებში და თავისუფალს დროს, მას მით უფრო ჰპატივობდნენ, რადგან იგი აღრითვე შეიქვია ჩინებულად ლეკურის თამაშსა და უკანასკნელად ხომ

იმ ზომამდის მივიდა, რომ 1880 წლებში, ქართული თეატრის სცენაზე ხანჯლებითაც დაიწყო თამაში, რაც დიდად აკვირვებდა ქართველ საზოგადოებას. გემნაზიაში სწავლის დროს ალ. ყაზბეგი მდიდარმა ყოფა-ცხოვრებამ, კარმა დროსტარებამ, ქეიფებმა, მეგობართა სტუმრობამ და წვეულებამ ისე გაიტაცეს, რომ სწავლისათვის მას დრო ერთობ ცოტა რჩებოდა.

ალ. ყაზბეგი ქალებმა ისე აიყოლიეს, რომ მან სწავლაზე გული აიყარა. თითო-კლასში ორორ წელიწადს რჩებოდა. ერთი მასწავლებელი მას ჩინებულ დარიგებას აძლევდა, მაგრამ მას ეს დარიგება არ ესმოდა, მასწავლებლებიც მობეზრდნენ და თვითონ ალ. ყაზბეგსაც მობეზრდა სასწავლებელში დიოექტორის და მასწავლებლების საყვედურები, მან განიზრახა გიმნაზიიდან გასვლა და გამოვიდა კიდევ მეექვსე კლასიდან, შვილის ასეთი საქციელი არ ესიამოვნა მამას. მაგრამ სიამოვნებდა მით, რომ შვილი ყოველთვის გვერდით ეყოლებოდა, აღარაგინ მოაყლიდა, მისი სიყვარულით გაძლებოდა.

გიმნაზიიდან გამოსვლის შემდეგ ალ. ყაზბეგი გაჰყვა ქეიფებს, ლხინებს, ქალების არშეიკობას და ცეკვა-თამაშს. ერთი ქალი ისე მოხიბლა ფულით, რომ ბოლოს ეს ქალი ცუდ დღეში ჩავარდა, ამას ალ. ყაზბეგი ხშირად მოიგონებდა ხოლმე და თავის თავსაც სწყველიდა და გმობდა, ყველაფერს სულ თავის მშობლებს აბრალებდა, მათგან მის ვალაღებას და ცუდად აღზრდას. ამ ქალის ამბავი ალ. ყაზბეგმა გამოხატა ერთ თავის პიესაში, რომელიც 1879 წელს თბილისის სცენაზე დადგეს, ეს პიესა ბიოგრაფია არის ალ. ყაზბეგის ცხოვრებისა, მისი აღზრდისა და სხვადასხვა საქმეების.

ლამაზ ქალებთან საუბარსა და ხვეენა-კოცნას და ალერსსაც თურმე მობეზრება და დასასრული ჰქონია.

ალ. ყაზბეგს ბევრი ქეიფების შემდეგ თბილისის ქალებთან დროს გატარება შესძავდა, მისუსტდა, ჯანი წაუვიდა, ამიტომ მცირე ხანს შორს გადასა, ჯანზე მოკეთდა, ხეული გაუმაგრდა, ამ დროს იგი თბილისში უკვე ცნობილი იქნა, როგორც „აფუჭებეგი“, ლალი ახალგაზრდა, ციანტია და თავის მამის ქონების დამლუბავი. ესეთი შეხედულება მასზე უფრო გიმნაზიიდან გასვლის შემდეგ დაიბადა. ალ. ყაზბეგის საქციელი არათ მისწონდათ, მის ყოფა-ქცევას მისი მამის ცხოვრების და სახლკარის დასაღვრათ სთვლიდნენ, ეს აზრები მის ნათესავებში შემდეგ უფრო გავრცელდა და მერე მათგან ხალხშიც გადავიდა და მოიფინა, უკანასკნელ დრომდისაც კი მთიელთ ალ. ყაზბეგზე არ ჰქონდათ კარგი შეხედულება. სწორეთ ასეთივე აზრები ტრიალებდა 1870 და 1879 წლებამდის თბილისის ქართველ საზოგადოებაში და 1878 წ. მეც კი დამძრახეს ერთ დღეს ერევნის მოედანზე ჩემმა ნაცნობებმა ასე:

— კაი მოგვია, კარგ ვისმეს შენ აპყოლიხარ, აპყევი მაგას და რაღაცა წიგნებს შენ გამოსცემ, იმასაც ვნახავთ!

მე მიუხედავად: — თქვე კაი კაცებო, მე რა მაოხრია, რომ ამას შეეაქამო, მე ამას იმიტომ აყევი, რომ წიგნების გამოცემისაგან საქმე მიჭირდება, ხშირად ყდის ქალაქი არა მაქვს, დასახარჯი ფული საიდან მიგობრება, პირიქით; სადილებს იმის ფულით ვსჭამ.

რომ არ ჰქონიყო, შესაძლებელი იქნებოდა, სხვის დასამარხ ტვირთათ გამხდარიყო.

საქართველოში ჩამოსვლის შემდეგი დროის მისი ცხოვრების შესახებ მე დავწერილებით ვერ ვილაპარაკებ, რადგანაც მასში სახარბიელო არაფერია. როცა ალ. ყაზბეგს საფანელი შემოაკლდა და თავისი მამულების შემოსავალი აღარ ჰყოფნიდა, — იგი თავის სოფელში გადასახლდა, იქ მიეცა სოფლურს ცხოვრებასა, წელიწადში სამჯერ-ოთხჯერ ჩამოვიდოდა ხოლმე თბილისში, როცა მამულის ფულებს აიღებდა, ვიდრე ამ ფულებს დახარჯავდა და შემდეგ წავიდოდა შინ. სოფელში ყოფნის დროს იგი დაუახლოვდა უფრო კარგად მთის ხალხს, აქა-იქ სიარული დაიწყო, თვით მიკიტნის დუქნებშიაც კი დადიოდა დროს გასატარებლად, მწყემსებს აქა-იქ [ცხვარშიც] გაჰყვებოდა ხოლმე, რაც ერთობ აკვირვებდა სოფლის ხალხს; სანდრო მწყემსებს დასდევს თანაო, სანდრო ამდა ამ მიკიტნის დუქანში იჯდა და ჩვენ ბიჭებთან ლეინოს სომდაო, სანდრო ასე იქცევოდაო, სანდრო ისე იქცევიაო! სძრახავდნენ და იტყოდნენ: „ჭაი გიდი, ვისი შვილი რაებს მისდევს და რა საქმეებს სჩადისო, განა ასე მოქმედება ეკადრება მისაო“? ასე ატარებდა დროს ალ. ყაზბეგი თავის სოფელში.

ალ. ყაზბეგი პირველად მე ვაგიცან 1874 წ. ამ დროს თბილისში იმყოფებოდა, იქ ცხოვრობდა. ევროპულად ჩინებულათ იცემდა ტანთსაცმელს. ამ წელიწადს თბილისში ქართულ სცენისმოყვარეთაგან წარმოდგენები გაიმართა, წარმოდგინეს „მზის დაბნელება“, მერე სხვა პიესები, ყველა ამ წარმოდგენაში ალ. ყაზბეგი მონაწილეობას იღებდა, მას დიდი ხალისი ჰქონდა თეატრისა და თამაშობისა, მაგრამ თამაშობით კი ვერ თამაშობდა რიგიანათ, ისე ცივად ასრულებდა ხოლმე თავის როლებს სხვადასხვა პიესებში, როგორც „მზის დაბნელებაში“ კვარტალის როლი შეასრულა. 1874 წელსაც იყო ორი სამი წარმოდგენა, ამაშიც მიიღო მონაწილეობა, იგი ხშირად დაიარებოდა მაშინდელს ცნობილ წიგნთსაცავში. 1875 წ. შემდეგ ანუ 1876 წლიდამ მე სანდრო ყაზბეგი აღარ მინახავს თბილისში. მის შესახებ ლაპარაკობდნენ, რომ იგი მთაში ცხოვრობს, მთის ხალხის ცხოვრებას ადევნებს თვალთუყურსა და სხვადასხვა დრამა-კომედიებს სწერსო, ეს ამბები ზოგს მართალი ეგონა და ზოგს ტყუილი, ბევრნი ამბობდნენ, ის არაფერს დასწერსო, მამის ქონება შექვამა, გაფლანგა და ახლა სოფელში ცხოვრობს და იმასაც ჰყიდის და სჭამს, რაც გადარჩაო.

გავიდა რამდენიმე ხანი და 1878 წ. ყაზბეგი კვლავ განჩნდა თბილისში. ამ დროს თბილისში ქართული წიგნის მალაზია არსებობდა, რომელსაც მე განვავებდი. სანდრო ყაზბეგს ქართული წიგნის მალაზიის გახსნის ამბავი შეეტყო. პირდაპირ მოვიდა ჩემთან. მაშინ ქართული წიგნის მალაზია ჯამვეთის ეკლესიის მამულე-ბში იყო, ბაღში. აღუქსანდრე შემოვარდა მალაზიაში და დაიძახა გახარებულმა:

შენი-კი ჭირიმე შენი, ჩემო ზაქრო, როგორა ხარ გენაცვა, ყოჩად ბიჭო, აი საქმე, აი მაგალითი! რა მოხარული ვარ, რომ იცოდე, დღეს მე და შენ სადილი ან ვახშამი ერთად უნდა გჭამოთ.

— ძალიან კარგი ჩემო სანდრო, მიუგე მეცა და დავკოცნეთ ერთმანეთი.

ამ დროს აქ შეესწრნენ ზოგიერთი ქართველნი, იმათ ჩვენს ალერსს კაის თვალთ არ შეხედეს, ეს მე ყველას შევატყე და ისინი ამაში გასამტყუნიც არ

იყენენ, რადგანაც ალ. ყაზბეგს ასე ჰქონდა დამსახურებული სახელი, ამ დღეს ჩვენ ერთად ვისაძიებთ, მეორე დღეს ერთმა ჩემმა მეგობარმა მითხრა:

— კაი შვილიც გაგიცენია ყმაწვილო, რომ აპყოლიხარ და უკან დასდევო!

მესამე—მეოთხე დღეს მე და ალ. ყაზბეგმა საუბარი დავიწყეთ, მე მან გამო მკითხა ქართული წიგნების ბეჭდვის საქმე. წიგნების გავრცელების ამბები და სხვა ცნობები. ამ დროს ჩვენთან მუდამ დღე დაიარებოდნენ დიმიტრი ბაქრაძე-ანტონ ფურცელაძე, რაფიელ ერისთავი, პეტრე უმიკაშვილი, აკაკი, ნიკოლოზ ლოლობერიძე, რომელიც ხშირათ ლამის 11—12 საათამდე რჩებოდა და ქართული წიგნების გამოცემაზე ვცესაუბრებოდა, დარიგებას გვაძლევდა, თუ როგორ უნდა დავეწყო ხალხში წიგნების ბეჭდვა და გავრცელება.

ალ. ყაზბეგს ჩვენი ამბები დიდდ ესიამოვნა. შერე მე გამოვკითხე თავისი ცხოვრების და მოქმედების ცნობები, თუ მან სამს-ოთხს წელიწადში რა აკეთა შინ ყოფნის დროს. მან აღიარა:


— ჩემი შინ ყოფნის დროს, ერთთავით მწყემსებთან დავიარებოდი, ვსწავლობდი მთიელ ხალხის ცხოვრებასა და თან ვსწერდი სხვადასხვა პიესებს, ეხლა შევიტყე რომ თბილისში ქართული წარმოდგენების დასი დაარსებულაო, მეც წამოველი და ყველა ჩემი პიესები წამოვიღე, იმდენია რომ ჩვენს სცენას კარგა ხანს ეყოფა მასალად. ეხლა მოთამაშეები უნდა ვნახო და მათს მოთავეებს უნდა დაუხალოვდეო. ხვალ მე მოგიტან შენ ჩემი პიესების სიას, რომ დარწმუნდეთ.

მეორე დღეს ალ. ყაზბეგმა მოიტანა თავისი პიესების სია, ვადმოძვა და დამავალა, ეგებ „დროება“-ში დაბეჭდო, რომ საზოგადოებამ შეიტყოს, რაც დამიწერიაო. აი მაშინდელი სიაც: „დრამატული თხზულებანი: 1. „დავითის სახლობა“, დრამა 5 მოქმედებად. 2. „ცხოვრების თანამოგზაურნი“, კომედია ოთხს მოქმედებად და ხუთ სურათით. 3. „მამის მკვლელი“, დრამა 5 მოქმედებად მთის ხალხის ცხოვრებიდან. 4. „ჩემმა შვილმა ცოლი შეირთო“, კომედია 3 მოქმედებად. 5. „არსენა“, დრამა ხუთს მოქმედებად. 6. „განა ქალი გავთხოვე“, კომედია 5 მოქმედებად. 7. „განწირული“, კომედია 4 მოქმედებად, 8. „ქალს გავათხოვე და მოვისვენებ“, დრამა 5 მოქმედებად. 9. „ძმა-დის პოვერნია“, კომედია 4 მოქმედებად, 10. „დედა მაქანკალი“, კომედი 5 მოქმედებად. 11. „კეთილის მყოფელი“, კომედია 5 მოქმედებად.

„აი ეს თერთმეტი პიესა სრულებით გათავებულია, მაქვს კიდევ გასასწორებელი ექვსამდე. გთხოვ, თუ შევიდა ეს თხზულებანი სახელმძღვანელო განცხადებაში, მაშინ ჩემი ნამდვილი გვარი მაინც არ მოიხსენიოთ და აკაკია მოჩუბარიძე დამიძახე“.

რამდენიმე ხნის შემდეგ ეს პიესები მან წარუდგინა მაშინდელ ხალხი დასის მმართველებს, მათ განიხილეს პიესები, მაგრამ სასცენოდ არც ერთი არ მოუწონეს და ხელთაწერები უკან დაუბრუნეს, ალ. ყაზბეგს დიდათ ეწყინა, ამბობდა, აქ თუ მტერობა არ არის, ნუ თუ თერთმეტი პიესაში ერთი პიესა მაინც არ აღმოჩნდა ღირებული, ეს მე არა მჯერაო. ეს ამბები მან მთელს თბილისის ქართველებში მოჰფინა. ყველას წინაშე ხმას ავრცელებდა იმ დროის ზოგიერთ ქართველს მწერლებსა და მოღვაწეებზე, რომ იგინი სამართლიანად არ მოქმე-

დებენ, თავიანთ მოვალეობას რიგიანათ არ ასრულებენო, ასეთის მოქმედებით იგინი ხალხს მწერლობას კი არ შეაჩვევენ არამედ ხალისს წაუხდენენ და ბევრს დამწყებ მწერალსაც დაატოვებინებენ კალამსაო. ასეთი საყვედურების თქმამ და აშკარად ლაპარაკმა ბევრი ბჭობა და კამათი გამოიწვია, ჩვენს სამშვიგნობროში.



სოფ. ყაზბეგის საეროთი სკოლა

ვინც კი შეიკრიბებოდა, ყველა ამაზე ლაპარაკობდა. ნამეტურ, როცა ალ. ყაზბეგიც იქ იყო ხოლმე. ცოტა არ იყოს ალ. ყაზბეგის მტრობა ამ ხანებში უფრო წინ წავიდა, რას იხამდა, დაემორჩილა ბედსა და გარემოებას, მაგრამ დიდს ჯავრს და დარდებს კი მიეცა, მისი დარდები უსაზღვრო იყო, რადგანაც კაცი მთელი თავისი შრომით, განათლებით, აზრებით და მწერლობით უსარგებლოდ

აღიარეს, გამოუსადეგრად ქართველი ერისა. ალ. ყაზბეგს ერის სამსახურის უღელში შებმა უნდოდა, აქ კი იგი უნიჭოდ აღიარეს, უსარგებლოდ ქართველთათვის.

ამ დროს ალ. ყაზბეგი სასტუმრო „პეტერბურგში“ იდგა, იქ ორი კვირითა ხი ეკირა, თვეში 10 მ. ქირას აძლევდა, მე მუდამ დილით მასთან დაედიოდი ჩაიზე, ჩაის შემდეგ ხან ერთად წამოვიდოდით ჩვენს სამწიგნობროსკენ და ხან ცალ-ცალკე. ჩვენი სამწიგნობრო იყო მისი გაზეთის სამკითხველო, სალაყოც და დროს გასატარებელიც. სხვაგან სად წავიდოდა, მაშინ, უმზერდნენ, როგორც წამხდარს, ფანტია და ოჯახის დამლუბავ ახალგაზდას. არაფერში გამოსადეგარს. მისი სადგომი ოთახები ავეჯით იყო საყვ. ერთ ოთახში ეძინა, მეორე ოთახში სკამდა და სვამდა. დილით 8 საათზე დგებოდა, ღამე 12 საათამდის სწერდა, ამის შემდეგ დაწევბოდა და სანთელზე ლოგინში წიგნს კითხულობდა, უმეტესად ეტანებოდა რუსის მწერლებს, დილით ჩაის სვამდა 9 საათზე, ჩაის სტოლზე განუწყვეტლივ ელაგა აპელსინები, ლეღვი, ჩაი, შაქარი, კარაქი, „პეროჟენები“ და ძვირფასი კანფეტები. კანფეტები ძალიან უყვარდა, ჩაის ისე ვერ დალევდა, ყოველ დღე სულ ახალ-ახალ კანფეტებს და „პეროჟენებს“ ყიდულობდა, ლეღვს, აპელსინს, ლიმონს და სხვა ხილს. მისი ნომრის კარის წინ ოთხი-ხუთი კინტო მოვიდოდა თაბახით. თაბახებს დააწყობდნენ კარებთან და მანამ „კნიაზი“ არ გაიღვიძებდა, არ წავიდოდნენ. როცა კინტოები თაბახებით უცდიდნენ, ზოგს ნისიას მისცემდა, ზოგისგან აპელსინს იყიდა, ზოგისგან სხვა ხილს არც ერთ კინტოს არ დასტოვებდა ისე, რომ მისგან არაფერი ეყიდნა. მე მახსოვს, გაზაფხულს პირზე, ერთს კინტოს „ფეჩის“ კიტრები მუდამ დღე მოჰქონდა ალ. ყაზბეგთან, ესეც ყიდულობდა წყვილს მანეთათ და სტოლზე აწყობდა, ხშირად კიტრებს არც კი სვამდა, კიტრები ქენებოდა უბრალოდ. ერთხელ საყვედური მივეცი, მან მითხრა:

— მაშ, საწყალმა კინტოებმა ზამთარში როგორ უნდა იცხოვრონ? მაქვს და ამიტომ ვყიდულობ, როცა არ მექნება, მაშინ რა შავქვას მივცემო.

ერთხელ ლაპარაკი დავიწყეთ მისი ნაწერების შესახებ და დავადგინეთ: იგი უნდა დაახლოვებოდა ქართულ მოთამაშეებს და მათის მეოხებით შეედგა ფეხი თეატრში. მართლაც, მალე დაუახლოვდა მოთამაშეებს, დაუწყო ქალ-კაციანად წვეულება, აქა-იქ ტარება, ქეიფები ნამეტურ დიდუბის ბაღებში, ალექსანდროვის ბაღის სასტუმროში, სხვა და სხვა საკანდიტუროებში. ბევრის პატრონისცემის შემდეგ, როგორც იქნა მოახერხა რომ საფაროვის ქალმა მისი პიესა ამოირჩია საბენეფისოდ, კომიტეტი მკაცრი წინააღმდეგი გახდა, არ შეიძლება მისი წარმოდგენაო. ქალი არ დაყაბულდა ამ შენიშვნაზე და გადაწყდა ალ. ყაზბეგის პიესის დადგაც. მალე მზადებას შეუდგნენ და კიდევაც ითამაშეს. პიესამ კარგად ჩაიარა, ყველა ამბობდა, რომ ამ პიესაში თვითონ ალ. ყაზბეგი და მისი დედამა არის გამოყვანილიო. რაც აქ საქმეებია აწერილი, სულ მაგის მოხდენილიაო, შუა მოქმედებაზე, როცა მკერავ ქალს ატყუილებენ და ნამუსს ხდიან, საზოგადოებიდან ბევრნი ვერ დადგენ საყურებლათ, ქალის საცოდავობას ვერ უმზირეს და თეატრიდან კარში გავიდნენ. პიესის წარმოდგენა, ბევრს მოეწონა, კომიტეტს კი ძლიერ ეწყინა, რომ ყაზბეგის პიესა დადგეს სცენაზე,

წყენის საფუძვლად იმასაც აღიარებდნენ, რომ საზოგადოების უმეტესმა ნაწილმა პიესას მთლად ვერ უყურა და შუა წარმოდგენიდან თავი დაანებეს და შინ წაეიდნენო. ასე იყო თუ ისე იყო, საზოგადოებამ დამწერსაც სცა პატივი და ბოლოს ორჯერ გამოუძახეს ტაშის ცემით.

პიესის წარმოსადგენად ყაზბეგმა 100 მანეთზე მეტი დახარჯა. ასე იყო მაშინ საქმე დაყენებული, ზოგ მწერლებს ფულს აძლევდნენ, რამე ქართული პიესა დაეწერათ ან ეთარგმნათ, აქ პირობით, ალ, ყაზბეგს ეხარჯებოდა ფული თავის პიესების დასადგმელად.

ამ პიესის წარმოდგენის შემდეგ ალ. ყაზბეგმა სამუდამოდ ფეხი ამოიკვეთა ქართული თეატრის კომიტეტთან, იქ, არამც თუ მისი პიესების დადგმას, არამედ მონაწილეობასაც კი მეტად სთვლიდნენ, უკანასკნელი პიესის მეოხებით დარწმუნდნენ, რომ მისი ნაწერები მართლაც უვარგისი იყო. ალ. ყაზბეგსაც პირში აგონებდნენ, უჩიკო მწერალი ხარ, შენი პიესები არ ვარგა, მაგალითი შენმა პიესამვე დაამტკიცაო. ჩვენ მაშინ ხშირად ვკრიტიკებოდით ერთად და საუბარი გვქონდა ხოლმე სხვადასხვა მწერლების ნაწერებზე. სხვათა შორის, ერთხელ ალ. ყაზბეგს უჩიკით, რომ სამი თვისი პიესა მოთხრობებით დაეწერა, ნამეტურ მთიელთ ცხოვრებიდამ, უთხარით, რაკი შენი პიესები სასცენოდ აქამდის არ გამოდგა და უქმათ დარჩა. შრომას ნუ დაჰკარავ, ახლა მოთხრობებად გადააკეთე, იმედია რომ მოთხრობებით გამოდგება, რადგანაც ჩვენგან მცირეთ ცნობილს მთიელთა ცხოვრებას ენება. ყაზბეგი დასთანხმდა და დაიწყო „მამის მკვლელის“ მოთხრობათ გადაკეთება, ამ დროს ის სწერდა მოხვედრების ცხოვრების მოკლე აღწერას. იმ დღეებში შეხედა სერგეი მესხს და სთხოვა მოხვედრების შესახებ წერილს ეწერ და ეგება ვაზეთში დამიბეჭდოვო. სერ. მესხმა მიუგო:

— დიდის სიამოვნებით. ეთნოგრაფიულ წერილს სიხარულით დავბეჭდე! მომიტანეთ, მაღლობელი ვიქნები.

ალ. ყაზბეგს ძლიერ ვაეხარდა, სიხარულმა აიტაცა და სერგეი მესხს სადილად სთხოვა. სერგეი მესხს ამ დროს დიდი ვაჭირებდა ადგა, გაზეთის ამწყობისა და ქალაქისაგან მოსვენება არ ჰქონდა. ალ. ყაზბეგს ხუთს თუმანს დაესესხა, მან უთქველად მიარჯო ფული, სადილის გათავების შემდეგ სერგეი სიხარულით წავიდა შინისაკენ, ყაზბეგსაც ესიამოვნა „დროების“ რედაქტორთან დაახლოვება. რამდენიმე დღის შემდეგ ყაზბეგმა მესხს მიუტანა თავისი წერილები „ჩვენ და ჩვენი მოხვედრები“. რედაქტორმა აღარც კი წაიკითხა და საქართო სტამბაში გადასცა ასაწყობად. მაღე „დროება“-ში ფელეტონების ბეჭდვა დაიწყეს. ალ. ყაზბეგს ძლიერ ესიამოვნა თავის ნაწერების ბეჭდვა. მით უფრო, მრავალთაგან იგი იქმნა აღიარებული. ბირველი მაგალითი იყო, რომ მას თავის ნაწერებიდამ რამე დაბეჭდილი ენახოს, მის სიხარულს საზღვარი არ ჰქონდა და სერგეი მესხსაც დიდად პატივისცემა დაუწყო.

ალ. ყაზბეგის წერილები „ჩვენ და ჩვენი მოხვედრები“ ქართველ საზოგადოების უმეტეს ნაწილს მოეწონა. ეს ხმები ს. მესხმაც შეიტყო, ამიტომ მან დაიიწყა ყაზბეგის წარსული. მოხვია ხელი და უთხრა:

— აბა საჩდრო, შენ იცი, თუ როგორც მოიქცევი, შენი ნაწერები ქართველ საზოგადოებას მოსწონს, კარგა იქმ, თუ შენს შრომას განაგრძობ და არ დას-

ტოვებ. ეხლა შენს მეცადინეობაზეა დამოკიდებული, შენ თუ ეცდები, შემდეგში მწვერლობის ასპარეზზე დიდს სახელს და ნიქს მოიპოვებ. ეცადე, რომ შენი პიესებიც მოთხრობებად გადააკეთო.

— დიდის სიამოვნებით, დიდის სიხარულით ჩემო სერგეი, ვიღებ კალამს ხელში და ვიწყებ წერას შენი იმედით, რომ ჩემს შრომას შენს ვაზეთის ფურცლებზე დასაბეჭდად ადგილი დაეთმობა. ამის სრული იმედი მაქვს. მეც ეს შენაირება.

სერგეი მესხისაგან დაიმედებულმა ყაზბეგმა კალამს მოჰკიდა ხელი, დაიწყო წერა. აქ კი წელში გაიმართა, სრულიად შეიცვალა, სიხარულს მიეცა. მალე მან დაიწყო „ელგუჯას“ წერა, რამდენიმე ფურცელი დაწერა და სერგეი მესხთან მიიტანა; მან გამოართვა ხელნაწერები და მაშინვე სტამბაში გაგზავნა. „დროებაში“ დაიწყო „ელგუჯას“ ფელეტონებად ბეჭდვა. რამდენიმე ფელეტონის დაბეჭდვის შემდეგ ხალხისაგან ქება მოისმა, ეს ქება ალ. ყაზბეგმაც შეიტყო. დაიწყო ლაპარაკი. ქართველებს ახალი მოთხრობის მწვერალი გამოუვიდათ. გრიგოლ ორბელიანს წაეკითხა „ელგუჯა“ და დიდად მოსწონებოდა, ზედ ქება დაეწერა, „შაბაშ, მის დამწერსაო“. ალ. ყაზბეგს სამწერლო ფრთები შეეხსნა. მისი წინანდელი მეგობრები კი მაინც არ რწმუნდებოდნენ მის ნაწერთა ნიჭიერებაზე, არც კი კითხულობდნენ. გრ. ორბელიანის ქება რომ შეიტყეს, ამაზე გაკვირდნენ, ამბობდნენ:

— დაიკარგოს ყაზბეგიც და მისი ნაწერებიც, თვით რა შეილი ბრძანდება, მაგის ნაწერები რა უნდა იყოს, მესხს „დროებისთვის“ მასალა არა აქვს და ბეჭდავს მის ნაწერებს, გაზეთის გასავსებათო.

ასე მიდიოდა ალ. ყაზბეგის საქმე და ამასობაში „ელგუჯას“ ბეჭდვაც გაათავდა „დროება“-ში. ალ. ყაზბეგის ნაწერებს ისევე მდაბიო ხალხში უფრო სცემდნენ პატივს და კითხულობდნებ, აქა-იქ ხელოსნებში, მღელქნეებში, მოსამსახურე ხალხში და განათლებულ საზოგადოების ისეთ ნაწილში, სადაც „ელგუჯას“ დამწერის ვინაობის ცნობა არ ჰქონდათ. რამდენიმე ხნის შემდეგ ალ. ყაზბეგმა თავისი „მამის მკვლელი“ მოთხრობად გადააკეთა და მალე „დროებაში“ ფელეტონებად ბეჭდვა დაიწყო, ბეჭდვამ დიდ ხანს ვაცტახა. „დროებას“ ქუთაისიდან და იმერეთის ზოგი სხვა ქალაქებიდან წერილები მოსდიოდა და სთხოვდნენ: გთხოვთ დავგანებოთ თავი. მოგვიშორეთ ვიღაცა მოჩხუბარიძე და გავგათავისუფლეთ მისი დაუსრულებელის „მამის მკვლელის“-განო. რედაქციამ ასეთ წერილებს შესახებ ვაზეთში გამოაცხადა, რომ ზოგიერთს ქალაქებშიც ასეთი საყვედურები მოგვდის ალ. ყაზბეგის ნაწერების გამოვო. ყაზბეგმა წარბიც არ შეიხარა.

ამ დროებაში—ყაზბეგი დაუცხრომლად მოღვაწეობდა თავის ნაწერებზე, მალე დიდძალი ნაწერები შეუგროვდა, ყველა ეს გადასაწერად ჰქონდა; მუ მას უშოვნე გადამწერად ერთი გურული ყმაწვილი კაცი, გვარად სურგულაძე; ზამთარი იყო, გადამწერი დადიოდა მასთან და წერდა, სხვა საქმეებშიც ეხმარებოდა. ერთ დღეს, ალ. ყაზბეგს თხუთმეტი თუმანი ფული და წერილი ჩადო კონვერტში და ნატარიუს დავით ყიფიანთან გაეტანებინა, ფულის წამოღებად. ყიფიანს ცარიელი წერილი მოუტანა და ფული თვითონ აიღო, თუ დაკარ-

გა, უწყის ღმერთმან. ამაზე დიდი დავიდარაბა მოხდა, გადამწერი პოლიციასი წააყვანანა მაგრამ არ გამოუტყდა. მე არაფერი ამომილია, რაც გამატანა ნატარიუსთან, ის მიუტანეო. ყაზბეგი ვერას გახდა და 150 მ. ციციცივად დაეკარგა. ეს დრო იყო აღდგომის წინა კვირეებში და ხსენებული ფული მეორედ გადაიხადა, რამაც ერთობ დაადარდიანა, ამბომდა სააღდგომოთ გროში აღარ დამრჩაო.

აღ. ყაზბეგი მარტო მწერლობით მოღვაწეობას არ დასჯერდა, მას სურდა თბილისში ქართული სტამბის დაარსება და ქართული წიგნების ბეჭდვა. ამაზედ მე მელაპარაკებოდა. მაშინ გვაცანი ერთი ქართველი მესტამე არსენ კალანდაძე, რომელმაც 1873 წ. პირველად გახსნა ქართული წიგნის მაღაზია თბილისში და წერილი წიგნების ბეჭდვაც დაიწყო. კალანდაძეს და მის ამხანაგს შეუჟავშირდა აღ. ყაზბეგი; ნახევარი ხარჯ-შემოსავლისა აღ. ყაზბეგის უნდა ყოფილიყო და ნახევარი ამ ორის, შრომაც ამათი უნდა ყოფილიყო. ყაზბეგმა შეიძინა 300 მ. ასოები, ეს ასოები მიანდო ერთ ამხანაგთაგანს, ვიდრე სტამბის ნებართვას აიღებდნენ და მბეჭდავ მაშინასაც გამოიწერდნენ. მთავრობისგან ნებართვა აიღეს, მაგრამ სტამბის გახსნა კი ვერ მოხერხდა, რადგანაც აღ. ყაზბეგმა ხვედრი საჭირო ფული ვერ იშოვნა, საიდანაც ელოდა, იქილამ ვერ მიიღო, ამდროს ყაზბეგი სოფლად წავიდა, სმა მოჰუინეს, რომ ყაზბეგი სხვა და სხვა თხზულებებს სწერს და შალე ჩამოვარა. ამიტომ სტამბის ამხანაგები მასთან წავიდნენ ყაზბეგში, მაგრამ ვერას გახდნენ, რადგან ყაზბეგს არაფერი აღმოაჩნდა, მან ხელი აიღო იმ 300 მ. ასოებზე, რომელიც წინეთ შეიძინა. იგი მის ამხანაგებს დარჩათ, პირობის ძალით. ვინც გადადგებოდა იმას ჯარიმა ეწერა.


რამდენიმე ხნის შემდეგ აღ. ყაზბეგი თბილისში ჩამოვიდა და მოთავსდა „დროების“ რედაქციაში, სერგეი მესხთან. აქ იცხოვრა რამდენსამე ხანსა და ქართული მწერლობის უღელშიც შეება, გაზეთისთვის დაიწყო ყოველნაიო ამბების და უფრო კი მოთხრობების წერა „დროებში“ ფელეტონებად, მალე თეატრშიც შედგა ფები და დაიწყო სცენაზე გამოსვლა და ხანჯლებით თამაში. ამ დროს მან ზოგიერთი თავისი ძველი პიესები სასცენოდ გადააკეთა და ზოგმა ახლად დასწერა, მაგ. „ქეთევან დედოფალი“. სცენაზე აღ. ყაზბეგ-იც მიჩნდა და მაინც უერთფერი წნო გამოაჩინა, იგი ითვლებოდა მდარე აქტიორად, ზოგს პიესებში შეხიროდ თამაშობდა, მაგრამ თამაშობდა მიტომ, რომ იქილამ ფულის აღებას ელოდა, თითქმის ცხოვრებასაც, სხვა ძალა აღარაფერი გააჩნდა და რასაც მამულებილამ შემოსავალს იღებდა, ის კამფეტების, მწვანე კიტრების და ძვირფას „პეროვნების“ საყიდავათაც არ ჰყოფნიდა. საქმე ისე მოეწყო, რომ ერთ დროს ეს დიდი სიამოვნების შვილი უკიდურეს მდგომარეობაში ჩავარდა, კინალამ ახლად მოპოვებულს პატივისცემასაც გამოეთხოვა. აღ. ყაზბეგი ჩავარდა ვალში. ამის ცხოვრების სახსრად ერთათ ერთი თეატრი გახდა, მწერლობილამ ის არას ელოდა; მაშინ ქართულ დროგამოშვებით გამოცემებს იმდენი ხელის მომწერი არ ჰყავდათ, რომ თანამშრომლებისათვის ფული ეძლიათ. ს. მესხს რა ქონდა და იმას სხვისთვის რა უნდა მიეცა. აღ. ყაზბეგი მიეცა ვაი ვავლახითა და წვალბით ცხოვრებას, იგი თავის ნაკლოვა-

ნებას არავის უმაღავდა, თუ რამე ქონდა ყიდდა და მით ცხოვრობდა, ფულს თუ იზოგნიდა იმას მაშინვე გაათავებდა, ასი თუმანი რომ ჰქონიყო ამ კვირას, ერთი მანეთი აღარ ექნებოდა. საჭმე ისე მოეწყო, რომ მალე მან ევროპული ტანსაცმელი გაიხადა და ჩვენებური ტანსაცმელი ჩაიცვა, ჩოხა-ახალუხი, ნაბადი და ჩუსტები, ვითომ პატრიოტობით, მაგრამ უფრო კი მიტომ, რომ ევროპულის ტანსაცმლის ძალი აღარ ჰქონდა და ქართულით—ერთი ჩოხა-ნაბადითაც როლად წავიდოდა.

ამ დროს 1877—1883 წ. წ. მოთამაშებმა ისურვეს საქართველოს სხვადასხვა კუთხეებში მოგზაურობა და წარმოდგენების მართვა, ესენი არ შესცდნენ; ამით აქა იქ წარმოდგენები გამართეს და კაი ფულებიც აიღეს. საზოგადოებისგან უზომო პატივისცემა, საჩუქრები, წვეულება, ფული და სხვანი, მაგრამ მათ მოშვებულს ცხოვრებას ვერაფერი შევლოდა. ზოგიერთ ალავას ანაღები ფული საფლანგავათაც აღარ ჰყოფნიდათ. ბათუმიდან დაბრუნების დროს ალ. ყაზბეგმა ველარ შესძლო თბილისისკენ წამოსვლა, რადგან აღარაფერი გააჩნდა, იქ დაიწყო ქართული წარმოდგენების გამართვა, რასაც დიდძალი ხალხი დაესწრო, რამდენიმე ხნის შემდეგ ივ. მაჩაბლის „დროება“-ში ამბავი დაიბეჭდა, რომ ალ. ყაზბეგმა საზოგადო საქმის სასარგებლოდ ბათუმში წარმოდგენა გამართა და ფული თითონ შექაშაო, ამის გამო ალ. ყაზბეგმა „დროებაში“ თავი იმართლა, მაგრამ ამოთ, რედაქტორმა ამის წერილების ყოველ სტრიქონის სიტყვებს ფრჩხილებში ჩასმული გაკვირვებითი ნიშნები დაუსვა და აუწყა მკითხველს, რომ ალ. ყაზბეგი ტყუილად მართლულობს თავსაო, მისი გამართლება ქეშპარიტებას მოკლებულიაო, გარდა ამისა კაცს ერთი წერილი ვერ დაუწერია, რომ შიგ ასი შეცდომა არ დაუშოსო და ამისთანა კაცი კიდევ ლაპარაკობსო. ამ ამბავმა ბევრს ქართველს აწყენინა, რომელნიც ალ. ყაზბეგის ნაწერებს სიამოვნებით კითხულობდნენ. ა. ყაზბეგმა პასუხი გაზეთ „შრომაში“ მისცა, იქ იმართლა თავი, „დროების“ საქციელი არ მოეწონა, ასეთივე შემთხვევა დაემართა ალ. ყაზბეგს ფოთში წარმოდგენის და კონცერტის გამართვის გამო.

ამსობაში მისმა ნაწერებმა საზოგადოებაში გზა გაიკვლიეს, „ელგუჯა“ ცნობილ საკითხავ წიგნად შეიქნა; მალე გამოიცა კიდევ, მაგრამ არა ისე, როგორც ცენზორს დაერთო ნება, არამედ რამდენიმე ფელეტონები ყაზბეგს ჩაერთო შიგ, ჩაემატებინა. ეს ფელეტონები წინეთაღ შილიო ყოფილიყო ცენზორისაგან. ამიტომ მთელი გამოცემა დააკავეს და რამდენიმე ხნის შემდეგ ყველა ეს წიგნები დასწვეს. ყველა ამ საქმის ბრალდება ედება ბორცის ლუკა ისარლოვს, მაშინდელ ქართული ენის ცენზორს, მამუზლარს. ალ. ყაზბეგი მალე სახელოვანი მწერალი გახდა. მის მოთხოვნებს ჟურნალ „ივერია“-შიაც დაუწყეს ბეჭდვა. სხვათა შორის „ივერიაში“ დაბეჭდილმა მოთხოვნამ „მოძღვარმა“ დიდი გავლენა იქონია საზოგადოებაზე, ამ მოთხოვნის დაწერის საგანი მას ერთმა ქართველმა პატრმა მისცა, თვით ჩემს თვალწინ. ამ პატრმა ილაპარაკა პოლშის ერის ისტორიაზე და, სხვათა შორის, ერთ მღვდელზე, რომლის მსგავსი სურათები პრიშვესკისაც აქვს აწერილიო, ამას დაუგდო ალ. ყაზბეგმა ყური და აქედამ ჩაენერგა საგანი „მოძღვრის“ დაწერისა, ეს თვით ალ. ყაზბეგმა აღიარა აშკარად.

ალ. ყაზბეგი ყოველ ქართულ გამოცემის საქმე დიდის სიამოვნებით ეგებებოდა, ყველაფერს თვალ-ყურს ადევნებდა, და დიდას სურდა ქართველი ერის წარმატება და განვითარების გზაზე გამოსვლა. თვითონ იყო შეტად გულკეთილი კაცი, ისეთი საცოდავი ოამ იყო, რომ ქასაც კი ვერ დაადგამდა ფეხს, ყველა ებრალებოდა, საწყლის სიბრაღული ჰქონდა. როცა კი ჰქონდა მას რამე და მაშინ რომ მასთან მათხოვარი მისულიყო და ეთხოვნა რამე, ის არაფერს დაიშურებდა, მისცემდა რაც შეეძლო. ყველა ეცოდებოდა და ღარიბს ხალხს საკმარისად აქცევდა ყურადღებას, ეს მის მოთხოვნიდანაც ჩანს. პატარა მოთხოვრობა „ფათი“ ხომ ცხადათ მოწმობს ამას. მოთხოვრობა „ფათი“ ნამდვილი ამბავია, სინამდვილიდამ არის გადაწერილ-გადახატული. მას რომ დიდხანს ეცოდებოდა მე დარწმუნებული ვარ, რომ იგი ღარიბთა ცხოვრების შესახებ ბევრს ასმე დასწერდა.



ს. ყაზბეგი, ყაზბეგიანთ სასახლე, რომელშიც ამჟამად მოთავსებულია ალ. ყაზბეგის სახელობის მუზეუმი

ალ. ყაზბეგი ხირობული თვისების კაცი იყო, რასაც იტყოდა იმას აასრულებდა კიდევაც. მან სთქვა: მეღეკსეობას დიდი რამ ცოდნა და ნიჭი არ უნდაო, მე დავიწყებ ლექსების წერას და ჩვენს მწერლებს დაუმტკიცებ იმას, რომ ეს ყოველივე მართალია და მეც მართალს ვიძახიო. მან დაიწყო პატარ-პატარა ლექსების წერა და მალე დიდრონი ლექსებიც მიაყოლა. უნდა ითქვას, რომ მან ისეთი ლექსების წერა დაიწყო, რაც ქართველ საზოგადოებას.

20. ლიტერატურის მატრიანე № 3-4.

დოებას ერთობ მოსწონდა. მალე მისი ლექსთა კრების წიგნიც დაიბეჭდა წარწერით „მოხევის ლექსები“. ამ დაბეჭდილს წვრილ ლექსებს გარდა რამდენიმე დიდი ლექსიც დაიბეჭდა და ერთი მათ შორის ლექსი „გუთნის დედა“, გაზეთ „იერიაში“ დაიბეჭდა, რომლის მშვენიერებაშიც მიიზიდა მრავალთა გული.

განსვენებული ალექსანდრე ყაზბეგი არ იყო დიდი განათლების პატრონი. მას ევროპის სხვადასხვა სამეცნიერო და საფილოსოფოსო საგნების ბევრი არაფერი ესმოდა, იგი გატაცებული იყო მართო რომანტიულის სკოლით და როგორც მწერალი თავის ნაწერებშია ცხვენილია რომანტიკად აღმოჩნდა. მან იცოდა კარგად ფრანგული ენა და იცნობდა საფრანგეთის ზოგიერთ მწერლებს ნაწერებს და ნამეტურ ვიქტორ ჰიუგოს პოეზიას, რის გავლენაც არ შეიძლება რომ მასზე არ აღვიაროთ. რუსულს მწერლობაში განსვენებულს უფრო უყვარდა ახალი დროის მწერალთა ნაწერები და ლექსებში ნეკრასოვის ლექსები. იცნობდა საქმარისად რუსულს ჟურნალ-გაზეთობას, მათს მსგელოებას და მიმართულებას ჯეროვნად ავლებდა თვალყურს.

ქართული მწერლობით გატაცებული ალექსანდრე ყაზბეგი მეტად ცუდს მღგომარეობაში ვარდებოდა, რაც რამ ჭკონდა, ხელიდამ წაუვიდა და დარჩა ცარიელი. ამ ხანებში იგი მეტად გაზარმაცდა, ხშირათ პირსაც კი აღარ იბანდა და ხელები და ფრჩხილები ყოველთვის ქუჭკით სავსე ჭკონდა, დაუჭრელი; საცვლებ-გაურეცხელი და ყოველთვის უსუფთაობაში მყოფი, იმ ხანად იგი უკვე მიჩვეული იყო იმას, რამაც ბოლო მოუღო.

ერთხელ, ყაზბეგთან სიტყვა ჩამოვარდა ცოლის შერთვაზე, მან სთქვა: — მთელს ჩემს სიცოცხლეში მხოლოდ მაგას ველოდი, მაგას ენატრულობდი, ეგ მიმაჩნდა ჩემის ჯანის და მომავალი ცხოვრების ბედნიერებად და აქი მისგან ცარიელი არ დაერჩი, რა ვუყო ჩემს ბედს, ჩემს თავს და ჩემს მომავალს ცხოვრებას! რომ იცოდე ზაქარია, თუ რანაირად მიწოდდა ცოლის შერთვა, თუ რანაირად მიყვარს ყმაწვილები და როგორ მსურდა, რომ მე ჩემი საკუთარი შვილები მყოლოდა, მაგრამ ჩემდა საუბედუროდ, ამ ბედნიერებას მოაკლდი. ეხლა ბევრს ედარდობ, ბევრს ენანობ, მაგრამ რაღა დროს? ვსწყველი მხოლოდ იმ პირებს, ვინც ჩემს ასე დარჩენას ხელს უწყობდნენ. ღმერთმა ჭკითხოს იმათ, ისინი იყვნენ ჩემი პასუხისმგებელნი. უკანასკნელად, 1889 წ. ცხოვრების ოცნებისაგან გატაცებული ალექსანდრე ყაზბეგი სხეულისაგან დიდს უძღურებაში ჩავარდა, მას დაეკარგა გონება და მალე ჭკუაზედაც შესცდა. უცნობს და მცნობს, ვისაც კი წაეკითხათ მისი მოთხრობები, ენანებოდათ ასე საბრალოდ დაღუპევა ალ. ყაზბეგისა. ქართველმა საზოგადოებამ თავს იღვა მისი დახმარება, გამართეს ხელის მოწერა, შეაგროვეს ფული და დაუწყეს გამოზოგვით ძღვევა. მალე ყაზბეგი საგიყვში მოათავსეს, იქ იგი ჩააბარეს რიგიან მომვლელებს და ვიდრე გარდაიცვლებოდა, მინამდის ქართველ საზოგადოებისგან თვეში 25 მანეთი ეძლეოდა. ხან მეტიც. საგიყეში ყოფნის დროს თვალთ სინათლე დააკლდა და ველარაგის სცნობდა.

ალ. ყაზბეგი მოცნობით თავის ნაწერების ტომებად გამოცემას და როცა ნახა თავისი ნაწერები, ძლიერ გაეხარდა, გულში მიიკრა. საგიყეში დარჩა თითქმის ოთხი წელიწადი. ამ ხნის განმავლობაში მასთან ბევრი მისი მცნობი და

უცნობი ქართველი მეგობრები დადიოდნენ და პატივს სცემდნენ. უნდა ითქვას, რომ ქართველობამ ამ მწერლის წინაშე საკმარისი კაცთმოყვარეობა გამოიჩინა, ყოველს კუთხიდან ყოველი ქართველი თავის შეძლებისდაგვარად ალ. ყაზბეგს დახმარებას უზღავნიდა. ალ. ყაზბეგი საგიქეში გარდაიცვალა 1893 წ. დეკემბერს.

იგი დაასაფლავეს დიდის დიდებით, გვირგვინებით, უხვი, კარგი და ლამაზი სიტყვების და ლექსების წარმოთქმით, მისი გვამი მთელმა თბილისის ქართველობამ ვერამდის მიაცილა. იქ გამოეთხოვნენ სამუდამოდ, გამოთხოვების შემდეგ გვამი გვირგვინებით შემკულ ბალდახინით სოფ. ყაზბეგისაკენ წაასვენეს, ახადაც დაასაფლავეს. დღეს მის საფლავს მშვენიერი ძეგლი ამკობს.

1895 წ.

შიო არაგვისპირელის ავტობიოგრაფიული ნაწყობი

დუშეთის მახრაში, ანანურის ახლოს ს. ქარისხევი, თავის მთიანი ადგილებით, არის ჩემი სამშობლო. მამა ჩემი იყო მაშინ მღვდლად. ღარიბი მღვდელი, რომელიც ერთი მრევლიდან მეორეში ემწესება, რასაკვირველია, განსაკუთრებით შვილებს ვერ აღზრდის. მე მეექვსე შვილი ვიყავი. მამასადამე, ჩემზე უფროსები და მეც ისე ვიზრდებოდით, როგორც იმის მრევლის შვილები და იმათთან ერთად. ექვს წლამდის დავჩი ამ სოფელში და მახსოვს ბევრი რამ. უპირველეს ყოვლისა პაპა-მამხარე. ეს ბრგე ადამიანი, სულ გათეთრებული, უცოლშიყო, მარტოდ-მარტო თავის საფუტკრეში ეხლაც თვალწინ წარმომიდგება ხოლმე. მერე რა ტკბილად მიამბობდა ხოლმე სხვადასხვა ამბებს!.. იმის საფუტკრის თაფლის უტკბესად... მახსოვს პატარა ჩვენი ბიჭი აბელა, რომელმაც შიში ჩამინერგა. ამ დროს ჩემი მსოფლმხედველობა ძალიან მარტივი იყო... ხეს, ქვას, ბალახს, პირუტყვს, თუ მეტყველს ერთის თვალსაზრისით ვუცქერდი. იმათ, როგორც მე, ტანჯვაც შეეძლოთ და სიმზიარულეც...

მამა ს. წილკანში გაამწესეს მღვდლად და ჩვენც თან წავიყვანა. აქ თმცა საკუთარი ორი ოთახი გვექონდა, მაგრამ მამამ ველარ მოასწრო რისამე შიმატება... ჩქარა გარდაიცვალა და დასტოვა რვა შვილი. უმცროსი ძმძუთა იყო.

მამამ სიცოცხლეშივე მე და ჩემზე უფროსი შვილი დუშეთში აგვიყვანა სასწავლებელში და თავის დისწულის, ხაზინის ბუღალტრის, სახლში მოგვათავსა. საშინელის სიმკაცრით გვეტყეოდა მამიდაშვილი და თან მშვიერ-მწყურვალს გვამყოფებდა. მამა ჩქარა გარდაიცვალა და ჩვენც სხვა ვერა ვარჩიეთ რა, რომ ერთ ვაზაფხულის დღეს გამოვიპარენით. უგზო-უკვლოდ ვიარეთ და საღამოთი-ღა მივედით სახლში... დედას ვაუხარდა... ვაუხარდით ჩვენ და-ძმებსაც... იმავე წლის შემოდგომას დედამ თბილისის სასულიერო სასწავლებელში მიგვაბარა.

ვტიროდი, როცა დედას ვშორდებოდი, მეგონა, თბილისშიაც ისეთივე სისამაგლე მომელოდა, როგორც დუშეთში... დუშეთში რუსული ანბანით დაგვაწყებინეს და იმისი ვერა გავიგერა... თბილისში ისეთი მასწავლებელი მხვდა, რომელმაც მშობლიურად შემაყვარა სწავლა. ეს მასწავლებელი გახლდათ ვ. ბარნოვი, შემდეგში—მოსე ჯანაშვილი. ამის შემდეგ მე სწავლაში აღარ წამიშორძიქნია...

მამას ძალიან ვუყვარდი... ძალიან ღვთისმოყვარე იყო, და მეც ვადამედო ეს თვისება... საშინელი ღვთისმოყვარე ვიყავი, ვოცნებობდი ღვდლობას...

როცა კი უსამართლობას რამეს ჩაიდენდნენ ჩემ წინააღმდეგ ამხანაგები ან მასწავლებლები, მაშინვე საღმე განმარტოვებით თვალცრემლიანი ღმერთს ვევედრებოდი...

წაფხულობით ყოველთვის სოფელში მივდიოდიოთ სიხარულით. წილკნიდან ურმებით გლეხებს გასასყიდათ მუღამ დაჰქონდათ რამე და ჩვენც ამ ურმებს მივსდევდით. დედამ ამავე სასწავლებელში მესამე ჩემი მომდევნო ძმაც მოიყვანა. რაკი ორნი ვიყავით. პანსიონში, ეს აღარ მიიღეს შიგ; ამის გამო ნათესავთან დააყენა და გარედგან დადიოდა.

ჯერ მამის სიციცხლეში გაჰირებებს განვიცდიდით და, აბა, იმის შემდეგ რა იქნებოდა... გარედ მოსიარულე ძმა (ჩემზე ორი წლით უმცროსი იყო) მოვიდოდა თუ არა, მე უკვე მხად მქონდა წინა ღამეს ჩემი ნავახშმევი პური და ხორცი. ჩემ ვახშამს შუაზე ვყოფდი და იმას ვუნახავდი. აგრეთვე ვიქცეოდი სადილის დროსაც: პური და ხორცი ჯობით ამომქონდა და იმას ვაძლევდი. საღამომდის ერთად ვიყავით და შემდეგ კი თავის ბინაზე მიდიოდა. ძალიან მიყვარდა. ლუკმა ყელში არ ჩამდიოდა, თუ ჯერ იმისთვის ჩემი კერძიდან არ გადავდებდი...

ასე, ერთი კერძით რამდენიმე წელიწადს ორნი ვიკვებებოდით... და გავათავე კიდევაც სასულიერო სასწავლებელი და სემინარიაში გამოცდის შემდეგ მიმიღეს.

ღვთისმოყვარობაც ამ სასწავლებლამდის მომყვა. აქ კი ძირიან-ფესვიანად იმსხვრევა... პირველ კლასში 98 მოწაფე მივვიღეს. მთელ საქართველოდან ყველა სასულიერო სასწავლებლიდან აქ მოდიოდნენ. ყველაზე მეტი ქუთაისიდან იყო.

რალაც ჯოჯოხეთური პირობა იყო მაშინ. მასწავლებლები მხეცებს ჰვანდნენ. ბერძნული კვირაში ცხრა-ცხრა გაკვეთილი გვქონდა... ამ ენების მასწავლებლები ყოვლად შეუწუნარებულნი იყვნენ, ნამეტნავად ბერძნულსა¹ მტკნარი გიფი იყო. ენები კარგად ვიცოდი, მაგრამ ბერძნული ენის მასწავლებელმა გაპიხშირა ორები. ერთ დღეს დავეჯექი და სულ გავიმეორე გრამატიკა და ამხანაგებს ვუთხარი, თუ ხვალ ხუთი არ მივიღე, კაცი არ ვიქნები-მეთქი. მეორე დღეს კარები შემოაღო თუ არა, მაშინვე მე გამომიძახა. რაც კი მკითხა, ყველაფერი კარგად აეუხსენი... დაწმუნებული ვიყავი, თუ ხუთი არა, ოთხს მაინც დამისომს-მეთქი. თავისებურად ჩაიცინა, აითრია თავისი დამბლა ფეხი (ცალი მხარე დამბლა ჰქონდა) და ორი დამისო... მეორე დღეს კიდევ გამომიძახა...

არც ერთ კითხვაზე არ ვუპასუხე... წავიდა და ოთხი დამისვა. ისე გავათავე სემინარია, რომ ბერძნული ხელში აღარ ამიღია და ოთხზე ნაკლები ნიშანი არა მქონია. კითხვა დამაფიწყდა. პროგრამა ფართო იყო, მაგრამ სწავლა ისე მახინჯურად სწარმოებდა, რომ ყოველი საგანი გძულდებოდა. ღვთისმოყვარე ვიყავი, მაგრამ სამღრთო საგნების სწავლება მახინჯად იყო დაყენებული. წირვა-ლოცვა ისე უწესო და ძალდატანებული იყო, რო თანდათან საღმრთო სჯულის, მღვდლის და საყდრის ხსენება ზიზლსა მგვრიდა.

გაჩალებული იყო სემინარიაში ყოველი საზიზლოობა: ჯაშუშობა, ფლიდობა, ძალმომრეობა, უსამართლობა, თავებლობა და სხვა მრავალი. ამას ჰქმნიდნენ უფროსები და შგ მოწაფეები იღრჩებოდნენ... თითქოს გარეშე ვიჯექი. ყოველივე ამას სიმწვავეთ განვიციდი, მაგრამ მაინც არ ვცურავდი შიგ... აქაც

¹ გარტიმსკი

გამომჩინდა ისევ ის პიროვნება—ვ. ბარნოვი. ეხლა აღმზრდელის სახით. მესამე კლასში ვიყავი, ის რო აღმზრდელად მოგვივიდა. მოწაფეთა ბიბლიოთეკა ჩამაბარა და ამით ვსულდგმულობდი. ვმუშაობდი. ჩუმი წრეებიც გვექონდა, სადაც ქართულ და აღკრძალულ წიგნებს ვკითხულობდი.

მესამე კლასში ვიყავ, როდესაც ჩვენმა ნაამხანაგარმა იოსებ ლალიაშვილმა რექტორი ჩვენს თვალ-წინს გამოფაშვა... არაგის დაჰნანებია. ყველას საყვარელი სოსო (ლალიაშვილი) ებრალებოდა... ჩვენი კლასი ძალიან გაათხელეს. სულ 22 კაცი-ლა დაგვტოვეს. მე ვ. ბარნოვმა გადამარჩინა...

მაინც გამორიცხვა არ ამცდა. მეექვსე კლასში ვიყავი, რომ რექტორმა პანსიონიდან გარეთ შუა ზამთარში გამომისროლა. ეს იმას ჰწინავედა, რომ სულ მიმენებებინა სწავლისათვის თავი. მაგრამ მოვახერხე მაინც გათავება, გაკვეთილები ვიშოვე. თანაც სემინარიიდან თვეში ექვსი მანეთის ძღვევა დამიწვეს. არ ვიცი კი რად... უთუოდ იგრძნო თავისი უსამართლობა. ვიდრე ამ ექვს მანეთს დამიწვებდნენ ძღვევას, ხუთჯერ მომიგზავნა რექტორმა ხან ამხანაგები, ხან მასწავლებელი, რომ ბოდიში მომეხანდა და ისევ უკან მიღებას მპირდებოდა, მაგრამ ერთსა და იმავე პასუხს ვაძლევდი: „მითხრას, რა დავაშავე და მაშინ მოვიხიბ ბოდიშს. ნუ თუ დანაშაულად მითვლის, რომ მე ამხანაგების დავაღვებით მოწიწებით წარვდექ წინ და საქმის გარემოება ვანფუშვებო...“

დიდი ვაება განვიცდი, როცა სემინარია გავათავე და ცხოვრების წინ დავდექ... არაფრისთვის მომზადებული... თითქოს მღვდლად უნდა წავსულიყავი მაგრამ როგორ, როდესაც სულიერად შიშველი მყვეს, მამის გადმონაცემიც კი წამიშალეს და ეხლა ღვდლად... შინაური გარემოება კი მიკარნახებდა ანაფორას... არას დროს...

რა ღვდელი უნდა ვყოფილიყავი, როდესაც ნატამალი რწმენისა აღარ დამრჩენიყო რა. არა, ეს უსინდისობა იქნებოდა ჩემის მხრივ. ისევ სიკვდილი მერჩინა, ვიდრე ასეთი საზიზღრობა ჩამედინა. მეტყუებინა სხვები და ჩემი თავი. თუმცა შინაური გარემოება მიკარნახებდა, რომ უეჭველად ღვდლობა მეიქსრნა.

სწავლის გავრძელება მსურდა. ვგრძნობდი, ცხოვრებისთვის სრულებით მოუმზადებელი ვიყავი.

გაუბედავი, ბავშობიდანვე მოკრძალებული და მორიდებული რას გავხდებოდი?! ვიფიქრე, ვიშოვი რაიმე სამსახურს, ცოტაოდენ ფულს შევაგროვებ და შემდეგ კი გავუდგები გზას... ამავე ჩემმა თვისებამ ვერა მაშოვნინა რა... მასწავლებლობა მინდოდა სამრევლო სკოლაში მაინც, მაგრამ ვერას გავხდი... ჩემზე იქნებოდა უფრო ნაკლებად მომზადებულებმა მიიღეს... მე კი გარეშე დავრჩი... სათავად-აზნაურო სკოლაში აღმზრდელის ადგილი იყო. იქ მივმართე, მაგრამ იქაც უარი მითხრეს. მიიღეს ჩემი ამხანაგი... იმან ჩემთან ერთად გაათავა და ნიშნებით მე უკეთეს მოწაფედ ვითვლებოდი... იმან ჩემს შემდეგ ითხოვა. წერილიც მიეტანა ბიძისაგან და მიიღეს... ბოლოს ძლივას ერთი ჩემი ამხანაგის წყალობით რკინის გზის სამმართველოს კონტორაში პატარა მოხელის* თანამ-

* საპასპორტო ნაწილის

დებობა მომცეს. ისიც დროებით... ვეუშაობდი და ვხედავდი, რომ უეპველად როგორმე მოვშორებულყავი ამ ჰაერს. რკინის გზის მოხელეთა ცხოვრება სემინარიის ცხოვრებაზე უარესი ჭაობი აღმოჩნდა... უნდა მოვშორებულყავი, მაგრამ როგორ?..

სწორედ იმ დროს შემხვდა ჩემი ამხანაგი, რომელმაც საფრანგეთი და თითქმის მთელი ევროპაც შემოიარა. იმან ისე გამიადვილა მგზავრობა, რომ მალე გადავწყვიტე გამგზავრება. ვარშავა ვარჩიე, რადგანაც იქ სემინარიელებს იღებდნენ ** და იქ კიდევ ნაცნობიცა მყვანდა სემინარიელივე—გ. მრეველიშვილი. გზის ფული, როგორც იყო, მოვახერხე და 1890 წ. ლენინობისთვის გასულს უკვე გემი ოდესისკენ მიმაქანებდა. ზღვა... ეს რალაც ოცნება იყო ჩემთვის... დღე და ღამ გემის ბაქანს არ ვშორდებოდი. საშინელი ლეღვა იყო. ბაქანზე ადამიანის მგზავსი არავინ მოჰსჩანდა. ვიდრე მარტოკა მოაჯირზე მაგრად ხელჩაქერილი და გაფურცბდი აგორებულ ტალღებს და ვისმენდი ჯოჯოხეთურ ღრიალს... ამ დროს ვიღამაც კისერში ხელი ჩამავლო და უფრში ჩამყვირა: „გაჰგეჟიდი, თუ რა არისო“... მივიხედე და დავეინახე: კაპიტანი სასტიკად მეწეოდა. ძალით შემიყვანა თავის ოთახში და დამქვიცა: „ეხლავე უბრძანებ მეზღვაურებს და ზღვაში გადაგადგებო...“—უკაცრავად, არ ვიცოდი, თუ ბაქანზე დგომა აკრძალულია, თორემ არ გავიდოდი...

— სულელო, რა აკრძალვა გინდა... თითონ ბუნება გიკრძალავს ვარედ გამოსვლას და შენ რალაც არცოდნას მეუბნები...

— თქვენო კეთილშობილებავ, ბუნება პირიქით ნებას მაძლევს... მეუბნება: მო, მნახე, რა ძლიერი ვარ შენთან შედარებით და მეც ვეახელ...

— საიდან მოდიხარ?...—თვალე გაშტერებით შემეკითხა კაპიტანი.

— თბილისიდან... პირველად მიხდებოდა ზღვით მგზავრობა და მინდა ზღვის ყოველი ცვლილება ვნახო ..

— პირველად? გაკვირვებით დამეკითხა და თვალე გაუფანიერდა... დიდი მეზღვაური გამოხვალ, თუ კი ამ ხელობას დაიწყებ... პირველად და შენზე სრულებით არ მოქმედობს?...

— რას მიბრძანებთ მაგას!.. მთლად ჩემი გონება წარიტაცა ზღვამ და თქვენ მეუბნებით ზღვა არ მოქმედობსო?!

— ჰა... ჰაჰაჰა—არაა...—კინალამ დაიხრჩო ხარხართ კაპიტანი.—მაგას კი არ გეუბნები... არც გული გერევა, არც თავბრუ გეხმის?.

— პირიქით, ასე ჯანმრთელად არასდროს არ მიგრძენია თავი და ასეთი მადა არასდროს არ მქონია. მართლაც ჭამად ვადვიეცი.

— მერე ეგ გაწუხებს?.

— როგორ არ მაწუხებს... ოთხი დღის საგზალი უკვე გავათავე... ძალზე მშინა...

კიდევ ხარხარი... წამს ხელი წამავლო და წაებარბაცდით... ბარბაცით ჩამიყვანა პირველი კლასის სასადილოში, სადილის დრო იყო. სასადილოში არავინ იყო. ჰკითხა, რატომ არ სადილობენო, უპასუხეს: ზარი დავრეკეთ, მაგრამ არავინ მოდისო... დმერთი ასადილებსო.

** საბეთლო ინსტიტუტში.

— ეჰ, ჩემო მეგობარო, — ნაღვლიანად წარმოსთქვა კაპიტანმა, — სამხედროებს ვერას მოეზხოვოთ... სჯობს ვისადილოთ, — დაუმატა კაპიტანმა... და უბრძანა მოეტანათ სადილი.

სად ვნახავდი ამისთანა სადილს! რა მოუნდებოდა სულსა და გულს, რომ იქ არ მოეტანათ!.. ირყეოდა გემი, მაგრამ ისე მოჰქონდათ, რომ არც ჰღერიდნენ, და არც ყრიდნენ. ჩვენც ისე ვჰამდიოთ. ბულიონი ღრმა ჯამებით ნახევრად ისე მშვენივრად მოიჭინეს, რომ ერთი წვეთიც არ დაქცეულა. ჩვენც ისე დავლიეთ, რო არც ერთი წვეთი არ დავგივდილა...

შემდეგ ოდესა... გზა... ვარშავა...

პირველმა მგზავრობამ უფრო მეტი ცოდნა და გამოცდილება მომცა, ვიდრე სემინარიაში ექვსი წლის სწავლამ.

თ. სა ხ ო კ ი ა მ პირნათლად შეასრულა თავისი დანაპირები. პირველ თვეებში მომაწოდა თავისი წვლილი, არც შემდეგში მტოვებდა უყურადღებოდ. ვარშავაში რო მოველი, სულ ერთი თუმანი მქონდა ჯიბეში, ისაც მ—ტემ გამომართვა... დაერჩი სულ უფულოდ. აქ მრველიშვილი დამეხმარა. მიშოვა ისეთი ბინა, სადაც წინდაწინვე არ უნდოდა გადახდა, ნდობაზე იყო დამყარებული...

ვარშავაშიაც სწავლამ კი არა, დაკვირვებამ გაათართოვა აზროვნება. სამშობლოს სიყვარული ვარშავაში სიგიჟემდის მიმივიდა... იქ შევქმენით ერთგვარი წრე ქართველებს შორის. შევიმუშავეთ „ლიგა საქართველოს თავისუფლებისა“ და შევუდექით ამის გავრცელებას. და სწორედ ამ დროს ერთი ჩვენი წრის წევრის უტაქტო მოქმედების წყალობით ჩვენ ყველანი ციხეში ამოგვამწყვდიდეს. ზედ ვაკრული ტუსალების მოვალეობის ათი მუხლი მეჩხირებოდა თვალებში, ამ მცნებაში პიროვნება ნომრად იყო გარდაქცეული... მაშინ ბევრი ხელ-ნაწერი წაიღეს. აუარებელი ჩონჩხები მქონდა. ყველა დამეკარგა, 1894 წელმა ჩანთა 1886 წლიდან განზრახული და ჩონჩხად ჩამოსხმული მოთხრობები...

წერა დავიწყებ დარე. მაგრამ მოკრძაღე ვიყავი და ვერ ვამტლავებდი. 1889 წ. ერთ ჩემ ნაცნობს მივეცი და ვსთხოვე მიეტანა რედაქციაში და თუ სცნობდნენ ღირსად, დაებეჭდათ. ფსევდონიმიც მხოლოდ იმისათვის გამოვიგონე, რომ ვინაობის გამომტლავებდა არ მინდოდა. მარტო ჯეჯილში დაიბეჭდა თითქმის ერთ წლის შემდეგ „მოგონება“. ეს უკვე 1890 წ. ის ორი კი დაიკარგა... მქონდა კიდევ რამდენიმე ეტიუდი 1889 წ. დაწერილი და სხვისავე ხელით გადავიტვი... დაიბეჭდა მხოლოდ „ესაა ჩვენი ცხოვრება“... „ჩემო შეინდავ“... „ჯეჯილმა“ უკან დამიბრუნა, როგორც უფარგისი. როგორც უფარგისი, რო ვადეგდოთ, ისიც დამეკარგებოდა, რადგანაც შავი არას დროს არ მქონია... ჩემი გვარის გამომტლავებდა არ მინდოდა და ისე გულუბრყვილო ვიყავი, თითქოს მუღმივე ასე დარჩებოდა... ძალიან მეწყინა, როდესაც ერთ ადგილას ჩემი გვარი არაგვისპირელს დაუკავშირეს. ეკავრობდი იმაზე, ვისაც გული ეანდებდა იმათი ხელით ვუხეიდი ნაწერებს რედაქციაში...

ველარ ვათავებ*...

* შო არაგვისპირელის ავტობიოგრაფიული ნაწყვეტი, რომელიც ავტორის ბოლომდე არ მიუყვანია. დაწერილი ყოფილა პოეტ კოტე მაცაშვილის დაფალებით, რომელიც 1909—1915 წლებში ქართულ სიტყვაკაზმულ საზოგადოებას ხელმძღვანელობდა, შესაძლოა, ამ საზოგადოების კრებულის „გრდემლის“ ერთ-ერთ ნომერში დასაბეჭდად. ავტობიოგრაფია აღმოჩნდა კ. მაცაშვილის არქივში.

მარიამ შერვაშიძე

ალექსანდრე ორბელიანის ცხოვრებიდან*

ჩემი ვიდრე თუკლე ბატონიშვილის სახლში—არქიელის მოედანზედ. პაპის და ბებუას ოთახი იყო გრძელი და სინათლიანი. მარჯვნივ ედგათ გრძელი ტახტი, ზედ ედგინა ხალიჩა და ზემოდან მშვენიერი თეთრი ქეჩა. ეს ძალიან კარგად მახსოვს, რადგანაც მიყვარდა იმ ქეჩაზედ წამოწოლა და ხანდახან გორაობა. პაპის ედგა მეორე მხარეს უფრო პატარა ტახტი, რომელზედაც ედგინა ხალიჩა უქეჩოდ. მხოლოდ ტახტზე ედგინა პატარა ლეიბის მაგვარი, იმაზედ დაჯდებოდა ხოლმე ქართულად მოკეცილი ჩემი ძვირფასი პაპა. ტახტზედ ედგა აგრეთვე სამფეხიანი მრგვალი პატარა მაგიდა. რომელზედაც თიფქმის მთელი დღეები მუშაობდა და სწერდა. ტახტი სადაც იდგა, იმ კედელში იყო თახჩა, სადაც ეწყო სულ ქვევით სუფთა ქაღალდები და ფანქრები, შუაში ახალი დაწერილები და სულ ზევით უკვე სულ დამთავრებულები, მისი ნამუშევარი. — მე მიყვარდა მასთან ყოფნა და ამიტომ ჩუმად შევიპარებოდი მის ოთახში ჩემი დედოფლებით და გრძელ ტახტზე დავჯდებოდი. ჩემი კეთილი მოხუცი შემომხედავდა და გამიღიმიდა, მეტყვოდა: „კულრაქავ, ჩიტუნავ, რწყილსავებ თუ არ იქნები წყნარად და დამიშლი მუშაობას, იცოდე, მაშინ შენს არაფინას დაუძახებ და შენი ტვიკინებით გაგაცუნცულებენ“. არაფინა იყო ლეკის ქალი. როცა რუსის ჯარმა ლეკები აიკლეს, ერთ აულში ჯარის კაცებს უპოვინათ ხუთი წლის პატარა გოგო, დანგრეულ სახლში, ბუხრის უკან მიმაღული. მისი უბედური დედმამა დაუხოცნით და ეს როგორღაც გადარჩენილა და ჯარის კაცებს წამოუყვანიათ ყვარელში, სადაც მამაჩემი ოჯახობით ყოფილა. მამაჩემს და პაპაჩემს რომ უნახავთ იგი, უთხოვინათ, ჩვენ მოგვეციოთ, და იმათაც მიუციოთ, რათქმა უნდა ფულს მისცემდნენ ჯარის კაცებს. ამისაგან ვაიგეს, რომ მისი დედმამა დაუხოცნით რუსებს და მხოლოდ ბებია და ბიძა სადღაც უნდა ყოფილიყვნენ, და თითონ კი ბუხარში შეძვრა და ამიტომ გადარჩა. მაშინვე მამამ და პაპამ შეტყობინეს ერთერთ აულში, და მართლაც. ბებიაც და ბიძაც ჩამოვიდნენ და უნდოდათ წაეყვანათ: მაგრამ ჩემი არაფინა არ ვაპყვე: „გიაურები ისევ დავხოცამენო“. დედა და ერთობ ყველანი ამას ანუშკას ეძახდნენ, მაგრამ პაპა კი არაფინას ეძახდა.


მეც შემეშინდებოდა, რომ მართლა ჩემმა არაფინამ არ გამაცუნცულოს-მეთქი, ამიტომ ვიყავი წყნარად და ვთამაშობდი, მაგრამ ხანდახან ჩემი დედოფლები გამაცინებდნენ და მეც ხმაშალა გავცივებდი. აი, მაშინ ჩემი პაპა დამიძახებდა: „კულრაქავ, რა გითხარი? რათ შემაწყვეტინე ჩემი აზრი! მოდი აქეთ“. მეც გავეძანებოდი, შევხტებოდი მის ტახტზედ, ზურგზედ წამოვეკიდე-

* მოგონება დაწერილია რედუქციის დავალებით. მარიამ შერვაშიძე (1866—1941) იყო ალ. ორბელიანის შვილიშვილი, ასული დავით ქობულაშვილისა, რომელსაც ალ. ორბელიანის ქალი—დარია ჰყავდა მუდღულედ.



ალექსანდრე ორბელიანი
(ფცხოზი მხატვრის აკვარელი (1840-იანი წლები)).

ბოდი და როცა ხელს მომხვევდა, ხელზედ ვაკოცებდი, ჩემს კეთილ მოხუცს. საკვირველი იყო, არ უყვარდა ჩემს კეთილ პაპას ლოყახედ კოცნა (და არც არავის კოცნიდა, თავის ორ ძმას გარდა). წამომიკიდებდა ზურგზედ, წამომიყვანდა ბებიასთან, სადაც დაიძახებდა: „უის უნდა შაქრის, ან თაფლის გუდა“. თუ დედაჩემი იყო იმ ოთახში, ის ამიყვანდა და თუ არა, ჩემი არაფერა. და თუ არავინ იყო ბებიასთან, დამაგორებდა, თავზედ ხელს წამისვამდა და მეტყოდა: „შვილო, ახლა ძალიან სამუშაო და საუფიქრებელი დასაწერი მაქვს, არ შემოხვიდე, მანამ არ დაგძახებ. მე მაშინ ასე სამის, ან ოთხის წლისა ვიყავი.—პაპას ძალიან უყვარდა თავის ძმები, ნამეტნავად უმცროსი, რომელზედაც იტყოდა: „ჩემი პატარა ვახტანგი ჩემთვის და მთელი ოჯახისათვის საამაყო არის, მისი ნიჭი დაუფასებელია, ეხარობ მისთვის, რომ მისი ცოლი კატინკაც, სწორეთ მისი შესაფერია, ორივენი განათლებულნი და ევროპულად არიან გაზრდილნი, მხოლოდ ნუ ეწყინება ჩემ ძმას დიმიტრის და მის ცოლს მარიამს, ისინიც რათქმა უნდა მოიფეროებილებენ, მაგრამ ჩემდა სამწუხაროდ აზიური სარჩული ეტყობათ. დიმიტრი ძალიან კეთილია და მხოლოდ ღმერთმან არ აღირსა ის ნიჭი, რაც ჩემ ძმას ვახტანგს აქვს“. ეს ისე მახსოვს, თითქოს ეხლაც მესმის მისი ლაპარაკი. ზშირად დედას ელაპარაკებოდა და მის დედაშვილებს ბიძინა ერისთავს და თამარ მელიქაშვილ-ჩოლოყაშვილისას. საკვირველი ადამიანი იყო, უზომო კეთილი და ხელგაშლილი. რაც კი შეეძლო, რათქმა უნდა, თავის ცოლ-შვილს არ აკლებდა, მაგრამ უფრო მომეტებული ნაწილი აძლევდა ვაჟირებულებს. მას ჰქონდა თექვსე ბატონიშვილისაგან პენსია, და როცა კი აიღებდა, სამ მანეთს ცალკე უბეში ჩაიდებდა და დანარჩენს, იცოდა სადაც იყენენ დარიბი ოჯახები, იმათ მიუტანდა და როგორც გასწვდებოდა, დაურბევდა და ამასთან იმდენს გადაარჩენდა, რომ მისცემდა ივანე კერესელიძეს და უმიკაშვილს და ეტყოდა: ეს გაზეთებისა და ჟურნალებისთვისა. ეს მე გავიგე, როცა ჩემი უძვირფასესი მოხუცი გარდაიცვალა, და ჩვენი ეხსოვა გვახსოვდა, რომელნიც სტიროდნენ: „ვა! ჩვენ თავს, ვილა რას მოგვეცემს, ვილა გვანუგეშებს“. მახსოვს ერთ დღეს მოვიდნენ უმიკაშვილი, კერესელიძე, ბაქრაძე და ახლად მისული აკაკი და უთხრეს: „ალექსანდრე, (მე ვიყავი სწორეთ იმ დროს მის ოთახში რწყილივით განაბული), „ცისკარი“ უნდა დავხუროთ! პაპა შეწუხდა: „რას ლაპარაკობთ, ვფიცავ დედიჩემის თექვსე ბატონიშვილის საფლავს, რაც კი შევძლებ მოგეხმარებით, ოღონდ ნუ დახუროთ და მაგ ოხრებს ნუ გავახარებთ“. მაშინვე შევიდა და დედას უთხრა: „დარიკო, შვილო, მომეცი ჩემი და შენიც თუ რამე ვერცხლავული, ან ნივთები გვაქვს, არ დაგვიკარგავთ, გამოგისნით, ოღონდ ახლა დავგეხმარეთ. დედამ მაშინვე გამოუტანა, მაგრამ ბებია კი ცოტა გაწყრა და უთხრა: „ბატონო! რათ იცი ოჯახის აკლება? თუმცა რამდენიმე წელიწადი იყავი რუსეთში და იქ გასწავლიდნენ ამას? ეს პაპას ეწყინა, მაგრამ არაფერი პასუხი არ ვასცა, მხოლოდ თავი გაიქნია. დედამ გამოუტანა ყოველისფერი, რაც ითხოვა პაპამ, ამანაც იმათ მისცა: „ეს იმყოფინეთ, დააგირავეთ, ან გაყიდეთ, ოღონდ მაგ ოხრებს ნუ გავახარებთ ჩვენი უძლურებით. თუ დააგირავებთ მითხარით ვისთან, და თუ გაყიდით ამაზედაც არც მე და ნურც აქვენ ნუ შეწუხდებით. ოღონდ გავიმარჯვოთ, აკაკის მიუხელოვდა და უთხრა:



გახტანგ თრბელღიანი
(დენარბი მხატვრის აკვარელი 1840-იანი წლები).

და წამლებს მისცემდა, მასთან რალაცეებს მიუტანდა საჩუქრად, მოხუცებულებს, ბავშვებს აგრეთვე ბებია და დედაც მოუტანდნენ საჩუქრებს. ერთობ ყველას დიდად უყვარდათ მთელი ჩენი ოჯახი.—მასხოვს, როცა მზე ჩავილოდა, პაპა, ბებია, დედა და მამა წავილოდნენ სასეირნოდ, ერთი დიდი მუხის ხე იყო ბილიკების მხარეს, სწორედ იქით წავილოდნენ ხოლმე, რადგანაც მშვენიერ პანორამას წარმოადგენდა იქიდან მეორე მხრის გადასახედი. რატქმა უნდა, მე და ჩემი ძმა გენო, და ჩემი მეგობრებიც ჩვენთან იყვნენ. პაპა ამოიღებდა ფოჩიან კამფეტებს და გვეტყოდა: აბა, ვინც უფრო მალე მიიბრუნეს იმ მუხის ხესთან, ცალფებით, ასკინკლით და იტყვის: „ასკინკილა-კინკოლა, ხეალ შადათი, ზეგ კვირა“ და კვირაზედ ვინც მივა იმას ორ ფოჩიან კანფეტს მივცემო“. ჩვენც ვებტოდი, მივბოდი, მაგრამ გენო და შერა, ჩენი მოურავის შვილი, გვეჯობნიდნენ. ნუცა კარგად მიიბოდა, მაგრამ ციცა, რომელიც ცოტა კოკლი იყო და მეც ყველაზედ პატარა, ვერ ვასწრებდით, მაგრამ მაინც მივიღებდით თითო ფოჩიან კანფეტს და გვეგონა საუკეთესო ტკბილი იყო.

პაპა შეტკრებავდა ხალსს და უამბობდა საქართველოს წარსულს, მოელოდა და მაინც მოელოდა საუკეთესო დღეებს. დედას ეტყოდა ხოლმე: „დარიკო, შვილო, მე ვიცი ვერ მოვესწრები მაგ ბედნიერებას,—მაგრამ ვინც მოესწრება ჩემი ცოდვა ჰქონდეს თუ ჩემს საფლავში არ ჩამომძახეთ ეს ბედნიერი დღე, მაშინ ჩემი ძალები შეტოკდება და გაიხარებენ. ეს მე და ერთმა ჩემმა მეგობარმა ქალმა ვიცოდით და როცა საქართველოს ელისა განთავისუფლება ჩაველით სიონის ტაძარში და ორივემ ჩავძახეთ: ძვირფასო, უძვირფასესო! გაიხარე, ჩენი სამშობლო თავისუფალია.“

მასხოვს, ბიძია ვახტანგი რომ მოვადოდა ჩვენთან და პაპას დაუწყებდა მუსაიდუს, მეც მაშინვე მათ გვერდით გავჩნდებოდი, და პაპა იტყოდა: „მივიკის, ეს კულრაქა რომ სულ ჩემს ფეხებს ედება და სულ ჩემთან არის, ნუ თუ არ მოსწყინდა ჩემთან ყოფნა?“ მეც მოვეხვეოდი და ვეტყოდი, სულაც არა, ჩემო პაპა. ბიძია ვახტანგს გკითხავდი, როგორ ბრძანდება ძალუა კატინკა, რომელიც სასოვიით მიყვარდა, აგრეთვე მათი ორი შვილი მამო და კოლა. ბიძია მიპასუხებდა ღიმილით: „ძალუაშენი, მამო და კოლა დღო-ნებულნი არიან უშენობით“. მეც მაშინვე ყველანაირი ვეტყოდი ჩემს ძვირფას პაპას: აი, სულ თქვენი ბრალია, რომ გამეპარებოდა და არ წამიყვანთ. პაპაც ლოყაზე მომილაღერებდა, კატინკასთან საქმე მქონდა, შენ რომ წამეყვანე, დამიშლიდი. მართლაც ამათ სულ რალაც საქმე ჰქონდათ, ვგონებ საქართველოს გამოსნას აპირებდნენ, და ხშირად რალაცას ჩასწერდა თავის უბის წიგნში, ძალუას ნაამბობს. იგი უამბობდა სახლგარეთულ ამბებს და აგრეთვე ვგონებ აწყობდნენ, როგორ გამოეხსნათ საქართველო. ერთხელ ბიძია ვახტანგი მოვიდა და უამბო პაპას: „იცი ალექსანდრე, ჩვენმა ბიძაშვილმა ირაკლიმ რა ქნა?“ პაპაც გაკვირვებით შეეკითხა, რა მოახდინა? ბორჯომში რომ წავიდა რამდენიმე დღით, და იქ ჩენი ნამესტნიკის ძმა დიდი მთავარი ნიკოლოზი ჩამოსულა და როცა სასეირნოდ გამოსულა, ერთობ ყველანი თავს უკრავდნენ და ისიც დიდად ამაყად სამხედრო სალაშს უხდიდა. თურმე ირაკლი თავის წკეპლით დასეარნობდა. ამ დროს, დიდი მთავარი მოდის,

მცხეთის დოკუმენტი XI საუკუნისა და მისი ცნობები ქართული მწერლობის შესახებ

მხედველობაში გვაქვს მელქისედეკ კათოლიკოსის ანდერძი, რომლის პირველ ნაწილში ჩამოთვლილია, თუ რა „მოუპოვა“ მელქისედეკმა მცხეთის ტაძარს, ხოლო მეორეში—რა გააკეთა მან თავის სულის „სახად“. დოკუმენტი, რომელსაც ჩვენამდე ორი პირით (XII და XVII საუკ.) მოუღწევია, საყურადღებოა სხვადასხვა სამეცნიერო დისციპლინისათვის; აქ საინტერესო მასალას ვპოულობთ საქართველოს სამოქალაქო და საეკლესიო ისტორიისათვის, ქართული დიპლომატიკის, ხელოვნებისა და ეკონომიური ისტორიისათვის, საქართველოს ისტორიული გეოგრაფიისათვის, განსაკუთრებით კი ქართული ლიტერატურის ისტორიისათვის. ჩვენ ამჟამად ის უკანასკნელი მიდგომით გვიანტერესებს. რამდენადაც დიდია მნიშვნელობა დოკუმენტისა, იმდენად არადამაკმაყოფილებელია მისი შესწავლის საქმე; ჩვენ ისიც კი არ ვიცით ჯერ კიდევ, რომელ წელსაა ის დაწერილი, მიუხედავად იმისა, რომ მას თითქოს თარიღიც კი აქვს დართული. არ შეიძლება ითქვას, რომ სამეცნიერო ლიტერატურაში დოკუმენტისათვის ყურადღება არავის მიექცეოს, პირიქით, ის ოთხჯერაა გამოცემული (პროფ. დ. ჩუბინაშვილი, თ. ეორდანი—ორჯერ, პროფ. ნ. ბერძენიშვილი¹).

დოკუმენტის ამათუიმ მიზნითა და თვალსაზრისით გამოყენება გულისხმობს წინასწარ შემდეგი საკითხების გარკვევას:

1. დოკუმენტი მთლიანად ერთს დროსაა დაწერილი, თუ ის ორი, სხვადასხვა დროს დაწერილი, ნაწილისაგან შესდგება?
2. როდისაა ის დაწერილი?
3. ვინაა მისი დამამტიცებელი კათოლიკოსი?

I

პირველს საკითხს ვსვამთ იმიტომ, რომ ჯერ კიდევ აკად. მ. ბროსემ გამოთქვა შესაფერისი მოსაზრება, რომელიც შემდეგ ს. კაკაბაძემ ასე დაასაბუთა: პირველი მთავარი ნაწილი დოკუმენტისა, სადაც ჩამოთვლილია—თუ რა მოუპოვა მელქისედეკმა მცხეთის ტაძარს, დაწერილია 1020 წელს, ვინაიდან ამ ნაწილის ბოლოს ძეგლში ქორონიკონი **სმ** ზის, ხოლო მეორე ნაწილი მისი, სადაც მელქისედეკი მოგვითხრობს—თუ რა გააკეთა მან თავისი სულის „სახად“, შედგენილია არაუადრეს 1031 წლისა, ვინაიდან ბაგრატ IV კურო-

¹ მცხეთის საბუთი XI საუკუნისა, საქართ. მუხუმის შოამბე VI; ბიბლიოგრაფიისათვის მკითხველს ამ შრომაზე მიუთითებთ.

პალატად იწოდებაო. არსებითად ასევე ფიქრობს ნ. ბერძენიშვილიც, მისი აზრით, პირველი ნაწილი დოკუმენტისა შედგენილია 1029 წელს, მეორე კი 1031—1033 წლებში.

უდავოა, რომ დოკუმენტის ნაწილები სხვადასხვა დროსაა დაწერილი. ამისი დამამტკიცებელია ის გარემოება, რომ ქორონიკონის აღმნიშვნელი ასოები ზის არა მთლიანი დოკუმენტის ბოლოში, არამედ პირველი ნაწილის დასასრულს, მაგრამ დათარიღება მათი ისე, როგორც ეს ზემოთ ვაჩვენეთ, ვადასინჯვას თხოულობს.

II

როდისაა დაწერილი დოკუმენტი? ის მკვლევარნი, რომელნიც ძეგლს მთლიანად ერთსადაიმავე დროს დაწერილად სთვლიდნენ, შემდგენიარად ათარიღებდნენ მას. მართალია, პირველი ნაწილის ბოლოს ზის ქორონიკონი ხმ (1020), მაგრამ არ შეიძლება ამ თარიღის შეუსაბამობა მკვლევარს არ სცემოდა თვალში. მართლაც, როგორ შეიძლება 1020 წელს დაწერილიყო ძეგლი, რომელშიაც მოხსენებული არიან ბიზანტიის იმპერატორი რომანოზ არგვიროსი, რომელიც 1028 წლის ბოლოს გამეფდა, ბაგრატ IV კუროპალატი, რომელიც გამეფდა 1027 წელს, ხოლო კუროპალატობა 1031 წელს მიიღო? ამ შეუსაბამობამ არეუ-დარევა გამოიწვია მკვლევართა შორის¹ პროფ. დ. ჩუბინაშვილი ანდერძის დამამტკიცებელის შემოკლებით დაწერილ სახელს კჰ კითხულობდა როგორც ქ [ქორონიკონსა] კ (80), და, რადგანაც მართო ასო პ, როგორც რიცხვი, ამ შემთხვევაში აბსურდადა ჩანდა, ავსებდა მას ასო ხ—ნით; ამ გზით მან მიიღო ქორონიკონი ხჰ—280 (1060 წ.). როგორც თარიღი ძეგლის დაწერისა. დ. ი. მ. ბაქრაძე, თუმცა არავითარ საბუთს ამისათვის არ უჩვენებდა, რატომღაც ხმ-ს კითხულობდა როგორ ხა და ძეგლის თარიღად 1040 წელს სთვლიდა. თ. ქორდანიძე თავდაპირველად ლეზულობდა ხმ ქორონიკონს, 1020 წ., მერე დ. ბაქრაძის თარიღზე გადავიდა. პროფ. ი. ჯავახიშვილს დ. ბაქრაძის 1040 წელი უფრო შესაბამისად მიაჩნდა, მაგრამ, რადგანაც ის დასაბუთებული არ იყო, იმაზე არ ჩერდებოდა და ძეგლს 1028 წლის შემდგომი დროით ათარიღებდა. ის მკვლევარნი, რომელნიც ძეგლში ორს, ერთიმეორისაგან დამოუკიდებელ ნაწილს ხედავდნენ, ხმ ქორონიკონს (1020 წ.) პირველი ნაწილის თარიღად სთვლიდნენ; ასე იქცეოდნენ, მაგალითად, ს. კაკაბაძე და მ. ბროსე, თუმცა უკანასკნელი, იღებდა რა მხედველობაში, რომ ამ ნაწილში რომანოზ იმპერატორია მოხსენებული, კითხულობდა: ქორონიკონს ერთეულის აღმნიშვნელი ასო ხომ არ აკლიაო? ეს უკანასკნელი დაექვება გაიზიარა ნ. ბერძენიშვილმა, რომელმაც „ერთადერთი გამოსავალი ამ თარიღის გადასარჩენად“¹ პოვა იმაში, რომ ხმ-ს ასო თ მიუმატა; ამ გზით მან პირველი ნაწილის, ან, მისი ტერმინოლოგიით, „დაწერილის“, თარიღად ხმთ ქორონიკონი, ესე იგი—1029 წელი მიიღო. მეორე ნაწილი, ს. კაკაბაძისა და ნ. ბერძენიშვილის აზრით, დაწერილია არაუადრეს 1031 წლისა, ვინაიდან აქ აღნიშნულია ბაგრატ IV-ის კუროპალატობა, და არაუგვიანეს: ს. კაკაბაძით 1049

¹ გვ. 250.

წლისა, როდესაც, მისი სიტყვით, გარდაიცვალა კახთა მეფე კვირიკე დიდი, დამამტკიცებელი ამ ნაწილისა, ნ. ბერძენიშვილით კი—1033 წლისა, როდესაც კათოლიკოსად უკვე იოანე ჩანს.

როდესაც ლაპარაკია პირველი ნაწილის დათარიღების შესახებ, საკითხი ექვემოთნაღდად სჲ ქორონიკონის, ესე იგი—1040 წლის, სასარგებლოდ გადაწყდება, თუ მხედველობაში ერთს პალეოგრაფიულ მოვლენას მივიღებთ. სწორედ მეთერთმეტე საუკუნეში ჩვენში ყოფილა ისეთი კალიგრაფიული შკოლა, რომელიც ნუსხა-ხუცურ დამწერლობაში მ და ჯ ასოებს თითქმის ერთიდამივე ნიშნით ა (თავაწეული მხედრული ა-ს მსგავსი) გამოსახავდა. მაგალითად, საქართველოს მუზეუმის H ფონდის № 341, რომელიც მეთერთმეტე საუკუნის დამდეგისაა, ასეთ მოვლენას, განსაკუთრებით თვალსაჩინოებით, შემდეგს შემთხვევებში ვხედავთ: მიმართ (469,11), პატარადმდე (469,2 ბოლოდან), ანდროშაქის (470,18), მის (471,11), მის (471,22), კითხვაჲ (472,5), შოციქულთა (477,23), მსაჯულმან (478,1), შუპლისა (478,7 ქვევდან), მიცემად (479,9 ქვევდან), ცხოვრებისაჲ (477,13) და სხვ. ზოგს შემთხვევაში ეს მსგავსება იქამდე მიდის, რომ აღამიანი, რომელმაც ქართული ენა კარგად არ იცის, ერთის მაგიერ მეორესა სწერს და რაღაც დამახინჯებულ სიტყვას გვაწვდის. ასე მაგალითად, ჰარვარდის (ამერიკაში) უნივერსიტეტის პროფესორს R. Blake-ს, თბილისში ყოფნისას, ამ ხელნაწერიდან გადმოუწერია თეოდორეს, ეგბოლოს და სხვათა მარტივობა, რომელიც გამოსაცემად გადაუცია ცნობილი ორიენტალისტის P. Peeters-ისათვის. ამ გამოცემაში გვითხულობთ: „შემძლებელ“, „დაგვდგაჲს“¹, „ღედანში“,—თვით ხელნაწერში,—კი ვითხულობთ: „შემძლებელ“, „დაგვდგაჲს“². ამ პალეოგრაფიულ მოვლენას ადგილი ჰქონია, უტყველია, მცხეთის დოკუმენტშიაც. ამ ძეგლში არ გვხვდება არც ერთი ი-ნით დაწყებული სიტყვა, სულ ერთია-ხმოვანი მოსდევს ამ ასოს თუ თანხმოვანი,—რომ იქ ი-ნის მაგიერ ჯ არ იყოს,“ ასე რომ ჯ-ის ხმოვანების შემთხვევა აქ ძალიან ხშირი ყოფილა. ანდერძის ქართველი გადამწერი ჩვეულებრივს სიტყვებში, თუ დამწერლობით ვერა, აზრით ადვილად გაარჩევდა მ და ჯ ასოებს, მაგრამ ქორონიკონის აღნიშვნის შემთხვევაში უკვე ეს შეუძლებელი იქნებოდა, ასე რომ „ქორონიკონი სჲ“ მას შეეძლო წაეკითხა როგორც სმ, ამ ნიადაგზე მოხდა დოკუმენტის წარყენა, რამაც ამდენი გაუგებრობა დაბადა სამეცნიერო ლიტერატურაში. ეს მოვლენა იმასაც გვითვალისწინებს, რომ ანდერძი თავდაპირველად დაწერილი იყო ნუსხა-ხუცურით.

ამრიგად, „ანდერძის“ პირველი ნაწილი დაწერილია ქორონიკონსა სჲ-ს, ესე იგი 1040 წელს. ამ შემთხვევაში, რასაკვირველია, ადგილი აღარ ექნება იმ გაუგებრობას, რასაც წინ გვიყენებს 1020 წლით დათარიღება მისი. რაც შეეხება მეორე ნაწილს, ის დაწერილია მელქისედეკის მიერ არა 1050 წელს, არამედ შემდეგ. საქმე ასე უნდა წარმოვიდგინოთ. 1040 წელს მელქისედეკმა

¹. Analacta Bollandiana t. 74, fasc. 1 et 2, p. 98, 2—3.

². ხელნ. 341, ფ. 477, 11—12, 13—14. ამის შესახებ იხ. ჩვენი რეცენზია, მიმოხილვები I, 283.

³. ნ. ბერძენიშვილი, გვ. 239.

საეკლესიო საპატრიარქოებში მწვავედ დაისვა საკითხი საქართველოს ეკლესიის სრული დამოუკიდებლობის შესახებ, რასაც ყველაზე დიდი რეზონანსი, თავისთავად იგულისხმება, მსოფლიო პატრიარქის კარზე უნდა ებოვა კონსტანტინოპოლში. რა აურზაური უნდა გამოეწვია აღმოსავლეთში, სადაც შესისხლორცხული ჰქონდათ აზრი მხოლოდ ხუთი პატრიარქის არსებობის შესახებ, იმ გარემოებას, რომ სწორედ ამ დროს საქართველოს კათოლიკოზმა, მგონი თვით მელქისედეკის პირით¹, თავის თავი პატრიარქად გამოაცხადა? ამავე დროს არცის გარემოება იქნებოდა უმნიშვნელო, რომ აღმოსავლეთისა და დასავლეთის ეკლესიათა გაყოფის დეაჟში, რომელიც ამ დროს სწარმოებდა, საქართველოს ეკლესია, როგორც ცნობილია, რომის მხარეზეა, ყოველ შემთხვევაში საეკლესიო წესებისა და რიტუალის სხვაობათა შესახებ კამათში. ჩვენ ვფიქრობთ, რომ ასეთ გართულებულ მდგომარეობაში, როდესაც მეფისა და მისი ოჯახის წევრების (ბაგრატის დედა, მარიამი) გამგზავრებაც კი საჭირო ხდება ბიზანტიაში, უფრო მეტად საჭირო იქნებოდა კონსტანტინოპოლში მუდმივად თუ არა, შედარებით ხანგრძლივად მყოფი წარმომადგენელი. ასეთი წარმომადგენლობა უნდა დაეკისრებიათ ისეთი ადამიანისათვის, რომელსაც ბიზანტიის როგორც პოლიტიკოსი, ისე საეკლესიო სფეროში წონა და გასაყალი იქნებოდა. ამ შემთხვევაში ყველაზე შესაფერისი იქნებოდა სწორედ მელქისედეკი, რომელსაც, თანამდებობრივი მდგომარეობის (კათოლიკოზი) გარდა, ამკობდა შესაფერისი განათლება და, საფიქრებელია, დიდი გვარიშვილობა (ის დაახლოებული იყო სამეფო გვართან, ბაგრატ III-ს თავის „აღმზრდელად“ სთვლის). მელქისედეკს მართლაც ხშირად უხდებოდა ყოფნა ბიზანტიაში. მისი ანდერძიდანა ჩანს, რომ ის კონსტანტინოპოლშია ბასილი კეისრის დროს (გარდაიცვალა — 1025 წ.), კონსტანტინოპოლშია ის შემდეგაც, კონსტანტი კეისრის (გარდაიცვალა — 1028 წ.) დროს, კონსტინოპოლშია ის რომანოზ არგვიროსის დროსაც (ამ კეისრებისაგან ის საჩუქრებს ღებულობს). რომანოზს ის უნდა სწევოდა 1031 წელს, უეჭველია იმ ამაღაში, რომელიც გაყვა მარიამ დედოფალს, გამგზავრებულს კონსტანტინოპოლში „ძებნად შშვლობისა და პატივისა კურაპალატობისა ძისა თჳსისათვის და მოყვანებისათჳს ცოლისა მისთჳს“ (ქართ. ცხოვრება მარიამ დედოფლ., გვ. 256). რამდენხანს რჩებოდა ის წინათ ბიზანტიაში, არ ვიცით, 1031 წლის შემდეგ კი ის იმდენად დიდხანს დარჩენილა იქ, რომ მის იქიდან დაბრუნებას, ჩანს, აღარ ფიქრობენ საქართველოში. მის საზღვარგარეთ ყოფნისას ეკლესია უთაოდ ხომ ვერ დარჩებოდა? საჭირო გამხდარა მის მაგეგრად კათოლიკოზის დადგინება. ამით აიხსნება, რომ 1033 წელს კათოლიკოზად ვილაც იოანე ჩანს. ცხადია, მოადგილის არჩევაში ვადამწყვეტი ხმა თვით მელქისედეკს უნდა ჰქონოდა, ის მისი იდეებისა და წამოწყების გამგრძელებელი უნდა ყოფილიყო კათედრაზე. ამიტომ ყოველ ექვს გარეშე უნდა იყოს, რომ ეს იოანე არის ის ოქროპირ კათოლიკოზი, რომელიც მელქისედეკის ანდერძს ამტკიცებს და რომელიც იოანე ოქროპირის სახელით მოხსენებულია ჯავახეთში ფოკათა ეკლესიის წარწერებში. ეს ოქროპირი მელქისედეკს უწოდებს „მამას“ და „გამზრ-

1. ქართლის ცხოვრება I, 212, 218, 220,

ტერმინი, ის აღნიშნავს შეწირულების წერილობით დადასტურებას და არა იმას, თითქოს ყველა ის წიგნი, რომელიც ანდერძის სიაშია აღნიშნული, მელქისედეს თავის ხელით დაწეროს (ეს ფიზიკურადაც შეუძლებელი იქნებოდა); ეს იქიდანაც ჩანს, რომ ერთერთი შეწირული წიგნის შესახებ მელქისედესი ამბობს: „ღედის ძმისა ჩემსა ანტონის ებოძა“ ჩემთვისო, მაშასადამე, ეს წიგნი მელქისედესის გადაწერილი ვერ იქნებოდა.

„ესე წიგნები, რომელ მე დამიწერიან, ჯჷმლად არს თავი კჷ“; მაშასადამე, მელქისედესს შეუწირავს სვეტიცხოვლისათვის 25 თავი წიგნი. „თავი“ უნდა გავიგოთ როგორც „სახელწოდება“ და არა „ცალი“: მე შევწირე 25 სახელწოდების წიგნით, ამბობს შემწირველი. „ცალეზად“ რომ ვიანგარიშოთ შეწირულება, მივიღებთ არა 25, არამედ 33 წიგნს. სია ამ წიგნებისა პირვანდელი სახით არ შენახულა, გადაწერის პროცესში მას გამოკლებია ორი სახელი, ვინაიდან ღდეს იმაში ჩვენ გვაქვს არა 25, არამედ 23 სახელწოდება. გარდა ამისა სია წიგნებისა ისეა წარმოდგენილი, რომ ხშირად მათი ერთმანეთისაგან გამოყოფა ძნელია, განსაკუთრებით მაშინ, როდესაც წიგნის დასახელებას თან არ ერთვის ცალეზის რაოდენობის აღმნიშვნელი ასო-ციფრი; თან, ერთ შემთხვევაში გაერთიანებულია ორი სახელწოდება.

ვიდრე ამ წიგნების სიას გავითვალისწინებდეთ, უნდა განვმარტოთ ერთი ტერმინი, რომელიც იმაში გვხვდება. რამდენჯერმე ამათუიმ წიგნის დასახელებას დართული აქვს სიტყვა „სათანაოა“. ეს სიტყვა არ არის რომელიმე საგანგებო რედაქციის აღმნიშვნელი. საეკლესიო-სამონასტრო წიგნთსაცავებში ზოგი ისეთი წიგნი იყო, რომელიც მუდამ „თან“ ან „ხელში“ ჰქონდათ ღვთისმსახურების შესასრულებლად, ანდა საკითხავად, ესე იგი-ყოველდღიურ ხმარებაში იყო. ასეთი ხასიათის და დანიშნულების, წიგნებს გარდა, სხვა ნივთებიც იყო ხოლმე; მაგალითად, ამავე ანდერძში დასახელებულია „ჯუარი ვეცხლისა სათანაოა“, ესე იგი, ისეთი, რომელიც ყოველდღიურ ხმარებაში იყო, გასარჩევად ისეთისაგან. რომელიც, როგორც საგანგებო ღირებულების, სკევაფილასქისაში ინახებოდა ხოლმე.

აი სია ამ წიგნებისა, რომელსაც აქ მოვიყვანთ (დაყოფით ნაჩვენებია ანდერძის სიტყვები, ხოლო ჩვეულებრივი შრიფტით საჭირო განმარტებანი) „და წიგნი საღმრთონი, რომელთა სახელები ესე არს“, იწყებს მელქისედესი:

1¹. სახარებისა თარგმანი დიდდი: ა: მათესი. აქიგულისხმება მათეს სახარების თარგმანი, იოანე ოქროპირისა, მართლაც დიდი, უხარმაზარი წიგნი, რომელიც ექვთიმე ათონელმა გადმოიღო ბერძნულიდან 1002 წელს მისი მამის, იოანეს, წინადადებით. სიტყვას „მათესი“ უშუალოდ მიჰყვება „მარკოზისი და ლუკასი“; ამ სახელების შესახებ მეორე წიგნის დასახელებისას გვექნება ლაპარაკი.

2. და იოვანეს თავისა სახარებისა თარგმანი წიგნი: ა: აქ იგულისხმება იმავე ოქროპირის თარგმანი იოანეს სახარებისა, რომელიც ექვთიმე ათონელმა გადმოთარგმნა მიათე საუტუნის გასულს. ქართულ ლიტე-

¹ სათვალავი თხზულებებისა ჩვენ გვეკუთვნის.

რატურაში მეთერთმეტე საუკუნის პირველს ნახევარში ამ ორ თხზულებათა გარდა სხვა თარგმანები სახარებისა არ ყოფილა, მით უმეტეს ოთხივე სახარებისა, რომელიც ერთ ავტორს ეკუთვნოდეს. ოთხი სახარების თარგმანება, რომელიც მე-11 საუკუნის გასულის ავტორს, თეოფილაქტე ბულდარელს ეკუთვნის და რომელიც ქართულად მეთორმეტე საუკუნის გასულს ითარგმნა, მელქისედეგის სიაში, რასაკვირველია, ვერ შევიდოდა. იოანე ოქროპირს კი მარკოზისა და ლუკას სახარების თარგმანი არ დაუწერია; ასე რომ პირველი შეწირულების დასახელებაში სიტყვები „მარკოზისა და ლუკასი“ გადამწერთა მიერაა ჩამატებული ანდერძში. ამ გადამწერთ საჭირო ბიბლიოგრაფიული და ისტორიულ-ლიტერატურული ცნობები, რასაკვირველია, არ ჰქონიათ, ამიტომ ასე უფიქრიათ: თუ მათესი და იოანეს სახარება კია დასახელებული, რა დააშავეს მარკოზმა და ლუკამ, რატომ უნდა იქნეს გამოტოვებული მათი სახელები? ამიტომ მათ თვითონ შეუვსიათ ეს „დანაკლისი“ მათი სახელის შემდეგ მარკოზისა და ლუკას სახელის ჩამატებით.

3. და სახარებანი ოთხთავნი : გ : აქ აღნიშნულია ჩვეულებრივი ტიპის ოთხთავი სახარება: მათესი, მარკოზისი, ლუკასი და იოანესი, და არა გამოკრებილი სახარება, ე. წ. აპრაკსი. ძნელია თქმა, რა რედაქციისა იყო ეს სახარება, უფრო საფიქრებელი კია, რომ ექვთიმესი.

4. სათანაოა ოთხთავი სახარება : ა : გარე თულითა და მარგალიტითა შემკობილი. ამ შემთხვევაში, წინამუხლში აღნიშნული სახარებისაგან განსხვავებით, იგულისხმება ისეთი სახარება, რომელიც ყოველდღიურ ლიტურგიულ ხმარებაში იყო.

5. და მოწამეთა წიგნი დიდნი : ზამთარი და ზაფხული : გარე ვეცხლითა შეკაზმული, დილოკილოათა ვეცხლისათა : ბ : ამ შემთხვევაში ნაგულისხმევია ჰაგიოგრაფიული შინაარსის წიგნი, რომელიც განკუთვნილი იყო ღეთისმსახურებისას სეინაქსარული საკითხავისათვის. ასეთ წიგნში წმიდათა და მარტილთა სხენებანი დალაგებული იყო თვეთა და რიცხეთა მიხედვით. ჩვეულებრივ ასეთი კრებული ორი ნაწილისაგან შესდგებოდა; ერთში მოთავსებული იყო საკითხავები „ზამთრის“ პერიოდისა, ესე იგი, სექტემბერ-თებერვლის თვეებისა, მეორეში „ზაფხულისა“, ესე იგი, გაზაფხულ-ზაფხულისა, მარტიდან სექტემბრამდე. აქედან წარმომდგარა სახელწოდება „ზამთარი და ზაფხული“. ასეთი დანაწილება გამოწვეული იყო ლიტურგიკული „კანონით“ რეგლამენტირებული პერიოდიზაციით. იოანე ქსიფილინოსი ამბობს, რომ სეიმეონ მეტაფრასმა იწყო „განვრცელებად ზამთრისა თუეთა შინა მოკსენებულთა წმიდათა საკსენებულთა“, ხოლო მან, იოანემ, იმ წმიდანებისა, „რომელნი შვლთა თუეთა შინა, გაზაფხულისა და ზაფხულისათა, მოიკსენებიათ“¹ ეს ჰაგიოგრაფიული კრებული წინა-ათონური პერიოდისა უნდა ყოფილიყო, მეტაფრასტული რედაქცია „ზამთრისა და ზაფხულის“ თვეთა მოცულობით მელქისედეგის დროს ჯერ თარგმნილი არ იყო.

¹ К. Кекелидзе Иоанн Ксифилин, продолжатель Симеона Метафраста, Христианский Восток I, 340-341.

6. და მღვდელთმოდლუართა წიგნი დიდი საწელიწდოა. ვეცხლითა შეკაზმული: ა: აქ იგულისხმება „იერუსალიმის განჩინება“, რომელიც ჩვენ მიერაა გამოცემული.¹ მართლაც, ეს არის „დიდი“ წიგნი, თან „საწელიწდო“, ესე იგი. მთელი საეკლესიო წლის განგების შემცველი. „განჩინება“ მართლაც მღვდელთმოდლურთა წიგნია, რადგანაც მისი სათაურია: „ესე განჩინებაა მღვდელთმოდლუართა მიერ მართლმორწმუნეთაა“, სხვა რაიმე „მღვდელთმოდლუართა წიგნი“, მთელი წლისათვის განკუთვნილი, ჩვენმა ლიტერატურამ და პრაქტიკამ, არც ბერძნულმა, არ იცის. „იერუსალიმის განჩინება“ ჩვენი ლიტურგიული პრაქტიკის რეგულიატორად ითვლებოდა, სანამ გიორგი ათონელი კონსტანტინოპოლის ეკლესიის „დიდ სენაქსარს“ არ გადმოიღებდა, ეს კი 1042—1044 წლებში მოხდა.

7. და მარგალიტი წინა [: ა :]. ხელნაწერში არ არის აღნიშნული რაოდენობა ცალისა, რადგანაც ძველის გადამწერი ვერ მიმხვდარა, რომ აქ წიგნის სახელია ნაგულისხმევი, და ეს სიტყვა [მარგალიტი] მიუღია შემდეგი წიგნის ღირებულების აღმნიშვნელად: მარგალიტი, ესე იგი, ძვირფასი, მშვენიერი წიგნით. ნამდვილად კი აქ იგულისხმება საგანგებო, გამოკრებილი რედაქცია იოანე ოქროპირის სხვადასხვა მოკლე თხზულებებისა, რომელსაც „მარგალიტი“ ეწოდება. ასეთი წიგნი უთარგმნია ექვთიმე ათონელს შემდეგი სათაურით: „მარგალიტი, რომე არს შემოკრებული მრავალთაგან თქმულთა იოანე ოქროპირისათა“²; ეს წიგნი ერთ ცალად უნდა ყოფილიყო შეწირული თუ შეწირულებათა საერთო ჯამი (25) გვექნება მხედველობაში.

8. წინამძღუარი [წიგნი]: ა: ასეთი სახელი ეწოდება ექვთიმე ათონელის მიერ თარგმნილს იოანე დამასკელის „წყარო ცოდნისაა“-ს რედაქციას, რომლის შესახებ ეფრემ მცირე ამბობს: „საცნაურ იყავნ, ვითარმედ წინამძღუარი სახელად წმიდისა ანასტასი სინელისა თქმულთათჳს მინახავს ბერძულსა შინა, ხოლო ამის წიგნისათჳს არა სადა თჳნიერ ქართულსა, ამისთჳსცა... წინამძღუარი მასევე წმიდისა მამისა ეფთჳმეს თარგმნილსა სახელედებოდინ, რომეთუ თჳთ იგი ამისგანევე გამოკრებულ არს“³. ანასტასი სინელის „წინამძღუარი“ მელქისედეკის დროს ჯერ კიდევ არ იყო თარგმნილი.

9. დევლოლონი წიგნი: ა: ეს არის რომის პაპის გრიგოლ დიდის თხზულება „დიალოლონი“, რომელიც ექვთიმე ათონელმა გადმოთარგმნა 1011 წ.

10. იოვანეს გამოცხადება წიგნი: ა: დედის ძმასა ჩემსა ანტონის ებოძა ჩემდა. იგულისხმება აპოკალისში იოანე ღვთისმეტყველისა, რომელიც, მის განმარტებასთან ერთად, გადმოიღო ექვთიმე ათონელმა 975 წლის მახლობლად. ვინ არის ეს ანტონი, დედის ძმა ან ბიძა მელქისედეკისა, არ ვიცით.

11. ანდრია სალოსის ცხორება წიგნი: ა: აპოკრიფი, რომე-

¹ К. Кекелидзе. Иерусалимский Канонарь VII 6. Тифлис, 1912 г.

² კ. კეკელიძე, უცხო ავტორები ძველ ქართულ მწერლობაში, უნივერსიტეტის „მოამბე“ VIII, 161, ქართული ლიტერატურის ისტორია I, 632, 1941 წ.

³ კ. კეკელიძე, ქართული ლიტერატურის ისტორია I, 178 (გამოცემა 2).

18. მარხვანი, რომელ სამეფოს იტყვან: ა: აქ იგულისხმება არა მთელი „მარხვანი“, არამედ ის ნაწილი მისი, რომელსაც ანდრია კრიტელის „დიდი კანონი“ ეწოდება. ის პირველად ექვთიმე ათონელმა გადმოთარგმნა¹.

19. და სხუა წიგნები. თავი მ. და ორად გაყოფილი. რა წიგნებია ეს წიგნები, ძნელია თქმა, რადგანაც არავითარი შინაარსობრივი ნიშანი აქ მოცემული არაა.

20. იადგარი მეხური, რომელსა შიგან განგებამა საწე-ლიწლოა სწერია: ა: შინაარსობრივად ეს (გივე წიგნია, რაც მე-14 ნომრის ქვეშა ნაწენები, ზემოთ; განსხვავდება მისგან იმით, რომ იმაში მოთავესებულია „მეხური“ ჰიმნები, ესე იგი—ისეთები, რომელნიც ხმით, გალობით; უნდა ყოფილიყვნენ შესრულებულნი და არა რეჩიტატივით ან წაკითხვით ასეთი იადგრები გამოუმუშავებული იყო ჯერ კიდევ წინათონურ პერიოდში, მაგალითისათვის შეიძლება დავასახელოთ მიქელ მოდრეკელის იადგარი².

21. მატრიანენი საშინაონი და საალაპენი, ვეცხლითა მოკედლინი: ა:

22. და მატრიანენი სათანაონი, ვეცხლითა მოცუარულნი: ა: ორ ნომერში დასახელებულია სამი ტიპის მატრიანე: საშინაო, საალაპო და სათანაო. ტერმინით „მატრიანე“ აქ აღნიშნება მიცვალეებულთა მოსახსენებელი წიგნი, ე. წ. „დვაბტიქები“. „საშინაო“ მატრიანე აღნიშნავს მცხეთის ტაძრის გარდაცვლილ კლირიკოსთა სახელების ჩასაწერ წიგნს; „საალაპო“ მატრიანე არის წიგნი, რომელშიაც ჩაიწერებოდნენ ის შემწირველნი და კეთილისმყოფელნი მცხეთის ტაძრისა, რომელთა მოსახსენებლად ყოველწლიურად „ალაპი“ იყო გაჩენილი, ხოლო „სათანაო“ მატრიანეში ჩაწერილნი იყვნენ ისეთი მიცვალეებულნი, რომელთაც „ალაპს“ არ უჩენდნენ, მაგრამ ღვთისმსახურების დროს, წირვა-ლოცვაზე, მოიხსენებდნენ ხოლმე.

23. ჟამისწირვანი სათანაონი: ა: ეს არის წირვის წესი, — ვასილის, ოპროპირის და პირველშეწირულის, რომელიც ჯერ კიდევ წინათონურ პერიოდში იყო ქართულ ენაზე. თუ მელქისედეკის დროს ჩვენში კიდევ სრულდებოდა იაკობის ჟამის წირვა, შესაძლოა ეს უკანასკნელიც ჰქონდეს ავტორს მხედველობაში, ყოველ შემთხვევაში ერთი ცალი ამ ჟამისწირვისა, რომელიც კათოლიკოს სვიმეონს გადაუწერია X—XI ს., მცხეთას ეკუთვნოდა³.

ასეთია სია წიგნებისა, რომელნიც მელქისედეკს მცხეთის კათედრალისათვის შეუწირავს. მელქისედეკის ეპოქა ქართული მწერლობის ისტორიაში ის დრო იყო, როდესაც ათონის შკოლის განახლებითი მოძრაობა, დაწყებული

¹ იქვე, გვ. 320.

² ტერზინი „მეხურის“ შესახებ იხ. კ. კეკელიძე, ქართ. ლიტერ. ისტორია I, 554—555 (გამოც. 2). „მეხური“ რომ მუსიკალური და არა ფრთხვების აღნიშნველი ტერმინია, ჩანს მიქელ მოდრეკელის ანდერძიდანვე: „საყუარელნი უყუეთუ ერთსა ძლისპირსა ზედა რომელიმე კილოა ორგუარად იყოს აღნიშნული, ნუ უტუო გინ, ნუცა ურთიერთსა წინააღმდეგომ, რამეთუ რომელიმე შოაელისა ძლის პირისა კილოა ორ გუარად არს მეხურად“.

³ გამოცემულია ჩვენ მიერ: Древне-грузинский Архиратикон.

ექვთიმე ათონელის მიერ, თავის ძალაში შედიოდა, მაგრამ ჯერ კიდევ საბოლოოდ კავშირი წარსულთან ვერ გაეწყვიტა. თვით ექვთიმე ათონელი თავის შემოქმედებითს პრაქტიკაში, როგორც ცნობილია, ერთი ფეხით წარსულში იდგა, მეორეთი ახალში. ეს ორმაგი ხასიათი ატყვეა მელქისედეკის მიერ შეწირულ წიგნთა ინვენტარს.

დიდი ნაწილი აქ დასახელებული წიგნებისა ექვთიმე ათონელის მიერაა ნათარგმნი, მაშასადამე, ქართულ ლიტერატურულ ცხოვრებაში, ჩანს, ფეხს იკიდებს კონსტანტინოპოლური ახალი მიმართულება, რომლის პირველი და მსხვილი წარმომადგენელი ჩვენში ექვთიმე იყო. მელქისედეკი, ეჭვი არ არის, ბიზანტიაში მრავალგზის და ხანგრძლივად ყოფნისას, პირადად გაიცნობდა ექვთიმეს და კურსში იქნებოდა მისი ლიტერატურული მუშაობისა. ეს სია საინტერესოა, როგორც ერთერთი უძველესი წარმომადგენელი ჩენი საეკლესიო—სამონასტრო წიგნთსაცავების კატალოგისა; ამაზე უფრო ძველი ნიმუში ასეთი სიისა ჩვენ მხოლოდ ერთი მოგვეპოვება, სახელდობრ—კატალოგი სინას მთის ქართველთა მონასტრის წიგნთსაცავისა, რომელიც მეათე საუკუნეს ეკუთვნის¹, ხოლო მომდევნო, XII საუკუნიდან გვაქვს ფრაგმენტი ქართველ ქალთა მონასტრის „კაპპათას“ წიგნთსაცავის კატალოგისა იერუსალიმში².

¹ Н. Марр, Описание грузинских рукописей Синайского монастыря, стр. 267—8.

² კ. კეკელიძე, ქართველ ქალთა კულტურულ-საგანმანათლებლო კერები საშუალო საუკუნეთა მახლობელ აღმოსავლეთში, ტ. 1 მკ. 1 „ნობამბე“, XIII.

სოლ. იოსებანიშვილი

რუსთველის ჩვენამდე არმოღწეულ პოემა-რომანის შესახებ¹

კარგა ხანია რუსთველოლოგიაში გამოთქმულია ის მოსაზრება, რომ რუსთველი მარტო „ვეფხისტყაოსნის“ ავტორი კი არ ყოფილა, არამედ მას სხვა ნაწარმოებებიც უნდა ჰქონოდაო.

ამ შეხედულებას დასაყრდენს უქმნიდა თვით „ვეფხისტყაოსანი“. ამ აზრის მიმდევარნი დაახლოებით ასე მსჯელობდნენ:

შოთას „ვეფხისტყაოსანი“ არის უნაკლო და სწორუპოვარი შედევრი, ძნელი წარმოსადგენია, რომ ასეთ სრულქმნილ ხელოვნების ავტორს მის შექმნამდის სხვა რამ ნაწარმოები არ ჰქონოდა; ასახელებენ რამდენიმე ლექსს, იამბიკოს და დასძენენ: ალბათ, ბევრმა რამ ჩვენამდის არ მოაღწიაო.

საყურადღებოა, რომ სულ ბოლო დროს შოთას არმოღწეულ პოეტურ თხზულებათა შესახებ უკვე ერთგვარი ლიტერატურაც კი შეიქმნა.

ამ მხრივ ყურადღებას იქცევენ პ. ი ნ გ ო რ ო ყ ე ა ს მიერ გამოქვეყნებული ნაშრომები.

თავის წერილში „შოთა რუსთაველი და მისი პოემა“, რომელიც დართული აქვს „ვ. ტ.“ საიუბილეო გამოცემას (თბილისი 1937 წ. სახტისის გამომცემლობა) იგი სხვათა შორის ამ საგანზე შემდეგს წერს:

„...განთქმული რომანტიული სიუჟეტი იოსებ მშვენიერზე, როგორც ირკვევა, დაუმუშავებია შოთა რუსთაველსაც. ცნობა შოთას ამ თხზულების შესახებ დაუტყავს მე-16 საუკუნის პირველი ნახევრის ერთ ქართველს პოეტს.

რადგან ეს ცნობა დღემდე არ ყოფილა განხილვის საგანი სპეციალურს ლიტერატურაში, ამის გამო ჩვენ აქ მოგვიხდება მასზე უფრო დაწვრილებით შეჩერება.

ამ ქართველ პოეტს, რომლის სახელი უცნობია და რომელიც, როგორც ირკვევა, მე-16 საუკუნის პირველ ნახევარში ცხოვრობდა, ეკუთვნის ახალი პოემა იოსებ მშვენიერზე. ეს პოემა მოღწეულა უნიკალურს ხელნაწერში, რომელიც ამჟამე ეპოქაში, მე-16 საუკუნის პირველ ნახევარში არის გადაწერილი. (ხელნაწერი საქართველოს მუზეუმისა 5-1283).

მე-16 საუკუნის ამ ქართველი პოეტის ახალ პოემას იოსებ მშვენიერზე დართული აქვს შესავალი, რომელშიაც ავტორი გადმოგვცემს ბიბლიოგრაფიულ ცნობას ამავე თქმულების წინათ არსებულ ძველი ქართული ტექსტის შესახებ. ეს ძველი ტექსტი, „ამბავი აღრინდელი“ მის დროს, ე. ი, მე-16 საუკუნეში უკვე დაზიანებულად ყოფილა წარმოდგენილი, მისგან მხოლოდ ნაწყვეტი ყოფილა გადარჩენილი („ცოტა იყო დანარჩენი“-ო, გადმოგვცემს ავტორი). აი ეს ძველი ტექსტი, როგორც ეს ირკვევა მე-16 საუკუნის ავტორის ჩვენ-

¹ წაითხოვლია მოხსენებად სტალინის სახელობის სახ. უნივერსიტეტის ძველი ქართული ლიტერატურის ისტორიის კათედრის საჯარო სხდომაზე 1938 წ. თბილისში.
ავტორი

რომელმაც გამოიჩინა კადნიერება და გააპბედა რუსთაველის ძველი „ნასაქმის“ განახლება, იმავე ძველი ამბავის ხელახლა თქმა, მოკრძალებით მიმართავს რუსთაველს და თავის გასამართლებლად მოაგონებს მას: „თქვენვე, რუსთაველო, იცი, სხვავე არგებს, რა აქიმის დასწულდესო“ (გვ. XX—XXIII).

ასეთის კომენტარიებით ასრულებს პ. ინგოროყვა XVI საუკუნის პოეტის ზემომოყვანილი სტროფის განხილვას და დასკვნის: „ამ რიგად ირკვევა, რომ შოთას დაწერილი ჰქონია რომანი-პოემა იოსებ მშვენიერზე, რომელიც ჩვენ დრომდე არ მოღწეულა და რომლისაგან მე-16 საუკუნეში ნაწყვეტები ყოფილა გადარჩენილი“ (გვ. XXII).

განვიხილოთ ახლა რა ირკვევა ნამდვილად XVI საუკუნის პოეტის ზემომოყვანილი სტროფიდან და რამდენად მართალია, რომ შოთას დაწერილი ჰქონია რომანი-პოემა იოსებ მშვენიერზე.

ერთი რამ უდავოა. ეს ცნობა დღემდის არავის განუხილავს სპეციალურ ლიტერატურაში და ასე ვრცლად მასზე მხოლოდ ინგოროყვა შეჩერდა.

ხოლო, რაც შეეხება თვით იმ უნიკალურ ხელნაწერს, რომლის სამუხეუ-მო ნომერზედაც მიგვითითებს პატივეცემული მკვლევარი (ხელნაწერი საქართველოს მუზეუმისა №—1282), ის კარგა ხანია ცნობილია, სპეციალურ ლიტერატურაში საქმარისად შესწავლილი და ამ ხუთმეტრი წლის წინათ გამოკვეყნებული გ. ჯაკობიას მიერ¹. მასვე მოეპოება ყველა ის ცნობა, რაც ინგოროყვას მოთხრობილი აქვს იოსებ მშვენიერის რომანის სიუჟეტზე; მის პოპულარობაზე საშუალო საუკუნეების, როგორც ქრისტიანულ, ისე მუსლიმანურ მწერლობაში².

დაინტერესებული მკითხველისათვის ამ წყაროთა დასახელებას უფრო მეტი მნიშვნელობა ექნებოდა, ვიდრე ხელნაწერის ნომრისას. მაგრამ ამ ქამად ეს არსებითი არ არის, და გადავიდეთ XVI საუკ. თვით იმ უცნობი პოეტის ცნობილი სტროფის განხილვაზე, რომელსაც პ. ინგოროყვას აზრით, შემოუნახავს ცნობა შოთას ამ, დღემდის აღმოუჩენელ „ახალ პოემა-რომანის შესახებ, და რომელსაც აქამდის არავინ არავითარი ყურადღება არ მიაქცია.

სტროფი ასე იკითხება:

აწ, რუსთველო, გეთხოვები, რომე მომცე ნება თქმისა,
არ გასწყრე და არ ამიკლო, თხოვნა მე მაქვს ამ ჰომისა,
რომე გჳადრე უჳადრობა³ და ჳრა თქვენის ნასაქმისა,
თქვენზე იცი, სხვავე არგებს, დასწულდეს რა აქიმსა.

პ. ინგოროყვა ამ სტროფის მესამე სტრიქონის მეორე ნახევარს ასეთ განმარტებას აძლევს:

¹ იხ. გ. ჯაკობია, იოსებ ზილხანაიანის ქართული ევროსიები (კრიტიკული ტექსტის, ლექსიკონისა და საძიებლის დართით) პირველი ნაწილი (ტექსტები) ტფილისის უნივერსიტეტის გამომცემა. ტფილისი, 1927 წ.

² იხ. თეიმურაზ I. აღ. ბარამიძის და გ. ჯაკობიას რედაქციით. ტფ. 1934 წ. (სპეციალურად: გ. ჯაკობიას გამოკვლევა: თეიმურაზის თარგმანები, განსაკ. 221—224 გვ.).

³ გ. ჯაკობიას დაბეჭდილი აქვს უჳადრობა.

ა. „დაჯრა“ პირდაპირის მნიშვნელობით ნიშნავს მიწყობას. ხოლო პოეტკაში „დაჯრა“ ნიშნავდა ლექსად თქმას, ე. ი. ძვირფასი თვალის დაჯრა-მიწყობას (ასე იხ. ვეფხის-ტყაოსანში: „მარგალიტი წყობილი“—ე. ი. ლექსი. შეადარეთ ანალოგიური თქმა: „მით მიჯრით მიწყობილისა“). ამრიგად მე-16 საუკუნის პოეტის სიტყვები; „დაჯრა თქვენის ნასაქმისა“—ნიშნავს „ლექსად თქმა თქვენი (რუსთაველის) ნასაქმისა“ (გვ. 235).

3. ინგოროყვას ეს განმარტება, ჩვენის აზრით, სწორი არ არის. დავიწყეთ მისი განმარტების პირველ სტრიქონიდან. ა. „დაჯრა“ პირდაპირის მნიშვნელობით ნიშნავს მიწყობას,—გვიხსნის პ. ინგოროყვა.

სად და როდის ნიშნავდა „დაჯრა“ პირდაპირის მნიშვნელობით „მიწყობას“? რუსთაველის ენაზე დაჯრა ნიშნავს თავის მოყრას, შეყრას (დიდის სიმპიდროვით), გახირვას. აი მაგალითები:

723₁ ახლას სხდეს ღირსნი, მიენდეს შორს ჯარი და იჯრებოდა.

1075₁ იქით-აქათ იჯოებოდეს: „ფუტკრიტოთა ამას რულად“¹⁾

101₁ ყოელაკი გაიყარა, ჯალაბი ჩანს არ დაჯრილი.

თვით ამ უტნობ პოეტსაც აქვს თავის პოემაში ჯრა-ზმნიდან ნაწარმოები ფორმები და აღსანიშნავია, რომ დაჯრა პირდაპირის მნიშვნელობით მიწყობას არც მის ენაზე ნიშნავს. აი მის პოემიდან ამონაწერი სტრიქონები:

276₁ ქალაქსა მოეჯრებოდენ, დაღვეს შორნი გზანია.

566₁ უღმრთოთა არ ხამს ჩვენხედა ერთმანერთისა ჯრილობა¹⁾

711₁ მხევალს ზოხრის: „ხელით შემძარ მოეჯაროს რა მეფეთ.“

ფეტიქრობთ, რომ აქ მოყვანილი მაგალითები ცხადად გეიმტკიცებენ, რომ დაჯრა არც უტნობი პოეტის ენაზე ნიშნავს, მიწყობას, როგორც ეს პ. ინგოროყვას ჰგონია.

მაგრამ იქნება ჯრა-შეყრას, შეჯგუფებას, შექუჩებას (დიდ სიმპიდროვეში), გახირვას არ ნიშნავს ალორძინების ხანის სხვა მწერლების ენაზე?

გავსინჯოთ:

1. ნოდარ ციციშვილის „ბარამგურიანში“ გვითხულობთ:²⁾

1531₁ მუნ შეყარნეს ბანოანთა, ერთად იყვნეს მგერეტთა ჯრანნი.

1589₁ ყოელგნით მოზარტეს საღზინოდ, კაცთა და ქალთა ჯრანია.

2. ასეთისვე მნიშვნელობით ხმარობს ჯრასა და დაჯრას შაჰნავაზიანის აეტორი ფეშანგი:³⁾

45₁ მეტის დაჯრითა მოყმეთა კალთები დაეხუოდა.

91₁ იჯრებოდინ საჭერეტლად, იქით და აქთ რბოდინ.

მეტის დაჯრითა გვერდები დანებით დაიკოდინ.

238₁ იქით და აქთ თავადთა ჯრა არის ყმა და გერისა.

507₁ მიუყვანეს დაუყოვნლად, მისი ნაზეთა იქმენ ჯრასა.

1006₁ ქალი და კაცი დაჯრითა ერთმანეთშია ველელია.

¹⁾ გ. ჯაკობიას დაბეჭდილი აქვს „ქბილობა“, კორექტურული შეცდომა უნდა იყოს.

²⁾ ნოდარ ციციშვილი, შვიდი მთიები (ბარამგური), პროფ. კ. ქეკელიძის რედაქციით, გამოკლევიტ და ლექსიკონით. „ქართული წიგნი“. 1930.

³⁾ იხ. ფეშანგი, შაჰნავაზიანი, გ. ლეონიძის და ს. იორდანიშვილის რედაქციით. სახელჯამი, ტფ. 1935.

3. ასეთივე მნიშვნელობით გვხვდება ჯრა „შაჰ-ნამეში“:²⁾

668, უბან-უბანთა ქალ-ყმათა მკვრეთელთა დიდნი ჯრანია.

3986, ზაულელნი ცხენოსანი მოხევიებს ჯარი ჯრითა.

3. ინგოროყვას, რომ საბას ლექსიკონისათვის მიემართა, ამოიკითხა, რომ: ჯრა—მრავალ კაცთ ვიწროდ ყოფასა-ნიშნავს. ამ სიტყვიდანვეა ნაწარმოები გაჯრა (გაჰედასავით), მიჯრა, მოჯრა, შეჯრა (შეტკეცა) და ჩაჯრა (ღრმაში გაჯრა). ასეთსავე განმარტებას იძლევა ლექსიკოგრაფი დ. ჩუბინოვი: დაჯრა—გაეხირავ, დავსრბი, ჯგუფად მოვაგროვებ; соват, столпить, собрать в кучу; ჯრა давка, стечение народа.

ყოველივე ამის და მიუხედავად, 3. ინგოროყვა განაგრძობს: ...პოეტრეკაში „დაჯრა“ ნიშნავდა ლექსად თქმას, ე. ი. ძვირფასი თვალის დაჯრა-მიწყობას (ასე იხ. ვეფხის-ტყაოსანში: „მარგალიტი წყობილი“—ე. ი. ლექსი. შეადარეთ ანალოგიური თქმა: „მით მიჯრით მიწყობილისა“). ამრიგად მე-16 საუკუნის პოეტის სიტყვები: „დაჯრა თქვენის ნასაქმისა“—ნიშნავს: „ლექსად თქმა თქვენი (რუსთველის) ნასაქმისა.“

ჩვენ კი გვგონია, რომ როგორც დაჯრა პირდაპირის მნიშვნელობით არ ნიშნავდა მიწყობას, რე პოეტრეკაში დაჯრა ლექსად თქმას არ გულისხმობდა. მაგრამ, წინა შემთხვევაში თუ 3. ინგოროყვა დაუსაბუთებლად აცხადებდა: დაჯრა პირდაპირის მნიშვნელობის მიწყობას ნიშნავს, ახლა ცდილობს საბუთებიც მოიყვანოს და „ვეფხისტყაოსანზე“, მიგვითითებს: „მარგალიტი წყობილი“ ე. ი. ლექსიო. მართალია, აღმოსავლურ პოეტრეკაში მარგალიტის სახედ ხმარება პირდაპირ ენციკლოპედიური ხასიათისაა (თუცა ხშირად უფრო კბილების სასახავად იხმარება), მაგრამ „მარგალიტი წყობილი“ მართლაც ლექსს ნიშნავს შოთას ენაზე. მაგრამ. განა დავა ამაშია?! ჩვენ ამჟამად გვინტერესებს, თუ რას ნიშნავს დაჯრა. ვთქვათ: „მარგალიტი დაჯრილი“, „მარგალიტის დაჯრა“ რომ ქართულ პოეტრეკაში ლექსად თქმას ნიშნავდეს, მაშინ ინგოროყვა მართალი იქნებოდა, მაგრამ ეს ასე არ არის. თვით ჩვენი უცნობი პოეტის ენაზე „მარგალიტი წყობილი“ სწორედ კბილებს ნიშნავს და არა ლექსად თქმას. აი მაგალითები:

331, ლალშიგა გამოჰვირეთა მარგალიტისა წყებანი

მეორე მაგალითი უკეთესია:

428, შენ მარგალიტი წყობილი ლალს მიეც, მიაბარენი.

აქ, ორსავე შემთხვევაში საუბარია ლალში (ღრძილებში) მიწყობილ მარგალიტზე (ე. ი. კბილებზე).

რომ დაჯრა „მიწყობა“ არ არის და დაჯრილი—„მიწყობილი“, ეს ნათლად ჩანს თვით რუსთაელის იმ თქმიდან, რომელიც 3. ინგოროყვას „მარგალიტი წყობილის“ ანალოგიურ თქმად მიიჩნია. ეს თქმა არის: „მიჯრით

²⁾ იხ. შექ ნამეს ანუ მეფეთა წიგნის ქართული ვერსიები. ტექსტი გამოსცა და წინასიტყვაობა და ლექსიკონი დაურთო იუსტინე აბულაძემ. თბილისი 1916 წ. (გვ. 202).

მიწყობილისა“, რაც ნიშნავს მკიდროდ მიწყობილს (მართთ—плотно пригнанные... ნათქვამია კბილებზე).

ამრიგად, XVI საუკ. პოეტის სიტყვებში: „დაჯრა თქვენის ნასაქმისა“—არ ნიშნავს „ლექსად თქმის თქვენის (რუსთველის) ნასაქმისა.

„ლექსად თქმისათვის“—გალექსისათვის არც რუსთველს და არც XVI საუკ. უცნობ პოეტს სხვა სახეობითი თქმები არა აქვთ გამოყენებული. რუსთველი პირდაპირ ამბობს.

5₁ მიბრძანეს მათად საჭებრად თქმა ლექსებისა ტკბილისა.

7₂ დაეჯე რუსთველმან გავლექსე მისთვის გულლახვარ-სობილი.

9₃ ვაოვე დღე ლექსად გარდავთქვი, საქვე ვქმენ საქოქმანებო.

13₂ მათო აგრევე მელექსესა ლექსთა გრძელთა თქმა და ხვეა.

ასევე ხმარობენ ალორძინების ხანის მწერლებიც:

სულთან თანიაშვილი წერს:

რუსთველმან ამბო ლექსები, გულისა მსგავსად მოსხმული.

თეიმურაზ I-ის „იოსებ-ზილიხანიანში“ კვითხულობთ:

20₂ „ლექსად თქმა მწადსო,“ უბრძანა ლაღმან ბრძნად შუქთა ფენითა.

ასევე ხმარობს ნოდარ ციციშვილი „ბარამგურიანში“:

3₂ ხამს დიდება ჰატრონისა, ვის აქვს ლექსთა თქმის შეძლება.

9₂ ლექსთა თქმაცა ვით გაბედა ნოდარ, ანუ შაირობა.

ფეშანგის „შაჰნავაზიანში“ გვხვდება:

თქმა რუსთველს დარჩა ლექსისა, ცუდად ვიუბენ მე რასა.

თეიმურაზ II-ის „რუსთველთან გაბაასებაში“ ასეთი გამოთქმები გვხვდება:

ა. ვკითხო, რახედ თქვა ლექსები, ტკბილი, ღრმად მეტყველებანი.

რუსთაველის პასუხში კვითხულობთ:

ა. ვპაოვე ამბავი, ლექსად ესთქვი, ვევე, იყოს მოსაწონია...

ბ. რაც სიბრძნით ლექსებო მითქვამს, დაკიდებ ქართველებსაო...

გ. ვისად შენ აქებ, მაგახედ კარგ ლექსებს გამოვსთქმევდი ა.

მეტი მაგალითების დამოწმება საჭირო არ არის. „დაჯრა ნასაქმისა“ არსად არ არის გამოყენებული „ლექსთა თქმის“ მაგივრად, მაშასადამე, არც XVI საუკ. უცნობი პოეტის ენაზე უნდა ნიშნავდეს „ლექსთა თქმის“.

საქმე რომ მართლა ისე იყოს წარმოსადგენი, როგორც პ. ინგოროყვა გვიხატავს, სახელდობრ: უცნობ ავტორს, რომ „იოსებ ზილიხანიანის“ ძველი ტექსტი შოთასაგან დარჩენილი დაზიანებული ეპოვნა და მის რესტავრაციას შესდგომოდა სპარსელ პოეტის ჯამის ტექსტის მიხედვით, მაშინ რალა ექნებოდა მის ასეთი საკრძალავი და რუსთაველი რახედ უნდა გასწყრომოდა? ანდა განა რუსთაველის დაზიანებული ნაშრომის რესტავრაციად ჩაითვლება „იოსებ ზილიხანიანის“ სპარსულიდან (დამოუკიდებელი რუსთაველის ვითომ-და არსებული ტექსტიდან) ქართულად გადმოთარგმნა? ჩვენ ვფიქრობთ, რომ უცნობი პოეტის სიტყვები:

9₁₋₂ ეს ამბავი ადრინდელი ცოტა ვპაოვე დანარჩომი,
 ქართულადა გადეთარგმნე სპარსულადა მუნ ნათქომი—

უნდა გულისხმობდეს სპარსული ტექსტის პოენას, გამოყენებას და არა ძველ ქართულ ტექსტს, რუსთველის ნასაქმს, როგორც ეს პ. ინგოროყვას ჰგონია.

რუსთველს რომ იოსებ მშვენიერზე რომანი-პოემა ჰქონოდა დაწერილი ეს, საფიქრებელია, ფეოდალური დეკადანსის პოეტებს ეცოდინებოდათ. ამის კვალი კი არსადა ჩანს. პირიქით, რუსთაველს ისინი იცნობენ, როგორც „ერთი ამბის გარდამღექსავს“. გვიხსენოთ არჩილ II-ის „გაბაასება მეფის პატრონის თეიმურაზისა და მეღეჭსეთ დასაბამის რიტორის რუსთველისა“. რუსთველს იოსებ მშვენიერის რომანი რომ დაეწერა არჩილი ვერ ათქმევინებდა მას:

73, ვთქვი ჩემგან უწინ ართქმული, არც შემდგომთ მოსაპოვარი.

ვერც თეიმურაზი უბასუხებდა:

74, ერთი ამბის გარდაღექსვა არ მოხდება სჯობდეს ამ ასს.

ანუ:

106, ერთი ამბის გარდაღექსვა რა ძნელია ბევრის ვნით?

ასევე „ზაქიანის“ გამღექსავმა მაშუქა მდივანმა მხოლოდ ის იცის, რომ

3. შოთამ გაღექსა ტარიას და აეთანდილის ჭებანი,

ნესტანჯარს ჟუო ციციში თინათინს მოვალებანი,

მათ მოაზმარა გონება და მისინი ტკბილნი მკნებანი,

და სხვად არად სცაღდა, მათ ზედა იმღერდა, ვითა ებანი.

(„ზაქანზე“ გვ. 4)

თვით XVI საუკ. ამ უცნობმა პოეტმა მხოლოდ ის იცის, რომ რუსთველი თინათინ-ნესტანის მაქებარია. აი, რას წერს იგი პირველი კარის (აქა პირველი დაწყება ისუფ-ზილიხასი) დასასრულს:

17. თუმცა ზელქმნილი რუსთველი თინათინს აქებს არ აესა,

რესტან-დარეჯან ბროლ-ვარდსა გიშოის მანითა სარაესა:

იგინი ამას ვადაროთ, რა უთხრათ დაუფარავს!

ხუდება ვინებო არ ძალშიც, ჭებითა მოუგვარავსა.

უცნობი პოეტი თინათინსა და ნესტანს თავის ზილიხანს ადარებს:

„იგინი (ე. ი. თინათინ და ნესტანი) ამას (ე. ი. ზილიხას) ვადაროთ“
წერს იგი.

საფიქრებელია, რომ უცნობ პოეტს, თუ სადმე ჰქონდა საბაბი ეთქვა რამე შოთას რომანზე და მის გმირ ქალზე—ასანეთზე,—სწორედ აქ უნდა გაეხსენებინა იგი, მაგრამ უცნობი პოეტი აქ რუსთველის ყველასათვის ცნობილ თინათინ-ნესტანს იხსენიებს, რადგან რუსთველს იოსებ და ასანეთი არასოდეს თავის რომანის პერსონაჟებად არ დაუსახავს და იოსებ მშვენიერზე რომანი-პოემა არ დაუწერია.

განვიხილოდ ახლა, თუ რას შეიძლება ნიშნავდეს უცნობი პოეტის კადნიერი მიმართვა რუსთველისადმი.

რომე გადრე უკადრობა დაჯრა თქვეყნის ნასაქმისა.

ჩვენ ვფიქრობთ, რომ პოეტს აქ დაჯრა—მჭიდროდ დახურვის აზრთ აქვს ნახმარი. ასეთი ვაგება არ ეწინააღმდეგება ჯრა—ზმნის მნიშვნელობებს, რომელთაც იგი ლებულობს სხვადასხვა ზმნისწინების დართვით; ასე მაგალითად:

შეჯრა-შეტკეცა, რაც იგივე მიჯრა-ერთი საგნის მკიდროდ მიტკეცა-
მეორეზე, შეტკეცა-საბას განმარტებით-მიეჯარას ნიშნავს.

დაჯრა მაგ. კარისა მთის კილოებში დღესაც ხმარებაშია და კარის-
დაჯრა ნიშნავს კარის დახურვას, დაგულვას.

აი ვაჟა-ფშაველა როგორ იყენებს ამ სიტყვას მწერლობაში:

ხეზე შემოვდა ჩიტ პატარა
სხეულით ნახი, ტურფა, პატარა,
მშვიდის თვლების კარი დაჯარა (III ტ. 158).

ჩვენის აზრით გაკადნიერებული პოეტი ეუბნება რუსთაველს: „დახურე
შენი ნასაქმი (ე. ი. წიგნი) რადგან ახლა ჩემი დროა და ჩემის პოემისაო.“ სხვა
აზრით თითქოს არ უნდა იყოს უცნობი პოეტის შემომოყვანილ სტრიქონში.
რომ წიგნის მიმართ დაჯრა-დაგულვა იხმარებოდა ამას მოწმობს თუნდაც ი.
ტფილელის თქმა:

არც ის ვარგა არვირა თქვას კარგის კაცის გარჯილობა
გოდოლშიგან დაფარულსა, დაგულვას სჯობს გახსნილობა. ¹⁾

მაგრამ ესეც რომ არ იყოს. ერთია უდავო: ის განმარტება, რომელიც
მოცემული აქვს პ. ინგოროყვას სრულიადაც არ გამომდინარეობს
დაჯრა—ზმნის სწორი გაგებიდან. საყურადღებოა, რომ დასახელებულ წე-
რილის გამოქვეყნების შემდგომ, იგი, მის სხვა ვარიანტში, ¹⁾ კიდევ დაუბრუნდა
ამავე საკითხს და შეეცადა კიდევ უფრო „განმტკიცებინა ის აზრი, რომ
„დაჯრა“ ნიშნავდა ლექსად თქმას და დაიმოწმა ქაიხოსროს „ომანიანი“.
იგი წერს: „იხ. აგრეთვე ქაიხოსროს „ომანიანი“ სადაც ტერმინი „ჩამოჯრა“
(იგივე „დაჯრა“) ნიშნავს.“ ლექსად თქმას, თხზვას. „ომანიანის“ ლექსითი
ნაწილის ეპილოგში ნათქვამია:

ლექსი დადგეს და სიტყვები აწი სხვაებრ გაგრძელებისა,
ვიცი ამბავთა ჩამოჯრა უმეტრად დამედებისა. ²⁾

ამაზე მეტრ ძალატანება ფაქტებზე ძნელი წარმოსადგენია! ქაიხოსრო
სწორედ იმას ამბობს შემომოყვანილი სტრიქონებით, ერთგვარის მობოდიშე-
ბით, რომ მელექსეობის ძალა გამომელია (ლექსი დადგეს), ლექსად თქმას
ვანერებ და ახლა ამბებს მოვსაყლებ (ჩამოჯარი), თუმცა ვიცი, რომ უმეტრე-
ბაში ჩამომერთმევა ის გარემოება, რომ ლექსად ვეღარ ვთქვი და დანარჩენი
ამბები თბრობით მოვსაყლოვო, პ. ინგოროყვა კი აცხადებს: ქაიხოსროს
გაგებითაც ტერმინი „ჩამოჯრა“ ლექსად თქმას ნიშნავს!:

ამრიგად; პ. ინგოროყვას მიერ მოცემული განმარტება „დაჯრა“
ზმნის შესახებ არ არის სწორე და, მაშასადამე, მისი ცდა—დაამტკიცოს, რომ
შოთას მიერ დაწერილი იყო რომანი-პოემა იოსებ მშვენიერზე, უშედეგოდ
უნდა ჩაითვალოს.

¹⁾ იოსებ ტფილელი „დიდმოურავიანი“ გ. ლეონიძის რედაქციით. სახელგამო
1939 წ. გვ. 56, სტრ. 407.

²⁾ რუსთაველის ეპიკის სალიტერატურო მემკვიდრეობა; რუსთაველის კრებული თბ.
სახელგამო 1938 გვ. 15.

³⁾ იხ. საქ. მუხ. ხელნაწ. № 49-8 წ. ფონდისა 242 მეთოზე სტროფის 3—4 სტრიქონები:
ქაიხოსრო, ომანიანი. „ვეფხისტყაოსნის“ გაგრძელება რომანი XVII საუკუნისა გ. ჯა-
კობიას რედაქციით გვ. 65. (პ. ინგოროყვა არც ხელნაწერსა და არც ამ გამოცემაზე არ
მიუთითებს).

პირველი გამოცემა

ბ ე ს ი კ ი

(მ ე ნ ბ ტ რ ა ყ ი ა)

ქ. ანდრეიშვილი

განტანგ ორბელიანი

შეხვედი

თუმცა ბესიკის ბრწყინვალე პოეტური სიტყვა ქართული პოეზიის უძვირფასეს მემკვიდრეობას ეკუთვნის, მაინც ბესიკი ნაკლებად არის შესწავლილი. დღემდის ჩვენ არა გვაქვს ყოველმხრივ გარკვეული და დადგენილი ბესიკის პოეტური ტექსტი. ბესიკის შემოქმედებაც ჩვენამდე სრული სახით არ არის მოღწეული.

თვით ბესიკის ბიოგრაფიაში დღემდის ბევრი რამ გამოურკვეველია. ბესიკზე გავრცელებული ლეგენდები ძნელი გასარჩევია რეალურ ფაქტებისაგან, ასეთი ხვედრი დიდ პოეტებს რგებიან. განსაკუთრებით აღმოსავლეთში, სადაც პოეტის რეალური სახე ხშირად ფანტასტიურად იცვლება ხოლმე.—ამნაირი მოვლენა ბესიკის მიმართ, ბუნებრივია. ბესიკი არაჩვეულებრივ პოპულარული პოეტი იყო. მან შეეცა მამინდელი პოეზიის სფერო, იგი ჯერ კიდევ თავისი თანამედროვეებისგან იყო გაღმერთებული, როგორც პოეტების მეტრი, „მელექსეთბაში“, ანუ პოეტების მეთაური, ცნობილი „რუსთველისაებრ ხმატბილობით“ „მსგავსი რუსთველისა“ (იოანე ბატონიშვილი) „პირველი მესტიხე“. ისიც საგულისხმოა, რომ ბესიკს, როგორც დიდ პოეტს სიცოცხლეშივე ჰყოლია პანეგირისტები.

პოეტის სიკვდილის შემდეგაც, ქართული პოეზიის მპყრობელ ხმად ისევ ბესიკის სიმღერის ხმა იყო. ბესიკის ამღერებითა და ფორმით საზრდოობდა ჩვენ ანაკრეონტული „მუხაბაზური“ პოეზია. გაიხსენეთ ამ ეპოქის მრავალი ლექსი „ბესარაიონის ხმაზე“ დაწერილი, და ცხადი ვახდება, რომ ბესიკის ლექსის ბრწყინვალე არტისტიზმმა, ბესიკის ტკბილმა ხმამ დიდხანს შეუძლებელი ვახადა სხვა სიმღერის გავლენა საქართველოში.

თვით ნიკოლოზ ბარათაშვილის დროს, როდესაც მძლავრად გაისმა ახალი პოეტური სიტყვა, ქართველ რომანტიკოსების პლეიადას თავისი პოეტური რეპუტაციის დამკვიდრებისათვის ჯერ ბესიკის მელოდიური ხმის, ბესიკის ფორმალისტური გენიის მპყრობელობა უნდა დაეძლია.

ამ შემთხვევაში, მეტად ნიშნეულია გიორგი ერისთავის ერთი დავიწყებული ლექსი, რომელშიც რომანტიკოსი პოეტი აღნიშნავს ბესიკის პოეტური სახელის გარდულახველობას:

„მახსოვს ერთხელა, საღამოს ჟამსა,
იყო ყრილობა სახლსა დიდბულს:
ტურფათა გვამთა შექმნეს ცილობა,
რომე აწინდელთ ჰაბუტთა, შორის
არ არს მწერალი:

ბესიკის ნაცვლად ვინ არისო,
ვსთქვათ, მომღერალი?

რისთვის და ვისთვის, აწ მითხარით ვთქვა მე სიმღერა,
ვინ მოისმინოს ჩემის სულის სიმისა, ბგერა?“

ამ ლექსიდან ისიც კარგად სჩანს, რომ თვით ბარათაშვილის დროინდელი
ქართული საზოგადოება ბესიკის პოეზიაში სწორედ მის მუსიკალურ ხმასა და
ამღერებებს აფასებდა:

ბესიკის ნაცვლად ვინ არისო, ვთქვათ მომღერალი?

მეორე რომანტიკოსი პოეტიც ვახტანგ ორბელიანი განსაკუთრე-
ბით აღნიშნავს ბესიკის მუსიკალობას:

„აქა ისმენენ ბესიკისა
ხმასა ციურსა“.

საგულისხმოა ერთი ოფიციალური დოკუმენტიც, რომელშიც 1840-იან
წლების ქართული საზოგადოება ალტაცებას გამოსთქვამს სწორედ ბესიკის
ტკბილ ხმისადმი. 1840-იან წლების განუხორციელებელი ჟურნალის „სინათლის“
გამომცემელნი, აღნიშნავდნენ რა თავის განცხადებაში მთავრობის სახელზე
სწავლისა და ხელოვნების დაცემას საქართველოში, ნაღვლიანად ჰკითხულობ-
დნენ:

„აწ სადღა არიან ჩახრუხადენი, ვინა შავთელნი, რუსთველნი
და პეტრიწნი, სადღა ისმის ტკბილხმოვნება ბესიკისა?“.

ბესიკის „ტკბილხმოვანებით“ საკმაოდ დაეაღებულა ისეთი პოეტი, რო-
გორიც იყო ალექსანდრე ჭავჭავაძე, ბესიკის დაფნის მემკვიდრე.

დიდი შინაგანი ერთობა და ღრმა კავშირი აქვს ბესიკის პოეზიასთან
თვით ნიკოლოზ ბარათაშვილს, რომლის პოეზიაში უსათუოდ შეიმჩნევა
ბესიკის მგრძნობელობის მემკვიდრეობითობა და მისი პოეზიის ერთგვარი
ზედმოქმედება.

ბესიკის ბრწყინვალე პოეტური სახელის ფუძე მუსიკალური სტიქიაა. ბე-
სიკის პოეზია მუსიკიდან გამომდინარეობს, ბესიკი სმენის ოსტატია, მისი პოე-
ტური პრინციპი—მუსიკაა. „მან მრავალი შაირი დასწერა სპარსთა ხმათა
ზედა სამღერალი ქართულისა ენითა“, „გააკეთა სხუათა და
სხუათა ხმათა ზედან სიმღერისა ლექსები“. ამ ნოვატარობით ბე-
სიკს დიდი დამსახურება მიუძღვის. მან საათნავასთან ერთად გააქართულა სა-
სახლის და თბილისის ქუჩების მუსიკალური რეპერტუარი, რომელსაც
უმთავრესად ქართულ ფოდალურ არისტოკრატის ესთეტიურ ცხოვ-
რებაში აქტიური გავლენა ჰქონდა, ვიდრე მეჩვიდმეტე საუკუნის პირველ ნა-
ხევრიდან.

ბესიკს ჩვენ ვკითხულობთ, ისიც ზერეღედ, უცოდინარად, მაგრამ თანა-
მედროვენი ბესიკის ლექსებს მღეროდნენ. ბესიკის ლექსების უმრავლესობა მუ-
სიკალურ ინსტრუმენტისათვის იწერებოდა. დღეს ბესიკის ლირიკას ჭიანჭურის
სიმები დაშორდა, ამიტომ შემცირებულია ბესიკის სრულხმოვანება.

ბესიკის პოეტური მემკვიდრეობა მდიდარია და მრავალსახოვანი. ბესიკმა
შეჰქმნა სიყვარულის დიდებული სიმღერები, ელეგიური რომანსები, იგი დიდი

ენების და მღელვარების პოეტია, მის ეროტიულ ლირიკას დიდი გულწრფელობა და ძლიერი თავისებურება ახასიათებს.

თუ მძლავრია ბესიკის პოეტური პათოსი, მისი გულის ენებანი, არა ნაკლებ მომზიბლველია ბესიკის პოეტური ფორმის ბრწყინვალეობა, ლექსის პოეტური სიწმინდე, პლასტიურობა, დახვეწილობა, და რაც მთავარია, მუსიკალური გამოიმგონებლობა. ბესიკის მაღალ სიტყვიერი ოსტატობა და ნოვატორობა, ფორმალური და ტექნიკური ძიებანი—რიტმის სიმდიდრე, ლექსის ზომის მრავალგვარობა უნიკალურად ჰხდინა ბესიკის სახელს ქართულ პოეზიაში.

ბრწყინვალე მომღერლობასთან ერთად ბესიკი შხამიანი ეპიგრამატისტი და სატირიკოსია, შეუბრალებელი პოლემისტი. მის კალამს ეკუთვნის რეალისტური სატირული პოემა „რძალ დედამთილიანი“, რომელიც ბესიკის შემოქმედების პირველ პერიოდს ეკუთვნის და გურამი შვილის „ქაცვიამწყვესზე“ ადრე არის დაწერილი. ეს პოემა მითაც არის შესანიშნავი, რომ იგი ხალხური ფოლკლორის გავლენას ატარებს არა მარტო სიუჟეტურად, არამედ ენობრივადაც. ძველი, „ღმერთების დილექტის“ ბრძანებლობის დროს, ბესიკი გურამიშვილისგან დამოუკიდებელი გზის იკაფავს ცოცხალ სასაუბრო ენისკენ, თუმცა ისიც უნდა შევნიშნათ, რომ ხალხური ნაკადი ბესიკის პოეზიაში ვერ გაღრმავდა, პოეტი ვერ დაეუფლა საბოლოოდ ხალხურ სიტყვას და ერთგული დარჩა სქოლასტური სტილიზაციისა. ამიტომ ბესიკის პოეზიას ნაწილობრივ სიცოცხლიანობა აკლია.

ბესიკი იმავე დროს გმირული პათოსის პოეტია. მან შექმნა ახალი ეპიური შედევრები—„ასპინძისათვის“, „რუხის ბრძოლა“. ამ ნაწარმოებებში რომელშიც ბესიკი ბატალურ სურათების ოსტატად გვევლინება,—შესამჩნევია აგრეთვე ცდა ცხოვრებასთან ახლო მისვლისა. მისი გმირები ნატურიდან არიან გადმოწერილი, მისი პოეტური სიტყვა პრაქტიკულ მიზნების მატარებელია. ყოველივე ეს ერთგვარი რეაქციაა მაშინდელ სპარსულ საზღაპრო პოეზიის წინააღმდეგ და აქაც ბესიკი ნოვატორად წარმოგვიდგება.

ბესიკმა შექმნა აგრეთვე ახალი ქართული ოდა. ბესიკი დახელოვნებული პიანოგრაფია. ბოლოს მან არაჩვეულებრივ გაამდიდრა ქართული პოეტური სიტყვის კულტური. ამ შემთხვევაში დამახასიათებელია კალმასობის ცნობა ბესიკზე: „მოუთხოვნი ამისათვის, რომელ ჰსცოდნოდეს ზეპირად მთლად ლექსიკონი ქართული“. მართლაც, ბესიკი სიტყვის დიდი მეურნეა. და ბოლოს, ბესიკის ეპისტოლეებიდან და მოხსენებიდან სჩანს, რომ საქართველოს ლირიკულ პოეტს—იმპროვიზატორს ეკლესიური და პოლიტიკური მქვერმეტყველება ახა ჰკლებია; იგი ძლიერ დაუფლებულია სქოლასტურ რიტორიკის სტილიზაციას.

ბესიკი არ არის მხოლოდ ანაკრონტული პოეტი, ცხოვრებისა და ბედნიერების მომღერალი, როგორც ჩვენში მიღებულია. იგი იმავე დროს ტრაგიული პოეტია, ენერგიული პესიმისმის წარმომადგენელი. ამ მხრივ იგი ნ. ბარათაშვილის და ალექსანდრე ჭავჭავაძის უშუალო წინაპარია.

ბესიკის პოეტური მემკვიდრეობიდან დღეს ჩვენთვის ბევრია გაუგებარი, რამდენადაც ჩვენთვის უცნობია გენეზისი მრავალი მისი ლექსის, რამდენად მისი პოეზია გამოსცილდა თავის ეპოქის საზღვრებს, ბესიკის ზოგი ლექსი გაუგებარია მისი ბიოგრაფიის გარეშე.

ჩვენ გვიყვარს ბესიკი, მაგრამ ნაკლებად ვიცნობთ მის ცხოვრებას. ჩვენი სურვილი იყო შეძლების მიხედვით აღგვედგინა ბესიკის ძვირფასი სახე, ბესიკის საზოგადოებრივი ფრესკა, ამის მიზნით ზოგ წერილმანსაც გამოვეკიდეთ.

ვიორგი ლეონიძე



P. S. ორი სიტყვა ჩვენი გამოკვლევის შესახებ: არსებითად იგი ძველი (1930—1932 წ.) ნაშუშევარია. ბესიკის 1932 წ. გამოცემას („ფედერაცია“) დართული აქვს გამომცემლობის შემდეგი განცხადება: „ბესიკის აკადემიურ გამოცემას თან უნდა დართოდა ვიორგი ლეონიძის მონოგრაფია „ბესიკი და მისი დრო“, რომელიც სიდიდის გამო ცალკე გამოდის“.

გამომცემლობა მართლაც შეუდგა ცალკე წიგნად ბეჭდვას და როდესაც ოთხი ფორმა უკვე დაიბეჭდა და ნაშრომის ნახევარი უკვე აწყობილი იყო, მისმა მაშინდელმა ხელმძღვანელობამ ახირებული და გაუმართლებელი მოთხოვნითა და წამოაყენა, — შემემოკლებინა ნაშრომი მხოლოდ იმ საბაბით, რომ ხელშეკრულებით ნაკლები ფორმათა ოდენობა იყო გათვალისწინებული. ცხადია, წიგნის ბეჭდვის პროცესში ასეთი ოპერაცია ავტორმა მიუღებლად ჩასთვალა და ბეჭდვა შეაჩერა.

დღეს ჩვენ ძველ გამოკვლევას ვბეჭდავთ უცვლელად, თუ ანგარიშში არ ჩავაგდებთ მისს თითქმის ახალ „ვადათეთრებას“. გამოვტოვეთ მხოლოდ 64 გვერდიანი (უკვე 1932 წ. დაბეჭდილი ფორმებად) მიმოხილვა XVIII ს. საქართველოს პოლიტიკურ და კულტურული ვითარებისა. ამოვიღეთ აგრეთვე ბესიკის უცნობი პოეტური ტექსტები, რომელთა უმრავლესობა უკვე 1932 წლ. გამოცემაში გამოქვეყნდა. ზოგი ცვლილებები, რომელიც შემდეგში შევიტანეთ ჩვენს ნაშრომში, სქოლიოებშია აღნიშნული.

აქვე უნდა დავსძინო, რომ ჩვენი გამოკვლევა ბესიკზედ 1932—1941 წლებში რამდენჯერმე იქნა წაკითხული მოხსენებების სახით მწერალთა კავშირის საჯარო სხდომებზე.

გაბაშვილები

პოეტი ბესიკი წარმოშობით აზნაურ გაბაშვილების ძველ შტოს ეკუთვნის.

როგორც ბესიკი, ისე მამა მისი ზაქარია ოფიციალურ საბუთებში გაბაშვილობასთან ერთად „იოზიანად“, „იოპის ნათესავად“—აც იხსენიებოდა. აქედან ჩანს, რომ ვინმე იოზს, ისინი გვარის დამწყებად სთელიან, ანუ საგვარეულოს სასახელო წვერად. ვინ არის ეს იოზი? ხომ არ არის იგი ის „კეთილ ნაშრომი იოზი“, რომელიც მოხსენებულია სწორედ გაბაშვილების საგვარეულო „ლურჯ მონასტრის“ კარიბჭის წარწერაში? ამ წარწერის მიხედვით იოზი წარჩინებული ფეოდალია, „მამა ერისთავთ ერისთავის ქართლისა ამირასი და რუსთავეისა და შვიდთა მთეულეთისა პატრონისა, აბულასანისა და ბასილ ქართლისა მთავარ ეფისკოპოს ყოფილისა“¹.

თუ ეს ასეა, მაშინ გაბაშვილები ძველს ფეოდალურ გვარს უნდა ეკუთვნოდნენ, რომელიც შემდეგ საუკუნეებში თანდათანობით საგრძნობლად დაქვეითებულია. აღსანიშნავია, რომ ბესიკს უყვარს აღნიშნოს თავისი გვარის სიძველე. ხშირად იგი გაბაშვილობის ნაცულად „გაბაონად“ იწერება. იმავე დროს „გაბაონი“ ქართული ჰერალდიკის განმარტებით, პალესტინის იმ გეოგრაფიულ პუნქტს ჰნიშნავს, საიდანაც თურმე გაბაშვილები გადმოსახლებულან საქართველოში „დროსა ნაბუქოდონოსორისასა“. ამ გადმოცემით, ებრაელი გაბაშვილები ჯერ მცხეთაში დასახლებულან, შემდეგ, როცა თბილისი გაშენებულა, თბილისის პირველ მკვიდრთაგანნი ყოფილან. ასეთია ჰერალდიკური ლეგენდა, რასაც ბესიკის დროს დიდი ვასავალი ჰქონდა.

გაბაშვილები შემდეგ ხანგრძლივ ძლიერ მიწათმფლობელ და გავლენიან ფეოდალებად მოსიანან, როგორც „დარბაიელები და თავჩინებულნი თავადნი“. ერისთავებთან, ციციშვილებთან და მაჩაბლებთან ერთად, ისინი მაგ. მოხსენებულ არიან მე-XVI საუკუნეში 1536 წ. დიდი ლუარსაბის ერთ სიგელში (საისტორიო მოამბე, № 1, 1924²).

მე-17—18 ს-ნებში ეს გვარი უკვე ძალადამართებული და გაღარიბებულია. შემდგომი გაბაშვილებს ვეღარ შეურჩენიათ „თავჩინებულობა“ და „სახსო აზნაურებად“ ჩარიცხულან.

მე-XVIII—ს-ნის მიწურულამდე გაბაშვილები, როგორც კარისკაცები, დაახლოებული ყოფილან სამეფო კართან სხვადასხვა თანამდებობით (სუფრაჯი, მზარეულთ-უხუცესი, ბაზიერთ-უხუცესი. უკანასკნელი თანამდებობა ქართლის მეფეთა სასახლეში გაბაშვილთა საგვარეულო „სახელო“ იყო).

გაბაშვილებს არა იცოდათ გამოუჩენიათ შესაფერი ერთგულება თავის პატრონისადმი. ასე, ისტორიული პოემა „შაჰნავაზიანი“ 1655 წ. ბრძოლაში მათ მიაწერს დიდს ვაჟკაცობას და ერთგულებას ვახტანგ V-ისადმი. შემდგომი, 1706 წელს, ვახტანგ VI „პაპულის სითარხნის წიგნსა და ნიშანს აძლევს სწორედ ბესიკის წინაპრებს, —ერთგულთა და წესისებრივ მრავალფერად ერთგულად და თავდადებით ნამსახურთა, ყმათა, აზნაურიშვილთ—გაბაშვილთ“. ამ წყალობის წიგნით მეფე ანიჭებს „მათი კერძის ყმის სითარხნეს“ და ათავისუფლებს „ლაშქარ ნადირობის და სათათროს საურის“ გარდა, ყოველ სახელ-

¹ Па. Исоселвани, Описание Тифлиса, гл. 34.


² სხვათა შორის, გაბაშვილებმა, დავით და ნიკოლოზ 1542 წ. ააშენეს თბილისში, მთაწმინდის ეკლესია (საქ. სიძველენი, II, 125).

მწიფო გადასახადისაგან (საქ. სიძვ. II, 150); ექვსი წლის შემდეგ მეფე კვლავ ასაჩუქრებს მათ ახლად მოსყიდული მამულის „ათის წლის სითარხნითა“ (იქვე, 151). ალბათ „ერთგული და მრავალგვარი ნამსახურობა“ უნდა ჰქონოდათ გაბაშვილებს ასეთი წყალობის შოვნისათვის.

უნდა აღიშინოს, რომ შედარებით სხვა სახასო აზნაურებზედ გაბაშვილები მაინც მაღლა მდგარან ქონებრივად. ამ ფაქტს გვიდასტურებს მათი მიწათმფლობელობა. XVIII საუკ. მათ ისევ ვრცელი მამულები ეჭირათ. გარდა თბილისთან ახლოს მდებარე მამულებისა (ლისი, თბილეთი, ჯდელისი, წოდორეთი, ოქროყანა) თვით თბილისში, მათ საკუთრებას შეადგენდა დღევანდელი „გვირის“, „ვაკის“, და „მთაწმინდის“ ტერიტორიის შესამჩნევი ნაწილი, „ვერესგან შემდგარი დილომამდის“. მარტო „ვაკე“-ში, ვარაზის ზეგ ვალმა საგაბაშვილოს ერთ წარმომადგენელს 143 დლიური მიწა ეჭირა, „საავტროს მიწას გარდა“ (საისტორიო მოამბე, II, 187; 194 წ.).

ბისიკის ბენეალოგიური შტო *)

ოთარ გაბაშვილი (XVII საუკ.)



*) შედგენილია სწავლასხვა ისტორიულ დოკუმენტების მიხედვით.

ზაქარიას შესაფერი თეოლოგიური და ფილოსოფიური განათლება მიუღია. ქართულ საზოგადოებაში ის იყო ცნობილი, როგორც კაცი „დაღალული კატელორიითა, დიალექტიკითა, ტოპიკებითა და სილოგისმებითა“¹ „ძველთა ფილოსოფიისა სწავლასა შინა გამოცდილი და ღვთის-მეტყველებისა“ მიწვენილი.“² ქათალიკოსი ანტონ I თავის კაპიტალურ ნაშრომის „მზამეტყველების“ ეპილოგში სხვა თანამედროვე მეცნიერთა შორის: („უბრძნესნი... გამოცდილნი ფილოსოფოსობითა სწავლებათა შინა“) იხსენიებს ზაქარიასაც, როგორც წარჩინებულ ფეგურას³. როგორც ირკვევა, ზ. საკუთარი საფილოსოფოსო სკოლა ჰქონია, სადაც „ხედვითა შინა ფილოსოფოსობათა“, არა ერთი ქართველი მოღვაწე ვაწერთნილა. ასე, ანტონ I ქათალიკოსი, მზეუკაბუკ ორბელიანი—ცნობილი პოლიტიკური მოღვაწე XVIII საუკ. „კაცი რიტორი, მკოდენ ძველისა და ახლისა ფილოსოფიისა“, განუსწავლებია სხვებთან ერთად ჯ. გაბაშვილს⁴, ისაკ მცირესთან ერთად მისი მოწაფე ყოფილა, აგრეთვე ვინმე ანაქორეტი, ჰიმნოგრაფი იოანე კახი, „რომელიც სიყრმიდგან ახლდა ზაქარია მოძღვარსა და მასთან მოესმინა ფილოსოფია და ღვთისმეტყველება“⁵ და სხვ.

ზ. აგრეთვე იყო „მღვდლობით სრული“, მშვენიერი რიტორი და უცხო მოქადაგე“ მისიონერი. „კალმასობის“ ავტორის სიტყვით, „ამან იღვაწა ქიზიყსა შინა ქადაგებითა, რომელთა შორის შევიდა მცირედ ლეკიანობა და მალე მოაქცივნა იგინი“⁶.

ზაქარიას კარიერა ორბელიანთა მოძღვრობით არ დასრულებულა. როგორც ერთი ცნობა გვიმოწმებს, იგი შეუშინევია ზაქარიას მოწაფეს კათალიკოსს ანტონს და დაუწინაურებია („გააკეთა გაბაშვილი“-ო, გადმოგვეცემს ზ. ერთი პოლემისტი).

1744—45 წ.წ. ნიჟიერის კარიერისტი თეიმურაზ II-ის მიერ მიწვეული იქნა „მეფეთა მოძღვრად“⁷ (თეიმურაზ II და ირაკლი II-ისა), გამჭრი-

¹ იქვე 385, 386; საერთოდ ზაქარია ითვლებოდა საუცხოვო „მდივანმწიგნობარად“ იხ. საქ. ცენტრ. არქივის სიგელების ფონდი № 2861, 2232; S 726, 727.

როგორც 1764 წ. „გაწინებებიდან“ ირკვევა ზაქარია „წინადადებოდა მღვდლობასა შინა“ და ერთსაკებობაში სხვა სახელმწიბრებთან.

პატრიარქული ბოწვევითურა ტოტენტოელი თავის მოხსენებაში (1757 წ.) რომის კარდინალისადმი გადმოგვეცემს ანტონ ქათალიკოსის შესახებ: „პატრიარქის ნამდვილად გაკათოლიკების გამოსარკვევად მფეფ და მისმა მოძღვარმა რაბეტომ მოიმიზეზეს და მიაგზავნეს ერთი მონახონი, რომელიც მივიდა პატრიარქთან ასახსნელად“-ო (თმრშე., ისტორია კათოლიკობისა, გვ. 374). მკვი არაა, ამ ვადაშახინებულ ქართულ სახელში „რაბეთი“ ზაქარია მოძღვრის საერისკაცო სახელი იგულისხმება.

² იხ. „კალმასობა“, II ნაწ. (დაუბეჭდავი) H 2134.

³ „მზამეტყველება“ გვ. 604.

⁴ პლ. იოსელიანი, ცხოვრება მეფე გიორგი მეცამეტისა გვ. 241—242 (სქოლიო).

⁵ იქვე, გვ. 268.

⁶ H, 2134.

⁷ ზაქარია „მოძღვრად“ იხსენიება 1746 წელს, როგორც გვამცნობს მისივე ხელით დაწერილ ერთი სიგელის ბოლოსიტყვაობა: „აღიწერა აღმაქესი ესე... არარად სარაცხისა მღვდლისა მიერ, რომელსა ვიეთნიმე მამაკაცი მოძღვარ ზაქარია და სახელსა უწოდებენ“. (იხ. საქ. ცენტრარქივის სიგელების ფონდი, № 1861.

მართლაც, ჩვენ ვხედავთ ზაქარიას სასახლის საქმიანობაში გართულს. როგორც ფავორიტი, იგი ხშირი შუამდგომელია მეფესთან სხვადასხვა პირთათვის დახმარების აღმოსაჩენად¹, მონაწილეობს სხვადასხვა სახელმწიფო საქმეებში და ბოლოს მან დიდი როლი ითამაშა თეიმურაზ მეორის ოჯახურ ცხოვრებაში. ცნობილია, რომ დედოფალ თამარის სიკვდილის შემდეგ, თეიმურაზმა, მაშინვე შეირთო ცოლი, ზაქარიას „მრავალის შრომით და ლუწით“². აქედან სჩანს, ზაქარია მეფის ინტიმურ საქმეების რწმუნებულიც ყოფილა.

ცხადია, „მეფეთა მოძღვარი“ ეკონომიურადაც გაძლიერებული იქნებოდა³. ერთი პამფლეტისტი საგანგებოდ აღნიშნავს ზაქარიას ეკონომიურ კეთილდღეობას და ზედმეტ ანგარებასაც უკიჟინებს. იგი უწოდებს ზაქარიას „ხარბს“, „სულთ, გულით და გონებით ანგარებას გარეულს“, „ვერცხლის მხეცკელს“, რომელიც „განსუქნა, განსხვა, განზრქა“ და „ვერ დაეცია ტანში“. ვგონებთ, პამფლეტისტის სიტყვები არც ისე უნდა იყოს გადაჭარბებული. ზაქარია შეტად დაინტერესებული იყო თავისი პრივილეგიებით და ეს მალე დაამტკიცა იმ დიდ საეკლესიო მოძრაობაში, რომელიც მანვე ასტეხა. ეს იყო ანტონ I ქათალიკოზის დამხობის პროცესი, სადაც საბოლოოდ გამომგლავნდა ზაქარიას გავლენიანობა.

ანტონ I-მა ჯეროვანი ყურადღება მიაქცია ეკლესიის ორგანიზმის გათიშვას, მან გამოუტყხა ბრძოლა ეპისკოპოსების მიერ საეკლესიო მამულების თვითნებურ მმართველობას და შეუდგა თავის ხელისუფლების ცენტრალიზაციას. ალავმა რა თანდათანობით უფლება ეპარქიალურ მმართველებისა, მონასტრების გამგეებისა, რომელნიც უკანტროლოდ განაგებდნენ საეკლესიო ქონებას და შემოსავალს, ანტონმა მალე ხელთ იგდო საეკლესიო ქონებათა მართვა გამგეობა და შეზღუდა იგი დამოუკიდებელ ხმარებისაგან. მან აგრეთვე გაბედული იერიში მიიტანა მემამულე თავადებზე, რომელნიც არ ერიდებოდნენ საეკლესიო მამულების სეკულიარიზაციას.

თავის საეკლესიო რეფორმებს ანტონი უმორჩილებდა სახელმწიფო ინტერესებს, ცენტრალურ აპარატს, რომელსაც დაუტყბომლად ებრძოდნენ ფეოდალები.

ქათალიკოზის დაბიჯებმა დიდი უკმაყოფილება გამოიწვია, როგორც ეკლესიურ ისე სერო ფეოდალურ წრეებში. ორი ენერგიული დაჯგუფება შეერთდა ოპოზიციურ პარტიად ანტონის წინააღმდეგ, ხოლო მათი ბელადობა თვით ზაქარიამ იკისრა. ამ ამბავს ერთი შემთხვევაც ზედ დაერთო. ცნობილია, რომ ანტონმა, როგორც ევროპის კულტურის ორიენტაციის მოღვაწემ, სხვა რეფორ-

¹ თავგადასავალი იესე ოსეს შვილისა. გვ. 39, 46, 47.

² იქვე, გვ. 14.

³ ზ. მთაწმინდელის სიტყვით, ზაქარიას ეკონომიური გაღონიერების მიზეზი ისიც ყოფილა, რომ მას გამოუმგლავნებია ცნობილი შეთქმულება პაატა ბატონიშვილისა ფრეკლეს წინააღმდეგ (1765), რის სამადლობლად მეფეს მამულებით დაუჯილდოვებია (იხ. „ბეესიკი, 1886 წ., გვ. 5). მაგრამ მთაწმინდელის ცნობა სწორი არ არის, შეთქმულების გამომგლავნებელი იყო არა ზაქარია, არამედ ვინმე მღვდელი—ქირისტისია (იხ. ალ. თრბელიანი, რჩეული ნაწერები. 1879 წ. გვ. 103) ამ ხანისთვის ზაქარია უკვე ჩამოშორებული იყო სასახლეს.

მების შემოღებასთან ერთად გაილაშქრა ძველი აღზრდის სისტემის წინააღმდეგ. მან სცადა შემოეღო ევროპული საღვთისმეტყველო სკოლა, რაც დიდ უკმაყოფილებას იწვევდა ბიზანტიური სკოლის მიმდევართა შორის. ევროპულ მეცნიერებისათვისების ნიადაგზე ანტონი დაუახლოვდა პაპის მისიონერებს და მათი ზეგავლენით მიიღო ევრეთწოდებული „ფლორენციის უნია“ — პაპის უბირატესობა, ანუ რომის პაპის უცოდველობა და (Filioque)¹. ოპოზიციამ სწორედ ეს ფაქტი გამოიყენა ოფიციალურად. მხნე ზაქარიამ 1754 წ. გამოამეღებინა ანტონის საიდუმლო უნიატობა და განგაში ასტეხა. აღწვთებულ თეიმურაზ მეფემ მოიწვია საეკლესიო კრება ზაქარიას ენერგიული მონაწილეობით, კრებამ გამოტეხა ანტონი „გაფრანგებაში“ და ორტოდოქსალურ ეკლესიის ღალატისთვის შესაფერად დასაჯა. ზაქარიამ არ დაინდო თავისი „კეთილმოქმედი“. მისი დიდი მონაწილეობით ქათალიკოზს „ახადეს მადლი მღვდელმსახურებისა“, ერთი ცნობით, განძარცვეს საბერო ტანისამოსი, მოხადეს საპატრიარქო ბარტყულა, შეკრიპეს და თმაწვერი. მისი თანამზრახველი ზოგი დასაჯეს გაძევებით, ზოგი ქონების კონფისკაციით. თვით ანტონი გადასცეს სამოქალაქო მთავრობის საპურობილეში ჩასახშელად. იგი 18 თვე ბატიმრად იყო სოფელ კავთისხევში (S 3181). შემდეგ ანტონმა საჯაროდ მოინანია „ლათინთა წვალება“ და მეორე კრების (1756 წ. 4 აპრ.) დადგენილებით გაძევებულ იქმნა რუსეთში.

ერთი სიტყვით, ზაქარიამ მოახდინა სრული გადატრიალება სასულიერო მთავრობისა, ანუ როგორც მისი ოპოზიციონერი ამბობს:

„იმ ზუცესმან, მეწებელმან,
„წებებული ჰყო ქართლ-კახეთი“²

ერთი საბუთი გვიამბობს, რომ ზ. დიდი მღვლვარება გამოიწვია ქართულ საზოგადოების ფართო წრეებში, „შეა უსჯულობა იგი სიძულვილისა, მოყვასთა და ძმათა თვისთა“. ზაქარიამ როგორც გამოცდილმა დემაგოგმა ანტონის „გაფრანგების“ საფრთხის საკითხი მასაშიც გადაიტანა. მდებრიო თანატოკოსი ხალხი აღსდგა ზ. დაძახილზე და გაცოფებული მიესია უნიატებს. ზ. მიერ გამოყვანილმა დემონსტრანტებმა თვითგასამართლება მოუხდინეს ანტონის თანამგრძობლებს³. მათ შორის ქუჩაში მოკლეს რამდენიმე ქალი, ხოლო ცილდაწამებული თვით მეფის თეიმურაზის მამიდა „ძაღლთა და მხეცთა მისაგდებლად“ ქუჩა-ქუჩა ათრიეს⁴. ბრბომ უპირველესად ფრანგის მისიონერები არ დაინდო. ზაქარია ბრბოს ასე აქეზებდა: „ფრანგების დახოცვა და მათი ლუქმა-ლუქმა დაკეპვა ცოდო არ არისო“.

¹ რომის ეკლესიის აღიარებით სულიწმინდის ძისაგანაც გამომავლობა.

² S 1512. გვ. 969—963; „ივერია“ 1879, № 7—8.

³ მათ შორის ზ. დაამო რამდენიმე გავლენიანი ეპისკოპოსი, საქვეყნოდ გაიკცა ერეკლეს და ანა ბატონიშვილი, რომელიც სიმპატის იწინდა ანტონის ჯგუფისადმი. დასაჯა ანტონის მიმდევარი იოანე ორბელიანი — ცნობილი ფილოსოფოსი და სამეფოს მდივანბეგი: „სრულ ზელი ააღებინა სახლსა და არე მარეზე“, დააპატიმრა და შემდეგ გააძევა საქართველოდან.

⁴ „ივერია“, № 1879 № 7—8.

ერთი ენერგიული დაკვრით ზაქარიამ გაანადგურა ანტონის პარტია და ცდა მისი რეფორმებისა. თუ რა ცხარე ბრძოლა უწარმოებია ზაქარიას და მის მიმდევართ ანტონის წინააღმდეგ მისი განდევნის შემდეგაც, ამას ჰმოწმობენ თვით რუსეთში მყოფი ანტონის სიტყვები: „მგონებელთა უკვე ქართულთა ჩემდა იონა ყოფად ჰგონეს და ცხრობა საქართველოსა ზედა აღძრულთა მათ ლელუათა და პერათა რისხვისა ღვთისათა და გამოიღეს წილი ზღვასა შინა შთაგდებად ჩემდა, გარნა შთაგდებასავე მყის არა დაჰსცხრეს და არა დაყუდნეს ქარნი და ლელუანი განსაცდელთანი“-ო.

ანტონის დაღეის შემდეგ ზაქარიას ოფიციალური მდგომარეობა უფრო განმტკიცდა. მტრების ჩამოშორების შემდეგ დიქტატორი შეუდგა ეკლესიის „გამოჯანსაღებას“. მან შემოიყარა კონსერვატული ელემენტები სამღვდლოებისა სამოქმედოდ და ახალი ნომინალური ქათალიკოსიც თვითონ გამოარჩია:

„ქართლსა და კახეთს მოჰებნა,
იპონა ერთი უცები,
ქათალიკოსად დაგვისვა,—
გაჰკვირდენ ბერი, ხუცები“.

როგორც გადმოგვცემს განდევნილი ოპოზიციონერი.

ამიერიდან უზრუნველყოფილი იყო ზაქარია მოძღვრის ავტორიტეტი-კარიერის განმტკიცებასთანვე, მან გახსნა საფილოსოფოსო სკოლა მეტეხში და სცადა „სიახლე“ შეეტანა საეკლესიო ლიტურგიულ გალობაში:

„მიმოშლად იწყო გალობა,
ქართლს ენახე თქმულები.
ხმაც შეშალა და გალობაც,
ჩაურთო შიგ სპარსულები“...

ერთი სიტყვით, როგორც ზაქარიას პამფლეტისტი ამბობს: „საქმენი ჰქმნა „ცხოვრებაში“, ე. ი. ისტორიაში დასაწერი. ანტონის დამხობის აქტი მართო საეკლესიო ამბავი როდი ყოფილა. იგი იმავე დროს ძლიერი პოლიტიკური მნიშვნელობის აქტიც იყო. რადგან, თავისთავად ეკლესია ფეოდალური სისტემის სახელმწიფოში დიდმნიშვნელოვანი ორგანიზაცია იყო და თვით კათალიკოზი იერარქიულად მეფის თანატოლი ბიროვნება იყო, აქედან ცხადი ხდება ზაქარია გაბაშვილის ავტორიტეტი. მაგრამ ისტორია მალე გამოერდა. მოახლოვებული იყო კრეატურის დამხობაც. იშლებოდა ახალი ეპოპეა. 1762 წ. პეტერბურგში გარდაიცვალა თეიმურაზ მეორე და ქართლკახეთის მეფედ გამოცხადდა ერეკლე მეორე. იგი არ თანაუგრძნობდა მამას ანტონის დამხობის საკითხში. როგორც შორგამჭერტელი და გამჭრიახი ადამიანი, იგი ცდილობდა სახელმწიფო მმართველობის ევროპიზაციას რუსეთის გზით. ცხადია, მისი და ანტონის სიმპატიები მეტად ახლოს იყო. და ერეკლემ სამღვდლოების დაუკითხავად დაუყოვნებლივ მისწერა ანტონს, რათა იგი რუსეთიდან დაბრუნებულიყო და მასთან ერთად სახელმწიფო ტვირთი გაენაწილებინა: „შენი ამ ქვეყნიდამ დაკარგვა ჩვენ უნდა დაგვემძიმოს, ვისაც ჭკუა აქვს. მე უშენოდ ვერ ვიქნები“—სწერდა ანტონს ჯერ კიდევ მისი ახალ განდევნის დროს. გა-

ხარებული ანტონი დაბრუნდა 1763 წ., ხოლო 1764 წ. 5 მარტს ისევ აღადგინეს საქართველოს ეკლესიის მეთაურად.

დაღვა რევანშის დრო. უფლება აღდგენილი პატრიარხი სასტიკად უნდა გამკლავებოდა იდეურ მტრებს და უპირველესად ზაქარიას, რომლის შესახებაც ჯერ კიდევ რუსეთიდან სწერდა თანამგრძობელთ: „იმედი მაქვს, რომ დღენი თუ გაგრძელდენ, თითონ ის ჩამოეკიდება მისივე ხელით გამზადებულ სახრჩობელაზეო“¹. ამ განზრახვაში ანტონს ხელს უწყობდა თვით ერეკლე, რომელსაც ზაქარია „არა უყვარდა“². ანტონის ჩამოსვლისთანავე მეფესთან შეთანხმებით, ზაქარიაზე „განუკითხველად და ულაპარაკოდ განაჩენი დაწერეს და სახლკარი წაართვეს“ და მღვდელმოქმედება აღუკრძალეს. ასევე გაუსწორდნენ ზაქარიას თანამზრახველთაც, რომელთა რიცხვი საკმაოდ დიდი იყო.

გამწარებულმა ზაქარიამ ახლა აღარც მეფე დაინდო და იგიც „მწვალებლად“ და „სჯულის დამთურგენლად“ გამოაცხადა. მეფე მოერიდა განხეთქილებას. მაგრამ მოძღვარი გადავიდა იმერეთში და სასტიკი აგიტაცია დაიწყო მეფისა და ქათალიკოსის წინააღმდეგ, როგორც „მწვალებლებისა“. რამდენიმე ხნის შემდეგ ერეკლემ და ანტონმა ზაქარია დააბრუნეს და შესარიგებლად მოციქულებიც მიუგზავნეს. მაგრამ ზაქარიამ სასტიკი უარი შეუთვალა. მაშინ სიონის ტაძარში შემოსილმა ქათალიკოსმა წირვის დროს დაიჩოქა და მთრთოლვარე ხმით წარმოსთქვა: თუ მე ვიყო მწვალებელი, აზრით და გონებით მომხრე ლათინთა სარწმუნოებისა, ვიყო წყევული, კრული, შეჩვენებული სულით, ხორციით და საფლავითო, და უკეთუ ცილისწამებით მბრალედეს მე ზაქარია ხუცესი,—იგი დაიწყევლოს ამ შეჩვენებითო. ამ სიტყვების შემდეგ, როგორც ერთი გადმოცემა ამბობს, ანტონმა სახალხოდ შესთხოვა ზაქარიას, რათა მის გაეთანტა უმართლო ეჭვი და ნება მიეცა შესარიგებელ ამბორისა; მაგრამ ზაქარიამ არ უპასუხა და მისგან პირიც მიიბრუნა³. ხოლო „განჩინება ზაქარიაზე“ გადმოგვცემს, რომ ამის შემდეგ მან, „ეშმაკეულმან წარმოსთხია კვალად სიმყარაღვი თვისი“ და პირიქით შეაჩვენა ანტონი და მისი მომხრეებიო.

მაშინ მღვდელმთავართა კრებამ დაადგინა, რაკი „უკეთურმა ხუცესმა“ არ შეიწყნარა ქათალიკოზი და მწვალებელი უწოდა თვით მეფეს, ამიტომ იგი, როგორც ცილისმწამებელი და „ქრისტეს სავენახეს გამრყენელი“, „ეკლესიის აღშფოთებისა და განხეთქილებისათვის საქართველოჲსა ეკლესიისა ზედა აღდგომისათვის და მწვალებლად წოდებისათვის მისისა და მრავალთა მათ უკეთურებათა მისთა“, განკვეთილ იყოს მღვდლობისაგან, შეჩვენებულ, შგერული და დაწყევლილიო.

ბოლოს შეიპყრეს და კრებაზე მიიყვანეს, სადაც ზაქარია „ზეაობით და დაუმდაბლებლად“ უპასუხებდა თავის მტრებს. მან კრებაზედ კიდევ განაცხადა საჯაროდ ბრალდება მეფისა და პატრიარხისადმი.

¹ თუმცა იმავე დროს ზაქარიასგან დაშინებული ფიციებოდა „პირველ სიყვარულს სულიერ მამობას და ძეობას განუკვეთელს და მეგობრობას განუყრელს“. იხ. 1512.

² იხ. S 3181. (პლატონ იოსელიანის ცნობა)

³ А. Муравьев, Грузия и Армения, III, гл. 18—19.

ზაქარია არ ცხრებოდა. მაშინ „მაგინებელი მეფისა“, „გონება იგი ასურასტნელი, ღმერთოცნებული თავისაგან თვისისა“, საბოლოოდ გაიმეტეს და განკვეთეს, შეკრიპეს, წაგვარეს ცოლშვილი, წაართვეს ქონება, მამულები. ასევე გაუსწორდა ხელისუფლება მისს მომხრეებსაც, რომელთაც თმა და წვერი დაკრიპეს და მონასტრებში ჩაკეტეს. ერთი სიტყვით, გამეორდა ის თეატრალური სანახაობა, რაც რამდენიმე წლის წინათ თვით ზაქარიამ მოუწყო „თავის სულიერ ძეს“. ამ რიგად ქართველი კონსერვატორების პარტია დამარცხდა და მოხდა სასტიკი ვასწორება.

დამარცხებული ფეოროიტი მაინც არ ღალატობს თავისს პოზიციებს. მან მოახერხა მონასტრის ვიწრო სენაკიდან თავის დაღწევა და ჩუმაღ გაიპარა იმერეთს „სივერავითა“, თითქოს მეფემ მისცა ნებართვა წასვლისა. „წარვიდა სხვად სამეფოდ ამისთვის, რათა ეკლესია საქართველოსა კეთილშესახურით მეფითურთ მწველებლად გამოაცხადოს“ (S 31721). მაშინ ქართლ-კახეთის მთავრობამ გაძევებული ზაქარია კანონს გარეშე გამოაცხადა.

იმერეთიდან ზაქარიამ რუსეთში წასვლა გადასწყვიტა და იქ ძლიერი მფარველის შოვნა სინოდის სახით. თავის განდევნას ზაქარია ასე აგვიწვრს ლექსად:

„წიგნი დასდევს ქუფრი ბინდი,
 მითხრეს: აღიარე ინდი.
 ფრანციცულად გალიინდი,
 თორემ გაჭრცვით, ვით სიმინდი!
 პაპის სჯულზედ მე შეეწყინდი,
 იყო სულის წარმწყვინდი.
 მითხრეს: რადგან დაგვიინდი,
 ივსეთის მთას გარდაფრინდი!

„მოიპარსა რა ნიკაპი,
 მით უარ ვყავ ქოსა პაპი,
 აღმაფრინეს, ვით რომ ღაპი,
 აღმათრევს მწვირე, ტლაპი.
 რაც მებადა, უყვეს ყლაპი,
 გამოძიებს შიშველ ღლაპი“.

1767 წ. ზაქარია ჩავიდა ყიზლარს, საიდანაც წინასწარ მოქმედება დაიწყო ანტონის წინააღმდეგ რუსეთის დიდგვალენიან სასულიერო წრეებში. ერეკლემ და ანტონმა გადასწყვიტეს მისთვის გზა თავშივე მოეჭრათ. მათ რუსეთში აცნობეს, რომ ზაქარია „ღირსად და სამართლად განიკვეთა, მღვდელობისაგან შეიჩვენა და ანათება იქმნა.“ და როგორც „უკეთურს“, და „ბოროტ განმსჯელს“, ნუ მიუშვებთ სამღვდლო მოქმედებაში, ნუ შეიწყნარებთ, როგორც ქრისტიანეს“, რადგან „ყოვლისაგან ქრისტიანეთა მადლისაგან შიშველი არისო“¹.

¹ მეფისა და ქათალიკოზის რისხვა ზაქარიას მიმართ იმდენად ძლიერი ყოფილა, რომ თვით XIX საუკ. 40-იან წლებში რუსის მწერალ-არქეოლოგ მურავიოვს შეუნიშნავს: „გაბა-შვილების გვარი დღესაც არასაბიძგოდ ითვლებათ“. (Грузия и Армения. III, стр. 19—26). ამ მხრივ საყურადღებოა ის ფაქტიც, რომ განდევნილ ზაქარიას შთამომავლობა მხოლოდ 1826 წელს დაბრუნდნენ თბილისში, როგორც ერთი წიგნის შემდეგი მინაწერი გვამცნებს: „ეს იოანე მოციქულის გამოცხადების თარგმანი შოვიყიდე მე ანტონიმ არხიდაკონმან უის კონსტანტინე გაბაშვილისაგან 1826-სა წელსა, ივნისის 4-სა. ამ რიცხვშიდ გადასახლნენ ისინი იმერეთიდან ტფილისშიდ“. გვ. 208.

ზაქარიამ მინც ჩააღწია მოსკოვსა და პეტერბურგს (1768 წ.), იჩილა სინოდის წინაშე და კიდევ ახალი საბუთი წააყენა ანტონის პაპისტურ „ბოროტმადიდებლობის“ შესახებ (ანტონის ერთი ეგზეგეტიკურ შრომის შესახებ) და ცრემლით მოითხოვდა თავის უფლებებში აღდგენას. მან სამი წელი დაჰყო რუსეთში და მიუხედავად ავადმყოფობისა და სიღარიბისა, ენერგიულად განაგრძობდა თავის რეაბილიტაციას. ამ დროს კი რუსეთს თავისი პოლიტიკური ანგარიშები ჰქონდა ერეკლესთან. ამიტომ ყურადღება არ მიაქციეს ზ. ლეონტურ დისკუსიას. სინოდმა იგი არ შეიწყენარა და 1770 წ. უბრძანა დანაშაული მოენანიებინა ანტონის წინაშე.

მაშინ იმედგაცრუებული ფანატიკოსი მოსკოვში მცირე ხნით შეეხიზნა ვახტანგს VI-ის ოჯახს, რომელსაც დინასტიური მტრობა ჰქონდა ერეკლესთან, ხოლო იქიდან 1771 წ. ჩავიდა იმერეთში სოლომონ პირველთან, რომელიც აგრეთვე უთანხმოებაში იყო ქართლ-კახეთის მფლობელთან.

რუსეთიდან დაბრუნებულ ზაქარიას შესახებ დაწერილებით აღარა ვიცით რა, იმის გარდა, რომ ქართლ-კახეთის საერო და სასულიერო მთავრობის ეს დაუძინებელი მტერი ცხოვრობდა ქუთაისსა და გელათში, სადაც კიდევ დასაფლავდა¹.

¹ 1772 წ. ზაქარია უკვე ქუთაისში სწავს. ამ წელს, 15 თბათვის თარიღით ხოჯავანთ მღვდელს იოვანეს თავის დღიურში შეუტანია: „ბატონიშვილი აღექვანდრე (სოლომონ პირველის ვაჟი, გ. ლ.) და ზაქარია მოძღვარი ვნახე“, H 2782.

1780 წ. 26 მაისს ზაქარია ჯერ კიდევ ცოცხალია. ამ წელს მას დაუწერია ვანის ეკლესიის წიგნი და სიგელი (იხ. ცენტრარქივის სიგ. ფ. № 2232).

პლატონ იოსელიანის ცნობით, ზაქარია გარდაიცვალა 1780 წლ. ახლო და მარბია თბილისში, ვერის „ლურჯ-მონასტერში“ (იხ. Описание Тифлиса, გვ. 39).

იოსელიანის ცნობის თანახმად გამოდის, რომ ზაქარია დაბრუნებულა თბილისში, ე. ი. შეპირებია თავის მტრებს. მაგრამ ეს ცნობა მცდარია. სეფეხა ე. თაყაიშვილიც, როცა ამბობს, სინოდისგან ნაპატიები ზაქარია ანტონმა აღადგინა თავის ხარისხშიო. იხ. (Известия Моск. имп. арх. общ., III, 145. 1913. წ.) ზაქარიას შეიღის ოსკეს წერილებიდან მტკიცდება, რომ ზაქარია აღარ დაბრუნებულა თბილისს, არამედ გარდაცვილია იმერეთს და მარბია გელათში. „სრულად სოფელი დატუტევი და გაენათის მონასტერსა მიემართე და დავესადგურე, მუნ დამარხვა შენება მამა ზაქარიასთან“-ო—სწერს იგი რუსეთიდან ანა დედოფალს. „კალმასობის“ ავტორიც ამტკუნს, რომ „ზაქარია მოვედა იმერეთს და მუნ განისვენა“-ო H 2134.

1888 წელს ვახუთი „იგურია“ იუწყებოდა:

„განსვენებულს პლატონ იოსელიანს დარჩა დიდძალი საისტორიო მასალა. ამათ შორის ყველაზე უფრო შესანიშნავია რამდენიმე ძველი სიგელ-გუჯარი, სამეფო განჩინება, საეკლესიო გარდაწვეტილება და სხვანი. ეს მასალები შეეხება საქართველოში კათოლიკური სარწმუნოების გავრცელების ისტორიას; ანტონ კათოლიკოზის მოქმედებას, ზაქარია მღვდლის პატივადან შედგენილს დასს, რომელიც ანტონ კათოლიკოზის წინააღმდეგ იბრძოდა და რომლის წყალობითაც ანტონ კათოლიკოზი ჯერ დააპატიმროეს და მერე რუსეთში განაძევეს. სხვათა შორის ნაამბობია, თუ რა განასაძეველი დააყენა ანტონის მიერ ნათარქმის „ორმოცი მოწყალებს“ მაშინდელმა სასულიერო ცენზურამ, რომელსაც წიგნი აღუკრძალავს.

იმავე მასალებში მოხსენიებულია ანტონის საქართველოში დაბრუნების ისტორია, ზაქარია მღვდლის განკვეთა და მღვდლობიდან გადაყენება. იქვე მოყვანილია ზაქარია მღვდლის საიგურო ანტონ კათოლიკოზისზე; ეს საინფორმაციო მასალა რუსეთის სინოდში გაუგებანია ქართულად დაწერილი. ყველა ეს ძვირფასი საისტორიო მასალა ტფილისიდან 25-მ. საბინის წყლითა პეტერბურგს. ეს ძვირფასი მასალა პ. იოსელიანის სიკვდილის შემდეგ ხელში ერთს შეწერილხანეს ჩავოღნია, მერე საბინის შედქნია“. (№ 138).

იოსებ, ანუ ოსე გაბაშვილი—ავტორი პოპულარული „ანბანთ ქეზისა ბატონიშვილის ელისაბედის სამკებრად“¹.

თანამედროვეთა შეფასებით იგი დაწერილია სიტყვის დიდი ჟონგლიორობით ანუ „საკვირველის პიიტეკოსობით“. ხსენებული ოდა თითქმის სავალდებულო ელემენტი გახდა XVIII—XIX საუკ. პირვ. ნახ. პოეტურ ანტოლოგიებისთვის (A 1091). საინტერესოა აგრეთვე ოსეს მიმოწერა იმერეთის დედოფალ ანასთან².

ნიკოლოზ გაბაშვილი—„შესნაია შემთხვევი“, ცნობილი „მეტეირის“ სახელით (H 2134). ზაქარიას ძმისწული.

* * *

ბესიკის დროს გაბაშვილთა გვარიდან ლიტერატურულ ასპარეზზე ცნობილი იყვნენ აგრეთვე:

მისი ბიძაშვილი, ზაზას ასული მათა გაბაშვილი, —ავტორი შაირებისა და ზმა—გამოცანებისა (S, 1582, გვ. 32—40; H 1193) და ტიმოთე გაბაშვილი, ცნობილი მოგზაურობის ავტორი, ფილოსოფოსი, ღვთისმეტყველი, რომელმაც ანტონ ქათალიკოზს ბერად აღკვეცა შთააგონა.

¹ H, № 394 და სხვ. ბესიკის უფროს ძმას იოანეს (შემდეგ მიტროპოლიტი) 1779 წ. როცა იგი იერომონახი ყოფილა, დაუწერია: „სვინდისისა მიმართ განბჭობა“ (A 609).

² ოსეს მიმოწერა იმერეთის დედოფალ ანასთან დაცულია სამეცნიერო აკადემიის საახიო მუზეუმში, საიდანაც ნაწილობრივ გადმოეწერე 1928 წელს (სრულიად გადმოღებული და დაბეჭდილი, თუმცა ჯერ გამოუცემელი, აქვს პროფ. ს. კაკაბაძეს, რომელსაც ანაბეჭდების თხოვნისათვის დიდათ ვმადლობ).

1889 წელს ოსეს რამდენიმე წერილი თავის ასულისადმი და დედოფალ ანასადმი, შეძენილ იქნა ჩვენს მიერ საქ. სახელმწიფო ლიტერატურულ მუზეუმისათვის.

ბესიკის ყრმობა და სიზაზუჟი

**

ბესარიონ გაბაშვილი 1751 წელს დაიბადა¹.

ბესიკი მეფის ფავორიტის კალთაში იზრდებოდა. პოეტის მამა ქართული ეკლესიის დიდგავლენიან პირად და სასახლის ახლობელ ადამიანად ითვლებოდა.

სხვა კონკრეტული ცნობები ბესიკის ბავშვობის შესახებ, არ მოგვეპოვება, მაგრამ ერთი უტყუარი უნდა იყოს, რომ ბესიკის აღზრდას თვით მისი მამა ზაქარია ხელმძღვანელობდა.

XVIII საუკუნის პირველნახევარში მძიმე პოლიტიკური ვითარების გამო სწავლა-აღზრდის საქმე საქართველოში მეტად დაბალ დონეზე იდგა. ჯერ კიდევ ბატონიშვილი ვახუშტი ნაღვლიანად შენიშნავდა: „არს ეამი რაოდენიმიე, არლარა ისახელების ცოდნა, თვინიერ წიგნის კითხვისა და წერისა, გალობა-სიმღერისა და სამხედროსაგან კიდე და ჰგონებენ დიდ მკოდინარობად“ (გეოგრაფიული აღწერა, 36). მაგრამ ბესიკის ბავშვობის წლები სწორედ მით არის შესანიშნავი, რომ ამ დროისთვის სწავლა-აღზრდის საქმეში დიდი გარდატეხა ხდებდა და თბილისში ეწყობა ევროპული სკოლა ანტონ I ქათალიკოსისა, სადაც ლეთისმეტყველებასთან ერთად ასწავლიდნენ: გრამატიკას, ისტორიას, არითმეტიკას, გეოგრაფიას, მეტაფიზიკას, ლოლიკას, დიალექტიკას, არისტოტელის კატილორიებს, ვოლფის ფიზიკას და ბაუმესტრის ფილოსოფიას. რასაკვირველია, აქ აღზრდის ტრადიციის სისტემიდან შედიოდა: კანანაბი და დამწერლობა, პიიტკია და რიტორება, მწიგნობრობა და მთარგმნელობა და შეძლებისამებრ „უცხოური ენა და წიგნი“.

ვეიქრობთ, ბესიკი უნდა ასცდენოდა ანტონის სკოლას². საერთოდ კი აღზრდისათვის ხელსაყრელი პირობები უნდა ჰქონოდა. ჩვენ უკვე ვიცით, რომ

¹ ბესიკის დაბადების წლის საბოლოო დადგენა შესაძლო გახდა მას შემდეგ, როცა თვით ბესიკის ავტობიოგრაფიული მინაწერი აღმოჩნდა. ბესიკის ავტობიოგრაფიის აღმოჩენა ჩვენ გვეკუთვნის (1921 წელს). ჩვენი მითითებით, 1922 წ. იგი გამოაქვეყნა სერგეი გოზგაძემ (იხ. გაზეთ „ბახტრიონი № 1). ეს იყო ბესიკის ავტობიოგრაფიის პირველი აღმოსაჩენა.

² პოეტის ბიოგრაფის ზ. მთაწმინდელის (ზაქარია ჭიჭინაძის) სიტყვით, ბესიკი აღიზარდა თავის მამასთან. მის შემდეგ თბილისის საქათალიკოზო სკოლაში სწავლობდა. სკოლაში კარგახანს დარჩენილა. აქ შეუსწავლია ქართული წერა-კითხვა, სპარსული ენა მწერლობა და სხვა საგნებიც (ბესიკი, გვ. 1) ვფიქრობთ, ბესიკი ანტონის სკოლაში არ უნდა მონახვედრილიყო. ანტონის სკოლა გაიხსნა 1755 წელს. ჯერ ერთი, იგი მონაზრდილთათვის იყო განკუთვნილი, მეორეც, სკოლა დაიხურა ანტონის განდევნისას (1756 წ.) მისს რუსეთიდან ჩამოსვლამდე (1765 წ.) როცა ბესიკი 5 წლ. იყო და შესაძლ — ბესიკი ამ სკოლაში არ იქნებოდა, რადგან მისი მამა ზაქარია გაბაშვილი ამ სკოლის პრინციპიალური მტერი უნდა ყოფილიყო.

ზაქარიას, საკუთარი ფილოსოფიური სკოლა ჰქონდა გამართული, სადაც მრავალი ქართველი სწავლობდა „წარმატებულად ხედვითა შინა ფილოსოფოსობათა“. ცხადია, ზაქარია გაბაშვილი თავის შეილების აღზრდასაც ჯეროვან ყურადღებას მიაქცევდა. ჩვენის მხრით უნდა დავადასტუროთ, რომ მართლაც, ზაქარიას შეილები მალალი განათლებით ყოფილან აღჭურვილნი. ბესიკთან ერთად, მეორე ძმა ოსე ცნობილია, როგორც დაუცხრომელი კალიგრაფი, მხატვარი და პოეტიკოსი.

მაშინდელი სასკოლო დისციპლინის მიხედვით, ყრმა ბესიკის გონებრივი წურთვნა უმთავრესად რელიგიური გზით უნდა წარმართულიყო. ბესიკის პოეტური ტექსტებიდანაც ჩანს, რომ მან შესანიშნავად იცოდა ბიბლია, საღვთისმეტყველო მწერლობა და სქოლასტიკის ენა. ბოლო პერიოდში ბესიკი თვით სწერდა ძველ-საეკლესიო ჰიმნოგრაფების ოსტატობით.

გავიხსენოთ, რომ ზაქარიას ოჯახი უპირველესად, „მდივან მწიგნობარის“ ოჯახი იყო. მისი შეილებიც, ბესიკი და ოსე შემდეგში მეფეთა კარზე ასრულებდნენ ამ თანამდებობას. მდივან-მწიგნობრები კი სპეციალურ სამწერლო აღზრდას იღებდნენ. ეს გარემოებაც უნდა გავითვალისწინოთ, როცა ბესიკის აღზრდაზე გვიხდება ლაპარაკი.

ბესიკს შესანიშნავად სცოდნია ძველი ქართული მწერლობა. ამას თვით ბესიკის შემოქმედება გვიდასტურებს. ამიტომ დამაჯერებელი უნდა იყოს „კალმასობის“ ავტორის ცნობა, რომ ბესიკს, ქართული სიტყვის მდიდარი რიტორის, თითქმის ზეპირად სცოდნია სულხან-საბა-ორბელიანის მაშინდელი ერთად-ერთი ქართული ლექსიკონი: „მოუთხრობენ ამისთვის, რომელ სცოდნოდეს ზეპირად მთლად ლექსიკონი ქართული“-ო¹. ძველი ქართული მწერლობის ძეგლებიდან, ბესიკი არა ერთხელ იხსენიებს ვეფხისტყაოსნის, როსტომიანის, ამირან-დარეჯანიანის და ვისრამიანის გმირებს.

რაც შეეხება ბესიკის მიერ სპარსული ენის ცოდნას, უნდა ითქვას, რომ სპარსული ენა თითქმის სავალდებულოდ ითვლებოდა მაშინდელს კარის უმაღლეს საზოგადოებაში და ამ ენის შესწავლა ბესიკს თავის ოჯახშივე შეეძლო. აკი ზაქარიას კიდევაც უსაყვედურებდნენ სპარსოფილობას, როცა ბრალს სდებდნენ, რომ იგი „სპარსულ“ ჰანგებს სწყალობდა თვით ქართულ ლიტურგიულს ვალობაში (იხ. ზემოდ). რაც არ უნდა გადაქარბებული იყოს ზაქარიას პოლემისტის სიტყვები, იგი გვანიშნებს ბესიკის მამის ოჯახში დაცულს სპარსული სტილის ტენდენციებს. ამ შემთხვევაში გასახსენებელია აგრეთვე ბესიკის ელჩობაც სპარსეთში (1779 წ.), რაც იმის დამადასტურებელია, რომ ბესიკს რამდენიმედ მაინც უნდა სცოდნოდა სპარსული ენა.

ბესიკის ესთეტიური კულტურისათვის დამახასიათებელია აგრეთვე ძველი ფილოსოფოსების და ძველ-ბერძნული მითოლოგიის ცოდნაც. ბესიკის ლექსებში არა ერთხელ გვხვდება: არისტოტელი, პლატონი, პროკლე, დიოკლენ, ისევე რო-

¹ ცნობილია, რომ ბესიკის ლექსებში ფილოლოგიური ერთეულის ტვირთი დიდია და მისს პოეზიაში, ისევე, როგორც დავით გურამიშვილის ლექსებში, საბას ლექსიკონის სიტყვობრივი გავლენა შესამჩნევია.

გორც უმირისი (პომეროსი) და მისი გმირები: ახილევნი, ლექტორი, პრიაში, ტროილი, ორესტი და სხვა.

მაგრამ რაც მთავარია, ბესიკი თავისი საუკუნის განათლების მალალს დონეზე მდგარა. იგი გვევლინება XVIII საუკუნის ქართულ ინტელექტუალურ წრეების წარმომადგენლად, რაზედაც დაწვრილებით ვილაპარაკებთ შემდეგ, როდესაც მისი ცხოვრების მეორე ნახევარში გადავალთ. ეჭვი არაა, ნიკი და ჭკუის სიმკვირცხლეც ხელს შეუწყობდა ბესიკს ფილოსოფიური წვრთნების მისაღებად. ყოველ შემთხვევაში, თანამედროვენი მეტად მაღალს აზრისანი არიან ბესიკის კულტურაზედ. პოეტის მეგობართაგანი სულხან ორბელიანი ერთს ეპისტოლეში მას მიჰმართავს, როგორც ერუდიტს. — „სიბრძნით სრულს, ბუნებით-მეცნიერებით გონება კეთილოვანს“¹. ანონიმი მგოსანი ბესიკს უწოდებს „გონება სრულს, ცნობით შენასრულს“², ხოლო იოანე ბატონიშვილიც გვიდასტურებს, რომ ბესიკი „მეცნიერებასა შინაგამოცდილი იყო“³.

ისიც უნდა გავითვალისწინოთ, რომ თუ ზაქარია მეფეთა მოძღვარი იყო, მისს ძმას დავით გაბაშვილს სასახლის სუფრაჯის სახელო ეჭირა⁴, ხოლო მისს ბიძას პაპუნას ბაზიერთ-უხუცესის თანამდებობა და ბუნებრივია, რომ სასახლესთან დაახლოვებულ ზაქარიას შვილებიც კარისკაცის კარიერისთვის ემზადებოდნენ. ბესიკის შემდეგი დროის ბიოგრაფიული ფაქტებიც გვიმოწმებენ, რომ პოეტი პრაქტიკულ ასპარეზზედაც იღვწოდა, როგორც სახელმწიფო მოღვაწე.

**

საკითხავია, ვინ უნდა ყოფილიყო ბესიკის პოეტური სიტყვის პირველი გამლვიძებელი და ხელმძღვანელი? ამ შემთხვევაში, ცხადია, ისევ მის ოჯახს უნდა მივაკითხოთ, რომელიც, საკმაო ლიტერატურული რეპუტაციით სარგებლობდა. ვიცით, რომ ზაქარიასთან ერთად ბესიკის უფროსი ძმა ოსეც პიტიკოსი იყო, ისევე, როგორც ამ ოჯახის ახლო წევრთაგანი ისაკ მცირე (ჩემის ცნობით გაბაშვილი, ძმა ანუ ძმისწული ზაქარიასი) „მშვენიერი მესტიხე და ღრამბატკოსი“⁵. უჭკველია, ამ სამეზას უნდა შეეწყო ხელი ბესიკის პირველ პოეტურ ცდებისთვის.

აღსანიშნავია, რომ ისეთი ოჯახები, როგორც ზაქარიას ოჯახი იყო, აავშვთა აღზრდაში დიდ ყურადღებას აქცევდნენ რიტორების და ღრამბატკის კლასს. ეჭვი არაა, ბესიკიც ვერ ასცდებოდა ამ გზას და პოეტური ტექნიკა მას სკოლაშივე უნდა აეთვისებინა, ხოლო მისი პირველი პოეტური ნიმუშები, უნდა წარჩინებულ პირთა „შესხმა“ და „ქებანი“ ყოფილიყო. ბესიკის ყრმობის ამხანაგი დავით ალექსი-მესხიშვილი (დავით რექტორი) გადმოგვცემს: „ეპოსა სიყრმისასა, როდესაც რიტორებას ვჰსწავლობდი, მაშინ ვა“.

¹ ივერია, 1879, № 5, გვ. 205.

² S 1088.

³ H 2134.

⁴ ცენტრარქივის სიგელების პირების წიგნი № 24, სიგელი № 57.

შესხმა მეფეს ირაკლის მოვახსენე, დღესა სახელწოდებისა. მისი-
 საო“ (S 105). „როდესაც ღრამატიკას ვჭკითხულობდი და პატარა
 ვიყავ, მაშინ ქათალიკოსმა მიბძანა: მეფის ირაკლის ქება იამბიკოთი
 ჰსთქვიო და მაშინ ვჰსთქვი“... (იქვე). ხოტბების ანუ ოდების გარდა,
 პოეზიის მოყვარულ ბავშვებს შეკვეთილი ექსპრომტებიც ევალებოდათ სხვადა-
 სხვა შემთხვევებზედ, როგორც იგივე დავით აღმაშენებლის გვიამბობს,
 ერთი მისი ექსპრომტული ლექსის გენეზისს შესახებ: ...ნაიბის ქალი ბე-
 ვუმ მევედრა, როდესაც ყმაწვილი ვიყავ, მე აღმაშენებლის ძეს დავითს, რადგან
 მისი მონათლული ვიყავ, უარი ვეღარ უთხარა,—ჩემის სახლის პირდაპირ მტკერის
 პირს, ქვრივ დედაკაცს ხბო ჩამოუყარდა, კლდეზედ დაეცა და მოკვდა. სასა-
 ცილო იყო დედაბრისაგან ხბოსათვის თაფში ცემა და ტირილი,—ის შაირად
 სთქვიო და ვჰსთქვი“ (იქვე, გვ. 206).

ამრიგად, ყრმებისთვის სავალდებულო ყოფილა ვარჯიშობა და ლექსის
 შეკვეთის მიღება. და თუ ასეთ უიმედო პიტიკოსს, როგორც იყო დავითი,
 ლექსისთვის მიჰმართავდნენ, ცხადია, არა ერთი და ორი ასეთი „შემთხვევის“
 ლექსი უნდა დაეწერა ბესიკსაც. მაგრამ ამ პირველ ცდებს ჯერჯერობით ჩვე-
 ნამდის ვერ მოუღწევიათ¹.

და ბოლოს, არ უნდა დავივიწყოთ, რომ სწორედ ყრმა ბესიკის თვალწინ,
 ზაქარიას სახლში იწერებოდა სატირული ეპიგრამები და პოემები ანტონ ქათა-
 ლაკოსზედ და მის პარტიაზედ ისევე, როგორც პასუხები უკანასკნელთა „გიო-
 ბაზედ“. ალბად, ამ გარემოებას ბესიკის პოეტური განვითარებისათვის უმნიშ-
 ვნელოდ არ უნდა ჩაეველო.

ზ. მთაწმინდელი გვიამბობს, რომ ბესიკს თავის ყრმულს ლექსებში
 „ზმირად ბერები და მოლოზნებიც შეუმკია“, ე. ი. უღანძლიაო და ამის საი-
 ლუსტრაციოდ კიდევ მოჰყავს ვითომდა შეწუხებულ ბერების ერთი საპასუხო
 ლექსიც, თითქოს ყრმა ბესიკზედ გამოთქმული:

„გაბაანთგან აღმობრწყინდა,
 ახლად ჟამად ანტიქროსტე,
 შე დალოცვილო უფალო,
 ეს რა გამოგვიკოფივით?
 ჯოჯოხეთი აღუშენე,
 ხელთა მიე მისი კლიტე,
 დაგვისხენი ამისაგან
 უფალო, იესო ქრისტე!“...

მაგრამ თუ გავითვალისწინებთ ზაქარია გაბაშვილის ეპოპეას, ცხადი უნდა
 გახდეს, რომ სატირა „ანტიქრისტეზედ“, თქმული უნდა იყოს არა ბესიკზედ,
 არამედ ზაქარიაზედ, ცნობილ ბრძოლის დღეებში. ასეთია ჩვენი აზრი, თუმცა
 პოეტის ყველა მკვლევარი ამ ეპიგრამას სავალდებულოდ ჰხდის ახალგაზრდა
 ბესიკისათვის.

¹ ბესიკისა და სულხან ორბელიანის მიმოწერა („ივერია“, 1879, № 5, გვ.
 205—206; გაზეთი „ივერია“, 1932 წ. № 116), სადაც წარმოდგენილია „პირველი დაწევა ანუ
 შეყვანილება“ სწორედ ასეთ სასკოლო ვარჯიშობას უნდა წარმოადგენდეს.

ვანკერძობით უნდა აღინიშნოს აგრეთვე ბესიკის მძლავრი მუსიკალური ტალანტი, რომლითაც ის უხედა ყოფილა დაჯილდოებული იმპროვიზატორობის ნიჭთან ერთად. მისი მომღერლობა ხომ საქართველოს გარედაც იყო ცნობილი. ამიტომ, დამაჯერებელი უნდა იყოს ზ. კიკინაძის ცნობა, რომ „ბესიკი ჯერეთ ახალგაზრდა ყოფილა, რომ სიმღერების წერა დაუწყებია“ (ბესიკი, გვ. 1). ბესიკის მუსიკალური ნიჭისთვის ხელი უნდა შეეწყოს ისევე მის ოჯახს, რადგან ზაქარია მუსიკალური პიროვნება ყოფილა და ქართულ საეკლესიო გლობაში მას რაღაც ცვლილების შეტანაც კო უცლია.

გონებრივ აღზრდასთან ერთად ბესიკს აგრეთვე კარგი ფიზიკური, სარაინდო სკოლაც უნდა გამოეყო ისევე, როგორც მისი დროის არისტოკრატიული ახალგაზრდობა, იგიც „ცხენისა, იარღისა, თოფისა, ხმლისა, ტანისამოსის მოყვარული“ უნდა ყოფილიყო. ზ. მთაწმინდელის და ალ. ხახანაშვილის მიერ ჩაწერილ გადმოცემებით, პოეტი საუცხოვო მოჯირითე ყოფილა („ჰეყარებია ნაზდის დახურვა, ცხენზედ ჯდომა, ჯირითი“)¹.

**

ბესიკის ყრმობის და ბავშვობის წლები საქართველოს კატასტროფულ ამბებს ემთხვევა, როცა გარეშე მტრების აგრესიული მოქმედებით ქართველი ხალხი უკიდურეს მდგომარეობამდე იყო მისული.

„საბრალო, შეწუხებული, აოხრებული, უხელფეხო, გათავებული ხალხი“, — ასე სთქვა მაშინდელს ქართლ-კახეთზე ახალციხის ფაშამ და ამ მტაცებლის სიტყვები ზედმიწევნით გამოჰხატავს ქართველი ხალხის მაშინდელ მძიმე პოლიტიკურ ვითარებას:

— „ავი დრო იყო, — გვიამბობს თანამედროვე, — ყოველდღე აკლებას მოველოდით, საქართველოს სრულიად დაჭერასა. ყოველდღე დიდს ჯარებს გამოველოდით და საქართველოს წალეკასა, დატყვევებასა და დიდი გამარჯვება იქნებოდა, თუ რუსეთს დაეკარგებოდით“ (თავგ. იესე ოსეს შვილისა, 7). „გვაჲ, რა ბევრ უცხო შესაქცევებს ნახავთ, სწერდა ერეკლე მეორე, რუსეთში მყოფ ქათალიკოს ანტონ I-ს, — და მე ამ განსაცდელიანს ქვეყანაში რაებს ვხედავ და რაებს გავიგონებ ხოლმე. რა წაბრძანებულხარ, მასუკან ხუთჯერ თუ ექვსჯერ ლეკზე გავგამარჯვებია და ბევრნიც იხოცებთან, მაგრამ კიდევ ჩვენზედ ხელს არ იღებენ“.² დატყვევებას და მახვილს გადარჩენილი მოსახლეობა გარბოდა სამეკიდროებდინ: „დაიცალა საბარათაშვილო, სომხითი, ორბელიანთ მაძული. და ზოგი გავიდა კახეთს, ზოგნი ავიდენ ზემო ქართლში და საერისთავოებში. აღარსად დარჩა შენობა იმ მხარეს. მცირედნი კაცნი ქვეშის ციხეში იდგა... იყო ცემა ლეკთაგან მირადის და ოხრება.. მთელს სომხითში ბოლნისის მეტი და სამწევრისის მეტი შენობა არ იყო. ორბელიანთა მაძულიც ასე დაიცალა.

¹ ზ. მთაწმინდელი, „ბესიკი, ალ. ჰეყარებია და გრ. ორბელიანი“, გვ. 11; А. Хачишв., История грузинской словесности, III, 220.

² „მოამბე“, 1894, № 4

რომ დმანისის და ფიტარეთის მეტი შენობა აღარ სად იყო“, ამბობს მატჩანე (ქ. ცხ. 238, 144). გარეშე მტრისაგან ქვეყანა „გათავებული იყო“. ქართლისა და კახეთის ქვეყნები ასე აყრილიყო, რომ უსიმაგრედ და უციხოდ აღარსა-ვინ იდგა“ (იქვე, 125). განსაკუთრებით თავზარდამცემი იყვნენ ლეკები, რომელნიც თვით თბილისში, მეფის სასახლიდან რამდენიმე ნაბიჯზე იტაცებდნენ ხალხსა და საქონელს (გვ. 230). „მოვიდიან ბევრჯერ და ქალაქის გარემოთა ბაღებთა წისქვილებთან მოითარეშიან. უკეთუ ერთსა მხარეს გავიდის ქალაქიდან მე-ბრძოლი და დააყრევინის და გააქცივის, მეორესა მხარესა დაჰკრიან და წავე-დიან“ (გვ. 227); „ამისთანა მტერობა ყიზილბაშთა არ უქნია, რაც ამათ ქნეს“ (195).

ლეკის შიშით ქართველ მოქალაქეს არ შეეძლო მშვიდობიანად გადასვლა ერთი სოფლიდან მეორეში: „შავს ტყეში დიდი ლეკიანობა იყო. რაც ხე გაინ-ძრეოდა, ლეკი მეგონის და თოფი მზად მქონდა. თუ გაჩენილიყო რამე, თოფი რას შემეწეოდა, მაგკლევდენ“. — ჩივის მაშინდელი მგზავრი (თავგ. იესე ოსეს შვ., 53). ასეთ პირობებში ცხადია, არც საზოგადოებრივი კულტურული მუ-შაობა იქნებოდა შესაძლებელი. მტრის შიშით მრავალი სასწავლებელი იკეტე-ბოდა. მაშინდელი სამონასტრო სკოლები გაზაფხულზე იხურებოდა და იხსნე-ბოდა, როდესაც ხეს ფურცელი გასცივოდა და მტერი ტყეში ვეღარ დაიშ-ლებოდა („...გაზაფხულ ტყეთა ფურცლისა გამოსვლითგან ვიდრე დაცვენამდე არბეოდენ... გარნა ვითარცა იწყებდის ტყე შემოსევისა ფურცელთაგან, ვითარცა მოსწავლენი მოიქცეოდნენ სახლად თვისსა შიშისათვის ლეკთაგან“ (რონინი“ იონა ხელაშვილისა).

მშვიდობა არც მყუდრო სენაკებში იყო. მტრის მახვილი არც იქ შესიხ-ნულს მწერლებსა და მწიგნობრებს ასვენებდა: „ვეცადე დიდად სიმართლესა და კელს, მაგრამ ლეკისაგან გვეშინოდა. თუ რა უცბად მეწეროს, ნუ დამწყვე-ლით, გევედრებით“-ო ამბობს გადაშწერელი (ძველი საქართველო, II, 113). ხოლო მეორე კალიგრაფი მტრისაგან დაპირილი, ასევე ბოდიშობს მკითხველის წინაშე: „აეზაკთაგან მოწყულულ ვიყავ და ბეჭნი ჩემნი წყლულ და უსჯულო ავარიანთაგან შეცულ და რაც ნაშავე ნახოთ, ნუ მწყევთ, ღვთის გულისათვის, არამედ შენდობით მომიხსენეთ“-ო (იქვე, გვ. 114).

ორბელიანთა წრა

ჩვენ აგრეთვე უნდა გავითვალისწინოთ მეორე მნიშვნელოვანი წრე, რომელსაც ბესიკის გონებრივსა და ესთეტიურ ფორმაციისათვის შესაფერი როლი უნდა ეთამაშნა. მხედველობაში გვაქვს ორბელიანთა დიდი კულტურული ოჯახი, რომელთანაც ბესიკს მკიდრო ურთიერთობა ჰქონდა უსათუოდ იმ მიზეზითაც, რომ მამა მისი ორბელიანთა პირად სამსახურში იმყოფებოდა, როგორც მათი მოძღვარი.

პოეტისათვის დიდი კულტურულ-ესთეტიურ მნიშვნელობისა უნდა ყოფი-ლიყო ურთიერთობა იმ ოჯახთან, რომელიც სულხან-საბას სახელით იყო განი-თებული და ბესიკის დროსაც ისეთ მაღალ კვალიფიკაციის ადამიანებს ითელ-

და, როგორც იყენენ: ისტორიკოსი პაპუნა ორბელიანის შვილი მზექაბუჯ, — ცნობილი სახელმწიფო მოღვაწე, ფილოსოფოსი, ბასრი სატირიკოსი, ანეგლოტიტი და ეპიგრამისტი; იოანე ორბელიანი — ცნობილი ფილოსოფოსი, „რომელიც საფილოსოფოთა წესითა აღჭურვილ იყო... და ქართლშიაც უბრძნე და უმცოდნე არა-ვინ იპოებოდა“ (ქცხ. 139) „სიბრძნესა შინა აღზრდილი... ზედმიწევნით ფილოსოფოსი, ვარსკვლავთა-მრიცხველი ფიზიკოსი და არითმატიკოსი; უწყაოდა ბუნების ისტორია და იყო უცხო რიტორი... ესე იყო ფრიად გონება-მახვილ ესრეთ, რომელ მსოფიანებისა გამოთვალთაგან მოკლებულ იქმნა და ვერა რაჟსა ხედვიდა, მაშინც ყოველთა წინილითა ძალ ედვა განმარტებად“ (S 2134)¹.

ბესიკის შეფიცული მეგობარი და ვით სარდალი, მეწინავე ლაშქრის სპასპეტი, ცნობილი მხედარი და ლიტერატორი (სპარსულიდან „ყარამანისის“ მთარგმნელი), რომლისადმი მიძღვნილია მთელი რკალი ბესიკის მიმართებებისა:

1. „და ვით სარდლისადმი“.
2. „მნათობთადმი“.
3. „რაც მიიწერა სოფელმან“.
4. „ცრემლთა მდინარე“.
5. „ბედისადმი“.
6. „სამძეპარი“.
7. „ასპინძის ომზედ“.

ორბელიანთა ოჯახიდან ბესიკის ყრმობის მეგობარი ყოფილა აგრეთვე და ვით სარდლის უმცროსი ძმა სულხან ორბელიანი, რომელსაც პოეტი უწოდებს „ნათელ-მკრთოლვარე გოდოლს მეგობრობისას, იადონებრ ხმა მწველილ მშტეენავს და ტკბილ ხმოვანებით ყურთა მიმტაცს, რიტორს უებროს“². და ბოლოს უნდა გავიხსენოთ პოეტი ვახტანგ ორბელიანი, — დმანისის მეპატრონე, რომლის კარის მოძღვრად ითვლებოდა ზაქარია გაბაშვილი³.

ამ ჯგამორჩენილ პოეტის შესახებ რამდენიმე უნდა შევჩერდეთ.

¹ იოანე ორბელიანი-ძე ელისბარისა, (საქ. სიძ., II 354) დ. 1693 წ. ვარდ. 1781-იან წლებში. მდივანბეგი, მსაჯულთუხუცესი. 1731 წ. შეუერთდა რომის ეკლესიას. (თამარშ., 349—368), რითაც დაინახურა სასტიკი რისხვა ქართველ სამღვდელთებისა. 1754 წ. ზაქარია გაბაშვილის თაოსნობით განდევნილი, ვრცელმ რამდენიმე წლის შემდეგ ისევ დაბრუნდა. შკმ-დევში, უკვე სახელთ ჩამორთმეული „ნამსაჯულევად“ იხსენიება. იოანე ორბელიანს შეცდომით ზოგჯერ ჭაბუჯა ორბელიანთან აიგივებენ ზოლმე.

² „ივერია“ № 5—6, 1879 წ.; გაზ. „ივერია“, № 116, 1902 წ. ბესიკის ერთი ეპისტოლე სულხანისადმი შემდეგი პოსტკრიპტუმით თავდება:

„მე ბესიკი—შენი მონა,
ვარ შენ შორის მდოგვის წონა;
გარნა მეგობრობის მტრთობი,—
ბესარიონ გაბაონი.

³ 1730-იან წლებში, დმანისი, სადაც მღვდელ-დევანოზობდა ზაქარია გაბაშვილი, ვახტანგ ორბელიანს ეკუთვნოდა.

ბისა. (ჩვენი შენიღებვა, № 1, 1924), ხოლო პლატონ იოსელიანი მას აიგივებს სულხან-საბას მამასთან, ვახტანგთან. (წყობსიტყ., შენ. 167). მისივე სიტყვით, ვახტანგ, როგორც კათოლიკე, 1715 წ. თან წაყვლია საბას რომში, საიდანაც თურმე უკან აღარ დაბრუნებულა. თუმცა ჯერ კიდევ 1725 წელს, ვახტანგ „არა მიქველდის იყო ლათინთა კერა“, როგორც მისივე ნათლული იესე ოსეს შვილი გადმოგვცემს (გვ. 6). ვახტანგის ევროპაში ყოფნის დამადასტურებელი საბუთი არ მოგვეპოვება. მისივე ნაწარმოებიდან ვიცით მხოლოდ, რომ 1738 წ. ის იმყოფებოდა რუსეთში „მრავალ განსაცდელ შემთხვევლი“ (S 2770).

**

ქართული აზროვნების ისტორიისათვის ვახტანგ ორბელიანი მითაც არის საინტერესო, რომ იგი ქართველ ევროპოფილების ენერგიული წარმომადგენელია, ალბად, სულხან-საბას ორიენტაციის გაკლენით. 1731 წ. მან მიიღო კათოლიციზმი თავის ძმისწულ იოანე ორბელიანთან ერთად (თამარაშვილი, 353), რის გამო „განუწყვეტილი დევნულება“ გამოუტყდა ორტოდოქსალურ წრეებისაგან (იქვე, 351). როგორც კეშარიტ პატრიოტს სასტიკად ავიწროებდნენ ოსმალნი და სპარსნი, რომელთაც თურმე მთელი ქონება წაართვეს, დიდი ხარკი დაადგეს და იქამდის „უკანასკნელ“ მდგომარეობაში ჩააგდეს, რომ მზად იყო დაეტყვეებინა სამშობლო (350).

1741 წლიდან ვახტანგს დახმარების მოიხმედეს ენერგიული მიმოწერა-აქვს რომის პაპთან და კარდინალებთან, რისთვისაც საგანგებო ელჩსა, კი ჭგზანის რომში (იქვე). 1741—42 წ. მან მტრისაგან დევნილმა, დროებით სამეგრელოს შეაფარა თავი. გარეშე მტრებთან ერთად ვახტანგს ავიწროებდა მისივე საზღიკაცი სარდალი ქაიხოსრო ორბელიანი, რომლის ხელშეიც იყო ორბელიანთა „სახლისბატონობა“ (საქ. სიძველენი, II, 535). ჰაიოსროს ინტრიგების წყალობით, ვრცელ შეფხმ, რომელიც ვახტანგის ასულ ქეთევანზედ იყო დანიშნული, (1744 წ.) მოულოდნელად დაუტყდა საჩილო და განდევნა. ქეთევანი მონაზნად აღიკვეცა და იმავე წელს ჯავრით მოკვდა. თვით ვახტანგ გარდაიცვალა 1752 წ. ნოემბრის დამლევს (თამარაშვილი, 351). ასეთია ბესიკის მამის პრინციპალის თავადასაველი.

ბესიკი ანახანუშ დედოფლის კარზე. ლევან ბატონიშვილი

უბედობა, „სოფლის ცემა“ ბესიკმა ბავშვობის დღეებიდანვე გამოსცადა. შემთხვევით არ ამბობს ერთგან:

ვიყავ ბედისა დამაბრალეტი,
 მეც მომხვდა სოფლის მკვლელი ბრძალები...

მხოლოდ თორმეტ-ცამეტის წლისა იყო ბესიკი, როცა დაამხეს და ააჯობრიაქეს მისი შშობლების ოჯახი. ბავშვის მგრძობელი გულისთვის მძიმე დალი უნდა დაესვა ამ გარემოებას და მისი ყრმობა მწარედ უნდა მოეშხამა.

... „რაც რაიმე მქონდა ან დედულ-მამული, ან პირადად შენაძენი, აგრეთვე საიკლესიო ჭურჭელი, სულ წამართვეს, ცოლი, შვილები და მთელი ჯალაბი სიღარიბეში ჩააგდეს, ასე რომ კარდაკარ დადიოდნენ და მოწყალეობას თხოულობდნენ—გვიამბობს ზაქარია—თექვსმეტი თვე ვიჯექი საპრობილემში, ბოლოს კათალიკოსმა უბრძანა ყარაულს: საპრობილეს მოშორდით, სადაც უნდა, იქ წავიდესო. მათ შორის ჩემი შვილების და ძმების 9 ბავშვი იყო. კათალიკოსი ქადაგობდა: ვინც მათ მოწყალეობას მისცემს—ეკლესიაში არ ჩუქუვებო. გავიდა ერთი წელიწადი და ჩვენ უარესი დავემართა: მოაყვანინა ჩემი უფროსი შვილი [ოსე] და ისე სასტი-

¹ იხ. ლენინგრადის საჯარო წიგნთ-საცავის ხელნაწერი, № 23.

„მე მტირალს ქართლი გამომარეს,
მეფლის წართმევს არ მიმაკვარეს,
შვილნიცა რვანი ვრთ ვამ წამგვარეს...“¹

ზაქარიას განცხადებიდანვე ირკვევა, რომ მეფისა და ქათალიკოსის დევნულობის სისასტიკე ყრმა ბესიკსაც შეჭხებია. ოჯახის აფორიაქება, გაღარიბება, სიმშლილი, გააფთრებულ იასაულებსაგან მიყენებული შეურაცხყოფა, აქა-იქ საშინელ მთებში იძულებითი თრევა და განსაცდელი, მშობლების და ძმების წამება, მშობელი მამის მკერდიდან მოწყვეტის ტკივილი, — ბესიკის ყრმობის ხვედრი ყოფილა.

* * *

თუმც არავითარი ოფიციალური ცნობა არ მოგვეპოვება ბესიკის შემდგომი მდგომარეობის შესახებ და ბესიკის ცხოვრების ეს ხანაც სიბნელით არის მოცული, მაგრამ ზოგი საბუთის მიხედვით შეგვიძლიან დავასკვნათ, რომ შეჩვენებულ ნამოდურალის ოჯახიდან კერძოდ ბესიკს მფარველი გამოსჩენია. ცხადია, ასეთი გაბედულება მხოლოდ სასახლის დიდგავგენიანსა და დამოუკიდებელ პიროვნებას შეეძლო. ჩვენი დაკვირება ანხელს, რომ ეს პიროვნება ყოფილა თეიმურაზ მეორის ქვრივი დედოფალი ანახანუმ, რომელიც თავისი დედოფლობით პირადად ზაქარიასაგანაც იყო დავალებული. პატივმოყვარე, მკაცრი და ამაყი ანახანუმ თვით ერეკლესაც არ ერიდებოდა. მოხუცი თეიმურაზის რუსეთში უდროო გამგზავრებას და იქ მის სიკვდილს ერეკლეს აბრალეზდა და მასთან თავის სამდურაესა და საყვედურს არა ჰმალავდა. თვით ერეკლეს „არა უყვარდა ანახანუმ, ვითარცა დედინაცვალი“ და მხოლოდ მამის ხსოვნის პატივისცემით ითმენდა. თუმცა მათ შორის უთანხმოება იმდენად ყოფილა გამუწავებული, რომ რუსეთის კარზედაც კი შეუნიშნიათ: „Ираклий с мачехою своею имеет несогласие“. თვით ქმრის სიკვდილის შემდეგაც, დედოფალს დამოუკიდებლად ეჭირა თავი და „ცხოვრობდა სიკვდილამდე პალატსა მეფისასა, ნებითა მეფისა ირაკლისათა“.

დედოფალი რომ ზაქარიას ოჯახს შემწედ უნდა გამოსჩენოდა, ვასაგებია. ამ საქციელით დედოფალს სამილობელი უნდა მიეზღო ზაქარიასთვის და მით თავისი უკმაყოფილებაც უნდა გამოეთქვა ერეკლეს — ანტონისადმი, როგორც ანტონის გამდგენელ თეიმურაზის თანამეცხედრეს და ორტოდოქსიის ერთგულს. დედოფლის მიერ ზაქარიას ოჯახისათვის მფარველობის გაწევას მეფე ჩვეული თავდაპერით უნდა შეჭხვედროდა და ძალაუნებრივ უნდა მოეთმინა.

ირკვევა, რომ ბესიკის ბედის კეთილად წარმართვას მეორე გარემოებაც ზედ დართვია: სახელდობრ ის, რომ დაახლოებით ამაზე ცოტა ადრე, ანახანუმ დედოფალმა გამოართვა ერეკლეს ძე მისი „ლეონ აღსაზრდელად სახლსა თვისსა“. ლეონის მომენტის უნდა ყოფილიყო გადამწყვეტი ყრმა ბესიკის შემდგომი ცხოვრებისათვის.

ერთი იმ საბუთთაგანი, რომლის მეოხებითაც ჩვენ ვლაპარაკობთ ანახანუმ დედოფლის ბესიკზე მფარველობისა და ბესიკის თანამეზრდილობის შე-

¹ S 303.

² ქართლის ცხოვრება, ზ. კიკ. გმც., II, 223

სახებ ლევან ბატონიშვილთან, არის პოეტის ერთი ნაწარმოები, სახელდობრ, სამგლოვიარო ოდა „სამძიმარი“ თქმული ლევანის უდროო გარდაცვალების გამო.

„სამძიმარის“ რეალიებიდან ირკვევა, რომ ბესიკი იმყოფებოდა ლევან ბატონიშვილთან, რომელსაც ერეკლეს სასახლეში ზრდიდა ანახანუმ დედოფალი და ისიც, რომ ბესიკი ბატონიშვილის ამალის წევრი ყოფილა და მასთან შეზრდილი.

ამ ვარემოებას „სამძიმარის“ შემდეგი ადგილები გვიდასტურებენ:

* * *

[მიმართვა ლეონისადმი]

..სად გზა შენდა საწთომო,
სადა მიდამო,
სად გეახლნეთ საგნომო,
ლეონ სახსომო,
ყმათ გულებისა ხომო.

..
სადაით, ლეო,
სად ვპოვნეთ სიახლეო?

..
გეძიებს სული
შენდა ზრდილი აღკრული.

..
სადა ვის ვპვულებ,
პატრონად მოვიძულებ,
სული ინაკლებს მტრულებ;
ლეონ, მით ვჰსწყულულებ,
მოვიხსენო რა თქმულებ,
შენდამი ვკრულებ,
შენადვე ვინატრულებ,
ველი თვალდახშულებ,
სიკვილისადმი ვპრულებ.

..
ვა დროსა ჩვენსა,
მსგავსადვე მოსაწყენსა,
ჩემსა ირემსა
ჩემათ დღედ მონაცემთა.
ჰოი, ცის ლომო,
ლოო, ცისაჲი, ხომო.

. . .
სადა არს სრა სახსომო.

. . .
ვაი, ღუმან ხმანი
სამოენონისა კმანი:
მუსიკთა თქმანი, -
მუტრიბთა დასწყედეს თმანი.
მეტოლნი ყმანი,

. . .
მგოსან-ნოტების თნვანი,
კამანი, სმანი,
ლხინნი, სრულ დასანთქმანი...

. . .
სრა ცალიერი,
უპოვარი, შშიერი,
სახლი ძლიერი

. . .
სადალა სერი
სტუმართა განმაბევერი.
ვა, მგონე ერი,
ლეო, სად ბედნიერი.

. . .
სად პატრონისდა ყმობა,
სად ერთსულობა,
სად მოყვარულთ თხზულობა,
სად კაზმულობა,
სადაღა დარბაზულობა?
ვაი სრულობა,
ვაი, დაკარგულობა,
ვა, ყმაწუილობა.
დახსნილ-დანახრულობა!
შორს წარხდა თემად,
უცხოთა თანა გემად;
ლეონ მოცემად
ვისმცა ძალუქს საჩემად?
გარნა სად მრწემ
ვიყომცა მსახურ მგემად?
მწირობა-მსხემად,
მისდა არა მაქვს კდემად;
მას ვსდევ ირემად—
მას ნუკრად მადლის მფენად.

დასასრულ, პოეტის მჭიდრო მეგობრულ კავშირს ბატონიშვილთან ის აკროსტიხული იამბიკოც გვიდასტურებს, რომელიც ბატონიშვილის და ბესიკის მეგობრობის აღსანიშნავად დაუწერია დავით მესხიშვილს და რომელშიც კიდურწერილობით გამოყვანილია ლეონის და ბესიკის სახელები: „ბესარიონ გაბაონს მივჰსწერე ესე იამბიკო აკროსტიხულად და ამას შინა არს: „ბესარიონ, ლეონ, დავით“.

ბრძენი ლიმენთა ნუ ჰსდროებ მოვისად წარვედ,
 ესურე, ეტრფე სახეთო სავანთა,
 ხულთა ოქიმა, იფსინდუ მრავლად ჰყავ,
 აცუარენ ნამნი პსიხისა მალეკდავნი,
 რიონ ნეტარძი იტრფეს თუ გულთა წყურვილით. (S 105)

ამგვარად ბესიკის ყრმობის დღეების მფარველად ჩვენ ანახანუმ დედოფალს ვგულისხმობთ. ბარათაშვილის ასული, ციციშვილის ქვრივი, დედოფლად მოწოდებული „მშვენიერებისა“ გამო, „ესე ყოველთა ბანოვანთა შორის უმეტეს აღმოცისკრებულ იყო და სხვისა მისსა მზისა შარავანდელი ბნელ-ექმნა, შვიდნივე მნათობნი ცისანი მონებად დავდრომილ-იყენეს და სიბრძნისა მიერ გონება აღწენავ-აღებსროლ“-ო, ჩვეული პათეტიკით და მკვევრობით ლაპარაკობს კარის მებოტბე ისტორიკოსი დედოფალ ანახანუმზე, რომლის გონიერება და სცლამაზე მართლაც განთქმული ყოფილა. მას დიდი გავლენა ჰქონია მეუღლეზე და თავისი მდგომარეობით კიდევ უხვად სარგებლობდა. ამოდ არ ამზობს თვითონვე ერთგან: რომ მას „საწუთრომა ურიცხვი ბეღკეთილობა, სიმდიდრე და დიდებანი ზე გარდაამატა“. პატივმოყვარე დედოფალი მდიდრულად ცხოვრობდა და არას ჰზოგავდა თავისი კარის ბრწყინვალეებისთვის.

რა მოსაქმე უნდა ყოფილიყო ქაბუკი პოეტი მეფის სასახლეში, ანახანუმ დედოფლის სამსახურში?

შესაძლო იყო გვეფიქრნა, რომ ლევან ბატონიშვილის მხლებელი ბესიკი — პოეტი და მწიგნობარი ერეკლეს სიახლოვეს მყოფი დააწინაურეს და კარის მდივანმწიგნობრობა მისცეს, მაგრამ ჩვენამდე არ მოღწეულა ერეკლეს არც ერთი სიგელი ან ბრძანების წიგნი ბესიკის მდივნობით შესრულებული. შესაძლოა ეს იმ გარემოებით იყოს გამოწვეული, რომ პოეტი ამ სახელისთვის ჯერ კიდევ სრულჭასაკოვანი არ იყო, ან შეიძლება ზაქარიას შვილს მეფე საბოლოოდ არ ენდობოდა, რომ თავისი კარის შესაიდუმლედ ვახეხადა, მაგრამ კარზე მყოფ აზნაურს ხომ თავისი „სახელო“ უნდა ჰქონოდა? ეს „სახელო“ კი ისევ ლევან ბატონიშვილის ამაღლის შტატში უნდა ვეძიოთ.

მაგრამ უფრო უნდა ვიფიქროთ, რომ ბატონიშვილის მხლებლობასთან ერთად, მდივან-მწიგნობრის ოჯახიდან გამოსული ქაბუკი ბესიკი ჯერ თვით ანახანუმ დედოფალს ემსახურებოდა „მდივნობის რიგზე წერით, კითხვით“¹, ისევე, როგორც ამ თანამდებობაში მისი წინამორბედი, მასავეთ ასალგაზღობის ასაკში მყოფი ცნობილი იესე ოსესშვილი.

¹ ბესიკის შედგენილი ზომ არ უნდა იყოს ანახანუმ დედოფლის სამძივრის წიგნი (1770 წ.) ელისაბედ ბატონიშვილის გარდაცვალებამდე? (H 1455)

გმირობასთან ერთად, ახალგაზრდა ბატონიშვილი დიდი პოლიტიკური ნიჭითაც იყო დაჯილდოებული. მხედარი და სახელმწიფო მოღვაწე, იგი მართლაც „ირაკლის ძალი“ იყო, როგორც მაშინ უწოდებდნენ.

ლევან მორიგე ჯარის ორგანიზატორი იყო, მისი სარდალი. პირადი მხნეობით მან გასწმინდა ქართლ-კახეთი მოთარეშე ლეკებისგან, იგი დიპლომატიური მისიით იყო წარვლენილი რუსეთს პროტექტორატის პირობების გამოსარკვევად და ჯერ კიდევ სრულიად ახალგაზრდა (1756—1782) ჩაბმული იყო სხვადასხვა სახელმწიფო საქმიანობაში.

საკმარისია წავეითხოთ ანტონ I ქათალიკოსის ერთი უცნობი პირადი წერილი, რომ თვალწინ წარმოგვიდგეს ამ შესანიშნავი ქაბუჯის პიროვნება, რომელზედაც ასე დიდს იმედს ამყარებდნენ მაშინდელი ქართული პოლიტიკური წრეები.

...„ლეონ ნიადავ განსაკუთრებულს შინა წარმატება აღემატებოდა თითოს შინა წელიწადს მტერთა ზედა მრავალჯერ ძლევით იდიდებოდა, ვგონებ, რომ ამისთანა ყმაწვილი ამ ქვეყანაში არ ნახულიყოს ცხენოსნობასა შინა, არცა სიმხენსა და შამაცობასა, არცა გონიერებასა შინა და თავისის მამის სახელისა და ქვეყნის სამჯობინაროს გამორჩევასა შინა. არა თუ ყოველს წელიწადს ოდენ ითქმის, რომ ყოველს თთვეს უკეთესობას შინა აღვიდოდა, დაღისტან შინა ერთმანეთს ეუბნებოდინან: ერეკლე აღარ დაბერდებოაო, ასეთი სხვა ერეკლე გამოჩნდაო, რომ ერეკლეს წინააღმდეგობა აღარავის შეუძლიანო. აქამდის ერთი იყო და ახლა ორი ერეკლე არისო. ამაზედ დიდად განკვირვებულ ვარ, რომ ამ შვიდს, რებს წელიწადში რამდენჯერ ენახევიდი, ვხედავიდი, რომ თავის მამის, სახლისა და თავისის ქვეყნის სამჯობინარი სიკეთე დლითი დღე ლეონს ემატებოდა“...¹

თვით ერეკლეს მოსისხლე მტერმა, ახალციხის ფაშამ აღიარა, ბატონიშვილის სიკეთელის ჟამს, რომ „მოხუცების ჟამსა მეფეს ირაკლისსა ერთი ფარდა აქენდა საქართველოს, რომელიცა ოთხ კერძოვე იგურდივ იფარებოდა და აწ დიდი შემწე მოეშალა ირაკლი მეფესა“².

მხედარ ბატონიშვილს, რომელიც მუდმივ ლაშქრობაში და სამხედრო ვარჯიშობაში იყო გართული, ბრწყინვალე ამაღა ჰყავდა. „ლევანმა ორი ათასი

¹ H 2510.

„მოჰსცა დღერთმან მეფესა ირაკლის-ძე ერთი, სახელად ლეონ, რომელიცა ემსგავსა მამასა თვისსა სიმნითა და მრავალგზის შემუსრნა მან ლეკნი და მოსპო ამან ლეონ, ხშირად რბევა ქართლისა ლეკთაგან“ (ქ. ცხ. 271). ლევან ბატონიშვილის მსურველე მონაწილეობით „განაწესა მეფემან ირაკლი მორიგე (ჯარი) ქართლ-კახეთით, რომლითაც დიდათ ისარგებლა და იყო მართადს სამი ათასამდის განზხადებული ჯარი, თავადნი და ახნაურნი და გლეხნი და მათთანა თვით მეფე და ძენიცა მისნი, ყოველნივე თვითოსა თვესა გარდაიხდიდნენ და სადაცა იყო ლეკთაგან საფიქრო ადგილი, მუნ მდგომარეობდნენ, რომლისა გამო დიდად შეშინდნენ ლეკნი... და ჟამსა ფრიალ დაამუსვადეს ქართლ-კახეთი და იწყეს მოხრებულთა დაბნებთა შორის საქართველოსათა შენობა და მრავალნი სოფელნი აშენდნენ“... (იქვე).

² ქ. ცხ. 274.

მეტი ამაღლა შეიკრიბა, სულერთიან თავისთავით ყმაწვილკაცობა, გამოჩენილი ვაჟკაცები, სადაც ყოველს ომში პირველი მემორები ისინი იყვნენ და გამარჯვებულნიც¹. ამ ამალის წევრი ყოფილა ბესიკიცი, — მონაწილე ბატონიშვილის ლაშქრობისა და დროსტარებისა, როგორც მისი ოლა „სამძიმარის“ რეალიები გვიმოწმებენ.

ამ შემთხვევაში საყურადღებოა აგრეთვე ერთი საბუთი, რომელიც ეხება ლევან ბატონიშვილის მიერ ფულის გაცემას ბესიკისათვის. 1777 წელს, ბატონიშვილის სახლის გამგებელი მანუჩარ მდივანი თუმანიშვილი ბატონიშვილის ფულიდან ხუთ მინალთუნს აძლევს ბესიკს:

„ლთით იანვრის დამდეგს ქქს უაე ბატონიშვილის ლეონის ბრძანებით გიორგი მოძღვრისაგან მომებარა თორმეტი მინალთუნი და ეს ამისი ხარჯი არის:

ბ (ხუთი მინალთუნი) ქ. ბესარიონ გაბაშვილს მივეცი. და სხ. ხარჯის ნუსხას აძევს რეზოლუცია თვით ბატონიშვილისა:

ქ. მანუჩარ მდივანო, ეს შენთან დავგიხარჯავს ამ ნუსხით სულ იქნება ჯამი თოთხმეტი მინალთუნი. იანვარს: ი: ქქს: უაე:

ბექედი „ლეონ“

სახარჯო ნუსხაში ბესარიონთან ერთად მოხსენებულ არიან ბატონიშვილის კარის მსახურნი ანუ მხლებლები:

1. ივანე მოლარეთ-ხუცესი
2. შანშე დავითიშვილი
3. სოლომონ მღვდელი.

ვფიქრობთ, მათ შორის ბესიკის მოხსენება კიდევ ერთ ზედმეტ საბუთს გვაძლევს იმისას, რომ პოეტიც ლევან ბატონიშვილის ამალის წევრად მივიჩნით.

და ბოლოს, ამავე ხარჯის ნუსხაში სწერია:

„ჩ (ერთი მინალთუნი) ქ. სოლომონ მღვდელს, გაბაშვილის ხელით.“

თუ ამ „გაბაშვილში“ ისევ ბესარიონი იხსენიება, მაშინ ჩვენ საბუთი გვეძლევა ვიფიქროთ, რომ პოეტიც ბატონიშვილის შინაკაცი ყოფილა.

**

ამრიგად, ჭაბუკი პოეტის ცხოვრება ბატონიშვილის მეოხებით უმთავრესად სასახლესთან უნდა ყოფილიყო შეკავშირებული. სწორედ ლევანის კარზედ უნდა ჩამოყალიბებულიყო ბესიკი პოეტად; აქ უნდა გაფურჩქნულიყო მისი ლირიკული ვირტუოზობის ნიჭი. აქ, სასახლეში, ბატონიშვილის წრეში, ბატონიშვილებთან და სასახლის ბანოვანთა და შიმუნვართა შორის, ამ გაუთავებელ ზეი-

¹ S 1655/ბ.

² მასალები საქართველოს ეკონომიური ისტორიისათვის წიფნი I (ხელფასი, ქირა, ფასები) 1938 წ. ვაშოც. ნ. ბერძენიშვილისა, გვ. 57—58.

მების და მეჯლისების სუფრაზე უნდა გამოეჩინა ქაბუჯ პოეტს ნიჭი მუნასიბი ლექსებისა, როგორც „ნადიმზე ზმათა მფენავს“, შესანიშნავ ექსპრომტერს, იმპროვიზატორს და ჯადოქარ დამკვრელს.

და ისიც საგულისხმოა, რომ ბესიკს ერთგვარი პოეტური ატმოსფერო ჰქონია, რადგან ანახანუმის დებთან ერთად, თვით ლევან ბატონიშვილიც არა ყოფილა მოკლებული პოეტურ ინტერესებს¹. მას მიეწერება რამდენიმე სამიჯნურო და ეპისტოლარული ლექსი, რომელნიც გვიჩვენებენ ბატონიშვილის პოეტურ ნიჭსა და ვერსიტიკაციის ცოდნას². მაგრამ თვით ბატონიშვილი, „ლეონ მზიანი“ იყო ობიექტი მგონსური ხოტბებისა. ცხადია, ბესიკსაც არა ერთი ხოტბით უნდა ედიდებინა თავისი მეცენატი, არა ერთი ეპისტოლარული ლექსი უნდა ჰქონოდა მიძღვნილი თავის პატრონისა და მეგობრისადმი, მაგრამ ეს ნაწილი ბესიკის პოეზიისა ჩვენთვის ჯერჯერობით უცნობია, ან არ მოღწეულა, იმ სამგლოვიარო ოდის („სამძიმარი“) გარდა, რომელშიც პოეტი მწარედ დასტორის ბატონიშვილის უღროს სიკვდილს:

ამგვარად, თუ გავითვალისწინებთ ჯერ ორბელიანთა წრეს, რომელსაც უსათუოდ ჰქონდა თავისი კულტურული გავლენა ბესიკის ოჯახზედ და მაშასადამე ბესიკის ყრმობაზედ, ხოლო შემდეგ ლევან ბატონიშვილს, და საერთოდ ბესიკის შვიდრო სიახლოვეს ერეკლეს კართან, უნდა ვფიქროთ, რომ ბესიკის ახლობელი გარემო ყოველისმხრივ ხელისშემწყობი უნდა ყოფილიყო მისი პოეტური განვითარებისა და შემოქმედებითი ნაყოფიერებისა.

„ცოცხალი ბენიკი“

გადმოცემის მიხედვით და თანამედროვეთა დამოწმებით, ბესიკი გრაციოზული გარეგნობისა ყოფილა: „ტანადი“, „პირად თეთრი“, „სახით მშვენი“, „თმახშირი“, „კავებიანი“, „ზილფიანი“, — ფიზიკური სილამაზით დაჯილდოვებული. ცოცხალი, მოქმედი, მხიარულმეჩივრები, „ტკბილად მოუბარი“ დიდკაცურ და მოქალაქეთა ღზინების დამამშვენებელი და „აშკათა მორთულობის“ ოსტატი.

ზეპირი გადმოცემით, ბესიკი ლურჯ ტანისამოსს ატარებდა. მეორე გადმოცემით, მწვანე ფერი ჰქონია აჩემებული. მისი კოსტიუმის ერთი სამკაულთაგანი მწვანე ქალაღია ყოფილა. (ქალაღია — აბრეშუმის დიდი ბალდადი ყელზე

¹ S 3723, გვ. 248—249, S 1534 გვ. 46—48; S 1540 გვ. 43 სტვთა შორის, ლევანს ლექსითი მიმოწერა ჰქონია ბესიკის მეგობარ — დავით მესხიშვილთან, როგორც გვიმოწმებს უკანასკნელი თავისი ერთი ლექსი-ეპისტოლეს შესახებ: „ლეონ ბატონიშვილს მოეწერა ჩემთვის და პასუხად მიგმწერო“ (S № 105, გვ. 153).

² ლეონზე შესხმა დაუწერია აგრეთვე ამბროსი წილკნელს, (შემდეგში ნეტრესელი, იხ. ცენტრარქივის ხელნაწ. № 201 დავით ალექსი — მესხიშვილს (S 105 გვ. 224), „ლეონისათვის თქმულნი ათნი სიტყვანი იამბიკოდ 1781 წ. 10 ავიციტოს.

მოსახვევი შარფი, რომლის ერთი წვერი გულზე ჰქონდათ დაშვებული ყაბა-
 ლახივით) ¹.

ბესიკის პოეტური დეულიანტი მზეჭაბუკ ორბელიანი ერთს ბოროტ სატი-
 რაში ბესიკედ, ბრალს სდებს პოეტს გადამეტებულ კეკლუცობაში, გარეგნობის
 ბრწყინვალეობით გატაცებაში. აი, ეს შემჩნეული დეტალები ქაბუას სატირიდან,
 როგორც ბესიკის გარეგნობის დამახასიათებელი:

„რ ა ს ტ ა ნ ა დ ო ბ ს რ ო ს კ ო პ ო ლ ა დ ?“

„ე მ შ ი ა ნ ო ბ ს, ე თ ე რ ა ო ბ ს, ე კ ა ზ მ ე ბ ს ე ლ ვ ა რ ე ბ ი თ “.

„ზ ე უ ა ო ბ ს, ზ ე ქ ა ლ ა ო ბ ს, ზ ი ლ ფ ი ა ნ ო ბ ს ზ ე ნ ა ნ ე ბ ი თ “.

„ი კ ე თ ე ბ ს ი ს ე ი ს ი ა ს ა, ი ლ ე ბ ა ვ ს ი ლ ა ფ ი ა ნ ა ს “ ¹.

• „ფ ე რ ა დ ფ ე რ ო ბ ს, ფ ა ქ ი ზ ა ო ბ ს “...

„პ ა ტ ა რ ქ ა ლ ო ბ ს პ ი რ ა დ პ ო ბ ი თ “...

„ვ ა რ დ უ ა ო ბ ს ვ ა რ დ ის ა ხ ა რ “..

„ქ ა ლ უ ა ო ბ ს, ქ ა ლ თ ა მ ზ ე ო ბ ს, ქ უ ლ ქ ე ვ მ ი გ ე ბ ს ქ უ ლ ა ვ ს ქ ა ლ მ ი თ “..

„კ რ უ ლ ს ა, კ რ ა პ ო ლ ა დ კ ი ც ხ უ ლ ს ა, კ ო ც ნ ი ა ნ კ ა ვ ე ბ ი ა ნ ს ა “.

„ქ ა კ ლ ო ბ ს ქ ა ვ ლ ი თ “...

„მ ი, რ ა მ ა რ დ ა თ ი ლ ე ბ ა ვ ს უ ლ ვ ა შ ე ბ ს ა წ ი თ ლ ა დ, ი ნ ი თ “ ²..

რაც უნდა გადაკარბებული იყოს გაბოროტებული სატირიკოსის პორ-
 ტრეტული აწერილობა, ამ სტრიქონებიდან მაინც იხედება ბესიკის სახე,—ელე-
 ვანტური, სიკაბუკის შარავანდელით მოსილი ქართველი დენდი, გატაცებული
 თავისი ტუალეტით, ზომაზე მეტი კეკლუცობით, ანაკრონტი, „ქალთა მზე“.

ცნობილია, რომ ერეკლეს კარი განთქმული იყო აზიური სიმდიდრის
 ბრწყინვალეობით. უპირველესად თვით მეფე იჩენდა დიდ მიდრეკილებას მდიდ-
 რულ ჩაცმულობა-მორათლობობისადმი. რუსეთის რეზიდენტი იაზიკოვი სწერს
 ერეკლეს: „Платые носят всегда богато... пышность весьма лшнит“ ³.. ხოლო
 გერმანელი რეინესი დასძენს ⁴: „მეფე ყოველს მხრიდან სცდილობს შეიძინოს
 რამე მდიდრულად ცხოვრებისთვისო. რაც სჭირდება, ზოგს თავის ქვეშევრდო-

¹ შესაძლოა, ეს გადმოვიწა აღ. ქვეყანაძის ლექსიდანაც მომდინარეობდეს, რომელიც
 ბესიკის 1835 წ. გმც. გარეკანზე ეპიგრაფად მოჰყავს ნ. კვიციანძეს:

მაისის ვარდმან ფურჩქენილმან,

ბესიკმან მწევანით მკობილმან.

აღ. ქვეყანაძე.

მაგრამ კვიციანძე შემეცდარია, როცა აქ „ბესიკ“-ში ჩვენს პოეტის სახელს ჰგულისხმობს.
 უფრო ერთი, ქვეყანაძის ლექსის ნუსხებში „ბესიკის“ ნაცვლად „ბეზიკი“ სწერია, რაც საბას
 გამმარაგებით ჰმიშნავს „ელვარეს“ და ვინდაც იგი „ბესიკად“ დამახინჯებულიყოს უვიც გა-
 დამწერთა მიერ, მაინც კონტექსტის მიხედვით, ამ ლექსში არას გზით ბესიკ გაბაზვილი არ
 იგულისხმება, არამედ გარკვეული მცნება მოცემული საბა ორბელიანის გამმარტებით.

ამ ლექსთან ერთად, ამავე წიგნის გარეკანზე კვიციანძეს ეპიგრაფად მოჰყავს აგრეთვე
 ბარამ ბართაშვილის და დიმიტრი თუმანიშვილის ლექსები, სადაც ისევ
 „ბეზიკის“ „ბესიკად“ დამახინჯებასთან ვეაქვს საკმე. სხვებზელი ავტორებიც ისევე, როგორც
 აღ. ქვეყანაძე ამ ლექსებში სრულიადაც ბესიკს არა ჰგულისხმობენ.

² ვ ა რ ი ა ნ ტ ი: „იკეთებს ირისისა, იღებავს ილაფიანსა“ Н 2130.

³ S 1612/ზ.

⁴ Грамоты, I, 184.

მებს ართმევს და ზოგს იმ ვაჭრებს, რომელნიც რუსეთიდან, სპარსეთიდან და ოსმალეთიდან საქართველოში სავაჭროდ მიდიანო¹.

ბუნებრივია, რომ დიდკაცობაც მეფეს ჰბაძავდა „რაც ბრწყინვალე ტანისამოსი მეფეს ეცვა, ისინიც იმას ნდომულობენო“. გადმოგვცემს იგივე და ჩვენ ვიცით, რომ მართლაც, თბილისის დიდგვარეულ წრეებში განვითარებული იყო დიდი მხატვრული გემოვნებით შეთანხმებული ჩაცმულობის კულტი. ტყუილად კი არ იძახის თავმომწონედ ერეკლეს ერთი კარის-კაცი: „ჩაცმა და დახურვა მიყვარს და არც მაკლია“-ო, ჩამოსთვის რა თავის გარდერობის ვრცელსა და მდიდარ ქონებას².

თუ სადამდე მიდიოდა მზრუნელობა გარეგან სიკეკლუცისათვის, ამას ზედმეტად ადასტურებს თვით ბესიკის მეცენატის ბატონიშვილი ლევანის ერთი კერძო წერილი, რომელიც ქუდის შეკერვას ეხება. იგი მთელ ტრაქტატს შეიცავს ქუდის არტიტულად შეკერვისათვის³ და ბოლოს, ბესიკის წრის გარეგან ბრწყინვალეების გატაცებისთვის დამახასიათებელია მაგალითი პოეტის ახლობელი მეგობრის დავით ალექსი-მესხიშვილისა, რომელსაც სიჭაბუკეში ესევე უკიჟინებენ „კკლუცად ჩაცმა“-ს და „საარშიყო სამოსელის“ სიყვარულს⁴. ამისთვის უწოდებდნენ „ცუკია“-ს, რაც მისი ერთი ჩამომავალის განმარტებით ჰნიშნავს კობხად ჩაცმულს, მომზიბლავს. დავითი, როგორც ნამდვილი პეტრომეტრი, ნაცვლად პაჭიჭ-საცვლებისა ტოლადებდად აბრეშუმის ბაღდადს ხმარობდა.

ასე „ტანისამოსის მოყვარული“ იყო მაშინდელი „ოქროს ახალგაზრდობა“, რომლის რჩეული ნაწილი ბატონიშვილ ლევანს ახლდა ამაღაში და რომლის წევრი თითონ ბესიკი იყო. ბატონიშვილის ამაღა თავს იწონებდა „როგორც საუკხოვო ცხენებითა, ისე იარაღითა და სრულიად ის ამაღა ვერცხლის ყაწიმებში პრიალბდა თურმე, ბედაური ცხენებით, წითელი ტანისამოსით, ვერცხლის კრიალა ყაწიმებით“⁵.

ეს ახალგაზრდობა განთქმული იყო ბრძოლებში თავისი გამბედაობით, ვაჟკაცობით, შემმართებლობით, მგვრამ მშვიდობიან დღეებში მანვე იცოდა წაბმით ლხინები, „ბედაურთ ცხენთა შეკაზმვა, გამოჩვენობა, ტანისამოსთა კკლუცითა შემოსვა, ტურფად ჩვენობა“ და „ყოველი განცხრომა, განსვენება, სიხარული“ ეს „გონება ქარიანი“, „არზაქარი“ „ოქროს ღილეტყაწიმეზიანი“, ახალგაზრდობა, ეს „განცხრომად სახიობით მოცინარე ჰაბუკნი“, იყვნენ ბესიკის ახლობელი მეგობრები და ბესიკი—მათი პოეტი იყო. სწორედ მათს წრეში მიმდინარეობდა ბესიკის უქმი, ჰედონისტური ცხოვრება, როგორც ქალაქელ პოეტისა და სასახლის მგოსნისა. ამიტომ უწოდებს ბესიკს ჰაბუა ორბელიანი „ცხოვრება ცარიელს“, „ლოთებიანს“, „წიღოვან წარმართს“, „მრუშ-მეძავს“, „საქციელ-საძაგელს“, — ჰგულისხმობს რა ბესიკის ეპიკურულ და ბოჰემურ ცხოვრებას.

სასახლეში მოაღერებელი ბესიკისათვის, როგორც ამბობს გადმოცემა,

¹ ივერია, № 5-6, 1879

² იესე ოსეს შგ., 4, 11, 41.

³ ცენტრარქივის სიგელების ფონდი, 226, № 4429; ფ. № 229, № 2135.

⁴ H 3237.

⁵ ალ. ორბელიანი, S 1655/ბ

ლია ყოფილა თბილისის არისტოკრატიული უბნის კარებიც. სწორედ ამ უბანზედ იტყოდა გაახანაურებული მდაბიო: „დიად, ძნელი უბანი არის, გარშემო დიდნი კაცნი ახვევიან და ზეიდამ დაჰყურებენ“. ამ უბანში განთქმული იყო სახლების მდიდრული გაწყობილება, „მოფენილობა, ფიანდაზი, კარგათ დახედობა, მართებული ლხინი, მგალობელი, მეჯლიში“, ბესიკი გაუყრელი წვერი ყოფილა ამ უბნის არისტოკრატიულ ლხინების, როგორც მომღერალი და მგოსანი. ამ ნაღიმებზე ითხზებოდა მისი სატრფიალო ლექსები, სიმღერები, ექსპროზტები, კალამბურები.

მაგრამ პოეტი თბილისის დემოკრატიულ ინტერესებითაც ყოფილა დაზანდებული. მუსიკალურ იმპროვიზაციების გამო ბესიკს დიდი საყვარული ჰქონდა დამსახურებული ქალაქის წვრილბურჟუაზიულ წრეებში.

მთაწმინდელის მიერ ჩაწერილი გადმოცემით, — თარისა, ჩონგურის დაკვრით, სიმღერისა და ტკბილი ხმის წყალობით, ბესიკი „განთქმული ყოფილა მთელს საქართველოში, მეტისმეტი საყვარელი ყოფილა დაბალი ხალხისა, ბაზაზების, ვაჰრების და საერთოდ ყველასი. გამიგია, რომ ბესიკის ხმა და ჩონგურის დაკვრა სულთმობრძავესაც კი მოასულიერებდაო. ბესიკი მარტო უმაღლესს შირებში არ ყოფილა სახელგანთქმული. ამისივე ერთობ დიდი პატივია ჰქონია მაშინდელს მოქვიფე ხალხს. მოქვიფე ხალხი სულში ისომდა ბესიკსაო. მისი სახელი თითოეულმა მოქალაქემ იცოდა. ყოველი კაცის სახლში ლხინი ისე არ გათავდებოდა, რომ ბესიკის სახელი არ ეხსენებინათ და მისი სადღეგრძელო არ დეელიათ“... ბაზაზები, სოვდაგრები, ხელოსნები „ყოველ წვეულებაში უსიკვდილოდ ჰპატიყებდენ. მაგ. ამქრის დღესასწაულებში, სამღვთოებში, შეგირდების დალოცვაში, ქორწილში და სხვა სამხიარულო შემთხვევებში“¹.

ამ გადმოცემის სიმართლე, სხვათა შორის, დადასტურებულია იმავე ჰაზუა ორბელიანის მიერაც. პირადი შურისძიებით აღძრული სატირიკოსი შეუბრალებლად ჰბასრავს პოეტს:

ჭი, ყოვლად საძაგელი,
სომხებს დაჰყავთ მუღმივ ქირით“².

ე. ი. თბილისის ვაჰრებს, რომელთაც განსაკუთრებით სომხობა წარმოადგენდა, თითქოს ქირით, ჰონორარით დაჰყავდათ ლხინებში პოეტი—მომღერალი. ჰაზუას ნათქვამს რომ სატირული შხამი ჩამოვაცალოთ ქირის შესახებ, დაგვიჩება დადასტურებული ცნობა ბესიკის ხშირი სტუმრობისა თბილისის მოქალაქეთა ოჯახებში.

ამის შემდეგ დაუჯერებელი არ უნდა იყოს ზ. ჰიქინაძის მიერ ჩაწერილი ცნობა, რომ „თბილისში, ერთს მედუქნე გადამწერს ხელობად ჰქონია ბესიკის ლექსების გადაწერაო“. მაშასადამე, იმდენად დიდი მოთხოვნილება ყოფილა მდაბიო ხალხში რომ მას, თავისი საგანგებო გადამწერელიც კი ჰყოლია ბესიკის ლექსებისა. ამ შემთხვევაში დიდ ინტერესს იწვევს იმავე ჰიქინაძის ერთი ცნობა: „ბესიკის ზოგი ლექსები საათნოვას გადაუთარგმნია“—ო, (გვ. 20).

¹ ბესიკი აღ. ჰავკავაძე, გრ. ორბელიანი, გვ. 11.
S 1612/ბ

პოეტი. კარისკაცი

ჯერ კიდევ სრულიად ქაბუჯ ბესიკს განთქმული მგოსნის სახელი ჰქონია დამკვიდრებული. ბესიკის მაშინდელ რეპუტაციის გასათვალისწინებლად, საკმარისია გავიხსენოთ ის ფაქტი, რომ მას სიცოცხლეშივე უწოდებდნენ „მე ლექსეთბაშს“ და ხმატკბილობით რუსთველს ადარებდნენ:

„რუსთველისაებრ ხმატკბილობით

არ აკლებდა არც ერთ გვარებს“-ო,

ამბობს ალტაცებული მისი პანეგირიკი.

..რიტო [რ] ნი ხმანი,

ჩვენთვის საკმანი,

ქეთილ კაზმანი.—

დასწერა იმან

ბარათ (sic) მშრომელმა.

ვიწყოთ ქებანი

მისნი მკობანი,

ჯერ გვიჩნს ხლებანი,

მოველით, ყოველნო, შემამკობელმა! (sic)

ეს ლექსი ბესიკზე, როგორც ტექსტიდან ირკვევა, დაწერილია ბესიკის სიცოცხლეშივე („ჯერ გვიჩნს ხლებანი“).

ამ შემთხვევაში საყურადღებოა აგრეთვე დავით ალექსი-მესხიშვილის ალტაცებული სიტყვები, რომლითაც მიუმართნია ბესიკისადმი: „და საოტარიდოსა ვანსა მიშქინურთა ენათა მოქმედებისა ველთა ლიკლიკებრ ხლტომანი დააწყებინე და არიულისა სამოენოსა მოწყალებითა შეჰსძრენ და სიტკბოსა ხორხსა მომტკბარნი ალყანი ამუსიკელენ“-ო (S 105).

ბესიკის არაჩვეულებრივი პოპულარობის მიზეზი უნდა ყოფილიყო ის ფაქტიც, რომ იგი იყო არა მარტო „შემთხვეული პიტიკოსი“, „რიტორი მქვერ-მოუბარი“, არამედ „ამუსიკობით ქებული“-ც. მგოსანი—იმპროვიზატორი, ტკბილი ხმით მომღერალი, ჯადოქარი დამკვრელი, ასეთი შარავანდვდით იყო შემოხილი ხალხის თვალში. ვადმოცემით, რომელიც თავის დროს სპ. ჩიტორელიძეს ჩაუწერია, ბესიკის სიმღერით ალტაცებულმა ყანმა ბრილიანტებით მოქედილი საგვარეულო თარი აჩუქაო („ივერია“ 1889, № 88). ბესიკის მთავარი დამსახურება სწორედ იმაში მდგომარეობდა, რომ იგი უპირველესად „სამღერალი ლექსების“ ავტორი იყო. „მან მრავალნი საამო შაირნი დასწერა სპარსთა ხმათა ზედა სამღერალი ქართულისა ენითა“, როგორც „დაუტხრომმა მთხველმა“ გააკეთა სხუათა და სხუათა ხმებთა ზედა სიმღერისა ლექსები¹ „არ აკლებდა არც ერთ გვარებს“. ე. ი. სხვად სხვა ლექსის ზომის და როგორც უსახელო მგოსანი იტყვის:

„ტუტუნი ხმანი“
მრავალთ საქმანი,
აშულთ სახმარნი,
იმანცა გვამცნო ვაბაონელმა²

ამ ფაქტში იყო თანამედროვეთა აზრით ბესიკის პოეტური დამსახურება-
ასეთი იყო ბესიკის კარიერა ერეკლეს კარზედ, რომელსაც მგოსანთა და
პიტიკოსთა სიუხვეს უკიყინებდა ანტონ ქათალიკოსი შორიდან:

„მანდაურთა ბრძენთა მესტიხეთა და პიტიკოსთა რომელთამე-
სიტყვითნი ქების სიტყვაობის მოხსენებანი და შაირსიტ-
ყვაობათა მუსიკთა შინა დატკობანი გულსა შინა ჩვენთა-
ნა ყოფისაგან წარიტაცებენ“-ო.

საკითხავია, იყო თუ არა ბესიკი ერეკლეს კარის პროფესიონალი მგოსა-
სი-მომღერალი, როგორც იყენენ: საათნავა, მაჩაბელი და სხვები? როდესაც
ბესიკის პოეტურსა და მუსიკალურ ნიჭზე ვლაპარაკობთ, გვგონია, რომ აზნაურ-
ინტელიგენტ პოეტის მონაწილეობა სასახლის ცერემონიალებში სასხვათაშო-
რისო თუ იქნებოდა, მაგრამ ბესიკის პოეტური და მუსიკალური ტალანტი
უნდა ყოფილიყო ერთი მიზეზთაგანიც, რომ განდევნილ ზაქარია მოძღვრის
შვილს ითმენდნენ სასახლეში.

**

ბესიკის დროს განსაკუთრებით ჰყვოდა „შესაქცევარი“ პოეზია. ცხადია,
იგი ბესიკის დროს არ შექმნილა—იგი წინამავალ პოეტურ სკოლების მემკვიდ-
როებაა, მაგრამ ამ ჟანრმა ბესიკის დროს თავის ზენიტს მიაღწია.

ამ სიტყვიანოვან ჟანრში შედიოდა: „შემღერება-მუნასიბი“ ანუ ექს-
პრომტული ლექსები, „ანბანთქება“, „კიდურწერილობა“ ანუ აკროს-
ტიხი (5—6 სახისა: სატირული „კიცხვითი“, „გიობითი“, „საცინელი შაირი“,
„შაირი ხუმრობით“, „ლათაიური“), ეპისტოლარული შაირები, „ბექდის
გვარი“: („ბექდების გვარი ლექსნი“ ანუ „ბექდის წარწერა“, „ბექდები
მუნასიბიანი“, „ბექდად თქმული“ ლექსები), „წარწერთი ლექსები“, (წარწე-
რები—ციხეებზე, ტაძრებზე, ოთახის კედლებზე, სატევრებზე, ჩახსაკრავებზე,
სარკეზე, საცეცხლურზე და სხვა) და ბოლოს ნამდვილი ქართული მოვლენა—
„ზმა“. რამდენადაც პოეტი იყო „მჭევრ-მოუბარი“, „მშვენიერი რიტორი“—
იმდენად დამსახურებული უნდა ყოფილიყო ამგვარ ლექსაობაში.

თუ სასახლეში სავალდებულო იყო „მუნასიბნი“ ანუ „სიმღერის ლექსნი“
„ზმანი ანუ იამბიკონი“ და სხვა „შესაქცევარი“ ლექსები, მათში ნამდვილ აღ-
ტაცებას იწვევდა „სახუმარი“, „ოხუნჯობითნი ლექსები“, განსა-
კუთრებით „ხუმრობა ზმით“, რომელშიც მგოსანს მუსიკისა და სიტყვის
ნიჭთან ერთად სარკაზმის და სატირის ნიჭიც უნდა გამოეჩინა. ტყუილად კი
არ ამბობს თეიმურაზ მეორე:

¹ H 2184.

² S 1089.



„საც გაჩნდებოდა ზნეობა,
თქმა ხუმრობისა ზმინანად,

ვის შეუძლიან ზუმრობა
სიტყვითა, თუმცა ზმენითა;
მეფეც გიბოძებს წყალობას,
საბოძერით აივსენითა.

ბესიკს ვირტუოზის სახელი უნდა მოეხვეჭა სასახლის არისტოკრატიულ წრეებში. დიდ მეჯლისებსა და ნადიმებზე ექსპრომტერ მგოსანს ხომ დიდ გასავალი ჰქონდა. მეფეებსა და ბატონიშვილების გვერდით ხშირად ვხვდებით მათ ლაშქრობაში, შორგზასა, ლხინსა, თუ შეყრილობაში. ცხადია, სასახლის საზოგადოებაში მყოფ ბესიკსაც არა ერთხელ უნდა შეესრულებინა მეგობარ-პატრონთა პოეტური დავალებანი.

მაგ. ამნაირ დაკვეთით ყოფილა დაწერილი ბესიკის ცნობილი ლექსი „მე შენი მგონე“, რომლის შემგვეთელი შესაძლოა ლევან ბატონიშვილი ყოფილიყო.

ზაქ. ჭიჭინაძე ასე გვიამბობს ამ ლექსის მიზეზს:

„ერთ დღეს მეიღნისაგენ ვილაც ალაფის ქალი მიღენილა. მას დაჰხვედრია ქართველი ბატონიშვილი (ლევანი?—გ. ლ.) და ძალიან მოსწონებია. ბატონიშვილი შორი ახლოდამ ქალს თან გაჰყოლია და მისი სახლი უნახავს. მესამე დღეს ბატონიშვილს ქალიაანთ სახლის მახლობლივ ვახშამი გაუმართავს დამთელი ლამე უქეთენიანთ ზურნით, თარით და სიმღერებით. ბესიკიც იქა ყოფილა. ბესიკისთვის უთხოვნიათ იმ ქალზე სიმღერა გამოსთქვიო. ქალს მაღალო რქმე-ვია და ლექსი „მე შენი მგონე, ქირთ შემეკონე, მარკვი მაღალო“ ბესიკს მასზედ დაუწერია... ეს ლექსი მთელს ქალაქში მოუფინა“ (ბესიკი, გვ. 6).

ექსპრომტული „შესაქცევარი“ პოეზია, იმ დროის მოარული სენი იყო, ეპოქის ტრადიცია.¹ მას თვით სახელმწიფო მოღვაწეები, კარისკაცები მისდევდნენ. პოეტურ მახვილსიტყვაობას ისინი მეჯლისების გარედაც იშველიებდნენ ხშირად სახელმწიფო საქმიანობაში, დიპლომატურ მიპოწერაში, დავაში, ჩხუბისა თუ ზავის დროს.

თვით ისეთი განდგომილი კასტა, როგორიც იყო სამღვდელეობა, ოფიციალურად საერთო პოეზიის უარყოფელი, მხურვალედ მონაწილეობდა ამ პოე-

¹ ბესიკის მეგობარი დავით რექტორი დასძენს ერთი თავისი ლექსის გენეზისისთვის: „ბატონიშვილი ლევან გარდამეკიდა: ზუღიაზედ მუსტაზადი ჰსთქვიო—და მისი ვეჟაკობა აქვო“ (S 105)

აი, დამახასითებელი თემათკა შესაქცევარი პოეზიისა დავით ალექსი მესხიშვილის ლექსებიდან:

1. ბატონიშვილმა გიორგიმ ჰადრაკი გამომართო, ცხენს დამირდა, აღარ მომცა. ამ შაირით მოვაგონე. მაგრამ ჯერაც მოდის...
2. თოფით ქედანი მოჰკალ და ეს შაირი იმაზედ და ეჭსთქვი.
3. ფრანგის ქალი ვნაზე ბალში და მანზედ ეს ლექსი ეჭსთქვი.
4. ქაიხოსრო მდივანბეგს უხუმრე ზმად.
5. ხუმრობა მივჭყრე დაბალი შაირი სებათა.
6. სარკეზედ დავწერე ეს ლექსი.

ტურ ტურნირში. იგი თავის წრეში ითვლიდა არა ერთს „მოშიარეს“, „აშულს“, „ხუმარს“. ასე, ირაკლის მეფობაში მრავალთა შორის ცნობილ იყვნენ: განთქმული პიტიკოსი ამბროსი ნეკრესელი, არქიმანდრიტი ელფეთერ ზუკაკიშვილი, ცნობილი „აშულობით“, მთავარეპისკოპოსი კირილე ციციშვილი „მჭევრ-მეთქვი, სიტყვამარჯვე და ხუმარი“, არქიეპისკოპოსი პაფნოტი „კაცი მოხუმარი, მხიარული“, მღვდელი იოსებ თურქისტანიშვილი „მოხუმარი“, ორბელიანთა კარის მღვდელი ამირიძე („ქეშიშ დარდინანი“) მომღერალი, მსახიობი „კომედიანჩიკი“, რომელიც, გადმოცემით, ერთნაირი სიყვარულით ემსახურებოდა ტრაპეზს და სცენას. მაშინდელ პოეტურ ანთოლოგიებში საკმაოდ შემონახულა „სამღვდელოთა“ ეპიგრამატულ შემოქმედების ფრეოლოური ნიმუშებიც.

„შესაქცევარი“ პოეზიის ტონის მიმცემი თვით სასახლე იყო. ბატონიშვილები, კარისკაცები, ბანოვანი, სწერდნენ თვით და სხვასაც აწერინებდნენ შეკვეთით.

და ბოლოს პოეტურ პაექრობაში მონაწილეობას იღებდა თვით „შუბლ-შეკრული“, „შექმუხენილი“ მეფე-მხედარი ერეკლე მეორე, ისევე, როგორც ზოგი მისი წინამორბედი.

შეიძლება ჩვენში ბევრმა არც კი იცოდეს, რომ ასპინძის გმირი პოეზიის მოყვარული იყო და ზოგჯერ მონაწილეც პოეტური პაექრობისა. თვით პოეტის შვილს და თეიმურაზ პირველის ჩამომავალს, ტრადიციით მოსდგამდა პოეტური სიტყვის სიყვარული, თუმცა ლექსისთვის მას არ უნდა სცალგებოდა, რადგან მეტად კატასტროფულ ხანაში უხდებოდა სამეფოს მართვა. და როგორც ერთი მისი კარის კაცი გადმოგვცემს, მას სასახლეში ხანგრძლივი ცხოვრების საშუალებაც კი არ ჰქონდა: „მეფე ერეკლე ერთ თვეს ერთ ადგილს არ დადგის. ის მტერი ჰყვანდა, ის ჟამი ჰქონდა, დავიდოდა და თავისს საბრძანებელს ისე არიგებდა“¹. მაგრამ ამ შესანიშნავ მხედარს, რომელსაც ხმალი და ომები უყვარდა, როგორც „მწყურვალს ლეინო“, დავით აღმაშენებელივით პოეზია და მეცნიერებაც იზიდავდა. იგი მოხუცებულობის დროსაც კი ფილოსოფიის გაკვეთილებს იღებდა² და საგანმანათლებლო მუშაებს ჩვეული პათოსით მოუწოდებდა: „შრომის ყვაფილი დაგვანახვეთ და თქვენდა რწმუნებული ტალანტი აალორძინეთო“,³ ხოლო სტამბის საქმეს, რომელიც მან საქართველოში განამტკიცა, „საქვეყნიერო და სჯულის სამსახურს“ უწოდებდა.

ნადირ-შაჰთან აღზრდილი, „კარგად მსწავლულს თათრულისა და სპარსთა ენისა“, იმავე დროს მუსიკის დიდი ტრფიალი იყო, მცოდნე „საკრავთა და მულამებთა ანუ კმებთა“⁴. სწორედ მის კარზედ გაიფურჩქნა ბესიკისა და სა-

¹ იესე იასეს შვილი, 41

² ისტორიკობრივი აღწერა ვახტანგ ბატონიშვილისა, გვ. 24.

³ ც. არქ. ს—გ. ფ. № 28

⁴ H 2134: ერეკლეს მასწავლებელი ყრმობაში „სწავლასა და მგალობლობასა შინა“ იოანე ნინოწმინდელი (ჯანდიერი) ყოფილა (იქვე).

ათნავის პოეზია, იგი უაღერსებდა მომღერლებს, პოეტებს და თავის კარისკაცებს ახალისებდა მოსწრებულ სიტყვასა და პოეტურ შეჯიბრში. გრიგოლ ბატონიშვილი ერთ ასეთ შემთხვევას გვიამბობს: „ბატონი მეფე ერეკლე დღესა ერთსა მდევარზე წაბძანდა და თავის სიძე ციციშვილი სარდალი თან ახლავს. წითელი კაბა აცვია და თეთრ ტიქსა ზის და მეფეს წინ უძღვის. ამ დროს ხორგუაშვილი თევდორე იქ ახლავს და მეფემ უბრძანა: „ხორგუაშვილო, ლექსიო!

— „გკითხავ, ვინ არს წითლოსანი
თეთრ ტიქსა რომე ზისა?

და პასუხ უგო მაშინვე ხორგუაშვილია:

— გკადრებ,—სარდალ-მოურავი,
სიძეაო სიმაღლისა¹.

ერეკლეს ეკუთვნის აგრეთვე ლექსად განმარტება ანტონ ქათალიკოსის ენიგმატიურ ლექსისა:

ქათალიკოზის ბრძანებული ვარდზედ
(გამოცანა)

უგრძნო ცხოველი,
ყთილ ფშვთ მთოველი;
ვინა მშოელი,
ტიკიელს ჰპოვებს ყოველი.

ბატონის მეფის ერეკლესაგან ახსნა (ზმით)

გარ დიდ გვარისა,
და უდარისა.
ამად არისა,
ტიკიელთ მწარისა;
ადამის ცნობა
ახსნად კმარისა².

აი კიდევ ერთი ნიმუში მეფის გაშაირებისა:

1792 წ. ერეკლემ, ძველ-ქართულ სიმღერა-გალობის ტრფიალმა ტკბილ მგალობელს და მუსიკოსს, ამბროსი წილენელს შეუთვალა: „ცისკრის ალილო ქართლსა და კახეთში აღარავის ახსოვსო, ქალაქს ჩამოდი, დაგვასწავლეო, პიტიკოსმა ამბროსიმ პასუხი ლექსად მიართვა, რაზედაც მეფემ ლექსადვე უპასუხა:

ბატონის ნათქვამი:

შენ ეგ ალილო გვასწავლე,
მე ვიცი, რაც რომ გვარგეო;
ეგ ენა, პირი და გული,
ალაღე ჩვენთვის ბაგეო,

¹ თევდორე ხორგუაშვილი — XVIII ს. მოწაირე, მოხსენებულია „ქალმა-სობაშიც“.

² S 1516, 1519.

ოფოფას მალ გამოგაცლი,
 მისი გული დადაგეო,
 ერთი კიდევ სხვა მოგეწერე
 და მერმე აიბარგეო.¹

ამ პოეტურ ექსპრომტების ნიმუშებიდან კი ჩანს, რომ თეიმურაზ მეორის შვილი არც ისე დაშორებული ყოფილა პოეტურ ტრადიციებს, როგორც ჩვენში ჰგონიათ² და შემთხვევითი არ არის, რომ სწორედ „ამის დროს კიდევ უფრო გახშირდა სპარსთა ხმებისა საქრავნი და სიმღერანი და ეცადნენ რაოდენიმე გვაშნი და ვააკეთეს ქართულის ლექსებით ხმასა ზედა სპარსთასა და დაუკრევედიან ჩანგურსა და სხვათა საქრავთა ზედა და დამღეროდიან“ (იოანე ბატონიშვილი). და თუ მეფეს უყვარდა მარჯვე პოეტური სიტყვა, ნიჭიერი ლექსი, ტკბილი სიმღერა, ცხადია, ერეკლეს დაინტერესებდა პოეზიით უსათუოდ შესაფერი როლი უნდა ეთამაშა ბესიკთან დამოკიდებულებაში.

„კალმასობის“ ავტორის ცნობით ვიცით, რომ კარის მგოსან საათნავას დამსახურება იმ ფაქტითაც იყო გამოწვეული, რომ მას პირველს „გაუკეთებდა სპარსულ ხმებზე ქართული ლექსები“, მანამდე „ეს არ იყო შემოღებული“, გვიამბობს საათნავა კალმასობაში: „და როდესაც მეფემან ირაკლი ინება მეჯლისში და მიგვიყვანეს მოსაკრავენი, მაშინ მე სპარსულს ხმით ქართულად ვიმღერე, ბატონს დიდათ იამა და ხალათიც მიბოძა“—ო.

ბესიკიც ხომ გამაგრებლებელია საათნავას ნოვატორობისა. ბესიკიც ხომ „დაშვრა“ და „გააკეთა სხვათა და სხვათა ხმებისა ზედან სიმღერებისა ლექსები“. და თუ ლექსის მოყვარულმა ერეკლემ საათნავა ხსენებული პოეტური დამსახურებისათვის, დაასაჩუქრა, ცხადია, მას ბესიკისთვისაც უნდა მოეაღერსე-

¹ ც. არქ. ხელნაწერი (№ 4—20). იგი დაწერილია თვით ამბროსის (ნეკრესელის) ხელით. შემდეგ ამბროსი ასე გვიამბობს მეფესთან შეხვედრას სალხინო დარბაზში, სადაც მან მეფეს საექლემო საგალობელი „ცისკრის ალილო“ დაასწავლა: „ქალაქს, ბატონს სალხინოში მოავალნი ახლდენ, იაზლა, თაყვანისცა და ეს მოახსენა:

„კვალად ისპინე ხელმწიფევე, აღარ ვასდგები წილკანს მეო
 ვერც უშენოდ ვასძლებ სადმე, თუ გინდ კარში გამაგდეო,
 ჩემი გაძლება ჩემს გლახაქს,—ჩემს სახლს ახლო მიმავდეო

„შიდ იმავე ღამეს ცხრა საათს ვასულს უბძანა იისმა მხემა, იაზლა და ხუთჯერ ბძანა თვითონ [ცისკრის ალილო]... მერმე იოთამ უცხო მგალობელი... და გიორგი ხელაშვილი დეკანოზი იქ ახლდენ და იმათ უბძანა: მე ვერ მოვიცილი და თქვენ დაისწავლეთო და იმათ ათს დღეზე დაისწავლეს... ბ ა ტ ო ნ ი ხ შ ი რ ა დ ა თ ქ მ ე ვ ი ნ ე ბ დ ა ...

„მერე მიბრძანა: შენის ძმის დაწერილს ლოცვაებში ანდრიას საგალობელი ზოგი დამეწვია და იმის ხელზე შენ უკეთ გამოსწერო. გარჯითაც გამოეწერე და მტეიც მიბოძა“ და სხ. (იქვე)

პოეზიითა და სიმღერის მოყვარულ მეფეს საკუთარი შტატი ჰყოლია სასახლეში მწიგნობარ-მგალობლებისა, როგორც „კირილე მთავარ-ეპისკოპოსი ციციშვილი, იოთამ მგალობელი, დიმიტრი, გარსევანიშვილი კოკია და სოლომონ, მელენიეთბუციშვილი პაატა, ესენი საკუთრად მეფისა ირაკლისა იყვენენ მგალობელ-მწიგნობარნი“ (იხ. მცირე უწყება ჭართველთა მწერალთათვის“, 55).

² რაც შეეხება ერეკლეს შვილებს, ისინი აქტიური მონაწილენი იყვნენ მაშინდელ პოეტურ ანთოლოგიებისა და ზოგ მათგანს დღემდე პოეტის სახელიც კი აქვს დამკვიდრებული.

ბინა. ბესიკის მგოსნობა ხომ ასე საჭირო უნდა ყოფილიყო სასახლის იმ მე-
ჯლიშებისათვის, რომელთა „წესი და რიგი“ დიდხინის შეცვლილი ხელახლად
დადგინდა ერეკლეს დროს¹.

**

მგოსანი და მომღერალი ბესიკი მახვილი სიტყვითაც ყოფილა განთქმული
და ესეც ხომ ერთგვარი საველდებულო ელემენტი იყო მაშინდელ მგოსნისთვის.
ბესიკი ხომ მიმზიდველი ცენტრი იყო იმ ეპოქის პოეზიისა, როცა მფრინავი „ლი-
ზლური“ სიტყვის, მსუბუქი ეპიგრამების, კალამბურის და ანეგდოტების კულტი
ჰყვავოდა, როგორც ზემოდაც აღვნიშნეთ.

„კატისა და თავის ომის“ ავტორის—ზაქარია გაბაშვილის სატირული
ტრადიცია მეტად თვალსაჩინოდ მქალაქდება ბესიკის პოეზიაში. ბუნებრივი უნდა
ყოფილიყო, თუ ცნობილი დემაგოგის და სატირიკოსის შვილს ბესიკს დამსახუ-
რებული ჰქონია შხამიანი პამფლეტისტის და ეპიგრამატისტის რეპუტაცია.

პოეტის ერთი ანტაგონისტი ასე გვიხატავს ბესიკის სატირიკულ ხა-
სიათს:

„გაბაანობს, გესლიანობს, გვარძნილია...“

„ღვარძლიანობს...“

„პირად პილწობს..“

„ქინცყულიანობს, ქირვეულობს... და სხვ.“

ასეთ მტრულ დახასიათებაში პასქვილიანტი ჰგულისხმობს ბესიკის შხამიან
ეპიგრამატულ ლექსებს და დაციენის პათოსს. შემთხვევითი არ უნდა იყოს
ზ. კიქინაძის მიერ ჩაწერილი ცნობაც, რომ ახალგაზრდა ბესიკმა აღარავინ გა-
უჟშვა, რომ მაზედ ლექსები არ გამოელოო (გვ. 8).

ბესიკის ეპოქა ხომ დიდათ აფასებდა მსუბუქ პოეზიას, მახვილსიტყვაობას.
„ოხუნჯობითი ლექსნი“, „შაირი ხუმრობითი“, „ხუმრობა
ზმად“, „შესაქცევარი და სახუმარი“, „ლათაიური“, „გიობი-
თი ლექსნი“, „კიცხვითი შესხმა“, „საციენელი შაირი“, რაც
ეპიგრამას, პასქვილსა და სატირას უდრის, მძლავრი იარაღი იყო, რომლითაც
პოეტი გამოსთქვამდა თავის საზოგადოებრივსა და პოლიტიკურ შეხედულებებს.²

სამწუხაროდ, ჩვენი ძველი ეპიგრამატული და სატირიკული ლიტერატურა,
როგორც მაშინდელი ცხოვრების თვალსაჩინო ძეგლი, ჩვენი მწერლობის მცო-
დნეობაში შეუსწავლელია და უგულვებელყოფილი, თუმცა იგი ერთი თვალ-
საჩინო ენარი იყო, რამდენადაც საზოგადოების კრიტიკულ მიზნებს ემსახურე-
ბოდა.

¹ „წესი და რიგი“ უნდა იყოს სახმარი დარბაზისათა, ვითაც დიდი ხანი იყო ქართლის
ქცვა და მეფეთა რიგი გარდაცვლილ-იყო. ის ევ პირველსავე საზღვარსა და აწე-
სნა, ყოფილი რიგნი დარბაზისანი“ (ქ. ცხ., 123). „ლიტერი ორბელიანი... ვგრე
განაგებდა რიგთა და წესთა მეჯლიშისათა. შეიქნა ლზინი, ვითაც ქართლის
რიგი ყოფილიყო, ცდილობდენ გამოჩენასა“ (იქვე, 114).

² „მუხამბახი ლათაიური, ესე იგი გაიცხვითი, გინა გიობითი, უწოდებენ
ვგროპენი კრიტიკას“... დავით რექტორის განმარტება (S 105)

ჩვენამდე მოღწეულ-ცალკეულ ნიმუშებიდანაც ჩანს, თუ როგორ ემარჯვე-
ბოდა ბესიკს ეს ქანრი. იგი ბესიკის პოეზიის აქტიური ელემენტი უნდა ყო-
ფილიყო.

მაგრამ ბესიკის სატირა არ ვაჩერებულა მცირე ლიტერატურულ ფორ-
მაზე და მან ყოველდღიური სუბიექტური წვრილმანი იუმორი აიყვანა ეპიურ
ქანრში და მოგვცა ზოგადი ხასიათის სატირული პოემა „რძალ დე და მ-
თ ილიანი“, რომელიც მხიარული ტონით და ბასრი ირონიით გადმოგვცემს
მაშინდელ მდაბიურ ოჯახურ წყობილებას. ამ პოემაში ბესიკი იჩენს დიდს ნო-
ვატორობას და სატირულ ტალანტს. საყურადღებოა, რომ „რძალ დე დამთი-
ლიანი“ დაწერილია ბესიკის შემოქმედების პირველ პერიოდში, თბილისში ყოფ-
ნისას: „ამბავი ესე რძალ დედამთილთ ჩხუბისა, ნათქვამი ლექსად ბესარიონ
გაბაშვილის მიერ ქალაქსა ტფილისს“ (S 1439) და რაც მთავარია, დავით
გურამიშვილის „ქაცვია მწყემსის“ უწინარეს და მისგან დამოუკიდებლევ.

* *

ეჭვი არაა, ბესიკის სატირული გამოსვლები ზოგიერთებში შიშსაც იწვევ-
და მოწონებასთან ერთად და გაბედული ეპიგრაფებით პოეტს მტრებიც უნდა
შეეცინა. ამიტომ ბრწყინვალე პოეტს მომხრეებთან ერთად ანტაგონისტებიც
უნდა მრავლად ჰყოლოდა, რომელთაც ბესიკი არა ერთხელ იხსენიებს ლექ-
სებში „ენით მკვლელ გველის“, „მტერთ“ სახელით.

ამ შემთხვევაში ჩვენ გვინდა გავიხსენოთ ბესიკის ცნობილი ლიტერა-
ტურული დუელი განთქმულ მზექაბუჯ ანუ ქაბუჯა ორბე-
ლიანთან.

მზექაბუჯ ორბელიანი მსხვილი პოლიტიკური ფიგურაა—თავის დროისა.
ცნობილი სახელმწიფო მოღვაწე, სამეფოს მდივანბეგი, განთქმული კარისკაცი,
„ფილოსოფოსი“, „მეცნიერი“¹, („რომელმაც სთარგმნა პერიარმენია არისტო-
ტელისა“ და ჰქონდა საკუთარი ფილოსოფიური სკოლა), „სამართლის წიგნთა
მწერალი“. თანამედროვენი მას „სიბრძნის ჩანგს“ უწოდებდნენ. მშვენიერი მე-
ლექსე, — ეპიგრამატიკტი, სატირიკოსი, მზექაბუჯი იმავე დროს შეუღარებელი
„მოსუმარე“, „ანეგდოტიკტი“, „სიტყვა მარჯვეობით ვითარცა ახალი დიოგენი
იყო“ (თეიმურაზ ბატონიშვილი S 3723). „იყო დიდი მოხუმარი, დიდი ობუნჯი,
დიდი სიტყვის მომსწრები“. „სიტყვა მსწრაფლად და მარდად იცოდა“. „იყო
პაექრობასა შინა მარჯვე“, „რომლისა ანეგდოტიკნი მისგან მრავალნი ნათქვამნი
უწყიან ქართველთა“. ამის გამო დიდ სახელმწიფოებრივ დამსახურებასთან
ერთად მზექაბუჯი „იყო მეფეთავან მიჩნეული, რომელიც შეაქცევდის ხუმარ-
სიტყვაობითა“. განსაკუთრებით „მეფე ირაკლის დიდად უყვარდა“. თე ი თ ბე-

¹ „კალმასობაში“ ასე დახასიათებულია მზექაბუჯი: „...ძველთა ფილოსოფიათა ზედნიშვე-
ნილი, ლ'თის-მეტყველებასა შინა გამოცდილი და პაექრობასა შინა მარჯვე, აგრეთვე ხუმარ-სი-
ტყვაობასა შინაცა მარჯვე და პასუხისა უცნობი მომგები. მესტეგეობისა შინაცა ქებული და მსა-
ჯულისა საკმეთაცა შინა გამოცდილი. აჰან აღზარდა რაოდენიმე მოწაფენი, აჰანვე სთარგმნა
ძველი საფილოსოფო წიგნი, პერიარმენიად წაადებული, სომხურისა ენისაჲან. ესე იყო მეფეთა-
გან მიჩნეული, რომელიცა შეაქცევდის ხუმარ-სიტყვაობითა, რომლისა ანეგდოტიკნი, მისგან მრავ-
ალი ნათქვამნი უწყიან ქართველთა“...

სიკი ეტყობა დიდ ანგარიშს უწევდა ჭაბუას, როდესაც კერძო მისტოლეში უწოდებს „სიტყვით მზეს“, „სიტყვითი სამოთხეს“.

მაგრამ ფილოსოფოსი და რიტორი არა ნაკლებ განთქმული ყოფილა ფიზიკური სიმახინჯითაც—„ცუდთვალადი, ავ-ტანადი“, „ურიგოდ აგებული“, „კუზიანი, ჩაჯაგვილი“, „სქელი, ბექ-მუცელ-მრუდე“, „შესახედავით მზგავსი ეზოპისი“, „ტანად გოდორსა გვანდა“.

აი ასეთ პიროვნებას შეეჯახა პოეტი ბრეტერი.

მზეჭაბუკის ფიზიკური ნაკლი ყოფილა დაუშვრეტელი წყარო სატირული ლექსებისა. სოლომონ ლეონიძე „ისეც ძალიან მეცნიერი კაცი, იყო ქიში ჭაბუასი და მოხუმარი და ჭაბუას ხშირათ ეხუმრებოდა“. სატირული ლექსები ჭაბუაზე დაუწერია აგრეთვე დავით რექტორს: „ბატონიშვილებმა დავით და იოანემ ილაჯი გამიწყვიტეს, მზეჭაბუკ მდივანბეგს ამგვარი იამბიკოები მისწერო და მეც მივჰსწერე“-ო, გადმოგვცემს დავით (S 105, გვ. 118). ჭაბუაზედ ბოროტი ეპიგრამა უთქვამს აგრეთვე საათნავას.

ბესიკსა და ჭაბუას თურმე „ლაპარაკი და სამღურავი მოუხდათ ერთმანეთთან“, რის გამო ბესიკმა დასწერა კიცხვითი „ანბანთქება“:

„ათინას აღზრდილს აქებდეთ, ალვად აწორჩად ასულსა,
 ბნელ ბაიათა ბრყვილობას, ბრანგე-ბაბაჭუად ბასრულსა.
 გონჯი გუჯანი გაშენის, გახრილად გვერდზე გასრულსა.
 საზე დაღრეჯით დამჩაჩულს, დედლურის დრუნგით დასმულსა.

და სხვა.

მაგრამ არც ჭაბუა-ორბელიანი, განთქმული მელექსე და გესლიანი სარკასტი, დარჩენილა ბესიკის ვალში და საპასუხო სატირა დაუწერია არა ნაკლებ შხამიანი და ცინიკურიც („ჭაბუას პასუხი ბესარიონისადმი, ისეც ანბანთქება“). ამ პოლემიკამ სასახლის საზოგადოებაშივე ჰპოვა გამოხმაურება და თვით ერეკლე მეფეც კი დაინტერესა.

ჭაბუას პამფლეტს ბესიკმა ეხლა უფრო მომკვლელი ლექსით უპასუხა რომელშიც შეუბრალებლად ასწერა მდივანბეგის ფიზიკური გარეგნობა:

„დამპალო ლეშო, თვალ-ხენეშო, გულ-ლადარაო,
 ეშმაკთ ბუდეო, ბექ-მრუდეო, კერბთ სადარაო,
 არ უზიანო, კუზიანო, მაწუნწარაო,
 ხილვად საშიშო, გულ-მავიშო, გარსა-გარაო,
 მე შენი ქება მომენება, არ დაეთარაო!

ბექ-მკერდი, კუზი და კურტუმი გაქვს უკულმართი,
 გვერდი, კისერი, პირის ფერი გონჯად დანართი,
 უთლელის კუნძის შესაგვანი, ვერ გასამართი;
 სჯობს დაიკარგო, იმალვოდე, მოგესხას ღართი.
 ეს მიკვირს: სახლში რად გიშვებენ, მეტიჩარაო!“

და სხვა...

და ამ ლექსის დამატება:

ვინც რომ ვერ გიცნობს, ესრეთ იტყვის; ჰაი, ჭაბუაო,
 ვინც კარგად გიცნობს, გაიღიმებს: დიდი ცრუაო!

სიკი ეტყობა დიდ ანგარიშს უწევდა ჭაბუას, როდესაც კერძო ეპისტოლეში უწოდებს „სიტყვით მზეს“, „სიტყვითი სამოთხეს“.

მაგრამ ფილოსოფოსი და რიტორი არა ნაკლებ განთქმული ყოფილა ფიზიკური სიმახინჯითაც—„ცუდთვალადი, ავ-ტანადი“, „ურიგოდ აგებელი“, „კუზიანი, ჩაჯაგვილი“, „სქელი, ბექ-მუცელ-მრუდე“, „შესახედდავით მზგავსი ეზოპესი“, „ტანად გოდორსა გვანდა“.

აი ასეთ პიროვნებას შეეჯახა პოეტი ბრეტერი.

მზეჭაბუკის ფიზიკური ნაკლი ყოფილა დაუშრეტელი წყარო სატირული ლექსებისა. სოლომონ ლეონიძე „ისეც ძალიან მეცნიერი კაცი, იყო ჭიშპი ჭაბუასი და მოხუშარი და ჭაბუას ხშირათ ეხუმრებოდა“. სატირული ლექსები ჭაბუაზე დაუწერია აგრეთვე დავით რექტორს: „ბატონიშვილებმა დავით და იოანემ ილაჯი გამიწყვიტეს, მზეჭაბუკ მდივანბეგს ამგვარი იამბიკოები მისწერეო და მეც მივჰსწერე“-ო, გადმოგვცემს დავით (S 105, გვ. 118). ჭაბუაზედ ბოროტი ეპიგრამა უთქვამს აგრეთვე საათნავეს.

ბესიკსა და ჭაბუას თურმე „ლაპარაკი და სამედროავი მოუხდათ ერთმანეთთან“, რის გამო ბესიკმა დასწერა კიცხვითი „ანბანთქება“:

„ათინას აღზრდილს აქებდეთ, ალვად აწორჩად ასულსა,
ბნელ ბაიათა ბრყვილობას, ბრანგე-ბაბაჭუად ბასრულსა.
გონჯი გუგანი გაშენის, გახრილად გვერდზე გასრულსა.
საზე დაღრეჯით დამჩანულს, დედლურის დრუნგით დასმულსა.“

და სხვა.

მაგრამ არც ჭაბუა-ორბელიანი, განთქმული მეღვინე და გესლიანი სარკასტი, დარჩენილა ბესიკის ვალში და საპასუხო სატირა დაუწერია არა ნაკლებ შხამიანი და ცინიკურიც („ჭაბუას პასუხი ბესარიონისადმი, ისეც ანბანთქება“). ამ პოლემიკამ სასახლის საზოგადოებაშივე ჰპოვა გამომხმარება და თვით ერეკლე მეფეც კი დააინტერესა.

ჭაბუას პამფლეტს ბესიკმა ეხლა უფრო მომკვლელი ლექსით უპასუხა რომელშიც შეუბრალებლად ასწერა მდივანბეგის ფიზიკური გარეგნობა:

„დამბალო ლეშო, თვალ-ხენეშო, გულ-ლადარაო,
ეშმაკთ ბუდეო, ბექ-მრუდეო, კერპთ სადარაო,
არ უზიანო, კუზიანო, მაწუნწარაო,
ხილვად საშიშო, გულ-მავიშო, გარსა-გარაო,
მე შენი ქება მომენება, არ დაეფარაო!“

ბექ-მკერდი, კუზი და კურტუმი გაქვს უკულმართი,
გვერდი, კისერი, პირის ფერი გონჯად დანართი,
უთლელის კუნძის შესაგვანი, ვერ გასამართი;
სჯობს დაიკარგო, იმაღლოდე, მოგესხას ღართი.
ეს მიკვირს: სახლში რად გიშეებენ, მეტიჩარაო!“

და სხვა...

და ამ ლექსის დამატება:

ვინც რომ ვერ გიცნობს, ესრეთ იტყვის; ჰაი, ჭაბუაო,
ვინც კარგად გიცნობს, გაიღიმებს: დიდი ცრუაო!

ლამით ეშმაკსა შეგადრიან: დღისით ბუაო,
 რა კაი რამე დაბადებულხარ, მაგ წვერს ფუაო!

და სხვა...

ამ პოლემიკის გარშემო საზოგადოება ორ ბანაკად დაყოფილა. ირკვევა, ერეკლე მეფე კაბუას მომხრე ყოფილა.

მაგრამ ბესიკსაც თავის მხრივ ძლიერი მფარველი ჰყოლია ტახტის მემკვიდრის გიორგის სახით: როდესაც ბესიკმა პირველი პამფლეტი დასწერა კაბუაზედ, მაშინ „ეს ანბანთქება მეფე გიორგის მიართოა“.

გიორგი ბატონიშვილისაგან ბესიკის მფარველობა გასაგებია. იგი „დიდად ეტრფოდა მელექსეთა ძველთა და ახალთა“¹. და პოეტური სიტყვის კარგი დამფასებელი იყო („უყვარდა დიდად კითხვა ვეფხის-ტყალისა, ზეპირად, ძველ დროთა ჩვეულბრიეთა წესითა, წარმოსთქმიდა ოცდაათსა და მეტთა მუხლთა; ეტრფოდა ლექსთა წყობასა და გულმხიარულებით გასაგინად ტკბილად აბოლებდა შოთას ტკბილთა ნათქვამთა“). მეორედ,— ის, როგორც ორტალოქსი, სჩანს უთანაგრძნობდა ბესიკის ოჯახს, რომელიც კათოლიციზმისადმი მიდრეკილ ანტონის გამო დაემხო. გიორგი ბატონიშვილი, „ქათალი-კოხსა ანტონს პირველსა, არა სწყალობდა სიყრმიდანვე, ვითარცა კაცსა პაპისაგან მისისა თეიმურაზისა შეძლებულსა, მოიხსენიებდა არაკეთილად“², სხვათა შორის მისთვისაც, „რადგან ვერ ჰსცნო ღირსება შოთასი“ და ბოლოს,— ბესიკი გიორგის საყვარელი ძმის ლევანის მეგობარი და ახლობელი იყო. ეჭვი არაა, მომავალი მეფე გიორგი, ლევან ბატონიშვილ-

¹ ბატონიშვილი გიორგი ყრმობისას ვერსიფიკაციაში ვარჯიშობდა, რაზედაც მისს აღმზრდელს პაულეს დაუწერია:

„გიორგისა მეფის ძესა,
 ექადის ბავლე ნელექსესა.

მოკრძალებულ გიორგის უპასუხნია:

„მელექსედ მე რად ვიწოდე?—
 შენ ინებე, მე ვიწოდე!“

(იხ. Пл. Иоселиани, Путевья заметки от Тифлиса до Мухеты. გვ.).

² მხეგაბუჯ ორბელიანის პოეტურ მემკვიდრეობიდან ჩვენამდე მოღწეულია მხოლოდ რამდენიმე ეპისტოლარული ლექსი:

1. „მხეგაბუჯ ორბელიანისაგან პასუხი ანანხანუშის დის ბარბარესთან მიწერილი“ S 3686, გვ. 69.

2. მდივანბეგ მხეგაბუჯ ორბელიანისაგან ანასტასიასთან მიწერილი“ S 1516, გვ. 39.

3. „მხეგაბუჯისაგან თქმული ბატონიშვილი ქეთევანის ძეობაში, გიორგი რომ დაიბადა“ იქვე. გვ. 139.

4. „ნეკრესლის ქება, ნათქვამი ორბელიანის მხეგაბუჯ მდივანბევისაგან“ S 105, გვ. 79.

პლატონ იოსელიანი მხეგაბუჯს აკუთვნებს აგრეთვე ლექსს „დომენტიხე“ (იხ. წყობილი სტეფანოვა, შენიშენა 108), მაგრამ იგი ვახტანგ VI-ეს ეკუთვნის.

³ პლ. იოსელიანი, ცხოვ. მეფე გიორგი მეცამეტისა, გვ. 8.

⁴ იქვე, 323.

თან ერთად ბესიკის მეცენატი უნდა ყოფილიყო¹. ამით აიხსნება, რომ ბესიკმა ასე გაბედულად გააფრინა შხამიანი სატირა მუქაბუჯ ორბელიანზედ.

რა უნდა ყოფილიყო მიზეზი ბესიკის და ჭაბუას გადაცილებისა? ქვემოთ დავინახავთ, რომ ეს შეჯახება ბესიკის რომანულ ამბებითაც უნდა ყოფილიყო გამოწვეული, მაგრამ ისიც უნდა შევნიშნოთ, რომ იგი მარტოოდენ კერძო დავა როდი ყოფილა. უსათუოდ, აქ პირად შეხლამ ლიტერატურული ბრძოლის ხასიათი მიიღო და ბესიკ-ჭაბუას სიტყვა-პასუხი იმ დროინდელ ლიტერატურულ-პოლიტიკურ მასალად უნდა მივიჩნიოთ. ამ შემთხვევაში საგულისხმოა ერთი საყურადღებო ცნობა თეიმურაზ ბატონიშვილისა: „ჭაბუა იყო მეცნიერი კაცი, და კიდევ წუნობდა მისგან (ბესიკისგან გ. ლ.) თქმულთა ლექსებსა“-ო². ცხადია, ლიტერატურულ გემოვნებათა და პრინციპების შეჯახებასთან გვაქვს საქმე.

ბესიკის და ჭაბუას სწორედ პრინციპულ შეჯახებას ნათელს ჰფენს გრივოლ ბატონიშვილის ერთი ნაამბობიკი, როცა ჭაბუას ბესიკმა უფრო მწარე ლექსით უპასუხა, რასაც ჭაბუას დაღუპება მოჰყვა, ერეკლეს თურმე მიუშობრთია ჭაბუასთვის:

— ჭაბუე, რატომ ბესარიონს მაგიერ ლექსს არას დაუწერო? და მაშინვე იმე ვაჟს მოახსენა [ჭაბუამ]:

— შენი ჭირიმე, ბლიაძეს რა ლექსი გაეწყობაო! იქ მყოფთ დიახ, ბევრი იცინეს“-ო (H 2130).

ბლიაძეობა მესტიერეობას ჰნიშნავს³. მაშასადამე, ფილოსოფოსმა და სქოლასტმა ჭაბუა ორბელიანმა ხალხური მესტიერეების გავლენა უყიჟინა და მით ერთგვარი დამცირება მიაცენა ვალაღებულ ბესიკს მეფისა და კარის არისტოკრატის წინაშე. ცხადია, ჭაბუამ ბლიაძეობით აღნიშნა ქალაქურ, ხალხურ მელოდიების, ქალაქური საკრავების მოტივების გავლენა. რაც საფუძვლად დაედო ბესიკის ლირიკას. თვით ბესიკის ლირიკულ პიესებსაც ხომ დიდი სიყვარულით მღეროდნენ ქალაქის სახანდრები. და არა მარტო მუსიკალური ხაზით, სიტყვიერი ხელოვნებითაც ბესიკის პირველ, ტფილურ პერიოდის შემოქმედებაში („სევდის ბალი“-ს რკალის ლექსები, „რძალდედამთილიანი“ და სხვ.) მართლაც უფრო შესამჩნევია „ბლიაძეობა“ ნაკადი, ვიდრე სქოლასტური ღვლარჰნილობა, მალალი ოდის სიტყვათ-„შეთხზულ-შექსულ-შენართულ-მომქვერ-მეთქომ-რიტორულება“, რაც ბესიკის შემოქმედების მეორე პერიოდს საბოლოოდ დაეუფლა. ოფიციალური სტილის ისტატი, ძველი პოეტიკის დამცველი ჭაბუა ორბელიანი, ცხადია, ტრადიციულ

¹ გიორგის და ლევანის მგობრობის შესახებ ვადაშვილმა აღქვსანდრე ორბელიანი: „ბატონიშვილი ლევან, სულ ერთიან თავად-ახნაურობის საყვარელი იყო და უკანასკნელად მთელის ღვიის სახელწოდებითა, ნამეტნავად ბატონიშვილის გიორგის უფრო ძალიან ჰყვარებოდა, ასე რომ მეტი სიყვარული აღარ იქნება, როგორც იმას უყვარდა თავისი ძმა ბატონიშვილი ლევან“ (H 1655).

² S 5374.

³ ბლიაძე—მესტიერეების გვარი ქართლში. მესტიერეობა მათ მემკვიდრეობით გვარიდან მოსდგამდათ. „ბლიაძე ძველად განთქმული სახანდარი ყოფილა“. დ. წერეთლის შენიშვნა. „დროება“, № 65, 1875.

თავისს მორიგეობას. რაც შეეხება ლევან ბატონიშვილს და მის რაზმს, ის თავისი ვადის გარეშეც ხშირად მორიგეობდა ქართლ-კახეთის საზღვარზე მოთარეშე ლეკთა პირისპირ. ცხადია, „მორიგეს“ ვერც ქაბუჯი ბესიკი ასცილდებოდა და იგიც მონაწილე უნდა ყოფილიყო ბატონიშვილის ლაშქრობისა ლეკების წინააღმდეგ. უსათუოდ ამ ბრძოლების მოსაგონარი უნდა იყოს ბესიკის ნათქვამი გარდაცვალებულ ბატონიშვილზედ:

ვა. შენდა ომო,
უმისოდ მოსანდო მო! (იხ. „სამძიმარი“)

19 წლის ბესიკი ასპინძის ბრძოლის დამსწრე უნდა ყოფილიყო, რასაც ჩვენის აზრით, გვიმოწმებს მისი ნაწარმოები „ასპინძისთვის“. ვფიქრობთ, ისეთი გადმოცემა ბატალურ სურათების დეტალებისა, ბრძოლის ტემპის და იერიშის რიტმისა, როგორც ხსენებულ პოემაში გვაქვს, მხოლოდ სამხედრო ამბების ცენტრში მყოფს, ბრძოლაში მონაწილე პოეტს შეეძლო¹.

როგორც ირკვევა, ქაბუჯი პოეტი პოპულარული ყოფილა ბატონიშვილის სამხედრო რაზმშიც, სადაც არა ერთი პირადი მეგობარი ჰყოლია მაშინდელ გმირთა შორის. შენახულა ერთი მოკითხვის ბარათი ბესიკისადმი—შესაძლოა ბრძოლის ველიდანაც,—ვასილ კოტეტიშვილისა². ბარათში ბესიკს მოკითხვას უძღვნიან მაშინდელი განთქმული გმირები გოგია ფატრელი³ და ქაიხოსრო მურვანიშვილი⁴და შენმა გოგია ფატრელმა გამოუწერელის ერთგულეებით თავი დაგიკრა, ქაიხოსრო მურვანოვმა იმაე სიყვარულით მოგიკითხა, როგორც უწინ ერთგულობდა“. ეჭვი არაა, გმირებიც საჭიროებდნენ ბესიკის პოეტურ სიტყვის

¹ საინტერესო თემა: „ბესიკი ბატალისტი“. სამუშაოდ, „ასპინძის ომის“ და „რუხის ბრძოლის“ ავტორი ამ მხრივ ჯერ შესწავლეულია.

² ბესიკი, ტიპ. გმც., 1885 წ., გვ. 9; H 2690.

³ გოგია ფატრელის აუღ გოგია ფატრელის შვილის შესახებ, იხ. ცენტრარქ. სიგელეის ფონდ., №№ 206, 205, 8424.

⁴ გმირის ქაიხოსრო მურვანიშვილის შესახებ საკმაოდ ცნობები აქვს შემონახული იოანე ბატონიშვილს (იხ. „კალმასობა“ გვ. 47—48, 1895 წ.) იოანე სელაშვილთან დიალოგში ქაიხოსრო ასი გვიამბობს თავისს საგმირო თავგადასავლს:

ქაიხოსრო: „მე მეფე ირაკლის ორმოცდა თუთხმეტი წელიწადი ვსახებურ... რომ ცოტა ვსტეხა მათ უმაღლესობასთან თუ სხვაგან ორმოცდა ათი ომი მეტი მინილაეს, მაგრამ სხვაგვარ თებში ყოფილგან ვსლბევიარ მათ სიმაღლეს: ახათხანის ომში, რომ სამი ათასის ქართველით თვრამეტი-ათასი კაცი დაამარცხა უხარბახნით ბატონმან, და იმისი ურდო მთლად დაგვრჩა, რომ განვმდიდოით. ოთხი ათასი კაცით, აჯიხალაფის შვილი თორმეტი ათასის კაცით მო.ულო ბოჩალოს დაამარცხა, და მრავალი ტყვე და საქონელი ვიშოვეთ. ავარიის-ხანი რვათასის კაცით მუადი-ჯვარს ადგა,—დავამარცხეთ და მცორეს ჯარით და მრავალი დავბოცეთ და დავატყვევეთ. დანღიზში, ქიზიყის ბოლოს ვძლიეთ ლეკთა და მრავალი აღვბოცეთ და იმ ლაზეს დედოფლის წყაოზზედ მდგომთა, დაგვესხა სხვა უდიდესი ჯაოი თავსა მას გაქცეულს ლეტან შერთებულნი, და ოჩინცა დავამარცხეთ, დავეყვიტეთ. ხერთვისი ავიღეთ და მრავალი ოსმალნი დავბოცეთ. აბდულა ხანი ბატონი თოთმეტი ათასის ყიზილბაშით მოვიდა, ციხეც თათრებს გვირა და სოლალაკზედ დავამარცხეთ და ავეყვიტეთ. ასპინძის ოსმალის და ლეკთა ჯარზედ გავიმარჯვეთ, რომ რუსები დავგიბრუნდნენ, არაა გვიშველეს. და სულ ის თათრის ჯარი მალად ფარაოსავით მტკვარში დავტყვეეთ და მეფემან მოლა თავისი ხელით კოხტა-ბელადი. ერვანის დიდ ომში იქ ვახლდი და რვა ათასი კაცი დავამარცხეთ მეფის გიორგის მიზეხით და გარჯილობით. ავარიის ხანი ოცდა ოთხი ათასის კაცით ვვიპოიის ციხეს შემომდგარი იყო, სანასი კაცი წავედი დაუთალაბათ და შევედიოთ ციხეში და გვატყვიეთ

და შემთხვევით როდია მძლავრი სამხედრო თემა ბესიკის ეპოსში („ასპინძისათვის“, „რუხის ბრძოლა“), რომელსაც შთააგონებდნენ—დავით ორბელიანი, სოლომონ მეფე, ლევან ბატონიშვილი და სხვები. მაგრამ მისი შთაგონებლები სხვებიც უნდა ყოფილიყვნენ, უბრალო მოლაშქრეები, არა წარჩინებულის გვარისა, მაგრამ წარჩინებულნი პირადი გმირობით. მე ვფიქრობ, ერთი ასეთი გმირი მოლაშქრე მეგობართაგანი ბესიკისა, უნდა იყოს ადრესატი ლექსისა—„პირველ სიმდაბლეს აღეკარ“, რომელშიც მოცემულია მხედარი რაინდის იდეალი:

„ერთ საწოლს შიგან ურიდად
არ გეკმნნეს ბრძოლად ტყუიანი,
არცა გულისა კბენანი.
ცხენს ნუ შეაწყუდევ რა მს ჯარს,
გაქუნდეს ხლტომა და ფრენანი
ამაანაჲთ ექმან ლხენანი.
ასი ათასთა მკონებო,
გახლდეს ცხენ-თაჲს შვენანი,
მტერთ ზარის გამათენანი.“

არა ერთხელ უნდა გაენაწილებინოს ქაბუჯ ბესიკს თავისი პატრონის—ბატონიშვილისა და პირადი მეგობრების ზედრი ბრძოლის ველზე თუ საომარ მდგომარეობისათვის საშხადისში ყოფნისას და ხშირად მისთვისაც, როგორც ბატონიშვილს ამაღლის წყერისთვის, სამძიმო უნდა ყოფილიყო მხიარული თბილისის მიტოვება და სადღაც ჩასაფრებულ მხიარულ ყოფნა საღვებზე. თვით ბატონიშვილის წერილებშიც „მორიგეობისას“ არა ერთხელ სჩანს დაუდგრომელი ლტოლვა თბილისისადმი. ერთგან ის იხვეწება თბილისს ჩამოსვლა მინდაო, მეფეს დააბარებინეთ ჩემი თავიო. „ბატონს ჩემს სიძეს სარდალს დავითს მოკითხვა მოახსენე და ასე უთხარო ქაბუჯამ არ იცის-თქო. აი მეც კაცი ვარ, სისხლი მაქუეს და ხორციცაო. და მომცხმარე გასაქირსა-თქო, თუ ჩემგანაც შეეღა გეკმობდეს-თქო“¹. სამავიეროდ, რა სიხარული უნდა ყოფილიყო ბატონიშვილისა და მისი ამაღლისათვის თბილისში დაბრუნება. აი ერთი წერილი ბატონიშვილისა თბილისში ჩასვლის საშხადისში:

„ბატონისშვილის ლეონის კეთილად სახსენებლო მდივანო მანუჩარ! მერმე გუშინ რომ ხუთშაბათი იყო, ოის მოწყალებით პატარძელს მივედი თ საღამოზე, და დღეს კიდევ ოითი ქალაქს შემოვალთ. რომ ინათლებს, აქედამ წამოვალ. ახლა მანდ სადილი უნდა გავგიკეთებინო. ახალი თევზი, რაც იშოვნო, და ძველიც, კარგი სადილი გავგიკეთებინო. ჩენი საგარეო სახლი დააფენინე და ოცის კაცის ხარჯი დაიჭირე, მზათ იქონიე. ამ სადილის სარისტა ივანესა

გვოყენი ჯარი. მცხეთას მიმავალს დამე დაგვზედა ლეკისა ჯარი, ჰსძლო მუნ ბატონმან, თაკისის ხელითაც მოკლა ლეკი და ჩვენ სამთ ძმთა დავბოცვეთ ლეკები, სამთავ მოვართეთ თავები და მაშინვე მიბოძა ჯილდოდ ჯაბაძართ უზუცუაობა და სხვა წყალობა, ატოცის გამარჯვება ზომ შენც იცი. ქრცხინვალში, ხვითებში და სხვაგან რალა მოგახსენო, იორხედ, ყველგან დაესწრებდნარ მის სიმაღლესთან, ყოველგან სახელი მიქმნია, აგრეთვე საუფორად ჭახანში და სხვაგან, და განჯის ომშიც და აღამათხანის ომშიც თან ვახლდი და მთიულეთსაც განუშორებლად ვიყავ“.

¹ ტ. არქივის სიგელების ფონდი, № 3333.

და ზურაბას მოეც და შენ ხომ წინ მოგვეგებები, დილა, კარგი იქნება. სადილი კი მზათ უნდა იქონიოთ. რაც მოისწრათ, ისრე დაგვიხვდით“¹.

ბატონიშვილის წერილს მისი სახლის გამგებლის მანუჩარ თუმანიშვილის შემდეგი მინაწერი აქვს: „ღვინო თუნგი კე [25], თეთრი წქ. და იხარჯა“.

1772 წ. 1 იანვრიდან 1774 წ. 15 აგვისტომდე ბატონიშვილი ლეიან რუსეთის კარზედ იყო წარგზავნილი ერეკლეს საგანგებო რწმუნებულად და ამ ხანებში ბესიკი მოშორებული თავისი მეცენატის სიახლოვეს, შესაფერ მფარველობასაც უნდა ყოფილიყო მოკლებული. 1774 წ. ნოემბერს ბესიკს უნდა შეემოკო ბატონიშვილის „უწარჩინებულესი ქორწილი“. „შექცევა დიდი, უშუხუნები გასაოცრები სპარსთა. მრთელი მტკვარი მოდებული [უშუხუნების] ბატითა, იხუბითა და სხუა მოთამაშენი თოკზედ და მართულზედ“².

* *

ზაქარია კიკინაძე გვიამბობს, რომ ერეკლეს კარზე ყოფნისას, ბესიკს დიპლომატიურ სარბიელზედ უმოღვაწინია: „სამეფო სამსახურშიაც საკმარისად დახელოვნებულა და ერთხელ ერეკლე მეფის თხოვნით სპარსეთშიც წასულა, ყვინის წინაშე, შესახებ საქართველოს საქმეებისა. სპარსეთში ყოფნის დროს, დიდი საჩუქრები შეუძენია. შეუსწავლია აგრეთვე უფრო კარგად სპარსული ენა, მწერლობა და განსაკუთრებით სიმღერები, ზოგნი ერთნი უწყიან (sic), რომ ბესარიონისათვის ბესიკი სპარსეთში დაურქმევიათო... სპარსეთიდან დაბრუნებული ბესიკი დიდის პატივით მიუღია მეფე ირაკლის“. ამის შემდეგ პოეტი მეტად გათამამებულა სასახლეშიო და სხვ. (ბესიკი, გვ. 4—5). მთაწმინდელის ცნობას ბესიკის დიპლომატიურ მინდობილობათა შესახებ ერეკლესაგან სხვებიც იმეორებენ (ხახანაშვილი გორგაძე და სხვა).

პირადად ჩვენ ეჭვის თვალთ ვუყურებთ ბესიკის ელჩობას ირაკლის მეფობაში. ვფიქრობთ, ზაქარია მოძღვრის შვილს მეფე იმდენად არ უნდა ნდობოდა, რომ იგი ელჩად გაეგზავნა საპასუხისმგებლო დავალებით, ისიც სპარსეთში.

შესაძლოა მხოლოდ გვეფიქრა, რომ აღმოსავლეთის სასახლეთა ცერემონიალის ტრადიციით, ბესიკი ჩარიცხეს სპარსეთს წარგზავნილ მისიაში წვევრად, როგორც მდივან-მწიგნობარი ან მგოსანი (ცნობილია, ქარიზმანს უყვარდა პოეტები და თვით სწერდა ლექსებს). მაშინ ბესიკის სპარსეთში გამგზავრება უნდა მიეკუთვნოს მხოლოდ 1772 წელს, სახელდობრ, როცა ირაკლიმ ქარიზმან-ხანდის მოსამშვიდებლად გაგზავნა დესპანები—ანდრონიკაშვილი ქაიხოსრო (პოეტი) და თარხნიშვილი ზაზა. ცნობილია, დელეგაციის შედეგი ბრწყინვალედ დასრულდა. ირაკლის დესპანებმა „მრავლის ლაპარაკითა და ღონისძიებითა“ მოამშვიდეს ქარიზმ-ხან და საქართველოზე ლაშქრით წამოსული აიძულეს თავარიზმიდან უკან გაბრუნებულიყო. ამაზე ადრე ბესიკის სპარსეთში ყოფნა შეუწყნარებელია მცირე პასაკონობის ვამო, ხოლო შემდეგ ხანებში როგორც ქვემოლ დაღეინახავთ, ბესიკი სანუღამოდ დასტოვეს თბილისს და ერეკლეს სასახლესაც.

¹ იგივე ფონდი, № 3431.

² S 3057.

შესაძლო იყო ბესიკი რეულიყო იმ ელჩობაში, რომელიც 1772 წლის 1-ლ იანვარს დიდი დავალებით გაიგზავნა რუსეთს პოეტის მეცენატის ლევან ბატონიშვილის და ანტონ კათალიკოსის შემადგენლობით. მაგრამ ბესიკი არ ჩანს ამ ელჩობის მონაწილედ. ვფიქრობთ, ანტონ კათალიკოსის მიზეზით.

თბილისის ბაღებში. ბესიკი და მოქალაქენი

გადმოცემით, ქაბუჯი ბესიკის საღებინო ასპარეზი უმთავრესად თბილისის ბაღები ყოფილა.

საქართველოს სატახტო ქალაქი უხსოვარ დროიდან მშენებრივ ბაღებით იყო განთქმული მთელს წინა აზიაში. „გარემო ქალაქისა წალკოტნი და სავარდენი მრავალნი, ყოველის ხილით და ყუვავილით სავსე“ (ვახუშტი). „За городом садов плодovitых много“, გადმოგვცემს ბესიკის დროინდელ ბაღებზედ რუსეთის წარმომადგენელი¹. ევროპელ მოგზაურ გაულდენშტეტსაც მოხსენებული აქვს თბილისის გარშემო „ერცელი ვენახები და ხეხილის ბაღები“². ამ ბაღებში ჰყვავდა ბესიკის ენები, აქ მღეროდნენ ბესიკის მუხამბაზებს, აქ იფურჩქნებოდა ბესიკის „სევდის ბაღი“.

შენახულა გადმოცემა, რომ ვალაღებული ქაბუჯი ბესიკი „მოქალაქეებს ერეკლე მეფესთან დაუბეზლებიათ: ბესიკმა თავისი სიმღერებით მთელი ტფილისი გარყვნაო, აღარავინ გაუშვა, რომ მათზე ლექსები არ გამოეღოვო. მთელი ტფილისის ვაჟები გალაზნანდარდნენო. ყოველ კვირაობით სოლოლაკისა და ორთაქალის ბაღებში განუწყვეტელი ქეიფები აქვსო. მეფეს დაუბარებია ბესიკი და დამუქრებია, თუ არ დაწყნარდები, შენც მამაშენსავეთ გაგაძვეებ ქართლიდამაო. ბესიკს პირობა მიუცია დაწყნარებაზე, მაგრამ შემდეგ ისევ მიუყვია ქეიფებისათვის ხელი. მოქალაქეთა შვილებს ხელმეორედ დაახლოვებია და ამაზე მრავალნიც ისევ ატეხილან“-ო³.

ზ. კიკინაძის სიტყვითვე, როცა მოქალაქეებმა უჩივეს ბესიკს სატრფიალო ლექსებისთვის, „ბესიკი მცირე ხანს დაუპატიმრებიათ კიდევც“⁴. მაგრამ ეს კიკინაძის პირადი აზრი უნდა იყოს. ცნობისათვის პოეტის დაპატიმრების შესახებ, იგი დასძენს: „რაზედაც თვით (ბესიკი. გ. ლ.) მოწმობს თავის ლექსებშიო“. ასეთი ლექსი კი ბესიკის შემოქმედებაში ჩვენ არ გვგვხვდება. ეჭვი არაა, კიკინაძე ჰგულისხმობს ლექსის „ცრემლთა ისარნი“-ს ბიბლიოგრაფიულ მინაწერებს, სადაც პოეტის ექსორიობაზეა ლაპარაკი.

ზემოდ (გვ. 382) ჩვენ ვლაპარაკობდით ბესიკის მკიდრო კავშირის შესახებ ჩვენს მესამე წოდებასთან. „მოქალაქეთა შვილები“, „მდბაბიო კაცნი“ ბესიკთან მეგობრობით დაახლოებულნი ყოფილან.

¹ Грамоты, I, 188.

² ეს იყო ბაღები დირსიქალისა, ორთაქალისა, კრწანისისა, სეიდაბადისა, გარეთუზნისა, ვერისა.

³ ბესიკი, ზ. კიკინაძის წინასიტყვაობა 1885 წ. გვ. 7; ზ. მთაწმინდელი, „ბესიკი, აღმქსანდრე ქავჭავაძე და გრიგოლ ორბელიანი, გვ. 8.

⁴ ბესიკი, გვ. 7.

ეს ფაქტი ჩვენთვის საკმაოდ დადასტურებულია. აზნაურ გაბაშვილისთვის უცხო არ უნდა ყოფილიყო ეს წრე მით უფრო, როგორც მგოსნისათვის. ბესიკი ბუნებრივია, საყვარელი უნდა ყოფილიყო თბილისის ქალაქურ ელემენტებისათვის. სამართლიანად შენიშნავდა 1869 წელს ალექსანდრე ცაგარელი: „სპარსული კილო ლექსებისა იყო და დარჩა მართო დიდკაცებისთვის, აგრეთვე მოქალაქე ვაჭრებისა და ალემ-მიცემის კაცისათვის, ნამდვილ მთელ ხალხს კი თავისი პოეზია, სიმღერის კილო და ლექსწყობა აქვს“¹. ბესიკი ხომ უმთავრესად „სპარსული კილოს“ პოეტი იყო.

მეორე არედ ბესიკის ბიოგრაფიისა უსათუოდ თბილური მესამე წოდება უნდა ვიგულისხმოთ, რომელიც სწორედ ამ დროს, თუმცა ძალიან უსუსურად, გამოდიოდა ისტორიულ არენაზე. ამ დაჯგუფების განვითარება ფეოდალურ დაქსაქსულობისა და პროვინციული განკერძოების გამო საკმაოდ იყო შეზარკილი, მაინც საქალაქო ელემენტები თავის როლს თამაშობდნენ. ვაჭრები, ზარაფები, „ბაზაზიანი სომხები“ ქვეყნის ცხოვრებაში უკვე საკმაო ძალას წარმოადგენდნენ თვით სახელმწიფო საქმიანობაში. ეს „საპატიო მოქალაქენი“, „მოქალაქენი დარბაისელნი“, რომელთა სტუმარი ბესიკი ხშირად ყოფილა, გადმოცემათა მიხედვით, როგორც ფინანსური ტუზები, თავისი ნივთიერი სახსრით მეტად საჭირონი ხდებოდნენ არა მართო ფეოდალებისათვის, თვით სასახლისთვისაც ისინი აუცილებელი კრედიტორები ხდებიან². „უამათოთ არა რასა საქმესა საქვეყნოსა არა იკერდენ მეფენი, რცეა ფეოდალთ მთავარნი“³.

* *

ბესიკის დროს თბილისი, როგორც საქართველოს ალემ-მიცემის რეგულატორი, საკმაოდ სტოვებდა სავაჭრო და ფინანსიურ ცენტრის შთაბეჭდილებას. მაშინდელი ტფილისის ბაზარი საკმაოდ გამომხატველი იყო ეკონომიური უნარიანობისა. მარტო ლუქნების რიცხვი მაშინდელ თბილისში 700-მდე აღიოდა. თბილისის ვაჭრობის მთავარ სავანს შეადგენდა: აბრეშუმი, ლვინო, თაფლი, წმინდა სანთელი, ენდრო, კანაფი, ბამბა, მატყლი, ტყავული, ერბო და განთქმული ხელსაქნარი (ოქრომკედი, ქსოვილები, ნივთიული)⁴.

¹ „დროება“ 1870 წ. № 7 „ჩვენი უბედური მწიგნობრობა ამ საუკუნეში“.
² Крестьяникъ. Грамоты №№ 39, 44, 46, 49, 50, 78.
³ პლატონ იოსელიანი, „ცხოვრება გიორგი მტკამეთისა“, გვ. 140.
⁴ მეტად იშვიათად, მაგრამ თბილისში შემოდიოდა ევროპული საქონელი. „ევროპისა მაჭარი შემოვიდოდა სავაჭროდ ახალციხისა გზით, ევროთევე ყავა და თამბაქო, ძალათინისა ტყავები“ (პ. იოსელიანი, „ცხოვრება გიორგი მე-13-ისა, 32). ევროპელ ვაჭრებს შემოქონიდათ „სტაგრა საფრანგეთის ნაქსოვი“, „ფრანგული ქაზა“, „ფრანგული ატლასი“, „ფრანგული ბარა“, „ფრანგული მალდი“, „ფრანგული საათი“ („ფრანგული“ უდრის „ევროპულს“). გვაქვს ნიშანდობლივი ცნობა, რომ თბილისს ესტუმრნენ საქონიური ფაიფურით მოვაჭრე „საქსონური ფრანგები“. № 2510. თბილისის არისტოკრატიულ ოჯახების ინვენტარში ევროპული ნივთებიც საკმაოდ აღინიშნებოდა. ასე, ერცლენ II-ის მდივანს თუმანიშვილს 1795 წელს თბილისის აოზრების დროს, როდესაც გადუწავით მისი სასახლე, მას თურმე სასახლეზე მეტად „საქსონის“ ანუ საქსონურ ჭურჭლის დაღუპვა აწუხებდა. იხ. ც. არქივის სიგელების ფონდი, № 3545.

სახელში—სასახლის მოსაქმე პირები, სახელმწიფო შემოსავლის საგანგებო მოხელეები, რომელთაც სასახლეში და სახელმწიფო საქმიანობაში შესაფერი გავლენა ჰქონდათ.

სწორედ ბესიკის დროს თბილისში თავს იჩენს აგრეთვე მცირე კუსტარული საქმიანობაც. 1770-იან წლებიდან თბილისში ჩნდება პატარა ქარხნები მაუდისა, ჩითისა, შუშისა, ზარბაზნისა და მორტირების ჩამოსასხმელი, აგრეთვე ახალი სტამბაც. გამოცოცხლებული კუსტარული მრეწველობა აჩენს ხელოსანთა სავარძნობ რიცხვს. თვით უცხოელები შენიშნავენ თბილისში ხელოსანთა სიმრავლეს. რუსეთის წარმომადგენელი იაზიკოვი 1770 წ. დასძენს, რომ თბილისში საკმაო რიცხვია ხელოსნებისაო („Мастеровых всяких довольно и всякое мастерство имеет особнй род“. იხ. Грамоты, I, I, 188). იაზიკოვის ცნობას რუსეთის მეორე სამხედრო აგენტის მოურავოვის ცნობაც ეთანხმება. („Разных мастеровых людей довольно число находится“. იქვე, I, I, 217). ჩვენის პირადი აღრიცხვით, იმ ხანად თბილისში 78 რიგის ანუ დარგის ხელოსანი მუშაობდა.

სავაჭრო კლასთან ერთად, თბილისის ხელოსნებს, საჭალაქო წარმოების ელემენტებსაც შესაფერი მნიშვნელობა ეძლეოდათ. მათი გავლენის ზრდის მაჩვენებელია ის გარემოებაც, რომ ამქრების უსტაბაშებს ამ ხანისთვის თვითონ მეფე ამტკიცებს, რომელიც თვალყურს ადევნებს ამქრების მოქმედებას¹. შინამრეწველნი, ხელოსნები, წერილი მედუქნეები, თბილისის უდაბლესი ფენები: „უბრალო ბიჭები“, „გადა გუდაები“², როგორც უწოდებს მათ სამეფო კარი (საქ. სიძვ., III, 369), შედარებით უკვე ხელმოსაცემ ძალას წარმო-

ხობა გამოჰატავდა, რომელიც თბილისის მოსახლეობის დიდ ნაწილს შეადგენდა. ეს მოვლენა შენიშნული აქვთ თვით უცხოელებს (ზარდენი, გუდუდენშტეტი, დე-ლა-პორტი), რომელნიც ერთხმად აღნიშნავენ, რომ ქართულ არისტოკრატის ტრადიციული შეხედულებით სძულდა აღებ-მიცემის საქმე, „იოაკიმებდენ უმეტრებითა“ (იოანე ხელაშვილი). მეტად დამანასიათებელია ქართულ ფეოდალურ წრეებისთვის შემდეგი სიტყვები: „ჩვენ დიდნი კაცნი, სომხები ხომ არა ვართ, წიგნი ვიცოდეთ და ანგარიში... წიგნები მხოლოდ მღვდელმა უნდა იცოდეს და სომხთა, რომელნიც მდივნებად არიან და ვაჭრებად“-ო (S 1532). ამავე დროს კი, სომხის არისტოკრატები, მაგ. მეფის მდივნები თუმანიშვილები უშუალოდ იყვნენ დაკავშირებული მსხველ ვაჭრებთან და ზოგ შემთხვევებში თავის კაპიტალითაც იღებდნენ მონაწილეობას მათ სავაჭრო საქმეებში. გულპოკლული ქართველი პატრიოტი სამაგალითოდ ჰხდიდა ასეთ მხნეობას და თანამემამულეთ მიუთითებდა: „აჰა, ესე რა სომხთა თვისის გამოზრდა საკუთარი პირისა ოჯლითა თავისა თვისისა, უცხოთა ქვეყნებსა შინა, მრავალთა ხელოვნებათა და მრავალთა ხელოსნებათა თიორეტიულითა და უფროსდა პრაქტიკულითა, გარნა ქართველთა არ ძალუძთ თვისითა ხელითა სიმდიდრისა შეძინება“ (იქვე).

¹ ვაჭრებსა და ხელოსნებს საკუთარი ორგანიზაცია ანუ კავშირი ჰქონდათ, რასაც „ამქარი“ ეწოდებოდა, ხოლო ძველად „ასნაფი“ ანუ „თაბუნი“ ერქვა. სამეურნეო დაწესებულების ანუ „ქარხნის“ მოსაქმეებს, ხელოსნებს, „ქარხნის კაცებს“ ეძახდნენ, ხოლო კავშირების სათავეში „უსტაბაში“ იდგა (ივ. ჯავახიშვილი, „ქალაქები“... უფრო „პრომოეთ“, 1918 წ. № 1, 55, 58). ყველა ცალკე დარგის ხელოსნებს საკუთარი „უსტაბაში“ ანუ „თავი“ ჰყოლიათ. მაგ. „ქალატოხების უსტაბაში“; „სირაჯბაში“ (საქ. სიძვ., II, 525); „ბაბაყაბაში“ (იქვე); „ყასაბაბაში“ (საქ. სიძვ., II, 360).

² გადა-გუდანი, ე. ი. ნაყარი, ცუდ-მადი ხურდა ხალხი.

ადგენენ. ისინი მეფისათვის მარტო „ქებათა შესხმით“, „ფიანდაზის გაშლით“ და „ჩირაღდნის მორთვით“ როდი კმაყოფილდებიან.¹ დიხაგრული, ქალაქის დაბალი ფენები, მოქალაქის ოფიციალურ უფლებას მოკლებულნი, არა ერთხელ გამოსთქვამდნენ „ჯანყურად“ (საქ. სიძვ., III, 370) თავის უკმაყოფილებას ანუ „ჯანყის გაკეთებას“ (იქვე, 369), „მოქალაქეთა დავას“ (იქვე, 105), როგორც მეფის რეაქციული პოლიტიკის, ისე ფეოდალების სეპარატიზმის მიმართ. მაგ. ბესიკის თბილისში ყოფნის დროს, როდესაც გამოძევდნა ზაალ ორბელიან-ბაკუნინის შეთქმა ირაკლის წინააღმდეგ (1774 წ.), მოქალაქენი, წერილი ხელოსნები შეთქმულთა სასტიკ დასჯას მოითხოვდნენ: „სომეხნი მოქალაქენი იძახდნენ, ქონები, მკუპრავები,—მოგვეციოთ, მოგვეციოთ! დაიწყეს ქვეყანაზედ ზახილი: „ზაალ ჩავეკროთ და იესეც იმის გვერდით ჩავეკროთ!“ (თავგ. იესე ოსეს შვ., 92).

სიმპტომატურია, რომ ამაზე აღრე მომხდარი შეთქმულება პაატა ბატონიშვილისა და თავადების ლიგისა ერეკლეს ამოსაწყვეტად, ხელოსანთა წარმომადგენელმა ფეიქარმა ვასცა.

**

„მოქალაქეთა შეილებთან“ დაახლოებული ბესიკი, როგორც ამბობს ვაღმოცემა, ზოგჯერ მათთან კონფლიქტშიც ყოფილა, რასაკვირველია, სასიყვარულო ლექსებისა და ექსპრომტების გამო, რომლითაც მგზნებარე მგოსანი ამკობდა ამ წოდების მზეთუნახავებს. ეს ფაქტივე უნდა ყოფილიყო მიზეზი ბესიკის არაჩვეულებრივ პოპულარობისა თბილისის უბნებში.

ამ კონფლიქტების მიზეზითაც ხომ არ არის გამოწვეული აზნაური პოეტის სტრიქონები:

„ქურდო ვაჟარო, ერთს ყიდი სამად, არ ღირდეს დრამად,

ყანდებრ გვაგემებ, თუ გვანახე ხამად, ბოლოდ ხარ შხამად“...

ყოველ შემთხვევაში, ბესიკის დამოკიდებულება მესამე წოდებასთან კარგად სჩანს მისი პოემიდან „რძალდედამთილიანი“, რომელშიც პოეტი ირონიულად უპირისპირებს ფეოდალურ რაინდულ სიყვარულს—მეშჩანურს.

¹ საზეიმო შემთხვევებში, მაგ. მეფის ტრიუმფალური შემოსვლის დროს მოქალაქენი, აზიურ ჩვეულების მიხედვით, ფიანდაზით, შესხმით, ჩირაღდნებით და საკრავებით ეგებებოდნენ. ასე, თეიმურაზ II-ის „მოეგებნენ მოქალაქენი... შეასხმიდეს ქებასა... მორთეს მოქალაქეთა ბაზარნი და იყო ჩირაღდანი ქალაქსა შინა“ (ქ. ცხ., 174); „ჩირაღდნით და ფიანდაზით მორთვენ ქალაქნი და განვიდეს შესხმად ქებისად მოქალაქენი“ (იქვე, 92); „შეასხეს ქება და შესწირნეს მადლობა... „გაუშალეს მოქალაქეთა ფიანდაზი მზიმე ლართა“ (იქვე, 91).

ბესიკის როლი. მანა მისთვის ძალი. ბესიკის განდევნა თბილისიდან.

სასახლეში გალაღებულ ქაბუჯ პოეტს მოულოდნელად მოუხდა საყვარელი თბილისის, მისი პოეზიის და სიკაბუჯის არეოპაგის—ბრწყინვალე კარის დატოვება და იმერეთში გადახვეწა.

ბესიკი „ერეკლე მეფემ საქართველოდამ დაითხოვა“, „გააგდო“. პოეტის განდევნის შესახებ ზეპირგადმოცემებთან ერთად ლალადებენ ბიბლიოგრაფიული მინაწერები ბესიკის ცნობილი ლექსის „ცრემლთა ისარნი“-სა, რომელიც სწორედ პოეტის განდევნის ხანებში არის დაწერილი:

...„ბესარიონ გაბაშვილისაგან თქმული, როდესაც კურთხეულმან მეფემ ერეკლემ საქართველოდამ დაითხოვა. იმერეთს ყოფაში მისწერა ქართველთა“¹.

...„ბესარიონის მიერ თქმული, ოდეს განიდევნა ქართლიდამ და წარვიდა იმერეთს, მუნ დასწერა სამწუხაროდ“².

...„ოდეს მეფის ირაკლისაგან ტფილისით განდევნილ იქმნა იმერეთად“³.

...„ბესარიონ რომ გააგდო ბატონმა, რუსეთს წავიდა“⁴...

...„ბესარიონისაგან ექსორიობის უამს მუსტაზადი“⁵.

...„ბესარიონ გაბაშვილის მიწერილი საქართველოში, თავის სწორთა და ამხანაგთა თანა, ოდეს სოჯლის ვითარებისაგან უცხოობა და მწირობა შეექმნა“⁶.

¹ S 1534, S 537, გვ. 54—55.

² S 5374.

³ S 1512.

⁴ H 3146.

⁵ S 8686.

⁶ აღსანიშნავია, რომ პატივე. პროფ. კ. კეკელიძე ვევის თვალთ უყურებს ბესიკის განდევნის ფაქტს, როდესაც ამბობს: „ჩვენ არ ვიცით.. ვისი გულისთვის იქმნა ის გაძევებული სამშობლოდან, თუ ეს უკანასკნელი მართალია (კურსივი ჩვენია გ. ლ.),—ვამბობთ ასე იმიტომ, რომ ცნობა, ვითომც ჩვენი პოეტი „მეფის ირაკლისაგან ტფილისით განდევნილ იქმნა იმერეთად“, ეყუთვნის დავით რექტორს და მის დ^აოს, როდესაც შრავალი ლეგენდა დადიოდა ბესიკის შესახებ“ (იხ. ლიტ. ისტორია, II, 476—477).

ეთქვათ, მხოლოდ დ. რექტორს ჰქონდეს შემონახული ცნობა ბესიკის განდევნის შესახებ რატომ არ უნდა მივიჩნიოთ იგი სარწმუნოდ? ამ შემთხვევაში სწორედ დავითის ცნობა უნდა იყოს, სანდო, როგორც ბესიკის „უ საკუთრესი ემა და მეგობრის“ „საატრფო ძმის“ და „საყვარელის“ (S 105) ბესიკს და დავითს მხურვალე მიმოწერაც ჰქონიათ ერთმანეთში, თავისს,

რა უნდა ყოფილიყო მიზეზი პოეტის შეუბრალებელი განდევნისა? რამ აიძულა ერეკლე თავისი კარიდან გაეგდო სახელოვანი მგოსანი, რა მოტივს უნდა ჰქონოდა ბესიკის ექსორიობაში გადაწყვეტი მნიშვნელობა?

ბესიკის განდევნის მიზეზად ასახელებენ პოეტის რომანს სამეფო ოჯახის ერთერთ წევრთან, რაც ერეკლესთვის შეურაცხყოფელი უნდა ყოფილიყო¹.

* *

ტრადიციული ცნობა ბესიკის რომანის შესახებ ასეთია:

„1772 წელს დაქვრივდა თეიმურაზ მეფის ასული ანა ბატონიშვილი, რომელიც დიმიტრი ორბელიანზე იყო გათხოვილი. ახალგაზრდა ქვრივი თავისი ძმის ირაკლი მეფის სასახლეში დაბინავდა. ბავშვობიდან ზაქარია მოძღვრის შვილებთან შეზრდილი, იგი სულ ადვილად დაუახლოვდა ბესარიონ გაბაშვილს და მათ შორის გაიბა საიდუმლო გრძნობის ქსელი. რამდენიმე ხნის შემდეგ ბატონიშვილამდე მიუღწევია ხმას, ვითომც ბესიკს სხვა ქალი შეჰყვარებოდეს, ეს რომ ანა ბატონიშვილს შეუტყვია, ბესიკი სახლში აღარ მიუღია. უკანასკნელი, გრძნობით აღსაყვებელი ლექსებში თავს იმართლებს, მოციქულებსაც აახლებს ანა ბატონიშვილს, მაგრამ ამოდ, ერთხელ დახშული სამოთხის კარი მას აღარ გაუღეს. ამ რომანის ამბავმა ირაკლი მეფემდინაც მიიღწია; განრისხებულმა მეფემ ქვრივი და მონასტერში გაგზავნა, ხოლო ბესიკს სასტიკად აღუკრძალა ამიერიდან ამ საგანზე ხმის ამოღება: წინააღმდეგ შემთხვევაში შენც მამაშენივით გაგაძევებ ქართლიდამაო, მაგრამ სიციქემდე მისული ახალგაზრდა მგოსანი არა ცბრებოდა; ამბობენ: ერთხელ ბესიკმა სასახლისკენ ჩაიარა და აივანზე ორი შავით მოსილი (სამოლოზო ტანსაცმელი) ქალი დაინახა, რომელთაგან ერთი ანა ბატონიშვილი იყო. ამ შემთხვევის გამო მას გამოუთქვამს ახალი ღეჰქი „შაენი შაენი“, რომელიც მალე გავრცელებულა მთელ ქალაქში და მეფემდინაც მიუღწევია. განრისხებულ მეფეს უბრძანებია მსაჯულებისათვის: ჩემი ოჯახის შეურაცხყოფელი სამაგალითოდ უნდა დაისაჯოს, მეტეხის ციხიდან გადაგდეთო, მაგრამ სასახლის ერთ-ერთ წევრისაგან ბესიკს მეფის გადაწყვეტილება შეუტყვია და იმერეთში გაქცევით უშველნია თავის თავისათვის“¹.

ამგვარად, ბესიკის მიჯნურად ჩვენს მწერლობაში დღემდის აღიარებულია ანა დედოფალი. იგი უკვე კანონიზირებულია, როგორც ბესიკის სატრფო, ერთადერთი შთამოგონებელი მისი შესანიშნავი „სევდის ბაღის“ ლირიკისა და ბოლოს, როგორც მიზეზი პოეტის განდევნისა და მისი ცხოვრების ტრაგიული დასასრულისა...

¹ 1804 წელს, სასოვბაძეს [ქათალიკოზი კირიონი] სთვ. ტრანშიში, მემამულე სულხანიშვილის ოჯახში, უნახავს ვრცელი ხელნაწერი კრებული მომღერალ-მგოსნის ასლან ხურდაყულიშვილის მიერ შედგენილი. კრებულის 15-მ გვერდზედ ყოფილა ნაამბობი, „თუ რად გაუწყრა მეფე ერეკლე ბესარიონ გაბაშვილს და რამ აიძულა იგი დაეტოვებინა სამშობლო მხარე და სხვაგან გადახვეწილიყო“. გვ. იქმოია“, № 124, 1904 წ. სამწუხაროდ, ეს ხელნაწერი დღემდე არასთან.

¹ ბესიკი, გორგაძის რედ. გვ. 10—11.

„ესეც ბესარიონ გაბაშვილისაგან არის თქმული მუხამბაზი. ბესარიონს ვარდად და იად თქმული უყვარდა და იმასაც ბესარიონ უყვარდა. როდესაც ბესარიონ მოტყუვდა სხვის შეყვარებით, იამ შეუტყუა და თავისთან აღარ გაატარა, მაშინ ჰსთქვა:

„სევდის ბაღს შეველ“.

შემდგომად ბესარიონ თავის დანაშაულს და იას [ხადუმთაგან საყვედურს ახლა კიდევ ამ ხუთს მუხამბაზში ამბობს. მსმენელნო, თქვენ იგულისხმეთ, იავინ არის და ან მეორე—ბესარიონისაგან შეყვარებული. მე სახელები არ დაესწერე, არა ჰსჯობდა“ (A 1164, გვ. 194).

ამავე ცნობას იმეორებს დავითი მეორე ხელნაწერში (S 1512, გვ. 155), რომელსაც ასე ათავებს: „მსმენელნო, თქვენ იგულისხმეთ: ვარდი ვინ არის, თორემ ბესარიონ რომ ვარდს ეძახის, ის ვარდი თავის თავს იას უწოდდა. და ან მეორე—ბესარიონისაგან შეყვარებული ვინ არის. მე სახელები არ დაეწერე, არა ჰსჯობდა, თქვენ გამოჰსცანიეთ“ (S 1512 გვ. 155).¹

ორივე ცნობაში ხაზგასმით ნათქვამია, რომ ბესარიონს უყვარდა „ვარდად და იად თქმული“ და რომ „ბესარიონ რომ ვარდს ეძახდა, ის ვარდი თავის თავს იას უწოდდა“.

ბესიკის სიყვარულის საგანზე ლაპარაკია კიდევ ერთგან (S 1512, გვ. 127), მაგრამ მისი ვინაობა განზრახ არის დაფარული:

„ესეც ბესარიონ გაბაშვილისაგან არის ნათქვამი [...]. ახელ სიკვდილს შემდგომად. საწყალობელი [...] თავის თავს [...] ეძახდა და ბესარიონ მისი მეგობარი იყო და ეს—შაირი კრემენჩუკს ეთქვა“.

და მხოლოდ ერთს ხელნაწერში (A 1164, გვ. 49) იმავე დავით რექტორის მიერ გაშიფრულია ბესიკის მიჯნურის ვინაობა:

ლექსის „ჭაერი ცივ-ნამიანი“-ს ქვეშ, გადამწერი ასეთ შენიშვნას უკეთებს:

„ესეც ბესარიონ გაბაშვილისაგან მგონია ხათქვამად ყულარაღასის ქალს მაიაზედ, სიკვდილს შემდგომად. ჰაზრი იმას ჰგავს. და საბრალობელი თავის თავს მაია—იას ეძახდა და ბესარიონ მისი მეგობარი იყო. და ეს ერთი შაირი კრემენჩუკს ეთქვა“¹.

¹ საყურადღებოა აგრეთვე ცნობა თეიმურაზ ბატონიშვილისა ბესიკის რომანის შესახებ: „ბესარიონ თავის სიკაბუტეში ერთი მშვენიერის ქალის ტრფიალი თურმე იყო. იმ ქალმა ბესარიონს სხვის კელუცის მიჯნურება შესჭამა და ამისთვის განრისხებული ბესარიონს გამოსდევნა და თვისი მოწყალე გული დაუძვირა.“

„მას ქალს წითელი ტანისამოსი უყვარდა და ამას ორნი ქალნი ჰყვენდნენ მგობარნი: ერთი იისფერი ტანისამოსით იმოსებოდა და მეორე ნარგზის ფერთა. ბესარიონ თავის ლექსში იორველს ვარდად უწოდებს, მეორეს—იად, მესამეს—ნარგზად“ (S 8725). თეიმურაზის ცნობა თით ბესიკის „სევდის ბაღს“ პერიორუზას უნდა წარმოადგენდეს ისევე, როგორც დავით ხუბინაშვილისა (იხ. მისი „ქართული ლამაზობა“, 1887 წ. გმც, გვ. XXXIX).

დაახლოებით, თეიმურაზის ცნობას იმეორებს მისი მოწაფე აკად. მარი ბროსე, ოდნუდ მცირე გადასხვაფერებით: „I' s'voiat, on (ე. ი. ბესიკი. გ. ლ.)¹ был влюблен в своей молодости в одну прекрасную девицу, которая отвергла его любовь под предлогом, что ее сердце отдано уже другому.“

„Чтобы прелюбить ее к себе, он обращается к двум молодым ее подругам, и вот, эти три особы, из которых одна чрезвычайно любила розовый цвет, в другая две цвет фиалки и нарцисса, так что она пробирала под эти цветы и свою одежду,—изобретает в следующей пьесе, каждая под названием своего „любимого цвета“. (იხ. „Взгляд на историю и литературу Грузии 1836 წ.).“

ტრადიციული გადმოცემა დაიწინებთ გვეუბნება, რომ ბესიკის მიჯნური სასახლის წყერი იყო, ბატონიშვილთაგანი, მაია კი მხოლოდ ერისთავის ქალია, და არა ბატონიშვილი. აქ თითქოს ერთგვარი დაბრკოლება გველობება წინ. მაგრამ ჩვენ გამოვაჩვეით, რომ მაია ქსნის ერისთავის ასული, იმავე დროს სასახლის ახლობელი წვევრია, როგორც ერეკლეს დისწულის—მამუკა ორბელიანის მეუღლე.

მამუკა ძე „ქართლის ჯანიშინის“, დიდად გაელენიანის და წირჩინებულის დიმიტრი ორბელიანისა და ერეკლე მეორის დის ანნასი, თვით სასახლეში შობილა და აღზრდილა: „ბატონისშვილის ანნას შვილი მამუკა, რომელიც თვით მის (ერეკლეს დედის თამარის გ. ლ.) პალატში შობილიყო და და შეიღეს უწოდებდა“.¹ მას ანებიერებდნენ სასახლეში და განსაკუთრებული სიყვარულით ჰყვარებია ერეკლეს, როგორც დისწული. ერთს წერილში იგი მამუკას „საყვარელსა და სასურველს“ უწოდებს.²

ასეთივე ნაზი სიყვარულით ერეკლეს მხრივ, სარგებლობდა მაია, რომელიც ქმრითურთ სასახლეში ცხოვრობდა. შენახულა ერეკლეს ერთი წერილი, რომელშიც იგი გულმტკიცეფულად ჰკითხულობს მაიას ავადმყოფობის იმბავს: „ჩვენის შვილის, ერისთავის ქალის მაიას ავანტყუოფობა გავიგონეთ. ღვთის გულისათვის, მოგვიკითხე და ამის იმბავი შეგვატყობინე“-ო.³

ერისთავის ასული ყოფილა, მაგრამ დავით რექტორი კატეგორიულად ამბობს, რომ ბესიკის მეორე (?) სატრფო იყო ყულარაღასი ქალი მაია“. შემდეგ მოჰყავს რა ა. ბარამიძის ცნობა, „ჩვენ ვიცნობთ ერთ ყულარაღასს, რომლის სახელი ბესიკის საზოგადოებრივი პოლიტიკურ მოღვაწეობასთანაა მჭიდროდ დაკავშირებული. ესაა ელიზბარ ქსნის ერისთავის შვილი, ქართლიდან გაძევებული და იმერეთის სამეფო კარის უპირველესი მრჩეველი ბესარიონ გაბაშვილთან ერთად“-ო. კ. კეკელიძე ასკვნის: ეს თუ ასეა, მაია ირაკლის რძალი გერ იქნებოდა და მისი ტრფობა ბესიკის გაძევების მიხეზად ვერ გახდებოდა“. (ლიტ. ისტ., II, 615) ეტყობა, პროფ. ბარამიძეს სრულიად გამოჩინა მხედველობიდან არსებობა საკუთარ ცნობილი პიროვნების გიორგი ყულარაღასისა.

დასასრულ, გიორგი ყულარაღასი ცნობილია კიდევ მით, რომ 1767 წელს, მან საყვარელი ხელით მოჰყვია თავი ერეკლესგან სიკვდილმისჯილ პაატა ბატონიშვილს.

და ბოლოს უნდა შევინიშნოთ, რომ გიორგი ყულარაღასი არის მამა ელიზბარ ყულარაღასისა, რომელზედაც ლაპარაკობს პროფ. ა. ბარამიძე.

¹ თავგადასავალი იესე ოსეს შვილისა. 12—13.

² Грамоты, II, I, 68; ადრე გარდაცვლილ მამუკას სიყვარული ერეკლეს, მის ვაჟიშვილს თამაზზედ გადაუტანია. თვით თამაზი გვიანობს ჰაბაღის ციხის წარწერაში:

„შვილისა მზგავსად აღმზარდა
 მეფემ ირაკლიმ“-ო. (S 1534 გვ. 106).

აღუქსანდრე ორბელიანის სიტყვით, მაიას და მამუკას ერთადერთი ვაჟი თამაზი იყო მეფის ირაკლის დიდი საყვარელი და მეფისაგან წყალობით ამსილი მისი ოჯახი. ის იყო მეტად გაღლებული და მეტი ნებიერი მეფის ირაკლისა, რომელიც არავის არაფერში არას ეტუებოდა და თითქმის არც მეფის ირაკლისა, ანა ბატონიშვილის გულისთვისა, რომ არ ეწყინოს. ასე ანებიერებდნენ ყველანი თამაზს“ (S 1654).

ლუკა ისარლოვის სიტყვითაც, თამაზ, ერეკლესთან მეტად „თამაში და გამბედავი ყოფილა“ (იხ. მისი ნაწერები, გვ. 104).

³ „ივერია“, 1890, № 235. გახეთში „ერისთავის“ ნაცვლად დაბეჭდილია „თარის“, რაც კორექტურულ შეცდომას უნდა წარმოადგინდეს. წერილი დათარიღებულია 1772 წლის 28 ნოემბრით.

შემოკრებით, მოდით, ვნახოთ, ვინ არნა, —
ორნი ტოლნი შავმოსვითა მჩინარნი,
არ-მოწყენით მომღერალნი, მღიმარნი,¹
ყარბისა ცრემლის დამადინარნი*!

გადმოცემით, „მშვენივით სავსე“ ბესიკი მაიას დაახლოვებია, მიუწვედომელ
ოცნებას, — მშვენიერ ქვრივს და მისთვის მრავალი ლექსი და სიმღერა მიუძღვნია,
რასაც ბესიკისთვის „ღიღი სახელი მოუხვეჭია“. ალბათ ამ უიმედო სიყვარულს
დროს ეკუთვნის:

„ტანო, ტატანო, გულწამტანო, უცხად მარებო!
ზილთო-კავებო, მომკლავებო, ვერ საკარებო!
წარბ-წამწამ-თვალნო, მისათვალნო, შემაზარებო!
ძოწ-ლალ-ბაგეო, დამდაგეო, სულთ-წამარებო
პირო მთვარეო, მომიგონე, მზისა დარებო!

„თვალთა ნარგისი, დამდაგისი, შეგშვენის მწველად,
ყელსა ზროლებსა, უტოლებსა, გველი გვეა მცველად,
გესხნეს ხალები, მკარძალებსი, ამარტის ველად,
ნარინჯი ორნი, ტოლნი, სწორნი, მიქმოდენ ხელად,
მიწვევდენ შენად შესამკობლად, დამამწარებო!

აღვიაო, გესხნეს ორნი ნორჩნი მოსარხეველნი,
მკლავნი მომკლავნი, თითნი თლილნი მოსახეველნი,
ზარიფსა წელსა დაეკვირენეს ქვეყანად მგელენი;
ოდეს გნახვიდი, შევიმატი ათასნი წელი.
აწ დამღვიან ყოვლნი დღენი, უცხოდ ვარებო!

ბაგე მდუმრიად ვიალერსებ, ბაგეო ვარდო!
თვალთა ჰსურიან ხილვა შენი, კეკელა მარდო!
გულსა სწყურიან დამამწარლსა: რას შეგაფარდო?
თუცა შენ დაგთმო, ვინლა ვბოგო, სად გავიზარდო?
უშენოდ ხილვა არვისი მსურს, შევიზარებო!

¹ პატრეც. კ. ქველი დიქის აზრით, ლექსი „შავნი შავნი“ უნდა წარმოადგენდეს სიმბოლოურ
აღწერილობას და ქებას სატრფოუს ორის („მჩობლად მხედნი“) შავის, შავის წამწამებით, შავ-
ხავედით მოსილს თვალებისა“ (ლიტ. ისტ. II, 475-476).

ასე ფიქრობდა თეიმურაზ ბატონიშვილიც, რომელიც „შავნი შავნის“ გენე-
ზისისთვის ამბობს: „ეს სტიხი ბესარიონს, ერთის მშვენიერის თვალგბი მოსწონე-
ბია და იმაზე უთქვამს“. (S 3723) ალბათ, თეიმურაზის გაგონებით, ხსენებულ ლექსს ამ კომე-
ნტარს უყუთებს დავით ჩუბინოვიც: „ბესარიონ გაბაშვილს უთქვამს ეს შაირი მშვე-
ნიერის ორს შავს თვალზედ.“ (იხ. „ქართული ლრამატიკა“, გვ. XXXIX 1887 წ.)

ჩვენ არ ვიზიარებთ ასეთ განმარტებას, თუ „შავნი შავნი“ მართლაც თვალების სიმბო-
ლოური გამოხატულებაა, მაშინ ლექსში უზერხელობას ჰქმნის შემდეგი სტრიქონი: „საშიშარად
შარას თვალ შემაქვირნი“. ამის გარდა, თვით ლექსიც მშვენივრად ადასტურებს ზეპირგა-
დმოცემის უპირატესობას, რომ აქ იგულისხმება ორი შაოსანი, კრალურში გამოყობილი ქალი
(„შავ-მოსვით“, „შავ-ხავედ მოსილნი“), რომელიც გახაფუხულის პირზედ მღეროიან „ნმა-ყარიბად“
(„სულფად მხმობნი“, მსტვინაენი“, „არ მოწყენით მომღერალნი“). ამ ლექსის გან-
მარტებაში ზეპირგადმოცემის ასნა ჩვენ უფრო ბუნებრივად მიგვაჩნია და ეფიქრობთ, ბესიკის
ხსენებულს ლექსში ნაგულისხმევია შავებში ჩაქმული შაია, ქვრივისი მეორე პერიოდში, თავისი
ტოლს ნათესავ ანუ მეგობარს ღამას ქალთან ერთად.

დასასრულ, უნდა შევნიშნოთ, რომ ლექსში მოხსენებული „ხავედი“ („შავ-ხავედით
მოსილნი“) მნიშავს არა ხავერდს, როგორც ჩვენს, მწერლობაში მიღებულია დღემდე, არამედ
ყვავილს. თეიმურაზ ბატონიშვილის განმარტებით „ხავედი ერთგვარი ყვავილია, გრძელი და
წვრილ ფურცლებიანი, შავი და სურნელი“. (S 3723)

შენმა გონებამ მიმამსგავსა მილეულს მთვარეს:
სიცოცხლის ნაცვლად მოვინატრი სიკვდილსა მწარეს!
მოდით, მიჯნურნო, შემიბრალებთ, მოვლეთ ჩემს არეს,
მკვდარი ბესიკი დამიტირეთ, დამფალთ სამარეს!
ვაჲ, სიცოცხლეო უკუღმართო, დანაცარებო!

და „მე შენმა თვალმა გარდმბიბრა, რას ვნახე მთვარე:
შვიდნი ციურნი მოციმციინედ არ შეგადარე.
შენის ბაგისა ორნი მეცნეს: ტკბილი და მწარე;
ორკეცად შენი სიყვარული თავს დამაფარე“!

და სხ.

შემდეგ უკვე ცნობილია მაია-ბესიკის რომანის ვითარება:

„ამაყად მწყრალი ვნახე ლამაზი;
მანცა ვანმავდო „ვარგვან გაზი!
შენგან გვაჩნია გულებსა ხაზი!
სიხარულიდამ დაბლა კერძ დაზი!
შენს გულსა ჰკითხე, მიაპყარ გაზი!
შენის გონებით იქნები რაზი:
ჩვენ დაგვთმეო და სხვას ემონები!
„ვარდი მით არის გულდაკლებითა,
რომ შენი იყო თავდადებითა—
შენ რისთვის დასთმე სხვისა ხლებითა?
თავი მოსწონდა, ჰყვანდი ნებითა—
რად გიკვირს, გასწყრეს ცეცხლმოდებითა?
ნაცვალი მოგხვდა დანახსოვნები!“
რად მიჰყევ სხვათა ქკუთამთვრალეებსა?
ნებით მოშორდი ვარდის კვალეებსა!
არ შეგიბრალებ შეუბრალებსა,
თუ მცა უყვარდი მისსა თვალეებსა!

მაგრამ უღმობელი იყო „შემომწყრალი ია“ ანუ მაია, რომელიც ამ შემთხვევაში იცავდა თავის ქალურ ღირსებას.

„თუ სამართალი არის სადმე, გეზიანების,
ყელი გამომჭერ, პირი დამრჩა შენის დანების!..
მეც მომხვდა სოფლის მკვლელი ბრჭალები:
ბესიკი სიკვდილს არ ვემალები,
თავი მაქვს მისთვის შენაწონები!..
„თუცა შენ დაგთმო, ვინლა ვჰპოვო, სად გავიზარდო?
უშენოდ ხილვა არაივის მსურს, შევიზარებო!

„მე შენმა ფიქრებმა მიმარინდა, ჩაველ ქირებსა:
 ანდამატისებრ მიმიზიდავ, ვჰვავ ნამჭირებსა.
 ვარდის ბაგენი შევნიერად სხივ მამპირებსა,
 ჩემებრ უწყალოდ მოაყენებ გასაკვირებსა!
 როდეს იქნება შემომხედო გულსა მწირებსა?“

„ეტლ-შევნიერად მთარული გამსგავსე მთვარეს,
 შენის ეწყითა მასა შევსტრფი, ღამე ველი გარეს;
 უცხო შევიქნე ცნობისაგან, ვარ ქირსა მწარეს.
 უსამართლობამ, მიკვირს, როგორ ვერ შეგადარეს
 არ ვიცი, ვისსა გასწყობიხარ რჯულსა, ფირებსა?“

რით უპასუხა მაიამ „გულნამტკინარე“ მგოსანს, რომელიც „შერიგებას“ სთხოვდა „შუა შემოსულ“ მოციქულების (მაიას მეგობარი ქალები) „შუამდგომლობით, არა სჩანს, თუმცა ერთი ლექსიდან („მიწურვილობდა ზამთრისა ქამი“) ირკვევა, რომ მაიას გულში რაღაც გარდატეხა უნდა მომხდარიყო ბესიკის სასარგებლოდ:

„მაშ არ ვარ სრულად ბედბმულად“

ამბობს იმედმოცემული პოეტი, როდესაც „მეწალოტემ“ ახარა:

„ვარდისას იტყვი თავს ნამდურალად,
 მისთვისავე ხარ გულშენამჰვალად.
 აჰა, ეშხის ტყვევ, მჩან შესაბრალად,
 მე ძალშიძს შენი საღბუნნი მალად,
 მაგრამ მაყენებს სხვა ვინმე გვამი!“

ვინ იყო „ვინმე“, რომელმაც ხელი შეუშალა პოეტს? ვისგან იყო „ბრკმული“ ბესიკის სიყვარულის საქმე, არა სჩანს.

საყურადღებოა, რომ ლექსში „მე მივხვდი მავა შენსა ბრალებსა“, პოეტი რაღაც ბრალსა სდებს „მანტორს“ („მენტორი, — აღმზრდელი“):

მანტორ, გაბრალებ ფესვით ბრკალებსა!“

ხომ არ უნდა ვიგულისხმოთ მაიას აღმზრდელი?

ყოველ შემთხვევაში, ლექსიდან „მიწურვილობდა“ უნდა ჩანდეს, რომ მაიას წყრომა მხოლოდ დროებითი ამბავი უნდა ყოფილიყო პოეტისათვის და მათი სიყვარული ამაზე არ უნდა დასრულებულიყო.

* *

ნაკრძალი სიყვარული გამომკლავებულა სასახლეში.. შემდეგ ხომ ცნობილია ბესიკის სიყვარულის თავგადასავალი... აქ დაუთმობთ ადგილი ქიქინაძის მიერ ჩაწერილ გადმოცემას:

„ბესიკისა და მზეთახათუნის (იგულისხმე მაია. გ. ლ.) სიყვარული ბოლოს გამოჩნდა... მეფე ერეკლემ და დედოფალმა შეიტყეს და დიდათ განრისხდნენ. ბესიკი დაუბარებიათ და სამეფო დარბაზში დიდი საყვედურიც გამოუცხადებიათ, ბესიკს ალექსა დაუდგია მეფის წინაშე და იმ დღიდან სამეფო სახლსაც განშორებია. მზეთახათუნისთვის (sic) კი გამოუცხადებიათ, რომ მოლოვნათ უნდა წახვიდყო და ცოდვები გაირეცხო. ქალი ჯერ უარზე მდგარა და ბოლოს კი დასთანხმებია. სამეფო სახლშივე შეუმოსავთ შავს მახარაში და სამოლოზ-

ნოთ დაუწყევიათ მზადება. საქმე ისე დატრიალებულა, რომ ბოლოს ქალი სხვაზე გაუთხოვებიათ. ეს ამბავი რომ ბესიკს შეუტყვია, აღთქმა დაუდგია, რომ მე ჩემს სიცოცხლენი ცოლს არ შევიერთამო, ასეც მოხდა თურმე“.

... „ერთხელ, ბესიკს მეფის სასახლის წინ ჩაუვლია და აივანზე უნახავს რამდენიმე, შავით მოსილი მოლოზანი. იქვე ყოფილა მზეთაბათუნის (sic) მოლოზნის (?) სამოსით ბესიკს მათხედ გამაოუთქვამს: „შავნი შაშვნი“.

„ამ ლექსის შემდეგ ისევ განახლებულა ბესიკში სიყვარული, ისევ მიუყვია ქეიფებისთვის ხელი, მოქალაქეთა შეილებს ხელმეორედ დაახლოვებია და ამაზე მრავალნიც ისევ ასტეხიან. რამდენიმე ხნის შემდეგ ლექსი „შავნი შაშვნი“ გავრცელებულა ხალხში და დაუწყევიათ მღერა.. მოქალაქენი მისულან მეფესთან და განუცხადებიათ: ახლა თქვენ ქალზე (რძალზე. გ. ლ.) დასწერა ლექსიო! მეფე დიდათ გამწყვარაღა, მსაჯულნი დაუბარებია და გამაოუცხადებია, ბესიკი მეტეხის კლდიდამ ან ნარიყალას კლდიდამ უნდა გადაადგოოო. ეს გარდაწყვეტილება ერთს ბატონიშვილს შეუტყვია, იგი მაშინათვე მისულა ბესიკთან და ყველაფერი შეუტყობინებია. ბესიკი გოაცებულა.. იმ ღამესვე ვაქცეულა და მით გადაურჩებია თავი“.

* *

თუ გავითვალისწინებთ ერეკლეს სიყვარულს მამუქასადმი, მის გულის ტყენას მამუქას უდროვო გარდაცვალებით, წარმოსადგენია, მისი აღშფოთება ბესიკის რომანით. მეფის რისხვა იმ ფაქტსაც უნდა გაემწვავებინა, რომ როგორც გადმოცემა ამბობს, ბესიკის ლექსები მაიაზედ „ხალხში გავრცელებულა“. ჩვენ ვიცით, რომ ერეკლე მკაცრი ზნეობის ადამიანი იყო და სასტიკ მეთვალყურეობის ქვეშ ჰყავდა მთელი სასახლე, ოჯახთან ერთად სასახლის მსახურთა ზნეობაც, რის შესახებ არა ერთი ფაქტია ცნობილი (იხ. ალ. ორბელიანი და სხვ.). მაგრამ თავი რომ დავანებოთ მეფის ხასიათსა და შეხედულებას, თვით მაშინდელ მაღალ საზოგადოების ოფიციალურ ზნეობისთვისაც ბესიკის გაბედული გამოიჭურების კარში გამოტანა თითქმის მკრეხელობას უდრიდა. ამ შემთხვევაში, საილუსტრაციოდ გვინდა გავიხსენოთ იოანე ბატონიშვილის ერთი წერილი თავის ცოლისადმი. უგზავნის რა რუსეთიდან სატრფალიო ლექსს მეუღლეს, სთხოვს: „გარდააწერინეთ, ვინც მოინდომოს, იმღეროს“-ო. მაგრამ ითვალისწინებს რა ოჯახურ ტრადიციას, იგი ამასთანავე დასძენს; „ეგროპიაში (ე. ი. რუსეთში გ. ლ.) არა არს სირცხვილი, უფრო ერთმანეთის სიყვარულს ნიშნავს“-ო (S 5367). თუ ასეთი განმარტების მოცემა უხდებოდა ბატონიშვილს საკუთარ მეუღლესზე დაწერილ ლექსისთვის, წარმოსადგენია, თუ რა წყრომა უნდა გამოეწვია მეფისა და სასახლის საზოგადოებისა ბატონის რძალ მაიაზედ საჯაროდ გამოტანილსა და ნამღერალ ბესიკის ლექსებს.

* *

ასეთი იყო მაია-ბესიკის სიყვარულის ტრაგიული ისტორია. ახლა, როდესაც ვიცით, რომ ბესიკის სატრფო მეფის რძალი მაია ყოფილა, ვასაგები ხდება პოეტის მიმართვა სატრფოსადმი:

1. „სევდის ბაღს შეველ“
2. „ბულბულო მოდი მწუხარებით“
3. „მე მივხვდი მაგა შენსა ბრალეხსა“
4. მე შენმა ფიქრმან მიმარინდა“
5. „ტანო ტატანო“.
6. „ბულბულის შურსა“
7. „მე შენი მგონე“
8. „ვარდო სასურო, მაისურო“
9. „მიწურვილოზდა წამთრისა ქამი“
10. „შავნი შაშენი“.
11. „შეყრილან ერთად მკროლოვარენი.“

აქედან ხუთი ლექსი ეკუთვნის იმ მომენტს, როდესაც პოეტი „სხვის შეყვარებით“ მოტყუვდა: „იმ შეუტყო და თავისთან აღარ გაატარა, მაშინ სთქვა: „სევდის ბაღს შეველ“, შემდგომად ბესარიონ თავის დანაშაულს და იას ხადუმთაგან სიყვარულს, ახლა კიდევ ამ ხუთს მუხამბაზში ამბობსო“-ო¹. გადმოგვცემს პოეტის მეგობარი დავით ალექსი-მესხიშვილი.

მაშასადამე, ბესიკის განთქმული „სევდის ბაღი“ შთაგონებულია მხოლოდ მაიას სიყვარულით, რომელმაც ბესიკის პოეზიას უკვდავების ბეჭედი დაასვა.

ბესიკის ლირიკის გრანდიოზული ვნება გამოწვეულია მაიას მიერ.

**

ისევ მაიაზედ და ანა დედოფალზედ.

ამიერიდან, უკვე შეუძლებელი ხდება ლაპარაკი ანას რომანზე ბესიკთან. სხვანიირად ანომალიასთან გვექნებოდა საქმე. ახლა ჩვენ უკვე ვიცით, რომ ანა დედოფლის დედა—მაიაა. ისიც ვასაგები ხდება, თუ რა მოტივით უნდა მიეძღვნა ხსენებული ლექსი ბესიკს თავის სატრფოს ქალიშვილისადმი (თუ ამ ლექსში მართლაც, ანა დედოფალი (ორბელიანის ქალი) იგულისხმება.

საყურადღებოა აგრეთვე ამ ლექსის შემდეგი ადგილი:

„შემოსა ხელი,
 ითხო სახელი
 მისმან გუანმან პაწაწანამან“.

შესაძლოა აქ ლაპარაკი იყოს „პაწაწა ანაზედ“ რომელიც მისი „გუანი“, ე. ი. მგვანი დედის-მაიასი თავისი მშვენიერებით. ჩვენი დაკვირვებით, ნაწარმოები „დედოფალ ანაზედ“ უნდა შესდგებოდეს ორი სხვადასხვა დროის დაწერილ ლექსისაგან. პირველი ლექსი უნდა შეიცავდეს 1—5 სტროფს და ჩვენის ფიქრით, დაწერილი უნდა იყოს ანას ახალგაზრდობაში, —სატრფოს ქალიშვილზე მეგობრულ-საალერსოდ.

ლექსის მეორე ნაწილი, — უკეთ, მეორე ლექსი, სახელდობრ, მე-ნ კვეთი. ნათქვამი უნდა იყოს ანას დედოფლობისას. ეს ლექსი უკვე მიმართვაა „ხელმწიფისადმი“ ერთგული კარისკაცისა და ჩვენ ვიცით, რომ ბესიკი დავითის და ანას კარის „მდივანთუხუცესი“ და დესპანი იყო.

ამ ლექსში უკვე აღარაა სჩანს ფამილარული კილო ადრესატისადმი; აქ უკვე მოკრძალებული ქვეშევრდომი ერთგულებას ეფიცება „ხელმწიფეს“:

„ხ ე ლ მ წ ი ფ ე ვ; გ უ ლ ი
შ ე ნ თ ა ნ ა ბ მ უ ლ ი
წყ ა ლ ო ბ ი ა ნ ა დ მ ო მ ე მ ო შ ე გ ბ ი ს !
• • • • •
თ უ ე ა ლ ა გ ც ო დ ე .
გ ი ყ ო შ ე მ ც ო დ ე .
შ ე ნ გ ა ნ წ ყ ა ლ ო ბ ი თ ნ უ მ ე ლ ხ ი ნ ე ბ ი ს !“ და სხვ.

ამნაირად, ჩვენ ვფიქრობთ, რომ სათაურქვეშ: „დედოფალს ანაზედ“ გაერთიანებული უნდა იყოს ორი ლექსი ანუ ექსპრომტი ერთი და იგივე ადრესატისადმი.

და ბოლოს, სწორედ დედის სიყვარული უნდა იყოს იმის მიზეზი, რომ მაიას შეიღი ანა დედოფალი, უკვე რუსეთში მყოფი „გადასახლებამი, დიდის გულმოდგინებით აგროვებს ბესიკის ლექსებს. ასე, ბესიკის ძმის ოსეს წერილში დედოფალ ანასადმი, ხშირად შეხვედებით ლაპარაკს ბესიკის ლექსების შეგროვების შესახებ:

...„რომელიც თქვენ წიგნები ან ლექსები ძმისა ბესარიონისა გეტხოვრებთ, ყოველივე ერთად წარმოგიგზავნე“ — სწერს ასე ანა დედოფალს. ...„გებძანათ ლექსი ძმისა ბესარიონისა თქმულნი, მაშინ საჩქაროდ ველარ მოვასწარ, არა მაქუნდა დაწერილი უდ ვიფიქრე დავიწყებული და გავიხსენე რომელიმე“. 1821 წელს, ბესიკის გარდაცვალებიდან 30 წლის შემდეგ, — ოსე სწერს დედოფალს: „ლექსები რომ გებძანათ ბესარიონისა, აქ არ მამყოლია, და თუ რამ ზეპირ ვიცი, გავიხსენებ, დავწერ და მოგართმევ ხელმწიფეო“. და შემდეგ: „ჩემის ძმის ბესარიონის თქმული ლექსები, რაც გამახსენდა, დავიწერეთ. ესენი ერთიანად დანუსხვილი, აკნობული მიახლებია“. ...„გებძანა, გზაზე წამხდარიყო რვეული ლექსთა ჩემ მიერ მორთმეული, ამისთვის ნუ შესწუხდები, უმჯობესად განგიახლებთ“ და სხვა.

**

საკითხი გამორკვეულად მიგვაჩნია...

გადმოცემა ბესიკის რომანის შესახებ: ბესიკის მიერ სასახლის ქალის ტრფიალი, ქალის დაქვრივება, სიყვარულის გამელაღვნება სასახლეში, მეფის რისხვა პოეტზე — ემთხვევა მაია ერისთავის ქალის რეალურ ამბავს. გადმოცემას მშვენიერად მოუღწევია ჩვენამდე, მხოლოდ პოეტის სატრფოს სახელი არ შემოუნახავს და „დედოფალს ანაზედ“ დაწერილ ლექსის წყალობით, მაიას სახელი სრულ დავიწყებას მისცემია...

ახლა გასაგები ხდება, თუ რატომ იყო დღემდის ბესიკის ტრფიალის ვინაობა სასტიკი საიდუმლოების ქვეშ. ბესიკის გამიჯნურება მაიასთან, ხომ ერთგვარ კომპრომეტაციას აყენებდა, როგორც სამეფო სახლს, ისე ორბელიანთა და მათ მონათესავე დიდ ფეოდალურ ოჯახებს. ამიტომაც, გადამწერლები ვერ ჰბედავდნენ ბესიკის სატრფოს ვინაობის საჯარო გამჟღავნებას. უმთავრესად, ამის მიზეზით, ზოგ ხელნაწერში სრულიადაც ამოფხევილია მაიას სახელი. მაგ. S 1512 ხელნაწერი ასე მუნჯურად მოგვითხრობს მაიას შესახებ:

„ესეც ბესარიონ გაბაონისგან არის ნათქვამი [ყულარადასის ქალს მაიაზედ] სიკვდილს შემდგომად. საბრალობელი თავის თავს [მაია იას] ეძახდა და ბესარიონ მისი მეგობარი იყო“. და სხ. ამიტომ იყო იძულებული დავით რექტორი, გაეფრთხილებინა მკითხველი: „მე სახელეები არ დავჰსწერე, არა სჯობდა“-ო (იქვე), თუმცა ბესიკის რომანი იმდენად პოპულარული უნდა ყოფილიყო, რომ დავითის მოუხსენებლივადაც იცოდნენ პოეტის სატრფოს ვინაობა. ამიტომ მიჰმართავს დავითი მკითხველებს: „თქვენ გამოჰსცანი თ“-ო.

**

ამგვარად, ბესიკის ტრაგიული სიყვარულის მიზეზი ყოფილა მაია ერთი-თავი, რომლის ძვირფასი სახე დღემდის დავიწყების ბურუსით იყო მოცული¹. ჩვენმა მკვლევარებმა მაიას როლი ბესიკის ცხოვრებასა და პოეზიაში, 'გაუგებრობით, მაიას ქალიშვილს ანას მიაკუთვნეს.

ამერიიდან, მაიას ძვირფასი აჩრდილი განუშორებლად იდგება ბესიკის გვერდით.

*

გვრჩება გამოსარკვევი ბესიკის „მეორე შეყვარებულის“ ვინაობა. სამწუხაროდ, სრულიად უცნობი რჩება სახე იმ ქალისა, რომელმაც ასეთი საბედისწერო როლი ითამაშა ბესიკის ბიოგრაფიაში.

ამ შემთხვევაში ჩვენ ვვინდა ყურადღება მივაქციოთ ბესიკის ლექსს:

„რა გული დავაგე შენად სარებლად“:

„რა გული დავაგე შენად სარებლად,
 მუნითგან ვარდს გიფენ მით აშარებით,
 ვიცი, დღენი მისხენ შენდა მარებლად,
 მისთვის თავს შეგწირავ მით აშარებით.

¹ მაიას სახელს, ალბათ მისი პატივისცემით, ატარებდა მისივე შვილისშვილი მაია თამაზის ასული თუმანიშვილისა. ბრწყინვალე სილამაზით განთქმული, გრიგოლ ორბელიანის სიკაბუჯის მუხა, რომელსაც შემდეგში ალექსანდრე ტავეჯვაძემ უძღვნა ლექსი:

„არა ერთხელ სიკაბუჯე დაუჩაგრავს სიბერესა.

არა ერთხელ ბედის დილა დაუბინდავს შავს ღამესა“ (S 1635).

მაიას ახლო ნათესავია (ბიძაშვილის ასული) ცნობილი მანანა ორბელიანი—ქართველი რომანტიკოსების უკვდავი მუხა, ხოლო მაიას პირდაპირი ჩამომავალია ნინო ორბელიანი—ნიკოლოზ ბარათაშვილის პირველი სიყვარული.

როს ვარდი მიშალე და მანდარიი.
 მით მოჰკალ ზულბული და მანდ არია;
 კვლავ ჩემი სალბუნი და მან დარიი,
 თუ მწყლავე, ნუ გამავდებ მითა მარებით.

მე იგი ვარ, ოდეს ამ არეს არა,
 არ იდრიდი მთენთა ამარეს არა,
 აწ არლა მომხედე ამარეს არა,
 მე სხვას გიცნობ, სხვისად მითამარებით.

აწ არ მნახო მრხეო დაიარედა,
 ვინ უწყალოდ გული დაიარედა!
 შენთვის მკვდარს ბესიკუხედ და იარ ედა,
 ნუ თუ კვლავ მაცოცხლო მით ამა რებით!

ლექსის თითოეულ სტრიქონში გამოქვლიანებულია ზმით სახელი „თა-
 მარ“. ვინ არის ამ ლექსის ადრესატი თამარ, არ ვიცით მაგრამ ვფიქრობთ,
 რომ ამ ღრმა განცდის მატარებელ ლექსის შთამგონებელი ვერ იქნებოდა ის
 ქალი, რომელთანაც ბესიკის მსუბუქი მიჯნურობა მალე სანაწურად გაუხდა.¹

ხოლო რაც შეეხება მშეხათუნს, მშეთახათუნს, რომელსაც ბესი-
 კის მკვლევარები ხშირად პოეტის მუხასთან აიგივებენ ხოლმე, იგიც გაუგებრო-
 ბის მსხვერპლია. მშეხათუნს არაფერი საერთო ბესიკის რომანთან არა აქვს. ეს
 გაუგებრობა უნდა გამოეწვია ბესიკის ორ ლექსს („ვართ კარგის მგონე“, აღე-
 ხვამ ქებად ბავსა*), რომელთაც ხელნაწერში სათაურად უწერიათ მეფის
 „ასულის მშეხათუნისთვის თქმული“. მშეხათუნი კი ანა დედოფლის
 ქალიშვილია, დავით იმერთა მეფის ასული (მშეხათუნისადმი უნდა იყოს აგრე-
 თვე მიძღვნილი ლექსი: „მე სული ჩემი ფეშქაშად“ თუ მართლა ბესიკის ეკუთვნის,
 როგორც ვვამცნებს ზოგი ხელნაწერი). ბესიკის დროს, მშეხათუნი სულ ბავსვი
 იყო. იგი 1803 წელს გათხოვდა ზურაბ წერეთლის ვაჟზედ სვიმონზედ. დავით
 მეფის სიკვდილის შემდგომ, მშეხათუნი, სოლომონ II-ეს თავის პალატში
 აღუზრდევინებია, როგორც მისივე ნაწყალობევი სიგელი გვიამბობს.²

* * *

ბესიკის რომანტიული ისტორია უნდა ყოფილიყო მთავარი მიზეზი ბესიკის
 განდევნისა.

მაგრამ ვფიქრობთ, ბესიკის განდევნას, რომანთან ერთად სხვა ამბავიც
 უნდა სდებოდა სარჩულად. მაიას ტრაგიული სიყვარულის გარდა სხვა შემა-
 ვალი მომენტებიც უნდა გავითვალისწინოთ.

მაგალითად, ისეთი კომპეტენტური პიროვნება,—როგორიც იყო ბესიკის
 თეთქმის თანამედროვე—დავით ბატონიშვილი, გარკვეულად გვეუბნება,

¹ თუ ამ ლექსშიც, ისე, როგორც „მშეხათუნისადმი“ მიძღვნილს ლექსში „მეგობრული“
 სიყვარული იგულისხმება. მაშინ ამ ლექსის ადრესატად შესაძლოა მივიჩნიოთ ანა დედოფლის
 მეორე ასული, მშეხათუნის დაე თამარ, შემდეგში გურიის ერისთავზე გათხოვილი.

² Sd 9666.

აქ ლაპარაკი უნდა იყოს ნამოძღვრალ ზაქარიას ინტრიგებზე და მისი მეოხებით და მიზეზით ერეკლესგან ზაქარიას შვილების შეძულებაზედ. შეძულება მეფის მხრივ კი გამოიწვია ალბათ მათმა ჩაბმამ ზაქარიას მტრულ საქმიანობაში ერეკლესა და ანტონის მიმართ.

მამისა და ძმების იმერეთში ყოფნის დროს, თბილისში დარჩენილ ბესიკის მღვდმარეობა საგრძნობლად უნდა შერყეულიყო. შეიძლება ამ მომენტს დაემთხვა ბესიკის რომანტიული ისტორია, რითაც ისარგებლა ანტონ ქათალიკოზმა და მოსისხლე მტრის შვილი ბესიკი, რომელიც ახლა უკვე საშიში ხდებოდა, მეფეს საბოლოოდ გააწირვინა. ისიც არ უნდა დავივიწყოთ, რომ ეკლესიის მეთაური, ისედაც უკმაყოფილო უნდა ყოფილიყო ბესიკის სატრფიალო ლექსებისა და სიმღერების პოპულარობით.

რა ბრალდება შეეძლო მოეხვივნა ანტონ ქათალიკოზს ბესიკისათვის?

უპირველესად, მამასთან კავშირის გაბმა, რაიმე დავალების შესრულება ზაქარიასი.

აქვე უნდა გავითვალისწინოთ ანტონის და ანა ბატონიშვილის (მაიას დედა-მამილის) შესაძლებელი ბლოკიც. უსათუოდ, ანტონთან ერთპირზე ზაქარიას და ბესიკის მიმართ იქნებოდა ბესიკის რომანით აღწფოთებული მამუქას დედა ანა — ზაქარიას ძველი მტერი და ანტონის თანამზრახველი. ცნობილია, რომ ანტონის დამხობის დროს ანა ბატონიშვილმა საეკლავ გამოამქლავა ანტონის მომხრობა, რისთვისაც იგი საჯაროდ გაკიცხა კიდეც ზაქარიამ (იხ. ზემოდ, გვ. 354)¹. ისიც ცნობილია, რომ ანტონის რუსეთიდან დაბრუნების საქმეში ანა ბატონიშვილმა დიდი როლი ითამაშა. და თუ პლატონ იოსელიანს დავუჯერებთ, ქათალიკოზის რეაბილიტაცია და მისი რუსეთიდან გამოწვევა „ანას მიზეზით“ მოხდა (S 3181).

ზაქარიას რუსეთიდან დაბრუნებისა და ბესიკის რომანის გამო ქათალიკოზის ინტერესები უფრო მჭიდროდ იქნებოდა გადაბმული და მათ შეერთებულ ძალას არ გაუჭირდებოდა ისეთი პატარა პიროვნების მოსპობა, როგორც იყო მათთვის აზნაური შგოსანი ბესიკი გაბაშვილი.

¹ ზაქარია გაბაშვილი ანტონის განდევნის შემდეგაც არ ინდობდა ანა ბატონიშვილს და თვით ექსორიაქმნილ ანტონისადმი მიმართულ წერილებშიც კი „ამუშავებდა“, რაზედაც აღწფოთებულ ანტონი რუსეთიდან ასე უპასუხებდა: „ანასათვის მეფის ასულისა... სხვა და სხვა ტიტულები მიეცა და ისე კარგ კნასაყოფელად გაგვლანდა. მაგათს აგრე შურაქებად სწენებულ შენს სინიდისსა ვკითხავ, ნამუსა ჩემგან, რომ ბევრი ვიცინო... თუ მაგ ქვეყანაში დიდნი ვინმე ხართ, მეფეთაგანნი, თუ არ ეგვნი და მათგანი სხვანი, არავინა ხართ და მაგათ ჩემის დაკარგვისათვის თავიანთი თავები აგრე სალანძღავათ თქვენ და თქვენს მეგობრებს მოუყარეს და მე შავაზედ, ნუ გეწყინება, ბევრს ვერ ვიცინებ. ეს კი ვიცი, ანაა წემი და არის. ისე არ არის, რომ ჩემს მტრი არა ჰყვანდეს რა, ვინც მანდ მეფობენ, იმათი ქალია და და არის... და ეს ვიცი, რომ ეგ გიჯი არ არის. და ნაცილადაც გიბრძანებით, ბევრნი მოვიდნენ მანდგამ და ვიკითხე და ფიცით დამარწმუნეს, რომ არ გაგიყვებულაო. და თუნდა აგრეც იყოს, სწეულებაზედ ვინ აივდებს და აკინებს გონიერთაგანი მაგისთანა პერსონასა“. H 2510.

* *

ბუნებრივი იქნებოდა, დაგვესვა ერთი კითხვა: ხომ არ დაიშახურა ბესიკმა რაიმე სახელმწიფო დანაშაული და ნებით და უნებურად ხომ არ მიიღო მონაწილეობა ერეკლეს წინააღმდეგ რაიმე პოლიტიკურ საქმიანობაში?

ამ ექვს გვიძლიერებს ორი ფაქტი:

ა) ბესიკის შემდეგ დროინდელი გარკვეული პოლიტიკური მუშაობა იმერეთის კარზე ერეკლეს სამტროდ და

ბ) ერეკლეს პიროვნების სრული იზოლაცია ბესიკის პოეზიაში.

მართლაც, ვანა აშკარა არაა ის ფაქტი, რომ მაშინ, როცა თვით უბრალო აშუღლი სომეხი საათნავე ასე აღტაცებით უმღერის ერეკლეს და აპოთეტიურ სიმბოლოდ ჰყავს წარმოდგენილი («ნეტავი არ დაღამდე, რა კაი დღე ხარ»), სასახლესთან დაახლოებული ბესიკი სრულიად სდუმს სახელგანთქმულ გმირ მეფეზე იქაც კი, სადაც ის, როგორც პოეტი-პატრიოტი აღტაცებით უნდა გამოჰხმაურებოდა ერეკლეს ვაჟკაცობას და სახელმწიფოებრივ მოღვაწეობას. თვით ის ერთადერთი ლექსი ერეკლეზე, რომელიც აქამდის ბესიკისად იყო ცნობილი, ნამდვილად ეკუთვნის არა ბესიკს, არამედ მირიან ბატონიშვილს¹. ერეკლეს პიროვნების იზოლაცია ბესიკის შემოქმედებაში განსაკუთრებით აშკარა შესამჩნევია პოემაში ასპინძის ომზე. საყოველთაოდ ცნობილია ერეკლეს გმირული და სტრატეგიული დამსახურება ასპინძის ომში. სახელოვან მეფემ «გაჰსწირა თავი თვისი და ეკვეთა [მტერს] ფიცხელად, ვიდრე სიკვდილამდე», მან თავისი ხელით მოჰკლა ბრძოლაში «დაღისტნის წარჩინებული და მანე ბელადი კოხტა» (ქ. ცხ., 265). პოეტი კი შეგნებით მძალავს ერეკლეს პიროვნებას, მისს სარდლობას, გმირობას, თავგანწირვას და სამაჯეოროდ, ასპინძის გმირის შარავანდედით ჰმოსავს მხოლოდ დავით სარდალს, რომლის პირად ვაჟკაცობასა და მხნეობას ხსენებულ ომში, მართლაც დიდი მნიშვნელობა ჰქონდა. აქ ბესიკის მიერ განზრახ ერეკლეს დამდაბლება ჩვენთვის გასაგებია. «ასპინძის» წერის დროს ბესიკი უკვე აქტიური მტერი იყო ირაკლისა (ჩემი გამოარკვევით, ხსენებული ნაწარმოები დაწერილია 1780 წლების მეორე ნახევარში, როდესაც ბედმა პოეტს «უშორეს ვლა» მისცა რუსეთში). ასევე უნდა ითქვას, ლევან ბატონიშვილის სიკვდილის ვაშო დაწერილ «სამძიმარზე» (დაწერილი უნდა იყოს 1781 წელს). ერეკლესთან სხვაგვარ ნორმალურ დამოკიდებულებაში მყოფ ბესიკს ხომ საბაბი ეძლეოდა პირდაპირ მიემართა უბედურ მამისთვის და მიეტრინა დიდებული შვილის ასე უაზროდ დაკარგვა. «სამძიმარში» კი პოეტი, პირობით, არა თუ გვერდს უხვევს ერეკლეს, არამედ შეგნებულადაც კი არ ასახელებს და თუ ახსენებს ორჯან, ისიც სიმბოლიურად. ეს ნაწარმოებიც დაწერილია ბესიკის განდევნის შემდეგ იმერეთში და, ცხადია, ბესიკი, რომელიც ამავე წელს ერეკლეს მტრის ალექსანდრე ბაქარის ძის «ერთგულ აზნაურად» იხსენიება და რომელიც ერეკლეს მხოლოდ «კახბატონობით»² ახსენებს, როგორც ქართლის ტახტის უზურპატორს, სხვანაირად ვერც მოიქცეოდა.

¹ როგორც გამოარკვია ა. ბარამიძემ, «ბესიკი», გვ. 175.

² Hd აუწერელი სიგელი 1781 წლისა.

რკვეული გეგმა ჰქონდა დასახული—ერეკლეს დამხობა. შეთქმულებს ყოველნაირად ხელს უწყობდა მეფე სოლომონი. ერისთავების ჯგუფს მაშინ მეთაურობდა სწორედ ბესიკის სატრფოს მიაის მამა გიორგი ყულარალასი, რომელმაც ერეკლეს არა ერთხელ უმუხანათა. სწორედ ამ დროს, მიახედ შეყვარებულ ბესიკს დაახლოვება უნდა ჰქონოდა ერისთავებთან; ხომ არ ჩაითრიეს ერისთავებმა თავისს შეთქმაში მიაის მეგობარი ბესიკი, ისევე როგორც ჩათრეული ჰყავდათ თავისი სიძეები—ხალ ორბელიანი¹ და ზაქარია ციციშვილი?² ხომ არ გამოიყენეს ერისთავებმა ისეთი პოპულარული პიროვნება, როგორც იყო ბესიკი, ბოზა იარაღად თავის შეთქმულებაში?

და ბოლოს, იმ ხანაში, როდესაც კარის უმაღლესი საზოგადოება ინტრიგებისა და შეთქმულობათა ქსელში იყო გახვეული, სულ ადვილად უნდა ყოფილიყო შესაძლებელი ბესიკის მოხვედრა არა სასურველ სიტუაციაში, მით უფრო, ბესიკი „შერყენებულის“ და „უკეთურის“ ზაქარიას შვილი იყო და ისიც—ერეკლესადმი მტრულ განწყობილების ატმოსფეროში აღზრდილი ანახანუმის კარზედ.

მაგრამ ყოველივე ამის შემდეგ უნდა გავიხსენოთ თვით განდევნილი ბესიკის სიტყვებიც ერეკლესადმი მიმართული:

„ხელმწიფე, გული ცეცხლდაგული სულით გამყოფლით,
 ქირსამცა თქვენსა, თუ გალხენსა, მოიხმარენით!

სხვამცა პატრონი, ანუ დრონი ვერა დავსახეთ“...

აქედან სჩანს, რომ გულდაწყვეტილი ბესიკი უდანაშაულოდ სთვლიდა თავს. და თუ ამ სიტყვებს დავუჯერებთ, —უფლება კი არა გვაქვს ეჭვი შევიტანოთ ამ მღვდლარე ლექსის გრძობაში, —საბუთი გვეძლევა ვიფიქროთ, რომ ბესიკი უფრო ინტრიგის და მეფის გადამტეხული წყრომის მსხვერპლი უნდა გამხდარიყო.

ვამბობთ ამას, თუ ეს სიტყვები მართლაც ერეკლესადმია მიმართული და თუ „ხელმწიფე“-ში უსათუოდ ერეკლე იგულისხმება (ამ ადგილის სხვანაირი წყაითხვა და სხვანაირი გაგებაც შეიძლება—„ხელმწიფე—გული“, ხოლო „პატრონი“ შეიძლება ლევან ბატონიშვილიც ვიგულისხმოთ).

ბესიკის განდევნაში ალბად სასახლის კამარილიასაც უნდა შეეწყო ხელი. ერეკლეს კარზედ, განსაკუთრებით მისი მეფობის მეორე ნახევარში, არაჩვეულებრივი ინტრიგები, „ბუნღობა“, „ენაობა“ იყო გამეფებული, რომლას მსხვერპლი არა ერთი კარისკაცი და სახელმწიფო მოღვაწე შეიქნა. ტყუილად კი არ ჩიოდა ამბროსი ნერესელი:

¹ ხალ ორბელიანი — ერთგული კაცი ირაკლისა, მოლაღატე შეიქმნა დავით ქსნის ერისთავის მოწყალებით (იმის და ჰყავდა ხალს ცოლად), ქართლში მეფე დასონ და ქართლი გააკალკეთონ“ (ალ. ორბელიანი, S 1654).

² „ქსნის ერისთავის შვილებმა და ზაქარიამ [ციციშვილმა] ჩვენ გინუნანათა, ახალციხეს გაიქცენ და იქიდაშ ლეკის და ოსმალის ჯარი ჩამოიყვანეს და ქართლს ოზრება და ტყვევა დაუწყეს“. ...ციციშვილი ზაქარია ახალციხეს გარადედა და უარჰყო თვისი კელმწიფე მეფე ირაკლი—გვიამბობს იულან ბატონიშვილი (Hd 1816).

„ღმერთმან იცის, ბატონები კარგი გვეყვანან და მარგები,
მავრა, ზოგნი შინაყმანი, მტყუანნი, ცრუ, არ ვარგები,
ამყრელნი, სახლის დამქცევნი, ჩემნი იქმნენ დამკარგები“¹.

სასახლის კარისკაცობა თითოეულ დაჯგუფებას თავისი ინტერესები ჰქონდა და თვით სასახლის „გამზდელთა“ შტატიც კი ერთგვარ გავლენით სარგებლობდა. ასე, სასახლის შინამოსამსახურეთაგან—„მეფისეული და დედოფლისეული სასახლისა გამდელნი ესრეთ იყვნენ ძლიერნი, რომელ მეფესა და დედოფალსა ჰხადოდნენ ტყვედ მათ ხელთა შინა. თვით მეფის ძენი და მეფის ასულნი და მეფის რძალნი ძრწოლადენ მათგან, მღვდელმთავართა ეშინოდათ მათი“². როდესაც ბესიკი საყვედურით მიჰმართავს „მანტორს“—„აღმზრდელს“ („მანტორ, გაბრალებ ფესვით ბრკალბსა“) მხედველობაში ხომ არ უნდა ვიყოლიოთ ისეთი პიროვნებანიც, როგორიც იყვნენ „მეფისეული“ და „დედოფლისეული“?

ყოველ შემთხვევაში, ბესიკს რომ ვახუცდიან ინტრიგის სიმწარე, ამას ადასტურებს დავით რექტორის წერილიც პოეტისადმი. მოსთქვამს რა დავითი ინტრიგების შესახებ: „ვიცი, საყვდ უხანოზა მიყოლათა, უზენარობა თავთა, უსწორობა პირთა, მაცთურება სიტყვათა, გატეხა ფიცთა და მოყვრობისა მოკლეობა...—მე ოდესეა მუხთალისა კაცისა პირსაცა შევესწარ“, მიჰმართავს ბესიკს: „შენცა იყავ ოდესმე, რომელ ურვისა მიწათა გლოვისა მოლთა აღმოამწვანებდი“-ო“³.

თითონ ბესიკიც მწარედ ჩივის „ენით მკვლელ გველზე“ (მიმართავაში დავით სარდლისადმი):

„ნუ—თუმცა გველმან,
ენითა მკვლელმან,
გმირსა ქედასა
დაგდვა საცილო?
ვაგე, თუ ხშითა,
შენცა ამითა
შეგროო სვედასა,
ჰსენა საწადილო!

...აწ გიკან, გველო,
სამოთხის განმამძეო,
გულურთ შემყვრელო.
გამყრელო, მამამძეო!

¹ ც. არ. 2, ხელნაწერი № 201; ასევე მოსთქვამს ბესიკის მეგობარი დავით რექტორი: „მეფე ირაკლი გამწიყრა. მტერთ უბრალოდ შემასწინეს“-ო (S. 105). „სოფელსა არქემდურეოდი, მარა უბრალთ დასჯასა ჩემსა ვეირი“-ო („მოამბე“ , 12, 1896). სასახლის ინტრიგებმა დაამხეს თვით ისეთი გავლენიანი ადამიანი, როგორიც იყო ბესიკის მეორე გულითადი მეგობარი დავით ორბელიანი „საქართველოსა შინა წარჩინებული ამირსპასნეტი და სამეფოსა პალატის სახლ-უზუცესი“. „მეფეცა ირაკლი მიიფვანეს მას მდგომარეობასა, რომელ „ჯამსა ერთსა, ბრძანებთა მეფისა ირაკლისა მიუღეს [დავითს] სარდლობა და სახლთუზუცესობა და რაოდენიმე ჯამამდე უპატიოდ იყო და განდევნილ სასახლი-დამ“ (A 3057).

² H 1193; პლ. იოსელიანისავე სიტყვით, მათ შეაძულეს ერთგულს ანახანუმის დები ნაზია და ანასტასია (იქვე).

³ S 105.

ლექსში „გამტყორცნა სოფელმა“ პოეტი ლაღადებს:

„მომესიენენ მტერი მკვლელად და მკვლელად!

ხოლო ლექსში „ცრემლთა ისარნი“ დასძენს:

„მოყვასთა ცრემლნი, სწვიმით ცხელნი, მტერი იხარენით!“

ვინ უნდა იყვნენ ბესიკის მტრები, რომელთაც მას „დასდევს საცილო“? ჩვენ გვგონია, ისინი უმთავრესად მაიას ოჯახში უნდა მოვძებნოთ.

უპირველესად, უნდა ვახსენოთ მაიას დედამთილი (მამუკას დედა) ანა ბატონი შვილი, შეურაცხყოფილა მაიას და ბესიკის რომანიტო. უსათუოდ ბესიკის სასტიკ მტრად უნდა მივიჩნიოთ მზექაბუკი ანუ ქაბუა ორბელიანი, როგორც მაიას მამამთილი, მამუკას ბიძა¹. მაშასადამე, ისიც აღმუშოებული ბესიკის რომანტიულ ისტორიით.

ქაბუას პასუხში ბესიკისადმი ნათქვამი:

„დაჭრილია დიაცურად, დასწყლულდების, დასწევას დაგით“—ხომ არ არის გულისხმობს ბესიკის უბედურ რომანს?

ყოველ შემთხვევაში, საყურადღებოა ქაბუას მწარე ნათქვამი ბესიკზედ, რომ ის „ოროგინობს“ (ოროგინე—აღუქსანდრიელი მღვდელი, რომელმაც თავისი თავი გამოისაჭურისა), ვფიქრობთ, ქაბუას ჩარევით ბესიკის რომანში უნდა იყოს გამოწვეული პოეტის ნათქვამი ქაბუაზედ:

„სამართალია, არ ღირს—იყო მავ სახელისა,
რადგან გიწვრთნია სიცრუე და ჭკევა მელისა:
შენნი მიჯნურნი ველად რბიან ბრალის ყელისა!
შენმა ვახეთქამ, გმზი მოჰკლავთ შენის წელისა,
რა იქნება, რომ შენის მირით მზეს უდარაო!“

„უპირო ვინმე ჰყოფილხარ, მუხთალი, მეტად ლადარი,
სიყვარულისა მკვებარი, მეშურნეობის სადარი.“

ამ სტრიქონებს უწერს ბესიკი ქაბუას, რომელიც პოეტს გადამეტებულ სამიჯნურო თვისებებს აბრალებდა.

მაგრამ თვით ქაბუა ბესიკს რაღაც მძიმე ბრალდებას უყენებს, როცა მახედ დაწერილ პასკვილში ამბობს: „ღვარძლიანობს, ღმერთს ლაღატობს“². და შემდეგ უფრო კონკრეტულად პოლიტიკურ სარჩულს უდებს ამ ბრალდებას: „ფიქრიანობს ფაშის ფარმით“³—ო. ექვი არაა, აქ ლაპარაკია ახალციხის ფაშასთან რაღაც კავშირზე. ცნობილია, რომ ახალციხის საფაშო საქართველოს მტრების ბუნაგი იყო, ხოლო ფაშა, როგორც ოსმალეთის შემოჩენილი აგენტი, ორგანიზატორი, აშკარა თავდასხმების ვარდა ქართლ-კახეთსა და იმერეთზე, აგრეთვე ინტრიგებისა და შეთქმულებებისა ერეკლეს წინააღმდეგ. და აქ ამ სიტყვებში ქაბუა პოეტს აბრალებს რაღაც საქმიანობას, კავშირს ახალციხის ფაშასთან, რომელიც ყოველთვის აღერსით ჰხვდებოდა ერეკლესგან გაქცეულ უკ-

¹ S. 1654

მაყოფილო ელემენტებს. ჩვენი ფიქრით, აქ ჭაბუას გადაკვრით აქვს ნათქვამი, რომ პოეტი ოცნებობს ფაშის ფორმანის შოვნაზე, ე. ი. თბილისიდან გაქცევაზე. ეს კი ჭაბუას მართლაც შეეძლო ეთქვა სწორედ 1776 წელს, როცა ბესიკის საქმე ირჩეოდა რომანის შემდეგ.

ამ შემთხვევაში საყურადღებოა ბესიკის პასუხში ის, რომ პოეტი ხაზგასმით უკიყინებს ჭაბუას „სიცრუეს“:

„ვინც კარგად გიცნობს, გაიღიმებს: „დი დი ცრუაო!“
... „რასაც იტყვოდი, ცრუ იყო დასაქადარი...“
... „გიწვრთნია სიცრუე და ქცევა მელისა“...“

პოეტი მას უწოდებს „შეფლიდებულს“, რომელიც „უკუღმართობს“ „მანკით“ ჰგავს „მელას“:

„ეშმაკსა ელაციცება,—ეს ედარების ეროდეს,
ვახილისკურად ვაგლახი“... და სხ.

და ბოლოს ჭაბუასგან მწარედ დაზარალებული ბესიკი აბრალებს „უბორობას“, „მუხთლობას“ და დასძენს:

გულქვაო, რასაც იტყვოდი—ცრუ იყო დასაქადარი!“

ამასთანავე, ჭაბუა ბესიკს ცოლისმწამებლად მიაჩნია.

ყოველ შემთხვევაში, ბესიკი რომ ჭაბუასაგან მწარედ ნაწენეცა, ამას მშვენივრად ჰპოწმობს ბესიკის მეტად გამეტებული და მწარე გამოხვედრები ჭაბუას წინააღმდეგ.

მაგრამ ბესიკს რომ რაღაც დანაშაული ჰქონია ჭაბუასადმი, ამას ადასტურებს მისივე 1788 წელს ჭაბუასადმი მიწერილს ეპისტოლეში გამოძვლავნებული სინანული:

„ვაზაკისა სახით მოსრული სამოთხის კარად განვიძრცვი
ბრალის ძონძთა ნაქმისას“.

და რომ ამ „ბრალს“ სხვა სარჩულიც უნდა სდენოდა, ამას უნდა გვიმტკიცებდეს ის ადგილი იმავე ეპისტოლედან, სადაც ბესიკი სთხოვს შუამდგომლობას:

„სიტყვითვე გვედრებ, სიტყვითა სამოთხეო, წარმიძღვ
გულის ქალაქად შაშვრალსა, განმისვენე“...“

და სახელდობრ, ის ადგილიც, სადაც პოეტი ამბობს:

„მიჰვეალენ, მზეო, მზისად აზიით სიმდაბლის ქებად
ოქროის ძღვნობით მურ-გუნდრუკების კმევად მეფეთ-მეფისად“.

„მეფეთ-მეფე“-ში, ჩვენი აზრით, ერეკლე მეფე უნდა იგულისხმებოდეს. ამასთანავე, ფეიქრობთ, ჭაბუა ერთი აქტიური მონაწილეაგანი და ხელის შემწყობი უნდა ყოფილიყო ბესიკის განდევნისა.

**

ადვილი წარმოსადგენია ერეკლეს განრისხება ბესიკზედ.

რუსეთის წარმომადგენელი პოტიომკინი გადმოგვცემს ერეკლეზედ: „ცხა-
რე ხსიათისაა, თვალის გამომეტყველება აქვს მკვირცხლი, არწივისებური“.

ყოველ მოსაუბრეს უზბლმეგრული, უკმუხენილი აცქერდება, ეს ალბად მიტომ, რომ გამოიღწოს მოსაუბრის გულის ნაღები¹.

„ქართველი ბატონი მწყრომალე და ყოველდღე უძვირესის განსაცდელის მოლოდება, დიდი ამბავია... „დიად მრისხანის სახით იყურებოდა“². ...„ამრეზით დამხვდა. არც არას მეუბნება, მაგრამ წარბზედ ვატყობ. ორიოთ საათს უკან გახსნა წარბი და საქმე კარ გათ მოხდა“³. ამბობენ ერეკლეზედ, შეშინებული კარისკაცები.

უფრო საშინელი იყო მეფის რისხვის მოლოდინი:

„ვზივარ და მოველი მინდატურთ შესაპრობად, გვემად, აღსაფორიაქებლად და დაშრეტად ჩემდა... თუ სამე გონებასა იპყრობთ, სცნობთ, სამს დღეს რისხვის მოლოდება მეფისა მონათათვის, ძნიად სატვირთავია, — განაგრძობს მეფის რისხვადამსახურებული კარისკაცი, აკლებისა და დაპატიმრების მოლოდინში — მოვალს ელჩი დესპანი, სრულიად აკლებასა იქმს შენსასა და მოვალს კიდევ სხვა ვზირი... და აჰა, მოვლენ მინდატურნი აღდებრად შენდა და მოვალს ყარაული მეუმილაფი, ისწრაფე სიულტოლად! აჰა, მწერალნი, ჯაშუში აღწერად სახლთა! და კვალად მოვალს მსტოვარი, — ჯერეთ არ მოსულანაა, იბძანა განძარცვა შენი!“⁴.

განრისხებულ მეფეს ზაფრა ემართებოდა და ზოგჯერ საკუთარი ხელითაც კი მსჯიდა დამნაშავეს. მეფის მდივანი იესე გადმოგვცემს, რომ გაჯავრებულ ერეკლემ თავის კაბინეტში საკუთარი ხელით სცემა ორ თავიადიშვილს — ძმებს აბა-შიძეებს. ერთს „ჭგემა ძლიერად“, მეორეს „ყური უსერა“. ცნობილი შეთქმული ამილახვარიც ჩივის, რომ „შეპყრობის დროს მეფე მას სცემდა წყებლით და ბოლოს მოთმინებლიდან გამოსულმა ხელში მარწუხი აიღო და ამილახვარს სხეულის დაგლეჯასაც კი უპირებდა“⁵.

ჩვენ არ ვიცით, რაიმე სასჯელი მიაყენა თუ არა ბესიკს ერეკლე მეფემ. ზ. ჭიჭინაძის სიტყვით, მეფეს მსაჯულეზი დაუბარებია და მათთან ერთად გადუწყვეტია პოეტის ვაღაჩეხა მეტეხის ნაპრალიდან ან ნარიყალის კლდიდან⁶. მაგრამ ერთერთ ბატონიშვილს დროზე უცნობებია ბესიკისთვის, რომელიც იმ დამესვე გაქვეულა⁷.

ბიბლიოგრაფიული მინაწერები კი გადმოგვცემენ, რომ ბესიკი მეფემ „საქართველოდამ „და ი თ ხ ო ვ ა“, „გ ა ნ დ ე ვ ნ ა“, „გ ა ა ვ დ ო“. გაგდება კი ალბად საქმის გარჩევისა და მსჯავრის შესდევ უნდა მომხდარიყო. საფიქრებელია, რომ ბესიკი შეიპყრეს „საიასაულო სახლში“, როგორც დამნაშავე. და თუ მართალია გადმოცემა მისი თბილისიდან გაპარვის შესახებ, მაშინ ბესიკი ცი-

¹ თავგ. იესე ოსენსვილისა, 93, 94.

² ც. არქივის სიგელების ფ. № 3545.

³ თავგ. იესე ოსენსვილისა, 102, 75, 76.

⁴ История Георгианская..., 1779. გამც: მისი ქართული თარგმანი S 99.

⁵ სხვა ადგილას — ავლახბრის ზიდიდან: „მელექსე ბესიკი კინაღამ ავლახბრის ზიდიდამ გადაგდებინა და მოაკლევინა ერთი რაღაც არშიყული ლექსის დაწერისათვის“. ზ. მთაწმინდელი, „ნიკოლოზ ბარათაშვილი“, გვ. 37.

⁶ „ბესიკი“. ზ. ჭიჭინაძის გამოცემა, გვ. 7.

ზიდან უნდა გაპარულიყო, შესაძლოა, ლევან ბატონიშვილის და დავით სარდლის დახმარებით (უკანასკნელს სარდლობასთან ერთად მაშინ, ქალაქის მოურავის თანამდებობაც ეკურა)¹.

საყვარელი და აყვავებული თბილისის დატოვება, სადაც ბესიკს ამდენი მეგობარი, ტოლი და მოყვასი ჰყავდა, ამდენი დამფასებელი და თაყვანისმცემელი, და სამაგიეროდ მაშინდელ უდაბურ ქუთაისში დასახლება, რომელიც 1770 წ. ოსმალთა განდევნის შემდეგ ქოხებს და ნანგრევებს წარმოადგენდა, პოეტისთვის მეტად სამძიმო ხედური უნდა ყოფილიყო.

უფრო შტანჯველი უნდა ყოფილიყო მაისთან სამუდამო განშორება, რაც ჩემის აზრით, პოეტს უნდა გამოეტიროს შესანიშნავ, ბაირონისებურ პათოსის ლექსში „გამტყორცნა სოფელმა“:

„გამტყორცნა სოფელმა, მოვშორდი მზესა,
დღენი ჩემნი წარვლენ ბნელად და ბნელად;
რაყიფად შემეკმნა ბედივე ჩემი;
სიცოცხლეს ლა ეჰპოვებ ძნელად და ძნელად!

ვინ ჰპოვა სოფლისგან ბედნიერება?
ვინცა სცნობს წყეულსა—დაეკრძალება,
უნუგეშოს მართებს მართლად ვება,
სტიროდეს და რზოდეს ველად და ველიდ!

მიჯნურთ აგან რა გსურს წუთისოფელსო,
ყოველთა მეღეჭეთა დამღუმებელსო!
ჩემებრ ბედწარსულზედ გინდა ისახელო?
დამსვი გულმდულარედ, მწველად და მწველად!

ესტირი, მაქვს მე საესე ცრემლითა კალთა,
მე ჩემს ღონეს ვსტირი სინათლის თვითთა;

¹ საფურადღებოა, რომ Бутков-ი და Буришев-ი ბესიკს „გაქცეულად“ იხსენიებენ (რ. Материалы, II, 183 და Картина Грузии, გვ. 22). ბესიკის დაბატონების საკითხთან დაკავშირებით, საინტერესოა ერთი შემდეგდროინდელი ცნობა, რომელიც შეიძლება ერთგვარ, გვირგვინად გამოვიყენოთ.

1832 წ. შეთქმულების მთავარმონაწილეთაგანი ალექსანდრე ორბელიანი, უკვე დაბატონებული, ციხიდან ორჯულ ფაჯულად სწერს თავის მუფულეს:

...„ბესიკის ნათქოში „ცრემლთა ისარნი, მოსისხარნი ჩვენდა არენით“, — დამიწერეთ და ჩუმათ გამომიგზავნეთ“.

...„ბესიკის ლექსი „ცრემლთა ისარი“ (sic) დამიწერეთ და გამომიგზავნეთ“ იხ. ლიტერატ. მუხუმის ბუნდარევი № 279).

როგორც ვიცი, „ცრემლთა ისარი“ დაწერილია ბესიკის განდევნის დღეებში. იგი პოეტის ტრალეკულ დღეების სახსოვარია. სწორედ ამ ლექსს თხოულობს ციხეში ა. ორბელიანი. რა მნიშვნელობა უნდა ჰქონოდა პატივმარ რომანტიკოსისთვის ამ ლექსს? შევივლიან ვიფიქროთ, მას ბესიკის დაბატონების ანალოგია გასხვავდა.

მე, ბესიკს, მესიზმრა საწუთრო ვალთა,
მომესივნენ მტერნი მკვლელად და მკვლელად !*

გარდახვეწილ ბესიკს სრული უფლება ჰქონდა, ეთქვა:

„რაც მიიწერა სოფელმან, ველარ დაეთვალე ამრითა,
მისი სიმწარე ყოველი, გულს გარდამრთხმინან კამრითა!“

* თუმცა ეს ლექსი დღეს სადავოდ არის მიჩნეული, (ა. ბარამიძე) ალბად იმ დრომდე, ვიდრე ბესიკის ავტოგრაფი არ აღმოჩნდება.

შემთხვევით უნდა ვისარგებლოთ და ორიოდვე სიტყვით აღვნიშნოთ, რომ ბესიკის ტექსტების დადგენის საქმე დღემდის ვერ არის მოწესრიგებული. რასაც კი ჩვენამდის მოუღწევია და სამუდამო დალუკვაჲ გადარჩენილა, ისიც ხშირად დამახინჯებულია გადამწერლებისაგა და მომღერლებისაგან. სამწუხაროდ, ვერც ბესიკის რედაქტორ-გამომცემლებმა შესძლეს ამ საქმის საბოლოო მოვარება. მაგ, ავიღოთ ბესიკის უკანასკნელი გამოცემა (1932 წ.) ა. ბარამიძის რედაქციით. მიუხედავად საქამაო შრომისა და ხოჯი საყუარადღებო შესწორებისა, რაც მკვლევარს შეუტანია, ეს გამოცემაც არ არის აცილებული გულდუფეტბის. ასე, ბარამიძისა ც, კიკინაძისა და გორგაძის მსგავსად, ბესიკის თხზულებებში ხოჯი ისეთი ლექსი შეუტანია, რომ ლიც ბესიკს არ ეკუთვნის. მაგ ლექსები: „ვნახე პირმხე“, „ტაშა მას დღეს“, „სევდის ლაშქარი“, რომელიც ბესიკის ეპიგონის დომიტრი თუმანიშვილის შემოქმედებაა. როგორც თვით თუმანიშვილიც გვიდასტურებს: („რაც ზემგან ნათქვამი ლექსებია, ამის ქვემოდ დაიწერება“,—ამბობს იგი სხნებულ ლექსების შესახებ (ს 1534).

ბესიკის „სადავო“ განყოფილებაში შეტანილი ლექსები— „ლაღებს ბაგეს“ და „თენს ბნელს გულსა“, უდავოდ ეახტანგ თრბელიანს ეკუთვნის (იხ. ხეობთ, გვ. 368). არა გვგონია, ბესიკს ეკუთვნოდეს გინდაც, ეკვით ისეთი ლექსები, რომლებიც ბარამიძეს იმავე განყოფილებაში შეუტანია, მაგ. „მოით მიწუნურნო“, „როს განვიცოდავ ბედქრულმან“, „დილის მთიებს“, „შევეკრთი, როს ვნახე“, „სულავსა პირსა“, „რხევით ნახო“.

ყოვლად დაუშვებელია ბესიკის ნათქვამად მიიჩნიოს რედაქტორმა, მაგ. ისეთი ბანალური ლექსი, რომელიც შესანიშნავ ლექსს „გამტყორცნა სოფელმა“ ხორციელად აქვს მიკვრებული:

„მე მოხად შევეკნილვარ ერთისა მხისა,
იგი ჩემთვის კვდება და მე მისთვისა (!)
არ იქნა, არ შემხვდა ჯამი შეყრისა,
ორთავ სიცოცხლუ გეჩანს მწარედ და მწარედ!
არც დღეა ჩემავის, არც ღამე—ღამე,
მოდით, მეგობარო, მიშველეთ რამე!
ჩემს საყვარელთან წასვლა მინდა მე(!)
მეც მას თვის ვუძღვნი მარად და მარად(!)“

ბარამიძეს კი ეს კავალენია შეაკეს „სადავო“ განყოფილებაში, თითქოს იგი რაიმე შანსებს იძლეოდეს ბესიკის პოეზიისათვის მისაკუთვნებლად. გორგაძეს კი, ლექსი „გამტყორცნა სოფელმან“ სამართლიანად მიჩნეული აქვს ბესიკსად და დაბეჭდილიც უამხორციელდა (გვ. 27).

ლექსი „რაც მიიწერა სოფელმან“, ბარამიძის ცალკე ლექსად აქვს დაბეჭდილი მაშინ, როცა იგი წარმოადგენს პოემის „ასპინძის ომის“ ორგაბოლ ნაწილს.—პროლოგს, შესავალს, წინამთხვეას, რომელშიც პოეტი განმარტავს, თუ რა მიზეზით დაწერა მან პოემა და რატომ მიუძღვნა იგი დავით სარდალს. ამიტომ, შეუძლებელია ამ ლექსის ჩამოთლა ძირითად ტექსტიდან და მისი ცალკე დაბეჭდა.

უნდა ავნიშნოთ ხოჯი წეროლმანი შეცდომებიც, რომელნიც გადამწერლებს მოსვლიათ და რედაქტორებს დაუკანონებიათ. მაგ. ერთი ადგილი ლექსისა მიჩიან ბატონიშვილზე, დღემდის ყველა გამოცემაში და ბარამიძის გამოცემაშიც ასე იკითხება:

„გიორგი, გრიგოლ,
ერთად თაფლიგოლ“ (გვ. 79), რაც სრული უახრობაა.
უნდა იყოს: „გიორგი, გრიგოლ,
ერთად თაფლიგოლ“.

ბესიკის ეპისტოლეს ერთი ადგილი მხეკაბუჯ ორბელიანისადმი, ბარამიძეს ასე აქვს დაბეჭდილი:

...და მქისესა მდელოსა შეწიერნი ფერხნი დასტკებნიან“ (გვ. 83) უნდა იყოს:
...მდელოსა შეწიერნი ფერხნი დასტკებნიან“ და ს.წ.
აღნიშნული შეცდომები მომავალში თაიდან უნდა იქნას აცილებული, ისევე, როგორც სასურველია თვით ბესიკის ტექსტების უფრო შესაფერი დალაგება.

**

რომელ წელში უნდა მომხდარიყო ბესიკის განდევნა?

როგორც ირკვევა, ბესიკისა და ჭაბუას ინციდენტი 1776 წელს მომხდარა¹. ამ დროისთვის ბესიკი ისევ თბილისში ყოფილა².

თბილისშივე სჩანს ბესიკი თვით 1777 წლის „ჩინების დამდევს“, ლევან ბატონიშვილის კარზედ³.

ხოლო 1778 წელს (დაახლოებით იელისში) სოლომონ იმერთა მეფე მას ჭგზაენის სპარსეთში ქარიზმთან ალექსანდრე ბატონიშვილის ჩამოსაყვანად.

*

ბესიკის სპარსეთში გაგზავნას, ჩვენს ლიტერატურაში 1779 წლით ათარიღებენ (ბროსსე, Histoire de la Georgie II, წ. 2, გვ. 247; ს. გორგაძე, „ბესიკი“, XII, ქ. კმეკელიძე, ლიტ. ისტ., II, 464; ა. ბარამიძე, ბესიკი, გვ. 36 და სხ.), რაც უსათუოდ შეედომია.

თვით ბესიკი გვიამბობს თავის დღიურში, რომ იმერთიდან რაჭით და ოსეთით გამგზავრებულა, ის ჯერ კიდევ აგვისტოს 28-ს მოზღოვში იმყოფებოდა. იქიდან ყიზლას-ოზე გავლით „ათხრამეტოდღე“ დღე ასტარხანს გაიხრებულა, მაშასადამე, ასტარხანიდან სექტემბრის ბოლო რიცხვებში გავიდა და ასტარხანიდან რეშტამდე ზღვით მოგზაურობას „ოცდამეათცხრამეტ“ დღე მონდომნია. რეშტიდან მეექვსე დღეს ყაზმინს ჩასულა და ასე, ერთნის სხვადასხვა ქალაქებზე გავლით, გაუგრძელებია გზა შირაზისაკენ. ამრიგად, ბესიკს უნდა ჩაეღწია შირაზში არა უადრეს ხოვმბრის მიწურულითა, ანუ დეკემბრის პირველ რიცხვებისა.

ცხადია, გინდაც მეორე დღესვე გამობრუნებულიყო შირაზიდან, ასეთი ძნელი და გრძელი გზით, ბესიკი იმავე დეკემბერში იმერთს ვერ დაბრუნდებოდა. უსათუოდ, ბესიკი იმ ზამთარს სპარსეთში დარჩა, მოელაპარაკა ალექსანდრე ბატონიშვილს, სოლომონის დედალბით წარუდგა ქარიზმთან და 1779 წლის გაზაფხულზე (დაახლოებით აპრილს) ალექსანდრესთან ერთად შირაზიდან წამოსული, იმავე წელს აგვისტოს მობრუნდა იმერთს⁴. ამნაირად, 1779 წელს მობრუნებული ბესიკი, 1778 წელს გამგზავრებულია სპარსეთში⁵.

¹ ბესიკის შესარიგებელ ეპისტოლედან მზეჭაბუკ ორბელიანისადმი (ა. ბარამიძე, გვ. 82—87). რომელიც დაწერილია 1788 წელს, ირკვევა, რომ ეს ინციდენტი, ზუსტად, 1776 წელს მომხდარა (აქვე).

² იმ დროს ჭაბუას მიერ ბესიკზე დაწერილ პასქელიში ნათქვამია:

„ჩენი ჩემსა ჩაზეოდა, ჩხარს ჩაიდა, ჩავლა ჩოლით“.

აქედან შეგვიძლია დაგვესკვნა, რომ ბესიკი 1776 წელს უკვე იმერთს ჩასულა, მაგრამ, როგორც წინა სტრიქონიდან სჩანს, აქ ლაპარაკია ბესიკის მამის ზაქარიას რუჰეთიდან იმერთში ჩამოსვლაზედ.

³ მასალები საქ. ისტორიისათვის, გამოც. ნ. ბერძენიშვილისა, I, გვ. 57—58.

⁴ 1779 წ. 11 ენენისთვეს, ახალციხელ მღვდელს, ნოჯავანთ იოვანეს თავის დღიურში შეუტანია: „ზაქარიის შვილის ალექსანდრეს მოსვლა თქვენს იმერთს, სპარსეთიდან რომ გამოიპარა“ (2782, გვ. 37).

⁵ ბესიკის სპარსეთში გამგზავრების თარიღის შესწორებასთან ერთად უნდა შესწორდეს პოეტის დაბადების თარიღიც. დღიურში ბესიკი ამბობს, რომ სპარსეთში წასვლის დროს ის იყო „28 წლისა“. მაშასადამე, ბესიკი დაბადებულა არა 1751 წელს, როგორც ჩვენ (იხ. ზემოდ, გვ. 361) და ბესიკის სხვა მკვლევარებიც დღემდე ვასკენდით, მისი სპარსეთში გაგზავნის არასწორ თარიღზე დაყრდნობით, არამედ (1778—28 წელი) 1750 წელს, რაც სრულიად ესწორება პოეტის საელაღის ქვის წარწერას.

ამრიგად, დღეიდან ისევე უნდა შესწორდეს ბესიკის დაბადების თარიღიც.

მამასადამე, ბესიკის თბილისიდან განდევნა 1777 წლის იანვრისა და 1778 წლის ივლისის შუა უნდა მომხდარიყო. მაგრამ იმერეთში ჩასულ ბესიკს ხომ უცბად არ გაგზავნიდა სოლომონ მეფე სპარსეთში, ისიც საპასუხისმგებლო დავალებით. თბილისიდან ჩასვლის დღიდან, სპარსეთში გამგზავრებამდე რაიმე დროს ხომ უნდა გაველო. ამიტომ ბესიკის განდევნას უფრო 1777 წელს მივაკუთვნებთ (იანვრის შემდეგ). მართლაც, ამ წლიდან ბესიკი თბილისში მყოფად აღარც ერთ საბუთში აღარ იხსენიება.

**

საბოლოოდ შეიძლება ითქვას: ბესიკის რომანი, რომელიც დაახლოებით 1772—3 წელს უნდა დაწყებულიყო, გამოქვეყნებულა 1776 წელს, რასაც მოჰყოლია ერეკლეს წყრომა და მამუკას ნათესაობის წარმომადგენლებთან ერთად ქაბუა ორბელიანის გადაკიდება და მისი პასქეილი ბესიკზედ. შედმიყოლებით, მოკლე ხანში უნდა მომხდარიყო ერეკლეს მსჯავრი ბესიკზედ, გამოწვეული „ბატონის რძლის“ მაიასთან გამოჯნურებით. რომანტიკულ თავგადასავლთან ერთად, აგრეთვე რაღაც პოლიტიკური, ნებითი თუ უნებური დანაშაულის გამო ბესიკი გაქცეულა, გაპარულა იმერეთს.

პოეტის განდევნა რომანის გამოქვეყნებას უნდა მოჰყოლოდა და ეს კიდევ საღუთს გვაძლევს ვიფიქროთ, რომ ბესიკის მთავარი ბრალდება მაინც მაიას სიყვარული უნდა ყოფილიყო. ანონიმი პოეტიც ხომ გადმოგვცემს, რომ ბესიკი მაიას გამო „გაიკრა“.

თუმცა ბავშვობიდანვე ერეკლეს მიერ დაჩაგრული ბესიკი, შესაძლოა მართლაც ჩარეულიყო გინდაც უნებურად, მისი ოჯახის დამამზობელ მეფისა და ქათალიკოზის საწინააღმდეგო საქმიანობაში, მით უმეტეს, იგი, როგორც პოეტი და როგორც მოქალაქე, არა ყოფილა აღტაცებული ერეკლეს პიროვნებით. ცხადია, ოჯახური მიზეზების გამო. მაგრამ თვით ბესიკი არა სთვლიდა თავს მეფესთან დამნაშავედ და შესაძლოა, ის მიზეზები, რაც „მტრებს“ და ვინდ ანტონ ქათალიკოზს და ქაბუა ორბელიანს უნდა მოეკრიფათ, რაზმდენიმედ ხელოვნური ყოფილიყო.

ოკდაშვიდი წლის ბესიკმა თბილისი დასტოვა სამუდამოდ...

(დასასრული შემდეგ წიგნში)



